





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.346





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.346





Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.346

2. 6. 346

2 M. 6



XXXIV

FABR

*[Faint, illegible handwriting]*

*[Faint, illegible handwriting]*



Nobilissimo ac litteratissimo viro,  
ANTONIO MAGLIABECHIO,

Ser.<sup>mo</sup> Magnae Hecuniae Duci a Conspici et Bi-  
bliothecae, Polyhistori famigeratissimo, librum  
hunc dono mittit  
Auctor.



JOHANNIS FABRICII

D. & Prof. in Acad. Julia

ordinarii

AMOENITATES  
THEOLOGICÆ

varii

& selecti argumenti.

*Opus tam sacra, quam alia studia tra-*  
*ctantibus, nec non peregre abeuntibus haud inutile.*

In quo

quid præstitum sit,

docebit Præfatio.

Syllabus autem materiarum, quæ

tractantur, in aversa hujus folii parte  
exhibetur.



HELMESTADII,

---

Apud Georg. Wolffgangum Hammium,  
Acad. Typographum.  
M D CIG.



In hoc volumine continentur  
**DISSERTATIONES IX.**

- I. *De Denario S. Petri.*
- II. *De Erroribus pictorum contra historiam sacram.*
- III. *De Prudentia ecclesiastica.*
- IV. *De Religionis ob temporale commodum mutatione.*
- V. *De Moderatione theologica.*
- VI. *De Scylla theologica.*
- VII. *De Theologia eclectica.*
- II X. *De Ecclesiis domesticis.*
- IX. *De Paradoxis theologicis.*

**ORATIONES IV.**

- |  |  |
|--|--|
| I. <i>De Utilitate itineris Italici.</i>   | } Cum iustis & necessariis Annotationibus, |
| II. <i>Valedictoria, Altorfii habita.</i>  |  |
| III. <i>De Utilitate itineris Germanici, Belgici &amp; Gallici.</i>  |  |
| IV. <i>De Pietate &amp; prudentia Divi JULII, D. B. &amp; L. in condendis Statutis Theologici in Academia Sua Julia Ordinis.</i> |  |

Item,

*Bulla Cœnæ Domini, qua quotannis in die Cœnæ Domini, excommunicationem peragit Papa Romanus, Latine & Italice.*

*Programma de Auctoris vita & studiis.*

*Nobilis-*





*Nobilissimis & amplissimis Viris,*

JOHANNI BEHMIO M. D.  
J. CHRISTOPH. POMMERO  
ANDR. INGOLSTÆTTERO

JOHANNES FABRICIVS

Salutem & Felicitatem.

**I**N dedicandis libris, placet mihi hactenus eorum mos, qui suo se pede metientes, æqualibus & amicis, si quid edendum est, inscribere & consecrare solent; ut ita occasionem habeant, eorum virtutes, & rationem initæ cultæq; cum ipsis amicitia, etiam publice commemorandi. Nihil enim suavius est vera & honesta amicitia, nihil etiam, ad alios tali exemplo inflammandos, melius atq; efficacius. Et vestrae quidem virtutes, Viri optimi, quarum causa amare vos cœpi, & non solum in amicitiam, sed & familiarita-



DEDICATIO.

liaritatem vestram me insinuavi, omnino singulares sunt atq; eximix, sive junctim, sive seorsum a me considerentur. Nam, ut abste dicendi initium faciam, excellentibus Medicis annumerande BEHMI, in pueritia Parentibus orbatus, durisque usus initiis adolescentiæ, eas tamen egregiæ indolis scintillas emisisti, ut prudentiores ad liberalem quandam artem te non ineptum esse judicarent. Posito itaq; binarum linguarum fundamento, tantum in pharmaceutica, cui te illi tradiderant commendaverantque, profecisti, ut non modo heri tui secretiores operationes chemicas tibi inter reliquos ministros soli concederent, sed magnus etiam *Zwölferus* auctor tibi existeret suasorq; , ut horis subcivis medicinæ studium tractares: prævidebat enim vir clarissimus, atq; in se ipse expertus fuerat, interdum ex perito pharmacopœo præstantissimum evadere Medicum. Neque ejus consilium eventu caruit. In diebus enim feriatis, quum commilitones lusibus aut computationibus tempus fallerent, tu, ne te ipse falleres, & spem Patroni illius, libris Medicorum evolvendis operam impendisti, illisq; commilitonibus tuis altum, & in utramvis aurem dormientibus, insomnes sæpe noctes duxisti. Ita factum, ut  
infi-



DEDICATIO.

insignem tibi comparares in novo studio notitiam,  
& fiducia profectuum tuorum fretus, Patavium  
proficisceris, in nobilissimum scientiarum & ele-  
gantiorum literarum, ac præcipue medici studii  
emporium, ut, quæ tibi deessent, sub celeberrimis  
illis Machaoniæ artis Professoribus addisceres, do-  
nec tandem, perspectis eruditione meritisque tuis,  
omnium calculis Doctorum, & cum aliorum præ-  
stantium virorum, ac studiosæ juventutis applausu,  
*Doctor* renunciareris. Quam dignitatem adeo de-  
core tuitus es, ut a Præfecto Xenodochii, *faculta-*  
*tem secandi* corpora humana, & *operationibus chi-*  
*rurgicis* manum adhibendi, facile, quanquam raro  
exemplo, impetrares. His præfidiis instructus, non  
dubitasti ad salutaris scientiæ *exercitium* accedere,  
idq; non in vili aliquo oppido, aut parva urbe, sed in  
Venetorum metropoli, quæ orbis miraculum est,  
fufcipere. Nec caruit hic conatus felici exoptatoq;  
succellu: nam ut primo, ita & postea multis aliis  
ægrotis, valetudinem, quam amiserant, optimis re-  
mediis, Deo auxiliante, restituiſti. Vnde & nomen  
tuum magis magisque inclaruit, & illustre *Medi-*  
*corum Collegium*, quod in illo mundi theatro est,  
albo te suo lubens inseruit, *Summiq; Imperantium*



DEDICATIO.

*Legatus* tua aliquando opera uti voluit. Quod quamvis in aliis magnam laudis partem possit absolvere, nihil in te tamen, vel parum est, respectu virtutum, quæ in te lucent, ut sidera in cœlo, suntq; Probitas, Integritas, Constantia. Quarum quidem ipse fui observator & admirator per plusculum temporis spatium, quando convictu mihi frui tuo licuit, & amicitiae munus ita explere, ut nunquam tecum redierim in gratiam. Sed, ne quid auribus dare videar, prætereo cætera, quæ omnino etiam celebranda essent, atq; ad te me converto, nobilissime POMMERE, qui sub eodem cœlo vivis, & in eadem æternæ Reipublicæ civitate virtutes dotesq; tuas exferis. Neque illæ meo indigent encomio, quum ab omnibus, qui te nōrunt, laudentur. Nōrunt autem cum inter Venetos plurimi, tum etiam multi exteri, quod, postquam fidelem in re mercatoria operam præstitisti, ejusque causa itinera fecisti per Germaniam, Belgium & Italiam, in Apuliam & Calabriam usque, (quo alii non facile pertingunt, quasi via ad Brundisium esset interclusa) adeo tibi faventem DEVM fuisse, ut negotiationem, a tenuibus valde initiis, per te ad summum perduceret, nemine, quod mirum, invidente,



DEDICATIO.

dente, quum singularis humanitas tua omnium animos lucraretur, tibi que obnoxios redderet. Cui virtuti & multæ aliæ accesserunt, atque inprimis Pietas, Candor, Prudentia, Sobrietas, & Liberalitas in pauperes. Atque has remuneratura Divina Providentia, effecit, ut non duntaxat splendidum *Consulis Germanicæ Nationis* officium, quod ambulatorium est, tibi conferretur, sed & perpetuus evaderes inclytæ *Nationis Suevicæ Consul*, ac tandem etiam Serenissimi DVCIS WÜRTENBERGICI *Consiliarius*. Nec dici potest, quam facilem nonnemo te repererit cum clarissimo BEHMIO, ad liberalitatem erga Lyceum Altorfinum, in quo tunc docebat, exercendam. Simul enim ac vobis exposuit propositum suum de donatione aliqua ad pios usus illi studiorum Vniversitati, in qua primum lucem adspexit, facienda, gratumque sibi fore, si & vos symbolam conferre vestram, sodalitiumque in tam sancto proposito secum inire velletis, non tantum promptissimi statim fuistis, omnemque rei ordinandæ curam ei permisistis, sed & consensistis lubentissime, ut ante suum aliam in Academiam abitum, almæ Altorfianæ, communi trium nomine, M. floreni  
b scribe.



DEDICATIO.

scriberentur. Sed similem, ac maiorem etiam dicendi materiam tu mihi suppeditas, amplissime INGOLSTÆTTERE, qui Deo duce, & dexteritate tua comite, in honorabilem evasisti virum, quem domestici & exteri laudant & admirantur. Placuit enim DEO O. M. opulentiam & benignitatem in te suam demonstrare, tuisque negotiis, quibus religionis & precum studium, scientiam & ejus usum, integritatem & circumspeditionem, assiduumque laborem & operam indefinenter jungebas, usque adeo benedicere, ut gaudere & gratulari tibi hoc nomine, tandemque, misso negotiorum æstu, fortunas tuas in portum subducere poteris. Quando autem in illo vitæ genere adhuc versabaris, non ei soli vacasti, sed magnam temporis partem impendisti legendis variarum linguarum, ut Latinæ, Gallicæ, Italicæ, Hispanicæ, Belgicæ & Anglicanæ, (omnes enim illas, quod notorium est, tibi familiares reddidisti) scriptis selectioribus, aliquam etiam interdum pangendis carminibus: atque in hisce adeo felicem te comprobasti, ut vel optimi Poëtæ ea summopere laudarent, honestissimumque in societate sua locum tibi ultro offerrent & concederent. Vt alios fecundæ



DEDICATIO.

cundæ tuæ venæ bellulos partus præteream, quid nervosius & elegantius pariter esse potest illis strophis, queis (\*) seriem & ordinem atque officium astrorum coelestium mira suaviq̃ue brevitate complexus es? Non jam inquiram, unde tibi iudicii illam vim, ac prudentiam illam singularem, postquam a studiis academicis ad mercaturæ negotia te contulisti, acquisiveris; sed hoc tantum liceat mihi dicere, quod tota fatetur Noriberga, te non minus de civilibus, quam mercatoriis rebus optime judicare. Vnde & lites privatorum, & abstrusiora, sæpe ad te, tanquam virum sapientem, deferuntur, ut illas componas, hæc autem enodes & explices. Quod quidem alioquin etiam spectat ad spectatissimum *Præfecturæ fori mercatorii* officium, quod meritis tuis collatum est, & juxta cum tribus optimis Collegis decore a te geritur. Sæpe fit, ut, qui bono præditus est ingenio, & iudicio pollet, animi tamen sensa non satis feliciter sciat promere, & quando loquendum, præcipue coram conspicuis viris, scribendumve, tunc ei aqua hæreat, aut cælum terræ misceat. Ast te benignissimum Numen tantis instruxit dotibus, ut non modo in-

b 2

tricata

(\*) Strophæ istæ sub finem hujus libri exhibentur, e quibus sane præstantia Poëtæ, tanquam leo ex ungue, cognosci potest.



DEDICATIO.

tricata discernere, suo quæque loco ponere, rerum momenta ponderare, de quæ diversis diversimode judicare, sed & tali sermone & stylo sententiam tuam proferre valeas, ut eo nihil sit acceptius, nihil quæ gratius. Experti hoc sunt plus una vice perillustres viri, ad quorum consultationes de re monetali, tanquam ejus peritus, faventissime vocatus fuisti. Animi enim tui sententiam de modo extirpandæ improbæ ac adulteratæ monetæ dicere jussus, tam expedite & tam eloquenter eam significasti, ut ipsi excellentissimi Legati, qui rerum peritiam, judicii robur, & sermonis ornatum, indefesso studio, multo quæ usu sibi conciliârunt, præclara & rarissima ista ornamenta tua tacite admirarentur, te quæ eorum causa & amare & æstimare occiperent. Sicuti autem gloria virtutem sequitur, ita meritis tuis sua non defuere præmia. Etenim MAGISTRATVS ille, qui a multis seculis ob sapientiam & munificentiam singularem, apud ipsos etiam externos, summopere celebratur, affectus in te sui ostendendi causa, honoratis te muneribus ornavit, quando ob res præclare gestas, inter *Executores stipendii Crausiani*, te, ut ingenuorum civium florem selectissimum, esse voluit, tandem quæ, quod singu.



DEDICATIO.

singularis virtutis & spectatæ fidei argumentum est  
certissimum, ex *lxx. regionibus elegantissimæ urbis*,  
in qua binas domus habes & amplissimas & niti-  
dissimas, unam tuæ concredidit integritati, tuæque  
curæ, atq; ita amplissimo ordini, in quo gravissimi  
Senatores ac bene meriti Patricii conspiciuntur, sin-  
gulari plane exemplo, te associavit atq; adscripsit.  
In tanto autem opum & honorum affluxu, non  
avaritiæ indulges, nec cristas erigis, sed liberalitati  
studes & moderationi. Beneficum te præbes non  
erga pauperes modo, sed & literatos, literarumque  
studiosos, nec minus erga externos, quam cives. Et  
in dandis studiosæ juventuti beneficiis hac uteris  
cautione, ut pecuniam quidem ad solvendum di-  
dactrum lubenter suppedites, non autem ad alen-  
dam, sub honorifico speique pleno *Studiosi* nomi-  
ne, desidiam vitamq; dissolutam. Domus tua pry-  
taneum est, in quod viri docti & virtutum amantes  
certatim quasi involant; nec hebdomas, aut fere  
dies abit, quin tales convictores habeas; & quam-  
vis, pro modestia tua, te ab illis aliquid discere velle  
præ te feras, revera tamen eruditis & piis colloquiis  
tuis doctiores eos dimittis, ac meliores. Quoties  
ego, qui minima sum eruditionem sectantium por-



DEDICATIO.

tio, beneficio hoc abs te maētatus sum! Immo tandem, quum Altorfio discessissem, Helmestadium profecturus, me juxta cum familia in ædes tuas recepisti, lautissimeq; per plures dies tractasti. Neq; mihi tamen vel aliis benignitatem expertis tuam, de redhostimento licet cogitare: nam omni alia re potius, quam liberalitate, vinci te pateris. Ita fit, ut & ego & alii æternum tibi devincti maneamus. Neque vero intra hos, quos modo delineavi, terminos subsistit, sed ultra progreditur beneficentia tua, eamq; erga Academiam Altorfinam, cujus, quod ad privilegia attinet, amplificationem omni studio & labore quæsivit magnificus SENATUS Noribergensis, binis vicibus luculenter atque egregie ostendisti. Primo enim *Systema mundi Copernicanum*, a celebri Astronomo, pictore & sculptore, G. C. Eimmarto, ex aurichalco affabre confectum, & abs te, communiq; quondam amico nostro, Jacobo GRASSELIO, C. aureis ducatis, seu CCC. & amplius florenis redemptum, (quod & laudatus artifex cum præfa-



DEDICATIO.

præfatione doctissimi J. C. Sturmii, Latino postea  
descripsit idiomate) Universitati illi donâsti; ac  
deinde, ad perficiendum Ordinem Theologicum,  
cui facultas creandi Licentiatos & Doctores de-  
erat, ærario fidelissimæ CÆSARI suo Reipublicæ,  
durissimi ac diuturni belli immensis sumtibus  
exhausto, necessarias expensas ultro tulisti, & *M.*  
*florenos* numerâsti dicam? an profudisti, vel sic  
etiam laudatissimæ Reip. bonum civem, celebra-  
tissimæ vero Academiæ, & cumprimis Theologi-  
co Collegio, pium Mæcenatem te exhibens. Ne  
quid dicam de *novo beneficii genere*, quod ad decus  
& splendorem ejusdem Athenæi, post abitum me-  
um, præstare voluisti: id enim aliis deprædican-  
dum relinquo. In quibus omnibus inusitatis o-  
peribus tantum abest, ut laudi & gloriæ inhiave-  
ris, ut potius eam apud illos, quibus omnino in-  
cumbebat, tanta beneficia encomiis efferre, stu-  
diosissime deprecatus fueris, quippe qui mavis  
benefacere, quam ob benefacta laudari ac cele-  
brari. Eximia autem hæc decora vestra, Viri præ-  
stantis-



DEDICATIO.

stantissimi, & singulares hæ virtutes, quæ in vobis  
deprehenduntur, & simplici stylo descriptæ, aut  
potius adumbratæ duntaxat a me fuerunt hæcte-  
nus, impulerunt me, ut præsens *Exercitationum  
Academicarum* opus, quod maximam partem in  
Lyceo patrio, cui tantopere favetis, conceptum  
& ortum, in hac autem celeberrima Julia multis  
in locis correctius auctiusque redditum est, & cui  
inedita quædam accesserunt, clarissimis Nomini-  
bus vestris nuncupem atque inscribam. Illud igi-  
tur benevole accipite, & mei erga vos studii, gra-  
tiq; animi testem publicum ac perpetuum esse pa-  
rimini, dum ego, pro continuatione salutis & feli-  
citatæ vestræ, DEVM indefinenter rogaturus sum,  
nec, ut per me detrimenti quid capiat amicitia  
nostra, unquam concessurus. Valete. Dab. Hel-  
mestadii in Academia Julia, pridie festi Pascha-  
lis A. C. 1699.

Præfa-



# PRÆFATIO.

**E**N tibi, Lector benevole, Exercitationes meas Academicas, quas certis de causis, Amœnitatum Theologicarum nomine insignire libuit, easq; multo, quam antea, correctiores & auctiores: ita ut, si cum prioribus conferantur editionibus, novum fere opus videri queant. Accesserunt etiam huic editioni IV. Orationes, quarum non nisi prima exstabat impressa, & CCXXIV. Paradoxa. Ut autem ab hisce, in alma Julia conscriptis, & XXX. illis, quæ in Academia proposui Altorfina, Centuria Paradoxorum, Jenæ, pro impetrandis honoribus privilegiisq; doctoralibus, a me defensa, dignosci & secerni posset, singula inauguralia ista asterisco notavi, atque in universum CCCLIV. secundum seriem & ordinem Locorum Theologicorum exhibui. Neque etiam operæ peperci, quin triplicem conficerem Indicem,

c


cem,



PRAEFATIO.

cem, videlicet Auctorum, Dictorum Scripturae, & Rerum: novi enim, quantum saepe impeditenti & fastidii injiciatur Lectoribus, si scripta, praesertim talia, absque indicibus eduntur. Deprehendes autem, amice Lector, ex horum scriptorum evolutione, cupere nos ἀληθείαν ἐν ἀγάπῃ, ac moderationis, pacisque ecclesiasticae, ut qui maxime, amantes ac studiosos esse. Ex his fontibus fluunt, quae perversi rerum censores nescio quibus lacunis tribuerent atque adscriberent. Quos quidem suis opinionibus relinquo, tibiq; & illis largissimam DEI gratiam ex toto corde adprecor.

Vale.



NOMINA

Eorum, qui Dissertationes more academico tueri ac defendere laborarunt.

Andr. Arnoldus, Noribergensis, Christophori filius, ejusque postea in suggestu æque, ac cathedra successor, A. de Denario S. Petri, anno 1679.

Bona-



NOMINA RESPONDENTIVM.

*Bonaventura Krahe*, Holsatus, nunc in Dania Ecclesiastes, de Erroribus pictorum contra historiam sacram, 1684.

*Job. Justin. Arnschovvanger*, Noribergensis, hoc tempore in æde urbis Laurentiana V. D. M. de Prudentia ecclesiastica, 1686.

*Matthias Kläckelius*, Stiria - Austrius, Noribergensi Ministerio jam insertus, de Religionis ob temporale commodum Mutatione, 1688.

*Job. Augustus Cesar*, Noribergensis, tunc Ecclesiæ Raschensis Pastor, & Altorfinæ Vicarius, nunc Pastor Farrenbacensis, de Moderatione theologica, 1690.

*M. Job. Kelpius*, Dalia-Transylvanus Saxo, A. de Scylla theologica, 1690.

*Casparus Gipser*, Noribergensis, de Theologia ecclesiastica, 1695.



*NOMINA RESPONENTIVM.*

*Justus Jacob. Myr, Noribergensis, de Ecclesiis domesticis. 1697.*

*Georg. Christoph. Schulteis, Noribergensis. 1695.*

*Joh. Henr. Metze, Halberstadiensis, &*

*Georg. Engelbert. Büschius, Frisius Orientalis, A. 1698.  
de Paradoxis theologicis.*



DISSER-





DISSERTATIO I.  
DE  
DENARIO S. PETRI.  
SECTIO PRIOR.

**S** Vb initium cœpti nostri, cui DEVM adesse cupimus, venit in mentem ea res, quam sapientissimus scriptor Thuanus lib. CVI. non sine quadam animadversione refert: *Tum literatus Mendoza, Orator Hispanicus, meditatam orationem scholastico apparatu pronuntiavit, in septem tractatus & unicum corollarium distinxit.* — Prudentiores visu exceperunt, plures indignati. Nemo vero quisquam nobis id vitio verterit, si nostro negotio intenti, membra articulatim dividamus, remotiores aliquanto a divino illo persuasionis genere, quando oranda causa non est. Hæc igitur stat sententia. Partiemur operam hanc bifariam, cujus prior sectio, historica maxime, recenset singula, quæ ad Denarium S. Petri in Anglia attingunt, additis statim iis, quæ in Regnis terrisve aliis paria aut similia evenerunt. Porro accedent causæ, propter quas Illustrissimi Principesque viri obtulerunt se suaque Ecclesia

A

clesiæ



clesiæ. De Petri Romano itinere cura nostrā erit ultima. Age, aggredimur bono omine, quod ratio postulat.

## CAP. I.

De Denariis, & particulatim de Denario  
S. Petri in Anglia.

I. S. **N**ON abs re fore arbitramur, initio  
denariorum varietatem recensere, ut  
omnia deinceps rectius sibi conveniant.

Commodissime Varro lib. IV. de L. L. Denarii, quod de-  
nos aris valebant. Quantumvis enim denarius fuerit ali-  
quando sexdecim assium, ut sestertius assium quatuor;  
tamen a denus esse flexum, non male asseritur. Testium  
plus & abunde est. Festus: *Deni asses, singuli pondo libras  
efficiebant denarium, ab hoc ipso dictum.* Plinius: *Argen-  
tum signatum est A. V. DLXXXV.* (alii ex Livio legunt  
ccccclxxxiv. Budæus de Assē cccclxxiix.) *Et placuit dena-  
rius pro decem libris aris, quinaris pro quinque, sestertius pro  
dupondio & semisse.* Plutarchus in vita Camilli: *Ἀσάριον γὰρ  
ἦν τὸ ἀργύριον, καὶ δεκάχαλκον. οὕτως ἐκαλεῖτο δηνάριον.* Fatentur  
Veteres omnes, bigatorum quadrigatorumque nomen ac-  
cepisse denarios a bigis & quadrigis, prima illa nota, cum  
charactere X. Imo Tacitus de Morib. Vet. Germ. ferratos  
his annumerat. Quæcunque vero de denario dici possunt,  
comprehendisse videtur eruditissimus Joh. Gravius, Astro-  
nomiæ Professor Oxoniensis, libello plane docto, & scripto  
Anglice, (*A Discourse of the Romane Foot and Denarius*) de  
quo illud Ciceronis dixeris: *est quidem non magnus, ve-  
rum aureolus*: cujus titulum nuncupavit Discursum de Pe-  
de Romano & Denario, duobus veluti principiis mensura-  
rum



rum ponderumque apud Veteres. Sic se res habet. Dupli-  
ci, ait, ratione denarius, perinde ac drachma Græcorum,  
considerari potest; sive, ut est pondus, sive, ut nummus  
est. Ponderis gravitas notanda; pretium in civilibus ob-  
servari meretur. Audite, quæ ad Rempublicam apprime  
pertinent, ex Plinio Lib. 33. cap. 3. *Postea Hannibale  
urgente, Q. Fabio Maximo Dictatore, asses unciales facti:  
placuitque denarium XVI. assibus permutari, quinarium octo-  
nis, sestertium quaternis: Ita Respublica dimidium lucrata est.  
In militari tamen stipendio semper denarius pro X. assibus da-  
tus. — Mox lege Papiria semiunciales asses facti. Livius  
Drusus in Tribunatuplebis, octavam partem æris argento ad-  
miscuit.* Denarios Consulares, præcipue Consulum post  
bellum Punicum II. & Cæsareos, ponderum illa principia,  
præterire jubet necessitas. Hoc addendum est, non minus  
nummum XVI. quam X. repertu dari in quibusdam talibus  
nummis; sed intra hos terminos continuïsse se denarium,  
non dubitant Eruditi, quando nec nummus extat in con-  
trarium, nec autoritas scriptoris prisca aliud suadet. De  
drachma Attica, quæ ejusdem pretii est cum denario, si  
Plinium lib. 21. cap. 24. sequimur, argumenta petere non  
licet, ut XII. asses denarii evincas, quod singularis doctri-  
næ, maximique ingenii vir, H. Savilius sub finem Taciti  
ostendit. Primis temporibus Germanici denarii pretium  
stetisse ad rationem denarii Romani, censet V. Cl. Paulus  
Hachenbergius, Germ. Mediæ Dissert. X. De Judæorum  
Magistris constat, eandem vocem & ipsos adhibuisse. Sic  
Moses Gerundensis in Exodum, Chaldæus II. Regg. V,  
5. Elias Levita in Thisbite, voce דִּנָּר, Cohen de Lara  
in עֵר דִּנָּר sive de Convenientia Vocabb. Rabb. cum Græ-  
cis. Denarium confert cum דִּנָּר vel דִּנָּר in Lexic. Talmud.  
Buxtorfius, voc. דִּנָּר quarta parte sicli sacri, quæ quidem  
moneta argentea est; nam aurea, דִּנָּר זָהָב, æque ac au-  
reus



reus Romanus XXV. denariūm, valet XXV. argenteos. Metzia f. 44, 2. דינר של כסף אחד מעשרי וחמשה דינר של זהב. *denarius argenteus erat una vigesima quinta denarii aurei.* Nec aliter R. Salomon in Bava Kama, cap. IV. ab init. & glossa in Cherithuth cap. II. quam citat Lightfoot ad Matth. XX, 2. Arabes etiam argenteæ monetæ nomen *dinar* imposuerunt, Salmasio de Usuris & Raphelengio in Lex. Arab. testibus, quæ Rabbiniס דינר ערבאי vocatur, Bechor. f. 49. 2. Hanc cum laudatus Gravius definire vereatur, peritissimus talium rerum, merito filemus, & eidem accedimus, statuenti, non carere veri specie, Judæis scriptoribus Romanum denarium in animo fuisse. Tandem labantibus, aut collapsis jam Imperii rebus, denarius cum nomine corruptus est. Meursius in Glossar. Græcobarbaro: *Postea δηνάριον dixerunt, ævo corruptiore, & generaliter, pro quavis pecunia.* Glossæ: δηνάρια, biniones. δηνάριον, sestertium. δηνάριον λευκόν, asprum. Præclare Scaliger de Re Numm. *Ultimis temporibus denarii pro exigua stipe usurpati sunt, ut hodie in Gallia. Imperator Aurelianus: Philippeos minutulos quinquagenos, æris denarios centum. Eos Iopiscus in Bonoso sestertios æris vocat.*

2. §. *Notior erit denarius noster, qualis sit, pluribus notatus vocabulis idem declarantibus, nominibusque illis, quibus insignem cum fecit legum Regumque autoritas.*

Sermone Anglico, vetustate antiquissimo, appellatur *Heortbpening*, lege IV. Edgari Regis, apud Gulielmum Lambardum in Archæonomia, sive de Priscis Anglorum Legibus; & cap. V. legg. Regis ejusdem, ex recensione Joh. Brom-



Bromtoni, in Chron. *Heordpeni*, quasi Germanice *Herd-Pfenning* dixeris, *denarius in domos singulas impositus*. Concilium Ænhamense Generale A. C. M. IX. can. II. Spelman. Tom. I. Concil. *Romfeoh*, id est, census Romæ debitus (commodius autem Wehlocus; nummus Romanus, quod vox *debitus* Romefeoh desit) nec non lex IX. Canuti Regis, Lambardi & Spelmanni locis citatis, nisi quod Bromtonus cap. XII. Constitutionum illarum legat, *Romfeth*, significatu eodem; & alibi, *Romescot*, tributum Romanum. S. Edwardi R. & Confessoris lex XI. inscribitur: *De Denario S. Petri, quod Anglice dicitur Romescot*. Sic priscus Spelmanni codex, (Tom. I. Concil.) Hovedeni consentaneus, olim aliquando exaratus, cum additiones illæ, quæ in Lambardo deprehenduntur, nondum innotuerunt. Ranulphus Cestrensis Lib. 5. cap. 25. *Denarius ex singulis domibus, diu ab Anglis Romescot, Latine vero Denarius Petri vocabatur*. Optime vocem explicat D. Joh. Cowell in Interprete suo, five libro de Significatione verborum, quem scripsit Anglice: *Interpreter, or Booke, containing the Signification of words*. *Romescot*, componitur ex *Rome* & *Scot*, quod idem est, ac tributum Romæ debitum. Similiter: *Peterpence*. (*Denarius S. Petri*) alio nomine lingua Saxonica exprimitur per *Romefeoh*. Monumentum veteris linguæ Gallicæ, lex XII. Gulielmi, primi Regis Anglorum, de Denariis S. Petri, seu Vestigali Romano, habet, *le dener sein Pere*, denarius S. Petri. Quod præter Jo. Seldenum in Notis ad Eadmerum, servavit deditque Rogerus Twisden, altera editione Lambardi. Henr. de Knyghtron, Canonicus Leycestrensis, de Eventibus Angliæ lib. 2. cap. 4. denario nomen dat *Denariati S. Petri*. Rem omnem brevi verbo complectitur Guil. Somnerus in Gloss. ad Histor. Angl. scriptor. X. verbo *Elemosina R.* *Denarius S. Petri, Romescot, Romepeny, Romefeoh, Hartb-peny.*



peny. Et rursus : Romepeny , Romescot , Rome-schoth ,  
vulgo Peter - pence. Dignum memoratu est , quod ani-  
madvertit Ant. Dadinus Alteserra , Dissert. Jur. Can.  
Lib. 3. c. 12. vestigal Romanum , sive Romscot , posteri-  
orem ætatem denarium S. Petri vocasse , firmatque episto-  
la Optimatum Angliæ , ad Innocentium IV. apud Mat.  
Paris. An. 1245. *Esse quidem non potest immemor Mater illa*  
*istius gratitudinis , quam ei a longe retroactis temporibus Re-*  
*gnum Anglicanum impendit , concedendo eidem ad exaltatio-*  
*nem & conservationem majorem , subsidium decens , & non mo-*  
*dice fructuosum , ut per hoc inter Ecclesiam ipsam , & Regnum*  
*prædictum fœdus dilectionis firmitus iniretur , quod quidem*  
*subsidium processu temporis B. Petri Denarius extiterit nun-*  
*cupatum.*

3. 9. *Cœpit autem Occidentalium Saxonum*  
*Rege Ina autore solvi pecunia hæc:quem,*  
*in regno suo pari & animo & affectu*  
*Merciorum Rex Offa secutus est ; tan-*  
*demq; uberiores fecit Ethelvolphus.*

Monarchæ Saxoniarum nomen sibi vindicavit Ina, in char-  
ta illa , qua Heanio , Abbati Abbendonensi , terras suas re-  
stituit. Extant argumenta pietatis ipsius longe plurima in  
Monastico Angl. Tom. I. cujus autor ex præfatione operis  
noscitur , vir egregius , Rogerus Dodsworthius Eboracen-  
sis , qui vetustissimas pietatis memorias , in latibulis dormi-  
rantes , suscitavit. Celeberrimam etiam Inæ Regis eleemo-  
synam ex Ranulpho Cestrensi Lib. V. cap. XXIV. refert ad  
A. C. DCCXXV. doctus Eques ac imprimis eruditus , Henr.  
Spelmannus , Tom. I. Concil. *Rex Ine* (inquit Cestrensis)  
*commendato regno suo West-Saxoniarum Ethelardo cognato suo,*  
*Romam*



Romam profectus est. Qui primus omnium Regum denarium ex singulis domibus regni sui, B. Petro fertur concessisse. Idem sentit Matthæus Westmonasteriensis, nisi, quod ei de anno vigesimo septimo illius seculi sermo sit. Ina Rex, ait, felix & potens, Æthelbardo cognato suo regnum suum relinquens, Romam petiit, ut pro Regno temporali commutaret æternum. Quo cum pervenisset, fecit in civitate domum, consensu & voluntate Gregorii Papæ (II.), quam Scholam appellari fecit, ad quam Reges Angliæ, & genus Regium cum Episcopis, presbyteris & clericis, in doctrina & fide catholica erudiendi venirent, ne quid in Ecclesia Anglicana sinistrum, aut catholice unitati contrarium, doceretur, & sic in fide stabili roborati ad propria remearent. — Fecit propterea, juxta domum præfatam, Ecclesiam, in honorem beatæ virginis Mariæ, fabricari, in qua, Anglis Romam advenientibus, divina celebrarentur mysteria; & in qua possent, si quem ex Anglis Romæ mori contingeret, sepeliri. Et hæc omnia, ut perpetuæ firmitatis robur obtinerent, statutum est, generali decreto, per totum regnum Occidentalium Saxonum, in quo prædictus Ina regnabat, ut singulis familiis denarius unus, qui Anglice Romescot appellatur, beato Petro & Ecclesiæ Romanæ mitteretur; ut Angli ibidem commorantes vitale subsidium inde haberent. Cum his concordant Seldenus ad Eadmerum, & autor Glossarii, sub finem Archæonomiæ Lambardi; licet hic Inæ Romanum iter in annum humanæ salutis dccxx. collocet. Quicquid hujus sit, ferendi tandem sunt hi scriptores. Illud vero maximam admirationem movet animo, & Annalium fidem superat, quando iter cum donatione Inæ Baronius A. C. dccxl. denarrat. Regnum suscepit Inas A. C. dclxxxix. functus vita est A. C. dccxxvii. si annos spectemus, præpositos legibus ejus apud Lambardum. Immo, salva sunt omnia, humani quid passum esse Cardinalem, si qua fides adhibenda (quæ certe maxima est) pervetustæ

Chro-



Chronologiæ Saxonica, quam Abrahamus Whelocus Historiæ Bedæ subjunxit. Anno dccxxviii. *Hic Ina Romam adiit, ibique spiritum efflauit.* In eodem errore versatur Scoglius Hist. Ecclesiæ Lib. IX. A. dccxl. qui Baronii vestigia persequitur, & labitur, dum ipsum audit. Deinde, hoc quoque a veritate longe aversum est, vel Offam Regem A. dccxl. liberalitatem suam erga Romanum Pontificem exercuisse, repugnante MS. Codice Cicestrensis Ecclesiæ; suscepisse enim testatur Regem hanc peregrinationem Romani itineris A. dccxciii. cujus rationem reddit apud Spelm. T. I. A. 793. Hist. Jornalensis (vel potius Jervalensis) MS. Vehementer doluit Offa, postquam nefarie sustulisset e medio Orientalium Anglorum Regem Ethelbertum A. dccxciii. ceu perhibent Westmonasterius & Fasti; Chronologia vero laudata A. dccxcii. Quare Romam festinavit, enixe cupiens reconciliari Deo. Jam nullum est dubium, serius hæc evenisse, quam vulgaris fert opinio, & parum interesse, cui lubeat subscribere sententiæ, vel Spelmanni, Tom. I. Concil. quæ donationi A. dccxciii. assignat, vel Codicis Cicestrensis. Titubatum etiam, quid esset in Joh. Bromtoni Chronico, si non ex aliorum potius mente, quam sua fuisset locutus. *Dicitur, ait, communiter: (Offa) illum censum, qui Romepeny, sive Peterspeny vocatur, Deo & B. Petro, & Domino Papæ, qui tunc fuerat, & successoribus suis, primo contulit pro perpetuo atque dedit.* Age, mitior adhuc superest interpretatio, quam Spelmannus loco eod. suppeditat, de primo videlicet Rege Merciorum. Rectissime autor vitæ Offæ: *Scholam Anglorum Offa, quæ tunc Romæ floruit, ingressus, dedit ibi ex regali munificentia ad sustentationem gentis regni sui illuc venientis, singulos argenteos, de familiis singulis, omnibus imposterum diebus, singulis annis.* Et brevi post: *Ipsam annuum redditum Romanæ Ecclesiæ, pro redemptione animæ suæ contulit, ad sustentationem videlicet Scholæ memoratæ,*



moratæ, propter Anglorum rudium, & illuc peregrinantium, eruditionem. Nisi heic fallit animus, aut parum prospiciunt oculi, quod Jornalensis historia enarrat de reditu, statuto Petri vicario, Romanæ urbis Pontifici, id perbene autor vitæ Offæ de Schola Anglorum exponit. Nec prætermittendum est, Matthæo Parisiensi addidisse Wilhelmum Watfium MS. laudatum non una vice Spelmanno; quantumvis in præfatione ad Lectorem profiteatur, vitas hæc inter Matthæi opera, nec a Lelando Baleo, Pitsæove numerari; eas tamen, quod arbitretur, aut a Matthæo scriptas, aut politas saltim, genium, stilum, manumque sibi persuadere. Saltim, ait, si non ut suæ, tamen inter sua a semetipso Ecclesiæ Sancti-Albenfi aliquando donabantur. Memoria insuper & laude dignissimus est Rex Angliæ Æthelwolpus, qui Romam abiit, & Bromtono in Chron. teste, contulit Deo & B. Petro singulis annis de qualibet domo totius Angliæ unum denarium, qui hodie Denarius S. Petri vulgariter appellatur. Et ipsemet ob devotionem, quam erga Deum gesserat, primum denarium obtulit pura mente; postea nihilominus singulis annis trecenta talenta Ecclesiæ Romanæ contulit, videlicet ad luminaria S. Pauli C. & ad usus summi Pontificis C. Augmentum istud Affer Menevensis quoque celebrat. Romæ omni anno magnam pro anima sua pecuniam, id est, CCC. mancussas (Malmesburiensis marcus, Rogerus de Hoveden manculas appellat) portare præcepit, quæ taliter dividerentur: scilicet C. mancussas in honorem S. Petri, specialiter ad emendum oleum, quo impleantur omnia luminaria illius Apostolicæ Ecclesiæ in vespera Paschæ: & æqualiter in Gallicantu; & C. mancussas in honorem S. Pauli Apostoli ad implenda luminaria in vespera Paschæ, & in Gallicantu, C. quoque mancussas universali Papæ Apostolico. Pretium mancussæ indicat Glossarium Archæonomiæ: Mancusa, & Marca. Saxonice Mancus and Mearc, nummus, argenteos triginta valens denarios.



4. S. Solvere denarium imperavit Inas domesticatim; Offa, de familiis singulis. Nec usque adeo verum est, quod sibi persuasit Bertoldus Constantiensis, omnem Anglorum terram vectigalem fuisse Pontifici.

Concessisse Inam ex singulis domibus regni sui denarium S. Petro, Ranulphus Cestrensis loc. cit. autor est, quod Matthæus Westmonasteriensis de singulis familiis intelligit. Regis Offæ vita ostendit abunde, dedisse eum singulos argenteos de familiis singulis — quibus videlicet fors tantum contulit extra domos in pascuis, ut triginta argenteorum pretium excederet. Omnia si exactius scire velimus, jubet necessitas, ponere ante oculos amplitudinem Regni illius. Dominabatur autem Rex Offa magnus (verba sunt vitæ scriptoris) in viginti tribus provinciis, quas Angli Shiras appellant. Hoc autem per totam suam ditionem teneri in perpetuum constituit. Vocis originem deducit Glossator Archæon. a *Sbyran*, quod *partiri* significat. Et Camdenus in Britannia convenienter admodum *Shiram* per Comitatum exponit, qui iterum in Centurias & Decimas dividebatur. Ita Aluredus Angliam in Satrapias, Centurias & Decurias, ubi cum Guntruno Daco fœdus iniit, partitus est. Sequuntur provinciæ Regis Offæ. Dominabatur in Herefordensi, in provinciis Wigornienti & Gloverniensi, in Warwicensi Cestrensi, Staffordensi, Scropesbirienti, & Deberienti. In Legrecestria. In Lincolnensi. In Northamptonensi, Oxoniensi, Buckingehamensi, Bedefordensi, Huntendonensi, Cantebrigeni, & dimidia Hertfordensi. In provinciis Essexiæ & Middlesexiæ, & dimidia Hertfordensi. In Nortfolc & Suffolc. Dominabatur etiam Snotingensi (Notinghamen-



hamenſi,) provincia. — *Ex his omnibus provinciis dedit Rex Offa Denarium Beati Petri. Eo tamen retento & collato poſt receptionem, beato Albano per totam ejusdem martyris terram. Ea eſt omnis Hertfordienſis provincia, in qua ſita eſt eccleſia dicta. Sed ab Apoſtolica conſuetudine, & reditu, qui Romſcot dicitur, neque Rex, neque Archiepiſcopus, vel Epicoſopus, vel Prior, aut quilibet de regno, vel in regno, immunis eſt; omnes ſolvant neceſſum eſt. Quod in ipſa Offæ vita legitur, nec ab hac ſententia Matth. Weſtmonaſterienſi A. 794. diſſentiente. Huc reſpicit Edgari lex IV. De denario in domus ſingulas impoſito, & boni Regis Edovardi lex X. Omnis, qui habuerit XXX. denariatus vi-  
væ pecuniæ, in domo ſua, de ſuo proprio (Anglorum lege) dabit denarium S. Petri: Et lege Danorum, dimidiam marcā. Hanc repetiit Willielmus Conqueſtor, Edovardi cognatus, lege XVIII. Liber homo, qui habuerit a vera (bona) campeſtria XXX. denariis æſtimanda, dabit denarium S. Petri. — Burgenſis (civis, qui habitat in oppido; nam raro burgenſis dicitur ille, qui burgum vel caſtrum incolit, ut civi opponatur, ita judicante viro clariffimo G. J. Voſſio de Vitiis Serm. Lat. Lib. II. cap. III. Sic Burgundiones, quos Plinius Lib. IV. cap. XIV. quinque enumerans Germaniæ populos, Vindelicorum partem facit, nomen adepti eſſe creduntur a burgis, locisque munitis, quæ in limitibus extruerent) qui de propriis catallis (bonis ſuis & poſſeſſionibus, Cowellio voce Catalls, Catalla, interprete) habet id, quod dimidia marca æſtimandum eſt, det denarium S. Petri. Qui in lege Danorum eſt liber homo, & habet a vera campeſtria, quæ dimidia marca in argento æſtimantur, debet dare denarium S. Petro. Verum, rapit in admirationem, quod Bertoldus Conſtantienſis, temere auſus ſit affirmare in Append. ad Hermannum Contractum, ſub anno MLXXXIV. Guilielmum Victorem totam terram Anglorum Romano Pontifici*



tributariam fecisse, nec aliquem in sua potestate aliquid emere aut vendere permisisse, quem Apostolicæ sedi inobedientem deprehenderet. Fallit plane & fallitur! exclamat magnus Selde- nus, in Not. ad Eadmerum. Et illius ævi res apud Anglos ge- stæ manifestissime reluctantur.

5. §. *Solutioni etiam dies dicta est, legeque animadversum in eos, qui definito tempore nomen suum non explicarent.*

*Denarius in domus singulas impositus* (Edgari lex est quar- ta) ante festum di-vi Petri redditor, qui tum non solverit, denarium illum, ac alios præterea XXX. ad Romam compor- tato, certaue literarum testificatione, domum rediens, se eo de- tulisse confirmato, ac Regi denique CXX. solidos numerato. Si quis secundo non dederit, denarium illum ac præterea ter denos Romam deferat, Regique, postquam redierit, CC. solidos depen- dito. Sin tertio deliquerit, rebus suis omnibus exuitur. Ipsam legem hanc Bromtonus, in Chron. quæ ei quinta est, eo- dem sensu servavit integram. Petri festum Spelmannus, Tom. 1. Concil. A. 794. ratione desumpta ex ipsa Offæ insti- tutione, contendit esse festum S. Petri Ad vincula, quo num- mus iste fuerit persolvendus, ut memoria haberetur diei in- ventionis reliquiarum S. Albani, in eadem festivitate con- tingentis. Aliter non nihil se habet Canuti lex IX. in Ar- chæon. Lambardi: *Nummus Romæ debitus ad festum di-vi Pe- tri redditor: qui tum non solverit, Episcopo denarium illum, aliosque præterea ter denos numerato, ac Regi eo nomine duce- nos dato & viginti solidos.* Sed Bromtonus, in illarum Ca- nuti legum recensione, triginta tantum solidos Regi nume- randos esse perhibet. Edovardus Leg. 2. in Archæon. soli- cite magis tempus exprimit: *Isle denarius debet summoniri*  
in



in solennitate Apostolorum Petri & Pauli, & colligi ad festivitatem, quæ dicitur *Ad vincula*, ita, ut ultra illum diem non detineatur. Si quispiam detinuerit, ad *Justitiam Regis* (id est, *Justitiarium*, antiqua vocis appellatione, cui a Rege data potestas sententiam ferendi) clamor deferatur, quoniam *denarius hic Regis elemosyna est*; *Justitia* verò faciat *denarium reddere* & *foris facturam* (multam delinquentium) *Episcopi & Regis*. Succedit ultimo *Guilielmus primus Rex Angliæ*, sanciens lege XX. ut, qui negaverit *Denarium S. Petri*, eum pendat per *Justitiam S. Ecclesiæ*, & XXX. denarios *foris facturæ*. Et, si de ea re est *implacitatus* (accusatus) per *Justitiam Regis*, *foris faciat Episcopo XXX. denarios*, & *Regi XL. solidos*. Legum Ecclesiasticarum *Edovardi Senioris & Guthurni RR. cap. VI. Dacus*, si *debitum Romæ nummum retinuerit*, legis violatæ poenam subito. *Anglus multa afficitor*.

6. S. *Illæ cura conficiendorum denariorum Archidiaconis*, cuique in sua diœcesi, fuit commissa; donec cæpit negligentior esse illorum opera, & Pontifex *Quastorem in Angliam amandavit*, qui pecuniam cogeret.

Uti nec ad Episcopos pertinet census Angliæ, ita nec agebant eum invito, vel non jubente Pontifice. In veteri jam Ecclesia, gravissimo apud Venetos quondam Theologo, Paulo Sarpio, teste, Diaconi oblationes & fructus, qui redibant ad Ecclesiam, etiam ex bonis stabilibus, curabant, juvantibus eos Subdiaconis, aliisque Oeconomis: Denarius autem Archidiaconorū fidei committebatur. Ideo, ne occasione hujus collectæ graves essent Ecclesiis, eos monuit Ale-



xander III. cap. Ea quæ. de Censibus. Cum autem propter B. Petri visitationem, denariorum collectam per Archidiaconatus vestros feceritis, Ecclesias vel paræcias non gravetis. Deinde vero negligentius rem Romanam curantibus Archidiaconis, missum esse collectorem a Pontifice, certum est. Quo officio Polydorus Virgilius, postea Wellensis Archidiaconus, functus est, ipse sui testis lib. IV. Histor. Angl. Nummos illos argenteos, vulgo Denarios Petri, Pontificius Quæstor, quem non inscienter collectorem nuncupant, exigit. Nos banc olim quæsturam aliquot per annos gessimus, ejusque muneris obeundi causa primum in Angliam venimus.

7. §. Dicendum, quod res est. Differt S. Petri Denarius a denario Ecclesiæ. Et liquet, aliud quoddam argenti genus fuisse Romam missum, pro juvandis, & Romæ, & Hierosolymis, pauperibus.

Legum Ethelredi apud Bromton. in Chron. singularis est ea, quæ inscribitur de Denario S. Ecclesiæ dando & Decimatione thaynorum. Constituerunt (Rex & Sapientes ejus apud Habam) ut detur de omni caruca denarius vel denarium valens, & omnis, qui familiam habet, efficiat, ut omnis Hirmannus suus det unum denarium. Quod si non habeat, det dominus ejus pro eo; & omnis thaynus decimet totum, quicquid habet. Multum huc facit can. X. Concilii Ænhamensis Generalis, (Spelm. Tom. I. A. 1009.) qui temporis expresse meminit, diversi penitus ab illo, quod definitum est solutioni Denarii Petri. Jura Deo debita, unusquisque annuatim redempto: aratri scil. eleemosynam XV. nocte a Paschate. Veterum ritu Germanorum, Sueo-Gothorum, aliorumque, non dierum numerum, sed noctium computantium. Noctem



Item XV. Lambardus leg. IIX. Canuti, vertit diem decimum quintum, quo eleemosynæ pro aratris, DEO pro aratione & semente solvendæ. Restant determinandi Hirmannus & thaynus, præeunte Somnero in Glossario ad X. Script. Hist. Angl. *Hirmannus vel Hiremannus, idem est, quod vasallus, cliens, fidelis, subditus.* Thaynorum autem, si licet eundem sequi, duo olim fuerunt genera, quorum aliqui ecclesiastici, aliqui seculares; & hi etiam duplicis ordinis: majores, qui Comitibus gradu proximi, quos Thainos Regis appellant, nos hodie Barones Regis; & minores, scilicet Barones & Nobiles, nonnunquam Liberi Tenentes & Thaini simpliciter. Proinde in lege Ethelredi non sine causa additur, *omnis thaynus.* Erudite autor Glossarii Archæonomiæ: *Thani appellatione viri interdum nobiles, interdum liberæ conditionis homines, interdum magistratus, atque sæpenumero ministri notantur.* Atque hinc est, quod coronatæ plumæ insignia principis, Saxonice vocibus titulum præferant, Ic dien, *sed corrupte (pace fetialium dixerim) pro Ic then, quod idem sonat atque Ic thegn, i. e. ego famulus & minister sum:* Heres namque (ut inquit Apostolus Gal. IV, 1.) dum puer est, nihil differt a servo. Denique tanta est inter Denarium Petri, & Eleemosynam Alvredi distantia, quanta potest esse maxima. Regis hujus aliquando studiorum dux & moderator, inde Archiepiscopus Cantuariensis, Plegmundus, stipem emendicavit ab hominibus piis. Ea re vero factum est, ut pecuniam satis grandem cogeret, quam Rex cum magna thesauri sui parte Romam misit per Athelmum, Wintoniensem Episcopum, ut pro arbitrio Papæ, partim Hierosolymis, partim Romæ in egenorum inopia sublevanda impenderetur, pro testimonio dicente Landauensi Episcopo, Fr. Godwino Comment. de Præsul. Angliæ, & longe ante eum Matth. Westmonasteriensi, A. DCCCLXXXIX. Non aliter, egregio pietatis exemplo, præcessit Alvredum Carolus M. de quo Egi-



Eginartus in ejus vita. Circa pauperes sustentandos & gratuitam liberalitatem, quam Græci eleemosynam vocant, devotissimus, quam non in patria sua solum, & in suo regno facere curavit, verum trans maria, in Syriam & Ægyptum, atque Africam, Hierosolymas, Alexandriam atque Carthaginem, ubi Christianos in paupertate vivere compererat, penuriæ eorum compatiens, pecuniam mittere solebat. Ita omnino se res habet, & hodiernum in tota Italia, tempore Quadrag. per ecclesias colligitur eleemosyna pro pauperibus christianis in Turcia, Concionatoris accedente cohortatione.

8. §. Ipse S. Petri Denarius, nummus est argenteus, datus a Britannia, sive Angliæ Regibus, eorumque successoribus, B. Petro, & Scholæ Anglorum Roma, solo pietatis, non alio respectu.

Duo hîc maxime agenda sunt. Alterum est, exponere, quanti denarius fuerit antiquis illis temporibus; alterum, in stipem Anglos eum erogasse, nec tributum nomine pependisse Pontifici. Ethelredo superstitite, seculo nimirum XI. valebat denarius vigesimam uncie argenti partem, quod Gravius in libro, quem scripsit de Denario, demonstrat, veteres Ethelredi denarios ad bilancem exigens. Autor Glossarii ad Archæonomiam Lambardi: *Libra bis primis temporibus, XLIIIX. solidos valebat argenteos: solidus vero, qui est apud nos pars libera vigesima, denarios per id temporis continebat quinq;, nunc duodecim. Atq; ita fit, ut libra ex CCXL. denariis constaret: quemadmodum etiam nunc constat. At tum quidem CCXL. denarii pondo unum gravitate exæquabant, id quod nunc DCCXX. denarii, vix, aut omnino non assequuntur. Hujus autem rei monumenta*  
certa



*certa extant in denariis argenteis, tempestate Ethelredi Regis excusis.* Sic est profecto, & prisci magis vix repertu dantur. Isthæc nummi ratio perduravit ad Eduardum, cuius statutum XXXI. hoc loco maximi est ponderis. *Per ordinationes totius regni Angliæ, denarius Angliæ, qui vocatur Sterlingus, rotundus, sine tonsura, ponderabit XXXII. grana frumenti in medio spicæ, & XX. denarii faciunt unciam, & XII. uncie faciunt libram.* Sic igitur, imposito calculo, denarius unius libræ argenti pars est quadragesima & ducentesima. Romano denario quantum decesserit, ante commonstravimus. Idem etiam fatum mansit, temporum injuria, Britannia nummum. Quam rem accuratissima Gravii diligentia annotavit. Regni habenas moderante Eduardo III. uncia argenti XXVI. præbuit denarios; Henrico autem VI. jam XXXII. Postea, Rege Eduardo IV. denarius uncie pars XL. extitit; Rege Henrico IIX. pars XLV. Tandem Elisabethæ anno secundo, LX. tales nummi unius erant uncie: quibus duo adhuc, eadem regnante, paulo post accesserunt. Ita factum est, ut Ethelredi denarius posteriores istos pondere suo ter superaret. Pergamus, atque insequamur longius inceptum hoc, quandoquidem explicatam exploratamque habemus rationem donationis Inæ, Offæque Regum; & ne quid porro desit, autorem Vitæ Regis Offæ denuo loquentem introducere constituimus. Idcirco beati Petri Denarius appellatur (ille argenteus) quia sæpe dictus Rex Offa die S. Petri, qui dicitur Ad vincula, ipsum martyrem (S. Albanum) ipso die meruit celitus invenire, & ipsum annum redditum ipso die Romanæ ecclesiæ pro redemptione animæ suæ contulit ad sustentationem, videlicet Scholæ memoratæ, propter Anglorum rudium, & illuc peregrinantium eruditionem. Hinc præclare dixit Whelocus in præfat. ad Archæon. Lamb. Inas & Offa Reges Sax. in fidem Petri, hoc est, cultum Christi Θεωπρωτος Romæ alendam, eleemosy-

C

nam



nam suam impendebant. Non mora, reddendum est veritati nomen suum, & ex chronologiæ Saxonica vetustate erunda eleemosynæ appellatio, qua Denarius Petri venit. A. DCCCLXXXVII. *Ethelhelmus Comes, Occidentalium Saxonum & Alfredi Regis Eleemosynam Romam adduxit.* Eodem plane modo singula enumerat Asser Menevensis, qui hoc tempore floruit, Aluredo intimus & a consiliis. Dignissima vero sunt laudis adnotamentis, quæ ad hunc locum Spelmanus Tom. I. Concil. A. 887. observavit, Menevensem locutum esse de Denario S. Petri. *Nota, ait, eum nummum hunc non tributum appellare, (ut Polydorus & Romani alii) sed eleemosynam; beatum Apostolum secutus, qui Corinthiorum similem, λογίας vocat, & τὴν χάριν, collectam scilicet atq; gratiam sive liberalitatem.* Rursus Chronologia Saxonica (solent quippe meliora copia sua placere) A. DCCCLXXXIIX. *Hoc anno Becca Comes, Occidentalium Saxonum & Alfredi Regis Eleemosynas Romam adduxit.* Et A. DCCCXC. *Hoc anno Beornhelmus Abbas, Occidentalium Saxonum & Regis Alfredi Eleemosynas Romam adduxit.* In lege II. Regis Edmundi nummus eleemosynarum audit denarius. Hæc lex est: *Christianus quisq; — nummum eleemosynarum illum, (ælmesfeoh) religiose pendito, qui non solverit, anathema esto.* Canutus Rex, referente Bromtono in Chron., anno regni sui ultimo Romam adiit, & *larga dona B. Petro dedit, & eleemosynam, quæ vocatur Romescot, quam antecessores sui ecclesiæ Romanæ dederant, perbenniter assignavit.* Edovardus Confessor, lege X. de Romscot: *Denarius hic Regis eleemosyna est.* Ipsam legem pene ad verbum etiam recitat Henr. de Knyghton Lib. 2. de Event. Angl., eleemosynam discrete vocans. Maxima veritatis vis est; expressit aliqua Alexandro Papæ II. quæ usquequaque aliena a nostris non sunt, quamvis parvam lucem atra nox sequatur. Fragmentum dedit Cardinalis Baronius An. Chr. 1068, num. 1. litera-



literarum Pontif. ad Gvilelmum Angliæ Regem, ex libro Censuum Romanæ Ecclesiæ, quem extare perhibet in Bibliotheca Vaticana. *Alexander Gvillielmo Regi Anglorum.* — Nam, ut bene nosti, donec Angli fideles erant, piæ devotionis respectu ad cognitionem religionis annuam pensionem Apostolicæ sedi exhibebant, ex qua pars Romano Pontifici, pars Ecclesiæ S. Mariæ, quæ vocatur Schola Anglorum, in usum fratrum deferebatur. Ipsi Pontifices operam dabant, ut denarius bona Principis gratia colligeretur. Ideo Gregorius VII. Lib. I. ep. 70. eidem Gvillielmo Regi commendavit res D. Petri: *Rebus vero S. Petri, quæ in Anglia colliguntur, sic te, ut tuis, invigilare admonemus; sic liberalitati tuæ, ut tua committimus, ut pium & propitium debitorem Petrum reperiās.* In nostram sententiam discessionem faciunt etiam Franc. Florens Diff. Select. Jur. Can. lib. I. cap. 4. pertinere denarios S. Petri ad summum Pontificem (fortassis inde aliquid in eum redundavit) ex concessione & liberalitate Regum Angliæ. Et Cl. Alteserra Dissert. Jur. Can. Lib. 3. c. 12. quem audire juvat: *Alios census Ecclesia Romana recipit in signum devotionis, alios in signum subjectionis. Non alio, quam pietatis obsequio, Angli per multa sæcula annuatim in singula capita Romanæ sedi censum exsolverunt.* — *Vedigalis nomine venit pensitatio ista, etsi inspecta origine, nuda & simplex fuit eleemosyna, seu oblatio.* Factum bene. Paschalis. II. Pontifex omni teste major est: *Eleemosyna B. Petri (prout audi-vimus) ita perperam dolo seq. collecta est, ut neque mediam ejus partem hæcenus Ecclesia Romana susceperit.* Sic queritur in literis ad Henricum I. datis Lateranis III. Cal. April. quas Eadmerus Hist. Nov. Lib. 5. servavit.

9. §. *In stipem dedit Anglia Denarium ad Henricum usq. II. nec propterea tributum*

C 2

pepen-



*pendit, utut Johannes Rex stipendiarium  
fecerit regnum suum.*

Causæ nihil dicimus, quin olim reditus Angliæ ces-  
serint Pseudopontifici Benedicto, Tusculani Comititis filio.  
Orho Frisingensis Lib. 6. c. 32. ordine omne, uti quidquid  
actum est, edisserit. Invasisse simul tres sedem Romanam, di-  
visisse reditus, uno ad S. Petrum, altero ad S. Mariam, tertio  
in palatio Lateranensi sedente. Mox pergit: *Hunc mi-  
serrimum statum Ecclesiæ religiosus quidam presbyter, Gratia-  
nus nomine, videns, zelus pietatis, matri suæ compatiendo,  
animadvertens, præfatos viros adiit, eiq; a Sede sancta ce-  
dere pecunia persuasit, Benedicto redditibus Angliæ, quia ma-  
joris videbatur autoritatis esse, reliq;.* Huc accedit, multa  
gravia Henricum II. Angliæ R. passum esse ab Alexandro  
III. quod autor crederetur necis Thomæ Becketi, Archi-  
episcopi Cantuariensis. Eum deinde indignis modis exa-  
gitavit filius Henricus junior, ut auxilium Pontificis im-  
ploraret (si Petro Blesensi Ep. 136. credimus) persuadere  
conatus, quod Angliæ Rex sit feudatarius Ecclesiæ Roma-  
næ. Sed non male Baronius subnectit: *Ita plane cogit ne-  
cessitas profiteri, quod aliter haud sponte fecisset.* Sic gratiam  
habemus Cardinali, quod lubens largitus sit, malo suo at-  
que ingratiis, Henricum Ecclesiæ feudatarium factum esse.  
Non ferenda tulit Johannes Rex, qui gladium papalem,  
tanquam hebetem, & ad nocendum parum validum, ali-  
quandiu contempsit; donec vetus fabula rursum agicæpta  
est, quæ Regi regnoque severas tragædias excitavit. Mat-  
thæus Parisiensis A. MCCXIII. *Johannes Rex — resigna-  
vit coronam Angliæ Innocentio Papæ, & ei fecit homagium,  
& fecit de liberrima regione ancillam, ut Princeps provincia-  
rum fieret sub tributo, chartam inde conficiens, omnibus eam  
audien-*



*audientibus lugubrem & detestabilem.* Clausula fuit, Johannem Regem transegisse cum Papa, *sponte & proprio motu, & inspiratione Spiritus sancti* Fidem insuper fecit Rex Pandulpho, Domini Papæ Subdiacono, his verbis: *Ad indicium hujus nostræ perpetuæ oblationis & concessionis, volumus & stabilimus, ut de propriis & specialibus redditibus prædictorum Regnorum (Angliæ & Hiberniæ) pro omni consuetudine, quam pro ipsis facere debemus, salvo per omnia Denario Petri; scilicet mille marcas sterlingorum Ecclesia Romana percipiat annuatim, scilicet in festo S. Michaelis quingentas marcas, & in Pascha quingentas marcas, septingentas marcas pro regno Angliæ, & CCC. pro regno Hiberniæ, salvis nobis & heredibus nostris, justitiis, & libertatibus, & regalibus nostris.* Turpiter se dedit Johannes, & Philippus Galliæ Rex, ludibrio habitus a Papa. Nam Ludovicum, primogenitum Philippi, Barones Angliæ Regem sibi poscebant: quod Gualo, Pontificis Legatus, impedire quovis modo conatus est, *ne Ecclesia Romana suo patrimonio privaretur.* Hoc cum intellexisset Rex Philippus (sunt verba Westmonasteriensis, A. MCCXVI.) ita mox respondet: *Regnum Angliæ Patrimonium Petri vel Ecclesiæ Romanæ nunquam fuit, nec est, nec erit.* Hinc gravesturbæ, quas Innocentius iste III. sedare studuit, Johannis causam agens, usurpans illud: *Dic Ecclesiæ*, cap. Novit. de Judiciis, quæ Petri Molinæi Hyperasp. l. i. c. 27. observatio est. Succedente autem Henrico III. Johannis F. in immensum Pontificis crevit potestas. Querebantur Angli, excanduit Papa, & dixisse fertur: *Expedi, ut componamus cum Principe (Friderico II. Imperatore) ut conteramus illum Regulum Angliæ, vassallum nostrum jam recalcitrantem.* Matth. Paris A. MCCXLVI. Res nova, & ante hunc diem inaudita. Tantum ex Anglia hausit Pontifex, quantum Rex ipse. Testem excitamus



laudatissimum Sarpium Trattato delle Materie beneficia-  
 rie, in Tractatu de Materia Beneficia concernente eccle-  
 siastica: *Il Rè facendo far conto di quanto il Papa*  
*cavaua d' Inghilterra, trouò, che era uguale all' entrata del Rè,*  
*cioè 60000. marche; propose il Rè di questo querele nel Concilio*  
*di Lione, lamentandosi delli grauami sudetti, à che rispose il*  
*Papa, che il Concilio non era congregato per ciò, e non era*  
*tempo d' attenderui. i. e. Ad computationem revocare Rex*  
*jussit, quantum ex Anglia rediret ad Pontificem; compertum*  
*est, Papæ fructus adæquare illos Regis 60000. marcarum:*  
*Quapropter ad publicam querimoniam res excessit in Con-*  
*cilio Lugdunensi, Rege graviter ferente ante dicta onera.*  
*Respondit Pontifex, Concilium ea de causâ coactum non*  
*esse, neque nunc tempus suppetere, quo invigilare istis re-*  
*bus posset. Durissima hæc fuerunt Angliæ fata; verum,*  
*nemo certe dixerit, denarium eam fecisse tributariam; imò,*  
*nec opinari licet, subesse fortassis servitutem aliquam spiri-*  
*tuallem, ut opus sit restitutione in libertatem, æque ac servi*  
*per denarium manumissi sunt. Si formulæ solennes LXII.*  
*CII. Denario jactante (pro jactato, ut sæpe, nuncupante pro*  
*nuncupato) ante Dominum Regem secundum legem Salicam*  
*ingenuum dimittere. Frid. Lindenbrogius in Glossar. Legg.*  
*antiq. ex veteri charta Ecclesiæ Lugdunensis: Servum ju-*  
*ris Vestri manu propria Et manu illius excutientes denarium,*  
*secundum legem Salicam liberum, cum omnibus, quæ habet,*  
*vel adquisierit, fecimus. Notavit Hieron. Bignonius Not.*  
*ad Marculf. Formul. lib. 1. cap. 22. caput hoc legis Salicæ*  
*non extare, & manumissionem contigisse, excusso nummo*  
*de manu ipsius servi, qui manumittebatur. Is nummus*  
*vel argenteus vel aureus erat, nullo prorsus discrimine.*  
*Vetus formul. apud Fr. Pithœum ad Tit. 28. Leg. Sal. Inde*  
*quendam servum N. ut eum ob mercedis augmentum liberum*  
*dimitteremus, rogarunt. Nos vero manu propria nostra ex-*  
*cutien-*



cutientes de manu supradicti N. denarium vel nummum, vel argenteum, vel aureum, vel dragmam, vel sesterrium, vel minam, secundum legem Salicam, eum liberum dimisimus, & ab omni jugo servitutis absolvimus. Tales, dicebantur homines denariales, exponente Lydio in Gloss. Latino-barb. de manumissis jactato denario coram Rege, qui Regem patronum & defensorem habebant. Brevi verbo, his subest in vocabulo *vedigalis*, si Denarium S. Petri spectes. Quod præter Spelmannum Tom. I. Concil. A. 794. solide magis nemo ostendit, cujus verba adhibere fas esse credimus. Sunt, qui ex regia ista munificentia, & piissimo eleemosynæ genere, sat ingratis (ne insulse dicam) prædicarunt, regnum Angliæ durioris sono *vedigale* fieri, & tributarium Romano Pontifici, vocibus certe subjectionem, servitium & clientelam vulgari-ter innuentibus, juxta id Apostoli ad Romanos Cap. 13, 6. Ideo enim & tributum præstatis. Cum e contra in Feudali locutione, atq; ipsa Canonica, qui beneficium accipit, beneficiarius, qui eleemosynam, eleemosynarius sit dicendus. Hinc in jure nostro municipali, Episcopi nostri, suis e Regum munificentia prædiis gaudentes & alimoniis, Barones Regis eleemosynarii nuncupati sunt, non Rex eorum tributarius aut *vedigalis*, licet & annuos quibusdam redditus & pensiones impendat. Notandum tamen (inquit Glanvillus de Legg. Angl. Lib. 7. cap. 1.) quod nec Episcopus, nec Abbas, quia eorum Baroniam sunt de eleemosyna Domini Regis & Antecessorum ejus, non possunt de Dominicis suis aliquam partem dare ad remanentiam, sine assensu & confirmatione Domini Regis. Sic & Pontifex ipse Romanus (pergit Spelmannus) legaliter non potuit alio modo disponere de hoc suo *vedigali* seu tributo, quam a Regibus Angliæ datum fuit primitus & destinatum; nam voluntas donatoris observanda est. Mire placet Gvilhelmi I. Regis epistola ad Gregorium VII. quam magnus Sel-



Seldenus in Notis ad Eadmerum ex MS. codice Epistolarum Lanfranci, Archiepiscopi Cantuariensis, dedit. *Hubertus Legatus tuus, Religiose Pater, ad me veniens, ex tua parte me admonuit, quatenus tibi & Successoribus tuis fidelitatem facerem, & de pecunia, quam Antecessores mei ad Romanam Ecclesiam mittere solebant, melius cogitarem. Unum admisi, Fidelitatem facere nolui, nec volo; quia nec ego promisi, nec Antecessores meos Antecessoribus tuis id fecisse, comperio.* Ingens animus optimi Regis, qui pietate Majoribus suis non fuit inferior. Pecunia, quam memorat, ille Petri Denarius est, quem Ina indulgit, & posteriores Angliæ Reges dependerunt, donec Henricus IIX. primus inhibuit eum amplius solvi, Seldeno Analect. Anglo-Brit. Lib. 2. cap. 4. Joh. Sleidanum Lib. IX. Comment. testem citante. Ipso autore Reformatio Legum Ecclesiasticarum primum inchoata, deinde per Regem Eduardum VI. provecta ad-  
 auctaque est, cui præmittitur Henrici IIX. epistola, ex qua velut ex ungue leonem æstimare licet. *Pontificis potestatem huic cum divino munere sublatam esse, manifestum est, ne quid superesset. quo non plane fractam illius vim esse constaret, leges omnes, decreta atq; instituta, quæ ab autore Episcopo Romano profecta sunt, prorsus abroganda censuimus.* Hac via, Pontificibus formidabile nomen Henricorum, litem diremit, & Denarius S. Petri, qui tributum nunquam fuit, Angliæ maximum factus est vectigal.

CAP.



## CAP. II.

Diversa Regna & Principatus  
Denarium Petri, vel censum aliquem Eccle-  
siæ Rom. pendebant.

1. §. *AVTORE* Henrico II. Denarium  
Petri Hibernia contulit. Rex ideo ta-  
men Pontificis collectorem non egit, ut po-  
tius Summi Hiberniæ Capitis titulum jure  
usurparet.

Promisit fane ex Hibernia denarium Henricus. Dubium  
vero est, an idem plane fuerit cum Angliæ denario,  
quod Papæ commodis magis videatur inservire. Baronius  
A. C. 1159. num. 21. 23. & Usserius in Veterum epistolarum  
Hibernicarum Sylloge, Hadriani IV. diploma exhibue-  
runt, concernens Henrici II. Hiberniæ ingressum, quam-  
vis annus pontificatus desit. *Significasti nobis, fili in Christo  
charissime, te Hiberniæ Insulam, ad subdendum illum populum  
legibus, & vitiorum plantaria inde extirpanda, velle intrare  
& de singulis domibus annuam unius denarii B. Petro velle  
solvere pensionem, & jura ecclesiarum illius terræ illibata &  
integra conservare.* Non displicuit desiderium hoc Ponti-  
fici, sed consensit: *Pro dilatandis ecclesiæ terminis, pro  
vitiorum restringendo decursu, pro corrigendis moribus, &  
virtutibus inserendis, pro christianæ religionis augmento, In-  
sulam illam ingrediari, & quod ad honorem DEI, & salutem  
illius terræ spectaverit, exequari: & illius terræ populus*  
D bono-



*bonorifice te recipiat, & sicut Dominum veneretur: jure ni-*  
*mirum ecclesiastico illibato & integro permanente, & salva B.*  
*Petro & sacrosanctæ Romanæ ecclesiæ de singulis domibus an-*  
*nua unius denarii pensione.* Perspectum est crebra animad-  
 versione Jacobo Usserio, Archiepiscopo Armachano, viro  
 miræ in his rebus perspicaciæ fideique, in libello Anglico  
 Of the Religion anciently professed by the Irish and Brit-  
 tish, de Religione veterum Hibernorum & Britanno-  
 rum, nihil quicquam Pontifici juris esse in Hiberniam  
 insulam. Abhorret enim a vero, Hiberniæ confesso-  
 res veritatis christianæ primos speciale pactum cum Pon-  
 tifice iniisse. Nec vel per somnium cuiquam ita visum,  
 præterquam Polydoro, Henrici IIX. ævo. Quare ri-  
 det hominem vir doctissimus, aitque, conscripsisse eum  
 de Rerum Inventoribus librum, cui omnino nomen suum  
 inseruisse debebat, si quidem mendaciorum inventorem  
 tulisset gravissimorum virorum societas. De ipsa Poly-  
 dori historia sic judicat: Missus a Pontifice, ut Denarium  
 Petri colligeret, munus scribendæ historiæ in se suscepit,  
 ubi animo nunquam elabi suo passus est, Pontificis commo-  
 dis servire, ut quam maxime. Silent libri memoriales Ro-  
 mani, quos summa cura summaque industria pervoluta-  
 vit Nicolaus Arragonius, cui studium fuit, omnibus vesti-  
 giis indagare, lucique tandem exponere, quæ pro Ponti-  
 ficis potestate faciunt. Res certa est, & videtur quasi ea,  
 quæ oculis cernuntur, hoc argumento ne Pontificem qui-  
 dem uti voluisse, si parum lubeat animum advertere ad illa,  
 quæ in ipso diplomate dicuntur, quando provocat tantum  
 ad jus, quod sibi sit proprium in omnes Insulas. Sane  
*omnes Insulas, quibus Sol justitiæ Christus illuxit, & quæ do-*  
*documenta fidei christianæ susceperunt, ad jus S. Petri & sa-*  
*crosanctæ Romanæ Ecclesiæ (quod tua etiam nobilitas recogno-*  
*scit) non est dubium pertinere.* Jo. Sarisberiensis Metal. lib. 4.  
 cap. 42.



cap. 42. (quem Hadrianus iste præ omnibus mortalibus diligebat, ut, quoties opportunitas aderat, conscientiam suam in conspectu ejus effundere lætaretur, de quo ipse gloriatur mireque se effert) ne nihil dicere videatur, argumento utitur, *quod omnes Insulæ, de jure antiquo, ex donatione Constantini, qui eam fundavit & dotavit, dicantur ad Romanam Ecclesiam pertinere.* Verum ne dicamus, donationem Constantini futilem esse, commentitiamque, quam acri intentione dijudicârunt cordatiores plurimi, solum unica fit mentio Insularum per omne donationis instrumentum: *Rebus diversis* (ecclesias D. Petri & Pauli) *ditavimus, & per nostram Imperialem jussionem sacram, tam in oriente, quam in occidente, vel etiam septentrionali & meridiana plaga, videlicet in Judea, Græcia, Thracia, Africa & Italia, vel diversis Insulis, nostra largitate ei concessimus, (eis libertatem concessimus) ea prorsus ratione, ut per manus beatissimi Patris nostri Sylvestri, summi Pontificis, successorumq; ejus omnia disponantur.* Largiamur, Papæ arbitrio permissas fuisse Judæam, Græciam, Thraciam &c. num Hiberniam dedit Imperator? Immo, non est probabilitati contrarium, ne Constantino quidē Hiberniam paruisse; quantumvis Eumenius Panegyri. ad Constant. c. 20. Constantio, Constantini Patri, *nationes, terminis Britannia coherentes*, obsequi, Rhetorum more exclamet. Obtinuisse Romanos Hiberniam, vel numeratam fuisse inter partes Imperii Romani, firmis genuinæ antiquitatis testimoniis ostensu haud facile est. Qui vero aliter sentiunt autores, ut Pompon. Lætus, & Cuspinianus, subjacuisse Romanis Hiberniam, uno ore assignant illam Constantio, Constantini F. natu maximo. Quæ res non parum impugnat donationem. Unum atque idem sentit Seldenus, de Titulis Honorum Part. 1. cap. 4. Non posse Papam argumentis firmare, quod statuit, omnes Insulas ad jus S. Petri pertinere, neque omnino huc quadrare,



drare, quæ Sarisberienſis (qui communiter Johannes, Epiſcopus de Chartres citatur) in medium proferat. Jus Pontificis, ex Seldeni mente, reſtringendum eſt ad occidentales tantum Inſulas. Sic enim habent donationis iſtius verba apud Gratianum diſt. XCVI. cap. XIV. & Ivonem Decret. part. V. cap. XLIX. *Omnis (Omnes) Italiae, ſive occidentalium regionum provincias, loca, & civitates.* Græca translatio (quæ procul dubio ex Latino figmento nata eſt) plane convenit apud Theod. Balsamonem in Photii Nomocanone Tit. 8. c. 1. πάσης τῆς Ἰταλίας ἡ δυσμῶν χωρῶν ἐπαρχίας, τόπους & κάστρα. Hæc verba, inquit ille, nihil aliud denotant, niſi Inſulas Italiae, quæ per particulam diſiunctivam in textu ipſum Occidentem ſignificant. Verum enim vero fides donationis tam exigua eſt, ut nihil interſit, quo modo iſt-hæc cupias accipere. Monſtri aliquid alit, quod Philippus Oſullevan Hiſt. Cathol. Hiber. Tom. 2. lib. 1. cap. 7. narrat, Papæ ne animum quidem fuiſſe unquam conferendi Hiberniæ regnum Henrico; nam verba bullæ Hadriani IV. *illius terræ populus te recipiat, & ſicut dominum veneretur*, hoc pacto intelligenda venire, ſicut Principem, dignum magno honore, non Dominum Hiberniæ, ſed Præfectum cauſa colligendi tributi eccleſiaſtici. Age, effabimur, quæ vera ſunt, quando iſte abſtinet nimium. Libere obtulit Henricus de quavis domo denarium Pontifici, ſola hac de cauſa, ut illius favorem ſibi conciliaret, ingreſſurus Hiberniam, quæ nunc primum Papæ cenſus auxit. Quis credat, cui vel parum ſanæ mentis æquus indulſit Jupiter, voluiſſe Henricum miniſterio fungi collectoris fumidi iſtius Papæ argenti, quod, Uſſerio loc. cit. teſte, *Smoke-ſilver* dixerunt Hiberni, cum ſolverent? Viam hanc elegit Henricus, ut ope Pontificis, a Clero admiſſus, reciperetur a ſecularibus, & ſic gauderet regno firmo ſtabili-  
ue:



que. Eventus plane respondit, & testimonia sunt in promptu. Jo. Brampton in Hist. Jorolanensi: *Recepit ab unoquoque Archiepiscopo & Episcopo literas, cum sigillis suis, in modum chartæ pendentibus, regnum Hiberniæ sibi & heredibus suis confirmantes, & testimonium perhibentes, ipsos in Hibernia eum & heredes suos sibi in Reges & Dominos in perpetuum constituisse.* Rog. Hovedenus A. 1171: *Venerunt ibidem ad Regem Angliæ omnes Archiepiscopi, Episcopi, Abbates totius Hiberniæ, & receperunt eum in Regem & Dominum Hiberniæ. — Exemplo autem Clericorum, Reges & Principes Hiberniæ receperunt simili modo Henricum, Regem Angliæ, in Dominum & Regem Hibernorum, & homines (vasalli) sui devenerunt, & ei, & heredibus suis fidelitatem juraverunt contra omnes homines.* Doctissimo Seldeno loc. cit. videtur, ista omnia non statim a data Pontificis bulla evenisse, sed XVII. annis post. Esto sane. Nos sic animum inducimus, facilius multo & proclivius pervenisse ad regni gubernacula Henricum, quod firmissima benevolentia Pontificis munitus esset. Denique in Annalibus Hiberniæ legitur, quod *Jobannes, filius Regis, Dominus Hiberniæ, de dono Patris venerit in Hiberniam anno ætatis suæ duodecimo* (qui erat annus XIII. a prima invasione Henrici II. juxta Seldenum.) In confirmationem tituli, Papa Urbanus III. misit ipsi coronam de pavonum pennis, velut Hadrianus IV. Henrico II. annulum transmisit aureum per Sarisberiensē, smaragdo optimo decoratum; quo fieret investitura juris, in gerenda Hibernia. Superest, ut breviter Hiberniæ Denarium exponamus. Jac. Waræus, Eques Auratus, Disquis. de Hibernia & Antiqq. ejus, cap. 25. nummos quosdam delineavit Hibernicos veteres, & ante Anglorum ingressum procusos, quos opinatur similes minoribus denariis (quasi obolis) cujusdam veteris monetæ & incognitæ, repertis in quodam campo juxta Kilcolyn, de quibus fit mentio in



Archivo fiscali anno XXXIII. Eduardi I. In tanta ignorantia rerum Hibernicarum ante Henrici II. tempora, affirmare tamen oppido licet, ejusdem prerii denarium Angliæ & Hiberniæ non fuisse, rei indicium faciente Rogero de Wendover, & ex eo Matthæo Parisio A. D. 1210. *Præfecerat* (Johannes Rex) *ibidem* Johannem de Grey Episcopum *Norwicensem* Justitiarium, qui denarium terræ illius, ad pondus numismatis Angliæ fecerat fabricari, Et tam obolum quam quadrantem, rotundum fieri præcepit. *Jussit quoque Rex, ut illius monete usus, tam in Anglia, quam in Hibernia, communis ab omnibus haberetur, & utriusq; regni denarius in thesauris suis indifferenter poneretur.*

2. §. *In Gallia Gregorius VII. Denarium S. Petri exegit, quem Carolus M. dedisse fertur.*

Per Legatos Gregorius in Gallias missos exigendam curavit pecuniam, quam S. Petri Denarium nominabant, a Carolo M. primitus in tribus Galliarum locis indictam, ut Baronio A. C. 1081. n. 27. placet. Summam totius exactionis, mille & ducentas libras, ipse Gregorius exprimit in epistola ad eos scripta lib. 8. ep. 25. non addita quantitate argenti, quam unusquisque amore S. Petri lubens obtulit. Ita profecto comparatum est. *Tentavit Gregorius VII.* (ut gravissimus vir & Antecessor Tolosanus, Alteserra, Dissert. Jur. Can. lib. 3. cap. 12. loquitur) *idem census genus stabilire in Gallia* (quod in Anglia S. Petri Denarius appellatur) Et, *ne novum videretur, id repetiit a Carolo M. Qua de re extat ejus epistola ad Legatos missos in Gallias, quæ est XXIII. lib. VIII.* Dicendum autem est omnibus Gallis, & per veram obedientiam præcipiendum, ut unaquæque



quæque domus saltem unum denarium annuatim solvat B. Petro, & eum recognoscant Patrem & Pastorem suum, more antiquo : nam Carolus Imperator, sicut legitur in tomo ejus, qui in Archivio ecclesiæ B. Petri habetur, in tribus locis annuatim colligebat mille & ducentas libras, ad servitium Apostolicæ sedis, id est, Aquisgrani, apud Podium S. Mariæ, & apud S. Ægidium, excepto hoc, quod unusquisque propria devotione offerebat. *Sed res effectū caruit, inquit vir clarissimis, & Gallia, Ecclesiæ Romanæ alumna devotissima, ejusdem censualem se videri, non tulit.*

3. §. *Idem Gregorius sustinuit Hispaniam facere censualem. Veditigale constituit regnum Arragoniæ Petrus Rex. Nec immunis Portugalliæ Dux fuisse videtur.*

Oranda causa Hispanica insignis est Laur. Banckius in Tyrann. Papæ, cap. 15. licet solita loquentem audiamus Gregorium VII. lib. 1. ep. 7. *Non latere vos credimus, Regnum Hispaniæ ab antiquo juris S. Petri fuisse, & adhuc (licet diu a paganis sit occupatum) lege tamen justitiæ non evacuata, nulli mortalium, sed soli Apostolicæ sedi ex æquo pertinere. Mox prohibet eos, qui suis armis paganos ejicere conantur, sine æqua pactione persolvendi juris S. Petri.* Eleganter de Gregorii hisce ausibus Mariana Histor. Hispan. lib. 3. c. 5. *Romani Pontifices Hispaniam sibi veditigalem reddere cogitarunt: uti argumento sunt literæ Gregorii VII. ad Reges, Comites, ceterosque Principes Hispaniæ, id confirmantes, antiquis temporibus observatum, priusquam a Mauris Hispania esset eversa. Verum iis conatibus nihil esse profectum, sed pari animorum constantia itum obviam, rerum eventus declarat, retenta semper a nostris immunitate.* Succedit Arragoniæ



niæ Rex, qui A. D. MCCIV. Romanæ sedi obtulit regnum suum, illudque Pontifici & Successoribus ejus constituit censuale, ut annuatim de Camera Regis CCLV. massemutinæ Apostolicæ Sedi reddantur, fidem facientibus literis publicis. Summam census polliciti Bernhardus in Chronico, apud Baronium An. Chr. 1097. n. 106. ostendit fuisse ducentarum quinquaginta unciarum auri. Prolixe rem narrat Mariana Histor. Hisp. lib. 11. cap. 2. Pontificem Innocentium III. manu sua coronam capiti ipsius imposuisse, potestatemque dedisse, ut in provincia Reges Arragonii coronarentur, Tarraconensi Metropolitano totius cæremoniæ antistite. Rex, eo beneficio affectus, certum auri pondus Pontifici pendere constituit quot annis, *haud obscure dolentibus* (ait Mariana) *vulgo provincialibus, ab eo initio immunitatis jus iminui, datamq; Pontificibus potestatem occasionemq; Rempubli-* *cam in Arragonia turbandi.* Portugalliæ Dux Alphonfus, Lucio II. Pontifice, beneficiarium Ecclesiæ Romanæ se constituit, pacto censu annuo, unciarum auri quatuor; adeptus postea Regis titulum ab Alexandro III. novum censum sibi & posteris imposuit, centum Byzantinorum, si fides adhibenda Innocentio III. lib. 1. ep. 99. Nam refertur apud Marianam lib. 10. cap. 17. A. C. MCXXXVII. altero ante pugnam die (qua quinque Regulorum Maritaniæ signa capta sunt, ex eo tempore Regum Lusitaniæ insignia, quinque minoribus scutis, in clypeo cæruleo, ornantia) Alphonso Regis nomen a militibus acclamatum fuisse, Alexandro III. pontificiam dignitatem A. MCLX. demum assequente. Quales vero Byzantini fuerint, pererudite tradit Marq. Freherus de Re Monet. lib. 2. cap. 1. Diviso jam imperio, orientalium Impp. majestas in occidente comiter observabatur. Frequens etiam usurpata est moneta eorum, apud Byzantium cusa, aurea præsertim, per Italiam, Galliam, & Germaniam, quam Byzantios & Byzantinos dixerunt,



dixerunt, impressa Christi Servatoris imagine, aliquando etiam Virginis Θεοτόκου. Horum in Annalibus eorum temporum, bullis, foundationibus, & varii generis instrumentis mentio fit quam frequentissima.

4. S. *Apulia & Calabria Duci censum numeranti, Reges Sicilia & Neapolis jungere nunc est animus.*

Apuliam & Calabriam pertinuisse olim ad Byzantinos Imperatores, hac vice non indagabimus, quantumvis Pontificio juri nonnihil obsit ea res. Baronius A. 1059. n. 69. ex Libro censuum, tanquam armario suo sacro, Ducis Roberti Gviscardi juramentum depromit, quo & fidem, & annuam pensionem, Papæ Nicolao II. pollicetur. Audite, in hæc verba adjurat: *Ego Robertus, Dei gratia & S. Petri, Dux Apulie & Calabriae, & utroq; subveniente, futurus Siciliae, ad confirmationem traditionis, & ad recognitionem fidelitatis, de omni terra, quam ego proprie sub dominio meo teneo — promitto, me annualiter pro unoquoq; jugo bouum pensionem, scilicet duodecim denarios Papiensis monetae, persoluturum B. Petro, & tibi. Domino meo Nicolao Papæ, & omnibus Successoribus tuis, aut tuis, aut tuorum Successorum nuntiis.* Alteserræ Differt. Jur. Can. lib. 3. c. 13. alio jure, Siciliae & Neapolis regnum censum præstat Ecclesiæ Romanæ, nempe clientelæ & obsequii feudalis nomine. Quam equidem litem nostram non facimus, referentes saltem ex illo, Constantiæ & Friderico, ejus filio, Siciliae & Neapolis regna dedisse Innocentium III. sub annuo censu mille Squisfatorum, Ecclesiæ Romanæ pensitando. Jo. Sarisberiensis ep. 159. *Obiit quoque Willelmus, Rex Siculus, cui successerunt filii sui, alter in Regnum, alter in Ducatum Apulie,*

E

¶ in



Et in extremis agens LX. millia florinorum Johanni Neapolitano tradi fecit ad usum Domini Papæ. Filius quoque, qui ei successit in Regnum, totidem misit. Hinc factum est, ut Innocentius IV. in cap. ad Apostolicæ, de sentent. & re judic. in VI. diceret, Siciliæ Regnum esse speciale patrimonium B. Petri. Ordine rem omnem refert Fr. Guicciardinus lib. 4. licet is locus in plerisque exemplaribus desideretur: Cum Normanni, quorum primus Guilielmus Ferabracbius est appellatus, ab Imperio Constantinopolitano Apuliam & Calabriam subtraxissent, Robertus Guicciardus (al. Guiscardus) ex illa gente unus, siue, ut colore juris aliquo sese muniret, siue, quo adversus eos Imperatores potentia se armaret, siue alia de causa, Benevento Pontifici, quasi Pontificii juris esset, restituto, Apuliæ Calabriæque principatum, quasi Ecclesiæ Romanæ fundum, recognovit: cujus exemplum Rogerius, ejus successorum unus, secutus, inde pulso Gvilielmo eadem familia orto, post etiam Sicilia occupata, fere anno salutis MCXXX. harum provinciarum jus a Pontifice accepit, estque Rex utriusque Siciliæ, quarum una ultra, altera cis fretum sita est, appellatus. Originem causæ, & quam indigne Pontifex Normannorum opera abusus sit, præsertim contra Henricum IV. adhuc juvenem, candidus impertit, quod solet, Sarpius loc. cit. Il Pontefice (Gregorio VII.) che già haveua scomunicato li Normanni, come usurpatori delli Regni di Sicilia e Puglia, si voltò all' ajuto loro, gli consentì tutto quello, perche li perseguitava, & gli assolse dalla scomunica, e se per questa causa Roberto Rè di Napoli, e di Sicilia, che per innanzi era persecutore del Papa, non si fosse voltato à sua difesa, per far contrapeso all' Imperatore, egli sostentava la sua causa con intiera vittoria, mà per gli ajuti di Roberto, il Pontefice, se ben esule, si sostentò. Et morto quello, per gli ajuti stessi, e di trè Ruggieri d'ell' istessa famiglia, co tinuò l' istessa contentione anco con due Successori di Gregorio, — l' ultimo



*timo de' quali, che fù Urbano II. in prêmio delli servitii, prestati dalli Normanni, diede ad un di loro la Bolla della Monarchia di Sicilia. id est: Pontifex (Gregorius VII.) qui jamjam execratione devinxerat Normannos, ipsorum opem imploravit, concessit eis omnia & singula, quorum causa persequeretur eos, vinculoque anathematis liberavit; si Robertus, Rex Neapolis & Siciliae, non ita pridem Pontificis persecutor, defensionem ejus in se non suscepisset, ut ad æquilibrium res Imperatoris reduceret, causam obtinuisset Imperator, evicissetque. Verum, auxilio Roberti, Pontifex, exul quidem, dignitatem suam tutatus est, eoque mortuo, quod superesset illud præsidium, triumque ejusdem familiae Rogeriorum, lis perduravit inter Imperatorem & duos Gregorii successores, quorum posterior, in præmium a Normannis præstiti servitii, uni illorum Monarchiam Siculam bulla præbita concessit. Acerrime in hanc Siciliae Monarchiam Cæsar Cardinalis Baronius in-  
 vectus est, nec rei historiam scribendam suscepit, ita sentiente Ascanio Cardinale Columna Jud. de Monarch. Sicil. Baronii, qui ait, *non minora posse aut pauciora, pari stilo atq; orationis libertate contra Baronium referri.**

5. 9. *Remota petimus. Polonia quoq; sedi Romana tributum solvit, quod Casimirus, votis monasticis solutus, ad regnum fuerit admissus.*

Prolixior est in enarranda historia hac Baronius A.C. 1041. num. II. utiturque Longini testimonio, quem sincerissimum arbitratur Rerum Polonicarum scriptorem. Casimirus, Cluniaci professus Monachus (in compendio dicendum est) expetebatur a populo Polono in Regem, quem

E 2

si na-



si nactus fuisset, tranquillarum omnia crediderat. Res ardua difficilisque, nec nisi summi Pontificis gratiosa indulgentia conficienda. Mittuntur Legati ad Benedictum IX. qui eorum gentisque miseriis ac precibus victus, exemit voto Casimirum, ea lege, ut Polonorum regiones ac Regnum, in signum præstiti beneficii, B. Petro, & successoribus Romanis Pontificibus de quolibet capite Nobilium (capitibus circumscriptis) usualet nummum annis singulis solvere, casariam capitis & comam, barbarorum more, non nutrire, sed auribus patentibus, instar Religiosorum Latinarum nationum, tonsuratum caput gestare, & in præcipuis Christi & Virginis matris ejus festiuitatibus, panno linteo albo, in stola modum dependente, cervicem exornare, perpetuo sit adstrictum. Congruit Severinus Binius Tom. VII. Concil. Part. pr. in vita Benedicti IX. Et Martinus Cromerus Rerum Polon. lib. 4. non indigna narrat: In memoriam beneficii, injunctum, ut de singulis capitibus, exceptis Nobilibus, siue Equitibus, (quod maximopere admiratur Baronius) & qui sacris addicti sunt, quotannis obolus unus in lucernam, perpetuo in æde D. Petri Romæ arsuram, pendatur, qui etiamnum S. Petri Nummus dicitur: tametsi Dlugossus, regnante apud Polonos Vuladislao Lothico, ad hanc rationem vult redactam esse pensionem illam, cum prius tres oboli & cribrum avenæ de unaquaque familia pensitatum esset. Fas esto, ejusdem testimonium lib. II. unica adhuc vice adhibere, postquam de defectione Silesiorum paulo ante sermonem fecit. Retinet etiamnum pleræq; omnis Silesia vestigium vetustæ originis suæ a Polonis deductæ, pensionem, quam S. Petri Nummus vocant — Quæ quidem per illa ipsa Silesicæ defectionis tempora eoredacta est, ut nummus tantum æreus, quem obolum vocamus, in capita quotannis penderetur, cum antea tres oboli, & cribrum avenæ in singulas familias pendi soleret.

6. S. Sve-



6. S. *Svecia & Dania regna memorant aliqui censualia. Quorum vero fides leviter fundata est.*

Steuchus lib. 2. c. 120. de Donat. Constant. *Omnes domus Sveciæ solvunt censum Apostolicæ Sedi, singulos denarios.* Mira dictu; sed credenda tamen, si quidem in Annalibus Sveciæ extarent. *Atvolvuntur & revolvuntur,* inquit Laur. Banckius, Norcopensis Gothus, de Tyrann. Pap. cap. 16. *historiæ Svecorum; nunquam in iisdem vel apicem, qui huic rei fidem faciet, invenire licet.* Daniæ censum exegit Alexander Papa II. si fides Libro censuum habenda apud Baronium An. Chr. 1062. num. 109. ex quo idem fragmentum petiit Binius Tom. 7. part. pr. ut epistolam III. Alexandri II. conficeret. *Alexander — Suenoni, Regi Danorum. — Quapropter prudentiam tuam admonemus, ut censum regni tui, quem Prædecessores tui sanctæ Apostolicæ Ecclesiæ persolvere soliti sunt, nobis & Successoribus nostris transmittere studeat: Ita tamen, ut non sicut oblatio, in altari ponatur, sed, ut supra diximus, tam nobis, quam Successoribus nostris, ut certius approbetur, præsentialiter offeratur.* Res consequentes & circumstantes deficiunt. Nil verbis opus est. Cencius Camerarius fertur esse codex Bibliothecæ Vat. quo superbit Baronius An. Chr. 1076. num. 65. quando conatur lectori persuadere, Croatiae Dalmatiæque Ducem censum CC. Byzantinorum permisisse Ecclesiæ Romanæ, præsertim cum Gregorii VII. ope, Regis & titulo & honore mactatus sit. Verum, incerta isthæc non cupimus certa facere. Et Bohemia censualis ex eo non apparet, cum Steuchus Eugubius lib. 2. c. 103. nugetur, Spiciomenum, (rectius Spitihnæum) Bohemiæ Ducem,

E 3

diade-



diadematis usum a Nicolao Pontifice impetrâsse, pro centum librarum annua pensione.

7. §. *Accedit ex abundanti, illustres cœnobiorum fundatores censum B. Petro constituisse.*

Geraldus, Comes Aureliacensis, cœnobium B. Petro posuit, in proprio fundo, censumque dixit. Odo Cluniacensis, lib. II. vit. ejusdem Geraldus, cap. IV. citante Alterra Dissert. Jur. Can. lib. 3. c. II. *Romam profectus est, et Aureliacum, insigne prædium, B. Petro, Apostolorum principi, facto solenniter testamento, delegavit, cum tantis videlicet appendiciis, quæ Monachis, quos ibidem congregare disposuerat, ad omne stipendium sufficere possent: censum quoque delegavit, qui ad urnam B. Petri annuatim redderetur.* Fundator monasterii Vindocinensis, censum B. Petro XII. solidorum singulis annis pendere promisit. Vindocinensis Abbas Goffridus lib. 1. epist. 9. gratulatur sibi, incrementum cepisse monasterii res, cum tempore *Prædecessorum, Romana Ecclesia vel debitum censum, duodecim scilicet solidos, per annum vix inde habere potuerit.* Idem repetit epistola XIII. ad Callistum. Tabulas foundationis affert Jac. Sirmondus in Notis: *Abbas vero, qui alodiarum B. Petri esse dinoscitur, matrem suam Romanam Ecclesiam per singulos annos, aut per se, aut per Legatum suum visitare studeat, et, si majorem caritatem non fecerit, censum saltem XII. solidorum, ad concinnanda luminaria, ante venerabile corpus beatissimi Petri, ibi persolvere non negligat.* Possidemus exemplar harum epistolarum eruditissimi viri, Johannis de Laët, quibus manu sua adscripsit judicium censuramque: *In omnibus his epistolis, paucis exceptis, videre est, quæ contentiones*



nes propter res temporales, inter Clericos & Seculares; item Monachos & Episcopos vigerint: & quomodo excommunicationibus & interdictis, tanquam gladiis, inter se conflixerint; ita, ut vix opera pretium fuerit has legisse. Hirsaugiense monasterium in Germania nostra extruxit Adelbertus Comes, & Apostolicum privilegium acquisivit, & constituit, ut unus aureus, quem Byzantium dicimus, singulis annis Romam ad altare S. Petri ab Abbate prædicti monasterii in Pascha persolvatur, referente Trithemio in Chron. Hirsaugiensi ex tabb. Henrici IV. A. MLXXI. Ex quo liquere, concludimus cum doctissimo Hachenbergio Germ. Med. Dissert. X. tenacissimum nummi Byzantini fuisse usum apud Germanos, cum propria pecunia jam usi fuerint, & Cæsarum Cptanorum autoritas per Italiam concidisset. S. Michaëli Comites de Hurmingen monasterium Ordinis S. Benedicti, in valle Albertina, nomine Hugonis Curie, Germanice *Hugeshofen*, fecerunt in Alsatia, & a Sixto Papa libertate donari curaverunt, excepto Cameræ Apostolicæ annuo Marmotino, hoc est, denario aureo, ut narrat Albertus Argentinensis in Chronico, qui noscitur bene a Curia, & est minoris, quam parvulus florenus de Florentia.

8. S. *Alia religione Daci colunt S. Petrum, qui intra defunctorum suorum dentes nummum deponunt, ei persolvendum. Russi literas addunt, ocys exhibendas.*

Russis & Moscovitis Daci, si cultum divinum spectes, per omnia accedunt, & præterea (quod Moscovitæ non solent) intra mortui dentes nummum collocant, quem dependat is S. Petro, Trösterö in Dacia sua autore lib. 4. c. 6. Post-



Postquam e vivis excefferunt Ruffi, ab Archiepiscopo ornantur literis, quas S. Petro præmonstrent, quo, nulla mora intercedente, cœli palatia subintrare valeant. Exemplar literarum deridicularum Macariæ, Archiepiscopi Kiofensis in Rutenia, exhibet Christ. Matthias in Syst. Politico lib. 3. exerc. 4. sect. 4. Haud abfimilem Dacorum nummum existimaverit quis illi, de quo Casaubonus ad Strabonem, lib. VIII. quem Aristophanes *δαράνλιον* vocat, (ut habet auctor Etymologici, quod daretur *νῆς δαροῖς*, hoc est, mortuis; sed improbat hanc vocis originem Salmas. de Usuris, cap. XV. & Pollux aperte tradit, nummum esse Persicum) cranii rictui dentibusque inditum, ut Lazio lib. 3. Comment. de Reg. Rom. c. 18. videtur, quo expedite magis animæ a Charonte transveherentur, tantillo pretio soluto. Apposite Henricus Spondanus, de Cœmit. sacr. lib. 1. part. c. 1. 11. n. 2. de more Græcorum, *quo solebant defunctorum ori nummum quendam inserere, quem Charonti portitori pro naulo solverent, & qui eum non ferrent, errare cum insepultis credebantur.* Lucianus eum plerumque *obolum* vocat, sicut Diodorus Siculus, Aristophanes, alii. Apulejo *stips* dicitur, Propertio *as*, Juvenali *triens*. Virgilius *inopem turbam* nominat *inhumatam*, quod non daretur inopibus Stygiam paludem transire, præterquam, qui ea loca incolebant, unde brevis ac pronus ad inferos descensus esse putabatur. Svetonius in Aug. c. 57. *Omnes ordines in lacum Curtii quotannis, ex voto, pro salute ejus stipem jaciebant.* Lacus, puteos, loca hominum opinione sacra, coluisse Romanos, ob inanem Deorum timorem, censet Is. Casaubonus in h. l. Torrentius arbitratur, eos credidisse, patere isthic hiatus ad inferos; redderent igitur propitios Deos Manes, darentque stipem pro salute etiam viventis.

CAP.



## CAP. III.

Causæ, propter quas sua obtulerunt  
Principes, Patrimonia Apostolorum, & denique  
Petri Britannicum Romanumque iter  
examinantur.

1. S. *AD pietatem declarandam B. Petro,  
aliisque Sanctis, Principes obtulerunt  
terras suas; arbitrati, firmiter sta-  
bilita & perennia fore omnia, quorum  
S. Petrus custos esset protectorque.*

**D**E pietate Principum, vel potius opinione, quæ  
modus quidam religionis est, dicetur amplius. Gregorii  
VII. epistolam ad Demetrium, Russorum Regem, in me-  
dium profert Baronius An. Chr. 1075. n. 27. 28. qua perhi-  
bet, filium Regis regnum dono S. Petri, per manus Pontifi-  
cis, velle obtinere, eidem B. Petro, Apostolorum principi, de-  
bita fidelitate exhibita. His adjicit Cardinalis, exemplo  
isto intelligere nos debere, quo pacto contigerit plura re-  
gna oblata reperiri Apostolicæ Sedi. *Christiana Regum  
pietas efficiebat, ut persuaderent sibi illi, magis protectione S.  
Petri, principis Apostolorum, quam armis Regna defendi;  
offerrent illa eidem S. Petro, a quo, & per successorem ipsius,  
Romanum Pontificem, acciperent illa in feudum, præstato  
juramento fidelitatis eidem.* Duo sunt, quæ heic cognosce-  
re & animadvertere oportet: A primo Russiæ domino  
usque ad A. MDXIV. neminem illorum Principum alium,  
F  
quam



quam Ducis, vel Magni Ducis titulum sibi adscripsisse, Banckio de Tyrann. Pap. cap. 16. in eam rem citante Sigismundum in Hist. Russorum. Deinde, nullum Moscoviæ seu Russiæ Ducem, Demetrii nomine, illo tempore appellatum fuisse. Cl. Alteserræ Dissert. Jur. Can. lib. 3. c. 13. ad dispiciendam veritatem non videtur offusa caligo, affirmanti, *in signum devotionis quamplures christiani orbis Principes se & sua commendasse Ecclesiæ Romanæ*. Immo, inficias ire non possumus, priscis temporibus evenisse sane aliqua, quæ non evenisse satius fuisset. Multum mortalia pectora cæcæ notis habebant; unde tot Protectores & Patroni regionum & urbium, quos nunc recensere animus non est, tempusque deficit. Alio respectu quidam dono dederunt bona sua Ecclesiæ. Sic memoratus sæpe Sarpinus: *Molti di poco potere, desiderosi assicurare il suo dalle violenze, ne facevano donazione alla Chiesa, con conditione, che ella glielo desse in feudo con una leggiera ricognitione*. i. e. Multi propter suam impotentiam, deliderantes sua a vi liberare, donarunt ea Ecclesiæ, addita conditio, ut ab ipsa in feudum tenerent, cum modica compensatione.

2. § *De Patrimoniis Apostolorum hac occasione dicere nihil prohibet, quæ non soli Petro, sed & Paulo attribuuntur.*

Olim a Byzantinis Imperatoribus templo Petri & Pauli Romæ, talenta tria cum dimidio numerabantur, quæ Patrimonii Apostolorum nomen subierunt, tandemque Leo Iconomachus prohibuit, ne amplius redderentur. Cedrenus in ejus Gestis: *τὰ δὲ λεγόμενα πατρωνία τῶν ἐν Ῥώμῃ ναῶν, τῶν ἀγίων καὶ κορυφαίων Ἀποστόλων ἑκαταλὰ πλέμνη, πάλαι τρεῖς ἡμῖσι, τῷ δημοσίῳ λόγῳ πληροῦς προσέταξεν*. *Patrimonia*



monia vero templorum Romæ principibus Apostolis consecra-  
torum, quæ olim pendebantur, talentorum trium & semis, in  
publicum redigi præcepit. Salmasius in Apparat. ad libb. de  
Primat. evincit, Patrimonia illa Calabriae & Siciliae Leo-  
nem in fiscum intulisse iratum, quod Gregorius II. Papa  
totam cum Roma Italiam fecisset deficere, ac liberâset sa-  
cramento Senatum Romanum, omnesque Italiae populos.  
Theophanes in Chronico meminit τῶν τετράντων χρυσίῳ, ta-  
lentorum auri, utrique Apostolorum principi solutorum.  
Sarpisius in libro, quem scripsit de Beneficiis, subducit sum-  
mam, cui responderint tria & semis talenta, contendit-  
que, adeo amplam non fuisse. *Non riceveua la Chiesa Ro-  
mana tanto grandi entrate dalli Patrimonii suoi, quanto al-  
cuno crede; imperocche narrando le Historie, che Leone Isau-  
ro confiscò li Patrimonii di Calabria & Sicilia, fanno mentio-  
ne, che rendevano d' entrata trà tutti, tre talenti d' ar-  
gento e mezzo d' oro. che fanno in nostra moneta, per non  
far minuto conto sopra la varietà delle opinioni, quanto pre-  
cisamente risponda ad un talento, somma non maggiore di 2500.  
scudi: Et il Patrimonio di Sicilia molto ampio non pagava più  
di 2100. scudi.* Tantos redditus ecclesia Romana non per-  
cipiebat e Patrimoniis suis, quantos quis crederet. Dum  
enim Historiæ narrant, quod Leo Isaurus confiscaverit  
Patrimonia Calabriae & Siciliae, ostendunt, in universum  
argenti talenta tria & auri dimidium præbuisse; quæ, si  
monetam nostram conferas (ne, ob sententiarum diversi-  
tatem, subducamus ad nummum, quanta pecuniæ vis ex-  
acte unum talentum adæquet) summam efficiunt utique  
non maiorem, quam 2500. coronatorum: Et amplissi-  
mum Siciliae Patrimonium, ultra 2100. coronatos neuti-  
quam persolvit.



3. §. *Sub hæc tempora bona Ecclesia in Italia vocabantur Patrimonia; verum sine ulla potestate juris, quod esset vel Pontifici, vel Ecclesia Romana.*

Operæ pretium fuerit hoc notâsse, ne quis in animum inducat, Patrimonii vocem supremum aliquod dominium significare. Possessiones cujusque familiæ, posteris relictæ, tunc dicebantur Patrimonium: postea Patrimonia dici cœpta sunt, quæ liberalitate Principum fideliumque aliorum, Ecclesia sibi acquisivit, præsertim, cum Papæ, ut Salmasius loc. cit. censet, Imperium occidentis affectarent; quoniam & Imperatores Romani sua patrimonia habuerunt, ad differentiam aliorum, *Sacra dicta Patrimonia*. Non negat Sarpius, eadem de causa bona Ecclesiæ Patrimonia fuisse appellata, quod essent ei propria, non secus ac illa, quæ posteris a majoribus obtingerent; hinc, ait, in epistolis S. Gregorii, non tantum Patrimonii Ecclesiæ Romanæ fit mentio, sed etiam Patrimonii Ecclesiæ Ariminensis, Patrimonii Ecclesiæ Mediolanensis, & denique Ravennatensis. Veniam petimus, verbisque ejus denuo utimur: *Alle Chiese poste in città di habitatori di fortune mediocri, non erano lasciate possessioni fuori del suo distretto, mà à quelle delle città Imperiali, come Roma, Rauenna, Milano, doue habitauano Senatori & altre persone illustri, erano lasciate in di verse parti del mondo. Fà mentione S. Gregorio del Patrimonio della Chiesa di Rauenna in Sicilia, e d' un' altro patrimonio in Sicilia della Chiesa di Milano; la Chiesa Romana haueua patrimonii in più parti del mondo. Si fà mentione del patrimonio di Francia, di Africa, di Sicilia, delle Alpi Cottie, e di molti altri — Per far anco rispettare le possessioni della Chiesa maggiormente, soleuano darli il nome*



nome del Santo, che quella Chiesa haueua in speciale ueneratione. Così la Chiesa di Rauenna nominaua le possessioni sue di S. Apollinare, e quella di Milano di S. Ambrosio, e la Romana diceua il Patrimonio di S. Pietro in Abbruzzo, il Patrimonio di S. Pietro di Sicilia &c. al modo, che à Venetia le publiche entrate si chiamano di S. Marco. i.e. Ecclesiis, quæ fitæ sunt in ciuitatibus, quarum incolæ sortis tenuioris, extra illarum ambitum bona concessa non fuerunt; Ecclesiis vero ciuitatum Imperialium, Romæ, Ravennæ, Mediolani, ubi degebant Senatores & Illustres Viri alii, in diuersis mundi partibus indulgebantur. Meminit S. Gregorius Patrimonii Ravennatensis Ecclesiæ in Sicilia, alteriusque Patrimonii, in Sicilia, Ecclesiæ Mediolanensis. Romana Ecclesia possidebat Patrimonia in compluribus orbis terrarum plagis, velut in Gallia, Africa, Sicilia, Alpibus Cortiis, multisque locis aliis. — Et, quo maiorem dignitatem possessionibus ecclesiasticis conciliarent, imponebant iis nomen Sancti, quem Ecclesia illa præcipua ueneratione colebat. Sic Ravennatensis Ecclesia bona sua S. Apollinaris appellavit, Mediolanensis S. Ambrosii, & Romana esse dixit Patrimonio S. Petri in Samnio, Patrimonio S. Petri in Sicilia &c. ea plane ratione, qua redditus publici Venetiis, S. Marci vocantur. Non est sane incredibile, viris in Republica clavis gravissimum & sanctissimum pietatis nomen semper fuisse, ut ubique gentium matris Ecclesiæ commodis prospicerent.

4. S. *Supereft, ut perscrutemur, an Petrus in Britannia docuerit, quandoquidem aliqui testes reperiuntur illius rei; sed non admodum probi. Dehinc existima-*

F 3

mus,



*mus, Lucium Regem, sola fidei fama  
motum, Christo dedisse nomen.*

Olim proderit huic negotio aliquid impendisse operæ, quando non desistunt fautores, hinc quoque Petro adstruere, quod nulli possunt; ut laborent incassum. Sermonem plane doctum Franciscus Godwinus commentario de Præsulibus Angliæ præmisit, inquirens in conversionem Britanniae ad christianam religionem. Et, ne diffiteamur, unde profecerimus, capite I. examinat opinionem quorundam, omnibus ingenii nervis contendentium, Petrum, ut ecclesiæ Romanæ primum Pontificem, sic Britannicæ primum fundatorem extitisse. Arbitramur itaque, non præter rem fore, si monstraverimus, infirma esse testimonia, quæ in probanda assertione utuntur. Primum est Simeonis Metaphrastæ, quod non vereatur quis conferre cum Baronii, A. C. 44. de hoc scriptore, iudicio: *Sicut in aliis multis ibi a se positis errare Metaphrasten certum est, ita & in his hallucinatum esse constat.* Bellarminus de Scriptor. Ecclesiast. fatetur, *a Metaphraste, scriptas fuisse historias de Vitis Sanctorum, multis additis ex proprio ingenio, non ut res gestæ fuerunt, sed, ut geri potuerunt.* Ne quid porro dicamus, quare fidem ejus vocet in dubium. Innocentii canone (Epist. ad Decent. dist. II. c. Quis nesciat) si quis niti velit, ferre possumus, dummodo sibi ipse videatur feliciter illo uti. Instant: Maxima rei documenta habemus. Gildas Britannus in opusculo, cui titulus, In ecclesiasticum ordinem Acris Corruptio: *Multos habere suam Britanniam, præcepta Christi spernentes & suas libidines votis omnibus explere amantes, Sedem Petri Apostoli immundis pedibus usurpantes, sed merito cupiditatis in Judæ traditoris pestilentem cathedram desidentes.* Nescimus, quid sibi animadvertisse credant; cum nihil aliud



aliud sibi velit Gildas, quam tales hypocritas, qui cupiditatibus suis ædificationem regni Christi postponunt, Judæ potius proditoris, siue (ut postea dicit) Nicolai, immundi hæretici, successores videri, quam Petri, vel alterius Apostoli. Amplius, quam abhorret a ratione, itineris Petri ad toto divisos orbe Britannos mentionem intermitteri, cum reliquorum Apostolorum labores diligenter literis consignati fuerint, solumque fluxæ fidei hominem, Metaphrasten, hoc agere, qui demum seculo IX. vixit, ex Baronii, Bellarmini & Posssevini mente; Philippus Labbé, Tom. 2. Diff. Hist. de Script. eccles. seculo X. alligandum putat. De cætero constitutus fuit in loco remotiore Constantinopoli, officio Logothetæ functus, nec solerter res Britannicas indagare potuit. Sed, fingamus ita esse, Petrum lustrasse Britanniam; nova difficultas oritur, cum consentiant inter se Baronius, & qui cum ipso faciunt, ea tempestate Claudium Judæos urbe pepulisse. Unde, si Metaphrastæ credimus, recta perrexit in Africam; si autem Onuphrio Panvinio, in Annot. ad Platinam, vit. S. Petri, *Petrus Roma exire coactus, Hierosolymam reversus est.* In Godwini sententiam discessionem fecit immortalis gloriæ Eques, H. Spelmannus Tom. 1. Concil. in Apparatu de Exordio christianæ religionis in Britanniiis, cum gloriosum imprimis duceret, a tam inclyto nobilique Parente, spiritualis cognationis originem trahere; nisi & ratio, & fide dignorum testium inopia obstaret, ita, ut incredibili sententiæ ratiunculas suggererent ii, quibus adversa mens est. Lucii Regis conversioni præmittimus, quod aliqui opinentur, ultra vallum Britannicum (nam murum non fuisse, docet Beda lib. I. Hist. Eccles. cap. V.) in ea parte, quæ Albania appellatur, Lucium imperasse, quamque Britanni libere possederint, ut Britannia totius, vel majoris ejus partis Rex nunquam fuerit. An vero monente Eleutherio Pontifice Luciu fidei christianæ sacris sit imbutus, ei statum senten-



sententiæ, fabulam & fictam rem esse, quæcunque afferunt ex Ninio: *Post centum & sexaginta septem annos* (juxta antiquissimum exemplar Cottonianum, nam communiter Anno Dominicæ Incarnationis CLXIV. legitur) *Lucius Britannicus Rex, cum omnibus Regulis totius Britannicæ gentis, baptismum suscepit; missa legatione ab Imperatoribus Romanorum, & Papa Romano Evaristo.* Perturbata & confusa cernimus. Nec magis certa sunt, quæ ea de re scribit Fabius Quæstor Ethelwerdus lib. I. Annal. Eleutherium per nuntium & literas, Lucium, Insulæ Regem, adiisse, quo admoneret eum de fide & baptismo catholico. Discedimus igitur in viri summi, Vsserii, de Britann. eccles. Primord. c. 4. sententiam, antiquiores autores, quod a legatis Regis Anglorum in Concilio Basileensi propositum est, potius confirmare, Lucium, *audita sola fidei fama, non vocatum, non alicujus prædicatione inductum, misisse suas epistolas ad Papam.* Congruè autor libri Pontificalis (quem Bellarminus de Scriptoribus Ecclesiasticis, Anastasio Bibliothecario tribuit, sed perperam; Labbeo Tom. I. Dissert. Hist. de Script. eccles. visus MS. codex melioris notæ, Caroli M. tempore exaratus) in vita Eleutherii: *Hic accepit epistolam a Lucio Britannico Rege, ut christianus efficeretur per ejus mandatum.* Rem totidem pene verbis repetierunt Luitprandus Ticinensis, Abbo Floriacensis, in Vitis Pontificum, nec non Beda & Adoviennensis in Martyrologiis, ad IIX. Calendas Junii. Similiter Beda in Hist. eccles. gentis Angl. lib. I. cap. 4. *Britannorum Rex Lucius epistolam misit ad Eleutherium, obsecrans, ut per ejus mandatum christianus efficeretur.* Commonstrare denique certum est, cum ipse Rex literas ad Papam dederit, sola fidei fama permotum fuisse. Thomas Rudburnus senior in Chron. minor. & Historiolæ Wintoniensis collector hanc tantummodo occasionem commemorant, quod *famam christianitatis*



*tatis audisset* Lucius. Autor Historiæ Archiepiscoporum Eboracensium, circa A. C. M. CCCC. LX. scriptæ : *Audiuit cæteras nationes fidem Christi suscepisse.* Liceat Usserii labore loc. cit. adhuc frui, postquam negotio huic mire satisfecit. Chronicon Giseburnense habet : Applicuisse animum ad fidem christianam, quod *audisset de miraculis Domini nostri Jesu Christi, & de prædicatione Apostolorum.* Radulphus Niger in Chron. *Vates quidam paganus in Britannia Dominicam natiuitatem prædixerat : unde Rex Lucius Romam pro orthodoxæ fidei doctoribus misit.* Luculenter admodum in libro Abingdoniensi dicitur : *Lucium audita fama & sanctitate prædicatorum in urbe Romana tunc temporis degentium, nuncios suos cum literis suis patentibus ad venerabilem Papam Eleutherium destinavisse quantocytus, rogantem de votisime & supplicantem attentius, quatenus per mandatum & voluntatem ejus christianus efficeretur.* Sane, non possumus non cum Fr. Godwino de Convers. Brit. cap. 3. concludere, Lucium a suis Britannis ad fidem christianam prius perductum, quam ad Eleutherium quenquam mitteret, sibi que fortassis gloriæ etiam duxisse, ab urbe, gentium domina, mutationis instrumenta petere.

5. S. *Satis certo constat, neque in Anglia fuisse Petrum, neque ex illa petiisse Romam. Relinquitur saltem quæstio, an Romæ fuerit. Chemnitius concedit, Petrum fuisse Romæ. Dubitat Gerhardus.*

In Apparatu ad libb. de Primatu Cl. Salmasius pro viribus hoc agit, ut ostendat pedem urbi Petrum non intulisse;

G



tulisse; ratus, invictissimo se uti argumento, cum instet atque urgeat, Petro Gal. 2, 7. *τὴν ἀποστολὴν τῆς περιεργίας* commissam, adeo, ut operæ pretium nequaquam fecisset, si petiisset Romam, ubi aut nulli, aut pauci admodum Judæi, a Claudio urbe pulsi. Cardo rei in eo versatur, ante annum Claudii quartum, Palæstina Petrum non excessisse. Quod probatur utique. Nam annum Agrippæ ultimum, quo Petrus in carcerem conjectus est, Eusebius in Chronico, Scaliger, & Chronologi omnes, combinant cum quarto Claudii; nec doctissimus Valesius Not. ad Euseb. lib. 2. cap. 16. diffitetur, convenire inter omnes. Igitur, cum indubium sit ex Actis Apostolorum, egisse tunc Petrum adhuc in Palæstina, Romam proficisci nondum potuit. Illi graviter impingunt, qui existimant, verba Act. XII, 17. *ἐπορεύθη εἰς ἑτέρον τόπον*, de Roma esse accipienda; ratione enim destituuntur omni. Fingamus, Romam eo tempore delatum esse, trahit tamen ista opinio secum sua incommoda, si Petrus Romanam cathedram per annos XXV. exornavit, & martyrium, Neronis decimo tertio passus est; ut silentio involvamus, septem annis Ecclesiæ Antiochenæ præfuisse. In Synodo Hierosolymitana Act. 15. Petrum adfuisse præsentem, plane constat, accedimusque literarum & antiquitatis peritissimo viro, Friderico Spanheimio F. in Dissertationum historici argumenti Quaternione, Diss. 1. §. 20. referenti Concilium ad annum Claudii XIII. Christi circiter LIII. Verum, isthac modo, si tum quidem Romam venerit Petrus, minime respondet numerus XXV. annorum Pontificatus summi, quem ipse gessit; nisi sub Vespasiano vel Tito mortuum putent Catholici, & proprio molimine fundamenta evertant. Certamen Petri cum Simone mago ad veritatem breviter revocabimus. Illis non assentimur, qui Simonem sub Tiberio Romam venisse sentiunt; placet vero Joh. Henr. Otto Quæst. Theologico-hist.



hif. An, & quando B. Petrus fuerit Romæ & sub Caligula  
cœpiſſe ejus hærefin, circa annum a Chriſto paſſo VI. a  
nativitate XXXIX. Vana quoque videtur eorum narratio,  
qui ſibi perſuadent, Petrum Simonem ubiq; ſecutum, vene-  
na ſua ſpargentem latius, & tandem Romæ cum eo publice  
conflictatum, pro veritate religionis chriſtianæ dimicâſſe;  
nam in Samaria Petrus devovit Simonem, quod ex Act.  
VIII, 20. liquet. Attamen plerique veterum Patrum tra-  
diderunt, Juſtinus, Irenæus, Tertullianus, Cyrillus, Eufe-  
bius, aliique, ſtatua & ara a Romanis Simonem magum fu-  
iſſe honoratum, quæ poſita ei fuerit in Inſula Tiberina, in-  
ter duos pontes. *Hunc errorem omnino hauſerunt*, inquit  
Salmaſius Appar. ad libb. de Primatu, *ex ſimilitudine no-  
minis Semonis & Simonis. Nam in illo ipſo loco, a virorum  
etate, reperta eſt ara, dedicata SEMONI SANCO, quem  
illi pro Simone mago acceperunt.* Ita laudatus Spanhemius  
loc. cit. Diſſert. I. §. 10. docet, non *Simonem Sanctum* Romæ  
cultum, ſed *Semonem Sancum*, & ſtatuum inſcriptam fuiſſe *Se-  
moni Sanco, Deo Fidio*, non *Simoni Sancto*. Semo Sancus Sa-  
binorum erat Numen, feriendorum præſes fœderum, in  
quo Juſtinum cum populares Samaritani, tum ignorantia Roma-  
ni uſus deceperunt. Franciſcus Maria Florentinus, qui  
*Marcelli*, Simonis primum, deinde Petri discipuli, Hiſto-  
riam, ex Paſſionali vetere, ante quingentos annos deſcri-  
pto, integram exhibuit, continentem ſcilicet plura veritati  
conſona, ac non prorſus rejiciendam, faſſus tamen eſt, *non  
aſſerere ſe hanc hiftoriam certiffimæ fidei.* Nec volumus, nec  
poſſumus etiam præterire ſenſum verborum ſub finem prio-  
ris epiſtolæ Petri, ἀπαίρεται ὑμᾶς ἡ ἐν βαβυλῶνι σιωεκληκτῇ, καὶ  
μάρκῳ υἱὸς μου. Legitur apud Salmaſium Appar. ad libb.  
de Prim. hanc Babylonem de Roma pleroſque omnes Pa-  
tres interpretatos eſſe; quo argumento invaluerit opinio  
veterum, Petrum fuiſſe Romæ. Hinc in quibusdam ve-  
tuſtis



tutis exemplaribus additum est illi epistolæ, missam esse *ὑπὸ τῶν*. Quod vero falsissimum esse nemo non videt, cum de vera Babylone intelligendum sit hoc nomen, & nulla ratio suadeat, allegorice Romam sic placuisse Petro vocare. Constat, nomina locorum in Epistolarum inscriptionibus, salutationibus, & clausulis adhiberi proprie I. Cor. I, 2. I. Cor. XVI, 19. Coloss IV, 16. Dubium autem controversumque est, sitne illa urbs Babylon Chaldæorum, an Ægypti, sive Arabia. Prius non pauci affirmant: posterius arridet doctissimo Ottoni loc. cit. Nec pauca videntur suadere, Babylonem Ægypti potius innui a Petro, quam Chaldaicam vel Assyriacam. Rationes colligit vir omni laude nostra major Spanhemius: Claudii tempore, quo Petrus scripsit, observârunt viri docti ex Curtio, Plinio, Pausania, Chaldaicæ Babylonis præter nomen, & humiles quasdam casas, aut parum, aut nihil superfuisse; cum ex adverso Ægypti Babylon enitesceret. Quin immo Annalium scriptor melius sentire potuisset de eadem, quam vix oppidi nomine dignam judicat. Testimonium perhibere volumus Ptolemæum lib. 4. cap 5. an usque adeo incognita fuerit Babylon. Sic ille: καὶ ἐν μεσοτείῳ Ἀραβίας καὶ Ἀφροδιτιᾶς πόλεως, βαβυλῶν, & in finibus Arabiæ & Aphroditi. Babylon. Josephus, viam Israëlitarum, Ægypto exeuntium, descripturus: βαβυλῶν δὲ ὑπερῶν κτίσεται ἐκεῖ, καὶ θύσῃ κατὰ τὴν Φουδάριον τὴν Ἀιγυπτίον Babylon post eo loco condita est, Cambyse Ægyptum devastante, unde & a Persis nomen illi inditum. Strabo Geogr. lib. 17. Babylonem prope Memphim, vocat Φερίον ἱερὸν καὶ καστὸν munitionissimum, quod etiam in Babylone esset Romanarum legionum una τῶν φρουρήτων τῶν Ἀιγυπτίων. In Antonini Itinerario, aliis Æthici Cosmographia, ubi fit mentio itineris a Pelusio Memphim, per partem Arabicam, Babylonia collocatur inter Aphroditem, Scenas Meandras, & Helin seu Heliopolim. Notitia Imperii, inter Memphim & Pelusium



fium mediam ponit; Geographorum tabulæ Babylonem  
 ad Nilum collocant, in angulo Delta, e regione Memphis  
 veteris. Breviter strictimque multa dicit diligentissimus  
 locorum explorator, Petrus a Valle, Itin. part. 1. cap. 22. *Uti,  
 quod verum est, fatear, existimo, Cairum a principio semper  
 extitisse eo loci, ubi nunc est Novum; & Vetus Cairum esse an-  
 tiquam Babylonem Ægypti, olim Coloniam Chaldaeorum, post  
 occupatum hunc ab Ægyptiis tractum, ut Strabo & Diodorus  
 referunt.* De cætero Ægypti Babylon, Palæstinæ, præ illa  
 Chaldaica, multo est propior, ut Petrus commode magis  
 literas ad Judæos Asianæ vel Græcanicæ dispersionis exa-  
 rare potuerit: & ingens multitudo Judæorum in Ægypto  
 vixit, quorum Petro cura. Si Marcus, quem memorat  
 Petrus ad calcem epistolæ, fuerit Marcus Evangelista, ve-  
 teres uno ore testantur, constanter egisse in Ægypto, jam in-  
 de a II. Claudii ad Neronis IIX. vel, secundum Eutychium,  
 Patriarcham Alexandrinum in Origg. eccl. suæ, usque ad I.  
 Neronis. Sic se res habet. Nos cuique liberum relinqui-  
 mus, quas velit sequi rationes, dummodo Babylonis vo-  
 cem non transferat, & quasi alieno in loco collocet. Ad  
 postremum toti narrationi de Romano Petri itinere, assen-  
 sum vel negârunt, vel certe rem omnem suspenderunt  
 J. Baptista Mantuanus, Michaël Cæsenas, Marsilius Pata-  
 vinus, Joh. Aventinus, Joh. Lelandus, Carolus Molinæus,  
 teste Spanhemio loc. cit. §. 2. Fatemur tamen, atque et-  
 iam profitemur, non absolute, Petrum Romæ fuisse, nos  
 negare; sed argumenta partis adversæ, fidem causæ suæ  
 & autoritatem non adjungere, persuasos esse. Firmamen-  
 tum in duobus insignibus Ecclesiæ nostræ viris ponimus.  
 Chemnitius enim in Harm. Evang. cap. 50. donat ita esse,  
 Petrum urbem victricem fuisse ingressum. Hæret adhuc  
 Gerhardus Confess. Cathol. lib. 2. p. 1. artic. 3. cap. 3. relin-  
 quens rem in medio, quando non conficitur ex necessaria



consequentia hæc conclusio: Sedem primariam constituit, Urbis Episcopus factus est, cum ipse Romæ fuerit. Satis indultum est historiis, & rerum gestarum vel expositioni, vel demonstrationi. Nunc, ut posteriorem ordiri possimus, huic sectioni finem facimus.

---

## SECTIO POSTERIOR.

**D**enarium S. Petri eleemosynam tantum esse, vetustas monumentorum evicit. Nunc vehementer omni studio atque opera elaborandum est, ut planum faciamus, Romanenses Petri auctoritate frustra sese munire, quasi eidem concessum foret Imperium totius Christiani orbis, cui tanquam supremo domino vectigalia & tributa, tutelæ & obsequii gratia, essent pendenda. Quapropter hæc sectio tractabit sacra, & Petri prærogativas exponet, cum æquatione dignitatis Pauli. Deinde S. Codicis loca, Monarchiæ ecclesiasticæ speciem præ se ferentia, intentis oculis contemplabimur: tandemque finem opellæ huic imponent denarii, quorum mentionem infert Novum Testamentum. Præiverunt viri summi, quorum vestigia legere, & jucundum est, & utile. Sic verum sine ulla contentione inveniemus, vel perscrutabimur inventum.

### CAP: I.

De Petri prærogativis, cui Paulus æquatur.

1. S. Petrum primæ sedis Apostolum vocare,

nihil



*nihil prohibet; immo κεφαλὴ τῷ Ἀπο-  
στόλων.*

**L**oquimur autem cum Barlaamo Monacho de Papæ Prin-  
cipatu cap. 2. λέγουμεν, ὅτι τὰ μὲν πρὸς τὴν ἐκκλησίαν ἰσότητοι  
πάντες ἐτύχασαν· τῆς δὲ ἱερέας αὐτῶν δωδεκάδ' ὁ μακάριος Πέτρος  
ἐξήρχετο, τὸ πλεον τῶν ἄλλων ἔχων, τῶν ἄλλων παρέχων, αὐτὸς τῆς  
διδασκαλίας ἡγείσθ'· καὶ προσωποθερίας ἴσως ἀξιώσθ'. *Omnes quidem  
Apostolos, (Joh. Luydo interprete) quod ad Ecclesiam atti-  
net, parieodem plane fuisse honore; sacri autem illorum duo-  
denarii numeri Principem B. Petrum fuisse, asseveramus. Hac  
scilicet in re cæteris superior, quod aliis præsentibus, primas  
ipse docendi partes obierit, ac fortasse etiam primo loco sede-  
rit. Vocatur Petrus a veteribus κεφαλὴ τῶν Ἀποστόλων caput  
Apostolorum, illo tamen sensu, quo egregiis muneribus or-  
nati capita dicuntur. Matthæus cap. X, 2. per πρῶτον ef-  
fert. Paulus ab ipso Gregorio Romano honoratur no-  
mine Capitis nationum, obtinentis totius Ecclesiæ principa-  
tum; parique ratione Antiochia Chrysostomo Hom. V. ad  
pop. Antioch. est caput orientis τῶν ἐκ τῆς ἑω κειμένων κεφαλῆ,  
urbs prima & præcipua, non domina. Photius in Nomo-  
canone Tit. I. c. 5. ὅτι πασῶν τῶν ἐκκλησιῶν κεφαλὴ θῆναι ἡ Κωνσταντι-  
νὴ πόλις, quod omnium ecclesiarum caput (primaria) sit Constan-  
tinopolis.*

2. §. *Petrus Christi vicarius est: & reliqui  
Apostoli fuerunt. Tulit in quibusdam  
partes præcipuas, verum proprias suæ  
personæ.*

Non negamus, Christi vicarium Petrum fuisse, secuti  
celebrem inter Regiomontanos Theologum, Dreierum in  
Contro-



Controversi. cum Pontif. præcip. Disp. 9. cum munus Apostoli subierit. Apostolus autem neminem refert alium, nisi legatum Christi, qui vices illius in docenda & regenda Ecclesia sustinet. Hoc pernegatur, quod vicarium caput Ecclesiæ, sive vicarius Monarcha Ecclesiæ a Christo sit constitutus, ipse solus Christi vicarius; cum æque cæteri Apostoli pro Christo legatione functi fuerint. II. Cor. V, 20. Ita dicitur esse Cephæ Ecclesiæ, ut Ecclesia est Christi, I. Cor, III, 12. hæc vero Christi est, ut ministra, & Cephæ postponitur reliquis, ut inter ipsius & Apostolorum cæterorum ministerium, discriminis nihil intersit. *Sive Paulus, sive Apollo, sive Cephas, sive mundus, sive vita, sive mors, sive præsentia, sive futura, omnia vestra sunt, vos autem Christi.* SS. Patres. nec re, nec verbis discrepant. Origenes Hom. 12. in Num. *Apostoli erant Reges, & Christus Rex Regum.* Quod si Reges singuli fuerunt, uni profecto Regi non subiacebant. Apertè Cyprianus de Unitate ecclesiæ: *Hoc erant utiq; & cæteri Apostoli, quod fuit Petrus, pari consortio præditi honoris & potestatis.* Pamelius, in Annotationibus, cupit nobis locum hunc extorquere, sed nihil agit. Neque sufficit vel Manutinus, vel Cambronensis codex. Satis est, cæteros fuisse, quod fuit Petrus. Judicavit iudicium inclytum M. Ant. de Dominis lib. 1. Reip Eccles. c. 7. n. 18. *Hæc est pura & defæcata Cypriani lectio, prout omnes antiqui codices habent.* Pamelius enim Aldo Grammatico nixus, inepte intrusit illa verba, Primatus Petro datur: quæ ex aliquo marginali, si dolus malus absuit, in textum aliquem impurum irrepperint. Libellum Cypriani de Unitate Ecclesiæ diligenter cum veteribus MSS. Oxonienses Theologi contulerunt. Quæ consentanea sunt omnia cum his nostris. Accuratissime monet Jeremias Stephanus in Annot. ad h. l. solere Criticorum peritissimos præferre plures codd. paucioribus, nisi ratio aut necessitas aliud



aliud suadeat : At Pamelium voluisse pauciores pluribus op-  
 poni, nulla significata ratione; sed duntaxat ex mero causæ  
 præjudicio. De cætero animadvertendam censet diligen-  
 tem Cypriani curiositatem: Cum multum dixisset, cæte-  
 ros idem fuisse, quod Petrus, non contentum tamen addidis-  
 se, *par consortium*, ne reliqui consortes viderentur inferio-  
 res vel honore, vel potestate. De absoluta Petri & reliquo-  
 rum Apostolorum æqualitate non quæritur. Largimur ei  
 aliqua, quæ præ cæteris solus obtinuit, ut, ratione ætatis fu-  
 isse seniore, vel, si quis ita velit, evocatum fuisse primo,  
 &, quasi lumen aliquod, non extinctis cæteris virtutibus,  
 eluxisse in eo charitatem, qua alii vix æque pollebant.  
 Contendunt aliqui, Andream ante Petrum vocatum esse,  
 & Hesychius, Presbyter Hierosolymitanus, in Encomio in  
 B. Thomam, Andream vocat *πρὸ πέτρῃς πέτρον, ἔ θεμελίῳ θε-  
 μέλιον, ἧς δέχῃς ἀπαρχὴν*, Petrum ante Petrum, *fundamenti  
 fundamentum, initii primitias*. Ut ut se res habeat, credimus  
 eos *πρωτοκλήτες*, & simul vocatos, de reliquo parum solliciti.  
 Sed sunt prærogativæ istæ personales, quæ ad successorem  
 nequaquam pertinent; feratque aliquis, Petrum vocari pri-  
 mum, præcipuum ac principem Apostolorum, ratione  
 personalis cujusdam eminentiæ, quia primus ordine & tem-  
 pore fuit Apostolus. Huc non facit, quod Hilarius ait in  
 Psal. 131. *Petrus fuit primus filii Dei confessor*. Vel Atha-  
 nasius Sermon. 4. contra Arian. *Petrus omnium primus co-  
 gnovit Christi divinitatem*. Nam Johannes Baptista præ-  
 ferendus esset omnibus, qui Christum agnovit, & DEI  
 filium esse ab ipso Patre didicit, aliisque manifestavit, an-  
 tequam Petro aliquid eade re constaret. Quin immo ante  
 Baptistam Simeon non videtur horum mysteriorum  
 ignarus fuisse.



3. §. *Sequitur, quid de Primatu sentiamus;  
quandoquidem Jacobus, Cephas & Jo-  
hannes columna Ecclesiæ appellantur.*

Omnibus & singulis Apostolis commissum fuit pari au-  
toritate munus prædicandi Evangelii, Matth. XXIIII, 19.  
20. potestas solvendi & ligandi peccata, Matth. XXIIII, 18.  
Petrus igitur Princeps Ecclesiæ proprie dictus non fuit, ut  
idem foret in Ecclesia, quod in Republica Monarcha. Rei  
caput est, Petrum jure divino non gaudere aliquo primatu,  
quantumvis neutiquam monarchiam omnem ex Ecclesia  
tollamus, quando Petri monarchiam universalem inficia-  
mur: Christus enim in cælos receptus, Ecclesiæ tamen  
suæ in his terris, ut Caput, Princeps & Monarcha, præest, po-  
tuitque Ecclesia particularis ad modum regiminis monar-  
chici gubernari, quemadmodum Petrus Antiochenæ Ec-  
clesiæ per tempus præfuit, Johannes Ephesinæ, & Jaco-  
bus Hierosolymitanæ. At universalis Ecclesiæ omnes ex  
æquo curam gesserunt, ut ejus regimen Aristocraticum re-  
cte diceretur. Amplus & præclarus locus est Gal. II, 9.  
Non solus Petrus dicitur *Ecclesiæ columna*, sed & Jacobus &  
Johannes, *nec Petro* (quod Joh. Gerhardus Conf. Ca-  
thol. lib. 2. part. 1. art. 3. c. 2. observat) *tanquam Monarchæ,*  
*sepe Paulus & reliqui Apostoli subjiciunt, sed dextram socie-*  
*tatis ipsi dant, quod manifestum æqualitatis indicium; quin &*  
*pactum Paulus ac Petrus invicem ineunt — Mutuas igitur*  
*operas ad ecclesiæ ædificationem conferunt, nequaquam vero*  
*universalem pasturam & dominatum Petrus sibi arrogat.* Jaco-  
bus, Petrus, & Johannes columnæ non sunt dicti, quasi  
hæc prærogativa ipsis a DEO fuerit concessa; *οἱ δοκῦντες*  
*σῦλοι εἶναι*, inquit Paulus, & *ϕ. 6. qui existimantur aliquid esse,*  
id est, præcipui doctores habentur, hominum opinione,  
non



non DEI jussu. Latet etiam ratio secreta sub ordine, quo Jacobus Petro & Paulo antefertur. Tres illæ columnæ II. Cor. XI, 5. XII, 11. τρεῖς ἄλλαι ἀπόστολοι vocantur, summi scilicet Apostoli, quibus se Paulus minime inferiorem putat. Chrysostomus ait Homil. 23. in II. Cor. II. πρὸς αὐτὸς ποιεῖται τὴν σύγκρισιν ἡ δὲ προσηύκειτο αὐτῷ χήματι, sese illis cum auctoritate sibi conveniente comparat. Unus igitur non constituitur summus, sed plures æquales sunt & pares, iisdemque se confert Paulus.

4. §. Nacti occasionem hanc, Paulum aequabimus Petro, cum is Apostolorum minimus audiat.

Concreditum Paulo Evangelium præputii, sicut Petro circumcisionis, Gal. II, 7. sive, ita Apostolus a Deo constitutus est, ut Petro apostolatus Judæorum fuerat commissus, & vers. 8. qui operatus est Petro in apostolatum circumcisionis, operatus est & mihi inter gentes, inquit Paulus. Ponderus argumenti sensit autor tractatus, qui inscribitur *La Grandeur de l'Eglise Romaine*, ac ex Patribus, Conciliis, scriptis Pontificum, juxta seriem seculorum, miro cum labore ac artificio, copiosissimis collectis testimoniis, probavit, paris honoris & meriti cum Petro esse Paulum: opera sane non inani, si quidem abstinuisset a visibili Ecclesiæ capite. Andreas Pinto Ramirez, Soc. Jesu, in Selectis S. Scriptur. tract. 2. c. 1. §. 25. nutare videtur in primatu Petri, cum Petrus Pauli testimonio uti voluit, illo, *tanquam sacro diplomate*, sua confirmaturus, II. Petr. III, 15. *Sicut & charissimus frater noster Paulus, secundum datam sibi sapientiam, scripsit vobis.* Paulo post in hæc erumpit verba: *Non contendendo, an doctior Paulus cæteris Apostolis: certe doctrinae ejus*  
H 2 *uberior,*



uberior, & clarior ad nos manavit: ut, quantum potestate sibi tradita re vera condiscipulis Petrus præstat, tantum sapientia excellere Paulus videatur: unde ob istam, jam cum Petri sacerdotio summo conferri, jam ceteris præferri intelligitur. Satis quidē ad rem & ingenue; nam de potestate illa in sacris altum est silentium, & valde delectamur dicto sive Ambrosii, Serm. LXVI. sive S. Maximi, inter cujus sermones ad verbum reperitur, certe antiqui & sancti autoris, quod Pinto supeditavit: Ergo Beatus Petrus & Paulus eminent inter universos Apostolos, & speculari quadam prærogativa præcellunt. Verum inter illos, quis cui præponatur, incertum est: puto enim, illos æquales esse meritis, qui æquales sunt passione. Testimonium accuratissimum perhibet Spanhemius, Paulum frequenter, æque ac Petrum, sine exceptione laudari a veteribus. Apostolorum ὁ κορυφαῖος, ὁ ἀρχηγός, ὁ πρῶτος, ὁ μέγας, ὁ ἡγεμὼν, ἡ κεφαλὴ, ὁ προεστὴς, coryphæus, princeps, primus, maximus, dux, caput, præses, etiam nulli secundus, ac ne Petro quidem, si non major, vocatur Clementi, Ignatio, Irenæo, Tertulliano, Origeni, Eusebio, Cyrillo Hierosolymitano, Chrysostomo, Ambrosio, Hieronymo, Augustino, Leoni; pigetque reliquos transcribere. Allusione facta ad τοὺς νυμφαγωγούς, qui Græcis erant apostoli sponsi, Chrysostomus Homil. 33. in Matth. XX, 20. T. V. Paulum nuncupat τὸν νυμφαγωγὸν τῆς χριστοῦ, adductorem sponsæ ad Christum. Leo I. Serm. de Petro & Paulo, non est ausus caput subicere capiti, sed capiti oculos aptavit: Quos (Petrum & Paulum) gratia Dei in tantum apicem inter omnia Ecclesiæ membra pro vexit, ut eos in corpore quasi geminum constituerit lumen oculorum. Hæret in mente, apud Facundum Hermionensem lib. 10. Petrum Apostolorum primum dici, Paulum vero minimum. Nam sic aliquando Petrus Apostolorum primus, sicut jam diximus, cum non recte ambularet ad veritatem Evangelii, reprehensus a Paulo, minimo Apostolo.



*Apostolorum, non indigne tulit, nec, pro sui primatus gloria, resistentem sibi despexit.* Responsum Salmasius de Primat. Papæ, cap. 2. redd t, minimum vocari Paulum, non merito, sed ordine temporis & vocationis; quia postremus, ut postremo loco vocatus. Petrum Euthymius totius orbis magistrum, Chrysostomus alicubi totius Ecclesiæ pastorem nominant; sed animadvertit Nic. Vedelius lib. 2. Epist. Ignat. cap. 5. Exercit. epist. ad Mariam, idem de Paulo dicere Chrysostomum Hom. XVIII. in Rom. cap. XI, 1. ὃ τὸ κήρυγμα πᾶν καὶ τὰ μυστήρια τῆς οἰκονομίας ἐπετίθετο, καὶ τὰ μυστήρια πάντων, καὶ τῶν οἰκονομίας ὅλων, cui Deus omnem prædicationem, res totius orbis, mysteria cuncta, universamq; dispensationem commisit. Sic Paulus Pastor œcumenicus cum Petro fuit.

5. §. *Fundamenta Ecclesiæ Romanæ cum Petro Paulus iecit, & in Pontificum bullis Paulus dextram Petri occupat.*

Solum Paulum ducem & autorem extitisse condendæ Romæ Ecclesiæ, Salmasius in Appar. ad Libb. de Primat. sibi persuasit, nihil quicquam a veritate deflectens, cum minus Romanum Petri iter explicari possit. Sed fuerit Romæ; obtinemus amen, quod cupimus, eandem operam Romæ præstitisse Paulum, quam præstiterit Petrus: Abutuntur enim Irenæo, quicunque existimant, ab ipso solum Petrum Ecclesiæ Romanæ fundatorem constitui. Græca Irenæi sic expressit Eusebius lib. 5. c. 6. θεμελιώσαντες ἂν, καὶ οἰκοδομήσαντες οἱ μακάριοι Ἀπόστολοι τὴν ἐκκλησίαν, δίνοντες τῇ τῆς Θεοσκοπίας λειτουργίᾳ ἐκχειρίσαν, fundantes igitur ædificantesque Ecclesiam beati Apostoli, Lino inspectionis munus per manus tradiderunt. Jangit Irenæus utrumque Apostolum: uterque Lino Ecclesiæ curam commisit. Veterum profecto plurimi



plurimi, in fundatione Ecclesiæ Romanæ, Paulum Petro vel æqualem faciunt, vel certe majorem. Loca congeffit Leo Allatius de Perp. Consens. lib. i. cap. 3.4. ib. c.5. num. 21. & postquam attulisset ea, in medium ambiguumque sermonem erumpit: *Quas res planas, apertas, minimeque dubias ex una parte si videam, ex altera Ecclesiæ majestatem monarchicam considerem, Petro soli debitam, a Christo Petro soli exhibitam, incertum mihi est, quid pronunciem.* Ne nihil dicere videamur, Eusebius in hæres. Carpocr. poterit sufficere: *Ἐν Ῥώμῃ Πέτρος καὶ Παῦλος πρῶτοι γενόμενοι Ἀπόστολοι, αὐτοὶ καὶ ἑπισκοποὶ, εἶτα Διονύσιος, εἶτα Κλήτης, Romæ fuerunt primi Petrus & Paulus Apostoli, qui & Episcopi, deinde Linus, postea Cletus.* Obversantur etiam animo bullæ Pontificum, in quibus a dextris Paulus collocatur Petri. Miros aliqui faciunt ludos, quando in rei causam inquirunt: Ajunt quippe, (recensente ista Leone Allatio, de Perp. Consens. lib. i. c. 6. qui postea sententiam affert suam) errore sculptorum ista accidisse; vel, propensiores fuisse Græcorum pictores in Paulum, quam in Petrum: in conventibus Ecclesiasticis sinistram esse honoratiorem dextra. Quorundam fert opinio, quod Paulus Petri latus tegat, quemadmodum ii, quos *laterones* vocant; alii censent, singularem hanc esse Petri modestiam, indulgentis Paulo honoratiorem locum in sua Ecclesia, quod Magnates assolent. Leo Allatius affirmat, *id ex cotholarum basilicarum dispositione ortum, a Græcis Romam illata, quibus quod dextrum est, sit Latinis sinistrum.* Verum sinistro pede procedit, quando in hanc abit sententiam. Dixit, si quisquam alius, quod res est, Cl. Salmasius Appar. ad Libb. de Primatu, ita obtinuisse ab ultima antiquitate, & ab eo tempore, quo minime dubitabatur, quin primas partes in fundanda ea Ecclesia tulisset Paulus. Leviter attingamus, Clementem V. A. MCCCVI. sanxisse, imposte-  
rum



rum ne quis temere affirmaret, Papam ante confirmationem bullis minime uti debere. Hæc vero ante solennia coronationis *simplex est*, seu talis, *quæ habet tantum ab una parte DD. Petri & Pauli imagines in plumbo, ex altera vero plana*; postmodo *duplex*, cum imaginibus S.S. Apostolorum, & ab altera parte nomine Pontificis, teste Gregorio Tholosano, in Gerh. von Mastricht Historia Juris Ecclesiastici & Pontificii Num. 402.

## CAP. II.

De Fundamento Scripturæ,  
quo nititur Petri monarchia, & Pontificis  
successio.

1. §. *Primas facile tenere, ajunt, locum Matth. XVI, 18. Οἱ πὺν εἰ Πέτρος, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν, Quia tu es Petrus, & super hanc petram ædificabo meam Ecclesiam. Quem animo & mente circumspiciemus.*

**D**uo hinc exsculpunt Catholici, quod Gerhardus Conf. Cathol. lib. 2. part. 1. art. 3. c. 2. tradit. Primum est, quod *Petrus sit ista petra, super quam fundata est Ecclesia; non tamen, ut erat persona particularis, sed, ut Pastor & caput totius Ecclesiæ. Secundum, quod esse fundamentum, sit, esse gubernatorem totius Ecclesiæ.* Sed, ne quid nimis; ista enim grandia sunt. Utinam omnes pari animo detestarentur  
lites



lites istas cum Joh. Fero Comment. in h. l. querente : *Circa hunc locum nihil aliud agimus, quam, quod de potestate disceptamus, quis major sit, non attendentes, quod Christus dixit: Principes gentium dominantur eorum, vos autem non sic.* Accingimur ad rem ipsam, exploratam habentes rationem textus sacri, qui inter πέτρι & πέτρῃ accurate distinguit. Σὺ εἶ πέτρι, καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν. Sensus est : *A me petra vocaris Petrus, super quam ædificabo Ecclesiam meam.* Non dicit Christus, tu es petra, & super te petram; vel tu es Petrus, & super te Petrum ædificabo. Hinc mala fides est auctoris Historiæ Petri, Perfice scriptæ, qui Ludovico de Dieu creditur esse Hier. Xavier, torquentis hunc in modum Spiritus S. verba : *Tu es Petrus, id est lapis, super quem structura Ecclesiæ meæ firma erit.*

Quin & Syriacum ܡܬܢܐ nihil moramur, cum genus præ-nominis sit mutatum; utq. veterum librorum fides (Dist. 9. Ut veterum) de Hebræis voluminibus examinanda est : ita novorum veritas, Græci sermonis normam desiderat. Nonnulli huic observationi operam dant, Christum gestu juvasse vocem, & semetipsum monstrasse digito, quod solitus sit Joh. II, 19. λύσατε τὸν ναὸν τῆτον, *destruite templum hoc.* Noratu dignum censet Gvilielmus Rivetus Defens. Libert. Eccles. part. 1. cap. 7. *nunquam in Scripturis purum hominem petram dici, sed DEUM duntaxat, vel Christum, filium DEI vivi; ut clarum sit, quæ de petra dicuntur, de Christo filio DEI, quem confessus est homo, non de homine Petro, qui confessus est, intelligenda esse.* Sic maximi nominis vir, IC. Casaubonus Exerc. 15. ad Baron. n. 13. ait, sacrorum librorum Interpretes, per sæpe vocem ܡܬܢܐ, non vertere *petram*, aut *rupem*, sed *DEUM*. Deut. XXXII, 31. II. Sam. XXII, 32. Psalm. XXXI, 3. & LXXIII, 26. petram ad Christum referunt Ecclesiæ Doctores non pauci. Hilarius Pictaviensis lib. 2.



lib 2. de Trinit. *Unum hoc est immobile fundamentum: una hæc est felix fidei petra, Petri ore confessa: Tu es Christus filius DEI vivi.* Gregorius Nyssenus lib. contra Judæos, cap. ult. *Dominus est petra fidei, tanquam fundamentum, ut ipse Dominus ait ad principem Apostolorum: Tu es Petrus, & super hanc petram ædificabo ecclesiam meam.* Disputator acutissimus & catholicæ veritatis prædicator fidelissimus, Augustinus (quo nomine laudatur Nicolao de Cleman-gis Epist. 5.) Tract. CXXIV. sive ult. in Evang. Johannis: *Ecclesia — fundata est super petram, unde & Petrus nomen accepit: non enim a Petropetra, sed Petrus a petra; sicut non Christus a christiano, sed christianus a Christo vocatur. Ideo quippe ait Dominus: Super hanc petram ædificabo Ecclesiam meam; quia dixerat Petrus: Tu es Christus, Filius DEI vivi.* Super hanc ergo petram, quam confessus es, ædificabo Eccle-siam meam. Petra erat Christus, super quod fundamentum etiam ipse ædificatus est Petrus. Fundamentum quippe aliud nemo potest ponere, præter id, quod positum est, Christus Je-sus. I. Cor. III, II. Non aliter Beda homil. in vigil. S. Andr. *Super hanc petram, a qua nomen accepisti, id est, super me.* Idem arguit Sermo catholicus de S. Petro, veteri lingua Britannica scriptus, apud Whelocum in notis ad Bedæ Hist. Ecclesiasticam lib. 3. c. 25. Petro hunc honorem Servator habuit, ut eum faceret cognominem petrae, cui in-ædificare voluit Ecclesiam suam, hoc est, sui. Et frustra docti disceptant, ita sentiente Salmasio Appar. ad libb. de Prim. quæ sit differentia significationis vocum Græcarum *πέτρα* & *πίτρα*, quando in hoc Petri cognomine *πέτρα* Græce idem non significat, quod *πίτρα*, vel saxum, vel la-pis, sed cognomen est Græce factum, ex nomine *πίτρα*. Latine Petrus recte petra dicitur, ut Syriace Cepha. Ita *Asina, Musca, Dolabella, Caudex, Mus*, cognomina sunt Romanorum. Idem defendit, sentitque idem Joh. Mich.



Dilherrus Eclog. sacr. dict. 3. qui de hoc loco enucleate dixit. Aliter fit in Græcia, ubi cognomen ex nomine appellativo flectitur, mutatis genere & flexione, ut a *πίτρα* cognomen *πίτρας*, sive nomen proprium. Similiter atque uno modo Catholicus Sermo loc. cit. de S. Petro: *Ante hoc tempus nomen illi Simon fuit: Sed Dominus hoc nomen Petrus illi imposuit, id est, petræus.* Cum nomen ipsum Syriacum Petri usurpant Græci, non *κήφα* dicunt, sed *κήφας*, ut *Αϊνέας*, aut *Κηφᾶς*, ut *Μητῆας*. Urgent adversarii, nihil cupientes remittere, poni nimirum demonstrativum pronomen, loco relativi. Esto sane: sed quomodo relativum fœminini generis, refertur ad antecedens generis diversi? Veteres, ut refertur apud Casaubonum Exercit. 15. n. 12. *pronomen hanc non ad nomen Petrus, sed ad præcedentem versus retulerunt.* Si pro relativo vocem *ταύτην* accipias, aut ad præcedentem confessionem pertinet, aut ad vocem *petram* in præcedente dictione *Petrus* inclusam. Post hæc novum non est, ut relatio fiat ad vocem in præcedente aliqua dictione latentem. Joh. IIX, 44. dicitur: *ὁ πατήρ αὐτοῦ, quia mendax est, & pater ejus, nempe & ψεῦδος mendacii.* Et Gerhardo autore, Confess. Cathol. l. 2. part. 2. art. 3. c. 2. pronomen relativum sæpius respicit ad remotum, non ad proximum. Rom. V, 12. illud ἐφ' ᾧ πάντες ἥμαρτον, in quo omnes peccarunt, convenit cum ἐν ἁνδρώπῳ, uno homine, aliquanto remotiore. Petram quoque confessionem Petri reddere scriptores priscos, demonstrarunt viri doctissimi, Whitakerus, Casaubonus, M. Anton. de Dominis, Forbesius, & paullo ante citatus Gerhardus, pluresque alii, quos breviter sequemur. Hilarius lib. 2. de Trinit. inquit: *Unum hoc est immobile fundamentum: una hæc est felix fidei petra, Petri ore confessa, Tu es Christus, filius DEI vivi.* Et lib. VI. de Trin. *Super hanc confessionis petram, Ecclesie ædificatio est.* Gregorius Nyssenus



nus loc. cit. Dominus est petra fidei, tanquam fundamentum, ut ipse Dominus ait ad principem Apostolorum, Tu es Petrus &c. Super hanc confessionem scilicet, quia dixerat: Tu es Christus &c. Chrysostomus Hom. 55. in Matth. ὅτι τούτῃ τῇ πέτρᾳ οἰκοδομήσω με τὴν ἐκκλησίαν ταύτην, τῇ πίσει τῆς ὁμολογίας, super hanc petram ædificabo Ecclesiam meam, id est, fidem & confessionem. Hincmarus, Episcopus Rhemensis, in epistola ad Hincmarum Laudunensem: Super hanc petram, hoc est, firmam & solidam fidei confessionem, ædificabo Ecclesiam meam. Haymo, Episcopus Halberstadiensis Hom. de Temp. Petra autem erat Christus. Tale est igitur, ac si diceret Christus, super hanc fidem, id est, super me, quem tu confessus es, ædificabo Ecclesiam meam. Longius evagari non licet; videbimus saltem, quare, interrogatis omnibus, solus responderit Simon Petrus. Iudice ingenioso Montacutio Origg. Eccles. T. 1. part. post. A. C. 32. n. 5. Apostoli ore Petri loquebantur, quod essent σύμφωνοι. Ad confusionem tollendam, unus loquebatur & profitebatur, quod animitus cæteri sentiebant. Ille autem unus erat Petrus, partim naturali dispositione semper ἀρετῆς, in Christum magistrum zelotes, & princeps confessus apostolici. Hæc fere eodem modo completitur Chrysostomus in Matth. XVI, 15. τὸ εἶμα τῶν Ἀποστόλων ὁ Πέτρος, ὁ πρωτοχῆς θερμὸς, ὁ ἔχων τῶν Ἀποστόλων κορυφαίον, πάντων ἐρωτηθέντων, αὐτὸς ἀποκρίνεται, Os Apostolorum Petrus, semper fervidus, chori Apostolorum coryphæus, cunctis interrogatis, ipse respondet. Præterea non contenti sunt, qui secus sentiunt, Petrum vocare petram, nisi & illud addant, esse fundamentum ædificandæ Ecclesiæ. Verum, ut leges in Republica, & quidquid Rempublicam suffulcit & sustentat, fundamentum dicitur; sic Apostolorum doctrina, ab omni errore libera, fundamentum Ecclesiæ vocatur. Concinne doctissimus vir, Lud. de Dieu, Animadv. in Hist. Petri. Fac sensum Christi esse, ipsum Petrum esse petram — fatebitur  
mibi



mibi, credo, omnis Christianus, Petrum non quia hominem, sed quia Apostolum & praekonem doctrinae Christi esse fundamentalem Ecclesiae petram. Quid vero hic habet, quod non cum ceteris Coapostolis commune sit? Nam superstructi super fundamentum Apostolorum ac Prophetarum, existente imo angulari lapide ipso Jesu Christo, Ephes. II, 20. Jacobus Heerbrandus Compend. Theol. L. de Eccles. Apostoli non sunt fundamentum Ecclesiae: sed sua doctrina de Christo fundamentum jecerunt, & hoc est, quod Paulus inquit Ephes. II. Aedificati super fundamentum Prophetarum & Apostolorum, id est, super doctrinam eorum, qua fundamentum posuerunt Jesum Christum. Mens Apostoli non est, Ecclesiae fundamentum esse Prophetas, pridem defunctos, sed doctrinam eorum, scriptis contentam, sicut Luc. XVI, 29. Habent Moysen & Prophetas, id est, doctrinam Moysis & Prophetarum. Ut taceamus, fundamentum secundarium ἀναγκαῖον esse, minimeque constare. Eleganter Nic. Vedelius Exercit. 3. in ep. Ignat. cap. 7. ad Philad. ostendit, quomodo Apostoli dicantur fundamentum Ecclesiae, non quod ipsi fundamenta essent ipsissima, sed quia fundarunt Ecclesiam super fundamentum, quod est Christus, sive fides in Christum. Hinc firmum & stabile fundamentum Ignatio in epist. ad Philadelph. est τὸ αἶμα τοῦ υἱοῦ, sanguis Christi. Quamvis Usserius haec minio signet, tanquam diversa a vetere Latino interprete. Judicium Jo. Pearsonii de Vedelio in Vindic. Epistol. S. Ignat. cap. 4. impertiamur: Industria Vedelii, quam ad loca in Epistolis Eusebio memoratis corrupta & interpolata judicanda, & a genuinis secernenda adhibuit, si conatum spectemus, laudanda; si eventum sive successum, parvi quidem aestimanda videntur. Pluchre & oratorie dixit Whelocus ad Hist. Bedae l. 5. cap. 7. Verum, quid ad haec Petrus? fingite. Egone solus Cephas? hoc est, lapis. Christus est, I. Pet. II, 4. ille vivus lapis. Vel, Egone solus lapis propter.



pter fidem? Vos quoque credentes estis vivi lapides. V. 5. ibid. Gildas Britannus in Epist. Vero sacerdoti dicitur: Tu es Petrus, & super banc petram ædificabo Ecclesiam meam. Erudite, si quæ unquam alia, hæc omnia contulit magnus Caesarius Exercit. cit. neque in diversa itum esse commonstrat: Sic prorsus Patres, quando dixerunt ædificatam esse Ecclesiam super Christo, item super Petro, vel unoquoque fidelium, nec non super fide, aut confessione fidei, in re optime consentiebant, & ut Augustinus dicere solet, locutionum hæc fuit diversitas, non sententiarum. Eadem bona fide complexus est Ferus Comment. in h. l. Cum Christus dixit: Super hanc petram ædificabo Ecclesiam meam, nihil aliud vult, quam se Ecclesiam ædificaturum super firmum immobileque fundamentum, contra quod nihil possint omnes adversariorum insultus. Ex hoc claret, quod Christus Ecclesiam suam non super Petrum — aut quemcunque alium hominem ædificavit: nullus enim homo tam firmus & constans, qui non possit moveri. Id quod etiam in Petro manifeste videmus. Alia igitur petra inquirenda est. Et quidem in Scriptura sacra ipse Christus frequenter lapis vel petra dicitur. Brevi post: Petram, cui Ecclesia innititur, supra diximus esse Christum, vel potius fidem veram. Id quod ex verbis Christi manifeste colligitur. Statim enim, cum Petrus dixisset: Tu es Christus, respondit Christus: Tu es Petrus, quasi diceret: Jam petra nomine dignus es. Et subdit: Et super hanc petram, super banc scilicet fidei confessionem. Ultimo Augustinus, etsi semel scripserit, in Petro, tanquam in petra fundatam esse Ecclesiam, expositionem tamen istam non videtur velle ratam lib. I. Retract. c. XXI. quamvis eam non damnet, sed in lectoris arbitrio relinquat. Et certe, posteriorem priori haud obscure anteponit. Admiratione afficimur, quoties redit in memoriam observatio illustri laude conspicui Wagenseilii, Exercit. de Elect. Rom. Pontif. Petri nomen non tantum Pontificum neminem unquam



quam adhibuisse, sed mutasse etiam illud, si quidem fuerit ante electionem. Jure illo Petri & primatu frui discipiunt, nomen relinquunt.

2. §. *Hunc excipit vers. XIX. cap. ejusd. Et tibi dabo claves regni cœlorum, & quicquid ligaveris in terra, erit ligatum in cœlis, & quicquid solveris in terra, erit solutum in cœlis, quo plenam potestatem, eamq; summam, soli Petro datam fuisse credunt.*

Quid sibi velit potestas clavium, recenset Barlaamus Monachus de Princip. Papæ cap. 2. τὰς κλεῖς βασιλείας τῶν ἁγανῶν δώσειν τῷ Πέτρῳ ὑπέχετο, καὶ ταύτας εἶναι τὴν τῶν δεσμεῖν τε καὶ λύειν ἐξουσίαν, δι' ἧν ἐπὶ γὰρ γενέσθωσαν, ἀλλὰ μὴ τὰυτῶν γε καὶ τοῖς λοιποῖς Ἀποστόλοις δεδοκῶς φαίνεται. *Petro claves regni cœlorum Christus se daturum pollicitus est, quas nihil plane aliud esse, quam ligandi ac solvendi potestatem, verbis sequentibus aperte declaravit. Verum, istam utique potestatem a Domino reliquis quoq; Apostolis datam, constat. De veritate illius propositionis, claves regni cœlorum denotant summam potestatem, perparum constat. Quin non dixit Christus, quæcunque ligaveris super terram, erunt ligata in terra, sed in cœlis. Si clavis usum Princeps ministro indulgeat, non largitur ei jus omne. Sic Christus Princeps claves concessit servo suo Petro, sive facultatem remittendi retinendive peccata. Quæ si fuerunt postea ex Magistro discipuli, quis maximus esset in regno cœlorum Matth. XIX, 1. Unde colligitur, Petri primatum & potestatis plenitudinem illos haudquaquam agnovisse.*



visse. Asserto clavis metaphora non obstat, nec tanta vis illius verbi est, ut habeat significationem integri juris. Apocalypf. III, 7. Christus vocatur *sanctus & verax ille, qui habet clavem Davidis, qui aperit, & nemo claudit: claudit, & nemo aperit.* Sumpta hæc est phrasis ex Jes. XXII, 22. ubi DEUS promittit Eljakimo, se impositurum ejus humero clavem domus Davidis, id est, eum futurum Prætorio Præfectum. Fatemur, Christum habere clavem Davidis, five summam auctoritatem in ecclesia, qui secundum deitatem Patri æqualis est, & independens ab alio. Qua ratione Petrus claves non possedit; nec Esaïæ locus hoc evincit, nisi cum Ribera in cap. III. Apoc. quis de Christo interpretetur, cujus figura Eljakim fuerit. Porro, eandem potestatem acceperunt omnes Apostoli Matth. XII, 18. & Joh. XX, 23. Petrus omnium loco respondit, eaque de causa, quod dicitur Petro, singulis dicitur. Ambros. in Ps. XXXIIX. *Quod Petro dicitur, Apostolis dicitur.* Simoni & Andrea fratribus tantum in Evangelio Matth. IV, 19. & Marc. I, 17. legimus Dominum promississe, fore ipsos *hominum piscatores.* Quis credat, ab isto munere Johannem & Jacobum fuisse exclusos? Theophylactus in Matth. XVI putat, Apostolis simul & promissas & datas esse claves: *Quamvis Petro soli dictum sit, dabo tibi, omnibus tamen Apostolis concessæ sunt.* Quando? cum dixit, *Quaecumque remiseritis peccata, remittuntur.* Etenim, cum dixit, dabo, futurum tempus signat, hoc est, post resurrectionem. Idem videtur perspexisse Ferus, scriptor Pontificius, in Matth. cap. XVI. Mira memoramus. Johannes est Chrysostomo *ὁ σὺλβὸς τῶν κτ' τῶν οἰκουμενικῶν ἐκκλησιῶν, ὁ τὰς κλεῖς ἔχων τῆς βασιλείας,* *columna ecclesiarum per terrarum orbem, claves gestans regni cælorum,* ita legentibus optimis codicibus, Montacutio Origg. Eccles. T. pr. part. post. A. C. 33. teste. Origenes & Augustinus prorsus consentiunt, Christi discipulos omnes, claves accepisse. An vero, ait Ori-



ait Origenes Tract. I. in Matth. Soli Petro dantur a Christo claves regni cœlorum, nec alius beatorum quicquam eas accepturus est? Quod si dictum hoc: tibi dabo claves regni cœlorum, cæteris quoque commune est, cur non simul omnia, & quæ prius dicta sunt, & quæ sequuntur, velut ad Petrum dicta, sunt omnium communia? Augustinus Serm. 30. de Divers. Petrus multis locis Scripturarum apparet, quod personam gesset Ecclesie, maxime illo in loco, ubi dictum est: Tibi dabo claves regni cœlorum. Numquid istas claves Petrus accepit, & Paulus non accepit? Petrus accepit, & Johannes & Jacobus accepit, & cæteri Apostoli. Jus esto, Bedam in Epist. his annumerare: Itemque, ait, omni sancto sacerdoti promittitur: Et quæcunque solveris super terram, soluta & in cœlis, & quæcunque ligaveris super terram, erunt ligata & in cœlo. Denique loca Matth. XVIII, 18. & Joh. XX, 23. negant aliqui, per omnia esse similia & parallela; sed fidem verbis non faciunt, in alia omnia discedentibus Ambrosio, lib. I. de Pœnit. cap. VI. & Augustino tract. CXXIV. in Johan. Certum est, idem esse objectum ligationis, quod est clavium. Harum sola sunt peccata, ita, ut his non condonatis cœlum claudatur, vel oblitteratis, aperiatur. Verbo: Quod Johannis XX. additur, id Matth. XVIII. intelligitur. Dictum Joh. XXI, 15, 16, 17. sæpius usurpant, quod soli Petro dictum sit, *Pasce oves meas*. Sed cumulate responderunt idque explicare sategerunt Joh. Gerhardus Harm. Evangel. cap. CCXV. Confess. Cathol. Lib. I. Part. II. cap. II. & Christian. Dreierus, Controvers. cum Pontif. Disp. X.

3. J. *Non sine ratione Synodi Nicænæ I. Can. VI. cognoscemus, qui æque ac CPtanus III. & Chalcedonensis XXVIII. visus est Græcis decidere controversiam de prima-*



*primatu Romani Pontificis. Hac occasione de regionibus suburbicariis habebimus sermonem.*

Tempore Nicæni Concilii trium Patriarcharum dignitatem, Romani, Alexandrini, Antiocheni, notam fuisse, res probatu admodum difficilis est. Sed fingamus, ea, quorum veritatem nemo adhuc patefecit, Salmasio de Primatu cap. 20. multum inquirente, *de metropolitana provincia Episcopi Romani, non de patriarchali diœcesi canon intelligendus foret.* Joh. Launoïus libro de Recta interpretatione hujus canonis, fatetur, hic nihil esse, quod Patriarchis *κρείως* & proprie convenit, sed de jure metropolitico agi. Canon sic se habet: τὰ δεχαῖα ἔθνη κελεύω, τὰ ἐν Αἰγύπτῳ καὶ Λιβύῃ, καὶ Πεντάπολει, ὥστε τὸν Ἀλεξανδρείας Ἐπίσκοπον πάντων τούτων ἔχειν τὴν ἐξουσίαν ἐπειδὴ καὶ τῷ ἐν τῇ Ῥώμῃ Ἐπισκόπῳ (male τὴν) τὰ συνήθεις ὄντι ὁμοίως δὲ καὶ κτ' τὴν Ἀντιόχειαν, καὶ ἐν ταῖς ἁλλαῖς ἐπαρχίαις, τὰ πρεσβεῖα σώζοντες ταῖς ἐκκλησίαις. Versionem petimus a Dionysio Exiguo, qua Baronio A. C. 325. n. 123. non reperitur exactior atq; fidelior. *Antiqua consuetudo servetur quæ est per Ægyptum, Lybiam. & Pentapolim, ita ut Alexandrinus Episcopus horum omnium habeat potestatem: quia Urbis Romæ Episcopo parilis mos est. Similiter autem & apud Antiochiam, cæterasq; provincias, suis privilegia servantur Ecclesiis.* Sanciendi canonis causa fuit Meletius, qui ordinandorum Episcoporum jus usurpavit, quod pertinuit ad Alexandrinum. Quare canon jus suum Alexandrino restituit. Diœceseos Ægypti provincias tres recenset canon, quarum numerus ad decem tandem excrevit; tot enim Metropolitanos ex hac diœcesi jubent convocari Theodosius & Valentinianus epist. ad Dioscorum, quæ a. I. Concil. Chalcedonensis recitatur, teste viro magno Phil. Berterio

K

Pithanon



Pichanon Diatr. i. cap. 4. Integrum canonem acri magno-  
 que iudicio non ita pridem expendit Fr. Spanhemius Dissert.  
 Hist. arg. quaternione, cuius itineribus ivimus aliquando.  
 Queruntur, ex parte adversa, truncatum esse canonem suo  
 capite, in eoque illa desiderari; *Quod Ecclesia Romana sem-  
 per habuit primatum*: Ita enim efferri a Legatis Pontificiis  
 in Synodo Chalcedonenſi aſt. XVI. Reponimus vero,  
 hoc augmentum ignorare ſtatore & reſtauratore an-  
 tiqui & purioris Juris Canonici, Chriſtoph. Juſtellum & nu-  
 per Gvil. Voëllum, Theologum Sorbonicum, Bibl. Jur. Can.  
 vet. Tom. i. Ne dicamus de corpore Iſidori Hiſpani, vul-  
 go Mercatoris, alias Peccatoris, Epitome Ruſini, Creſco-  
 nii, Epiſcopi Africani, Collectione canonum Latina, &  
 ipſo Gratiano in Decreto Diſt. 65. c. Mos antiq. Impoſuit,  
 ſi non omnibus, certe plurimis, *Alanus Copus*, alias *Nico-  
 laus Harpsfeld*, in Dialogis contra oppugnatores Papatus  
 Dial. i. Binius Tom. i. Concil. fuſe diſputat, quid ſit *anti-  
 qui juris*, ſed parum in ea re ſitum eſt. Antiquiſſima ver-  
 ſio, quam mire efferit Sirmondus, Ruſino lucem præbet:  
*Antiqui moris, ut urbis Romæ Epiſcopus ſuburbicaria loca,  
 & omnem provinciam, ſua ſolicitudine gubernet; quæ vero  
 apud Ægyptum ſunt, Alexandria Epiſcopus omnium habeat  
 ſolicitudinem.* Regiones ſuburbicarias Jo. Seldenus Com-  
 ment. in Eutyech. Origg. n. 8. ſtatuit, *rem cum primis perpen-  
 dendam, quoties quis de arrogata Pontifici Romano poteſtate  
 diſquiſitionem init.* Enititur quidem Berterius Pithan.  
 Diatr. 2. cap. 3. ut Pontifici ſuus conſtet honor, nec intra  
 brevem ambitum ſuburbicariarum regionum claudatur:  
*Obſervandum, ait, Romam & ſuburbicarias regiones a Præ-  
 ſeſto Urbis, & Vicario, ut reliquas Italiae provincias a Præ-  
 ſeſto Prætorio Italiae, & ejus vicario regi atq; gubernari con-  
 ſueviſſe. — Sed effecit urbis dignitas, ut in Præſeſto & vi-  
 cario conſtituendo ſola tantæ civitatis ratio habita videatur:*  
 binc



binc *Dioeceseos Italicae* nomen retinuit ea tantum *Italiae* pars, quam *Præfectus Prætorio* administrabat. Quo fit, ut frequenter in *Imperatorum constitutionibus suburbicariæ provinciae*, quæ omnes in *Italia* sunt, ab *Italia* tamen separentur. Hoc contente dicit, illustrem fuisse eam partem *Italiae*, in qua *Roma* imperium terris æquavit, & quam in *dioeceseos* formam redactam *Urbi* dicarunt orbis moderatores, comparandam utique ad *dioecesein Aegypti*; exinde *urbicariam* suffecisse (cum essent in *Patriarchatu Romano* plures *Dioeceses*) quæ cum *Aegyptiaca* conferretur. Largimur, æternæ *urbis* gloriam fuisse summam, cuius vero *Episcopum* ideo supremum appellare valde dubitamus; & factum bene, quod *suburbicariæ provinciae*, *Italiae* terminos non ex-  
cesserint. De *Patriarchatu Romano* sententiam ferre cupimus *Illusterrimum Petrum de Marca*, *Archiepiscopum Parisiensem*, lib. 1. de *Concord.* cap. 3. n. 5. Sane dissimulandum non est, eo canone (sexto) tres illos *Antistites Episcoporum tantum*, vel ad summum *Metropolitanorum nomine* censi: Qui seculo sequenti in *Concilio Epbesino* *Archiepiscoporum titulo* aucti, in *Concilio Cptano* *Exarchorum dioeceseos dignitate decorati*, tandem in *Concilio Chalcedonensi* promiscue *Archiepiscopi*, *Exarchi*, & novitia dictione *Patriarchæ* sunt appellati. *Suburbicariis* locis maxime geminus est τόπος χωρὶς Ῥωμαίων, locus regionis *Romanorum* apud *Ignatium*, qui inscripsit epistolam τῇ ἐκκλησίᾳ, ἥτις ἐστὶν ἐν τῷ τόπῳ χωρὶς Ῥωμαίων, *Ecclesiæ, quæ præsidet in loco regionis Romanorum*. *Vedelius* in hunc locum: *Proprie loquendo Romanæ regionis nomine venit, quicquid in Italia terrarum Præfecti Urbis administrationi suberat, quæ suburbicariæ regiones appellantur: nimirum Tuscia, Picenum, Latium vetus, Latium novum*. Ad summam, tunc intra *Italiae* limites *Romani Episcopi* cura ecclesiastica se continuit, & operæ pretium est huc transcripsisse insignia *Gerhardi Confess.*



Cathol. lib. 2. part. 1. art. 3. c. 5. verba : *In hoc canone sexto Concilii Nicæni Oecumenici omnes Metropolitani Romano Episcopo exæquantur, nec ei quicquam amplius, quam Alexandrino, Antiocheno, & cæteris aliarum provinciarum Metropolitanis, tribuitur.*

4. §. *Summa illuc pertinet, ut sciamus, Christum esse caput Ecclesiæ, & aliud non dari in his terris; tametsi possimus dare Pontifici primatum ordinis.*

Luce omni clarior est Paulus, Ephes. I, 22. *Omnia subiecit ejus pedibus, eumque constituit caput super omnia Ecclesiæ.* Et cap. V, 23. *Christus est caput Ecclesiæ.* Unum caput Ecclesiæ, Christum, Scriptura memorat, & Christi post ascensionem vicarios, Ephes. IV, 11. *Dedit alios autem Apostolos, alios vero Prophetas, alios autem Evangelistas, alios autem Pastores & Doctores.* Nulla vero fit mentio Patriarchæ oecumenici. Omnes Apostolos rationem habere Ecclesiæ Christus jussit, Matth. XXVIII, 20. Joh. XX, 21. 23. Summus sacerdos N. T. distinguitur a summo sacerdote V. T. quod nemo ipsi succedat, Heb. VII, 23. 24. *Et illi quidem plures facti sunt sacerdotes, quod mors prohiberet eos permanere: At iste, propterea, quod in æternum manet, perpetuum habet sacerdotium.* Et hoc quidem rei caput est. Tamen nihilominus uteretur Ecclesia Romana jurisdictione, ex antiquo more, juxta Nicænos Patres, non exclusis limitibus Nicænorum. Acutus & multum providens Philippus, non modo adstipulatore, sed etiam autore Lutheri (testis est Joachimus Camerarius in Vita Philippi) sub finem Articulorum Smalcaldicorum Libb. Normal. p. 536. & Form. Concord. 338. diserte scripsit, *posse concedi Pontifici*  
*supe-*



superioritatem in ceteros Episcopos, quam jure humano habeat, si permitteret libertatem usumque puræ doctrinæ cœlestis. Ipse Lutherus in epistola ad Georg. Spalatinum: De primatu Romanæ ecclesiæ acrius certatum est. Ego primatum honoris non negavi, nec potestatis dedi, saltem jure divino, nihil repugnaturus, imo constanter confessurus ac defensurus, si factum, vel jure humano eum habeat. Satis est, & affatim prorsus.

## CAP. ULT.

Denarios quosdam Novi Testamenti explicat.

I. §. Ut finis respondeat principio, Angliæ Denario S. Petri, adjiciemus duplicem denarium, quem solvit Petrus, sive staterem, Matth. XVII, 27. ante oculos positum, considerabimus.

EAdem opera vers. 24. in τὰ διδραχμαῖα inquirendum est, quorum pretium rectissime exponit Scholiastes Nicandri: διδραχμον τὸ τέταρτον τῆς ἄγγίης, didrachmum quarta pars est uncie (Atticæ.) Veluti apud Hesychium, Voce δραχμή. δραχμή τὸ ὄγδοον τῆς ἄγγίης, Drachma, ὀκταυα pars uncie. Pari ratione Julius Pollux Lib. 9. cap. 6. narrat τεῖδραχμον, tres valentem drachmas nummum, τετραδραχμον, sive, literis interlisis, τέτραχμον, quatuor drachmas continentem. Ammonius vero περὶ ὁμοίων καὶ διαφορῶν λέξεων, nonnihil ponit discriminis inter τέτραχμον & τετραδραχμον. τέτραχμον μὲν γὰρ ἐστὶ τὸ νόμισμα, τετραδραχμον δὲ τῶν τεσσάρων δραχμῶν (ἄξιον) Tetrachmum etenim numisma est; tetradrachmum autem, quod va-



let quatuor drachmas. Jam in confesso est, drachmæ Atticæ & denarii idem esse pretium, ut διδραχμον binos conficiat denarios. Sublimis ingenii vir, Joh. Gravius loc. sup. tetradrachmum æquiparat stateri, ad testimonium citans Cleopatrá in Fragmentis, & Epiphanium περί σταθμῶν, de Ponderibus. ὁ στατήρ, in Fragmentis, ἄγει ὑγίας δ', καλοῦσι δὲ αὐτὸν τετράδραχμον, stater valet quatuor drachmas. Eundem vero tetradrachmum appellant. Hæc sane mire conveniunt cum Matthæi loco, dicente in sententiam istam Wilebrodo Snellio de Re nummaria, & pergravi teste, Josepho, lib. 7. Bell. Jud. cap. 27. In singula capita olim solutum fuit διδραχμον. Hinc Christus pro se & Petro staterem expendit, sive quatuor drachmas, quas singulatim Evangelia Persica MSS. eruditissimi viri D. Pocockii exprimunt. Richardus Montacutius, Norwicensis Episcopus, Origg. Eccles. Tom. pr. part. post. A. C. 33. aliter sentit, atque Casaubonus, Baronius, Bulengerus. Nec sine ratione credit politicum hoc fuisse tributum, ad exemplum illius, in Sacra Politia à Deo instituti, & vel Herodi, vel quod potius arbitratur, Romanis solutum, ab Augusto Cæsare, vel Pompejo, gentis triumphatore, impositum; quam rem quæstio de Regibus gentium extra dubitationis aleam statuatur. Pergit, didrachma & stateris vocem ab exteris in re nummaria, non in sacris scripturis usurpari pro templi rebus. *Sed nec illis contenti divini Historici, statim τέλη Ἑκλήσον etiam adhibent, quasi digitum intenderent ad tributum civile domino solvendum seculari, per censitores.* Negat Grotius, quod ait Montacutius. Nos amplectimur Lightfooti judicium: Verba tributum exigentium hoc fere sonare, num Magister vester est de secta Judæ Galilæi, qui tributum Romanis non penset? Isti etenim addicti, quos Zelotas Josephus nominat, tributum Principi Romano strenue denegarunt. Deinde, Regis filius non erat Christus, qui provinciis aliquot imperaret, sed Regis Regum,



Regum, non ignorante Petro, quem affabatur. Scandalum tamen fuissent passi censitores, si Christus exemptum se prædicasset, ipse Regis filius. Sic Montacuti Scholiaſtes: Ἀπόδειξις πρῶτον, ὅτι οὐ δεῖ πλεῖν, ἀλλὰ τὴν θρόνον· κελεύει δὲ ναί, ἀλλὰ τὴν ἀνθρώπινα, *præcedit argumentum, quod propter deitatem solvere non teneatur; jubet dare, propter humanitatem.* Una mente consentit Isidorus Pelusiota lib. I. epist. CCVI. Quidam colligunt ex Matthæi VIII, 14. Petro fuisse domum in Capernaumo propriam; quare Christum jussisse staterem pendere. Quod non dijudicamus.

2. §. *Examinandus quoque est, momento-  
que suo ponderandus nummus censua-  
lis Matth. XXII, 19. Ostendite mihi  
numisma census. Ipsi vero obtule-  
runt ei denarium.*

Non confundenda sunt νόμισμα τοῦ κήνου, & κῆνος Marc. XII, 14. Is enim Luc. XX, 22. φόρος, *tributum*, vocatur. κῆνος vox Romana est, quam a Romanis acceperunt posteriores Græci. Unde Hesychius: κῆνος εἶδος νομισμάτων ἐπὶ κεφαλαίου, *census species nummi in capita impositi.* Quæ quidem lectio male se habet. Recte Meursius in Glossar. GB. κῆνος, εἶδος νομισμάτων ἐπὶ κεφαλῶν. Cl. Salmasius ad Æl. Lampridium in Alex. Sev. c. 39. monet, Hesychium non appellasse aliquod genus nummi census nomine, quale nunquam fuerit, & διδραχμα solventes censum duplicem pependissent; sed quamvis monetam census appellatione posse venire. Denarii Evangelistæ tres meminerunt, illius Romani, qui inde a devicto populo Judaico in usu esse cœpit, per Palæstinam. Gerh. Joh. Vossius Harm. Evan-



Evangel. lib. I. c. 8. *Obtulere Christo denarium; nempe, quia tributi nomine in specie, ut loquimur, duos persoluerent denarios. Unde Christum ac Petrum, didrachma legimus persoluisse.* Exhibebat tunc imaginem Cæsaris plerumque denarius, ut olim Jani bicipitis, virginis Vestalis, quandoque Triumviri, Prætoris, Consulis; ideoque numisma census Christus exigebat, ut sic eos convinceret erroris de non dando Cæsari tributo; quamvis graviter ferre poterant legere, **DIVI AUG. F. vel, DIVO AUGUSTO.** Seldenus denarium existimat Tiberii imaginem præ se tulisse. Nummus, cui Cæsaris edictum posuit pretium, Cæsarisque nomen cum vultu præferens, testabatur, Cæsarem summo in Judæa uti imperio, idque a Judæis agnosci, qui nummum talem usurparent. Aberrant a vero, quicunque existimant, quæri de dimidio siclo, qui templo dependebatur, an ille sit Cæsari dandus. Diverſa omnia. Non de legitimo, sed de extraordinario, & vi Romanorum extorto agi tributo, eruditissimus Camerarius apud Abrah. Scultetum Observ. cap. 60. in Matth. docuit. Tribus verbis: Cæsari reddenda sunt, quæ sunt Cæsaris, non Petro; quemadmodum non ad Petrum, sed ad Imperatorem Paulus appellavit. Ex verbis, *Reddite, quæ Cæsaris sunt, Cæsari, & quæ Dei, Deo,* Justinus, teste Joh. Forbessio Instit. hist. Theol. lib. 7. c. 4. infert, ut *Principibus in aliis quidem læti ministremus, Deum autem solum adoremus,* ἵνα θεὸν μόνον προσκυνῶμεν, ὑμῖν δὲ πρὸς τὰ ἄλλα καί ἐν τῷ ἱερῷ λατρεύομεν, βασιλεῖς καὶ ἀρχοντας ἀνθρώπων ὁμολογῶντες. Intelligit cultum, qui civili major sit; nam sine peccati crimine Bath-scheba & Nathan David me adorârunt, I. Reg. I.

3. §. *Succedit denarius, omnibus ex aquo præbitus, Matth. cap. XX.*

Observat Lightfootus, in Matth. 20, 2. 13. in hac parabola



bola (quæ Cappello convenire videtur cum illa, quam R. Jona desumpsit ex Tanchuma) operarios mane conduci in totum diem, ac postea in horas. Perinde, ac distinguunt canones Hebræorum inter שכירים יום conductos in diem, & שכירים שעות conductos in horas quasdam. Qui operam suam addixerunt certo pretio, contenti illo debent vivere, secundum canonem Maimon. in שכירות cap. 9. Dicit paterfamilias seruo: Ito, conduc mibi operarios quatuor denariis, atque abit ille, & conducit eos tribus; quamvis labor eorum mereatur quatuor denarios, non reddentur tamen iis, nisi tres, ויש להם תרעומה על שלוחם, quod ex pacto hoc in se susceperunt, & querela iis est adversus servum. Immodice loco hoc abutuntur, qui per mercedem intelligunt vitam æternam. Rectius exponunt nonnulli operarios primo conductos de Judæis; per conductos posterius, intelliguntur gentes serius vocatæ. Denarius utrisque datus significat admissionem utriusque populi in fœdus. Quod quam ægerrime ferebant Judæi, & gentes in consortium gratiæ admitti indignabantur. Minus firmum est argumentum de denario omnibus ex æquo soluto, ut per eum æternam vitam liceat intelligere; quando quidem denarius murmurantibus quoque datur & malevolis, illisque, qui recedere jubentur a Domino, v. 14. Si cui aliter visum fuerit, acquiescimus pulchra Paulini sententia in Nat. Felicis. *Beatos fore omnes dissimili fulgore pares.* Pares, quia omnes clara Dei visione ex æquo erimus beati; impares, accidentali gaudio & externa claritate.

4. S. Clausulam disputationi imponat ultimus quadrans, Matth. V, 25. 26. Cui respondet Luc. XII, 58. 59.

Quadrantem æquant duo למא, Marc. XII, 42. למא דו, ὃ ἐστὶν κοδαντης perinde ut duæ prutæ valent unum quadrantem, quod est in Hieros. Kidduschin fol. 58. 4. Light-

L

footus,



footus, quo nemo accuratius hæc scrutatus est, quadrantem sic dictum existimat, *non quod quarta pars esset denarii, sed quarta pars assarii, qui quam minima pars fuerit denarii.* Meretur referri sententia doctissimi Wilebr. Snellii, de Re numm. λεπτόν chalci fuisse partem septimam apud Atticos; sed λεπτά, quorum meminerit Marcus, λεπτὴ Ἀθηναίων pretium ter superasse. Hilarius λεπτὰ δύο vertit duos denarios; ex vetusto denarii usu, pro stipe. Plutarch. in vita Cic. testatur, τὸ λεπτότατον τοῦ χαλκοῦ νομίσματος κοῦράνην καλεῖσθαι, *minimum æris nummulum quadrantem vocari.* Rem ipsam aggredimur. Chrysostomi mentem explicat vir egregius, Fr. Spanhemius, Dubb. Evang. part. 3. dub. 144. nullam hic esse parabolam, ut *judex* intelligatur homo, *tortor* homo, *carcer* vera vincula &c. Solide eundem locum pertractavit Spanhemius F. Vindic. Bibl. lib. 1. loc. 20. non sine plurimum accessione. Donabimus, locum esse veluti parabolam quandam, ut sensus hic existat, suadente Vincentio Regio, *fac in rebus animæ, quod solet fieri in lite de re temporali; ut enim præstat reconciliari adversario, id est, ei, qui habet aliquid adversum te; quam ab eo judici tradi & condemnari: ita proximo læso præstat reconciliari, quam a Deo puniri.* πρώτης a Christo expressa, non ἀνταπόδοσις. Quare totius orationis scopus videndus est, nec convenit, partes singulas vexare. Alia occasione repetita apparent, quæ Matth. V. dicta sunt; nihilominus idem sensus manet integer, litigiosos homines severum aliquando experturos iudicium. Et perpetuus Christi mos est, persuadere hominibus concordiam moderationemque. Quod vel ex parallelo loco Luc. XII, 58. patet. Inquiunt: Novissimus quadrans minuta indicat peccata, quando etiam quadrans est minima moneta. Verbo: Satisfactio pænæ & purgatorium latent hic. Bona verba! Vir magna gloria, J. F. Gronovius lib. 4. de Pecun. vet. c. 12. negat, per quadrantem proprium genus minuti æris intelligi debere; & carcerem, unde non exitur, ante solutionem ultimi



ultimi quadrantis, exponunt gehennam cum Ambrosio & Hieronymo, Augustinus lib. ad Dulcitium, quæst. I. & lib. I. de Serm. Dom. in Monte, ac Fulgentius lib. II. de Remiss. peccat. cap. IV. *Donec reddas*, non significat certum tempus; sed æternitatem; ut Matth. I, 25. Psal. CX, 1. I. Cor. XV, 25. Et in sensu literali certum, vel minima debita cum rigore esse solvenda. Matth. XVIII, 34. *πάν τὸ ὀφειλόμενον*, figurate, significat, omnes pœnas sustinendas, nulla condonata. Instant: *κοδράνης & λεπτὸν* designant peccata per se venialia. Verum sunt ista *ἀρχαῖα*, imo *ἀντήρα*. Et ostensum magnis viris, non peccatum innui; sed extremam pœnæ partem, nec reddi peccata, sed pro peccatis pœnas. Si dentur minima peccata (nam *ἑχαλόν & ἐλάχιστον*, satis a se invicem distant) quis credat, dari peccata venialia natura sua? Immo, si ita esse fingamus, luenda certe; æque ac debitori ne teruncii quidem fit remissio. Hæc tradidisse abunde sit. Dixi enim prope plura, quam potui; sed pauciora, quam debui. Ut justissima mihi causa sit, propitio Divino Numine, nunc desinendi. Cui gratias perpetuas solvam & immortales.

AUCTARIUM,  
DE NUMMO CONCORDIÆ  
EUGENII IV. PONTIFICIS.



**A**ureus hic nummus est, Eugenium summi Pontificis habitu rite ornatum referens, clavem utramque gerentem, & dextra sacrum imperantem silentium, similem benedicturo:



dicturo : altera facie ipse rursus ostenditur, stans erectus, binique sacri ordinis viri, *Græcus* alter, alter *Armenius*, tecti capita, prostrati ad pedes ejus jacent, tendentes manus, orantesque quasi fracto & humili animo concordiam. Inscriptio hæc legitur : GRECI ARMENIQUE IN SINODO FLORENTINA CUM SEDE (ante pectus Pontificis) APLICA (id est, Apostolica) SUB EUGENIO PAPA IV. ANNO CHRISTI MCCCCXII. (MCCCCXXXIX. ex usu illius ævi scripto numero) UNITI SUNT. Jam olim Gregorius X. in concilio Lugdunensi enixe studuit, ut Græci cum Latinis in unum corpus coalescerent. Itaque, si vestigiis F. Henr. Sedulii comment. ad Vit. S. Francisci insistimus, opera F. Hieron. ab Asculo usus est, natione Picentis, qui Pontifex ex ordine Minorum primus factus, & Nicolai IV. nomen assumpsit, eumque cum tribus aliis ejusdem instituti Patribus ad Michaëlem Palæologum, Græcorum Imperatorem, legatum excurrere voluit, *quem*, ait Sedulius, vel potius fingit, *ad obedientiam reduxit Romanæ Ecclesiæ. Quadraginta Græcorum Primates subscripsisse dicuntur Romano Pontifici.* Johannes XXII. A. MCCCCXXXIII. cum Armeniis per fratres Minoritas cœpit agere, inter quos eminuit, dicente Hier. Plato lib. 2. de Bon. stat. relig. c. 30. Gonzalus Sauratus. Quin Thomas a Jesu de Conversi, citante Ephraimo Pagitt. in lib. de Christianis universi orbis, Pontifici non subjectis, in the Christianography, cap. 2. inter Gregorium Armeniorum Episcopum, & Sylvestrum Romæ pactum intercessisse pronunciat, quod pro more Constantino ferunt acceptum. Deinde alacriter institit, & cœpta antecessorum strenue urfit Eugenius IV. quem Basileenses loco movere maximopere cupiverunt. Neque tamen in cogendo concilio minus sollicitus is fuit, ad se evocato in Italiam Johanne Palæologo, Imperatore. Tunc, ajunt, pacem inter se conciliârunt, & confecerunt concordiam occidentis orientisque Ecclesiæ. Verbo: Reconciliatio concordia facta est. Leo Al-  
latius



latius de Perp. Conf. conjunctionem Græcorum cum Latinis tuetur atque defendit ; & , Petro Radulphio lib. 1. Hist. Seraph. relig. autore , vir utriusque linguæ peritissimus , Albertus a Sartiano , Mediolanensis , *deduxit Armenios ad obedientiam Ecclesiæ , tempore Eugenii IV. in concilio Florentino.* Veram historiam concilii illius Græce scripsit Silvester Sguropulus , magnus Ecclesiarcha , qui concilio interfuit , unus e quinque Crucigeris & intimis Consiliariis Patriarchæ , quam in sermonem Latinum transtulit , doctissimasque notas adjecit Caroli II. Britannia Regis Sacellanus domesticus , Rob. Creyghton. Multum narratio hæc distat a Bini ista , aliorumque. Recensebimus aliqua ex sect. X. cap. XVIII. Legati Angliæ , Bononiæ offendunt quosdam a concilio reduces. Quærunt , quo modo successerint res concilii : Isti respondent , convenisse inter utramq; Ecclesiam , quarum quælibet dogmata sua retineret : Additamentum in Symbolo servarent sibi Latini , Græci omitterent : Panis fermentatus esset penes Græcas Ecclesias ; non fermentatus , penes Latinas : Crederent Græci Spiritus S. processionem , quam vellent. Hinc Sguropulus : *ὅτι ἡ ἑνωσις , ἣν ὑμεῖς λέγετε , ἐστὶν ἑνωσις , neque , quam perbibetis unionē , unio est.* Palæologus reversus domum , invidiam & odium suorum tulit , & Ephesinus concilio subscribere recusavit. Etiam Clerici , Hieromonachi Cptani , ab istis , qui cum Imperatore erant , secessionem fecerunt. Quod spectat ad Armenios , suberant aliquando Cptano Patriarchæ ; postea , Armenia majoris & minoris Patriarchis catholicis paruerunt , prolapsi in pessimum errorem , unius naturæ in Christo. Si fides Edoardo Brerewood , in Scrut. Relig. c. XV. vel XXIV. apparet ex Confessione Armeniorum , quæ jussu Catholici , sive Patriarchæ Armenii , ad Patriarcham Cptanum , de Trinitate , ante annos centum circiter scripta est , errorem hunc apud ipsos evanuisse. Concilio sane Chalcedonensi , quo Eutyches damnatus est , subscribere noluerunt ; verum utramque Christi naturam , divi-



nam humanamque professi sunt, sine mixtione; quamvis labem dogmati asperserint, post unionem naturam videri unicam; quod perspexit erudica industria Ephr. Pagitt. De convenientia Armeniorum cum Latinis statuit Brianus Walton Dissert. de Lingu. Or. n. 84. *ipso in liturgiis & caeremoniis, præ omnibus orientis sedis, Ecclesiæ Latinæ propius accedere.* Petrus Bellonius, referente Cassandro de Liturg. c. 13. *Presbyteri Armeniorum — in celebranda Missa calice utuntur, Latinorum more, eisdemque ornamentis vestiuntur, neque vero magno pane consecrant, Græcorum more, sed, ut Latini minutis, oblati seu hostiis.* Admodum prolixa forent ista omnia. Nunc putamus esse necessitudinem, ut finem controversiæ constituat Metrophanes Critopulus Confess. cap. ult. qui sub initium sæculi demum nostri mentemque & sensus præsens in Germania exposuit: πολλή ἐστὶν αἰμάθεια καὶ βαρβαρότης πρὸς τοὺς νῦν Ἀρμενίοις καὶ Νεστοριανοῖς, ἀλλ' οὐδὲ μίαν συμφωνίαν οὐχ ὅπως πρὸς ἑκατέρωθεν, ἔτι καὶ ἀδύνατον, ἀλλ' οὐδὲ πρὸς ἀλλήλους εἶναι ἰδεῖν. *Magna est ignorantia & barbaries hodiernorum Armeniorum & Nestorianorum; sed tantum abest, ut ullam cum alterutris concordiam (hoc enim impossibile) ut ne quidem inter ipsos invicem (illam) videre liceat. Brevissime:*

Discordia concors est, & perpetua.

DISSER-





DISSERTATIO II.  
DE  
ERRORIBUS PICTORUM  
CONTRA  
HISTORIAM SACRAM.

\*\*

\*\*

\*\*

EPISTOLA  
AD  
GODOFREDVM SCHORERVM.

*Molt. Ill.<sup>re</sup> Sig.<sup>re</sup>*

*Mio Sig.<sup>re</sup> ed Amico singolar.<sup>mo</sup>*



Uanta stima io habbia sempre mai fatta  
e delle pitture , e de i Sig.<sup>ri</sup> Pittori , i  
quali con le delicatezze del penello  
ò s'acquistarono , ò si vanno acquistando l'im-  
mortalità di nome , nissuno saprà meglio di V.  
S. Molt'



S. Molt' Ill.<sup>re</sup> purchè voglia ricordarsi di quei discorsi , ch'io feci più d'una volta , quando heb-  
bi l'honore di goder' à tauola la sua soauissima com-  
pagnia nella più nobile città d'Italia. Mà ella  
stessa , forzata dall'insuperabile virtù della veri-  
tà , m'acconsentì anche, che spesse volte si truo-  
vano errori contro la sagra historia eziandio in  
quei quadri , doue per altro signoreggia e quasi  
pomposamente trionfa la divina arte della pittu-  
ra. Adunque non le parerà strano il veder dà  
me palesata una piccola man di tali errori , e de-  
dicata à lei questa mia operetta , poiche quello  
serue per mantenere la mia parola , e questo deue  
esser certo e sicuro pegno di quel grandissimo  
affetto , ch'io le sempre hò portato , e porto  
ancora , per amor delle sue virtù singolari , per  
mezzo delle quali ella si v'è meritando il titolo  
non meno d'huomo garbaticissimo , che di pittor'  
eccellente. E le bacio caramente le mani , au-  
gurandole dal Cielo ogni maggior contentezza.  
D'Altorfo li 25. d'Agosto, l'anno 1684.

*Di V. S. Molt' Ill.<sup>re</sup>*

Partial.mo e suisferat.mo ser. re

GIO: FABRICIO.

PRÆ-



# PRÆLOQUIUM.

**N**on mirum est, nobilissima ingenia, quin Principes etiam viros, ac Monarchas potentissimos picturis delectari, easque in deliciis habere: Est enim ars pictoria omnium ingeniosissima, & prope (si ita loqui fas est) ad divinas operationes accedens. Nam sicut Deus, pro infinita sua & scientia & potentia, ex nihilo elegantissima maximeque mirabilia produxit opera, ita pictura, nuda in tabella, quicquid lubet, efficit, representans modo purissimas astrorum luces, modo varias lunæ facies, heic aureum solis jubar, illic miros meteororum lusus, & stupendos cometarū habitus. Eadem & fulminibus armat cœlum, & grandinem præcipitat, & nivem spargit, & pluviam effundit, & aëris serenitate spectantes oblectat. En porro, quam limpidas formet aquas, quam stridulos fontes, quam leniter fluentia flumina, quam multa animalium, quæ in aquis vivunt, genera. Ecquid in terra est, quod ipsa non pariter effingat? Jam floribus tellurem spargit, jam fructibus ditat, jam glacie confringit atque involvit. Modo colles elevat, modo juga montium erigit, modo ambulacra ponit. Heic millenas animalium varietates promit, illic homines sistit, creaturas ad unam omnium nobilissimas, adeo scite & affabre, ut iis præter vitam deesse nihil videatur. Ita omnia, quæ vel sunt, vel fuerunt, quid? etiam quæ futura sunt, tenui penicillo & pauxillo coloris, pro lubitu efformat, oculisque nostris, ad stuporem usque, subjicit, ut Creatoris imitatricem baud fortassis immerito dixeris. Immo etiam spirituales illas substantias, quas angelos appellamus, Deumque ipsum opt. max. qua se manifestavit in verbo suo, & artificialia quoque, quorum itidem infinitus est numerus, absque temeritatis nota delineare audet. Sed, ut nihil est ab omni parte  
M beatum



beatum, ita divina hæc ars suos quoque habet naves, dum sæpius contra historiam non tantum profanam, sed etiam sacram delinquit. Quanquam id potius artificibus, veritati rerum gestarum non satis semper intentis, quam arti ipsi tribuendum est. Nos & hanc & illos veneramur, quantum par est, & æstimamus, sed magis tamen veritatem. Cujus gratia dum aliquot circa historiam sacram errores, in excellentissimorum pictorum operibus a nobis observatos indicamus, tantum abest, ut cordatiores nobis id vitio versuri, ut potius, plures ab aliis (sicut & ante nos factum est a viris doctissimis, ut Erasmo apud Molan. p. 112. & Dilherro in Dispp. Phil.) quo notentur atque manifestentur, desideraturi sint; modo id fiat absque sugillandi & cavillandi studio. Quod a nobis sane procul abesse jubemus.

Neque est, quod quis statim heic in limine objiciat, nos hac ratione, ut pro verbis dicitur, aërem verberare, & cum larvis pugnare, eo quod pictoribus atque poetis quidlibet audendi semper æqua fuerit potestas; adeoque, ut Thomasius in disp. de Fab. Poët. §. 7. infert, patiendum esse, ut pictores veris imaginibus vestes fictas, aut alia abs se excogitata ornamenta, quæ nihil tamen occulti significant, appingant; sive, ut Molanus sentit lib. 2. de Hist. SS. Imag. c. 20. & 30. in picturis multa rectissime apponi, non significandi quidem causa, sed ad complementum & debitum ornamentum ipsius imaginis. Nam, ut hæc libenter concedimus, ita exinde nondum probatum est, ferenda esse omnia pictorum inæquata, contra ipsius etiam historie S. veritatem commissa; quibus ita stantibus picturæ profecto non amplius Laicorum Bablia fuerint, sed deceptio, atque seductio. Et quamvis plerique, aut saltem aliquot pictores adeo duræ sint cervicis, ut meliorem in hisce informationem admittere recusent, de quibus ita Dilherrus T. 1. Dispp. p. 723. Quisquis pictorum nostrorum ruditatem voluerit corrigere, is profecto otium despera-



desperaverit omnino. Adeo ineruditi sunt plerique, adeo cognitionem omnem antiquitatis turpiter abjecerunt; alii tamen etiam, iique haud pauci, reperiuntur, quos æquus amavit Jupiter, quique meliora moniti. haud gravatim auscultant. Esto etiam, nos surdis narrare fabulam, omnesque illos esse incorrigibiles, propterea tamen historiæ sacræ veritas non erit nobis deferenda, sed potius eo acrius defendenda, quo turpius ab illis negligitur atque contemnitur; ad eum modum, quo verbi divini præcones tanto magis instant pariter dehortationibus atque adhortationibus suis, quanto duriores ac pervicaciores sese exhibere solent auditores. Ne dicam, nos non tam pictoribus scribere, ut corrigantur, quam studiosæ juventuti, ne illorum picturis decipiatur. Sed, agite, ad rem ipsam accedamus.

## I.

## ADAM ET EVA.

**T**Riplicem errorem errant pictorum nonnulli in Adamo repræsentando: 1. Dum ita eum delineant, quasi ipse manum extenderit ad fructum vetitum. 2. Dum eum & uxorem Evam de fructu illo adhuc comedentes proponunt obtectis genitalibus. 3. Dum iis post commissum peccatum, in statu miseriæ constitutis, unicum ficus folium in manus dant, quo tegant pudenda. Nam quod primum attinet, Scriptura dicit, mulierem viro dedisse edendum, *Gen. III, 7. & dedit etiam viro suo secum, & (ipse) comedit.* Deinde, quia ante, quam vetitum comedendo fructum prævaricati essent, nihil pudendi in iis erat, non opus habebant tegumento membrorum, quæ ob pravam concupiscentiam inibi postea regnantem, pudenda dicta sunt. Idque etiam Moses testatur, descriptioni consummati jam a protoplastis peccati hæc subjiciens v. 7. *Et ape-*

M 2

rue-



ruerunt sese oculi amborum, noveruntque se nudos esse, & consutis foliis ficulneis fecerunt sibi subligacula. Quæ ultima verba pariter nobis inserviunt ad evertendum tertium errorem, indicantia, non uno, sed pluribus foliis, iisque instar subligaculorum consutis, ad vestienda genitalia usos esse primos parentes, cætero corpore adhuc nudos, sicut & hodie Brasiliiani incedere solent. Quanquam non desunt, qui חגרות de *septis* vel *scenis* interpretantur, putantes, primos illos parentes de fronde fecisse tecta, sub quibus habitarent, sicut & Tamuditæ Arabes habitacula sua, quæ plerumque scenæ sunt, hodiernum חגרון aut חגרון appellant. Et, quod ad secundum attinet, culpa careant pictores, si honestatis causa partibus pudendis folium induunt, spectantes non tam facti veritatem, quam quid maxime conveniat moribus nostris, iudice Vossio dispp. de Bapt. p. 31.

## II.

## ISMAEL.

Ismaëlem una cum matre e domo paterna ejectionem, consumpta vero aqua, præ siti jamjam moriturum, solent nobis exhibere pictores in forma pueri seu infantis. Sed (quod pace ipsorum dicere liceat) minus recte. Nec enim verba Gen. XXI. 14. וישכם אברהם בבקר ויקח לחם וחמץ מים ויתן אל-הגר שם על-שכמרה ואת-הילד: i. e. *Et surrexit Abraham summo mane, & tulit panem & utrem aquæ, & dedit Hagaræ, posuit super humerum ejus, & puerum*, ita sunt intelligenda, ac si, ut alimenta, ita & Ismaëlem, eo quod infantulus esset, qui ambulare non sustineret, humeris matris imposuerit Abrahamus, sed quod ei dedit, seu una cum illa exire iusserit filium quoque. Ut adeo voces duæ, & *puerum*, construi debeant, vel cum verbo *dedit*, ceu Nostrates sentiunt, vel cum verbo *tulit*, ut Vatablo



blo placet in versione istius loci. Quare & reliqua, quæ habentur v. 15. : וְהִשְׁלֹךְ אֶת-הַיֶּלֶד i. e. *et projecit puerum.* & v. 18. קוּמִי שְׂאִי אֶת-הַנֶּעֱר וְהִחַזְקִי אֶת-יָדָיו כו. *Surge, tolle puerum.* & *apprehende manu tua ipsum*, non hunc habent, sensum, quasi derelicta Hagar filium ab humeris abjecerit, eundemque, mox ab angelo edocta, in ulnas receperit, portaveritque, sed quod eum, qui præ siti & ardore progredi amplius non poterat, atque inde jam febris laborare cœperat, reliquerit sub arbore quadam, ut saltem sub umbra ejus placidius moreretur, postea audem, mox læto angeli nuncio erecta, manu apprehenderit, duxeritque, uti ambulantes ex affectu facere solent, inprimis quando alter ex languore debilis est. Conf. Hieron. Quæst. Hebr. T. 3. p. 212. Et illo sane tempore jam natu grandior erat Ismaël. Erat enim facile octodecim annorum, si Isaac anno quinto ab lactatus est, vel sedecim, si tertio, ut observat S. *Augustinus* q. 53. in Gen. Neque videmus, qua ratione tantum ei delictum, quod ipsi justissimo Numini dignum exilio visum, tribui possit, si adhuc in infantum, inter bonum & malum discernere non valentium, numero fuisset: Etenim eo ipse die, quo Sara Isaacum ab lactabat, ipsa Ismaëlem vidit *irridentem.* v. 9. Quod sive de subfannatione eorum, qui Abrahamo, quod ei in senectute Dominus dederit filium, gratulabantur; sive de lasciviæ & petulantia lusu; sive de altercatione cum Isaac ob hæreditatem cœpta; sive de irrisione, qua contemtim habuit pietatem Isaaci; sive denique de persecutione, qua probum fraterculum excepit, juxta Gal. IV, 29. intelligas, indicio est, eum jam satis rationis usum habuisse, atque adeo nuces, quod ajunt, reliquisse.

## III,

## TABULÆ MOSIS.

Qui præ cæteris accurati esse cupiunt pictores, Mosis  
M 3 non



non tantum tabulas decalogi tribuunt, sed ipsum etiam decalogum hebraicis characteribus in tabulis illis pingunt, & quidem in anterioribus earum faciebus, ita ut in altera præcepta Dei cultum exigentia, in altera vero reliqua, quæ officiū erga proximū præscribunt, sese offerant. Quamvis vero de hoc,\* quot præcepta in unaquaque tabula fuerint insculpta, tacente Scriptura, nihil certi afferre liceat, de eo tamen, quod tabulæ singulæ ex utraque parte fuerint scriptæ, vix dubitare possumus, cum Moses dicat Exod. XXXII. 15. quod sibi in manu fuerint לח כתבו משני עבריהם מזה ומזה הם כתבו *tabulæ scriptæ a duobus lateribus suis, hinc & inde scriptæ erant.* Nam si nihil aliud dicere voluisset Moses, quam hoc, singulas tabulas in altero duntaxat latere scriptas fuisse, quid opus fuisset additione horum verborum, *a duobus lateribus suis, hinc & inde scriptæ erant*? Illud enim, quod tantum interiores earum facies scripturam continuerint, vel e duabus vocibus לח כתבו *tabulæ scriptæ*, satis jam superque constare potuisset. In eandem sententiam eunt varia doctrina insignes viri, *Paulus Fagius & Cornel. Jansenius*, comm. in h. l. ita quidem, ut hic existimet, sibi etiam favere Fl. Josephum l. 3. Ant. Jud. c. 4. si (ut ait) *Græca attendantur.* Sed (quod pace ejus dixerim) fallitur; Græca enim hæc sunt: καὶ λόγων, ὃς Μωϋσῆς ἐν ταῖς δύο πλαξὶν γράμμασιν ἀπέλιπον. i. e. *& verba sive præcepta, quæ Moyses duabus tabulis inscripta reliquit.* Ac paullo post: ταῦτ' ἐπὶ τὸν δύο πλάκας αὐτοῖς ἐπαδείκνυσιν, ἐγγεγραμμέναις ἑκάστας τὰς δέκα λόγους. i. e. *His dictis profert duas tabulas, continentibus decem præcepta inscripta.* In quibus profecto ne γὰρ quidem de eo, utramque utriusque tabulæ columnam scriptura repletam fuisse. Sed neque adeo opus est nobis suffragio Josephi, quum, præter allatam rationem, etiam S. codicis interpretes in sententia nostra satis nos confirmant.

LXX.

\* R. Jac. Jeh. Leo de Templo Hieros. p. 171.



LXX. πλάκες λίθιναι καταγεγραμμέναι ἐξ ἀμφοτέρων τῶν μερῶν αὐ-  
τῶν, ἕνθεν καὶ ἑνθεν ἦσαν καταγεγραμμέναι. Onkelos Chaldæus, ex  
versione Fagii: *tabulae scriptae in duabus superficibus suis,*  
*hinc & hinc erant scriptae.* Lutherus: Die waren geschrie-  
ben auf beyden Seiten. Vatablus: *tabulae scriptae ex utro-*  
*que latere earum, hinc & inde erant scriptae.* Piscator: Die  
waren beschrieben auf beyden Seiten/ hie und dort waren  
sie beschrieben. Belgicus: Dese tafelen waren op hare beyde  
zyden beschreven, sy waren op d' eene, ende op d' ander zyde  
beschreven. Et Anglicanus: *The tables were written on*  
*both their sides; on the one side and on the other were they*  
*written.* Idem statuit D. Espagne in Shibboleth, Tomo III.  
Opuscul. p. 17. Omnes enim isti ad eum modum, quo nos,  
videntur intellexisse sacrum fontem, nimirum non tan-  
tum intus, sed etiam foris, seu in utraque tabularum facie  
verba decalogi fuisse exarata. Salva tamen aliorum, (ut  
Calovii & Rauppii) quibus aliter videtur, auctoritate pro-  
positum hoc volumus.

## IV.

## SERPENTES IGNITI.

Num. XXI. 6. legimus, Deum rebellibus, & non minus  
contra se, quam Mosen murmurantibus Israelitis immisisse  
הנחשים השרפים *serpentes ignitos*, qui moribus suis ma-  
gnæ populi multitudini necem intulerint. Eos itaque co-  
lore igneo exhibent pictores. Nec male. Sed vereor, ne  
aliquid omittant, quod tamen ad serpentes aut dracones il-  
los omnino pertinet, videlicet alas: fuit enim in australi-  
bus & orientalibus terræ regionibus serpentum genus ala-  
tum, atque insigni splendore, veluti flamma coruscans,  
Hebraice dictum *jaraph* i.e. ignitum, non ab effectu dunta-  
xat, quod (ut Vatablus, Munsterus, Clarius, Grotius, alii-  
que viri docti annotant) morfu vel flatu induceret calorem  
inten-



intensissimum, & veneno suo, quasi arcano igne, adureret, sed inprimis a colore igneo, quem per æra volantes præ se ferebant, quemque serpens æneus, ex ære polito seu levigato, & ad instar ignis candente conflatus, scite repræsentabat. Vide Bocharti præfat. in Hieroz. Sim. Patricii comment. in Genes. & Wegleit. disp. de Serp. tentat.

## V.

## UVA MAGNA CANANÆA.

Exploratores ad Dei mandatum a Mose in terram Canaan missi, cum pervenissent in vallem, quæ postea a præstantia uvarum, quas produxit, vocata fuit *Escol*, præcepti Mosaici memores, exciderunt botrum prægrandem, eumque palanga suspensum portaverunt bini. Idque pictorum penicillus recte exprimit, quin melius, quam nonnulli Rabbiorum, qui quatuor vestes, unde pependerit racemus, & sub iis octo bajulos finxere. (De quibus videatur *Wagenseilius* in Sota p. 707.) Sed in eo vel deficit, quod una cum racemo non exhibet palmitem; vel excedit, quod vestī, præter botrum, appendit & malogranata & ficus ejusdem terræ, cum tamen Moses ita scribat Num. XIII. 24. ויבאו עד נחל אשכול ויכרתו משם זמורה ואשכול ענבים אחד i. e. Et וישארו כמוט בשנים ומן הרמנים ומן התאנים *venerunt usque ad vallem Escol, & exciderunt inde ramum & botrum uvarum unum, & portaverunt illum veste in duobus: & de malogranatis & de ficibus.* En botrum non nudum, sed juxta cum illo excisum ramum seu sermentum, vel palmitem, foliis suis instructum, nimirum ut hac ratione facilius e veste appensus portaretur, & ad spectui esset gravior. Reliquos fructus excisos quidem cum uva, dicitur, sed juxta eam appensos, non item. *Unum* autem dicit, ne quis putaret, palmitem uvis esse plenum, & ita cessaret admiratio quod a duobus viris portaretur in veste. Jansen. ad h. l.

VI. SIM-



## VI.

## SIMSON.

Nobilissimi cujusdam pictoris manus artificiosissima, tragoediam Simsonis, fortissimi Hebræorum, repræsentatura, pro strato vel sella ei tribuit nudam terram, pro cervicali sinum amasiæ Delilæ, data huic in manum novacula, qua capillos ejus abraferit. Verum, quod ultimum hoc attinet, contrarium videtur testari historia sacra. Sic enim legimus Jud. XVI, 19. וְתִשְׁנֶה עַל-בְּרִכְיָהּ וְתִקְרָא לְאִישׁ וְתִגְלַח אֶת שִׁבְעַת מַחְלָפוֹת רֹאשׁוֹ. i. e. *Et dormire fecit eum super genua sua*; *voca- vitq; virum, & radi fecit septem cincinnos capitis ejus.* אִישׁ autem, sive *vir*, erat tonsor, docente Vatablo; quid? ipsis LXX. interpretibus, qui verba illa: *Et vocavit virum*, sic reddunt: καὶ ἐκάλεσε τὸν κηρέα. i. e. *& vocavit tonsorem.* Atq; hos ἡ πόλις sequitur vulgatus. Eodem sensu Lutherus: Und sie ließ ihn entschlaffen auff ihrem Schoß/ und rieff einem/ der ihm die sieben Locken seines Hauptes abschore. Et Anglicana versio: *And she called for a man, and she caused him to shave off the seven locks of his head.* Unde clarum est, ipsam vices tonsoris non obiisse. Equidem non ignota est nobis doctissimi Druſii annotatio: *Rasit) per tonsorem i. e. radi curavit. Nam est verbum fœmininum. Aut ipsa hoc fecit, sumens novaculam a tonsore. Aut radi fecit; ut sit verbum transiens in tertiam.* Cum quo etiam facit Schindlerus in voce גִּלְחָה. Sed fœminæ, artis radendi procul dubio imperitæ, novaculam tradere, vel a pictore traditam relinquere non audemus: præsertim quum nihil frequentius sit, cum in Scriptura sacra, tum in vulgari sermone, quam ut, quod quis per alium facit, id ipse fecisse dicatur. Quod situm attinet, sedensne in terra, reclinato in sinum Glycerii sui capite, an potius cubans in lecto, ante genua illius ponendus sit miser amator, in medio relinquimus. Utrumque enim intel-

N

ligi



ligi potest verbis ante citatis: ותשנהו על ברכיה i. e. *Et dormire eum fecit super genua sua.*

## VII.

## SUSANNÆ AMASII.

Si Apellis filiis credimus, duo illi viri, qui libidine erga Susannam accensi, pudicitiae ejus vim inferre attentabant, extremæ erant ætatis, cani, tremuli, calvi, oculisq; senio ita infirmis, ut perspicillis eos armare necesse haberent, atque, ut uno verbo me expediam, silicerniis quam viris similiores. Equidem tanto gravius fuisset eorum delictum, si in summa senectute amor operam dare non erubuisse: quum nihil sit inconvenientius, quam si nivei capilli libidinis æstu flagrent, & frigida emortuaque membra pruritui amoris exponantur. Sed unde id probabitur? An ex eo, quod Dan. XIII. 5. *πρεσβύτεροι* seniores vocantur? Veruntamen quis nescit, \* senectutem quandoque sapientiæ nomen habere, quia in senioribus non semper ætas, sed prudentia respicitur: & *πρεσβύτερος* appellari, 1. in genere, ætate provectiores. 2. in specie, gubernatores alicujus populi? Et quod vox *πρεσβυτέρων* l. c. huc restringenda sit, ostendunt verba consequentia, quando dicitur, eos fuisse isto anno judices constitutos: καὶ ἀπεδείχθησαν δύο πρεσβύτεροι ἐκ τοῦ λαοῦ καὶ ἐν τῷ ἐνιαυτῷ ἐκείνῳ, i. e. *Et designati sunt duo seniores ex populo, judices in illo anno.* De iisdem dicitur, quod, dimittente puellas suas, solaque remanente in horto Susanna, ἐπιδεγμον αὐτῇ *incurrerint in eam*, v. 19. & de eorum altero, quod, fortiter constanterq; arcem castitatis defendente illa, δραμών *currens* v. 25. aperuerit portas horti. Quo autem modo ita currere sustinuissent, si valde fuissent senes, languidi, exsucci, decrepiti, & de ponte dejiciendi? Pingantur itaque forma virili, si placet, aut senili, sed ea, quæ aliquid virium

\* Dist. 84. cap. Porro Moyfi præcipitur. Raupp. in v. c. *πρεσβύτεροι*.



virium adhuc habeat, nec historiæ e diametro repugnet. Si tamen historia illa non fabulam sapit. Vide Raupp. ad §. 65 & Calovii Biblia Illustrata, & quidem Vet. Test. Tom. III. p. 183.

## VIII.

## IESUS INFANS.

Locum, in quo Jesus a magis adoratus, repræsentaturi pictores, stabulum fingunt, existimantes, in eodem, ubi natus, cultum quoque præmiisq; mactatum fuisse. Atque ita quidem sentiunt ex doctis etiam haud pauci; nec desunt Antiquitatis testimonia. Sed quibus Scriptura potior est, aliter statuendum erit, nimirum præstitam esse illam adorationem in domo, quæ erat in vico Bethlehem, atque, ut videtur, illud ipsum diversorium, cuius meminit Lucas II, 7. Nam confecta descriptione, & hospitio, quod occupatum erat, discessione turbarum vacuefacto, probabile admodum est, Josephum & Mariam, relicto stabulo, ad illud se atque infantem transtulisse, sunt verba doctissimi Casauboni Exerc. II. ad Annal. Card. Baronii p. 148. Scriptura enim domus meminit, non stabuli, inque illam, non hoc ait intrasse magos, Matth. II, 11. καὶ ἐλθόντες εἰς τὴν οἰκίαν. i. e. *Et intrantes in domum.*

## IX.

## IESUS XII. ANNORUM.

Parentibus Jesu a festo Paschatos domum remeantibus, ipse remansit, atque repertus tandem ab iis fuit in loco quodam templi, ad docendam legem ac disputandum deputato, & quidem sedens inter doctores, quos audiebat & interrogabat, siue, ut Græca habent Luc. II, 46. καθέζομεν ἐν μέσσοις τῶν διδασκάλων, καὶ ἀκροῶν αὐτῶν, καὶ ἐπερωτῶν αὐτοὺς. Quid jam inde pictores? Cathedram struunt altiore, in ea puerum collo-



collocant Jesum, eumque docentem, ab ore ejus dependentibus & humi confidentibus Rabbinis. Sed hæc omnia præter Scripturam. Illa enim non dicit, eum occupasse locum doctoris, sive suggestum, sed *sedisse in medio doctorum* h.e. inter doctores, hinc inde in subselliis altioribus, fortassis juxta parietes positis, confidentes; nec docuisse, sed pro ratione illius ætatis, *audi-visse* docentes, & *interrogasse*, h.e. quæstiones ex iis, quæ tradiderunt, excitasse, ut videlicet, qui eos docturus esset, servata decentia discere velle videretur. Quanquam & hoc certum est ex *Matth. 47.* ita Jesum discipuli personam egisse, ut, dum interrogatus respondebat, magnos illos magistros multa doceret, atq; adeo præludium quoddam officii sui faceret. Unde etiam factum, ut ipsi non tam admirabundi eum audirent, quam *obstupescerent*, & quasi extra se rapti. Utrumque animadvertens Gregorius M. 3. parte Pastoralis cap. 26. *Vigilanti*, inquit, *consideratione pensandum est, quod, cum Jesus annorum XII. dicitur in medio doctorum sedens, non docens, sed interrogans invenitur.* Quo exemplo scilicet ostenditur, ne infirmus docere quis audeat, si ille puer doceri interrogando voluit, qui per divinitatis potentiam verbum scientiæ ipsis suis doctoribus ministravit. Similiter Beda in cap. II. Lucæ: *Quasi fons scientiæ doctorum medius sedet, sed quasi exemplar humilitatis, audire prius & interrogare doctores, quam instruere querit indoctos. Ne etenim parvuli a senioribus erubescant discere, & ipse, ob ætatis humanæ congruentiam, hominibus asculare non erubescit DEUS. Ne infirmus docere quis audeat, & ille puer doceri interrogando voluit, qui per divinitatis potentiam, verbum scientiæ ipsis suis doctoribus ministravit.*

## X.

## JESUS BAPTIZATUS.

Misere decipiuntur, qui picturis credentes, Jesum ita baptizatum fuisse existimant, ut Johannes in littore stans, illius capiti



capiti inclinato, vix genua attingentibus aquis Jordani, pauxillum aquæ vel adaspererit, vel ex vase seu phiala affuderit. Etenim βαπτίζω proprie & κυρίως significat *mergere*. Quo modo explicatur in Glossis vett. in operum quorundam Cyrilli calce inventis, atque ab Henrico Stephano primum, deinde B. Vulcanio editis. Ubi & βάπτω, *tingo*, βάπτis, *tindus* expontuntur. Vide J. Felb. Christl. Handb. 87. & Voss. dispp. de Bapt. 25. Hinc & Lutherus in Serm. von der Tauffe / A. 1519. habito, Tom. I. Jen. Germ. pag. 183. Die Tauffe heisset auff Griechisch Baptismus, zu Latein Mersio, das ist / wann man etwas ganz ins Wasser tauchet / das über ihm zusammen gehet -- denn auch ohne Zweifel in teutscher Zungen / das Wörtlein Tauffe herkommt / von dem Wort Tieffe / daß man tieff ins Wasser sencket / was man täuffet. Das fordert auch die Bedeutung der Tauffe / denn sie bedeutet / daß der alte Mensch und sündliche Gebuhr von Fleisch und Blut / soll ganz ersäuft werden. Jam vero de Johanne expresse dicit Scriptura, quod baptizārit, i. e. immerferit, Matth. III. 6. καὶ ἐβαπτίζοντο ἐν τῷ Ἰορδάνῃ i. e. & baptizabantur in Jordane. Nec non ꝑ. 16. καὶ βαπτισθεὶς ὁ Ἰησοῦς, ἀνέβη ἐκ τῆς ὕδατος. i. e. Et baptizatus Jesus ascendit statim de aqua. Si ascendit, oportet eum etiam descendisse in aquam. Item Joh. III, 23. dicitur, Johannem baptizasse in Ænon juxta Salim, additurq; ratio, quæ ostendat, immersionem ibi fieri potuisse: ὅτι ὕδατα πολλὰ ἦν ἐκεῖ, i. e. quia aquæ multæ erant illic. Totus itaque Jesus, isque nudus, mersus fuit a Johanne, adeoque oportuit hunc descendere in flumen; sicut Act. VIII, 38. dicitur uterg, descendisse in aquam & Philippus & Eunuchus. Semper autem baptismum mersione vel peractum esse, vel peragi debere, e dictis legitime inferri non potest, judice Vossio l. c. p. 37.



## DIABOLUS TENTATOR.

Matth. IV. describitur, quomodo ὁ πειράζων *tentator*, ille scilicet, cui volupe est tentare, quemque alias a calumniandi studio *diabolum*, & ab hostili erga nos animo *satanam* appellare solemus, accesserit in deserto ad Christum esurgentem, & variis modis tentaverit eum seducere. Ubi equidem, quam formam assumerit, nihil extat scriptum. Inter impictores potestatem quidlibet audendi sibi vindicantes, caput ei imponunt hircinum, aures assuunt asininas, brachia harpyiarum unguibus armant, pedes supponunt caprinos, in locum plantarum substituunt iterum ungues rapacis alicujus volucris, tergo caudam appendunt, modo brevior, modo longior, & totum corpus vestiunt villis hirsutis. Quid multis? Adeo dira eum sistunt forma, ut dirior, si vellet, induere vix ipse posset diabolus. Judicent eruditiores, an non satius esset, si eum, heic quidem, pingerent sub humano schemate. Dicitur enim *accessisse & loquutus esse*. Certe Cornel. Jansenius, magni nostratum Theologi judicio, scriptor non minus eruditus, quam modestus, ad Matth. IV, 3. ita commentatur: *Accessisse corporea forma, eaq; humana, suadent tum verbum accedendi, tum illa cum Christo colloquia.* Cui consona sunt, quæ habet Rauppius: *Qua autem, inquiens, forma indutus jam apparuerit, quæ scire possimus? Granatensis dicit, Cajetanum ex accessu collegisse, demonem ad Christum venisse in forma religiosi viri; sed incertum hoc est. Dicere tamen ex textu possumus, in deserto satanam apparuisse sub larva mendici, in monte sub larva potentissimi Monarchæ, in pinaculo autem templi, in specie devoti theologastri.*

XII. HY-



## XII.

## HYDRIÆ IN CANA GALILEÆ.

Nuptias Canæ Galileæ, quibus una cum matre virgine interfuit Christus ipse, ut nuptias sanctificaret, primumque patraret miraculum, commutando aquam in vinum, admirabiliter quidem vel a summis artis pictoriæ magistris depictas videas, sed qui ἐξ ἰδίων aliquid addiderint, pro hydriis substituendo urceos portatiles: quasi, ut Christus omnipotente virtute ex aqua fecit vinum, ita ipsis ex vasis majoribus & spatiofis minora & angusta facere liceat. Agite vero, ingeniosissimæ artis decora, audiamus, utrum Johannes vobiscum sentiat, nec ne. Is cap. II. evangelii sui vers. 6. ita scribit: Ἦσαν δὲ ἐκεῖ ὕδρες λίθιναι ἧς κείμεναι ἦν τὸν καθαρισμὸν τῶν Ἰουδαίων, χωρεῖσθαι δὲ μετρεταὶ δύο ἢ τρεῖς. i.e. Erant ibi *hydriæ sex posite secundum purificationem Judæorum, capientes singulæ metretas binas vel ternas*. Metreta, quæ alio nomine *cadus* dicitur, est mensura congiorum decem, ut docet Budæus l. 5. de Affe. *Decem autem congi* (quod e Zegero Budæum secuto annotare liceat) *LX. sextarios valent; id est, amphoram & quadrantem*. Porro *amphora vas est tesserarium intus quoquo versus pedale*. Juxta quam æstimationē quælibet *hydria binas amphoras cum semisse, aut quaternas minus uno quadrante continebat*. Tanta igitur capacitas hydriarum indicio est, eas non fuisse urceos portatiles, sed canales, seu aquales vel lacus, unde deprompta aqua vasis minoribus adferretur ad purgandum subinde non manustantum, sed etiam calices, juxta ritum purificationis Judæis usitata; de qua Marcus cap. VII. n. 3 4. Lavabant enim se Judæi sæpe, non tam ad abstergendas immunditias legales, quæ etiam lotis durabant fere usque ad vespeream, quam ex traditionibus pharisaicis. Adde, quod *hydriæ nostræ in loco publico & conviviis nuptialibus, ubi pro magno hominum confluxu multis aquis opus erat, destinatae fu-*



tæ fuisse videantur. Unde novum contra pictores argumentum exurgit. Atque hanc duplicem rationem observat Reinhartus in Monitis Evangelicis ad Dom. II. post F. Epiphani. §. 5.

## XIII.

## HERODIADIS FILIA SALTATRIX.

Filiam Herodiadis, quæ relicto Philippo, cum ejus fratre Herode Antipa in turpissimo ac nefando conjugio vixit, hoc ipso natalitia celebrante, saltasse in medio coram omnibus accumbentibus, tripudiando & lascivas exhibendo gestulationes ad modos musicos, recte oculis proponitur ab illis, qui penicillum tractant; sed minus recte, nisi toti fallimur, quod ætatem & sinum perfectæ viraginis ei tribuunt. Vocatur enim κοράσιον i.e. *puella*, Marc. VI, 28. Sed & alium heic errorem notasse juvat, quod nimirum saltatriculam effingunt caput Johannis in triclinium afferentem, quum tamen illud attulerit speculator, allatumque puellæ dederit vel temulentus Tetrarcha, vel ejus jussu satelles ille, ipsa vero tandem matri. Ita namque refert Matth. XIV, 11. καὶ ἤνεχθε ἡ κεφαλὴ αὐτοῦ ἐπὶ πίνακι, καὶ ἐδόθη τῷ κορασίῳ· καὶ ἤνεγκε τῇ μητρὶ αὐτῆς, i.e. *Et allatum ejus caput in disco, & datum est puellæ, & attulit matri suæ.* Et Marc. VI, 28. καὶ ἤνεγκε τὴν κεφαλὴν αὐτοῦ ἐπὶ πίνακι, καὶ ἔδωκεν αὐτὴν τῷ κορασίῳ· καὶ τὸ κοράσιον ἔδωκεν αὐτὴν τῇ μητρὶ αὐτῆς. i.e. *Et attulit (speculator) caput ejus in disco, & dedit illud puellæ, & puella dedit illud matri suæ.*

## XIV.

## COENA PASCHALIS MAGNA.

In cœna illa paschali magna, quam Christus cum discipulis suis paulo ante obitum suum celebravit, & in qua sacramentum eucharistæ instituit, Christus ejusq; discipuli communiter pinguntur sedentes, æque ut nos hodie in conviviis mensæ affidemus. Sed huic errori Scriptura reclamatur, & mos veterum



veterum Hebræorum. Scriptura quidem, dum eos mensæ accubuisse refert, Matth. XXVI, 20. Marc. XIV, 18. Luc. XXII, 14. Quorum illi id per *ἀνακειῖσθαι* exprimunt, hic aliquanto significantius per *ἀναπαύσθαι*. Mos autem Judæorum (ceu præter alios docet Saubertus in Palæstra Theologico-Philologica p. 80. & 281.) hic erat, ut accubitus in paschate necessario observaretur. Et modus accumbendi talis, ut unusquisque super unicum lectulum in latus sinistrum recumberet, pedibus extrorsum porrectis. Si vero plures convivæ essent, fiebat iste accubitus in circuitu, eo ordine, ut cum duo lectuli essent, omnium dignissimus occuparet locum supremum, alter vero inferiorem ab eo, ad dextrum scilicet latus, seu in sinu dignissimi. Si tres essent lectuli, omnium dignissimus occupabat lectum medium, alter ab eo lectum superius positum, juxta cervical dignioris, tertius autem lectum infra eum, juxta stragulas pedum ejus: & cum hoc dignior omnium commodissime poterat loqui. Jam secundum hunc morem probabile est, Petrum vel Jacobum a latere Christi sinistro, Johannem a dextro, sive illum pone, hunc ante Christum accubuisse. Nisi tres forte jacuerunt in uno lecto, Petrus in superiore, Christus in medio, & Johannes in inferiore ejus parte. Qua ratione hujus, in sinu Servatoris, situs, rectissime demum concipi potest & intelligi.

## XV.

## JUDAS ISCARIOTES.

Circumstantiam aliquam illius cœnæ exprimere conatur pictorum gens, quando Christum & Judam proditorem pariter in eundem catinum offam intingentes nobis proponit, quia scilicet turbatis discipulis, quod dixisset, unum inter ipsos sese proditurum, & sciscitantibus, quisnam ille esset, responderit Christus: *Qui intingit mecum in catino, is me prodet.* Matth. XXVI, 23. Sed quum dubius sit horum verborum sensus, facile fit, ut pictores vel errent, vel incerti  
 O quid



quid repræsentent. Annon placeat Zegeri sententia, cui adstipulantur Bertramus, Erasmus, Beza, Piscator, & alii? Quam transcribere haud pigrabor. *Etiam si secus habeat communis Interpretum sententia, mihi tamen videtur hoc Christus in genere tantum dixisse; quo significaret, proditorem illum, non modo unum esse ex XII, ut indicaret, verum etiam eadem secum uti mensa, atq; adeo in idem jus intingere manum, quod arctissima erat familiaritatis: alioquin enim exemplum dedisse videri possit prodendi inimici. Certe nostræ sententiæ adstipulatur editio Græca, ubi propter ἰουδαῖος, præteriti videlicet temporis vocem, manifestior etiam relinquitur de persona dubitatio & incertitudo. Adstipulatur etiam, quod ipse Judas postea sciscitatus sit a Christo: Numquid ego sum, Rabbi? quodq; eidem Christus ambigue responderit: Tu dixisti. Proinde, meo iudicio, nulli discipulorum aperte demonstravit, quis ipsum esset traditurus, præterquam Johanni, cui secrete percontanti, ut habes in ipsius evangelio c. XIII, 25. 26. etiam secrete responsum fuisse puto: Ille est, cui ego intinctum panem porrexero.*

## XVI.

## I D E M.

Quod autem proditor ille ex desperatione miserrime vitam finierit, sacræ paginæ referunt. Ubi rursus pictores, procul dubio istam versionem, Act. I, 18. *Et suspensus crepuit medius, & diffusa sunt omnia viscera ejus*, secuti, vereor ne impingant, quando hominem rupto ventre, & prominentibus visceribus, sed qui adhuc suspensus sit ad arborem, oculis subjiciunt. Nam in fonte ita legimus: καὶ πενήτης γενόμενος ἐλάλησεν μίσην, καὶ ἐξεχύθη πάντα τὰ σπλάγχνα αὐτοῦ, i. e. *Et præceps factus crepuit medius, & diffusa sunt omnia viscera ejus.* Cum quo loco conferendus ille apud Matth. XXVII, 5. καὶ ἀπελθὼν, ἀπήγαγον, i. e. *Et abiens, se strangulavit, sive, suspendit laqueo.* Unde doctissimus Casaubonus Exerc. XVI. ad Annal. Baronii, colligit, eum, cum cervicem la-

qu eo



queo immisisset, se ipsum ita pendentem valide impulisse, ut eo citius constrictis faucibus & fracto collo exspiraret, sed violentissimo illo motu disruptum forte esse laqueum, atque ita proditorem *πηνή* seu in faciem humi dejectum, vel ad saxum asperum, vel ad lignum acutum, quo ventrem sauciârit & diruperit, atque ita sua effuderit viscera, impigisse, aut alias Dei judicio ventrem ei fissum. Alii vero Judam suspendio periisse pernegant, vocemq; ἀπάγχας de *מרחק סוג'א* accipiunt, quo genere morbi qui laborant, obstructo spiritus meatu, medii dissilire, & maximo cum crepitu mori solent. Sic Dan. Heinsius in *Exercit. Sacr. & Lud. de Dieu* sentiunt. Quibus adde Buxtorfium in *Lexico Talmudico* in voce *מכרס* i. e. angina, a qua nonnulli Judam *Ισχαριώτην* dictum credunt. Vid. Lightfoot ad *Matth. X, 4.* Sic ἀπάγχας 2. Sam. XVII, 23. Tob. III, 10. juxta Heinsum accipitur. Vossius etiam in *Harmon. Passion.* p. 216. vocem hanc, de suffocatione, quæ sit ex mœrore, apud *Alianum* l. 5. *Var. Hist. cap. 8.* occurrere annotat. Refutata autem horum sententia, priorem, quam e Casaubono adduximus, amplectitur approbatque Calovius in *Bibl. Illustr.* ad *Matth. XXVII, 5.*

## XVII.

## S. JOHANNES ET TRES MULIERES.

Quid frequentius, quam ut præ cæteris dilectus discipulus, S. Johannes, & Maria, mater Domini, sub cruce ejus ponantur, quasi eam potuissent attingere, & versus eam plagam, quo crucifixus prospiciebat, facies & ipsi suas vertissent? Et sane testatur Johannes c. XIX, 25. de se ipso & tribus mulieribus, nempe Maria matre Jesu, hujusq; sorore Maria Cleophæ uxore, & Maria Magdalena, quod steterint *ὅθεν τὸ πρῶτον* juxta crucem; sed Marcus XV, 40. mulieres illas *ἀπὸ μακρόθεν* de longe, & Lucas XXIII, 49. omnes ejus notos, ut & mulieres, quæ eum e Galilæa secutæ sint, *μακρόθεν* procul stetit se ait.



se ait. Quæ testimonia S. Augustinus l. 3. de Consensu Evangel. c. 21. conciliaturus, affirmat dici posse, & longe a cruce, & juxta crucem fuisse. *Longe*, si conferantur ad milites & satellites, qui tam prope erant, ut crucem tangerent: *Juxta* vero, quia vocem Christi facile potuerint exaudire, ob vicinitatem; quod non potuerint turbæ, quæ longissime aberant. Quam collationem nec Bellarminus improbat de VII. Verb. Dom. l. 1. c. 8. Nota autem *ὡς ἐν παρθένῳ*, matrem Domini, dum filius in cruce penderet, non deliquio cecidisse, sed viriliter stetisse. *Stabat enim*, inquit Ambrosius in Institut. Virg. c. 7. *ante crucem mater, & fugientibus viris stabat intrepida. Spectabat piis oculis filii vulnera, per quem sciebat omnibus futuram redemptionem. Stabat non degeneri mater spectaculo, quæ non metueret peremptorem.*

## XII.

## S. PETRUS.

Duplex pictorum error est, quod S. Petrum tempore resurrectionis Christi senem pingunt, mortemque ejus exprimunt affixione ad crucem; cum tamen Christus resuscitatus senectutem ei, tanquam futuram, & talem mortem, qua funibus in cruce ligandus esset, prædixerit. Prophetia hæc exstat Joh. XXI, 18. quam heic una cum Jansenii commentario exhibere placet: *Amen, amen, dico tibi, cum esses junior ætate, cingebas te & ambulabas, ubi volebas, expeditus videlicet ac liber: cum autem senueris, (quo Græci observant significari, eum tunc fuisse mediæ ætatis, prout etiam ex annis, quibus supervixit, colligitur) extends manus tuas, in crucem, hoc est, crucifigèris, inquit August: & alius te cinget, id est, cingulis cruci adstringet. Tunc enim Petrus ab alio cingitur, cum cruci adstringitur, inquit Tertull. in fine Scorpiaci. Quo indicare videtur, magis funibus in cruce suspensum, quam clavis affixum fuisse.*

## XIX.



## XIX.

## S. STEPHANUS.

Agite, pictores, liceat bona cum pace vestra, unicum addere, quo huic opellæ colophonem imponamus. S. Stephani protomartyris lapidationem artificiose quidem pingere soletis; sed quantum veri habeat illud, quod genibus innixio manus relinquitis liberas, & cœlum versus extensas, lapidumque solum a turba in sanctum caput projectorum fuscā procellam, absque testium expressione, nobis exhibetis, statim patebit, si & Scripturam, & Antiquitatem, quæ morem lapidationis apud Hebræos usitatum, quasi ad vivum delineat, inspicere & observare haud gravati fueritis. Scriptura certe Stephanum tam a testibus, quam a populo lapidatum fuisse innuit Act. VII, 58. 59. Quamvis enim ista per tumultum acta sint, & quidem violata Præsidis provinciæ auctoritate, non tamen populus tantum, sed & testes exsequi voluerunt lapidationem, sine dubio, ut actionis, juxta legem divinam, quæ Deut. XVII, 7. exstat, observatæ speciem ei inducerent. Quibus vero ritibus alias peracta sit lapidatio, & quinam huic supplicio subiecti, optime omnium docet Fagius ad Ex. XXI, 16. *Hebræi sic tradunt. Quatuor mortes traditæ fuerunt Consistorio: Lapidatio, Combustio, Decollatio & Strangulatio. Decem & octo genera hominum ex lege lapidatione puniebantur; videlicet, qui rem habebat cum matre, vel cum uxore patris, vel cum nuru, vel cum virgine desponsata, vel cum masculo, vel cum jumento. Mulier item prostituens se jumento, blasphemus, idololatra, qui de semine suo Moloch offerebat, pythonicus, ariolator, violator sabbati, maledicens patri, aut matri, incitans & impellens ad idololatriam, præstigiator, atque filius protervus,*



& rebellis. Locus lapidationis extra Consistorium fuit, juxta  
 id, quod dicitur: Educ blasphemum &c. Unus autem ali-  
 quis stabat ad ostium Consistorii tenens linteum in manu, a  
 quo alius quidam cum equo remotius constitutus erat, in eum  
 scilicet usum, ut, si quis veniret & diceret: Habeo, quod di-  
 cam pro liberatione rei, moveret ille linteum. Quo viso, qui  
 equo insidebat, reum sistere gradum faciebat. Quin & ipse  
 reus si diceret, se habere, quo se purgaret, rursus ad Consisto-  
 rium reducebatur; idque quater & quinquies, modo non va-  
 num aliquid diceret. Ideo attribuerunt illi duos viros sa-  
 pientes, qui in via observarunt verba ejus. Quasi non va-  
 na erant, reducebatur: Si vero nihil inveniebatur, quod  
 faceret ad ejus innocentiam, educebatur ad locum supplicii.  
 Et præco antecedebat eum, dicens: Vir ille, filius istius, egre-  
 ditur, ut plectatur tali morte, eo quod tale peccatum admise-  
 rit, illo tempore, hoc in loco; & isti sunt testes ejus. Quis-  
 quis igitur est, qui aliquid novit, quod illi bono esse potest,  
 veniat, ut indicet. Si procul abest a loco lapidationis adhuc  
 aliquot ulnis, dicitur ei. Confitere. Sic enim facere solent  
 omnes, qui mortis supplicio afficiuntur. Quicumque enim  
 confitetur, partem habet seculi futuri. Ita enim invenimus  
 de Achab, quod Jehoschuah dixit ad eum: Mi fili, da quæ-  
 so gloriam Deo Israel, & da ei confessionem. Cui respon-  
 dit Achab & dixit: Utique peccavi in Dominum Deum  
 Israel, & sic atque sic feci &c. Et ait Jehoschuah: Quia  
 conturbasti nos, conturbabit te Dominus in die hac &c.  
 hoc est, hoc die tu quidem conturbaberis, non autem in secu-  
 lo futuro. Quod si quis ignorabat rationem confitendi, dice-  
 batur illi: Dic, Sit mors mea expiatio omnium peccatorum  
 meorum. Postquam vero confessus est, potatur vino thure  
 confecto, in hoc, ut inde ratio ejus turbetur, atque vehe-  
 mentius inebrietur, secundum illud, quod dicitur: Date sice-  
 ram perituro, & vinum eis, qui amaro sunt animo. Post  
 illam



illam vero potationem mortem luebat, quam commenerat. Constat quoque ex traditione, honestas matronas Hierosolymis fuisse, quæ sua sponte hoc genus vini suppeditabant. Reo quatuor cubitis a loco supplicii distanti vestes extrahebantur. Viri quoque pudenda tegebantur; mulieris vero *San-*teriora & posteriora. Quidam tamen ex sapientibus dicunt, virum nudum lapidatum fuisse, non autem mulierem. Locus lapidationis altitudinem habebat duorum cubitorum, ad quem reus victis manibus ascendebat. Illum alter testium præcipitem dabat e sublimi. Ex qua præcipitatione si non fuit mortuus, elevabant testes lapidem ibidem jacentem, habentem pondus duorum hominum, quem alter testium super eum projiciebat. Quod si ne sic quidem mortuus fuit, tum demum accessit totus Israel, & lapidavit eum, juxta illud: Manus testium erit in eo primum ad occidendum eum, dein manus universi populi. Quando vero puella desponsata scortata est, lapidata fuit ante fores domus patris sui, vel ad fores portæ civitatis. Omnes lapidati suspenduntur. Tamen si quidam ex sapientibus dicunt, blasphemum tantum & idololatram suspensos fuisse. Vir ita suspendebatur, ut faciem haberet versus populum, mulier vero versus stipitem. Hæc Fagius, antiquitatum Judaicarum solertissimus indagator. Atque in eodem studio clarissimus Lightfoot ad Marc. XII, 4. annotat, in *Λόγια* a Synedrio decreta, testes lapidem illum grandissimum jecisse in cor damnati, cum jam jaceret supinus.

*Sed manum de tabula.*

### ADDITAMENTA.

Quemadmodum Pilatus non recte cum barba, ita etiam summus sacerdos Caiphas sine barba male pingitur: nam ille Imperatorem Tiberium habitu oris utique imitatus



tus est: sacerdotibus autem non licebat barbam radere, juxta Levit. XIX, 27. & c. XXI, 5. Joodse Oudhed. Tom. 2. p. 708.

*Miles, qui lancea aperuit latus Christus, non eques fuit, sed pedes. Sagittarius disp. de Lancea, qua perfoſsum latus Christi c. 2. & H. Müll. in Jesu pat. p. 222.*

*Caiphas non sedendo, sed stando dirupit vestimenta. J. Quirin. Hedenus disp. de Sciff. vest. §. 38.*

*Adam & Eva, ad arborem cum serpente stantes, & ex longinquo urbes, arces, & palatia prominentia.*

*Iidem similiter sub arbore stantes, cum puerulo ad pedes Evæ.*

*Diva Maria virgo in conclavi, cum sue. Wagenf. in Thef. Miscell. n. 34.*

*Christus cruci affixus, manibus in sublime supra caput sublatis, & junctis magis, quam dispeſſis, pendulo ab iis corpore. G. Calixt. Append. ad Lips. de Cruce p. 5.*

*In sacrificio Isaaci, Isaac genibus innixus ante altare, & Abraham post eum, cum gladio, quasi eum decollaturus. Cum tamen Isaac fuerit impositus altari, Abrahamo eum mactaturo, tanquam pecudem. D' Espagne in Schibboleth p. 119. T. III. Operum.*

*Locus, in quo congregati Apostoli cum aliis fidelibus, cum super eos effunderetur die pentecostes Spiritus sanctus, non fuit conclave aliquod templi, multo minus atrium templi (ut pictum est in Postilla Brentii festali p. 89.) sed domus aliqua privata. Hoornb. part. poster. Theol. pract. 392.*

Non



**N**ON parum temporis a conscripta hac disserta-  
tione effluxerat, quo in eruditam M. Philippi  
Rohrii disputationem, similis plane argumenti, inci-  
di, ubi ex V. T. inter picturas erroneas recensentur  
*DEus senex creator. Serpens paradisiacus ἀπας.*  
*Angelus paradisi custos. Arca Noë biformis. Abra-*  
*ham gladius. Isaac mactandus ingeniculans. Com-*  
*edentes pascha stantes. Moses cornutus. Sponsus*  
*mysticus ἀγαθος. Iesaias dissectus. Daniel decolla-*  
*tus. Ex Novo Testamento: Capita Sanctorum ra-*  
*diosa. Iohannes evangelista juvenis. Deus onychitis. Iose-*  
*phus senex. Christus uranius infans. Bos & asinus alligati*  
*præsepio Iesuli. Triga magorum coronatorum. Simeon cæ-*  
*cus sacerdos. Iohannes pelle camelina vestitus. Christus*  
*pinnis insistent. Teeta apud Israëlitas acuminata. Lazarus*  
*in domo divitis flagellatus. Frondes & vestes sub pedibus*  
*asini. Christus ad mensam cum convivis scamno insi-*  
*dens. Panis crassus. Christus in torrente jacens. Vir-*  
*ga loco flagelli. Bini flagellatores. Socia crucis portatio.*  
*Crux commissa. Christus tribus clavibus affixus. Latro-*  
*nes crucibus alligati. Crux absque sedili. Eques late-*  
*ris Christi percussor. Maria, Apostolorum regina. Lin-*  
*guæ super capitibus Apostolorum ignita. Saul eques.*  
*Christus intercessor supplex. Mors sceleton. Christus su-*  
*per iride sedens.*

**P**

**DIS-**





# DISSERTATIO III. DE PRUDENTIA ECCLE- SIASTICA.

**P**ER PRUDENTIAM ECCLESIASTICAM intelligimus eam mentis virtutem, qua ministri ecclesiæ tum sibi, tum aliis, in rebus ad salutem sempiternam spectantibus, recte consulere, actiones vitæ & officii pro circumstantiarum ratione moderari, & de rebus sub actionem cadentibus probe judicare, adeoque in negotio religionis & rebus ecclesiæ gubernandis, nec non in conversatione privata, veram sapientiam, circumspeditionem atq; dexteritatem adhibere nōrunt. E quibus statim patescit, prudentiam, quæ pluribus hominibus communis est, heic in specie referri ad eos, qui ecclesiæ docendæ & regendæ præsumt, & *Ecclesiasticam* dici non tam ab objecto, quod circa res ecclesiæ versetur, quam a subiecto, quod doctoribus ecclesiæ conveniat, atque in iis maxime requiratur.

Ut vero aliis in rebus, ita etiam in negotio religionis, prudentia datur vel propria, vel aliena, vel ex utraq; mixta. *Pro-  
pria*



*propria* paucioribus contingit, non modo ob vitæ brevitatem, sed etiam ob varia impedimenta, tristesque casus, quibus hæc vita est exposita; ne dicam, quod etiam magno constet, multis scilicet calamitatibus & malis, quæ tum illum, qui eam sibi acquisivit, tum alios, ipsius culpa & imprudentia, perpeti contingit. *Aliena* quidem tutissima est, sed non æq; utilis: nam oculos suos in alium duntaxat ferre, nec interim quicquam agere vel pati, nullam ecclesiæ utilitatem affert. *Mixta* vero licet non tam secura sit, quam aliena, tutior tamen est propria, & utraque longe utilior: nam ex una parte homo non adeo periculis & malis est expositus; ex altera per propriam experientiam subactior redditur, reique christianæ utilior, quippe qui in propria experientia non omnem ætatem consumsit. Et hinc apparet, quam etiam in rebus ecclesiæ tractandis proficuum sit ac necessarium, non tantum propriæ experientiæ operam dare, sed etiam alienam sequi, & ex ea sapere. Nic. Vedelius de Prud. vet. Eccl. l. 1. c. 1.

Mixta hæc prudentia addiscitur in schola non mundi, sed ecclesiæ. Nam sacra tractantes, a versutia mundana procul abesse oportet, juxta præceptum Servatoris, quod discipulis suis dedit Matth. IX. 16. *Estote prudentes, sicut serpentes; & simplices, sicut columbæ.* Enim vero prudentiæ symbolum sunt serpentes, simplicitatis columbæ. Itaque vult Christus, ut discipuli, & omnes eorum in sacro officio successores, candorem animi jungant cum circumspectione, & oculum serpentinum gerant in corde columbino. Simile est illud Apostoli ad Rom. XII, 2. *Ne vos configurate seculo isti.* Ubi enim versutia mundana, fraudibus dolisque res sacræ gubernantur, necesse est eas profanari, deturpari, corrumpi, & pacem ecclesiæ in funesta dissidia ac bella transmutari. Hinc DEus pro summa & ineffabili sapientia sua, ad ecclesiam novi foederis plantandam & amplificandam, vocavit homines, non seculari instructos astutia & va-



fritie, sed simplices & integros, qui a mundanis & versipellis deridebantur, ac pro stultis habebantur, sicut Paulus indicat I. ad Cor. I. 26. 27. Neque tamen hoc ita intelligendum, quasi religio christiana, officiumque ecclesiasticum, & prudentia ei conveniens, humanam illam prudentiam, quæ ex ethicis hauritur, prorsus aboleat: eam enim dirigit duntaxat & moderatur, &, ut a muneris sacri scopo non modo non abducat, verum etiam ad eum collimet, ei-que subserviat, efficit: quemadmodum etiam scientiæ philosophicæ, rerum divinarum scientiæ egregie ancillantur. Unde videmus, eos, qui humanis disciplinis recte nōrunt uti, plus etiam in rebus divinis proficere posse. Idem fit in prudentia humana, si ea se regi a divina & ecclesiastica sapientia patiatur.

Peti autem & acquiri potest prudentia ecclesiastica I. a supremo omnis boni largitore, Deo optimo maximo. Ita enim jubet S. Jacobus Apostolus Ep. c. I. 5. 6 *Quod si cui vestrum deest sapientia* (vocabulum σοφίας heic ponitur loco σοφίας, uti ad Rom. XVI. 19. ad Ephes. V. 15. & ad Coloss. IV. 5) *petito a DEO, qui dat eam omnibus benigne, nec exprobrat: & dabitur ei. Sed postulet cum fide, nihil ambigens.* Ea impetrata, indefinenter rogandus est Deus, actionibus tuis ut benedicat: Etenim absq; illius benedictione omnia nostra cæpta vana sunt & irrita. Quotiescunq; igitur hunc vel illum bonum eventum prudentiæ adscribimus, sciendum, id fieri præsupposita divina benedictione. II. Ex assidua lectione & meditatione sacrae Scripturæ. Nam ex hac, tanquam ex fonte, hauritur præstantissima prudentiæ ecclesiasticæ pars, quæ circa veram religionem & DEum immediate versatur. Deinde ex ea actiones veræ prudentiæ ab actionibus falsæ prudentiæ discernimus. Quæ enim verbo Dei conformes sunt actiones, aut ei non repugnant, eæ veræ prudentiæ classe continentur: quæ autem ei repugnant, sive ad versutiam referendæ sunt, sive ad imprudentiam.



tiam. Eaetiam nobis suppeditat exempla prudentiæ & imprudentiæ ecclesiasticæ, quæ perpetuo nobis ob oculos ponere debemus. Quid? quod illa nobis sola ad prudentiam ecclesiasticam in se sufficiat; ita ut aliis adminiculis opus non esset, si absque humana foret partim malitia, partim infirmitate. Nam quæcunque ad doctrinam veram & vitæ sanctitatem necessaria sunt, de iis omnibus sufficienter nos erudire potest, sicut dicitur II. ad Tim. III, 16. 17. III. E studio antiquitatis ecclesiasticæ. Hæc enim circa particulares illius prudentiæ actiones exempla nobis commonstrat, & experientias plurimas maxime notabiles; hæc varios exhibet casus, varias vicissitudines ecclesiæ; hæc denique ostendit, quam utilis ecclesiæ fuerit nonnullorum prudentia, & e contrario quam noxia eidem & perniciosa aliorum imprudentia. Ut adeo ecclesia vetus christiana prudentiam nos doceat utroque modo, exemplo, & damno suo, prudentia, & imprudentia.

Ex nulla autem parte antiquitatis ecclesiasticæ melius ac felicius hauriri potest prudentia ecclesiastica, quam ex illius historia, quippe quæ studio & ex professo memoriæ mandavit casus varios, qui vel imprudentiam vel prudentiam sunt insecuti. Principem vero locum sibi vindicat historia primorum seculorum, quibus ecclesia & gravissimas persecutiones experta est, & ad splendorem pervenit maximum, adeoque prudentiæ & imprudentiæ, zeli & impietatis exempla sat multa exhibet: illa quidem, ut imitemur; hæc vero, ut odio habeamus & fugiamus. Quamvis enim inter veteres, qui illarum ætatum historias scripserunt, fuerint pauci, & nonnulli eorum, nævos habuerint non minimos; (*Eusebium* enim aliquando *Arianum*, *Socratem* & *Sozomenum* Novatianos, & *Theodoretum* Nestorianum fuisse, \*communior est eruditorum sententia: & in specie *Eusebium*,

P 3

simul

\* Contra eam *Henr. Vales.* in præfationib. illorum Auctorum.



simulatque ad traditiones, & non ad scripta, sed audita provocat, fabulosa multa miscere; Socratem vero orthodoxos illos, qui pio zelo incensi Novatianos acrius insectabantur, saltem oblique perstringere, & eorum existimationem, quantum in ipso est, labefactare, e Sculteto & Billio observat Degor. Whear in Relect. Hyem. p. 219. 225. *Evagrius* denique scriptorem esse a fabulosis narrationibus non nimis alienum, notat Casaubonus in Exercit. XIII. An. 31. num. 58. Ut adeo scriptores illi caute legendi sint) tamen eorum studium commemorandi res gestas non exiguam meretur laudem, & gratias: nam absque illo foret, magnam sui partem ecclesia ignoraret. Vid. iterum Whear l. c. eique addantur Centuriat. Magdeburg. Cent. 4. pag. 567. 905. Casaub. in Proleg. in Exercit. G. J. Vossius de Histor. Græcis p. 201. 208. 209. 217. G. Calixtus in Appar. Theol. p. 42. & Slüterus in Propylæo Hist. Christ. p. 33. & seqq. Ut illa præteream testimonia & elogia, quæ collegit, & memoratorum auctorum editioni novæ præmisit V. Cl. Henr. Valesius.

Et ne frustra dixisse videamur, antiquitatem, & imprimis historiam ecclesiasticam & exemplo & damno aliorum nos docere, atque imagines sat multas cum prudentiæ, tum imprudentiæ, spectandas porrigere, agite, paullo propius accedamus, easque oculis ac mentibus nostris usurpemus, dum inquirendum jam nobis est, quæ damna ex imprudentia, quive fructus ex prudentia *ἡσυχία τῆς θεῆς ἀνδραγαθίας* nasci soleant. Enim vero imprudens ecclesiæ doctor I. pacem & tranquillitatem totius ecclesiæ turbat & prostermit, dum intempestivo zelo irritat Principem, sive in religione dissentientem, sive plane infidelem, ut persecutionem contra ecclesiam sibi subjectam suscipiat, libertatem conscientiiis eripiat, & maximis orthodoxos malis obruat. Expertæ id sunt ineffabili suo damno, ætate Theodosii junioris, ecclesiæ christianæ, qua late patet regnum Persicum. Incenso enim per Abdam, christi-  
næ in



næ in Persia ecclesiæ episcopum , *ὅτι εἰς θεὸν τῷ ζήλῳ χρησι-  
μοῦσι* , zelo immoderato impulsus , πυρεῖω , sive delubro aliquo,  
in quo ignis a Persis colebatur , adeo excanduit regis Vara-  
nis ira , ut non tantum episcopum trucidari , & templa chri-  
stianorum destrui juberet , sed etiam novis & ante id tempus  
inauditis tormentis corpora fidelium excruciet. Theo-  
doret. l. 5. Hist. Eccl. c. 39. Niceph. Call. l. 14. cap. 19. II. Schi-  
smata & funesta dissidia in ecclesia præter intentionem exci-  
tat. Ita, sub Arcadio, contigit Theophilo, episcopo Alexan-  
drino : dum enim æmulationis cæstro adversus Joh. Chryso-  
stomum percitus , variis technis exilium ejus meditabatur ,  
tandemque obtinebat , vidit pariter , quod per impruden-  
tiam prævidere non poterat , tristissimum & lacrymabile  
schisma *Johannitarum* , quod triginta quinque annos duravit.  
Socrat. l. 6. H. E. c. 16. 18. Sozom. lib. 8. cap. 13. 14. 22. 23. 24.  
25. 27. III. Interdum auget schisma , dum illud compone-  
re & tollere nititur. Uti factum , sub Juliano apostata , a Lu-  
cifero, Caralitano episcopo , qui populi Antiocheni duas fa-  
ctiones , *Meletianam* scilicet & *Eustathianam* , ad concor-  
diam revocaturus , Eustathianæ parti episcopum præfecit  
Paulinum. Quod nihil aliud erat , quam oleo incendium  
restringere , malumque prava curatione reddere atrocius ,  
ac prope insanabile , cum inde ortum sit schisma 85. anno-  
rum. Sozom. lib. 5. cap. 13. Theodor. lib. 3. c. 4. & 5. IV. Fa-  
cile sibi imponi patitur ac persuaderi ab homine versuto , ut  
perversis ejus consiliis opem ferat in opprimendo collega,  
aut alio bene merito viro. Sic Epiphanius Cypri episcopus ,  
*δι' ὑπερβάλλουσι εὐλάβειαν ἀπλοῖκῆς ὡς τὸν τρόπον* , ob singularem  
pietatem , summa morum simplicitate præditus , non animad-  
vertit , quo tenderet Theophilus , odium erga Origenis li-  
bros præ se ferens , cum tamen flagraret odio adversus Dio-  
scorum ejusque fratres , *Longos* dictos , ut & Johannem Chry-  
sostomum , eosque auxilio Epiphaniæ ejicere sibi proposuis-  
set.



set. Socrat. l. 7. cap. 9. 10. Sozom. l. 8. cap. 14. V. In causa est, ut synodi orthodoxæ decreta adversus hæreticos & novatores effectum non sortiantur, & ut res ecclesiæ apud Principem vel magistratum non promoveantur; e contrario hæretici & turbones, votorum suorum compotes fiant. Sic evenit synodi Ariminensis parti orthodoxæ, quæ ad Constantium Imp. legatos X. misit, sed homines adolescentes, parum doctos & parum cautos: cum pars Ariana totidem mitteret, sed senes, callidos, & ingenio valentes. Unde hi præ illis apud Imperatorem facile superiores extiterunt. Sulp. Severus lib. 2. c. 41. Et tanto graviora hæc & similia sunt mala, quæ imprudentia nonnullorum antistitum, ecclesiam affligunt, quanto propius ipsam etiam remp. corripunt. Nam experientia testatur, fere nunquam ecclesiæ tranquillitatem turbari, quin pax reip. simul vim patiatur & decrementum. Hinc Sozomenus, postquam ecclesiæ calamitates, ex infelici Theophili erga Chrysostomum æmulatione ortas, descripsisset, ita pergit: *Eodem tempore, sicut in sacerdotum dissensionibus fere evenisse reperias, resp. quoque turbis ac motibus agitata est.* l. 8. c. 25.

Consideravimus mala, quæ imprudentia generantur. Nunc fructus intueamur, quos fert prudentia virorum ecclesiæ Dei servientium. Nimirum hæc in genere efficit, ut regnum Christi, & ecclesia maxime augeatur & floreat: prout experta est ecclesia sub Attico, episcopo Constantino-politano. Socrat. lib. 7. c. 2. 18. & sub Athanasio. Sozom. lib. 2. c. 23. In specie vero I. pacem in ecclesia, adeoque in rep. etiam conservat, dum in unione & concordia membra ecclesiæ, quæ pariter sunt cives reipublicæ, retinet; ceu idem fecit Atticus. Socr. l. c. II. Refarcit & tollit schismata ecclesiæ, atq; adeo pacem ei reddit. Iterum exemplo Attici, qui gravissimum ex ejectione Chrysostomi ortum dissidium componere cœpit, & animos ad concordiam præparare, Chrysostomi mentionem in precibus publicis fieri jubens. Socr. lib. 7. c. 25. autem



autem laudabilia hæc cœpta, & schismate penitus sublato, Jo-  
hannitas ad communionem reduxit Proclus, *Φεγήσας τὴν λύπην αὐτῶν*, eorum dolorem prudenti consilio de-  
mulcens, dum precibus obtinuit ab Imperatore, ut corpus  
Chrysoctomi Comanis sepultum, Constantinopolin depor-  
taretur, ibique solenni & ingenti cum honore in templo  
Apostolorum deponeretur. Socr. lib. 7. cap. 45. III. Lenit  
& mitigat iram Principis, si forte a subditis offensum vindi-  
ctam cogitat. Sic Flavianus, episcopus Antiochenus, pro  
civibus suis, quorum multos, ob seditionem & ignominiam  
statuis Augustorum illatam, Theodosius M. ad supplicium  
rapere constituerat, legatione fungens, rogavit adolescen-  
tes, qui ad Imperatoris mensam canere solebant, ut cantica,  
quibus Antiocheni, facti pœnitentes, in supplicationibus  
suis utebantur, cantarent. Quo facto Cæsar in clementiam  
flexus, & miseratione superatus, iram protinus abiecit,  
& Antiochenes in gratiam recepit, perfuso lachrymis poculo,  
quod tum forte in manibus habebat. Sozom. lib. 7. c. 23.  
IV. Sedat turbas & seditiones, si quando subditi Magistratibus  
obedientiam detrectant. Ita Gregorius Antiochenus, rogatu  
Imperatoris Mauriti, gravi oratione totum exercitum ad  
officium reduxit, captato imprimis argumento a tempore  
salutaris passionis & sanctissimæ resurrectionis Domini  
Jesu Christi, quod tum instabat. Evagr. lib. 6. cap. 12.  
13. V. Hæreticorum, & aliorum adversariorum animis  
metum incutit, eorumque progressibus remoram injicit.  
Quomodo Atticus, licet hæreticos non persequeretur, tamen  
eos *τῇ Φεγήσας κατέωλησε*, admiratione prudentiæ suæ per-  
cellebat, ut loquitur Socr. lib. 7. cap. 2. VI. Hæreticos ex  
latebris suis producit, & venenum eorum, quod arte tege-  
re nituntur, manifestat pariter, ac diluit. Accidit hoc in  
synodo Nicena, ubi non contenti orthodoxi, Arianos dicere,  
*Filium ex Deo esse*, item, *ex Patris essentia esse*, postulā-  
runt,

Q



runt, ut eum Patri ὁμοῖον confiterentur. Sed heic tenebantur constrikti adversarii, nec extricare se poterant, quin fraudem suam diffensu, tanquam forex sibilo, proderent. Athanas. de Decret. Synodi Nicenæ Tom. I. p. 427. Theodor. lib. 1. c. 5. VII. Confundit & confutat ex proprio suo ore hæreticos, ut nihil quicquam reponere possint, eosque adeo reddit ἀποκατακρίτης. Ita Silvanus, Tarsensis Episcopus, coram Constantio Imperatore confutavit Eudoxium, tum quidem Antiochenum, mox Constantinopolitanum episcopum, a partibus Aëtii, filium Patri ἀνόμοιον dicentis, stantem, & eos, qui cum eo aderant. Eudoxio enim vocem ὁμοῖον *Consubstantialis*, quæ nusquam in Scriptura extaret, eliminandam contendenti, respondit Silvanus: *Æquum etiam esse, ut ille cum asseclis, τὰ ἐξ οὐκ ὄντων, καὶ τὸ κτίσμα, καὶ τὸ ἐπὶ ἑστίον, voces istas e non extantibus, & creaturam, & alterius substantiæ, quæ in Scripturis non extant, nec usquam in prophetis aut apostolicis libris leguntur, condemnet, easque a sacris conventibus procul abjiciat. Cumque eas, iræ Cæsaris declinandæ causa, condemnassent, acrius instabant, flagitantes, ut etiam vox ὁμοῖον anathemate feriretur. Sed iterum respondit Silvanus: Si DEUS Verbum non est ex nihilo, nec creatura, nec alterius substantiæ, consubstantialis igitur est DEO, qui ipsum genuit, utpote DEUS ex DEO, & lumen ex lumine, eandemque cum genitore suo naturam habet. Quo argumento licet confessionem oralem Eudoxianis non expresserit, διωκτῶς tamen καὶ ἀληθῶς eorum animos convicit.* Theodor. lib. 2. c. 27. VIII. Seditiones & tumultus declinat evitatque, quando ecclesia aliqua reformanda, &, tanquam Augiæ stabulum, a sordibus superstitionis vel idololatriæ repurganda est. Sic Atticus corpus Sabbatii, qui auctor fuerat schismatis de Paschate, effodi, & in alio reponi sepulchro jussit, ut asseclas ejus a solita superstitione, qua super illius tumulum orabant, abduceret. Cui prudenti consilio eventus respon-



respondit. Illi enim cum ex more convenissent, ac tumulum effossum reperissent, deinceps eum locum colere desierunt. Socrat. lib. 7. cap. 25. IX. Persecutorum & hostium rabiem compescit, ita ut interdum & pastori & ecclesiæ, imò etiam toti civitati & reip. parcant. Exemplo est Ephræmius, Antiochiæ episcopus, qui. Chosroë, Persarum Rege, imperii Romani fines excursionibus suis vastante ac depopulante, ecclesiam suam sacris donariis exornavit, eo consilio, *ἵνα λύτεα ταύτη γένηται, ut ea lytri loco essent.* Qua ratione ecclesiam, & quæ circa illam erant ædificia, feliciter servavit. Evagr. lib. 4. cap. 25.

Neque verò tantum ecclesiæ, uti hætenus ostendimus, sed etiam ipsis, qui ea utuntur, sacris mystis oppido utilis est prudentia. Nam I. iis apud populum æque ac Magistratum, siue hic sit orthodoxus siue heterodoxus, siue etiam hostis, auctoritatem conciliat. Unde fit, ut eorum ministerium non careat fructu, & dicta recipiantur pro oraculis. Videre hoc licet in Attico & Gregorio Antiocheno. Atticus enim tam erat omnibus ob prudentiam admirabilis, ut ejus consilio etiam vetustissimorum locorum nomina mutarentur: quemadmodum legimus, quod statio navium, quæ in ostio Ponti Euxini erat, *Φαρμακεία* h. e. *veneficium* dicta, nomen *ἰατρικίας*, id est, *medicinæ seu curationis*, acceperit; suburbium autem Constantinopolitanum, cui *ἡκαδευτήριον* nomen erat, quod ibi *decimæ* exigenterentur, *ἀργυρέπολις* *argentea urbs* appellata fuerit, eo quod magnus ille vir dixisset, *Φαρμακείας* vocabulum invisum esse, & conventibus sacris ibi celebrandis minime conveniens: porro æquum esse, ut suburbium illud, quod argenti copiam suppeditet reip., & situm sit e regione stationis veteris, quæ *χρυσόπολις* *aurea urbs* dicebatur, *ἀργυρέπολις* appellaretur. Socrat. lib. 7. c. 25. Gregorius autem & ipse *κατέπληξεν ἑ μόνον τὰς Ῥωμαίων βασιλείας, ἀλλὰ καὶ τὰς Περσῶν, admirationi fuit non Romanorum modo, verum*



etiam Persarum Imperatoribus, cum in omnibus negotiis ita se gereret, ut necessitas postulabat, utque ferebat occasio. Evagr. lib. 5. c. 6. II. Diluit calumnias. Hoc enim medio liberavit se Athanasius a duplici, eaque atrocissima calumnia violatæ virginitatis, & occisi Arsenii cujusdam, ac præcisi a cadavere, in magicarum artium usum, brachii. Socr. lib. 1. c. 27. Sozom. lib. 2. c. 23. Theod. lib. 1. c. 30. III. Utentem, ecclesiæ præstat incolumem, & vitæ pericula, quæ adversarii ei tendunt, declinat. Hac magistra laudatus Athanasius Juliani apostatæ decretum de ipso occidendo elusit, ex urbe Alexandria fugiens, atque amicis dicens: *Secedamus ad tempus; nubecula est, quæ cito evanescet.* Cumque sicarii eum insequerentur, prudentia duce & comite fortuna, eos prætervectus, rediit Alexandriam, ibique secure delituit, usque dum nubecula persecutionis transiisset. Socr. lib. 3. c. 14. Sozom. lib. 4. c. 10. Theodor. lib. 3. c. 9. IV. Ecclesiæ regimen sub orthodoxo Principe, & pacis tempore, alicui conservat, dum alius imprudentior, eodem rerum statu, illud amittit. Sic Atticus per XX. annos episcopatum pacate administravit, cum contra ex decessoribus is, qui aurea eloquentia aliisque donis antecellens, at prudentia inferior, animique impotentior erat, in gravissimas calamitates, maximo ecclesiæ malo, inciderit. Socr. lib. 7. c. 25. & lib. 6. c. 3. Sozom. lib. 8. c. 3. V. Facit, ut aliquis pericula mature prævideat, & si declinari non possint, ad illa subeunda animo invictus atque imperterritus se præparet. ita ut prævisa tela minus ei nocere possint. Præviderat Liberius, episcopus Romanus, exilium sibi paratum esse a Constantino Imperatore, in novam Romam ipsum evocante. Itaque Imperatori, dicenti, non rediturum Romam, nisi *communione ecclesiarum* h. e. placita Ariana fuisset amplexus, animose respondit: *Ego jam fratribus, qui Romæ sunt, valedixi. Præstat enim decreta ecclesiæ, verbo DEI consentanea, custodire, quam Romæ habitare.* Theodor. lib. 2. c. 16.

Con-



Consideratis itaque tot ac tantis cum damnis imprudentiæ, tum fructibus prudentiæ, haud dubitamus pronunciare, prudentiam iis, qui gubernaculis ecclesiæ admoventur, imprimis esse necessariam. Atque hujus asserti tres causæ in promptu sunt. I. Est gravitas muneris ecclesiastici. Hoc enim ut difficillimum est, ita, qui illud prudenter gerit, plurima & plane insignia bona parit; qui vero imprudenter, maximorum malorum fax & tuba existit. II. Magnitudo infirmitatis humanæ. Hæc namque viris ecclesiasticis non tantum communis est cum cæteris hominibus, sed etiam vitæ & professioni eorum, peculiari modo adhæret: Sunt enim ob pietatis studium, quod eis merito omni cura exercendum est, plerumque simplices, iisque contingit, quod Chrysostomo, qui erat, ut Socrates scripsit lib. 6. c. 3. *Διὰ μὲν ὀρθότητά βίῃ σὺν ἀσφαλείῃ πρὸς τὰ μέλλοντα, δι' ἀπλότητά δὲ ὀχρεῖς, ob vitæ quidem sanctimoniam incautus adversus futura; ob simplicitatem vero apertus & facilis.* Inde fit, ut se decipi patiantur ab hominibus astutis, & nonnunquam ea suscipiant, quorum postmodum ipsos pœnitet; vel etiam, dum vocationi suæ serio seduloque intenti sunt, negligent sæpe pericula illa, & laqueos illos, quos ipsis tendunt doctores hæretici, aliive ἐξ ἐναντίων. III. Denique magnitudo periculorum, quæ vocationem illorum comitari solent. Ea enim (1) habet partim contemptores, partim osores plurimos, ex iis etiam, qui inter membra ecclesiæ censerī volunt, præcipue homines vitiis deditos, quorum vita taxari non potest, ni pariter crabrones irritentur. Quin sæpe homines alioqui non pessimi, si reprehendantur a pastore, odium ei pro gratia, scorpionem pro perca reponunt, maxime si sint sublimioris conditionis, imitantes hac in parte Achivos, qui Agamemnonem, optime de illis meritum, male tractârunt, ut in proverbium abierit:



Ἀντ' Ὀεργασίας Ἀγαμέμνονα δῆσαν Ἀχαιοί

*Pro benefactis vinxerunt Agamemnona Graji.*

(2) Fieri vix potest, quin fidelis DEI servus, qui munere suo fungitur præclare & cum laude, æmulos nanciscatur & adversarios ex ipsis fratribus & collegis suis, qui nonnunquam ipsum opprimere conabuntur. (3) Subinde se offerunt doctores hæretici aut heterodoxi, qui, sicut nervos intendunt, ut ecclesiam orthodoxam evertant, ita præcipue illius antistitibus insidias parant, maxime illis, qui se ipsorum artibus, technis & cuniculis opponunt. (4) Gravissima pericula iis imminet tempore persecutionis: etenim ut in bello præ aliis petuntur tribuni & duces, ita persecutionis initium plerumque fit a doctoribus & ministris ecclesiæ. Vid. Balduin. in brevi Institutione Ministr. Verbi. p. 264.

Unde porro fluit, etiam illis, qui se præparant ad sacrum munus, h. e. candidatis ministerii oppido necessarium esse studium prudentiæ. Nam sub initium ministerii, gravissimis erratis implicare se possunt, & plurima mala facere per imprudentiam. Sed ab illis, per Dei gratiam, immunes se præstabunt, si in tempore, & antequam ecclesiæ admoveantur, propriæ experientiæ defectum cognitione alienæ compensaverint, & precibus indefinenter pro sapientia fufis, nec Scripturæ lectione non continuata, & facta cum prudentibus diligenti consultatione, in veterem intuentes ecclesiam, illius & exemplis & damnis sapere didicerint. Quod ubi facient, & suum, & ecclesiæ commodum promovebunt, ac pariter a se & grege suo perniciem avertent vel maximam. Ubi & hoc observandum, prudentiam cum mediocri eruditione conjunctam, summæ eruditioni, sed prudentia destitutæ, longe antecellere; cum ex illa plurimum commodi ad ecclesiam & hominem redeat; ex hac vero, lerna malorum ad utrumque. Itaque eruditioni comparandæ ita invigilent, ut prudentiæ addiscendæ ne obliviscantur, quin potius maxi-



maximum laborem, curam, operam, studiumque ei impendant.

Consistit autem prudentia ecclesiastica in variis omnino actionibus & diversissimis, pro diversitate objectorum & rerum, quæ in negotio religionis atque ecclesiæ occurrunt. Quædam enim illius prudentiæ actiones immediate circa religionem & DEum versantur; quædam mediate circa religionem, immediate autem circa homines. Et prior quidem prudentiæ ecclesiasticæ pars, quæ DEum respicit ejusque cultum, uti nobilissima est ac præstantissima, ita vero zelo veræ religionis se exerit. Vulgo quidem prudentia zelo contra distinguitur, quando docetur, zelum prudentia temperatum esse debere. Quod, si recte intelligatur, vero consonum est. Interim etiam negari non potest, zelum ipsum esse primum prudentiæ ecclesiasticæ membrum. Idque propterea monemus atque inculcamus, quod ex recepta ista distinctione zeli & prudentiæ, (quæ, ut diximus, sano sensu intellecta non est rejicienda) homines profani, impii, ignavi, & perfidi, occasionem petunt, separandi in negotio religionis, zelum a prudentia, & scelera sua prætextu hoc palliandi, *zelum prudentia miscendum esse & corrigendum*. Immo vero magnus ille, atque utinam non fere communis, morbus corrigendus est, tenendumque pro certissimo, eos, qui laudabili prudentia religionem tractare cupiunt, eamque conservatam & propagatam volunt, verum zelum veræ religionis afferre debere, & absque illo genuinam prudentiam consistere non posse, quid? imprudentissime omnia geri & peragi.

Notanter diximus: *Zelum verum veræ religionis*. Ne scilicet intelligatur zelus homonymice sic dictus, qui non veræ religionis, sed falsitatis, impietatis, erroris est. Qualem zelum habebant Judæi. ad Rom. 10. 2. & Theoctistus psathyropola, illi Arianorum addictus sectæ, quæ *Patrem* (cœle-



(cœlestem) *semper fuisse patrem* asseruit, *etiam cum Filius non existeret*, nam διαπύρως τῷ λόγῳ τῷδε σωίσαιτο igneo zelo isti opinionioni adhærebat, ut ait Socr. lib. 5. c. 23. Porro verus veræ religionis zelus duo complectitur. (1) Flagrantem veritatis divinæ, seu veræ Dei cognitionis amorem. (2) Vitæ morumque internam & externam sanctitatem. Hæc duo si mutuo complexu se non excipiant, infallibiliter judices, verum abesse zelum. Alterum absque altero zelus non est, sed larva, spectrum, & cadaver zeli. Utrumque Apostolus Paulus comprehendit, quando jubet, ut Romani sint τῷ πνεύματι ζέοντες. ad Rom. 12. 11.

Atque, ut primum de zelo veritatis divinæ agamus, est ille nihil aliud, quam summus affectus, quo ecclesiæ minister veram doctrinam æstimat, pro viribus conservat, tuetur, propagat, firmiter ei & constanter adhæret, eique omnia, quæ in hoc mundo pretium aliquod habent, & ad sui amorem pelliciunt, postponit; falsam vero religionem averfatur, eidemq; pro virili resistit. Zelum hunc partem esse prudentiæ ecclesiasticæ, e tribus constat. I. Quia absque zelo religio vera conservari & propagari non potest: quo enim in statu illa hodie foret, & ubi reperiretur, si Prophetæ & Apostoli, eosque secuti Patres fuissent languidi, ut angelus ille sive episcopus Laodicensis, ad quem scribere jubetur S. Johannes Apoc. 3. 16. nec (ut loquitur Sulpic. Sev. lib. 2. c. 32.) *multo avidius tum martyria gloriosis mortibus quæstivissent, quam nunc episcopatus pravis ambitionibus appetuntur?* Quo nomine æternum celebrandi sunt, præter innumeros alios, S. Ignatius Antiochenus, & S. Basilius Cæsariensis: quorum ille dentibus bestiarum moli, quam fidei & doctrinæ christianæ renuntiare; hic vero pro veritatis defensione, corporis vinculis detineri, quam τὴν πίσιν ἔβασιλέως ἀσπαζέσθαι *Regis fidem* (h. e. Valentis Imp. fidem Ariannam) *amplecti* maluit. Ignat. in ep. ad Rom. Socr. lib. 4. c. 26.

II. Quia



II. Quia tentationes mundi, carnis, & satanæ, illæ imprimis, quæ paupertatis, ignominiae, exilii, cruciatuum, & mortis terribilia proponunt, sustineri ac vinci nequitiam possunt, nisi zeli robor & æs triplex tibi circa pectus sit: *ψυχὴ γὰρ ὑπὸ θεοῦ ζήλῳ περιπλασθῆναι, ἔδεν ἀνθρώπῳ εἰσδέχεται δέου, ἀλλὰ τὰ ποικίλα δειμάτα, γόλωτα νομίζει καὶ πάγχιον*: *Animus enim diuino zelo succensus, nullo humano tangitur metu, sed huiusmodi terrores pro ludibrio & joco ducit*. Theodor. lib. 4. c. 16. Hinc magnus ille Basilii, ὁ πρὸς ἐπαμείνης Φωστῆρ, magno supercilio contemnens amplissima promissa, quibus ipsum a veritate divina præfectus abducere conabatur, respondit: *Ejusmodi sermones adolescentibus magis congruere. Hos enim, & quicumque horum similes sint, huiusmodi rebus inhiare solere*. Id. lib. 4. c. 19. III. Quia zelus facit ad cursum persecutionis inhibendum & impediendum. Nam tyranni facilius abstinent a cædibus, & sanguine aliave violentia, videntes, fidelibus Dei servis fortitudinem inesse & constantiam; e contra ferociores redduntur eorum timiditate & ignavia. Prorsus ut in bello evenit, ubi hostis audacior redditur contra fugientes & timidos, quam contra imperterritos & mascule pugnantes. Nimirum verentur persecutores, aggredi sanctos & fortes Dei athletas; *ne forti animo impetum excipientes ac repellentes, exemplum aliis præbeant fortitudinis*: quemadmodum in simili fere casu loquitur Theodoretus de Valente Imp. & Basilio Cæsariensi lib. 4. c. 19.

Ad flagrantem veritatis amorem pertinet etiam, ut ecclesiæ pastores sibi caveant \* a studio novandi dogmata veræ & orthodoxæ ecclesiæ. Idque ob tres præcipue causas. I. Ob dissidium ac rupturam pacis & concordiae in vera ecclesia. Nam facta dogmatis alicujus novatione, ecclesia in tres fere partes seu factiones discinditur. Prima ejus est, qui novam

R

affert

\* Novator sibi debet servare suam scientiam, judicio Constantini M. Imp. augustissimi. Vedel. 267.



affert & spargit sententiam. Hic enim illam, vel quia veram credit, vel quia victoriam alteri non vult concedere, omnibus modis defendit. Hinc fit, ut, quia homines natura sunt novitatis cupidi, sectatores inveniatur plurimos, non explebatur tantum, sed etiam ex doctis. Secunda eorum, qui doctrinae receptae assentiuntur: Neque enim omnes statim novatorem sequuntur. Tertia eorum, qui neutri parti accedunt, existimantes, controversiam illam non adeo magni esse momenti, sed versari tantum circa phrasin, aut vocem, non vero circa rem ipsam. Talem scenam vidit ecclesia, cum Arius dogma novum in eam introduxisset. Sozom. lib. III. c. 13. Positis autem factionibus istis, omnia solent turbari, ita ut non templa solum, sed & fora, aulae, curiae, scholae, vici, compita, porticus, naves, plaustra, domus, tori, palaestrae, tonstrinae, balnea, diversoria, convivium plena sint contentionum: nec viri tantum, sed & foeminae; nec solum docti, sed rudes quoque, bajuli, nautae, fabri, aurigae, corydones professionem theologicam (si DIs placeat) exerceant, deque controversia judicent, eo maiore cum fiducia & animi contentione, quo crassior in iis regnat ignorantia. Nec malum hoc in uno consistit loco, sed ex hoc in istum, ex urbe in urbem, e regione in regionem, e provincia in provinciam, e regno in regnum vagatur, dum vel ipse novator, vel ejus assidue, vel utrique simul errorem disseminant, aut defendere ac vindicare satagunt. II. Ob impedimentum veritatis divinae. Nam per dissidium ecclesiae, e novatione ortum, ludibrio adversariorum exponitur vera religio, & sic illi absterrentur ab amplectenda veritate: ceu prudentissimus observavit Imperator, Constantinus, in epistola ad Chrestum, quae extat apud Eusebium Pamphili lib. 10. c. 5. Immo & sociis religionis ansa praebetur, ut ei repudium mittant, atque abscedant. Quemadmodum, durante Paulini & Meletii dissidio, parum absuit, quin universa



versa ecclesia Antiochenfis Arianam hæresin amplecteretur. Sozom. lib. 6. cap. 21. III. Ob pœnam, quam DEus infligere solet propter novationes. Ideo enim persecutiones immitit, & alias calamitates; fatente ac dolente Eusebio de Martyribus Palæstinæ h. e. in supplemento libri 8. c. 12.

Declinabit autem & devitabit novitatem dogmatum ecclesiæ præpositus, si sibi caverit, ne modum loquendi receptum, quantumvis ille totidem syllabis & apicibus non extet in Scriptura, fastidiat & rejiciat. Nam I. diabolus per eversionem phrasium conatur subvertere rem ipsam, h. e. doctrinam veritatis & salutis. Videns enim, nihil se acturum, si directe & manifeste veritatem oppugnet, sed fore, ut sibi resistent doctores ecclesiæ & populi, eam tenentes ac profitentes, indirecte eam petit, instigando instrumenta sua sive novatores, ut tollant hunc vel illum loquendi modum, aut voculam vel literam aliquam, sub prætextu, nihil inde detrimenti passuram ipsam fidem seu veritatem; cum tamen nimium patiatur detrimentum, & verus sensus ac doctrina corruat. Veteratoria ista usus est arte hostis nequissimus sub Theodosio II. & Valentiniano III. cuj memoriam prodidit Evagr. libr. 1. c. 2. Conatur autem id facere duplici ratione, dum scilicet prætenditur, locutionem vel voculam aliquam contrariari sive veritati doctrinæ, sive paci ecclesiæ. Priore modo lusit per Anastasium, presbyterum Constantinopolitanum, quippe qui primus Mariam negavit Deiparam esse dicendam, eo quod talis locutio impingat in fidem. Hæc enim ejus erant verba in quodam ad populum Christi amantem sermone: Θεοτόκον τὴν Μαρίας καλεῖται μηδεὶς. *Maria γὰρ ἀνθρώπου ὡς τὸ ἀνθρώπου ἢ θεὸν πηγήναι, ἀδύνατον.* *Mariam nemo Deiparam vocet. Nam Maria homo fuit. Fieri autem non potest, ut ex homine nascatur DEus.* Hunc Anastasii errorem Nestorius, utpote episcopus, cum corrigere deberet, defendere studuit, eique robur addidit, ita ut di-

R 2

ceret:



ceret : τὸ βιμήνην διμήνην, ἢ τριμήνην, ἐκ αὐτοῦ θεοῦ ὀνομάσασθαι.  
*Ego illum, qui bimestris aut trimestris factus est, nunquam Deum  
 appella verim.* Socr. lib. 7. c. 32. Evagr. lib. 1. c. 2. Postero-  
 re per Arianos, qui Patres Nicenos, eo quod vocem ὁμο-  
 οῦς, quæ in Scripturis non legatur, doctrinæ fidei inse-  
 ruissent, tempestatis illius, qua ecclesiæ jactabantur, aucto-  
 res esse, vocabulo autem isto eraso omnia pacata fore & tran-  
 quilla, calumniabantur. Theodor. lib. 2. c. 3. Immo unius  
 literulæ vel depravatione vel adjectione ecclesiam ortho-  
 doxam corrumpere laborat, ceu videmus in Eutychianis  
 & Arianis; illos enim instigavit, ut Chalcedonenſibus Pa-  
 tribus Christum ἐκ δύο φύσεων *in duabus naturis* confitenti-  
 bus, eundem ἐκ δύο φύσεων assererent, atque adeo literam κ  
 loco, substituerent: hisce vero inspiravit, ut fidem Nicenam  
 adjectione literæ, adulterarent, & pro se interpretarentur,  
 quasi, ubi legitur ὁμοοῦς, *consubstantialis*, scriptum esset  
 ὁμοιούς, *similis substantiæ*. Vid. de fraudibus hisce Evagr.  
 lib. 2. c. 18. & Sulpic. Sev. lib. 2. an. 357. II. Novatione vo-  
 cis aut locutionis dæmon ecclesiam intendit in partes scin-  
 dere, & divisiones, pugnas, contentiones & abscissiones ex-  
 citare. Uti historia memorat, contigisse illis temporibus,  
 quibus Arianis, Nestorianis, Eutychianis mutationes vocum  
 introducere. III. Per κακιστομίαν facilis in hæresin lapsus est.  
 Sicut expertus est Nestorius. Dum enim vocem θεοτόκον,  
 jam antehac ab ecclesia usurpatam, rejecit, hæresin intro-  
 duxit, qua in Christo DEus ab homine separatur, adeoque  
 unitas personæ θεωσώτης impie læditur ac divellitur. Socr.  
 lib. 7. c. 32. IV. Novator, ubi infausto fidere hæresin e-  
 nixus est, aut alium monstrosum errorem, ecclesiæque pacem  
 violavit, sibi ipse, justo Dei judicio, gravem sæpe calamita-  
 tem attrahit. Ut vel solus Nestorius miserabili suo exemplo  
 docere potest: quid enim aliud lucratus est suo circa vocem  
 θεοτόκον novandi studio, quam jacturam gratiæ Imp. Theo-  
 dosii



dosii II., sedis episcopalis, ecclesiasticæ communionis, exilium tristissimum, & miseram in exilio mortem? Evagr. libr. 1. c. 7. Hinc recte ac sapienter, sub finem Edicti de fide ad omnes ubique christianos, vetuit Imp. Justinus II. ne quis deinceps circa syllabas rixaretur; addita hac ratione: Ὅτι πρὸς μίαν καὶ τὴν ὁρθὴν πίστιν τε καὶ ἔννοιαν αἱ συλλαβαὶ φέρουσι, si-  
*quidem syllabæ ad unam eandemque fidem & intelligentiam perducunt.* Evagr. lib. 5. c. 4. Atque ad eundem scopum collimant alii christiana fide juxta & prudentia conspicui magistratus, qui post sacram Scripturam certos libros, normales seu symbolicos dictos, pastoribus ecclesiæ suæ commendant, eosque juxta illam normam docere, & ab inusitatis locutionibus sibi cavere jubent. Jo. Bened. Carpzov. Isag. in Libb. Symb. Eccl. Luth. p. 3. & seqq.

Altera veri zeli pars est (uti diximus supra,) vitæ morumque tam interna, quam externa sanctitas, quæ itidem maxime necessaria est iis, qui in ecclesia docent. Nam non satis est, veritatem divinam accurate proponere, & contra adversarios acute disputare, nisi exemplo vitæ aliis præeas, & (ut Christus loquitur Matth. V, 16.) *lux tua splendeat coram hominibus, ut videant bona opera tua.* Hinc enim insignes fructus redeunt ad ecclesiam pariter, ac ipsos doctores.

Ad ecclesiam: Nam vitæ sanctitas I. confirmat veritatem doctrinæ, eique fidem facit; sicut e contrario improbitas doctrinam suspectam reddit, atque animos hominum abalienat, sive, ut gravissimis Sozomeni verbis dicam, quæ extant lib. 8. c. 2. λόγῳ ὑπὸ τῶν ἔργων κοσμήμενῳ, πί-  
*σεως ἄξιῳ εἰκίται· φαίνεται· ἄνευ δὲ τούτων, εἰρωνα καὶ τῶν ἰδίων λόγων κατήγορον ὑποφάνιστον λέγοντες, καὶ ἀσφαλὲς διδάσκον.* Oratio, quæ operibus exornatur, merito fide digna videtur. Si vero operibus destituta sit, oratorem impostorem esse arguit, ac suorum ipsius dictorum reprehensorem, tametsi is in docendo magnæ sit

R 3

dili-



*diligentiæ.* Hinc est, quod populus Ægyptiacus, relictis Arianis, monachorum Trinitatem profitentium sententiam secutus est, eorumque testimonia vera esse judicavit; nam ἀρετὴν ἥσκειν *virtutem colebant*, populus vero haud stulte credebat, παρ' ἐκείνοις εἶναι τὴν ἀλήθειαν, οἱ τοῖς ἔργοις τὴν ἀρετὴν ἐπεδείκνυντο, *penes illos veritatem esse, qui virtutem factis ipsis profiterentur.* Sozom. libr. 4. c. 10. & lib. 6. c. 20. II. Auditores reddit pastoris sui æmulos: quemadmodum Sozomenus narrat de Joanne Chrysostomo, quod, cum vitam ageret plane divinam, ad æmulationem virtutis suæ auditorum animos excitaverit. libr. 8. c. 2. III. Plurimum confert ad conversionem hæreticorum & errantium; ceu suo exemplo, Constantinopoli cum doceret, probavit Gregorius Nazianzenus: Etenim *ibi brevi tempore tantum ad emendandum populum vetustis hæreticorum infectum venenis profecit, ut tunc primum Christiani sibi fieri viderentur, & novellam lucem veritatis aspicere, cum religionis doctor multa quidem verbis, plura tamen doceret exemplis: nec viderent ab eo discipulis aliquid imperari, quod non prius ipse fecisset.* Ruffin. l. 2. Hist. Eccl. c. 9. IV. Impetrat pacem & tranquillitatem a Domino; uti evenit olim ante Diocletiani imperium, cum pastores populique probitati, ac imprimis concordiae litarent, recensente Eusebio lib. 8. c. 1.

Ad ipsos vero doctores: dum ii, qui vitæ sanctitate coruscant, I. hostibus veritatis æmulisque ansam calumnian-di eripiunt, & ora obturant. Ita, quamvis invidiæ stimulis apud Alexandrum, cui episcopatus ecclesiæ Alexandrinæ commissus erat, incitaretur Arius presbyter, tamen, τὴν μὲν ἀξίεπαυον τῶ ἀνδρὸς πολιτείαν θεώμενοι, συνοφαισίας ὑφαίνεν ὅσα ἠδύνατο, i. e. *cum vitam ejus & conversationem omni laude dignam videret, calumnias adversus eum contexere nullas poterat.* Theodor. lib. 1. c. 2. II. Dum persecutores commovent, ne sibi damnum inferant, sed potius parcant, & tran-



tranquillitatem indulgeant. Prout quidem legimus de Valente Imp. quod eos, qui cum Arianis communicare nolebant, ecclesiis ejecerit, pecuniis mulctarit, verberibus exceperit, tormentis excruciaverit, variaque affecerit morte, sed Antiochiam delatus, Paulino episcopo, τὸν βίον ἀνδεύεις, *ejus sanctimoniam vitæ reveritus*, pepercerit. Sozom. lib. 6. c. 7. Inde jam a contrario licet argumentari, quantum ille noceat & ecclesiæ, & sibi, qui cum vera doctrina non conjungit vitæ sanctimoniam. Hoc etiam e dictis sequitur, eos, qui ad sacrum officium adspirant, in tempore anniti debere, ut optimas probitatis & sanctitatis merces sibi comparent, quo exemplo esse possint gregi, & sacerdotali honore digne frui. Immo magis juvabit in sanctitate, quam in eruditione proficere, cum hæc sine illa frustra quærat. Vide Speneri Pia Desideria p. 125. & seqq.

Egimus hætenus de illa prudentiæ ecclesiasticæ parte, quæ erga Deum se exerit. Reliquum est ergo, ut nunc dicamus de ea, quæ circa homines versatur. Quorum alii cum sint in ecclesia, iique vel docendi, vel regendi; alii foris seu extra ecclesiam, iique vel hæretici vel infideles: cumque in congressibus & colloquiis tam hi, quam illi interdum sese offerant, dispiciendum erit, quomodo prudens ecclesiæ doctor ubique, & erga omnes, se exhibeat.

Docendi autem sunt fideles potissimum in concionibus. Quod ut dextre & prudenter faciat orator ecclesiasticus, præcepta quædam partim ad res proponendas, partim ad proponendi modum pertinentia, ante oculos habet. Enim vero, quod ad res ipsas attinet, id agit, ut fideliter doceat, nec quicquam eorum omittat, quæ aliis prodesse possunt, nil reticeat aut mutilet, nil de suo adjiciat: quicquid autem ad lites potius excitandas, quam ad fidem, pietatemque hominibus ingenerandam spectat, id maximopere vitet; secutus exemplum apostoli Pauli, qui itidem *nil subterfugit eorum, quæ*  
*condu-*



*conducerent, quo minus annuntiaret Ephesiis, Act. 20, 27. Atque huc etiam pertinent, quæ scripsit 1. ad Cor. 4, 2. ubi se aliosque sui similes vocat dispensatores mysteriorum Dei, addens illud, requiri in oeconomis, ut fideles reperiantur. Fidelitas autem id imprimis postulat, ne quid rerum necessariarum ulla de causa suffureris, aut metu aliquo, vel impatentia, ab officio te avocari patiaris. Deinde diligenter expendit, quid cuique tempori, personæ, & loco maxime conveniat, & non semper ea, quæ per se maxime sunt necessaria aut præclara, proponit, sed interdum ea potius, quæ personis magis sunt necessaria aut temporibus magis conveniunt. Ut fecit Chrysostomus, teste Erasmo in ejus vita, quæ etiam extat in volumine Epistolarum, p. 1142. Itaque si observet, certum esse aliquod doctrinæ caput, in quo minus sint instructi auditores, illud potissimum inculcat: Sique videat, errorem in ecclesia gliscere, aut metuendum esse, ne eo inficiatur ecclesia, ei mature occurrit, & animos adversus eum præmunire, aut ab eo liberat, qui jam fuere seducti, præsertim si sit valde noxius. Sæpius tamen ac diligentius ea inculcat, quæ ad mores pertinent, quam quæ ad cognitionem; quia hæc, præsertim quatenus necesse est, facilius capiuntur, illa difficilius fiunt, & plus in actione situm est, quam in cognitione: immo in actione per se omnia, in cognitione eatenus, quatenus ad actionem est necessaria. Itaque etiam si nonnunquam mysterium aliquod religionis christianæ explicandum sumat, tamen crebras miscet admonitiones, & ita res tractat, ut non tantum mens auditoris formetur, verum etiam affectus cieatur. Præterea sæpius explicat veritatem, quam ut refutet errores, & adversus alios disputet, præsertim si ecclesiæ ab adversariis non immineat periculum, & nulli vel pauci inter auditores sint docti, quibus de contraria sententia aliquid constet: quoniam ad cathedram academicam potius, quam ad suggestum ecclesiasticum*



sticum pertinet quæstionum polemicarum tractatio, juxta Lutheri dictum: *In scholis de absentibus, in templis de presentibus agendum.* Quod si vero ad confutandos errores accedit, non promiscue omnes aggreditur, nec obsoletos & dudum orco sepultos, ne Camerinam videatur movere; sed recentiores, eosque potissimum, qui cœtum, cui præest, inficere vel seducere possint, vel jam corripuerunt. Nec omnia, sed palmaria tantum argumenta adversariorum proponit, & bona quidem fide, prout in scriptis eorum extant, propositaque ex præsentē textu, locisque parallelis, sine sophistica ostentatione subtilitatis, & sine excandescētia, graviter tamen, solide, & breviter convellit, ut veritatis amor, non cavillandi studium, in refutatione appareat. Probe etiam discrimen facit inter dogmata erronea, & ecclesias, in quibus ea proponuntur, ita ut illa quidem condemnet, non vero protinus has ipsas, cum sæpe aures auditorum puriores sint labiis docentium: nec non inter errores graviores, qui fidei fundamentum evertunt, & leviores, qui non tangunt ipsam fidei basin, sed vel incommodam locutionem respiciunt, vel minus probam textus alicujus biblici difficilioris interpretationem, aut quæstiones, ut vocant, adnatas; inter graviorum errorum initium, & progressum; inter seductores & seductos; inter adversarios contumaces, & dociles; inter eos, qui ex obstinatione, & alios, qui ex infirmitate, ignorantia, aut mentis imbecillitate errant; denique inter ecclesiam liberam, quæ sub pio & orthodoxo magistratu floret, & pressam, seu sub magistratu heterodoxo gementem atque afflictam. Enimvero, exemplo Christi, Apostolorum, & primitivæ ecclesiæ, acrius invehitur in illos, quam in hosce; in progressu errorum graviorum, quam in initio; & liberiore elencho utitur in libera, quam in pressa ecclesia, ne scilicet (ut loquitur Gerh. comm. in 1. Petr. c. 3. p. 419.) *zelo intempestivo, & cum primis acerbiorē falsi alicu-*

S

jus



*jus dogmatis rejectione atq; damnatione, apud adversarios celestis veritatis, ecclesie plus detrimenti afferat, quam salutem piorum promoveat.* Nec facile collegam aliquem refutat, nisi forte metus sit seductionis. Supra omnia autem cavet sedulo, ne quem ex solo auditu seu relatione aliorum, & ante, quam ipse dissentientis scriptum accurate legerit, castiget, atque rejiciat. Qua in realiquando peccatum est ab episcopo Salaminio, ceu memorat Sozom. lib. 8. c. 15. Habet quoque rationem captus & ingenii auditorum: sciens, alios lacte esse enutriendos, tanquam infantes in Christo Jesu, atque in religione christiana adhuc pueros: aliis solidiorem cibum esse præbendum, utpote jam adultis, & in doctrina Christi provectioribus. 1. ad Cor. 3, 1. 2. ad Hebr. 5, 12. 13. 14. Nimirum prima doctrinæ Christi elementa, quæ etiam a rudibus facile capi possunt, proponit iis, qui vel per ingenium, vel per temporis, quod in ecclesia consumserunt, brevitatem, vel per ætatem nondum sunt rerum difficiliorum capaces; abstrusiora vero mysteria iis, qui ingenio plus valent, atque in doctrina Christi jam sunt exercitiores. Itaque ab imperfectioribus ad perfectiora, a primis rudimentis ad solidiorem & exquisitiorem doctrinam paulatim ducit auditores, atque adeo ita docet, ut jure dicatur *εὐθετομεῖν τὸν λόγον τῆς ἀληθείας, recte secare sermonem veritatis.* 2. ad Tim. 2, 15.

In modo proponendi duo potissimum sunt consideranda, Verba & Actio: quo etiam Affectus pertinet, qui orationem (ut ita loquar) animat. Jam in hisce etiam considerate mihi prudentiam doctoris ecclesiastici. Etenim verbis utitur planis ac perspicuis, & ad captum auditoris accommodatis: omnem autem affectationem, & immoderatum ac nimis exquisitum verborum ornatum cane pejus & angue fugit; non quod incultam admet orationem, & barbariem quandam ac sermonis ruditatem depereat, sed quod memi-



meminerit, dandam sibi esse operam, ut omnia nativa esse videantur, & veluti sub manu nata, non vero longe ante conquisita, aut nimis picturata. Itaque figuras etiam varias adhibet, quemadmodum in scriptis Apostolorum & celeberrimorum ecclesiæ Patrum videmus, sed quæ a communi ratione nil, aut parum admodum discedant, quasque fervor spiritus potius suggerat, quam rhetorum præcepta. Fugit etiam redundantiam, & effusam verborum copiam, ne multitudine ista res obscuratur, & animus auditoris obruatur; idque imprimis tum, ubi rei alicujus natura explicatur, aut sententia aliqua proponitur, aut rationes & argumenta exponuntur. Interdum tamen amplificationes & illustrationes varias affert, pro ratione necessitatis, quam ex difficultate rei & captu auditorum ipse pro sua prudentia æstimat. Ubi exhortandi sunt aut corrigendi auditores, paulo plus licentiæ sibi sumit, ob motum animi, qui in exhortationibus aut reprehensionibus concipi solet a dicente, & imprimi debet animo auditoris: impetus enim ille & fervor orationi flumen quoddam suppeditat, sed rerum ponderibus plenum, & bona mente agitatum.

Ad dicendum cum singulari religione ac reverentia summi Numinis accedit, profanas omnes curas ex animo pellit, non suam quærit gloriam, non affectibus indulget; sed divinam gloriam, & eorum, ad quos sermonem habet, suamque ipsius salutem unice quærit, cogitans, se non profanum aliquod negotium tractare, nec in theatrum prodiiſſe ad auditores oblectandos, & tempus fallendum, aut in palæstram ad feriendum adversarium, a quo læsus fuerat, aut ne læsus quidem; sed Dei se negotium coram ecclesiâ, in Dei & sanctorum angelorum conspectu agere, eoque solícite cavet, ne forte alicubi impingat, & aliquid minus caute proloquatur. *Si quis enim loquitur*, h. e. ecclesiâ docet, aut verbum Dei prædicat, loquatur *ut sermones Dei*. 1. Petr. 4, 11.



Quod divus Hieronymus intelligens, veredixit in comment. ad Gal. I, II. Tom. IX. p. 162. edit. Erasmi. *Grande periculum est in ecclesia loqui, ne forte interpretatione per-versa, de evangelio Christi fiat evangelium hominis, aut, quod peius est, diaboli.* Atque hanc ob causam conscripsit ediditque aureum libellum de formulis caute loquendi (quem studiosi theologiæ omnino sibi commendatum habeant) *vir omni memoria dignissimus*, Urbanus Regius, sicut ipse narrat in præfatione illius hisce verbis: *Quare ut juniores & nondum satis exercitati tyrones theologiæ, omnia in docendo scandala evitare facilius queant, conscripsi vobis brevem quandam rationem caute loquendi de præcipuis christianæ doctrinæ articulis, quam & ego inter concionandum observo, qui jam tot annos in plerisque Germaniæ locis non sine acerbo animi dolore vidi, quam graviter offensa sit christianorum simplicitas indisposito illo, insulso, & imprudenti dicendi genere, cum nec, quid dicant, satis animadvertant scioli quidam, improvidi, sola eruditionis opinione inflati.*

Sed ad prudentem doctorem nostrum revertamur. Cum duæ sint doctrinæ christianæ partes, quarum altera res credendas, altera faciendas tradit (quanquam illæ ad has in theologia, quæ non speculativa, sed practica scientia est, referuntur) in prioribus proponendis ita se gegerit, ut appareat, ipsum penitus de iis esse certum ac persuasum, præferim si res sit ad salutem necessaria, aut alioquin ex sacris paginis liquido pateat. Quare ita rem narrat, ut videatur non audita, sed visa referre. In posterioribus vero proponendis utitur fervore, nato ex desiderio & amore earum rerum, quas aliis commendat, aut odio illarum, a quibus auditores absterret. Novit enim, suarum esse partium, ut eum motum, quem auditoris animo vult imprimere, ipse sentiat prius, atque in se, tanquam in speculo, exhibeat. Quo nomine iterum Erasmo laudatur Chrysostomus, in  
 ipsius



ipſius vita p. 1145. Epp. Neque vero iſtos animi motus hiſtrionice fingit, aut externiſ tantum geſtibus exprimit, ac ſi in comoedia res ageretur; ſed in animo ſuo jam ante reſidentes, partim precibus ac votis orationi præmiſſis, partim ipſa dictione & orationis impetu concitat, & concitatos, quaſi ſub conſpectum auditorum, producit. Atque hinc etiam patere poteſt, qui geſtus, quæ actio ſit oratoris ſacri & prudentis, ea nempe, quæ motum animi ſequatur, adeoque nativa ſit, & cum verbis dicentis ubique mirum in modum conſentiat; ita ut auditor in geſtu ipſo aut vultu dicentis, ac vocis ſono, id ſibi videre videatur, quod in verbis audit. Servat ergo prudentiæ amans doctor inter dicendum gravitatem in vultu, ac toto corporis geſtu, qui virilis eſt, actalis, qualem homo maxime ſeria cogitans & dicens exhibere ſolet. Quare quicquid levitatem quandam redollet, quicquid molle & effœminatum eſt, quicquid ludicrum, aut ridiculum, id quam longiſſime a ſe arcet. Vitat tamen etiam ſupercilium, & ſuperbiæ, vel audaciæ, aut imprudentiæ ſpeciem, memor, decere gravitatem, ſed modèſtia temperatam. Sunt & multa alia præcepta, quæ prudens concionator diligentiſſime obſervat, nos vero, ne præſens diſſertatio in librum abeat, commemorare nolumus. Noſſe interim ea qui cupit, (cupere autem debent omnes miniſteri candidati) adeat eos, aut unum atque alterum eorum, qui de officio eccleſiaſtico, vel de ratione concionandi ſcripſere, quales ſunt, inter Noſtrates, viri laude noſtra majores, Lutherus, Philippus Melanchthon, Luc. Oſiander, Æg. Hunnius, Frid. Balduinus, Sleupnerus, Rebhan, Hier. Weller, Hülſemannus, Chriſtianus Chemnitius, Carpzovius, Eckhardus, Joh. Olearius, Joh. Henr. Urſinus, Groſſius, Gœbelius, Quenſtedius, Zeidlerus, Bajerus. Quibus addi poſſunt Joh. Gerhardus in Meth. ſtud. theol. p. 200. & ſeqq. & Theoph. Spizelius, in Inſel. Literato, p. 1108. &

S 3

ſeqq.



seqq. Uttaceam Pontificios, Erasmus, Ludovicum Granatensem, Didacum Stellam, Jacob. Peresium, Augustinum Valerium, Carolum Regium, Caussinum; & Reformatos, Sohnium, Zachar. Ursinum, Amandum Polanum, Alstedium, Bartholom. Keckermannum, Wilh. Zepperum.

Nec minor in ecclesiæ regimine prudentia est adhibenda, quoniam major competit libertas ecclesiæ, quam aliis societatibus, e.g. herili, paternæ, civili, ubi cogi homines & adigi vi ad officium possunt. Nam ecclesiæ antistites non potestatem & imperium in eos habent, quibus præsumunt, ut pater in filios, herus in servos, magistratus in subditos; sed auctoritatem tantum. Joh. Gerh. L. de Ministr. eccl. §. 196. Joh. Frid. Böckelm. axiom. 9. disp. inaug. de Diversis juris themat. p. 14. Itaque prudens ecclesiæ antistes ante omnia cavet, ne imperium sibi arroget aut dominium in ecclesiam, sciens, fideles esse peculium Domini, non vero res ipsorum seniorum proprias, seu mancipia quædam; atque hoc sensu prohibuisse S. Petrum 1. ep. 5, 3. *ne presbyteri dominantur clericis*, h. e. ecclesiis, quæ sunt instar hæreditatis Dei ac Christi. Vid. Estius in h. l. Quare non audet pro arbitrio suo quidvis imperare ecclesiæ, aut aliquibus, qui sunt in ecclesia, ne conscientia illorum jugum imponat, a Deo non impositum. Neque etiam imperiose cum iis agit, quibus præest, & nimis rigide ac duriter eos tractat, eosque pro lubitu objurgare, aut etiam ipsis convicium dicere audet. Balduin. in Institut. ministr. verbi pag. 266. Quensted. in Eth. pastor. pag. 338. Quin nec aliorum admonitiones fastidit ipse ac repudiat, sed potius lubens audit, ac fert patienter, recolens, & se esse hominem, nihilque a se humani alienum esse. Balduin. l. c. p. 67. Deinde non eo animo sacrum munus suscipit atque administrat, ut lucrum aut quæstum inde faciat (quod rursus prohibet Petrus 1. ep. 5, 3.) sed ut salutem eorum, quibus præest, gloriamque divinam promoveat: Qui enim putant, *pietatem* seu



seu religionem, ejusque negotium, esse quæstum h. e. rationem faciendi quæstum, imprudentissimi sunt mortalium, & *incidunt in tentationem & laqueum, & cupiditates multas amentes & damnosas, quæ demergunt in exitium & perniciem*, ceu loquitur apostolus Paulus 1. ad Tim. 6, 5. 9. subjungens denique gravissimam hanc adhortationem: *Tu vero, o homo Dei, (ecclesiæ minister) fuge ista*. Quenst. l. c. pag. 229. Præterea exemplo suo ad omne pietatis genus aliis præluceat, *& per omnia se ipsum præbet typum seu exemplar bonorum operum*, uti Cretensium episcopo, Tito præcipit divus Paulus in ep. c. 2, 7. Cæterum curat, ut doctrinæ omnes, quæ in ecclesia proponuntur, pertineant ad ædificationem illam, quæ est in fide, faciantq; ad imprimendam hominibus charitatem ex puro corde & conscientia bona, & fide non simulata: utque doctrinæ ab his diversæ, sive fabulæ inutiles, sive sententiæ perniciosæ, omittantur: item quæstiones inutiles, ἀλογισμαχίαι, ex quibus contentiones oriri solent: hæreses imprimis ut extirpentur, aut, si quæ oriantur de novo, in ipsa, quod ajunt, herba supprimantur; hæretici vero homines, post unam atque alteram admonitionem, vitentur. Joh. Gerh. L. de Min. eccl. §. 372.

Et ut mores fidelium, doctrinæ ipsis propositæ sint conformes, non modo in genere omnes adhortatur, sed pro re nata certum etiam hominum genus, vel in specie singulos. Nimirum si videt, esse aliquos in officio faciendo segniores, aut adhuc infirmos, vel etiam esse quippiam magis arduum his vel illis suscipiendum, a quo facile possent absterreri, tunc imprimis eos excitat atque instigat; immo & sponte currentibus calcaria addit. In ipsa autem adhortatione decentem præ se fert gravitatem, ita ut ex verborum & vultus gravitate appareat, ipsum rem seriam tractare, adeoque admonitionem minime contemnendam esse, ceu procul dubio fecit Titus, ita informatus a Paulo in ep. ad ipsum c. 2, 15. Orationem



onem & suæ, & illius, cum quo agit, personæ accommodat, ita ut cum senioribus, si ipse sit junior, agat, tanquam cum patribus, cum junioribus, tanquam cum fratribus; si vero senior, cum senioribus, tanquam frater, cum junioribus, tanquam pater: eodemque modo reliquas personarum condiciones, quarum est habenda ratio, observat, ut singulis convenientem exhibeat honorem.

Eos, qui se bene gesserunt, ad similia, aut etiam majora ac præclariora facta hortatur, & laudat, sed moderate; sicuti facit Chryl. T. I. Opp. p. 94. edit. Erasmi. Imò plane non laudat, si videat, eos non tantum immoderatis, sed etiam quibusvis laudibus intumescere, & cum se sat bonos sibi esse persuadeant, ad altiorem pietatis gradum non contendere: vel laudes miscet cum adhortationibus, monetque ad altiora adhuc esse contendendum, & pristina facta, quantumvis præclara & eximia, nil prodesse, nisi cætera quoque illis respondeant. Quo pacto videmus agere Apostolum cum Thessalonicensibus, quos non uno loco vehementer laudat, 1. ad Theff. 1, 6. c. 2, 13. 19. & 4, 10. Quod si autem vel rumor, vel indicium sit, esse aliquos, qui facienda non fecerint, statim discernit inter rem apertam, ac dubiam. Si dubia sit, inquisitionem facit, & cognitionem ac iudicium quoddam instituit, in quo vel testibus, vel aliis argumentis vincatur, qui peccasse arguitur, si rem ipse diffiteatur. Neque vero facilis credit, aut suspicionem ex levi rumore, vel unius hominis testimonio, de viro, qui credebatur pius, in animo suo patitur enasci, atque ita se gerit, ut calumniatores sentiant, ipsum non facile dictis suis præbere aures ac fidem; quin etiam eos, qui aliquid deferunt, amice monet, ne vel ipsi quidquam adversus innocentem confingant, vel aliis quippiam mali asserentibus temere fidem adhibeant. Carpz. l. c. 441. 435. Christian. Chemnit. in Brevi instruct. fut. min. eccl. p. 322. Ad iudicium ipsum aut cognitionem causæ cum perventum fuerit, in eo habendo  
ac



ac ferenda sententia triplicem imprimis vitat scopulum, quem Paulus Timotheo diligenter vitandum esse monstrat, 1. ep. 5, 21, 22. nempe 1. præjudicium. 2. favorem alterius partis, seu προσωποληψίαν, 3. temeritatem, seu celeritatem in judicando.

Quod si vero res sit aperta & in confesso, aut per legitimum judicium veritas rei deprehensa, restat censura & castigatio ecclesiastica: quæ vel verbis peragitur, ac dicitur *reprehensio*, item *objurgatio*; vel factis, & dicitur *excommunicatio*. Arguit ergo prudens episcopus, & peccatorum convincit, severiusque reprehendit eos, qui vel peccata sua convicti agnoscere nolunt, eaque defendunt, aut valde extenuant, vel alioqui contumacius se gerunt, atque ab iis desistere recusant. Nam qui ea statim agnoscunt, se ipsi accusant ac damnant, culpam deprecantur, aliisque modis dolorem suum testantur, in eos, ne crudelis videatur, minime verbis sævit; nisi forte delictum nimis sit grave & severa animadversione dignum. Ubi tamen semper videt, ne ad desperationem deducat, qui deliquerunt, sed consolatione eos ut erigat, & objurgationem charitate & bonitate temperet, juxta Apostoli monitum 2. ad Cor. 2, 6. & seqq. Atque hac in re diligenter discernit ingenia hominum, sicut medicus naturas ægrotorum, perpendens, alios, qui generosioris sunt animi, mollius tractari velle, facillique regi fræno; alios vero, qui animo sunt magis servili, calcaribus indigere, & non nisi asperitate quadam reprehensionis & severitate ad officium adigi. Interim severitatem hanc, ut diximus, charitate ac bonitate temperat, eique semper etiam doctrinam admiscet, ita ut non tantum fervore utatur in reprehensione & objurgatione, sed rationes etiam, præsertim ubi ullo res id postulat modo, dictorum suorum afferat, & jure a se reprehendi ostendat, quod reprehendit.

T

dit.



dir. Sicut iterum præcipere videtur Apostolus 2. ad Tim. 4, 2. Videatur & Paulus Voët. in Jurispr. S. p. 323. 337.

Atque alios privatim, alios coram pluribus, alios coram tota ecclesia arguit & reprehendit. Privatim eos, quorum peccata adhuc sunt occulta, aut sine dedecore ac infamia, vel alio aliquo periculo, ad plures deferri vix possent, aut qui semel tantum, vel saltem non admodum sæpe peccasse deprehensi sunt, aut adhuc sunt infirmiores. Coram pluribus eos, quorum delictum pluribus innotuit, quique sæpius moniti privatim, perrexerunt tamen in peccando, aut priatim jam moniti delictum agnoscere & resipiscere noluerunt, denique qui auctoritate plurium forte magis moverentur, quam sermonibus unius. Coram universa ecclesia eos, quorum delicta in omnium notitiam venerunt, quive a paucioribus moniti ad frugem redire noluerunt. Quenst. l. c. pag. 430. Opus nov. cas. consc. p. 137. Nam gradus reprehensionis observare vult, sicut Christus docet faciendum tum, cum frater a fratre læsus est (ut habetur Matth. 18. Confer. Balduin. l. c. p. 170. & Voët. l. c. p. 322.) & consulere partim iis, qui deliquerunt, partim aliis, iis cumprimis, qui sunt in ecclesia, ac per eos gloriæ divinæ: illis quidem, ut sanentur, his vero, ne peccantium exemplo corrumpantur, & ut scandala e christiano tollantur cœtu, nomenque Domini, ac Dei sermo ne blasphemetur. Ubi tamen charitatem inter & prudentiam quasi medius sedens antistes, earumque consilia petens, diligente trutina pensitat, utrum alieno pudori consulendum magis sit, an vero aliæ ædificationi. Cæterum, antequam hi gradus adhibeantur, neminem delinquentium pro concione nominatim perstringit, aut ita depiagit, ut quivis eum possit noscere, cum, qui ita tanguntur, exasperari soleant. Balduin. l. c. p. 171. Neque etiam eorum, quos taxat, gestus & vocem repræsentat, ne ex schola mimorum prodiisse videatur. Carpz. Jurispr.



Jur. confist. p. 833. Quenst. l. c. 462. 470. Abstinet porro a carpendis sive vicinis sive exteris Principibus, & probrosis eorum appellationibus, injuriasque ab ipsis factas, Magistratibus aliis, atque imprimis Deo, vindicandas relinquit. Sui vero Magistratus injustitiam publicam, aliave ejus vitia notoria, si \* publice taxat, (neque enim Magnatum axillis pulvinos supponere, iisque in peccatis adblandiri decet) modeste id facit, & sine clamoribus tribunitiis, ne subditi ad seditionem excitentur, & reverentiæ atque obsequio debito quid decedat, sciens, pios ac prudentes ministros debere esse præcones conversionis, non tubas seditionis. Dannh. in Theol. confc. Tom. I. p. 1130. Raupp. in Bibl. portat. pract. p. 837. Carpz. l. c. p. 82. Voët. l. c. p. 321. 337.

Ad excommunicationem, etiam minorem, quæ est suspensio peccantium a confessione & S. Cæna, non temere, nec propria auctoritate descendit, sed Senatus ecclesiastici, aut certe antistitis vel superintendentis sui consensum implorat, atque expectat. Chemn. l. c. p. 322. Multo minus autem quavis de causa profilit ad arripiendum & vibrandum fulmen majoris excommunicationis, quæ est exclusio a confortio & commercio fidelium, sciens, eam, ut summum & maxime formidabile ecclesiæ judicium, ita non facile, nec sine Consistorii vel Magistratus civilis, jure episcopali gaudentis, consensu, suscipiendam esse. J. Gerh. L. de Ministr. eccles. §. 194. Cæterum ad omnia hæc reprehensionis officia, patientia tanquam lorica se munit, ut morositates auditorum, qui ab ipso taxantur, quin & hominum malorum & contantumacium odia, convicia, calumnias, aliaque injuriarum genera ferre possit; ad exemplum Athanasii, Basilii magni, Ambrosii, Jo. Chrysostomi, Hieronymi, & Augustini, de quibus vid. Spizel. in Vet. Acad. J. Christi: cum

T 2

fieri

\* Privatim potius hoc vult fieri J. Frid. Böckelm. in disp. Inaug. p. 19.



fieri aliter non possit, quin eorum offensionem incurrat, & crabrones (quod ajunt) irriter, quorum quis vitia, tanquam ulcera, tangit, & excindere laborat. Quod reliquas regiminis ecclesiastici partes spectat, in eam curam incumbit, ut omnia in ecclesia fiant decore & secundum ordinem, utque confusio, quam DEus odit, evitetur. 1. ad Cor. 14, ult. Ubique etiam ea agit, quæ apud ecclesiam, cujus ipse est minister, consueta & recepta sunt, nec nova introducere conatur, etsi utiliora videantur, memor illius, quod scribit S. Augustinus in ep. 118. ad Januarium: *Ipsa mutatio consuetudinis, etiam quæ adjuvat utilitate, novitate perturbat. Quapropter quæ utilis non est, perturbatione infructuosa, & consequenter noxia est. c. 5.* Et rursus: *Totum hoc genus rerum liberis habet observationes, nec disciplina ulla est in his melior gravi prudentique christiano, quam ut eo modo agat, quo agere viderit ecclesiam, ad quamcunque sorte devenerit. c. 2.* In precibus pro ecclesia fundendis diligenter considerat, quare vel universæ ecclesiæ, vel certis ejus membris sit opus, eaque perspecta ita concipit preces, (si quidem potestatem eas concipiendi habet) ut imprimis id a Deo flagitetur, quo vel universi, vel singuli, tantopere indigent. Denique ingruente persecutione, & proposito vitæ periculo, non nisi circumspice vel fugit, vel subsistit. Subsistit, si videat, absentia sua periclitaturam salutem vel totius ecclesiæ, vel aliquorum ejus membrorum. Voët. p. 314. Fugit autem, si id metuendum non sit, & ii, qui ecclesiæ imminet, pastoris vitæ infidentur, vel nullo, vel exiguo saltem in præsens auditorum periculo; animumque suum non tantum spe erigit, fore, ut aliquando ad ecclesiam redeat, aut alius aliquando in suum substituatur locum, aut ipse alibi divinæ gloriæ plus prodesse queat, exemplo Athanasii, Petri, Pauli, immo ipsius Christi, qui itidem fuga sibi ecclesiæque consuluerunt. J. Gerb. L. de Min. eccl. §. 291. Quenst. l. c. p. 716.

Atque



Atque hæ sunt artes ( ut ad mentem loquar Gregorii pape, qui part. 1. Curæ pastoral. c. 1. ait : *Arse est artium, regimen animarum* ) prudentis pastoris seu episcopi in regendis aliis. Quarum præludium quasi est bona domus privatæ gubernatio : Cum enim longe difficilius sit, ecclesiam, quam domum regere, ut propterea Paulus dicat : *Si quis propriæ domui præesse nescit, quomodo ecclesiam curabit ?* 1. ad Tim. 3, 5. ideo ante omnia operam dat, ne quid sinistri in regimine committat domestico. Itaq; & uxorem (quam prudente consilio e corona orthodoxarum & castarum, sive virginum, sive matronarum, sibi deligit. Vedel. pag. 102. & seqq. Raupp. l.c. p. 860.) mansuetudine regit, ejusque mores ita moderatur, ne cuiquam sint offendiculo; & liberos recte educat, eorumque delictis eo vel providentius obstat, vel severiorem medicinam adhibet, quo majore cum scandalo sunt conjuncta; & totam familiam ita gubernat, ne servis, aut ancillis, aut aliis, qui pars familiæ sunt, nimiam det licentiam, sed ut omnes ad veram pietatem morumque honestatem sese adplicant, atque adeo ut domus sua, in quam omnium civium oculi intenti sunt, & ex qua quilibet, quæ ex usu suo esse possint, petere se posse arbitratur, sit (quod Cicero in lib. 1. de Orat. de domo Jurisconsulti dixit) *totius oraculum civitatis*. Balduin. l.c. p. 286.

Continere nos non possumus, quin specialiora ministri ecclesiastici munia evolvamus, &, quomodo in iis prudentiam, tanquam ducem, sequatur, ostendamus. Nimirum quod *baptismum* attinet, infidelium infantes, qui adhuc sunt in potestate parentum, propriis suis gaudentium legibus, moribus, institutis, sacris, non rapit ad lavacrum regenerationis, nec ullum baptizat infantem, nisi perfecte natum, & ex utero in dias has luminis auras editum. Et circa foetus monstrosos cavet, ne quid monstri committat. Enimvero ut religioni sibi ducit, baptizare partum, qui



fit monstrum proprie sic dictum, in quo vel nulla, vel tantum, quoad inferiorem corporis partem, exterior species & forma hominis appareat; ita illum, in quo est aliqua membri cuiusdam deformitas, qua tamen schema hominis non plane obliteratur, ad sacrum fontem admittere non dubitat. Cæterum a baptismo excludit amentes, & furiosos, invitos, dormientes, & liberos hæreticorum (qui in baptismi essentialibus errant, aut palam profitentur, operam se duros, ut illa sua progenies in hæresi, cui addicti sunt, educetur) nisi forte extremus detur necessitatis casus & periculum vitæ certissimum, quippe quo omne subsequaturæ perversionis discrimen tollitur; minime vero excludit infantes quatuor, quinque, aut sex mensium, per abortum in lucem protrusos, vel infantes apostatarum, in parochia, cui præest, adhuc dum habitantium; neque etiam liberos excommunicatorum, & exposititios, sive addita sit schedula, attestans, eos sacro fonte esse ablutos, sive non. Chemnit. Instruct. fut. eccl. min. p. 178. Noribergæ autem non baptizantur exposititii, quibus testimonium baptismi jam collati appositum est. Parvulos ante baptismi usum demortuos non statim condemnat, vel de eorum beatitudine dubitanter loquitur; immo etiam de illis, qui a scelestis suis matribus, sive in utero, sive extra uterum necati sunt, optima quæque sperat: &, si contingat, ut, parentibus baptismum differentibus & procrastinantibus, fœtus aliquis absque illo moriatur, probe ad omnes circumstantias attendit, & utrum illi infirmi in fide & perterrefacti sint, aut securi & tumidi, perpendit, ut illis videlicet evangelium, hisce legem annunciare queat. Quodvis tempus, salva loci consuetudine, baptismo administrando idoneum judicat; & usum sanctæ crucis retinet, non superstitiosum aut magicum, sed historicum & commonefactorium; nec etiam in infantum baptismo, rigidum se præbet in clausula illa



illa. *Et quæ ipse addidit*, und er selbst darzu gethan hat/  
vel retinenda, vel omittenda: quum neutrum eorum suis  
destituatur rationibus. De susceptorum numero non mo-  
vet otiosas controversias, sciens, eum pro consuetudine  
locorum variare. Interim ad id officii neutiquam admittit  
puellas aut puerulos, nullam christianæ fidei cognitionem  
habentes; nec homines diversæ religionis, nostram con-  
temnentes, irridentes & insectantes; nec adulteros, homi-  
cidas, dissolutos, aut infamia notatos, qui quidem sint no-  
torie tales; suis quoque interdicat, ne susceptorum mune-  
re apud heterodoxos fungantur, si periculum sit, ne vel  
cum adversariis colludere, vel infirmorum fidem in hoc  
casu subvertere videantur. Exorcismum adhibere nullus  
veretur, tanquam adumbrationem & testimonium spiri-  
tualis captivitatis, & exhibiti Messiae, præstitique operis  
redemptionis, cujus spolia per verbum & sacramenta distri-  
buuntur; ut & efficaciam divinam, baptismi propriam; nec  
non præcipui finis ministerii, qui est, pugnare contra sa-  
tanam; eundemque judicat esse confessionem ecclesiæ pu-  
blicam de peccato originali, contra Pelagianos, Anaba-  
ptistas, & alios, cum eis facientes; nitique testimoniis pri-  
mitivæ, ac praxi ecclesiæ Græcæ: quamvis non sit de ba-  
ptismi essentia, nec corporalem quandam notet obsessionem.  
In baptismo necessitatis, ecclesiasticam constitutionem ac-  
curate sequitur, & juxta eam baptismum, a laico vel fœ-  
mina collatum, quam diligentissime examinat. Parentes,  
ut curam liberorum suorum habeant, eosque, quo in cat-  
echismo & christianis virtutibus informantur, ad scholas  
mittant, graviter sæpiusque admonet; & de usu ac fructu  
baptismi salutariter atque ad ædificationem dicere allaborat,  
ostendens nimirum, eum esse eucharisticum, præmunito-  
rium, consolatorium, & admonitorium.

Con-



*Confessiones peccatorum* auditurus. discrimen ponere novit inter illam, quæ Deo fit, & eam, quæ ministro ecclesiæ; & quamvis hanc, auricularem dictam, non juris divini, sed ecclesiastici, nec propter divinum, sed humanum institutum, necessariam pronunciet, tamen retinet, confessionis & absolutionis causa. Jamque in loco confessionis confidens, cogitat, eum non esse sui ipsius, sed DEI, cujus vices ipse ibidem obeat: sibi que a Deo summos & maximos thesauros, cum quibus ne universus quidem mundus comparandus sit, creditos, ideoque in iis dispensandis omnem fidem a se adhibendam esse. Eum in finem non indiscriminatim omnes admittit, sed poenitentes, in catechismo informatos, quantumvis simpliciores sint, nec tam exacte omnia calleant, reconciliatos, homines ejusdem fidei & confessionis, & litigantes in judicio, si testentur, se in conscientia sua certos esse, quod defendant bonam causam, legitimisque utantur mediis, neque ex odio cum adversario litigent, & causæ decisionem juri velint committere. Neque improbat factum, si laicus in extrema necessitate proximo petenti annuierit remissionem peccatorum. Absolutionis materiam constituit legem & evangelium: formam vero ejus non facit conditionalem, sed categoricam, sive causalem, ratiocinativam, & illativam. Si quis aut ex rumore, aut ex aliis circumstantiis suspectus sit de enormi aliquo peccato vel flagitio, amice id ipsi indicat, & conscientiam hominis explorat, ne forte indignum admittat ad sacram confessionem. Sed si negat ille factum pernegatque, licet iterato, & quidem humanissime admonitus, in negatione illa acquiescit, nec urget specialem criminis confessionem, generali peccatorum confessione contentus. Si autem in ecclesiam inopinato venerit talis homo, confessionem editurus, mavult eum postea privatim, quam illico, admonere, ne quis dicta audiat,



diat, & confitens, si innocens sit, ad justam indignationem commoveatur. De potestate remittendi peccata, quæ a Christo collata est ministris ecclesiæ, sobrie sentit & prædicat, scilicet absolutionem eorum non esse nudam & tantum externam declarationem ejus, quod pœnitentes jam ante habeant, sed medium & organum, per quod pœnitenti vere conferatur & applicetur gratia & remissio peccatorum, ita ut confessionarius, tanquam causa ministerialis ac instrumentalis, sese heic habeat effective, & vere per absolutionem pœnitenti remittat. Et cum correptor debeat esse, non proditor criminum, ea, quæ sibi credita sunt, alto premit silentio, etiam tum, cum confitens iste propalandi licentiam dedit, & cum delicta adhuc sunt in molimine, aliorumque perniciem spectant: Consultius quippe ei videtur, tales machinationes meditantem serio dehortari, & periclitantem proximum, ut sibi caveat, admonere. Quamvis casus hic non facile detur, nisi ubi omnium & singulorum peccatorum accurata enumeratio exigitur. Ab invitis non exigit munus per subtractionem spiritualium, ne ea vendere, & execrandam simoniam exercere jure meritoque proclametur: neque tamen etiam fastuose repudiat, si quid a grato confitente, ex consuetudine illius ecclesiæ, & fortassis in partem salarii, vel detur, vel domum mittatur. Nefas quoque existimat, collegæ sui, vel alterius ministri confitentes turpis lucri causa aucupari: iisve, quibus cum suo confessionario simultas intercessit, aut qui ex iracundia juraverint, se nunquam amplius absolutionem a suo confessionario petituros, aditum concedere.

Ad crebrum *S. cœnæ* usum hortatur quidem, non tamen certum ac definitum temporis intervallum cunctis, nullo habito discrimine, præscribit: nec, nisi in casu necessitatis, & sub certis circumstantiis, sacra sibimet ipse porrigit symbola, præsertim si in ecclesia sua mos ille communicandi

U

se



se ipsum non invaluerit. Promte ad S. mensam admittit christianos, & qui se probare possunt, surdos etiam, ac mutos, si evidentibus signis indicârint, quod se peccatores, Christum vero servatorem suum agnoscant, totoque corde tremendum hoc epulum apperant; eos, qui peregrinae sunt linguae, dummodo per interpretem & confessionem edant, & absolutionem accipiant; item peregrinos, qui vel sunt exules, vel errantes, vel iter facientes, vel tales, quos pastor, a Consistorio reus inventus, ex odio aut vindicta nolit absolvere: arcet autem puellulos & infantes, non confessos, hæreticos, peccatores notorios, excommunicatos, obsessos, dementes & furiosos. Simpliciter abstemios jubet potius acquiescere in spirituali corporis & sanguinis Christi participatione, quam ut, contra Domini institutionem, sacram cœnam sub una iis administret. Pœnitentes, piosq; agonizantes, qui vel voce, vel saltem gestibus desiderium suum indicant, viatico hoc, quo diabolis terribiles efficiuntur, sine mora instruit. Hostiam, sive totam, sive ejus particulam, si agonizans prius, quam deglutiret, animam exspiraverit, in ore mavult relinquere, idque reverenter claudere, quam exinde desumere, & vel comedere, vel comburere. Tempore pestis monet auditores suos, ut mature, & dum sani sunt, ad S. eucharistiam accedant: eosque erudit, in tali necessitatis casu, ubi per vitam pastoris consulendum residuo gregi, sufficere spirituales communicationem, juxta illud Augustini: *Crede, & manducasti*. Sitamen aliquis S. eucharistiam vehementer desideret & expetat, minime denegat eam, non quidem ut consecrata elementa per alium transmittat, sed ipse ad ægrotum se confert, eumq; in solem apricum deportari jubet, aut in ejus conclave, Deo fretus, introit, atque agenda peragit. Loco panis & vini non substituit alia elementa, etiamsi incolæ iis pro pane & vino utantur. Reliquias sacramenti vel dat aliquibus



quibus communicantibus, vel ipse, si communicaverit, sumit, vel ultimo porrigit communicanti, aut (quod convenientissimum) ita rem instituit, ne quid supersit. Si autem calices non sufficiant numero communicantium, satius ducit, infusionem & consecrationem repetere, quam cantharo benedicere; nisi paucitas ministrantium ad altare, cum magnus est communicantium numerus, aliud jubeat. In tradendis sacris symbolis solertiam adhibet; si tamen hostia ceciderit in terram, reverenter eam attollit. Pari reverentia, si una vel plures vini consecrati guttulæ fuerint effusæ, ipsas extergit linteis. Rursus si musca, aut quid aliud, in calicem delapsus sit, cochleari aut cultro inde removet: sique inter consecrandum, deliquium animi patiatur collega, ipse consecrationem non denuo orditur, sed inchoatam continuat. Vestes sacerdotales, vasa pretiosiora, altaria, & imagines divorum in altaribus, habet, uti vera sunt, pro adiaphoris. Nemini, qui non valet jejunare, S. cœnæ usum admittit vel interdicit: nec, nisi infirmis aut ægrotis eam in privatis ædibus administrat. Denique religiosissime cavet, ne cuiquam mortalium *Φερωδέστωι* hoc *μυστήριον* exhibeat ad firmanda fœdera, ad probandam innocentiam, vel ad suscipiendum duellum.

Desponsatas personas, si nimis diu differant consummationem conjugii seu *copulationem*, monet, & si non obediunt, compellit: Immo & invitos, si nolint consummare, ad mandatum Consistorii vel Superiorum copulat. Præmittit autem ordinarie, & nisi Consistorium vel Superiores dispensent, trinam, aut certe binam proclamationem. Nec proclamat vel copulat personas, quæ copulari non possunt, quales sunt nimia propinquitate juncti, coacti ad sponsalia, & peregrini, qui nullo instructi sunt testimonio, quod aut sint soluti, aut nullos parentes habeant, aut impetraverint eorum consensum, aut nostræ sint religioni addicti. Benedi-



tionem sacerdotalem sæpius debito cum honore commendat, docens, eam, licet non sit de essentia matrimonii in se spectati, esse tamen de essentia illius respective considerati, si nempe consideretur, prout hodie juxta constitutiones ecclesiæ & Magistratûs, in verbo Dei & bono ordine fundatas, inter christianos obtinet. Hinc eos, qui ante benedictionem sacerdotalem copula carnali consuescunt, graviter reprehendit, & commixtione illa ecclesiasticam pariter ac civilem legem violari, conjugii dignitatem labefactari, & insigne aliis scandalum præberi ostendit. Sponsam, de qua rumore est, esse imprægnatam aut cognitam, ad se vocat, & Dei loco interrogat, num res ita se habeat? ac, si negaverit satis monita, proclamat: aut rem totam ad Consistorium refert, sive ad Magistratum. Nec dubitat in ædibus privatis copulare, si Consistorium vel Magistratus concesserit. Adventûs autem & quadragesimali tempore, quod piis meditationibus consecrandum est, ob omni abstinet copulatione, nisi certis de causis Magistratus dispenseret.

Ut dextras *consolationes* adhibeat, ante omnia inquit in speciem calamitatis seu crucis, qua consolandus affligitur: item in causam & conditionem ejus. Sunt vero calamitates vel communes, quæ ultro comitantur christianos, & eos, qui pie vivere volunt in Christo Jesu, vel propriæ, quas homo sua sibi culpa attrahit. Et vel attingunt animum, vel corpus, vel famam, vel bona externa. Cautus vero est ecclesiastes in assignandis calamitatum causis, ne forte erret cum Jobi amicis, & cum Christi discipulis. Job. 4, 8. 11. Joh. 9, 2. Respicit ad conditionem ejus, qui affligitur, eumque, si pœnitens est: solatur, si vero sive palam sive occulte impœnitens, ei primum ex lege incutit terrorem, postea vero, si resipiscat, poculum solatii porrigit. In consolando, certa methodo utitur, ut vel afflicti animum avocet a malorum, quæ patitur, consideratione, & e contrario deducat ad meditationem



ditionem bonorum, quibus recreetur; qualia sunt in ipso afflicto, in Deo, in fine calamitatum, quem DEus intendit, & in modo interiore ferendi mala: vel mentem patientis ex verbo Dei de causa efficiente & finali omnium calamitatum erudit, & voluntatem ad patienter portandam crucem, commemoratione voluntatis divinæ, promissionumq; & exemplorum, flectit, atque ad assiduam orationem excitat. *Tentatos sensu peccatorum* jubet adspicere ea non in suis ipsorum personis, sed prout a Deo in Christum sunt coniecta, adeoque statuere secum, ea non amplius esse ipsorum propria, sed aliena, nempe Christi. *Ολιγοπίστοις* seu *laborantibus sensu fidei* ostendit, præsentiam fidei inseparabiliter dependere a verbo & sacramentis, adeoque illi, qui verbum habet in corde, & utitur sacramentis, de fide non esse dubitandum. Non tamen negative, ex moribus fidei, de præsentia fidei judicat, cum alii eorum sint inseparabiles, e. g. lucta cum carne, desiderium gratiæ, ejusque augmenti, justificatio, renovatio &c. alii separabiles, uti firmitas fiduciæ, summa cordis lætitia, hilaris gratiarum actio, intensus amor erga DEum, tripudium de devictis hostibus, &c. & illi in tentationibus adeo languidi fieri possint, & quasi obtenebrari supprimique, ut fere non sentiantur, aut homo existimet, se eos in se plane non habere; hi vero non solum languescere possint, sed etiam plane abesse, utpote dona, quæ Spiritus S. distribuit, sicuti vult, & quando vult. *Dubitantes de sui electione seu prædestinatione* remittit ad considerandam universalem & Dei dilectionem, & Christi satisfactionem, & Spiritus sancti vocationem, eosque certos esse jubet, nullum hominem, qui gratiosæ huic divini numinis ordinationi humiliter se subjicit, & ex fide in Christum, gratiam Dei & vitam æternam serio expetit, e fonte salutis JESU, ejusque merito aquam solatii haurit, & pietati, quantum fert imbecillitas humana, omnem navat operam,



ram, atque in fide & pietate usque ad ultimum vitæ halitum perseverare cupit, denique etiam deprehendit, se per multifariam passionem, crucem & calamitates imaginæ Filii DEI conformatum esse, de sui ad vitam æternam electione debere ambigere. Illis, *quibus tedium est vitæ*, atque adeo pronus ad *δολοχρησίαν* affectus, commonstrat, tales cogitationes inspiratas esse a diabolo, qui nos DEO vult reddere inobedientes. Itaque contemnendum esse perversum illum doctorem & suasorem insulissimum, ac voluntatem nostram in summa humilitate divinæ voluntati submittendam, atque ita demum beatam *ἀνάληψιν* devotis precibus petendam, piaque spe expectandam. *Gravidas & parturientes*, quæ ob varias molestias & dolores partûs acutissimos nimium tristantur, solatur ex hisce fundamentis; vivere eas in statu non modo antiquissimo, sed & maxime necessario, & tam ad hanc, quam ad futuram vitam, utilissimo, atque adeo præclarissimo & divino: unde ipsas in Domino animum oportere sumere, & auxilium omnipotentis, qui ex utero educit infantulos, certissime sibi polliceri, idque patienter expectare, & denique nihil eorum intermittere, quæ ad fœtum excludendum ab ipsis requiruntur: aut si vel maxime moriendum sit, in vel post partum, dulce tamen & solatii plenum esse id, quod scribit Apostolus 1. ad Tim, 2, 15. Licet prima mulier a diabolo seduci se passa sit, atque adeo causa transgressionis fuerit; *servari tamen* quamvis *mulierem* *liberos gignendo*, tanquam in divina sua vocatione, *si permanserit in fide* in Christum, *ac charitate* erga DEum ac proximum, *& sanctificatione* seu vita pia, *cum modestia* in gestibus & conversatione. Et sicut omni tempore apud quosvis, qui ejus curæ fideique sunt commissi, ita potissimum apud *egrotos & moribundos* officium suum facit docendo, monendo, consolando, ne diabolus oviculam sibi



sibi eripiat. Cumq; ægrotantes valde sint dissimiles, & alii eorum securi, alii pii; ad illos quidem etiam non vocatus se confert, suamq; *συνουσία* & officii rationem, quæ in procuratone salutis animæ consistit, exponit, omnemq; lapidem movet, ut eos ad seriam pœnitentiam perducatur: ad hos vero vocatus si accessit, ne illotis, quod ajunt, manibus negotium suscipiat, colloquii initium facit a providentia divina; dehinc progreditur ad causas morborum generales & speciales recensendas. Ubi quidem, ut liberius cum moribundo agere possit, præsentes alios, ut paulisper discedant, blande rogat. Quo facto, ostendit verum eorum remedium, puta pœnitentiam. Quam si præ se ferat clinicus, seque ad confessionem edendam paratum esse affirmet, ipse similiter promptus est & obvius ad illam audiendam. Antetamen interrogat hominem, num quem scrupulum habeat in corde, & an vacuus sit ab odio & similitate? ne quid forte ei obstat, quo minus digne possit accipere sacrum viaticum, & in vitam æternam ingredi. Tum eum ex verbo evangelii, passione Christi, & sacramentis certum reddit de remissione peccatorum, & ex sacris paginis evolvit, quid piis sit mors, & quantum utilitatis afferat. Utque impatientiam ægroti sive corrigat sive præveniat, de variis cum dictis, tum exemplis Scripturæ sibi prospicit: sed tamen modum eorum habet, apud moribundos cum primis, qui ejusmodi dictis & exemplis non obruendi sunt, sed erigendi, & confirmandi. Sique periculum vitæ immineat, & sacra eucharistia adhuc sit præbenda, adhortationem quidem, alias recitari solitam, temporis lucrando causa omittit, minime vero orationem Dominicam, & verba institutionis. Cum *facinorosis captivis* eo agit circumspicius, quo difficilius apud eos, quam alios moribundos, redditur negotium. Nimirum videt, ne vel in excessu peccet, vel in defectu. Cumque sit ecclesiæ, non justitiæ minister,



nister, cui animarum salus, non pœna corporis commissa est, nullo modo induci se patitur, ut captivo sententiam a iudice latam publicet: ipse autem, post sententiæ, sive generalem, sive specialem, ab alio factam denunciationem, ubi ad candidatum supplicii accessit, statim & quidem accurate observat ejus gestus, sermonem, & actiones, ut inde cognoscat, ad quod genus hominum ille referendus sit, & quibus ei modis occurrendum. Alii enim factum negant, & omne id, quod antea confessi sunt, recantant. Cum quibus non est multum disputandum, sed potius dicendum, ipsos esse in loco justitiæ, & formatum jam debito modo processum judicalem. Itaque eis non fieri injuriam: neque per negationem vitam suam servaturos, aut DEUM, τὸν καρδιογράψην, propriamve conscientiam reclamantem decepturos: debere potius curare animæ suæ salutem, sibi quæ omnino persuadere, scelus illud, quod negant coram DEO, a DEO non remissum, adeoque corpus & animam damnatum iri. Alii factum extenuant, nec tantam pœnam commeruisse sibi videntur. Quibus contrarium ex lege divina in specie ostendendum, quantum scilicet supremus Legislator hoc ipsum facinus abominetur, & vindicandum jusserit. Recte igitur observari a Magistratu christiano divinum mandatum; aut eo diligentius a delicto illo abstinendum fuisse, quo graviolem ex lege humana pœnam constitutam esse constabat. Alii ἀνασθῆναι sunt, vel adeo protervi, ut neque flagitium curent, neque supplicium. Unde atrocitas facti iis repræsentanda est ad oculum, & igniculi conscientiæ excitandi, pœnæque æternæ gravitas, quæ tales impœnitentes certo certius manet, omnibus modis exaggeranda. Denique alii culpam suam agnoscunt, & supplicium metuunt. Qui ita docendi: Dolendum ipsis potius esse de offensa Dei, quam incurrerint, ac de pœna corporis adhuc sustinenda; adeoque vera fide & pœni-



pœnitentia ad Dei misericordiam confugiendum : certos debere eos esse de remissione peccatorum ex verbo evangelii, baptismo, & danda ipsis S. cœna : supplicium hoc esse temporale tantum & quasi momentaneum, cum contra si in peccatis sine agnitione mortui fuissent, pœnas subiissent æternas. Itaque nihil ipsis nocere posse momentaneum istud supplicium, sed DEUM illud conversurum in transitum ad regnum cœlorum, sicut latro ille, in cruce conversus, eopse die ad Christum pervenit in paradysum. Luc. 23. 43. Vid. passim Pastorale Lutheri, Consil. Theol. apud Dedek. Paulus Tarnovius de SS. Ministerio, J. Gerh. in LL. Theol. Balduin. Kesi. König. & Dannh. in Cas. Cons. Carpzov. in Jurispr. Consist. Sal. Glass. in Germ. tract. de Tentationibus spiritual. qui subjunctus est Tom. IV. Postill. Dictor. Prophet. & Christian. Chemnit. in Instruct. fut. min. eccl.

Candidatos ministerii non *examinat* in quæstiunculis grammaticis tricisve scholasticis, ut ingenium ostendet suum, sed e Scriptura S. tanquam principio *ἐκείνη*, & in iis rebus, quæ proprie spectant ad scientiam & praxin theologicam, ut candidati cognoscant, ea, quæ necessaria sunt, exigi. non *ἀπὸ τοῦ*, seque vocatos esse ad colloquium, non ut exagitentur, sed ut examinentur, non ut explodantur, sed ut explorentur. Quem in finem maximi meritissimique viri, Phil. Melanchthon, & Urb. Regius libellos examinationis ordinandorum scripserunt, nobisque reliquerunt : quorum ille in omnium versatur manibus, hic vero extat in T. 2. Opp. Lat. p. 46. Quod si vocetur ad *obsessum*, non tantum medicum judicium prius explorat, sed etiam ipse ad instar prudentis Medici, primo omnium semioticam tractat, & in vera obsessionis signa inquirat, qualia sunt proditio & nominatio eorum, qui paroxysmo hominis,

X

omni



omni rerum sensu destituti, forte ac repente interveniunt; linguarum, quas nulla disciplina hauserat, expeditus usus; rerum ignotarum præsagia; corporis robur ὑπερβολικόν, tumor ventris & thoracis immodicus, cum internis convulsionibus, & ferreo nervorum rigore, intensioneque, & sic quidem, ut nulla arte in tantum extendi posset humana cutis. Scrutatur quoque indicium, quo corporalis obsessio a spirituali potest dignosci, quod maxime est lucta, cum obsessus molitionibus satanæ ac tentationibus ad peccandum, v. g. ad concubitum horrendum, ad ἀνθρωποκτονίαν, ad homicidium &c. omni studio resistit, præsentem desputat, gladio scutoque spirituali se tuetur, ac ideo se diutius cruciari experitur. Tum ad therapeuticam accedit, non magicis utens artibus, sed, juxta formulam a Christo præscriptam Matth. 17, 21. precatione & jejunio, & eventum Deo committens. Brochm. in System. Theol. Tom. 1. p. 269. Dannh. T. 2. Theol. Consc. p. 447. Eadem media adhibet in fugandis *spectris*, & si vel maxime signum crucis jungat, ac adjurationem; tamen in exteriori illo signo non hæret, sed cor ad Christum, qui in cruce quondam pependit, religiose attollit; nec adjuratio ei aliud quid est, quam ἐντολή τοῦ Θεοῦ obtestatio, qua jubet, ut diabolus incolis, sanguine Filii Dei redemptis, molestus esse desinat, si quidem Deo ira placuerit; sin; fas esse docet, divinæ moris gerere voluntati, & exercitium spectrorum patienter sustinere. Brochm. l. c. p. 260.

Videamus ad ultimum, quæ in conversatione se gerat prudens ecclesiæ minister. Fit autem illa vel cum aliis *quibuscunque hominibus*, vel cum *adversariis*, vel cum *auditoribus*. Quod ad primum attinet, magnum ante omnia habet personarum delectum, & diligenter circumspicit, cui se concedere, quem contra fugere ac cavere debeat, ne forte



forte in periculum se temere conjiciat, & ab eo, quem amicum credit, circumveniat, & prodatur. Id quod Christus suo etiam exemplo docuit: Cum enim multi in ipsius nomen credidissent, miraculis ejus perspectis, *ipse tamen se illis non credit*, propterea quod illos nōset, scilicet ita esse comparatos, ut non difficulter ad ipsum prodendum perdendumque possent induci. Joh. II, 23, 24. Hinc etiam cavet, ne multos habeat amicos intimæ admissionis, quibus omnia secreta animi sui pateant, nullum consilium clausum secretumque sit; secutus hac in parte præclara monita Sirac. c. VI, 6-13. Deinde quibuscunque pauperibus benefacere studet, maxime vero eos, qui propter fidem Christi exilium patiuntur, si non hospitio, attamen subsidio juvat pro viribus suis; non modo ut præcepto Paulino 1. ad Tim. III, 2. morem gerat, & præclara sanctorum patrum, Cypriani, Basilii M. Gregorii Nazianzeni, Epiphanii, Gregorii M. & Johannis eleemosynarii exempla (de quibus Spizel. in Vet. Acad. J. Christi) imitetur, sed etiam, ut suo exemplo fidelibus ad misericordiam & liberalitatem præeat.

Cum *adversariis* collocuturus, eos imprimis deligit, apud quos verisimile est, se haud frustra operam positurum: illos e contra fugit, quos ad eam recipiendam, præsertim ob morum feritatem vel turpitudinem, ineptos videt: idque eum in finem, ne & operam perdat, & veritatem sanctissimam contemtui, se ipsum vero temere periculo objiciat. Matth. VII, 6. & c. X, 11. Cumque adversarii non semper patulas de rebus divinis loquenti aures præbeant, plurimumque in temporis opportunitate sit situm, ideo eam diligenter observat & captat, atque (ut Apostolus jubet ad Eph. V, 16. & ad Col. IV, 5.) *ἐξαγορεύετε* i. e. *redimit*. Probe etiam perpendit, quid vel quo pacto dicat,



h. e. ut honesta utiliaque seu ad ædificationem alterius pertinentia dicat, & simul ad personam & captum aliorum, nec non ad locum & tempus accommodatæ. Quale præceptum extat ad Col., IV 6. Itaque id spectat, ut ea, quæ illis, quibuscum sermonem instituit, maxime sunt necessaria, proponat; sed si id consequi non statim possit, & periculum sit, ne eos a colloquiis suis absterreat, id, quod proximum est, in medium affert, atque inde incipit dicere, unde alii facilius discant. Quare non facile in primo statim congressu, nisi forte ab ipsis adversariis provocatus, in illa involat dogmata, quæ apud eos sunt sacrosancta, sed per gradus quosdam eo ascendit: *λογομαχίας* item, & contentiones de rebus non magni momenti vitat, & ab omni verborum asperitate, ceu Dionysius Areopagita cum Apolophane disputans, (de quo Spizel. in vet. Acad. J. Christi p. 17.) ita abstinet, ut nec in personas, nec etiam in ipsam rem atque sententiam, quam illi propugnant, & tantum non adorant, acerbius quippiam dicat: scilicet ne dogma ipsum, protinus *impium*, *monstruosum*, *portentosum*, aut etiam *ridiculum*, *ineptum*, *stultum* appellet aut proclamet: Novit enim, hæc irritare adversarium facile posse, & vel a colloquio penitus abstrahere, vel omnem ejus fructum impedire. Raupp. l. c. p. 845. Itaque etiam cum absurda, ex sententia *ἡ ἀληθεία*, ostendit, caute agit, nec nisi per pronam & apertam consequentiam, quam ipsi considerandam proponit, ea deducit. Immo etiam sæpe, omissa absurdorum ostensione, satius ei videtur, *categorice*, ut in scholis loquimur, seu directe testimoniis Scripturæ, aut rationibus, opinionem adversarii impetere; eo habito respectu, ut aliter cum doctis agat, aliter cum indoctis, atque adeo cum philosophis philosophetur, cum balbis balbutiat. J. Ern. Gerh. de Modo propag. relig. vere antiquo, concl. XV.

Quan-



Quanquam ea argumenta habet pro optimis, maximeque quærit ac proponit, quæ utrique hominum generi conveniunt, & clarissima sunt pariter, ac brevissima; præsertim quando simul docti & indocti adsunt auditores. Quenst. l. c. p. 395. Sed & hoc observat, quantum causa ipsa permittit, ne pertinax aut contentiosus videatur. Itaque quod largiri aut prætermittere se posse absque veritatis & piæ causæ defensionis jactura cernit, id relinquit; contentus nonnunquam illud leviter indicasse, quo æquitatem suam & facilitatem *ὁ ἐκ τῶν ἰσχυρίων* videat. Modestos, qui convicti, aut progredi disputando amplius non valentes tacent, etiamsi verum fateri nolint, non ita urget, ut omnino verum fateantur, (nisi forte propter reliquos auditores id prorsus videatur necessarium) sed illorum id relinquit conscientiae, ne ipse victoriam & triumphum quærere videatur. Cum ambiciosi autem, qui gloriæ & palmæ inhiant, paulo rigidius agit, ne fortassis apud alios de se ipso triumphare audeant. Gerh. Harm. Evang. c. 158. p. 601. Quenst. l. c. p. 405. 411. Quanquam cæteroqui, si absque divinæ gloriæ detrimento fieri possit, disputationem cum ejusmodi hominibus penitus fugit, quia vix alius ejus est finis, quam rixa, & hominum auram popularem captantium irritatio, aut vana quædam jactatio.

In convictu & conversatione cum *auditoribus* suis cavet, ne se iis nimis reddat familiarem, eoque in contemptum veniat. Spizel. in Infel. Liter. p. 109. Considerat enim vix fieri posse, ut ita se usquequaque caute in familiari congressu aut colloquio aliove confessu gerat, quin ei excidat aliquid, quod reprehendi a quopiam, sive jure sive injuria, queat; & in ejusmodi congressibus sæpe re tractari ad religionem nil pertinentes, seu (ut loquimur) profanas, quibus vel plane sese inserere pastorem non decet, vel



valde parce ac moderate ei sunt attingendæ, ne profanum aliquid sapere videatur. Itaque imprimis fugit convivia, nec, nisi cum aliqua ratione necesse est, ad ea accedit. Quenst. l. c. p. 295. Fugit etiam confessum, ubi de Rep. aliisve similibus rebus agitur: ne rebus politicis se immiscere videatur. Idem p. 300. & Carpz. l. c. p. 77. Multo magis autem spectacula & choreas, quippe quæ pastorali gravitati neutiquam conveniunt. Quenst. p. 295. & Raupp. l. c. pag. 848. Amat vero secessum (quem Christus quoque & fulgentissima ecclesiæ sidera, Justinus Martyr, Cyprianus, Theophilus Antiochenus, Basilus M. Gregorius Nazianzenus, Augustinus, Hieronymus, Hilarius, Jo. Chrysostomus & Bernardus Claravallensis amârunt, verbisque & factis commendârunt, ceu in peculiari tractatu de Pio Literati Secessu, ut & in Literato Feliciss. p. 110. & seqq. egregie ostendit piæ eruditionis promotor & decus ingens, Spizelius) nec crebro in publicum prodit, ratus, id sibi esse agendum, ut res sacras tum diligentissime tractet, tum diligentissime omnibus aliis tractare videatur, & sic sanctissimi hominis opinionem non fallacem sibi conciliet. Si autem necesse sit, eum convivii interesse, aut alias sive cum auditoribus, sive cum aliis fidelibus versari, magnam linguæ habet rationem, atque imprimis vitat jocos ac sermones profanos, maxime vero pravos dictorum Scripturæ applicationes. Raupp. l. c. pag. 848. Cavet etiam, ne cibo aut potu largius se invitet, & oculos circumferat plenos adulterii, sed operâ dat potius, ut cunctis sobrietatis continentiaeq; & castitatis exemplum præbeat. Quenst. l. c. p. 217. & 225. Porro in eam curam incumbit, ut præsentia sua alios in officio contineat, a sermonibus profanis ad sacros revocet, & subinde veluti aculeos quosdam illis infigat, quibus ad pietatem ac religionem excitet, ut vel ex hujusmodi congressibus



gressibus appareat, quid ipse perpetuo tractet, quæ sint ejus studia, quis in DEum aut religionem animus. Denique si quid animadvertit in auditoribus reprehensione dignum, id vel statim arguit, si sit opus, & res ipsa id ferat, vel ita notat, ut alio tempore corrigat commodius. Statim autem reprehendit, si credit, fore alioquin, ut amplius peccetur, & aliud ex alio trahatur malum, vel scandalum, nisi moneat, sit securum; vel si veretur, ne monendi occasio in posterum ipsi desit. In commodius vero tempus reservat, aut etiam plane transmittit, quando metuendum est, ne ex reprehensione plus concitetur mali, quam ex silentio. Raupp. l. c. p. 847. Sed & in hoc genere longe plura sunt, quæ prudens ecclesiastes facit, quam dicere nos possumus.

Claudimus verbis magnorum Græcæ & Latinæ Ecclesiæ Doctorum, Jo. Chrysostomi & Gregorii M. iisque tanquam gemina gemma dissertationem præsentem obsignamus. *Eum, inquit os aureum, qui regendos alios suscipit, tanta decet gloria virtutis excellere, ut instar solis ceteros, veluti stellarum igniculos, in suo fulgore obscuret. Debet hujusmodi vitam habere immaculatam atque compositam, ut omnes in illum & in ejus vitam, veluti in exemplar aliquod excellens, intueantur.* Homil. in 1. ad Tim. c. 3. T. 4. p. 244. Sic autem disertissimus Antistitem Romanorum: *Tantum debet actionem populi actio transcendere Præsulis, quantum distare solet a grege vita pastoris. Oportet namque, ut metiri se sollicite studeat, quanta tuendæ rectitudinis necessitate constringitur, sub cujus æstimatione populus grex vocatur. Sit ergo, necesse est, cogitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia*



*vitia per zelum justitiæ erectus, internorum curam in exteriorum occupatione non minuens, exteriorum providentiam in internorum sollicitudine non relinquens. Part. II. Pastor. Curæ c. i. De Pastoralis Prudentia legi etiam potest Joh. Crocii Comment. in epist. ad Philem. p. 570. & Joh. Henr. Reizii tractatus de Prudentia Ecclesiastica, qui prodiit Heidelbergæ, A. 1692. in 8vo.*

\*\*\*\*\*

Ne justo major lacuna detur in hoc folio, lubet annexere tria illa disticha, quibus primarius in Ecclesia Noribergensi Antistes, amicus noster, sponte, nec a nobis aut alio quondam rogatus, ludere voluit in Dissertationem præsentem de Prudentia ecclesiastica: præcipue quum & priori editioni, Patroni cujusdam sive suasu sive jussu, accesserint.

**N**obilis ex scripto subolet prudentia! qualem  
Prudentum soboles suppeditare potest.  
O si prudentem reddant, quæ differit Autor,  
Quemvis, qui sacro fungitur officio!  
Cetibus in nostris foret actio, sermoq; cautus,  
Nec perverse unquam res gererentur ibi,

CONR. FEUERLINUS.

DIS-





DISSERTATIO IV.  
DE  
RELIGIONIS OB TEM-  
PORALE COMMODUM  
MUTATIONE.

\*\*\*  
QVÆSTIO.

*An quis christianorum, a religione vere orthodoxa,  
quam ipse pro tali agnoscit, ad aliam, & qui-  
dem heterodoxam, commodi temporalis causa,  
illasa conscientia accedere possit?*

CAPUT I.

*Statum controversiæ proponens.*



On quæritur (1) de cuiusvis religionis homine, sed  
de christiano, qui sub Christi vexillo militat, &  
doctrinam fidemque christianam profitetur, &  
religioni, non quæ sic dicitur ac venditur tan-  
tum,

Y



tum, sed quæ reapse & κατ' ἀλήθειαν orthodoxa est, & omnia creditu & factu ad salutem necessaria continet, est addictus.

Nec (2) an quis agnitis suæ religionis erroribus, ad veram & puram religionem transire possit? hoc enim non modo licitum est, verum etiam necessarium: sed, an, qui de veritate suæ religionis plane, nec per errorem persuasus est, nihilo tamen minus eam deferere, & mutare possit cum illa, quam certo scit esse heterodoxam & periculosam.

Nec (3) de honesto ac pio mutandæ religionis scopo, quo quis, salutis impetrandæ causâ, veram falsæ præfert religionem, sed de utili; nec vere, sed apparenter utili, quum quis solius commodi temporalis gratia, ut nempe suaviorem in hoc mundo vitam, lautioremque fortunam, & vel honores, vel divitias, aut pariter honores ac divitias nanciscatur, religionem suam cum alia commutat.

## CAPUT II.

### *Responsionem continens.*

**P**Osito sic statu controversiæ, respondemus negando, dicimusque, non posse ullum christianum a religione, quam recte pro orthodoxa agnoscit, ad aliam, eamque heterodoxam, commodi temporalis ergo, citra conscientiæ suæ læsionem accedere.

I. Quia contra conscientiam nihil quidquam est faciendum. Jam autem talis homo, uti supponimus, in conscientia sua convictus est, eam religionem, quam deserit, veram, alteram vero, quam recipit, falsam esse. Quando igitur nihilominus ad hanc sese applicat, directe agit contra conscientiam, atque adeo elata quasi manu peccat.

II. Quia talis homo peccat in specie contra Deum, proximum, & se ipsum. Contra Deum; dum veram deserens



rens religionem, eundem deferit, atque fœdus in baptismo cum eo initum procaciter frangit. Inprimis autem violat præceptum ejus primum, quo prohibetur, *ne nobis sit ullus deorum alienorum ante faciem ipsius*, Exod. XX. 3. hoc est, ne amorem & fiduciam nostram collocemus in alio, quam in vero ac vivo Deo, Creatore cœli & terræ. At quid aliud facit ejusmodi vertumnus, quam ut fiduciam & amorem suum, quem collocare debebat in summo illo bono, ac largitore omnium beneficiorum, ponat in idolo commodi temporalis, atque adeo fiat idololatra? Illud enim ipsi est instar dei, sicut Paulus ait de omnibus illis, qui nihil aliud spectant, quam hujus vitæ commoda, id est, ut pace, ocio, & rebus omnibus abundantes, cum magna apud homines existimatione vivant, quod *eorum Deus sit venter*. ad Phil. III. 19. Contra proximum; dum ei turpissima inconstantia isthac scandalum præbet ad similem lapsum. Contra se ipsum denique; dum se reum facit poenarum & temporalium, & æternarum. Ita enim docet Paulus. electum illud Christi organum; ita Christus, qui ipsa est veritas. Audiamus primo apostolum, deinde, qui ipse eum misit, Dominum. *Qui volunt ditescere, ait Paulus, incidunt in tentationem, & laqueum, & cupiditates multas amentes & damnosas, quæ demergunt homines in exitium & perniciem. Siquidem radix omnium malorum est amor pecuniæ: quam quidam dum appetunt, aberrârunt a fide, & se ipsos undiquaque transfixerunt doloribus multis.* 1. ad Tim. VI, 9. 10. Et eundem Timotheum hortatur, ut militet bonam militiam, retinens fidem, & bonam conscientiam, atque subjungit: *qua* (scilicet bona conscientia) *expulsa, nonnulli naufragium fidei fecerunt.* Cap. I, 18. 19. *Ne errate, neque scortatores, neque idololatræ* (quales illos terræ filios, sive τὰς τῆς γῆς ἰδωλολάτρους, esse demonstravimus) *neque mæchi, neque molles, neque qui concum-*



bunt cura masculis, neque fures, neque avari, neque ebrii, neque conviviatores, neque rapaces, regni Dei hereditatem possidebunt. 1. ad Corinth. VI, 9. 10. Eorum, quorum Deus est venter, quique terrestria curant, gloria, quam sectantur in hoc mundo, est ad ignominiam ipsorum, & finis, seu merces ipsorum, exitium. ad Philipp. III, 19. Et Christus ait: Qui non accipit crucem suam, ac pone me sequitur, non est me dignus. Qui invenerit (voluerit servare) animam, seu vitam temporalem suam, perdet eam, reatum mortis æternæ contrahendo: & qui perdiderit animam suam mea causa, & evangelii, inveniet seu servabit eam, id est, æternam vitam & salutem consequetur. Quid enim prodest cuipiam, si totum mundum lucratus fuerit, anima vero sua mulctetur? aut quam dabit quispiam compensationem animæ suæ? futurum est enim, ut filius hominis veniat cum gloria Patris sui cum angelis suis: & tunc reddet unicuique, secundum facta ipsius. Quisquis igitur agnoscet me coram hominibus, agnoscam & ego eum coram Patre meo, qui est in cœlis. Quisquis autem abnegaverit me, seu quemcunque puduerit mei ac sermonum meorum, abnegabo eum & ego coram Patre meo, qui est in cœlis, seu Filium etiam hominis pudebit ejus, quando venerit in gloria Patris sui, cum angelis illis sanctis. Matth. X. & XVI. Marc. VIII. 35. 38.

III. Quia talis mutatio repugnat iudicio & praxi veteris ecclesiæ christianæ. Notum est enim ex epist. I. ad Tim. I. 20. Hymenæum & Alexandrum, eo quod naufragium fidei fecissent, hoc est, doctrinam evangelicam, de qua tamen melius erant informati, abnegassent (quavis in specie dici non possit, quam ob causam, sive quoscopo a fide christiana defecerint) ab Apostolo, magno illo Dei zelote, satanæ traditos, sive ex ecclesia ejectos, & excommunicatos, atque ita pro mancipiis diaboli, renique



gnique Christi extorribus, quamdiu non resipiscerent, declaratos, satanæque potestatem, eorum carnem seu corpora peculiariter affligendi, pro ea, qua pollebat Apostolus, auctoritate, datam esse. Notum quoque e Cæcili Cypriani epist. LII. † & lib. de Lapsis, *traditores*, qui sacros codices tradiderant ethnicis, & \* *libellaticos*, qui ære redemerant ab avaris Præfectis seu Præsidibus libellos, quasi sacrificassent, *thurificatosque* & *sacrificatos*, qui revera idolis thus adoleverant, & sacrificaverant, sive id sponte fecissent, sive metu suppliciorum perculsi, pro *lapsis*, hoc est, magnis peccatoribus habitos, nec nisi post largam & plenam poenitentiam in ecclesiæ gremium receptos. Jam si tales etiam homines, qui persecutionis impetu ita prostrati sunt, atque, ne durissimi judicis recrudescente sævitia jam fatigatum, jam lassum corpus, nunc flagella scinderent, nunc contunderent fustes, nunc e-

Y 3

quuleus

† Lib. de Lapsis.) Augustinus scriptum hoc citat sub nomine epistolæ, epist. sua 23. sed idem plura ejus scripta vocat epistolas, ut librum de Disciplina & habitu virginum, de Opere & Eleemosynis, de Mortalitate, de Patientia, qui vicissim epistolam, Pamelio 63tiam, librum vocat. Sed liber de Lapsis, non est epistola, quia salutatione & valedictione destituitur.

\* *Libellaticos*.) Nonnulli sic censent dictos a libello judici porrecto, quo testarentur, se esse christianos, adeoque sibi non licere sacrificare; cui etiam adjunxerint præmium sive pecuniæ summam aliquam. Sed rectius alii sentiunt, eos dictos ab acceptis libellis. Cypr. ep. 31. *Adversus eos, qui se ipsos infideles illicita nefariorum libellorum professione prodiderant, quasi evasuri irretientes illos diaboli laqueos viderentur, quo non minus, quam si ad nefarias aras accessissent, hoc ipso, quod ipsum testati fuerant, tenerentur.*



quuleus extenderet , nunc ungula effoderet , nunc flamma torreret , nunc gladius percuteret , nunc crux erigeret , nunc bestiae laniarent , fidem Christi non sunt professi , eamve abnegârunt , conscientiam suam insigniter violâsse , maximumque reliquis christianis scandalum dedisse iudicati sunt , qua conscientia , quæso , aliam quis amplectetur religionem , eamque heterodoxam , nullis adactus cruciamentis , nullis suppliciis , sed sola spe lautioris vitæ illectus , aut potius deceptus ?

## CAPUT III.

*Objectiones duas proferens , ac diluens.*

**Q**uamvis vero hæc ita se habeant , & sole clariora sint , nihilo minus tamen reperias , qui , ad palliandam sententiam contrariam , unum atque alterum objiciant , & soli , quod ajunt , nebulas obducere , neutiquam vereantur. Ac primum quidem telum depromunt ex Genes. XXVIII. 20. 21. & 22. ubi apud Vulgatum sic legitur : *Vovit etiam (Jacob) votum , dicens : Si fuerit Deus mecum , & custodierit me in via , per quam ego ambulo , & dederit mihi panem ad vescendum , vestimentum ad induendum : reversusque fuero prospere ad domum patris mei : erit mihi Dominus in Deum. Et lapis iste , quem erexi in titulum , vocabitur domus Dei : cunctorumque , quæ dederis mihi , decimas offeram tibi.* Ita enim exinde argumentantur : Qui patriarcham Jacobum imitatur , is non facit male : Jacobus enim fuit vir sanctus , pius , & Deo inprimis charus. Jam vero qui ad aliam christianam religionem , commodi temporalis causa , transeunt , patriarcham Jacobum imitantur : nam & ille sub conditione hac , si Deus futurus esset secum , & custoditurus se in via , & daturus panem ac vesti-



vestitum, seque redacturus ad domum patris sui, promissit, se Deum culturum. Etenim expresse ait: *Si fuerit Deus mecum &c. erit mihi Dominus in Deum.* Ergo qui ad aliam christianam religionem, commodi temporalis causa, transeunt, non faciunt male, adeoque conscientiam suam minime lædunt, aut violant.

Respondemus: Quamvis propositio ita se habeat, ut non plane nihil in ea desiderari possit, tamen, novæ disputationis pelagus evitantes, & brevitati studentes, eam hac vice missam facimus. Quod vero subsumtionem attinet, ejusque probationem, varia ibi sunt ponderanda. Supponitur enim, verbis hisce, *& erit mihi Dominus in DEUM*, sive *pro DEO*, Jacobum 1. sese obligare. 2. ad cultum DEI specialem, & majorem, quam hactenus præstiterit, nempe, ut statim in seq. vers. exprimitur, ad sacelli exstructionem, & largitionem decimarum. 3. idque intuitu mercedis temporalis. Jam, ut ὅταν ὅταν προ-  
grediamur, unde, quæso, probabitur intuitus mercedis, quo Jacobus votum fecerit? an ex particula *ἂν* si? ac si diceret: Si me custodiveris in via, & commeatu instruxeris, reducemque feceris, peculiariter colam te ac venerabor, ut Dominum & Servatorem meum, domumque in tui honorem erigam, & decimas ad cultum sacrum præbebo. Sin; nihil istorum quidquam facturum sum. Quis enim adeo amentem, adeo impium credat cordatum illum piumque patriarcham? ecquis nescit, particulam *ἂν* si non semper esse stricte conditionalem, sed sæpe ut notam temporis indeterminati usurpari, atque in Latina lingua efferri per voces *quando*, *quum* & similes? ut Genes. XXXVIII. 9. Exod. XX. 25. Amos VII. 2. Quæ vocis acceptio etiam heic militare potest, absque ulla sensus detorsione, & absurditate, ita, ut dicamus, eam non finem aut mercedem significare, sed possibilitatem & modum, & uti *Cbytræus* annotat,



notat, hanc vim habere: *Si DEVS vitam mihi prorogabit & me proteget, ac defendet, tunc congregabo in hoc loco ecclesiam ad sacrificium & concionem, sicut dicitur: Non mortui laudabunt te, Domine. Si vero non dederit mihi panem &c. paratus sum ad ferendam inopiam, exitia, & alias difficultates, sicut David II. Sam. XV. inquit: Si invenero gratiam in oculis Domini, reducet me. Si autem dixerit mihi, non places, præsto sum: faciat, quod bonum videtur ipsi.* Quamquam non negamus, homines pios ac fideles, etiam respectu temporalis felicitatis, cujus promissione toties in Scriptura utriusque fœderis, ad obedientiam Deo præstandam excitamur atque allicimur, non quidem primario & adæquate (qua ratione Deus, ut Deus, colendus est) tamen secundario & minus adæquate, nec non cum reservatione crucis & calamitatum, a paterna summi Numinis manu in humili patientia suscipiendarum, Deum colere posse ac debere. Vnde autem porro probabitur, phrasin hanc, יהוה יהוה לי לאלהי erit mihi Dominus in Deum, sive pro Deo, uspiam adhiberi pro certo aliquo externo cultu? Sane nullus proferri potest locus Scripturæ, in quo ad eum modum sumatur. Duo vero significat phrasis illa, nimirum 1. *cultum generalem a nobis Deo præstandum*, ut idem sit, ac si diceretur: Dominum pro vero Deo agnoscam, adorabo & colam, in eoque spem ac fiduciam unice reponam. 2. *Favorem & gratiam Dei erga nos*, hoc sensu: Dominus mihi singulariter favebit, eritque propitius, & auxilio, gratia, atque amore me prosequetur suo. Utraque hæc significatio occurrit Genes. XVII. ubi Deus opt. max. Abrahamo ejusque posteris terræ Cananæ possessionem largissime promittit: & prior quidem versu 7. posterior autem vers. 8. juxta ipsius Cornelii Jansenii, episcopi Iprensis, expositionem. Sic enim is ad verba versiculi septimi, *ut sim Deus tuus & seminis tui post te, sive*



te, sive ut *sim tibi in Deum* & *semini tuo post te*, commentatur: *Id est, ut me solum habeatis & colatis Deum, obediendo scilicet voluntati & mandatis meis*: & versiculum octavum, ubi Deus pergit dicere, *eroque Deus eorum*, vel, *eroque iis in Deum*, hoc modo illustrat: *Id est, vicissim providentia, cura & favore ostendam, me esse Deum eorum, & eos esse populum meum*. Cornelius a Lapide quoad rem non dissentit ab hac explicatione, quamvis utramque in exponendis illis versiculi septimi verbis significationem conjungat, scribens: *q. d. Ea lege & conditione pactum tecum, & cum tuis, o Abram, in eo, ut scilicet sim tuus tuorumque Deus; nimirum ut a vobis solus adorer & colar, atque a me solo pen-deatis; ego vicissim vos quasi peculium meum amem, curem, protegam, & benedicam. Ita Vatablus, & alii.* \* Quum ergo tertia illa Jacobæ phraseos, *erit mihi Dominus in Deum*, significatio de cultu peculiari & ceremoniali, sit ἀγερῶς, & purum putum cerebri humani figmentum, nec altera de cultu generali & morali, hoc quidem in loco, † suis careat difficultatibus, vel ab illis, qui priorem amplectuntur, in hoc Jacobi voto admittatur, aut toleretur; quid impedit, quo minus dicamus, phrasin illam *non ad obligationem votantis* referendam esse, uti quidem Vulgatus interpret, & qui eum sequuntur, referunt, *sed potius ad voti conditionem*? Sic enim omnia erunt plana, & perspicua. Enim vero conditio voti, cui se mancipat vir sanctissimus, quæque versiculis continetur 20. & 21. quinque constat membris, quorum 1. est, *Si (vel quum) fuerit Dominus mecum.* 2. *Et servaverit me in via ista, qua ego profectu-*

Z

rue

\* Quanquam ego in Vatablo non reperio.

† Nec suis careat difficultatibus.) Sequitur enim inde, quasi Jacob jam ante & hætenus Dominum pro verò Deo non agnovisset nec nisi post impletionem voti agnitus esset; aut quasi licitum sit, sub ratione temporalis felicitatis, Deum colere.



rus sum. 3. Dederitque mihi panem ad comedendum, & vestimentum ad induendum. 4. Reversusque fuero prospere ad domum patris mei. 5. Et fuerit mihi Dominus in Deum h. e. si omnibus modis mihi faverit, & cura, providentia auxilioque suo adfuerit, quemadmodum Abrahamo, avo meo, ejusque natis ac postnatis gratiosissime promisit. Ad illum enim locum Genes. XVII, 8. ubi eadem plane occurrit phrasis, quæ vero, ut ostensum est, gratiam & favorem Dei singularem denotat, Jacobus in hoc suo voto videtur omnino respexisse. Et huic voti conditioni votum ipsum (cujus complementum vid. Gen. 35. 1. 3. 7.) subjungit, seu obligationem vers. ult. eamque bimembrem: 1. *Hic lapis, quem disposui in statuam, erit domus Dei.* 2. *Et quicquid dederis mihi, ejus decimas omnino sum daturus tibi, id est, & lapis, & locus, in quo lapis est, a me habebitur sanctus, tibi que consecratus, ad hoc, ut te ibi per sacrificia tanquam in altari colam: & de redditibus meis, quos tua benedictio mihi indulgebit, decimam partem erogabo ad faciendum sacrificia, & alendum ministros sacros, eorumque discipulos, ac pauperes.* Eodem sensu votum Jacobi explicatur a Rabbi Salomone Jarchi, quem Hebræorum Magistri *נר' יְהוֹלָה* & honoris causa appellant *Interpretem Legis*. Neque etiam huic adversantur LXX. Interpretes, qui sacri fontis literam presse heic & *נר' מִדָּה* sequuntur. Ita docet *Saubertus* in Operib. posth. pag. 150. Confer etiam *Tremellii* & *Junii* versionem, atque annot. in h. l. Cæterum si vel maxime probari posset, aut a nobis etiam concederetur tantisper, Jacobum verbis hisce, *erit mihi Dominus in Deum*, sese obligasse ad cultum; tamen, quum religionem suam non murârit, quemadmodum Jansenius & Cornelius a Lapide recte fatentur, non video, qua ratione colligi possit, eum apostatis hujus vitæ commoda respicientibus ivisse præ, eosque illum imitari. Patet itaque



que jam satis superque, falsissimam esse minorem argum-  
 ti propositionem, & tantum abesse, ut Jacobus voto suo  
 apostasiæ exemplum dederit, ut potius veris Dei cultori-  
 bus præluxerit, & hanc dederit doctrinam, quod videlicet  
 tales permanere, & quo majoribus a Deo beneficiis affi-  
 ciuntur, eo constantius atque alacrius Deum timere, ado-  
 rare, colere, eique gratias agere debeant; tum & divitibus  
 copiosisque hominibus, in quem usum præcipue confe-  
 rendæ sint opes, nimirum ad conservationem ecclesiæ cul-  
 tumque divinorum, sive ut vera Dei notitia in terris  
 propagetur, & ecclesiæ, scholæ, & pauperes alantur.  
 Vid. *Lutheri, Gerb. & Calov.* Comment. in h.l.

Alterum, quod nobis objiciunt, petunt ex Josuæ  
 cap. ult. §. 15. ubi magnus ille & piissimus Israëuitarum Im-  
 perator, in postremis regni sui, quæ in agro Sichemitarum  
 celebravit, comitiis, Primoribus ac populo optionem dat,  
 ex tribus religionibus eligendi unam, nimirum vel Chal-  
 daicam, cui Abramus, nondum a Deo illuminatus, cum  
 parente, fratre ac majoribus suis deditus fuerat, vel Cana-  
 næam, quam gentes extirpandæ observabant, vel illam,  
 quæ Abrahamo revelata, & per Moysen illustrius fuerat tra-  
 dita, atque, ut in hac electione commodum suum probe  
 attendant, graviter monet, inquiens: *Quod si malum videtur*  
*in oculis vestris* (וְאִם רָע בְּעֵינֵיכֶם) *colere Jebovam, eligite*  
*vobis hodie, quem colatis; sive deos, quos coluerunt majores*  
*nostri, qui habitabant trans flumen illud* (scilicet Euphratem,  
 in Ur, seu Orchœ, ut a Ptolemæo appellatur, urbe  
 Chaldæorum, unde in Mesopotamiæ urbem Haran, seu  
 Carras migrârunt, Gen. XI.) *sive deos Emoræorum, in*  
*quorum terra habitatis.* Inde jam sic contra nos argumen-  
 tantur: Quicquid, intuitu temporalis commodi, liberum  
 Israëlitis relinquitur a Josua, viro prudente ac pio, Deoque  
 valde charo, id per se non est malum, nec ullo modo vio-



lat conscientiam. Sed optio, seu mutatio religionum, intuitu temporalis commodi, libera Israëlitis relinquitur a Josua, viro prudente, ac pio, Deoque valde charo. Ergo. Sed facilis est responsio. Josua Israëlitis triplicem quidem proponit religionem, ut eligant, quam velint, ne dicant postea, se ad religionem Mosaicam coactos fuisse; sed non dicit, liberum esse *coram Deo*, sequi, quam vellent e duabus illis gentiliis: quin potius hoc intendit, veram religionem semel receptam, semper retinendam esse. Israëlitarum enim tum temporis Mosaicam, eamque veram religionem observabant, sed ita, ut pariter colerent deos alienos. Ab hac igitur impietate eos ut abducatur, beneficia a primo initio vocationis Abrahamæ, Isaac, Jacobi &c. usque ad terræ patribus promissæ occupationem & distributionem, ipsis exhibita enumerat, atque inde hortatur, ut pie ac religiose Dominum Deum suum colant, & legi ipsius reverenter obtemperent: ac omnem inobedientiam, inprimis vero idololatriam, quippe quæ cum veri Dei cultu consistere non possit, toto pectore fugiant. Sic enim, recensitis beneficiis illis, infert vers. 14. *Quare nunc timete Jehovam, & colite eum integre & fideliter: & amovete deos, quos coluerunt majores vestri in regione trans flumen illud, & in Aegypto, & colite Jehovam.* Atque in sequente versiculo, postquam eorum arbitrio dicam? an arbitrii abusui commiserat, num forte ad idololatricam Chaldæorum vel Cananæorum religionem applicare se vellent, suo suorumque exemplo ad veram eos provocare, seu potius in vera conservare studet, inquit: *Ego vero & familia mea colimus Jehovam.* Et quum sententiam suam dixissent, paratos videlicet se esse ad continuandam religionem veram, vers. 19. eosdem sic affatur: *Non potestis colere Jehovam, nempe deos alienos retinendo, & eorum cultum cultui Dei commiscendo.* Quod colligitur ex vers. 23. Prædicat quoque, Deum ipsis, si per-

stiterint



stiterint in religione vera, benefacturum cumulatissime, e contra vero gravissime puniturum apostasiam & inobedientiam. Hæc enim verba immediate subjungit: *Quia Deus sanctissimus est, non feret defectionem vestram, & peccata vestra. Quum deseretis Jehovam, & coletis deos alienigenarum, tum conversus malo afficiet vos, & consumet vos, postquam benefecerit vobis.* Ille itaque prudentia, pietate, Dei, que gratia illustrissimus Dux, optionem religionum, tanquam rem indifferentem, & decempeda boni præsentis mensurandam, Israëlitis minime concessit, quin potius eos ab apostasia, aut mixtura religionum, quam potuit maxime, avocare, & vinculo veræ religionis, quam hactenus non plane, nec unice sequebantur, arctius constringere voluit. Atque eodem modo præsentem locum exposuit eruditissimus *Andr. Masius*, cujus verba, quamvis pluscula, exscribere non pigramur. *Quæ coacti recipimus, inquit ille, ea nulla verecundia frangimus: quibus vero nos ultro obligavimus ipsi, quæque deliberato animo promissimus, ea se temere violemus, impudentissimi sumus.* Ergo ut gentis animos ad fœdam religionem proclivissimos arctiore nexu in probam alligaret prudentissimus Imperator, principio ostendit, quænam fuisset majorum religio, cum in Mesopotamia illi habitarent, eamque fuisse positam in cultu alienigenarum deorum dixit: deinde addidit, quibus auspiciis illa cum cultu Jehovæ h. e. veri Dei fuisset commutata. His itaque religionibus duabus propositis, jam illos quodammodo solvit utraq, & velut manu emittit, optionemque dat, non solum, ut harum duarum, utram velint, suscipiant, sed tertiam etiam insuper addit, eam nempe, quam tenent eæ gentes, inter quas nunc versantur: a qua profecto vel maxime opus erat ut abalienarentur. Quamvis autem optionem istam illis velit liberrimam, ne olim causari possint, nullis se suasionibus esse deceptos, atque idcirco nullo



verbo adhuc aliorum deorum sacra cultusque culpa verit, tamen veritus, ut videtur, ne laxatis harenis gens fidei fluxu prono cursu ad Chanaanæorum deos se proriperet, adjungit, quid ipse cum sua familia sit factururus. Quare nullam quidem ipsis imponit necessitatem alterutrius optionis, sed profecto mirifica, ut mihi videtur, mentes omnium arte atq; efficacitate ad veram religionem vocat. Cur enim non statuunt, ejus Imperatoris religionem sibi esse imitandam, cujus prudentiam summam in rebus omnibus, atq; insuper sanctitatem felicitatemq; incredibilem adhuc essent experti? Non obstant igitur objectiones allatæ, quo minus iterum aperte atque intrepide pronunciemus: Ab orthodoxa ad heterodoxam religionem, commodi temporalis causa, illæsa conscientia transire christianorum posse neminem.

## ΕΠΙΜΕΤΡΑ.

### I.

**Q**ui sibi persuadent, licere externis ceremoniis simulare religionem heterodoxam, & dissimulare orthodoxam, eo quod Naaman Syrus, bona cum venia Elisei prophætæ, idem fecerit, 2. Reg. V, 18. 19. illi egregie falluntur, nec mentem neophyti satis recte intelligunt. Si ve enim is de præterito loquatur (uti exponit Joh. Saubertus, in uaxaginis, in Germanico libello, quem inscribit Christlich Präservativ, Dannh. in Colleg. Decal. p. 248. 397. Lightfoot in Lucæ c. IV. 27. & Quenstedt Disput. in hunc nostrum locum, de Petitione Naamanis Syri, §. 21.) si ve de futuro (ceu placet Jun. Tremell. & Hackspanio Annot. in b. l.



b. l. Dilh. Propheten-Schul p. 176. & Sebast. Schmidio Disp. in b. l.) neutiquam tamen exinde impia illa atq; absurda sententia stabiliri potest; si ponatur etiam, Naamanem loqui non de incurvatione religiosa, sed servili & coacta, quæ deceat ministrum regium.

## II.

Quamvis nihil certi de auctore ministeriali & secundario libri Josue, utrum nempe Josua ipse eum scripserit, vel alius, & quis, nobis conslet; per id tamen auctoritati & Jacobi libri nihil quidquam detrabitur, quum & ipse prorsus gaudeat requisitis scripti canonici veteris Testamenti. Jac. Raupp. in Prolegom. in librum Jos.

## III.

Cyprianus, genere illustris, patria Carthagenensis, dignitate ante conversionem Senator & Rhetor, post conversionem vero Presbyter, & dehinc Episcopus Carthagenensis fuit, prænomen a Cæcilio presbytero, qui ei fidem christianam persuasit, sortitus, & anno a Servatoris nativitate, si Joh. Gottfr. Oleario in Abaco Patrolog. p. 123. credimus, CCLIX., si Centuriatoribus Magdeburgensibus Cent. III p. 249. CCLIX. si Baronio in Annalibus, CCLXI. d. 14. Sept. martyrio coronatus. Eum autem ineunte ætate δαυμὸν ἡγεμὸν, seu magum & veneficum fuisse, Gregorius quidem Nazianzenus Orat. in laudem Cypriani, & Prudentius in Quas. hymn. V. (quos etiam secutus est Waldschmid. in Pythion. Endor. p. 371. & qui ibidem citantur) memorie prodiderunt; sed observatum est a viris eruditis, eos nominum similitudine deceptos, Carthagenensem Cyprianum cum Antio-



Antiocheno, qui sane ante conversionem magus fuit, deinde vero Episcopus Antiochenus, siue, ut alii volunt, Nicomediensis factus, itidem martyrium subiit, confudisse. Vid. Magdeburgenses Cent. III. Cap. X. p. 242. Baronius ad ann. Christi 250. n. 5. Billius in Not. ad prædicationem Nazianzeni orationem, Gerh. in Patrolog. p. 163. Dannh. Christeid. Act. I. p. 378. Olear. in Abaco Patrolog. p. 124. & Spizelius in Addit. ad Literatum Feliciss. p. 173. nec non in libro peculiari, cui titulum fecit Gebrochene Macht der Finsternis / p. 455. Noster autem non fuit magus ante conversionem, quia 1. rhetoricam, utpote liberalem artem tractavit, 2. nec Cyprianus ipse in descriptione suæ vitæ, lib. 2. ep. 2. magiæ talis meminit. 3. nec Pontianus, diaconus ejus, in vita Cypriani. 4. liber de Pœnitentia, unde hoc probare nituntur, pro apocrypho habetur a Gelasio c. Sancta Romana, dist. XV.

## IV,

*Veritas alicujus religionis non est æstimanda ex opinione. vel professione eam sectantium, seu quod illi, qui religioni isti sunt addicti, putant, dicuntve, eam esse veram, Luc. 21, 15. sed ex requisitis religionis veræ. Est autem vera religio verus de Deo sensus, & verus Dei cultus.*  
 Joh. Olear. in Continuat. Isagog. Carpzov. in Libb. Symbol. Eccles. Luther. p. 1741.

ss (O) ss

DISSER.





# DISSERTATIO V. DE MODERATIONE THEOLOGICA.



On heic nobis animus est, agere de Moderatione *Ethica*, quam Philosophia Moralis ad affectus sensuum, aureo rectæ rationis freno moderandos, cuius veræ & civilis *ἠθικῆς* candidato præscribit; nec de moderatione *christiana*, quam sacre literæ omnibus ac singulis fide libus graviter commendant ac præcipiunt, ut iræ æstus moderentur, & appetitum carnis, virtute Spiritus sancti, coërceant, modestiaque ac mansuetudine erga proximum utantur, atque adeo mediocritatem seu modum, qui omni in re est optimus, studiose observent, & solícite sectentur: sed de moderatione, quam sibi commendatam habere debent *Theologi*, h. e. Doctores tam ecclesiastici, quam academici, qui in sacris paginis interpretandis occupantur.

Quum autem moderatio hæc theologica variis modis accipi possit, sciendum, nos per eam hoc loco intelli-

Aa

gere,



gere, non intempestivam concertationum theologicarum moderationem, quæ ex præpostero pacis studio, cum officii neglectu & damno veritatis, exercetur; contra quam VII. Dissertationes scripsit, & Wittebergæ habuit magnam inter Theologos famam adeptus, Sam. Pomarius: nec dubitationem academicam, quam i. Davidon & Joh. Gerhardus in Meth. Stud. Theol. p. 181. ab adytis sacris longissime abesse jubet: *De rebus sacris, inquit, non oportet topice, probabiliter, & in utramq. partem, sed scientifice, apodictice, & ἀποδεικτικῶς disputare, ne academica ἐν ἑκείνῃ in Theologiam introducatur.* Augustinus l. XIX. de C. D. c. 18. scribit: Civitas Dei academicam dubitationem tanquam dementiam averfatur. *Hujus præcepti parum memores fuerunt Scholastici, qui topicis argumentationibus etiam ea, quæ immotæ ac certissimæ veritatis sunt, in dubium vocarunt &c.* Quo nomine & Judæi accusantur ab Hackspanio nostro in Addition. ad Lipm. p. 291.

Nec moderationem in controversiis, quæ nobis intercedunt cum adversariis: quem in finem Consilium de moderandis controversiis religionis olim scriptum test a communi Germaniæ præceptore, Philippo Melanchthone, ad Franciscum, Galliæ Regem, anno 1535. in quo vir optimus ostendere satagit, facilem esse dijudicationem omnium controversiarum, de potestate Pontificia, de traditionibus & ordinationibus humanis rerum indifferentium, de justificatione, de cultu Sanctorum, de votis & cœlibatu Sacerdotum: tantum articulum de Missa habere aliquid difficultatis; quamvis sperandum sit, inter bonos & pios de omnibus conveniri posse, dummodo summi Reges animum applicent ad studium illustrandæ Ecclesiæ, & dent arbitros maximarum istarum rerum idoneos, b. e. pios, eruditos, moderatos. Qui liber exstat in tomo IV. Operum Philippi p. 825. Et in epistola ad Regem christianissimum, quæ ei præmittitur, inter alia sic scribit: *Mibi quidem*



quidem nullæ immoderatæ opiniones, aut quæ labefactârunt pulcherrimum & sanctissimum Ecclesiæ ordinem, unquam placuerunt. Quo quidem nihil in terris charius, nihil antiquius esse omnibus debet.

Nec denique moderationem animi, præcipue viris theologis convenientem, in perferendis ac dissimulandis aliorum injuriis: qualem se omnino præstitit idem Melanchthon, ceu ipse refert sub finem Respons. ad criminat. Staphyli p. 822. *Objiciuntur nobis (a Pontificiis) & Flaciana dissidia, quæ mihi quidem propter publica incommoda magnum dolorem adferunt, ideoque ne majores distractiones, & dogmatum certamina orirentur, tacui. Quæ in re multorum prudentum exempla secutus sum. Nec recens banc Socraticam philosophiam disco. Multas injurias mihi illatas inde usque a triginta annis moderari moderatione tuli, ut multi nōrunt. Et, ne propria hæc viri laus sordere cuipiam videatur, sciendum, eam cum multos alios suo testimonio confirmasse, tum in primis clarissimum Academiæ Tubingensis quondam doctorem, & integrum veri arbitrum, Jac. Herbrandum. Ita enim ille in orat. pro Phil. Mel. Fuit autem D. Philippus natura miti ingenio, studiosus pacis & concordie, amans tranquillitatis, abhorruit ab omnibus seditiosis & tribunitiis consiliis, moderatus, & vere iustus.*

Sed abstinentiam a questionibus non necessariis, & curiosis, quæ sine ædificatione discentium temere moventur, operose tractantur, atque audacter deciduntur. Cui vitio in primis dediti erant Scholastici, sicut non tantum illi, quos Adamus Tribbechovius in suo de Doctoribus Scholasticis libro singulari, eoque eximio, cap. 7. citat, sed etiam alii viti magni & docti observârunt, nempe Majores nostri in Apol. Aug. Conf. Libb. Normal. Norib. p. 261. 368. 380. 660. 662. 663. 681. 747. Thomas Didimus Faventinus (sub quo latet Philippus) in orat. pro Luthero, quæ legitur in



tomo II. Operum Melanchth. p. 38. G. Calixt. in ep. ad Tit. c. III, 9. p. 34. Titius in disp. de Virib. hum. & lib. arb. th. 12. Hildebr. in Theol. Dogm. I. §. 26. Henr. Müller in epist. dedic. Theologiæ ipsius Scholasticæ præmissa, &, qui primo fere loco nominandus erat, Joh. Gerhardus in Meth. Stud. Theol. p. 302. & seqq. ubi collectis in certas classes nugacibus illis quæstionibus, quas Desid. Erasmus in Adnot. ad 1. ad Tim. I, 6. confuse & sine ordine, sed nec sine stomacho, recitaverat, ita scribit: *Scholastici ut in principiis theologicè differendi, ita quoq; in ipso disputationum objecto aberrant: proponunt enim quæstiones otiosas, curiosas, spinosas; inutiles, absurdas, supersticiosas, quandoq; etiam impias.* — Sic otiosæ quæstiones sunt: *An in statu innocentie fuisset æqualis numerus virorum ac fœminarum. An omnes nati fuissent in sexu masculino. An pueri in statu innocentie cum perfectio rationis usu fuissent nati. An generatio facta fuisset per coitum. An cum partu fuisset integritas.* Curiosæ sunt: *Qualis futurus sit ignis, quo mundus olim destruendus. Quam magnum, latum, altum sit cœlum empyreum. An in eo saltandum. An sit satis luminosum. Quid Deus egerit ante mundum conditum.* Spinosæ sunt: *An Deus possit aliqua distincte intelligere, si ad illa non habeat distinctas relationes rationis. An possit producere respectum sine fundamento & termino. An possit facere Angelum informare materiam. An possit producere naturam universalem sine singularibus.* Inutiles sunt: *An natura universi magis sit unibilis, quam natura humana. An homo incarnatus debuerit esse Adam. An conveniens fuerit educio carnis Christi de viro & muliere. An convenientius de viro. Absurdæ sunt: An filius Dei naturam asini, serpentis, columbæ, debuerit ac potuerit assumere. An Deus loco Christi potuerit suppositare mulierem. An asinus bibat baptismum, si bibat aquam consecratam. An fuisset bona forma, si Christus baptismum instituisset in nomine*  
buff



*buff buff. Superstitiosæ sunt: An mus arrodens hostiam consecratam, arroat corpus Christi. An corpus Dominicum in ventre muris, qui in muscipula circumfertur, Memorandum sit. Quid agendum cum mure isto, exenterandusne sit, & hostia consecrata, in eo reperta, fidei ad comedendum offerenda. Impiæ sunt: An possibilis sit propositio: Pater Deus odit Filium. An Deus loco Christi potuerit suppositare diabolum. Si Deus suppositasset cucurbitam, quomodo illa fuisset concionatura, quomodo miraculum editura, quomodo crucifigenda. An efficax sit baptismus, si consecratur in nomine diaboli. An Pontifex Rom. abrogare possit, quod Apostolicis scriptis decretum. An sit simplex homo, an quasi Deus, & participet utramq; naturam cum Christo. An clementior sit, quam fuerit Christus, cum is non legatur quenquam a purgatoriis pœnis revocasse. An possit novum articulum condere in fidei symbolo. An possit præcipere Angelis. An possit arbitrato suo cœlo excludere, etiam immerentes.*

Abfit tamen, ut omnes propterea Scholasticos, omniaque eorum scripta, cum Schillingio, Amefio, Altingio, Ramo, Val. Weigelio, & Aventino, damnemus, & quod proverbio dicitur, infantem cum sordibus, aurum cum scoriis projiciamus; quin potius mitiori de iis optimorum auctorum, qui a Tribbechovio in laudato libro p. 160. & 161. allegantur, judicio subscribimus, & cum accuratissimo D. Hildebrando fatemur, laudem in Scholasticis mereri (1) ingenii acumen, a quo in *Apol. Aug. Conf. art. de Justificat.* magni & ingeniosi homines dicuntur. (2) conservationem philosophiæ Aristotelicæ, quam ex Arabica lingua conversam habuerunt. Addit laudatus vir tertio loco, atque in iis probat modestiam in disputando: *Etsi enim, ait, in diversissimas sectas subdivisi sint, in magno tamen dissensu sancta inter ipsos fuit concordia. & vix inter tot controversias levi scommate notatum adversarium invenies.* §. 39. Ita & Calixtus in epist. ad



Tit. III. 19. p. 34. Quamvis Erasmus eos a conviciis, injuriis ac condemnationibus dissentientium non absolvat, quando in Enchir. milit. christ. scribit, eos frequenter usq; ad pallorem, usq; ad convitia, usq; ad sputa, nonnunquam & usq; ad pugnos invicem digladiari. Et contra Latomum: Scholastici non omnes idem sentiunt, nec omnes sunt liberi ab errore. Nam qui Thomam sequuntur, & a Scoto dissentiunt, eos pene pro hæreticis habent.

Quanto magis igitur peccant, & quanto majorem merentur reprehensionem, qui abominabilem illam Scholasticorum curiositatem non modo imitantur, & vel in homiliis, vel prælectionibus aut disputationibus academicis, vel in scriptis publicis ad quæstiones non-necessarias atque inexplicabiles frequenter delabuntur, sed etiam pro fundamentalibus eas venditant, & alios, quibus hujusmodi olera non sunt ad palatum, nec contemnendas sententiæ suæ afferunt rationes, tanquam hostes fundamenti fidei impie non magis, quam stolide damnant, rejiciunt, atque anathematizant! Mala res est curiositas; sed, si temeritas affirmandi, & zelus, qui non est secundum scientiam, accedit, detestanda evadit, ac prorsus intolerabilis. Quo majus itaque hoc vitium est, quoque perniciosius, eo magis ab eo cavendum est. Et ne cæcitate judicii, quod inter quæstiones fundamentales, & juxta annatas, distinguere nescit, temerariæque furore condemnationis corripiamur, vanas & curiosas quæstiones, inanesque controversias missas faciamus, atque ita moderationi, Theologos & theologiæ alumnos decenti, studeamus, idque propterea, quia sic volunt, sic jubent (1) Scripturæ S. dicta, & exempla, (2) Rationum pondera, (3) Doctorum suffragia.

Atque ut a Scripturæ S. dictis exemplisque initium faciamus, Psalter Regius in Ps. XXXI, 7. ait. *Odi eos, qui observant vanitates vanissimas*: Die halten auff Eitelkeit/ut olim



olim reddidit Lutherus. Nam & quæstiones frivolæ inanæ, frustraneæ atque ineptæ, merito appellari possunt. *וַנִּיבָנוּ הַבְּלִי* *vanitates vanitatis, seu nihili*. Idem vir magnus negat in Ps. CXXXI, 1. *se aggressum esse res magnas aut arduas supra, quam conveniat sibi*. Id quod cum Kimchi, teste in h. l. Geiero, licet etiam transferre ad res theologicas, quod in iisdem non extulerit se David, neq; scrutatus sit ea, quæ captum superarent suum. Et Ps. CXXXIX, 6. professione impecillitatis propriæ, quæ capiendis arduis infinitisq; scientiæ DEI objectis sit impar, ita concludit: *Mirabilior est scientia tua, quam ut fallam, vel, quam ut assequi aut comprehendere possim: edita est, non possum prævalere illi*, sive, ut Pagninus & Campensis reddunt: *non potero ad eam pertingere*. Adeoque exemplo suo docere voluit Rex humillimus, non esse indaganda, quæ instar montis inaccessi, nubiumve aut astrorum, altissime supra nos eminentium, omnem nostrum excludunt conatum, penitusque scrutinium, aut indagacionem. Salomo, mortalium sapientissimus, Eccles. c. VII, 16. præcipit: *Ne esto justus nimium, neq; sapere tibi videtur nimium*. Ubi *nimium* virtutibus, in medio positis & excessum respondentibus, adjectum, earum extrema denotat. Sermo heic est, judicio Geieri, *de fugiendo nimio studio sapientiæ, quo intempestivius omnia ad vivum resecare conamur, fastidientes prorsus simplicitatem christianam, vitamq; practicam, unice sectantes fastuosam præ aliis scientiam, magisq; occupati circa notitiam vanitatum, quam salutarem regni cœlestis investigationem, item magis intenti nostris commodis aut ambitioni, quam ædificationi aliorum*. Idem videtur velle Sponsus in Cant. Cant. II, 15. amicis, in vinea ecclesiæ laborantibus, dicens: *Prebendite nobis vulpes, vulpeculas corrumpentes vineas*. *Vulpes* sunt falsi doctores; *vulpeculæ* illi, qui nimium scrutantur, & propositiones non necessarias, præcipue



cipue in scholis, justo plus urgent, animasque christianas a pietate ad profanos de rebus inanibus clamores, & oppositiones falso nominatæ notitiæ, sub salutaris specie orthodoxiæ, abducunt. Contr. Berg. conc. 2. de Controv. fid. p. 70. Nec minus Siracides in saluberrimi libri sui cap. III, 21. 22. temerariam curiositatem prohibet, his utens verbis: *Difficiliora captu tuo ne queras temere, & valentiora viribus tuis ne exquiras insipienter: Non enim opus est tibi, ut occulta intuearis oculis.* Quasi dicat, ita exponente hunc locum Corn. Jansenio: Necessariis rebus cognoscendis tantum vacandum est. Conf. & Corn. a Lapide.

Et quoties Prophetæ in hos veræ doctrinæ æruscatores invehuntur! Esaias cap. 1, 22. ait: *Argentum tuum abiit in scorias, merum tuum inspurcatum est aqua.* Atque hoc dicto, uti Tibbechovius c. 7. p. 156. interpretatur, veram fidem traditionibus, & sapientiam divinam humanis inventis commaculantes redarguit, DEI nomine, Prophetæ sanctissimus. Idem cap. LIX, 4. & 5. ejusmodi nugivendulos perstringit, inquiens: *Quisq; confidit rei inani, & loquitur vanum, concipit laborem, & parit mendacium. Ova hæmorrhoi, excludunt, & telas aranei texunt.* Sane ova hæmorrhoi sive basilisci excludunt, qui doctrinas antichristi proferunt, & telas aranei texunt, qui, ut Verulamius lib. 1. de Augment. Scient. loquitur, telas quasdam doctrinæ conficiunt, tenuitate fili operisque admirabiles, sed quoad usum frivolas & inanes. Apud Jeremiam cap. IX, 23. sic ait Jehova: *Ne gloriator sapiens in sapientia sua.* Fit autem plerumque, ut, qui sibi nimium sapientes videntur, atque argutis & inextricabilibus quæstionibus operam impendunt, proprii honoris & gloriæ causa id faciant, eoque nomine multum se efferant, tanquam illi, qui nôrunt, quid Jupiter in aurem dixerit Junoni.

Matth.



Matth. X, 16. Christus discipulos suos, eorumque fideles successores omnes jubet *esse prudentes*. Quæ prudentia ab illis abest longissime, qui sanctissimum verbum ejus vana curiositate corrumpunt, atque in ejusmodi materiis desudant, quæ auditoribus & discipulis obsunt magis, quam profunt, aut certe non profunt. Idem optimus atque incomparabilis Magister sciscitantibus discipulis suis, & dicentibus: *num hoc tempore restitues regnum Israël?* respondit: *Non est vestrum scire tempora, siue opportunitates, quas Pater in sua ipsius potestate constituit*, ceu Lucas refert Act. I, 6. & 7. Quo ipso curiositatem eorum de rebus non-necessariis reprimere ac reprehendere voluit, prout Sanctius, & omnes fere alii hujus loci interpretes observant. Et in hac doctrina Magistrum suum & *moda* fidelissimeque sequitur S. Paulus apostolus, quippe qui in pluribus locis inutilem illam altiora & perscrutandi definiendique operam graviter reprehendit prohibetque. Sic enim scribit ad Romanos cap. XII, 3. *Per gratiam, quæ mihi data est, edico cui vis versanti inter vos, ne supra modum sapiat ultra quam oportet sapere: sed sapiat ad sobrietatem, prout cuique Deus partitus est mensuram fidei.* At quid curiosuli nostri? an ad sobrietatem sapiunt, vel potius supra modum, & ultra quam oportet sapere? In I. epist. ad Corinth. c. III, 12. ait, alios doctores *super fundamentum*, quod est Jesus Christus, siue doctrina de Jesu Christo, ejusque incarnatione, merito & satisfactione, *super ædificare aurum, argentum, lapides pretiosos: alios vero lignum, fœnum, stipulam.* Quem locum, in se satis difficilem, theologus clarissimus, G. Calixtus, in Expositione literali hisce illustrat verbis: *Tria materiæ pretiosæ & duraturæ nominat genera, quibus metaphorice non ipsam fundamentalem doctrinam, sed quæ circa illam oriri possunt quæstiones, aut potius modum docendi*

Bb

cendi



cendi significatum iuit. Nempe qui quæstiones, quæ circa religionem christianam moveri solent, ad ipsam doctrinam plenius & perfectius intelligendam utiles & necessarias, recte, commode, & vere exponit, item modo utitur docendi, qui evangelio conveniat, remoto a curiosis argutiis & fastu verborum, hortatur, consolatur, quodocunque opus est, is superædificat super fundamentum, aurum & argentum & gemmas. Alius, qui otiosis quæstionibus indulget, & argutiis nihil ad rem facientibus ingenii acumen ostentat, aut grandiloquentia quadam & ambitiosis verborum phaleris doctrinam proponit, is superædificat ligna, fœnum & stipulam. Itidem tres vilis & peritura materiae species nominat, per quas similem doctrinam, inanem scilicet & otiosam significat. Non potest autem alia intelligi, quam quæ fundamentum saluum retineat, hoc est, doctrinam de redemptione per Christum non evertat: qui enim negat, Christum verum Dei Filium in mundum venisse, & nos sanguine suo redemisse, super fundamentum is non ædificat, sed penitus eo excidit, & plerunque aliud fundamentum ponit. Igitur, ut diximus, inconueniens Christianos docendi articulos modus, aliæq; inutiles, otiosæ & curiosæ quæstiones, lignis, fœno & stipula indicantur. Cum hac expositione convenit plane id, quod habet Apologia August. Confess. ad Artic. de Ecclesia pag. Libb. nostrorum Normalium 355. Hæc Ecclesia proprie est columna veritatis. Retinet enim purum evangelium, & ut Paulus inquit, fundamentum, hoc est, veram Christi cognitionem, & fidem, etsi sunt in his etiam multi



multi imbecilles, qui supra fundamentum ædificant stipulas perituras, hoc est, quasdam inutiles opiniones, quæ tamen, quia non evertunt fundamentum, tum condonantur illis, tum etiam emendantur.

Sed pergendum nobis est in recensendis reliquis dictis, quæ ad propositum nostrum faciunt. Nimirum ἐκ μέρους καὶ ὡς τοιοῦτον ex parte, respectu videlicet cognitionis futuræ atque intuitivæ, cognoscimus, scribit idem Apostolus in 1. ad Cor. XIII, 9. Quorsum ergo immoderata illa atque effrenis sciendi libido, temeritasque? Et Timotheo suo injungit, ut denunciaret nonnullis, ne attendant fabulis. & genealogiis nunquam finiendis. 1. ep. I, 4. Profanas & aniles fabulas avertare. c. IV, 7. Si quis diversam docet doctrinam, neque accedit sanis sermonibus Domini nostri Jesu Christi, & ei, quæ secundum pietatem est, doctrinæ, is instatus est, nihil sciens, sed insaniens circa quæstiones ac pugnas de verbis. Abscede ab eis, qui ejusmodi sunt. c. VI, 4. Avertare profanos illos de rebus inanibus clamores, oppositiones falso nominatæ notitiæ. vers. 20. Profanos illos de rebus inanibus clamores cohibe. 2. epist. c. II, 16. Stultas & ineruditæ illas quæstiones avertare. vers. 23. Et in epistola ad Titum: Sunt enim multi subjici nescii, & vaniloqui. Quam ob causam eos redarguito præcise, ut sani sint in fide, non attenti Judaicis fabulis. c. I, 10. 13. 14. Stultas quæstiones & genealogias, & contentiones ac pugnas legales περισσῶς, cohibe, circumquaque quasi obsidendo, & omnes rimas occludendo, ne in ecclesiam irrepant. cap. III, 9. Ex horum dictorum diligente collatione liquet, non damnari ejusmodi fabulas, quæ doctrinam aliquam utilem, sive moralem sive speculativam, continent, sed illas, quæ vocantur profanæ & aniles. Qualibus Judæi non tantum erant illo tempore, sed etiam nunc sunt dediti. Unde in ep. ad Titum, c. I, 14. Ἰουδαίους μύθους Apostolus appellat. Vid. Synag. Judaic.



Buxtorffii, item Jüdische Lügenden Helvici. Et Benjamin Tudel. in Itinerario suo pag. 83. Judæorum Themæ & Tilmasis incolarum mentionem faciens, ipsorum principem ait esse Salomonem, cujus frater sit Annas princeps, qui sint e progenie beati Regis Davidis; *habent enim* (ita pergit ille) *librum genealogiæ, & extracta questionum penes Æchmalotar-cham.* Ubi per מִשְׁנֵת שְׁאֵלֹת h. e. *extracta questionum*, annotante Constantino L' Empereur, intelliguntur quæstiones genealogicæ, seu ea, quæ magna cura Judæi pro more suo e genealogicis disputationibus excerpserant. Nec immerito disputationes illas genealogicas prudentissimus Christi Legatus proscripsit, & ab ecclesia christiana procul abesse jussit: Quemadmodum enim ante Christum magnus genealogiarum apud Judæos fuit usus, ad conservandam distinctionem agrorum & possessionum, atque ut nosci posset, quinam admittendi essent ad munia sacerdotalia, maxime vero e qua tribu nasciturus esset Messias, ita earum studium, Christo exhibito, antiquato sacerdotio, & politia Judaica a Romanis prostrata & abolita, inutile, otiosum, quin immo perniciosum evasit. Videfis J. M. Langii tract. pecul.

Rationes autem, ob quas subtiliores & curiosæ quæstiones omittendæ sint, depromere haud difficile est: nam & sana mens facile eas invenit, & sacræ paginæ in memoratis dictis abunde suppeditant. Enim vero omittendæ sunt (1) quia non pertinent ad objectum theologiæ, five ad ea, circa quæ occupatum esse oportet theologum. Audiamus hac de re Gerhardum, sic scribentem in Meth. Studii Theol. p. 302. *Theologiam definit Apostolus ad Tit. I, 1. ἀγνοῶσιν ἀληθείας τῆς κατ' εὐσεβείαν, agnitionem veritatis, quæ secundum pietatem; ac proinde quicquid nec ad veritatem scitu necessariam, nec ad pietatem pertinet, pro theologico axioma vel problemate haberi non debet.* Adde Cellar. disp. de Nat. Theolog. ph. 17. (2) Non proponuntur nisi a sciolis & audaculis, qui præ aliis sapere, nihil se nescire, digitisque suis coelum ipsum



ipsum metiri, & supera pariter ac infera omnia se monstrare posse sibi persuadent. Graphice tales Icaros depingit & perstringit Erasmus, cum alibi, tum in Mor. encom. *Ar- cana*, inquit, *mysteria suo explicant arbitrato, qua ratione conditus ac digestus sit mundus: per quos canales labes illa peccati in posteritatem derivata sit: quibus modis, qua mensura, quantulo tempore in virginis utro sit absolutus Christus: quemadmodum in synaxi accidentia subsistant sine domicilio.* (3) Quia nullam pariunt utilitatem, nec homines vel doctiores reddunt, vel meliores. ad Tit. III, 9. Immo potius (4) lites ac disputationes vanas & scandalosas excitant: Unde probra nonnunquam, convicia, odia atque inimicitiae nascuntur. Quam rationem urget S. Apostolus Paulus in 1. ad Tim. I, 4. c. VI, 4. & 2. Tim. II, 23. (5) Quia sunt mater errorum, & falsarum Scripturae expositionum, ita censente D. Calovio in Proleg. ad Bibl. Illustr. p. 19. Nam *Xlma causa*, inquit, *falsarum interpretationum Biblicarum est cacoëthes multiplicandarum questionum.* Quum enim difficultates quaerunt Interpretes, ubi nullae sunt, contradictiones fingunt, ubi nullae occurrunt, & questionibus sine fine & numero excogitandis operam navant, quemadmodum Alphonsum Tostatium Sixtus Senensis celebrat, quod tot & tantis scholasticis questionibus expositionem prosequutus sit, ut crebro in unius tantum vel brevis capituli explanatione supra 170. scholasticas quaestiones attulerit, saepe magis obscurant, quam illustrent Scripturam, & nimium quantum a simplici eius sensu & intelligentia divaricârunt. Denique (6) quia earum tractatione bonae horae male perduntur. Cujus pretiosissimi thesauri improvidos decoctores, cum Seneca ex epist. 88. jure meritoque alta voce inclamaveris: *Tempori parcite!*

Bb 3

Ac



Ac tales subtiliores λεπτολεξίας, sive, ut Erasmi verbis  
 utar, curiosas, spinosasque argutias, & jejunas questionum  
 anxietates, viri docti & prudentes omni ævo improbârunt  
 ac detestati sunt, moderationem vero theologicam secuti  
 sunt & commendarunt maxime. Nam Tertull. lib. de Pu-  
 dicitia cap. 9. ait: *Malum in Scripturis minus si forte sapere  
 quam contra.* Idem de præscript. hæc. c. 14. *Fides in regula,*  
 (quam nos vocamus Symbolum Apostolicum) *posita est.*  
*Habes legem & salutem de observatione legis.* *Exercitatio*  
*autem in curiositate consistit, habens gloriam solam de pe-*  
*ritiæ studio.* *Cedat curiositas fidei, cedat gloria saluti.*  
*Certe aut non obstrepant, aut quiescant.* *Adversus regu-*  
*lam nihil scire, omnia scire est.* Et in lib. de Anima: *Certa*  
*semper in paucis, & amplius christiano quærere non licet.*  
 Levitici cap. VII. votivum aut voluntarium sacrificium die  
 primo & secundo comedi permittitur: die autem tertio in ci-  
 bum adsumi severe prohibetur, & quod superfuerit, igne  
 comburi jubetur. Origenes more suo allegorice interpre-  
 tatus, primum diem dicit esse Scripturam veteris, secundum,  
 Scripturam novi Testamenti. Si quid autem fuerit, quod  
 neutra Scriptura divina decernat vel exponat, non exspe-  
 ctandam esse aliquam tertiam, sed igni, inquit, trada-  
 mus, quod superest, id est, Deo reservemus. Neque enim  
 in præsentivita Deus scire nos omnia voluit, maxime quum id  
 & Apostolus dicat: Quia ex parte scimus, & ex parte pro-  
 phetamus: quum venerit autem, quod perfectum est, de-  
 struentur illa, quæ ex parte sunt. 1. Cor. XIII, 9. 10.  
*Iste est ergo ignis, cui quæ in tertium diem superfuerint,*  
*servare debemus, & non temeritate præsumpta assumamus*  
 nobis



nobis cunctorum scientiam, ut merito nobis dicatur ab eodem Apostolo : Nescientes neque quæ loquuntur, neque de quibus affirmant. 1. Tim. I, 7. Lactant. Instit. l. 3. de falsa sapientia c. 20. Quid his facias, qui inconcessa scrutari volunt? Nimirum multo sceleratiores, qui arcana mundi & hoc cæleste templum profanare impiis disputationibus quærunt, quam qui ædem Veste aut Bonæ Deæ, aut Cereris intraverint. — Quid si aliquid investigare possent? Sunt enim tam stulti in asserendo, quam improbi in quærendo: cum neque invenire quicquam possint, nec defendere, etiam si invenerint. Nam si verum vel fortuito viderint, quod sæpius contingit, committunt, ut ab aliis id pro falso refellatur. Non enim descendit aliquis de cælo, qui sententiam de singulorum opinionibus ferat: quapropter nemo dubitaverit, eos, qui ista conquirant, stultos, ineptos, insanos esse. Socrates lib. 5. H. E. c. 22. de Arianis agens: Contentiosæ quæstiones, inquit, quæ quotidie apud illos agitabantur, sermones illorum ad absurdas quasdam sententias perduxerunt. Hilarius, Piætavienſis Episcopus, lib. 10. de Trinit. Sicut Sol ita videndus est, ut possit videri, tantusque excipiendus lumine est, quantus admittitur, ne, si plus velimus spectare, minus quoque, quam possumus, consequamur: ita & ratio cælestis in tantum intelligenda est, in quantum se permittit intelligi; in tantum expetenda est, in quantum apprehendendam se dedit; ne, si contenti indulgentiæ moderatione non sumus, amittamus indulta. Et prope finem citati libri: Non per difficiles nos Deus  
ad



ad beatam vitam quaestiones vocat. — Nemo itaque ea, quae ob ignorationem nostram dicta sunt, ad occasionem irreligiositatis usurpet. Adde l. 2. p. 19. Gregorius Nazianzenus (quem hoc nomine laudat Valerius, episcopus quondam Veronensis, in praefect. tertia, Rhetoricae eccles. subjuncta) in libro de Moderatione adhibenda in disputando, profitetur, se malle esse ignarum, quam curiosum, & stupidum, quam audacem in pronunciando. Et in Orat. XIV. quae est tertia de Pace, ita exoptulat: Quid haec, o viri, & quamdiu? non tandem aliquando resipiscemus? non expergiscemur? non erubescemus? non, si nihil aliud, hostium certe linguis, quae falsa etiam crimina facile affingunt, occurremus? non immodico huic contentionis studio finem imponemus? non cognoscimus, quanam quaestiones a nobis percipi, & quatenus possint, quanam rursus vim nostram & facultatem superent? quanam huius temporis sint ac terrena confusionis, menti nostrae tenebras offundentis, quanam rursus futuri seculi & caelestis libertatis? Ambrosius, aut qui autor est l. 1. de Vocat. Gent. cap. 7. Quae Deus occulta esse voluit, non sunt scrutanda: quae manifesta fecit, non sunt neganda, ne in illis illicite curiosi, & in his damnabiliter inveniamur ingrati.

Johannes, cognomento Chrysostomus, Homil. 87. in cap. 21. Joh. responsum Christi, Petro de Johanne datam, si eum volo manere, qui ad te? ita interpretatur; His verbis nos erudit, μή ἀχάδεν, μηδὲ πολυπραγμονεῖν, neque curiosius, praeter divinam voluntatem investigandum. Nam cum Petrus semper in huiusmodi interrogationes ferventius



tius profileret, iterum ejus fervorem retundens, quod non sit ulterius inquirendum, in hunc modum respondit. Esaiæ cap. XLII, 17. juxta vulgatam legitur: *Ego Dominus Deus tuus, docens te utilia.* In hunc locum ita Hieronymus: *Utilia, non subtilia. Qui subtilia sectantur, similes sunt Protoplastis, qui cum haberent ante oculos tam arborem vitæ, quam arborem scientiæ boni & mali, adversus hanc manus extenderunt & ita malorum lernam sibi concitârunt.* Augustin. l. 2. de Gen. ad lit. c. 9. *Multi multum disputant de iis rebus, quas majores nostri majori prudentia omiserunt.* Et lib. 2. de peccat. merit. & remiss. *Ubi de re obscurissima disputatur, non adjuvantibus divinarum scripturarum certis clarisque documentis, cobibere se debet humana præsumptio, nihil faciens in partem alteram declinando.* Idem in ep. 78. *Magis eligo cautam ignorantiam confiteri, quam falsam scientiam profiteri.* Et in ep. 119. cap. 21. *Tantum absit ab eo, quod putasti, nihil me latere, ut nihil in epistola tua legerim tristius; quia & apertissime falsum est, & miror, quia hoc te latet, quod non solum in aliis innumerabilibus rebus multa me latent; sed etiam in ipsis sanctis scripturis multo nesciam plura, quam sciam.* Necnon in ep. 250. *Quid? Ipsa divina eloquia nonne palpantur potius, quam tractantur a nobis, dum in multo pluribus quaerimus potius, quid sentiendum sit, quam definitum aliquid fixumque sentimus? Et ea cautio, cum sollicitudinis plena sit, multo melior est tamen, quam temeritas affirmandi.* Cyrillus Alexandrinus, proposita sibi a Monachis Ægyptiacis quaestione, num Maria esset *θεοτόκος*? in epistola ad

Cc

Aca-



Acacium, hunc in modum respondet: *Præstaret sane ejusmodi questionibus omnino abstinere, & in ea, quæ abstrusioris considerationis sunt, nec aliter fere, nisi tanquam in speculo & ænigmate, vel ab iis, qui ingenii celeritate mentisque subtilitate pollent, perspicui possunt, neutiquam inquirere: subtiliora enim theoremata simpliciorum captum excedunt.* Idem vetat in rebus sublimibus usurpare 7<sup>o</sup> quomodo. De quo & similibus videantur Gessel. in Addend. ad part. II. Hist. Eccl. p. 825. & Salvianus lib. 3. de Gubernat. Dei pag. 67. editionis Rittershusianæ: *Homo sum, inquit, non intelligo secreta Dei, investigare non audeo, & ideo etiam attentare reformido: quia & hoc ipsum genus quasi sacrilegæ temeritatis est, si plus scire cupias, quam finis.*

Bonaventura in lib. 2. Sentent. dict. 14. art. 1. q. 1. fol. 205. *Melius est pie dubitare, quam aliquid temere definire.* Bernhardus, Abbas Clarævallis, Serm. 4. Omn. Sanct. *Quod nulli datum est experiri, nullus conetur effari.* Nicephorus Callistus in Dedicat. Histor. eccles. ad Andronicum Palæologum, Michaëlis filium, p. 6. eundem laudat, quod differere atque disputare moderatione justa, & timore multo adhibito, de rebus divinis explicare nōrit. Thomas Kempisius de Christo imit. lib. 1. c. 3. interprete Sebastiano Castalione: *Quid prodest de occultis obscurisq; rebus arguta disceptatio, quarum ignoratio nobis fraudi futura non sit in Dei judicio?* 1. Cor. II, 13. *Insignis sane stultitia est, quod neglectis utilibus & necessariis, ultro insumbimus curiosis & damnosis usque adeo, oculis præditi, tamen non videmus.* Matth. XIII, 23. Lutheri monitum est, *Deum absconditum esse deferendum, & revelatum unice adspi-*



adspiciendum. Idem, citante Baiero in Comp. Theol. 276. Non facile, ait, est statuendum hoc, quod ignoramus. Philippus Melanchthon, locos communes traditurus, in præfixa iis epistola ad D. Tilomanum Pletenerum, protestatur hunc in modum: Non hoc ago, ut ad obscuras aliquas & impeditas disputationes a Scripturis avocem studiosos, sed ut, si quos queam, ad Scripturas invitent. Et postquam Origenis, Ambrosii & Hieronymi mentionem fecerat, ita pergit: Post hos fere quo quisque recentior est, eo est insincerior, degeneravitque tandem disciplina christiana in scholasticas nugas, de quibus dubites, impie magis sint, an stultæ. Erasmus in Matth. c. V, 11. Cum nobis permittamus, ut in his, in quibus totius religionis nostræ cardo est, impune simus impii blasphemique, dictu mirum, quas tragædias excitemus, si quis ad commentitias quorundam propositiones audeat hircere. Martini Chemnitii T. 1. Loc. Theol. p. 17. hoc est effatum: Filius Dei non ideo revelavit doctrinam cælestem, ut seminaria spargeret disputationum, sed potius ut homines de vera Dei agnitione & omnibus ad salutem necessariis erudirentur. Et ad can. I. Decreti Tridentini de Ritib. in administ. Sacram. p. 61. sic scribit: In omnibus controversis ea, quæ necessarium usum habent in exercitiis pœnitentiæ, fidei, & pietatis, discernenda sunt ab aliis disputationibus, in quibus opinionum diversitas, vel etiam levis quedam hallucinatio, non infert jacturam fidei & saluti. Wolfg. Musculus, in LL. Theol. p. 12. Decet christianum hominem ea modestia & cautio, ut nihil affirmet, nec si quis alius affirmaverit, incon-

Cc 2

siderate



*siderate recipiat, quod non certo veritatis testimonio e sacris literis desumpto confirmari queat. Drus. l. 9. Præter. p. 389. proverbium, Sus lota, usurpat de illis, qui se in luto sophistico iterum volutant. Bochart. præf. in Phaleg: Nihil ignorare, solius Dei est. Acontius lib. 1. de Stratagem. Sat. p. 37. De inanibus quidem questionibus præceptum extat Pauli, non ut refutemus, quicquid assertum fuerit falsi; sed eas ut vitemus. Quare id unum faciendum putem, ut avocentur animi a curiosis ejusmodi, nulliusque precii questionibus. Episcopi in Instit. Theol. p. 1. Subtilitates theologicæ sine periculo ignorari possunt, & tutius sæpe satiusque est, eas non intellectas negligere, quam in iis intelligendis multam curam aut operam ponere. Nec scienti prosunt, nec ignorantia nocent. Et in Part. II. Oper. in I. Joh. V, 20. p. 426. nec non disp. IV. th. 21. p. 393. Nobis illud Scaligeri placet:*

*Nescire velle, quæ Magister optimus*

*Nescire nos vult, erudita inscitia est.*

Petrus Molinæus in Gessellii Hist. eccl. p. 593. certum se esse, ait, omnes in religione errores venisse aut ex intemperantia sciendi, aut habendi: id est, ex nimia curiositate, avaritia, aut ambitione. Quod postremum malum corrumpit ecclesiam Romanam. Sed sathan conatur corrumpere nostras (nimirum Reformatas) per primum. Quod si nobis imperare possemus multarum rerum ignorantiam, & nobis satisfaceremus ad salutem necessariis, & in rebus non-necessariis ferre possemus eos, qui aliter sentiunt, magnam absolvissemus partem in hac ad concordiam via. Theod. Thummius in præfat.



præfat. ad Synops. præcip. articul. fidei hoc seculo controvers. propositi sui mentionem faciens, inter alia dicit: *se quæstiones minus principales, secundarias &c. seposuisse, ne primariæ (ut vitio nostri seculi fieri solet) negligantur, & minus principalibus tempus deperdatur.* Meisnerus part. 1. Phil. Sobriæ p. 241. negat, *de iis, quæ vel absolute, vel certo respectu incognoscibilia sunt, disputandum esse.* Dunte in Cal. Consc. p. 731. itidem fatetur: *Non de omnibus rebus theologicis esse disputandum.* Vide & Drus. l. 9. Præterit. Autor. Apol. pro Arndi doctr. in ep. dedicat. Part. II. Joh. Matthiæ, Episcopum Stregensem, in Consilio de facienda inter Evangelicos concordia, G. Calixtum in Orat. select. p. 100. Conc. Evang. p. 35. ac Desid. & Stud. conc. eccl. th. 14. H. Grot. de Imper. Summ. Potest. circa sacra p. 130. Hoornbeeck. dissertat. de Controvers. theolog. p. 26. Dreieri *Gründliche Erörterung* / p. 461. Spizelii Infel. Literat. p. 816. ac seqq. & Speneri *Pia Desideria* p. 21. & seqq.

Juvabit autem notasse illas quæstiones, in quibus præcipue moderationem adhibere oportet, ita ut nec temere illas definiamus, nec audacius & ad contentionem aut condemnationem usq; propugnemus, immo potius ignorantiam nostram & lubentes agnoscamus, & ingenue confiteamur. Nec gravabimur, in gratiam Studiosorum, earum, quas in lectione meliorum auctorum ipsimet observavimus, aliquem syllabum suppeditare, & juxta ordinem locorum theologicorum, quo postea plures a Lectoribus, si placet, referri poterunt, disponere atque digerere. Inter quas, si quæ sunt, quæ tibi non videntur curiosæ ac dubiæ, sed solubiles, nec suo destitutæ fundamento, scito, nos quidem tibi non repugnatuos, aut sententiam tuam censoria notatuos virgula, quippe qui eas proponimus, aliunde, ut diximus, excerptas, non præfracte defendendi, sed tibi, quantum in nobis est, gratificandi studio: immo etiam ut appareat, in illis problematibus, in



quibus viri docti & DEO devoti a se invicem dissentiunt, utrinque prudentem piamque moderationem religiose adhibendam esse. En itaque promissum syllabum.

*Ad L. de Deo.* Quid sit *essentia divina* quoad definitionem rei, hoc nesciri dico. Mart. Chemnit. L. L. Theol. Part. 1. p. 39.

Deum esse ubique, totumq; esse in quavis parte orbis terrarum, novi, sed *quemadmodum* sit, nescio, Chrysost. Homil. 1. de Incomprehens. Dei nat. Episcop. Part. 2. Opp. Disp. 4. th. 21. p. 393.

Ratio *scientiæ divinæ* est incomprehensibilis; & hic, si uspiam alibi, meminisse oportet admonitionis Apostolicæ, ut sapiamus ad sobrietatem. Rom. XII, 3. Curcell. l. 2. Instit. Relig. Christ. p. 54. & Episcop. l. c. Disp. 5. th. 20. pag. 394.

Scholastici de futuris contingentibus disputantes irreverentius, quam par erat, quærere cœperunt de modo & medio, quo Deus ea in æternitate sua *præcognoscat*. Scherzer. Fascic. Disp. 2. §. 66. Calov. System. Theol. Tom. 2. p. 513.

*de Trinitate.* Modus *generationis divinæ* ἀπὸ τοῦ Θεοῦ. Rufin. in expos. Symb. Apostol. apud Cyprian. p. 385. Ambros. de Fid. ad Gratianum.

Quodnam discrimen sit inter *generationem* & *processionem*, hominum captum transcendit. Rauppius, (qui epitomator est cum aliorum nostratum, tum in primis Joh. Gerhardi, & ob laborem improbum exantlatum, quem in evolvendis auctoribus probatissimis impendit, & nucleum a cortice sejunxit, a venerabili Collegio Theologico Jenensi commendatur, quemque in gratiam eorum, qui vastum Gerhardi opus non possident, sæpius heic allegabo) in Biblioth. Portat. L. de Trinit. p. 95.

An *persona* & *proprietas* in Deo sunt unum & idem? Difficile est certi aliquid de hac quæstione definire, & forte tutius



tius apprehendi potest illud : Non liquet. Hutter. in L. L. Theol. p. 101.

Quomodo differant personæ divinæ , si non intelligo , sufficit mihi Scriptura S. quæ dicit ac nominat Patrem, Filium, atque Spiritum S. Luther. in Pl. 45. T. 3. Jen. Let. 491.

Modus processionis Spiritus sancti non constat. Raupp. p. 85.

Fabric. System. Theol. p. 144. Bajer. in Comp. p. 249.

Tutius est a quæstione , An Filius Dei & Spiritus S. dici possint *αὐτὸς* , plane abstinere, quam eam negare. Breviar. Hülsem auct. 135.

Modus, quo decreta Deo insunt, tuto ignoratur. Heidegg. in Medulla Theol. Christ. Part. I. 97.

Quid faciebat Dominus , antequam faciebat cælum & terram ? Nescio, quæ nescio. Augustin. l. 11. Conf. c. 12. de Creatione.

Cur Deus non prius mundum condiderit , non constat. Raupp. L. de Creatione p. 130.

Creationis dies cujusmodi sint , aut perdifficile nobis , aut etiam impossibile est cogitare, quanto magis dicere. August. de C. D. l. 11. c. 6.

An tres personæ divinæ creantes sunt tres Creatores ? Phra-  
sis hæc usu loquendi a scriptoribus ecclesiasticis nunquam  
fuit recepta , ac tutius agere videntur , qui ab ea prorsus  
abstinent , etsi forsan illa ex vi & significatione vocum de-  
tendi posse putetur. Joh. Musæus in disp. de Creat. Baier.  
p. 270.

An Angeli, aut quicquid aliud a Deo distinctum est , sal-  
tem possit esse instrumentum creationis ejus , qua aliquid fit  
ex nihilo ? incerta & curiosa quæstio est. Baier. p. 271.

Qualis lux fuerit , die primo condita , difficile est dicere.  
Luther. Comment. Lat. in Gen. l. 1.

An in creatione mundi etiam infernus , & quidem die se-  
cundo sit conditus , dici non potest. Raupp. p. 118.

Scrip-



Scriptura tacente, modum *productionis astrorum* neminem apodictice explicare posse arbitramur. Raupp. p. 122.

An *supra cœlos fidereos* sint veræ & naturales *aquæ*, dubitatur. Grauer. in Quæst. Illustr. disp. 8. Coroll. 1. p. 336. Jenens. Theol. Ausführliche Erklärung/ p. 200. & 262.

Quæstio de *tempore* conditi mundi in genere, & respectu universi mundi, paradisi, & cujusumque particularis regionis, otiosa est, quia quo tempore mundus cœpit, simul omnes quatuor tempestates in diversis ejusdem plagis extiterunt. Si vero ad cœli signum, in quo sol primo conspectus est, quæstio refertur, ex conjecturis quibusdam probabilibus a Scaligero & Usserio aliisque decisum est, mundum tempore autumnali, sole in libra versante, conditum esse. Heidegg. Medull. theol. christ. P. I. 125. Sturm. Phys. conciliatr. 180.

An *vermes, muscæ, & insecta*, quæ ex putredine nascuntur, cum reliquis die quinto hexaëmeri sint creata, curiosa magis, quam fructuosa est quæstio. Raupp. p. 124.

In quo loco, seu in qua parte terræ, Deus *Evam* atque *Adamum* produxerit, non definimus. Baier. p. 268.

Cur voluit Deus *ex Adamo dormiente Evam* formari? Acquiescere hic oportet in mera Dei *εὐδοκία*, potissimum cum Deus nuspiam nobis revelârit, cur maluerit ex Adamo dormiente, quam vigilante fœminam condere. Brochm. in Syft. Theol. L. de Homine primo p. 288.

Interpretes ultra id, quod scriptum est, sapere volentes, movent hic plurimas quæstiones, easque tales, quæ humano acumine non possunt certo decidi. Quærunt, an *costa*, e qua formata est Eva, e dextro, an sinistro latere educta sit? An fuerit una e costis veris, an nothis? Necessariane fuerit hæc costa, an vero supervacanea, cum adhuc ostendant Anatomici in unoquoque latere duodenas costas? Has & similes argutias mittimus, & illis excutiendas relinquimus,



quimus, qui non contenti verbo scripto, pascunt & oblectant se hominum commentis. Brochm. ibid.

An *animæ posterorum Adami* oriantur ex traduce, an vero de novo creentur, & inserantur corporibus, non constat. Chytr. in c. 3. Apocal. p. 91. Strigel. in LL. Phil. T. I. p. 441. Jenens. *Ausführliche Erklärung* / p. 208. & 300. & August. in epist. 7. 27. 28. 29. 157. 261. editionis Reinhartinae.

*Arborem scientiæ boni & mali* quidam statuunt fuisse vitem, propterea quod Christus ex fructu vitis sacramentum eucharistiæ instituerit: quidam ficum, quod ex ea primi parentes post lapsum subligacula sibi parârint: quidam malum, propter locum Cant. 8. & 5. Sed Scriptura tacente, quis loquetur? J. Gerh. in Isag. Dispp. L. X. c. 9. §. 20.

Quod *spatium borti (paradisi)* quæ *sedes illius*, cum Moses amplius non definiverit, hoc certe nos divinare nec volumus, nec possumus, sed in terminis (ut loquuntur) Scripturæ ultro religioseque subsistimus. Tremell. & Jun. ad Gen. II, 1. & ad c. III, vers. ult. Gerh. in L. cit. §. 18. Jos. Antonius de Duplici viventium terra. p. 48.

An angeli *primo statim die*, quo cæli cum luce facti, creati fuerint, id indecisum relinquimus. Hildebr. Theol. Dogm. cap. IIX. §. 5. Brochm. L. de Angel. p. 238. de Angelis.

Ubi creati sunt angeli? Etiam in hac quæstione malumus manum ori imponere, quam temere quid statuere. Raupp. L. de Ang. p. 143.

Qualis *interna* angelorum *forma* in se ipsa sit, ab hominibus in hujus vitæ caligine pervideri nequit. Id. p. 144.

Quantum *spatium* unus occupet angelus, temerarium fuerit definire. Brochm. p. 239.

In qualinam *duratione* angelus moveatur, Scriptura S. nihil definit. Id saltem certum est, velocissimum esse motum. Id. p. 240.



Quomodo cum Deo, & secum invicem *colloquantur*, in huius vitæ imbecillitate exacte cognoscere non possumus. Raupp. p. 155.

Modus sive ratio, qua vel ad aurem forinsecus, vel ad animum hominis intus loquantur, (sive quomodo aliquid *animis hominum inspirent*) nec sciri, nec adfirmari potest. August. in Enchir. ad Laurent. c. 59. Titius in Thes. Theol. disp. 3. §. 17.

An *corpora*, in quibus apparuerunt angeli, ex nihilo a Deo creata fuerint, an vero e præexistente materia ab ipsis angelis formata & assumpta, præstat ἐπεχεν. Brochm. p. 237.

Esse *Thronos*, *Dominaciones* & *Potestates* credo, sed quænam ista sint, & quid inter se differant, nescio. Augustin. ad Oros. c. 10. Hildebr. §. 34. Raupp. p. 144. Curcell. p. 705.

An, quæ dicuntur de *matutina* & *vespertina* angelorum *cognitione*, ita se habeant, cum taceat Scriptura, non est quod operose disputetur. Hildebr. §. 10.

An angeli homines, absque ulla oculorum fascinatione, in lupos, feles, aliaque revera *immutare* possint, valde dubitamus. Id. §. 18.

An *plures sint*, quam homines, incertum est, Id. §. 6.

An quilibet homo angelum certum *sui custodem* habeat, dubium est. Id. §. 24. Scherz. in Breviculo Theol. p. 95.

Certum est, angelos quosdam *peccasse*: sed *quomodo* id factum sit, nescitur. Raupp. p. 197. J. Frid. König in Theol. Pos. Acroamat. §. 207. p. 50. Hildebr. §. 21.

Quæ de *ordine* & *processu* ἀποστοίας a nonnullis adduntur, ἀπὸ χαφῆς dicuntur. J. Fr. König. p. 50.

Quanta *mora* inter angelorum κλίση & ἐξέλκασιν intercesserit, homo nullus certo definire potest. Raupp. 198. J. Fr. König p. 50.

In quo angelorum ordine fuerit is, qui *apostasiam* fecit, ex Scriptura perspicue sciri non potest. Raupp. p. 197.

*Distin-*



*Distinctionem & ordinem malorum angelorum* quod attinet, nos in vanis humani cerebri figmentis non immoramur. Id. p. 178.

*Tò δὲ πρῶτον*, & qua ratione *boni angeli contra malos pugnent*, nulli libi diserte exprimitur. Id. p. 154. Hecht in disp. Inaugur. de Michaëlis cum diabolo de corp. Mos. certam. posit. 4.

Q. an satanas, cum spiritus sit, corpus hominis penetrare, animæque ejusdem secundum substantiam præsens esse, ei-que *tentationes & malas cogitationes suggerere*, & sic non nisi moraliter ad hæc vel illa incitare possit? Fatendum est, nos rem quidem scire, modum autem ignorare. Bebel. in disp. de Davide peccante & poenit. p. 7.

Cur diabolus in certis locis per *speetra* se videndum exhibet?

Resp. Ejus rei certa ratio reddi non potest. Brochm. p. 259.

Quare Deus angelis peccantibus, non æque ac hominibus, *miser cordia sub-venire* decreverit, non constat. Raupp. p. 199.

Quemadmodum paradisum a beato seculi Autore condi- *de Imagi-*  
tum esse credimus, ubi autem, & quid proprie fuerit, *ne Dei.*

ignoramus: sic homini imaginem concreatam fuisse, certo e sacris literis sumus persuasi, vere tamen (seu perfecte) *quid fuerit*, ignoramus. Quid enim mirum, si intellectum nostrum effugiat plena ejus cognitio, cujus jam dudum periit possessio? Hinc quamvis S. Scriptura, imaginis divinæ formam in justitia & sanctitate veritatis (ad Ephes. IV, 24.) collocet, ut & in externo super creaturas dominio, (Gen. I, 26, 28.) tamen quid illa justitia & sanctitas, quique ejus gradus fuerint, exacte definire non audemus. Id. L. de Imag. Dei c. 5. p. 216.

Particularia de *imperio*, quod fuisset inter homines in statu integritatis, non constant. Hildebr. Th. Dogm. c. 9. §. 32.

*Cœli beatorum quidditas, qualitas, situs* in hujus vitæ infir- *de Beati-*  
mitate definiri non potest. Raupp. p. 307. J. Fr. König. p. 67. *tud. eter-*

Dd 2

Quæsti-na.



Quæstionem, an proprie, & oculis corporeis *DEum visuri sint* beati in futuro seculo, præstat eo differre. Raupp. p. 289. Curcell. p. 44.

An beati libera *Dei decreta* & *consilia visuri sint*, arbitramur, homini viatori esse incomprehensibile. Raupp. p. 286. Baierus tamen in Theol. Posit. p. 380. cum P. Musæo statuit, intellectum beatorum cognoscere illa posse, intercedente peculiari revelatione.

An beati Deum *externa voce*, & *qua lingua* sint glorificaturi, dici non potest. Raupp. p. 304.

Item, an, & *qua lingua usuri sint ad colloquendum* inter se ipsos: Id. ibid. & G. Calixt. de Bono perfecte summo p. 19. Dilh. T. I. disp. 324.

Qui *motus corporum glorificatorum* futuri sint, temere definire non audeo. August. l. 22. de C. D. c. ult.

An *visiones* & *fruitiones beatificæ accidentali quadam ratione variaturæ sint*, divinæ providentiæ & dispositioni committimus, uti omnia. G. Calixt. in l. c. p. 31.

*Quæ*, & *quot dotes corporis glorificati* futuræ sint, in hac vita exacte scire ac definire nullus hominum potest. Raupp. p. 294.

Sufficere debet, quod scimus, ad summam felicitatem nemini fidelium quicquam illic defuturum. Quo autem gradu quisque nostrum futurus sit, curiosum magis est quærere, quam fructuosum. Contr. Vorst. in I. Cor. XV, 39. p. 187.

*Quæ de gaudio gustus* & *olfactus* in vita æterna futuro dicuntur, ea decidenda in cœlestem Academiam reservamus. Hildebr. Th. Dogm. c. VI. §. 71.

de Dam- Quæstio hæc, an *infantes* damnati, præter pœnam damni  
natione etiam pœnam sensus subituri sint, est curiosa magis, quam  
ætterna. fructuosa. Theol. Jenens. in Ausführh. Erkl. p. 704.

De



De *pœnis organorum sensuum*, nimirum visus, auditus gustus & olfactus, nihil certi potest afferri. Gerh. L. de Inferno §. 71.

An *τὸ πᾶν inferni* sit creatum, vel increatum, corporeum, vel spirituale, in hoc mundo vel extra hunc mundum, Scriptura tacente, quis dicat? Raupp. L. de Infern. p. 205. & 230.

In medio relinquimus, utrum *ignis infernalis* sit revera corporeus, materialis ac visibilis. Id. p. 218.

An *Nadab & Abihu*, item *filiis Eli*, damnati sint, nostrum non est scrutari. Ceciderunt Domino suo. Raupp. ad Lev. X, 1. & I. Sam. II, 11.

De conditione & qualitate *infernarum mansionum* (*ubi anime ante Christi descensum fuerint*,) superstitiose disputare nihil conducit. Grabe in Append. Apol. ad Regii Form. cau-  
te loq. p. 251.

Quo in loco fuerint *anime post excessum illorum hominum, qui vel a Prophetis, vel a Christo, vel ab Apostolis resuscitati fuere*, definire non possumus. Casp. Bertram. in enodat. Quæst. Doctoral. quæ subjuncta est ejus Explicationi Ps. II. p. 64.

Ubi sit (*animus humanus a corpore separatus*,) non refert scire. Satis est, esse in Dei manu, cui morientes pii spiritum suum commendant, recipiendum corpori in hora resurrectionis. Raupp. ad Luc. VIII, 55.

Non ideo inanis fides nostra, si, *quemadmodum futura sit* (*resurrectio mortuorum*,) comprehendere non valeamus. Augustin. l. 20. de C. D. c. 20.

Quo diei *tempore* homines sint resurrecturi, non est scriptum & revelatum. Raupp. L. de IV. Noviss. p. 109.

In qua *statura* resurrectura sint corpora, non determinamus. Baier. p. 452.



Præstat in his, (an corpora, quæ in hac vita fuerunt *manca & mutila*, resurrectura sint perfecta & integra, item an habitura sint humores supervacaneos & excrementitios, semen, lac, & capillos) & similibus tacere. Raupp. 87.

De *monstrosis partibus*, de *abortivis*, de *superfluitatibus corporis humani*, certi nihil definimus. Hutten. disp. 22. §. 54. Raupp. 94.

de Judi Modum ac determinatam rationem *signorum cœlestium*, qui-  
cio extre- bus Deus iudicium appropinquans quodammodo cognos-  
cendo. scendum exhibet, ac speciatim casus siderum in terram, re-  
velatum non habemus. Baier. 458.

Quodnam *signum Filii hominis* (Matth. XXIV.) sit futurum, nostrum non est definire. Hutten. in disp. 22. §. 18. Baier. 459.

Quo *anno*, multo minus qua *die*, aut qua *hora* Christus ad iudicium venturus sit, non constat. Chytr. in c. 3. Apocal. Joh. p. 91.

Neque etiam constat de *loco*, ad quem. Raupp. p. 144.

Quo modo ac ordine iudicium sit futurum, magis tunc docebit rerum experientia, quam nunc valet consequi ad perfectum hominum intelligentia. Augustin. l. 20. de C. D. c. 30.

An *angeli* etiam sint iudicaturi, Scriptura tacente, affirmandum non est. Raupp. p. 134.

Quodnam futurum sit *sanctorum hominum iudicium*, ingenue se nescire profitetur Lombardus IV. Sent. dist. 47.

*Causæ cognitio* fiet per omniscii Iudicis *παντοκράτωρ*, I. Cor. IV. 5. Qualem? Non constat. Dannhauer. in Christosoph. p. 391.

Qualiter *hæretici* (e. g. æternam Christi generationem negantes) pro hoc ipso falsæ opinionis errore, in die iudicii puniendi sint, nullus potest scire, nisi Iudex. Salvian. l. 5. de Gubern. Dei, c. 143.

Qualis



Qualis clangor tubæ archangeli in consummatione mundi *de Consummat. seculi.*  
fit futurus, hominem exacte scire arbitramur neminem.  
Raupp p. 81.

Cur Deus primum mundum diluvio perdiderit, cælos autem & terram igne sit consumpturus, præcise dici non potest. Raupp. p. 184.

Neque etiam liquet, qualis ignis ille, & in qua mundi vel rerum parte futurus sit. Id. ibid. Baier. Comp. 470.

An cælum & terra substantialiter, vel tantum accidentaliter transmutanda sint, quæstio est speculativa & otiosa. Scheibl. in Manuali ad Theol. Pract. p. 604. Hutter. in disp. 22. §. 28.

Quæ novi cæli & novæ terræ Apoc. XXI, 1. futura sit conditio, curiosius indagare nec possumus, nec debemus. Hutter. l. c. §. 29.

Quando Adamus est lapsus? Nos in re incerta, tacentibus *de Peccata Scripturis*, assensum suspendimus. Raupp. L. de Lapso Hom. 10. p. 335. Heidegger. de Libertat. a lege cib. vet. p. 24.

Modo id ratum sit, quod reapse Adam factus sit inobediens: de cetero parum attinet altercari, quomodo adductus eo usque processerit, vecordia an contumacia, errore an consilio. Fabric. Syst. Theol. 311.

Qualis fuerit fructus ille, quem decerpendo peccavit Eva, dici non potest. Raupp. de Lapso hom. 313.

An peccata proximorum parentum transeunt in liberos? Ut hæc quæstio est minus necessaria, ita & responsio incerta. Raupp. de Pecc. orig. 366.

Quando in infantibus rationis usus incipiat, secundum quem peccata actualia proæretica ipsis attribui possint, Scripturis tacentibus, nos quoque taceamus, neque temere certum ætatis terminum constituamus. Hutter. LL. Theol. p. 348.

Non



Non opus est, nec fortasse consultum, ut subtilius disputetur : quomodo Deus lapsum protoplastorum, posteris ipsorum nondum existentibus, ita *imputare* potuerit, ut propterea etiam ipsos iustitia originali destitutos & peccatores nasci oporteret. Baier. 510. & Cleric. ad c. 3. Gen.

Satis esse potest, scire, primos parentes lapsu suo meritos esse, ut quales ipsi erant post lapsum corpore & anima, tales procrearentur omnes postea. *Quomodo autem malum illud contrabat anima*, salva fide potest ignorari, quia Spiritus S. non voluit hoc certis & perspicuis testimoniis patefacere. Mart. Chemnit. de Pecc. Orig. P. 1. LL. Comm. p. 236. Augustin. in ep. 29.

de Christi  
sto.

In pace catholica pacifico studio requiramus, parati corrigi, si fraterne ac recte reprehendimur, parati etiam, si ab inimico, vera tamen dicente, mordemur : *utrum indiscrete Deus apparuerit Patribus nostris, antequam Christus veniret in carne, an aliqua ex Trinitate persona, an singularim quasi per vices.* Augustin. l. 2. de Trinit. c. 9. & l. 3. c. 10. Origen. l. 6. contra Celsum ; & Luth. in Gen. c. XII. p. 238. Tom. 6. Opp. Jenens.

*Quare Filius*, non Pater, nec Spiritus S. *carnem assumerit*, nemo exprimere potest. Raupp. L. de Christo p. 108.

*Cur non citius* incarnatus sit Filius Dei, si quæras, resp. In eo fragilitatis humanæ non est, sapientiæ Dei impervestigabili præscribere limites ac tempus. Autor Operis novi Cal. conf. p. 117.

Num Christus *secundum carnem sit filius Dei naturalis vel adoptivus*, difficilis est quæstio, & curiosa. G. Calixt. in Programm. festi Natal. A. 1643. n. 44. 49.

*Modum conceptionis Christi* scrupulosius ne scrutemur. Raupp. 110.

De modo *unionis duarum in Christo naturarum* non constat. Id. 150.

An



An in uno momento corpus Christi organicum plene efformatum, & anima illi unita fuerit, non disputamus. Baier. 574. Christi *ex utero materno egressio*, ruptone virginali claustro, an clauso facta fuerit, apodictice ex Scriptura non liquet. J. Frid. König. in Theol. Pos. p. 163. Dannhau. in Christosoph. p. 216.

Qualis fuerit *exinatio* Christi, nec intelligi, nec cogitari potest. Raupp. p. 233.

Quomodo affectus fuerit Christus, quum largissime in horto *sudavit sanguinem*, non possum effari, nec percipere. Luth. in Conc. super art. 2. Symb. Apost. T. 6. Opp. Germ. Jen. pag. 81.

Problema hoc, an Christus *in triduo mortis homo*, vel non-homo, & an soluta tunc fuerit unio hypostatica? non movetur ad ædificandum, sed ad exagitandum, nec ex Scripturæ fontibus, sed ex turbidis Scholasticorum lacunis hauritur. Raupp. p. 240.

An Christus *pro finali etiam incredulitate & impœnitentia satisfecit*? Quæstio hæc magis est spinosa, quam fructuosa, magis excogitata pie doctos exagitandi, quam imperitos ædificandi causa. Id. p. 228.

Ad quem statum, exinationisne vel exaltationis, *descensus Christi ad inferos* sit referendus, non liquet. Lib. conc. in Epit. art. p. 584. & Schröder. im Nützlichen Unterricht. p. 214.

Quomodo in infernum descenderit, nec concipi, nec verbis exprimi potest. Luth. in Conc. super 2. artic. Symb. Apost. Tom. 6. Jen. Germ. p. 81. 82. Form. Conc. l. c. & in Solid. Repetit. c. 9. p. 750.

Futiles quæstiones sunt: An *sola anima descenderit*? aut, an *Deitas* cum ea fuerit? *quid ibi* Christus fecerit? *quomodo* egerit cum diabolis? Luth. l. c. p. 82.

Quando descendit Christus ad inferos? Etiam hoc christiannæ modestiæ relinquimus. Raupp. p. 245.

Ee

Quam-



*Quamdiu* in inferno manserit, Scriptura non revelat. Scherz. in System. Theol. p. 245.

An Christus *resurrexerit*, *sepulcro* manente, vel non manente clauso, Evangelistæ non distincte narrant. H. Nicol. de Med. relig. 13.

Quæri solet, cur Christus *die præcise tertio resurrexerit*? Sed pia sententia est, ista in religionis mysteriis ignorare velle, quæ Spiritus Dei in SS. Scripturis non revelavit. Brochm. Syst. Theol. P. I. L. de Jesu Christo p. 913.

Qua motus specie post subductionem ex oculis iverit in *ascensione* Christus, quia nubes texit, Act. I. 9. non retigere possumus. Scherz. in Brevic. Theol. p. 84.

Ubi & quomodo sit *in cælo corpus dominicū*, curiosissimum & supervacaneū est quærere. August. lib. de Fide & Symb. c. 6.

Quod attinet disputationem de *ubiquitate*, an corpus Christi, etiam extra cœnam, ubiq; & in omnibus locis sit, eam tantisper seponimus, & remittimus ad academiam Christi cœlestem. Corp. doctr. Jul. de Potioribus artic. qui h. t. in controvers. vocantur, c. 1. p. 55.

An *Christi intercessio*, quam obit in statu exaltationis, verbalis sit, an tantum realis, non necesse est definire. Theol. Jen. Ausführl. Erklär. p. 535. 539.

de Rege-  
neratione  
& Con-  
versione. Quod Deus in conversione intellectum hominis illuminet, & voluntatem cum aliis animæ facultatibus inclinet, certum est, sed *quomodo* id faciat, Nicodemianum est quærere. Dreier. Gründl. Erört. p. 489.

De *contritione* præcidimus illas otiosas & infinitas disputationes, quando ex dilectione Dei, quando ex timore pœnæ doleamus. Apol. A. C. p. 371. libb. Normal. Norib.

Quæ sit *ratio fidei infantum baptizatorum*, non satis est nobis cognitum, nec explicabile. M. Chemnit. in Exam. Conc. Trid. P. II. de Bapt. ad can. 13. Raupp. L. de Invocat. p. 264. & Loc. de Bapt. p. 156. Dürr. Isagog. in LL. Norm. Norib. p. 127.

An



An Christus est causa Justificationis *sensu absoluto, vel com-* *de Justifi-*  
*parato & ex hypothesi*, quia Deo sic placuit, per ipsum serva- *catione.*  
 re homines? Resp. De spinosa hac quaestione non est, ut  
 multis solliciti simus. Raupp. L. de Justificat. p. 73.

Quo modo *infantum baptizatorum ratio* comparata sit, exa- *de Invo-*  
 ste definire non valemus. Raupp. de Invocat. p. 264. *catione.*

Si quis *angelorum bonorum orationem* probabiliter collige-  
 re velit ex communione Ecclesiae militantis & triumphan-  
 tis, per me id colligat, licebit. Interim in angelos non com-  
 petunt pleraque, quae hoc in articulo de Invocatione in me-  
 dium proferuntur. Raupp. p. 265.

Satius erit, *de materia caelesti sacramenti in genere*, filere, *de Sacra-*  
 quam dubia dicere. Baier. 839. *mentis.*

Cur *solis masculis* praepcepta fuit *circumcisio*? Nos dicimus  
 principalem causam esse Dei voluntatem, cujus rationes  
 intellectus nostri tenebris non sunt obviae. Raupp. de Cir-  
 cumcis. p. 48.

Quare *agnus* ad sacramentum paschatis electus fuit? Hoc  
 is novit, qui omnia. Id. p. 61.

Non necesse est, ut simus nimis scrupulosi *de modo operandi*  
*& conferendi gratiam, sacramentis proprio*, num scil. effica-  
 cia sacramentorum sit physica, an moralis. Baier. 846.

*Johannem baptistam* explicite in nomine trium personarum  
 divinarum baptizasse, non liquet. Voss. in Dispp. de Baptis.  
 p. III.

Quaestio, num *baptismus Johannis* eandem vim habuerit cum  
 baptismo Christi, *otiosa est*. G. Calixt. in Resp. Theol. Mo-  
 gunt. Vindiciis oppos. n. CIV.

In quaestione *de materia caelesti baptismi*, curiositas vitanda  
 est. Baier. 877.

Apostolus 1. Cor. XV. 29. argumentum *de baptismo super-*  
*mortuis*, adversariis suis objicit, etiamsi nos, quale id sit,  
 certi nondum simus. G. Calixt. Exposit. lit. in h. l.



An *Christus ipse cum suis discipulis eucharistia usus fuit?* Resp. Ubi de re obscurissima quæritur, non adjuvantibus certis & perspicuis verbi oraculis, cohibere se debet humana præsumptio temere in alterutram partem aliquid definiendo. Raupp. L. de S. Cœna. p. 267.

Quali *mensa*, lignea an lapidea, Christus (in eucharistiæ institutione) fuerit usus, non perinde constat. Joh. Schröder, in Catech. p. 557.

Incertum est, *qua forma*, quove modo, Servator *panem fregit*. Hutt. in LL. Theol. p. 691,

Incertum quoque, Christum panem fractum ita *distribuisse* inter Apostolos, ut cuilibet particulam in manum dederit. Id. ib.

Quæstiones de *instanti consecrationis* excludimus, nec Deo *quæ* vel tempus præscribimus. Raupp. 285. Baier 919.

*Modus præsentiae Christi in S. Cœna* est impervestigabilis.

Luth. in epist. ad Helvet. de Concord. quæ extat Tom. 6. Jen.

Germ. p. 543. M. Chemnit. de Fundam. S. Cœnæ c. 5. & c. 7.

n. 8. nec non de Duab. Nat. in Christo c. 30. p. 206. Pomera-

nus in Hist. A.C. de art. X. contra Wolffium p. 85. M. Ant.

de Domin. l. 7. de Rep. Eccl. c. 11. p. 200.

de Præ-  
destinati-  
one.

An Deus omnes voluit *electos*? Resp. Quid prodest de universali electione catachrestica sive actuali sive possibili disputare, postquam ex infallibili Scripturæ revelatione Eph. I. 4. satis constat, Deum omnes quidem voluisse & velle salvos, elegisse tamen non nisi in Christum credentes? Olear. in continuat. Isag. Carpzov. in Libb. Symbol. p. 1681.

Non diffiteri possumus, stante benevola Dei voluntate de salvandis per fidem in Christum omnibus, stante catholico Christi merito, eidemque innixa intercessione mediatrix pro omnibus omnino hominibus, esse quædam in mediorum salutis dispensatione inter æquales sæpe inæqualia, arcano



arcano ac impervestigabili Dei judicio committenda. Rom. XI. 35. Joh. Fr. König in Theol. Pos. p. 187. Cyr. Spangenberg Rhegio, Luth. & Philippo in Resp. ad Theol. Lips. & Wittenb. §. & seqq.

Decisio de *polygamia Patriarcharum* non est præcise necessaria, cum possimus de eacitra reprehensionem *ἐνέχου*. Scherz. *de Conjugio*. in System. p. 804. Gerhard. L. de Conj. §. 224. &, qui ab ipso citantur, Chemnit. Exam. Conc. Trid. de Matrim. Sess. 24. can. 2. p. 422. Menzer. Tom. IV. Dispp. Marpurg. XV. th. 72. & Meisn. part. 1. Philos. Sobr. sect. 2 c. 5. p. 412. & seqq.

Sic & extra Locos Theologicos in lectione Scripturæ S. interpretum, aliorumve auctorum sacrorum versanti, occurrunt nonnulla similis monetæ, in quibus sive interpretes, sive scriptores, moderationem præ se ferunt, & vel ignorantiam suam fatentur, vel ita sentiunt, ut propterea cum dissidentibus ferram contentionis non audeant reciprocare, multo minus anathematismi fulmine eos ferire. Talia sunt ea, quæ sub titulo VARIORUM lubet exhibere.

Quo tempore *Cainus* sit natus, otiose quæritur, tacenteque Scriptura, quis loquetur? Raupp. in Gen. IV. 1.

Quibus armis *Cain Abelem* interfecerit, otiose quæritur. Raupp. in Gen. IV. 8.

An *Paradisus* etiam nunc duret, vel per diluvium fuerit vastatus, non necessarium est quærere. Olear. in Gen. II. 8.

Quodnam signum posuerit Dominus in *Cain*, ne occideretur, ignoratur. Id. ib. ad vers. 15.

Cur non fuerit supplicio capitali propter homicidium punitus, causam ejus difficile est invenire. Judicio Dei id tribuendum. Id. ibid.

Quo fine ædificavit ille urbem, dubium est. Id. ad vers. 17. Immo non ædificavit, sed tantum studuit ædificare, vi autem maledictionis divinæ intermittere opus coactus est, si credere volumus Junio in eundem loc.



*Quomortis genere vivis exemptus fuerit*, ingenue fateor, me ignorare. Calemberg. in Decad. Aphorism. Histor.

An *urbes* ab initio mundi nostris similes, murisque cinctæ fuerint, aut pagorum potius formam habuerint, incertum est. Joh. Wülfer. in not. ad orat. inaugur. 64.

Quo translati sunt *Henoch & Elias*? Ignoro. Chrysoft. hcmil. XXII. inc. XI. ad Hebr. T. 4. 158. Efr. Rudinger in Tunica funebr. 28. Grabe in Append. Apol. ad Regii form. caute loq. p. 209. Salian. T. 4. Annal. Eccl. p. 75. P. Martyr Vermil. in 2. Reg.

Modum & processum *translationis Henochi* nemo a nobis poscat. Neque enim eum exponere nostrarum est partium, nec, si foret, afferre certi quicquam possemus. Aug. Pfeiff. disp. de Henoch c. 3. §. 8.

Quid in qualibet contignatione *arca Noë* fuerit collocatum, exacte definiri non potest. Raupp. ad Gen. VI. 16.

An Sem, Cham, Japhet, *fili Noachi*, hoc ipso ordine nati sint, an Japhet primogenitus sit, Cham minimus, res est dubia, & ab utraque parte suis subnixa argumentis. G. Calixt. in Gen. X, 1.

Infinitas alias quæstiones de *arca Noë* amputabimus. Quali *aëre* in arca sint usi? Unde hauserint *aquam*, qua poti sunt? Quomodo potuerit *sentina* exhauriri, quæ graviter olet? Hæc & alia accidentia, quæ navigantium usus ostendit, præcidamus; alioqui nullus quæstionum finis erit. Luther. in Gen. c. VI. p. 100.

Quidnam *Ana* *invenerit* in deserto, thermasne, an mulos, aut gigantes, obscurum est. Ideo certi forte quid heic statui nequit. G. Calixt. in Gen. XXXVI. 24.

Qui fuerint IV. illi *Reges*, *bellum facientes Abramo*, Gen. XIV. & ubi regnaverint, in tanta antiquitate & defectu aliorum Scriptorum, non est clarum. Hist. Eccl. Goth. T. I. 50.

Quid-



Quidnam fuerint *dudaim*, sive fuerint *fasciculus* fragrantium florum, vel amabilem fructuum, sive *mandragoræ*, aut *poma* amoris, vel *violæ*, *ficus*ve *Pbaraonis*, alias dicti poma paradisi, nec dicere possumus, nec scire interest. J. Olear. & Cleric. in Gen. XXX. 14.

Nos causam, quare convictum Hebræorum *Ægyptii* abominati fuerint, exacte scire non possumus. G. Calixt. in Gen. XLII. ult.

Quomodo affixerit *Sara* Hagarem, non refertur. Seb. Schmid. in Gen. XVI. 7.

Quænam *plagæ* fuerint *Pbaraonis*, quibus ille ob raptam *Abrahami* uxorem affectus fuit, certo determinari nequit. G. Calixt. in Gen. XII. 17.

*Pellices* quidem non eodem in honore cum justis uxoribus habitas fuisse, ex sacris literis constat: sed quodnam inter utrasque discrimen esset in aliis, non liquet. Cleric. in Gen. XXII. 24.

Cogitando completi non possumus, quo modo essentia spiritualis & incorporea (scilicet *Deus*) *litteras saxo* (tabulis decalogi) insculpat. Chytr. in Comment. in Exod. 32, 16. Qua ratione per *Urim & Thummim* in pectorali Sacerdotis summi peracta fuerit revelatio, incertum est. J. Musæus in Introd. in Theol. p. 227. Dannh. T. I. Theol. Consc. p. 3.

Quis *Melchisedek* fuerit, qui Abramo protulit panem & vinum in comneatum, tacente Scriptura, dicere non possumus. Glas. Phil. S. 971.

Quis *additamenta illa*, quæ *Mosis ævo* posteriora sunt, ac de ejus morte loquuntur, conscripserit, dici non potest, nullumque sapiente *ἐπιχρῆ* tutius ac certius est perfugium. J. Cleric. Dissert. III. Commentario in Gen. præmissa.

Quo



Quo modo *Rebecca Dominum consuluerit*, quoniam Scriptura non explicat, nos latet. G. Calixt. in Gen. XXV. 22.

*Ubi sepultum sit corpus Moſis*, quoniam Deus loco Iſraëlitis incognito ſepelire ipſe voluit, non conſtat. Hecht. in diſp. inaug. de Michaël. archang. cum diab. de corp. Moſ. certam. Poſit. 5.

Moſes, an *Jobus librum Jobi ſcripſerit*, incertum. Seb. Schmid in Jobi c. i. p. 4.

De tempore, quo *vixit Jobus*, cum Scriptura nihil definiat, nec nos definire poſſumus. Seb. Schmid l. c. p. 4.

*Qua in parte terræ habitaverit*, non conſtat. Id. p. 5.

Non juvat in *ratione nominum* (*propriorum*, ut Jeminah, Kezia, & Karan haphuch) curioſos eſſe. Id. in Job. c. 42. verſ. ult.

Undenam corvi *cibos Eliæ attulerint*, ignoratur. Auguſtin. l. 2. de Mirabil. c. 15.

An ab initio ſtatim hæ, quas habemus, *vocales Hebrææ* conſonis additæ ſint & *figura & numero*, in medio nunc relinquo. Hotting. in Theſ. Philol. p. 401. Buxtorf. in Tiber. c. XI. p. 30.

Obscura plane eſt & explicatu difficilis *inſtrumentorum muſicorum* veteris teſtamenti nomenclatura. Grello. Prodrum. in Apocal. VI. 8.

Hebræorum Doctores differentiæ rationem inter שיר *Schir* & מִזְמוֹר *Mismor*, nec non inter שיר מִזְמוֹר *Schir Mismor*, & מִזְמוֹר שיר *Mismor Schir*, ſe ignorare, ingenue agnoſcunt, Vatabl. in Pf. 30.

Quale inſtrumentum fuerit נְגִינָה *Neginab*, non facile definietur: tactu motas fuiſſe fides ipſius, probabiliter ſatis credi videtur. Geier. ad Pf. IV. 1.

Cum probabile ſit, נְחִילָה *Nechilab* eſſe inſtrumentum muſicum, & quidem pneumaticum, tam diu ita ſtatuiſſimus, uſque dum certiora monſtrentur. Geier ad Pf. V. 1.

De



De Hefsenis, quando originem habuerint, incertum. J. Druf. de Hafid. p. 32.

Non multum refert, cucurbitane vel frutex fuerit קיקיון kikajon ille subito procrefcens, & ascendens super tugurium Jonæ, ad parandam ei umbram. Luth. in glosfa marg. ad Jon. c. IV, 6. & Tarnov. in eund. loc.

An *Ethnicorum expiatio*, ἡ ἱελευτή, responderit omni ex parte holocausto Judæorum, non liquet. Fabric. Differt. de Cacozel. Gentil. in Dilh. Dispp. T. II. 213.

Quo anno aut die nata fuerit *Maria*, mater Domini, certo statuere non audemus. Hist. Eccles. Goth. 54.

Qui potuerunt pastores locum dignoscere, ubi erat *Jesus recens natus cum matre*? R. Quod Scriptura filuit, ego libenter ignoro. Causaub. in Exerc. II. ad Annal. Eccl. Baron. p. 148.

An *stella*, quæ præluxit Magis, fuerit vera stella, vel angelus, non constat. Chytr. in c. III. Apoc. p. 91.

Quando, & quomodo *responsum Spiritus sancti*, cujus mentio fit Luc. II. 26. acceperit Simeon, textus non dicit. Finck. in Tom. IV. Dispp. Giesf. p. 459.

De *Magorum*, ad recens natum Christum venientium, nominibus, dignitate, numero, patria, loco sepulture, multa incerta & curiosa afferuntur. Causaub. in Exerc. II. p. 164.

Quot *infantes Herodes occiderit*, incertum est. Raupp. in Matth. II, 16.

Quot annis ante passionem Christi primum aparuerit *virtus miraculosa piscine Bethesdæ*, non effantur oracula sacra. A quam igitur epocha sit historia ejus inchoanda, audacius foret determinare. Lightf. ad Joh. V. 4.

Quousq; *dura verit*, etiam incertum. Id. ibid.

An *sepius*, an vero *semel* tantum quotannis (sanatio illa in lacu Bethesdæ) contigerit, & an in festo, aut alias, nihil est certi. Gomar. in Joh. V. 2. p. 384. G. Calixt. in Concord. Evangel. p. III.

Ff

An



An *Petrus* singulari Dei impulsu se precipitavit in mare, non constat. Olear. in Joh. XXI, 7.

Quænam fuerit mulier illa *peccatrix* Luc. VII, 37. Spiritu S. tacente, dici non potest. Olear. in h. l.

Quo tempore corruerit *turris in Siloam*, incertum. Lightf. in Luc. XIII, 4.

Nostri non interest, scire, quis *mons* fuerit, in quo *transfiguratus est Christus*: nam tacente Scriptura, tacet fides. Olear. in Marc. IX. 2.

Qualis fuerit, & quomodo per potentiam divinam facta *apparitio Moysi & Eliæ*, quum in monte Christus transfigureretur, & specimen quoddam futuræ suæ gloriæ præberet, sublimius sine dubio est mysterium, quam ut omnia illius arcana mente nostra valeamus penetrare. G. Calixt. disp. de Statu anim. separ. th. 4.

Quinam fuerint *duo illi discipuli*, quos *Christus misit in vicum*, ad adducendum asinam, ejusque pullum, dici non potest. Raupp. & Jansen. in Matth. XXI, 1.

Neque etiam, quis fuerit ille *vicus*. Raupp. ad v. 2. cit. cap.

Cur *Christus Judam admiserit ad S. cœnam*, cum tamen sciret, eum accedere indigne, id ejus sapientiæ solum notum est. Dedek. Consil. Theol. vol. I. p. 689.

Curiosi lectoris est, quærere, unde aut a quo discipulo *lavandi* fecerit initium. Maldon. in Joh. XIII, 5.

Quid passa fuerit *Pilati uxor* in somnio, Christi causa, non constat. Jansen. in Matth. XVII, 19.

An *Christus in flagellatione* certum plagarum numerum acceperit, asserere non possumus. Henr. Müller in Christo patiente, p. 105.

An *columna*, cui *Christus flagellandus* alligabatur, marmorea fuerit, vel lignea, profundum in historia passionali est silentium. Id. ibid.

Cum



Cum ruborum multæ sint species, inanis & inutilis labor fuerit, velle quærere, quæ potissimum species ad hanc coronam, quæ Christi capiti imposita fuit, sit adhibita. H. Müller in Christo pat. p. 114.

De hora crucifixionis juxta Marcum c. XV, 25. & Joh. XIX, 14. nihil certi constat. Id. p. 145. & G. Calixt. Conc. Evang. lib. 6. c. 7. p. 395.

Quomodo sponsa aceto plena hyssopo circumposita fuerit, in medio relinquendum est. Camerar. apud Erasmi Schmid. in Joh. XIX. 29.

Utrum *latus Christi* lancea fuerit vulneratum, non liquet. Er. Schmid. in Joh. XIX. 34.

Quis fuerit ille *juvenis*, qui sindone tectus, Christum captum secutus, quærere, curiosum & vanum est. Casaub. in Exercit. ad A. 34. n. 68. p. 523. Olear. in Marc. XIV. 15.

Qua hora, vel quo momento temporis matutini Christus surrexerit, definire nemo potest. G. Calixt. in Conc. Evang. l. 7. c. 1. p. 408.

Quis ille fuerit *mons*, in quem Christus jussit abire discipulos post resurrectionem suam, certum non est; quamvis plerique probabiliter putent, fuisse Thaborem. Jansen. in Matth. XXVIII, 16.

Cur *Thomas* dicatur geminus, non possumus exacte scire. Dilherr. in Postill. Emblem. T. II. p. 650.

*Stephano* defuncto melius cessisse, h. e. funus ei paratum esse, verba vers. 2. cap. 8. Act. satis evincunt. At vero an illud ex indulgentia Synedrii erga damnatum, an quod damnatus non fuerit a Synedrio, judicent alii. Lightf. in Act. VIII. 2.

An Paulus (ut refert in 1. Cor. XV. 32.) proprie *pugnârit Ephesicum bestiis*, an per *Angliam* intelligat feroces quosdam homines, cum quibus ei decertandum fuerit, incertum est. Et in horum ingnoratione nihil damni patietur religio. Er. Schmid. ad h. l.

Ff 2

An



An *complacentia Regis Agrippæ* Act. XXVI. 28. fuerit actus simplicis complacentiæ, adeoque animalis, vel spiritualis, incertum est. Theol. Jen. Ausführl. Erkl. 406.

Qualis *Lycaonica lingua* fuerit, expiscetur, cui est animus & facultas: nos talia nec audemus nec possumus. Lightf. ad Act. XIV. 11.

Quis *auctor epistolæ ad Hebræos*, ignotum est. Luther. in præfat. in illam.

Ubi, & quando quinquies acceperit *Paulus plagas* a Judæis, ex historiis non satis constat. Raupp. ad 2. ad Cor. XI, 24.

Similiter ubi, & quando ter *virgis cæsus* fuerit. Id. ad v. 25.

An inter *aulicos Cesaris Neronis* (de quibus Paulus ad Phil. IV. 22.) etiam Seneca præceptor Neronis fuerit, affirmari certo non potest. Er. Schmid. ad l. c.

Modus *conversionis Judæorum futuræ* nos later. Spener. in Piis Desid. p. 73. Niemann. in disp. de Myster. Israel. salvandi, Rom. XI, 25. th. 45. Gerh. L. de Extr. Judic. §. 3. p. 96.

Quid hoc sit, propter quod mulier debet habere *potestatem in capite propter angelos*, nondum mihi liquet. Beza in not. ad 1. Cor. XI. 10.

Quando incipiant *anni mille, quibus satanas ligabitur*, non adeo est in propatulo. Meminerimus, hic esse modeste agendum: visiones enim cœlestes ex eventu demum plenissime cognoscuntur. Feurb. in Append. disp. de Ultimo Christi Adv. contra Phil. Cæs. Tom. VII. Dispp. Giffens. p. 299.

An *Origenes* salvatus sit, vana & inanis est quæstio. Petr. Dan. Huetius l. 2. Origenic. c. 4. n. 9.

Quis *autor* sit pericoparum *evangel. & epistolicarum*, de eo dubitatur. Hildebr. disp. de Veter. Concion. §. 36.

At quid tandem, inquires, remanebit nobis in theologia tractandum vel explicandum, si tot quæstiones in numero earum



earum censendæ sunt, quæ pro otiosis, aut certe non-necessariis haberi, ac moderationi theologicæ locum relinquere debent? Facilis ad hæc est responsio. Enim vero non magis metuendum est nobis, ne, omisiss, vel certe, quum non omnia unius & ejusdem sint farinae, parce sobrieque tractatis curiosioribus ejusmodi *ζητημασι*, omnisq; nostra opera, omnisq; labor frigeat pereatque, quam œconomis, si, neglectis præteritisq; cibis ineptis atq; inutilibus, de iis conquirendis & promendis sint solliciti., qui ad familiam alendam sunt necessarii., eique convenientes. Vastissimum & inexhaustum mare est theologia, etiamsi repurgetur a spuma & immunditie curiosorum & inexplicabilium problematum. An desunt nobis in sermone divino, quæ vel ad morum probitatem, vel ad fidei veritatem referenda sunt, & in quibus laudabile nos exercitium facere possumus ac debemus? Annon sunt etiam alia in Scripturis, ut de epistolis Paulinis Petrus 2. ep. c. III, 16. loquitur, *δυσκρίτα*, sive explicatu difficiliora, *ad domandam labore superbiam*, & *intellectum a fastidio removendum*, cui facile *investigata plerumq; vilescunt*? Nam magnifice & salutariter Spiritus S. ita Scripturas modificavit, ut locis apertioribus fami occurreret, obscurioribus fastidia detergeret, ut optime scribit Augustinus lib. 2. de Doctr. Christ. c. 6. Et apposite Gregorius, cognomento Magnus: *Divinus sermo in mysteriis prudentes exercet, & plerumq; in superficie simplices refovet. Habet in publico, unde parvulos nutriat; servat in secreto, unde mentes sublimium in admiratione suspendat. Quasi quidam fluvius planus & altus, in quo & agnus ambulet, & elephas natet.* in epist. præfixa Moral. c. 4. In hisce igitur difficilioribus evolvendis curiosi esse possumus ac seduli, dummodo rursus observemus, ut ne quid nimis,

Ff 3

nec



nec curiositas nostra tendat ad nudam & vanam speculationem, aut ingenii ostentationem, propriæque famæ aucupium, sed ad nostrum pariter & aliorum profectum. Vide Rechenbergii Bigam Dissertationum de Male-sana & sana in Theol. Curiosit.

Et quidem ad recuperandam conservandamve hac in parte moderationem theologicam maxime conducent, atque imprimis salutaria erunt sequentia *Φάρμακα* sive remedia. I. Ne ambiamus plus scire, quam Deus revelavit. II. Ne inquiramus ubique *ἢ Quomodo*: Ubi enim nullæ causæ præceptionum divinarum, aut rerum in scriptura propositarum occurrunt, acquiescendum est in divina voluntate, cui ejusmodi præcepta visum fuit promulgare. Deo citra controversiam constat ratio suorum præceptorum. Nobis, si nullam perspicere possumus, sufficiat, Deum præcepisse: si vero aliquam assequi nobis videtur, ne arroganter nos geramus, nec sententiam nostram aliis, quibus forte non arridet, odiose obtrudamus. G. Calixt. in ep. ad Tit. c. III. 9. p. 34. III. Ut subinde agnoscamus & profiteamur inscientiam nostram. IV. Ut videamus, num *ζήτημα* conducat ad vitam æternam, aut ædificationem. V. In Scripturæ interpretatione ne immoremur multum cuiq; verbo. VI. Ut sinamus unumquemque, qui fundamentum fidei non evertit, suo abundare sensu. VII. Ut solidam & perfectam eruditionem nobis comparemus. IIX. Ut indocti & curiosi jubeantur in simplicitate fidei acquiescere, & in vicem disputationum, officiis pietatis & charitatis operam dare. IX. Divini libri sobrie legendi, & jugiter meditandi. Ludovic. Crocius præfat. in Apologet. A. C. Hisce remediis si Theologorum vulgus usum fuerit, *non erit profecto tanta digladiatio de nihili quæstiunculis*, fatentibus genuinis theologiæ filiis, *esse omnino quædam, quæ citra pietatis dispendium ignorari possint*, sicut eleganter scribit Erasmus *ἡ ἐξέσμι* ad Adag. Quot homi-



homines, tot sententiæ, p. 99. Cujus summi viri aliis verbis, quibus commentationem suam de curiosis Theologorum quæstionibus ad 1. ad Tim. 1. §. 4. obsignat, colophonem etiam huic dissertationi imponimus: *His* (inutilibus nempe & frivolis quæstionibus) serio occupantur Theologorum scholæ. *His* ætas rerum omnium fugacissima conteritur, cum pleraque sint ejus generis, ut doctius nesciantur, quam sciuntur, ut ridicule quærantur, temere definiantur. Breve tempus est, & arduum est negotium, agere vere christianum. Quin igitur omissis rebus supervacaneis, ea potissimum spectamus, quæ Christus nos scire voluit, quæ prodiderunt Apostoli, quæ proprie ad charitatem faciunt, de corde puro, & conscientia bona, & fide non ficta, quam unam Paulus appellat finem & perfectionem totius legis. Tot jam annis cavillamur in scholis, quibus verbis sit loquendum de Christo. Quin illud potius agimus, quibus rebus transformemur in Christum!

DIS-





## DISSERTATIO VI. DE SCYLLA THEOLOGICA.

*Stulti, dum vitant vitia, in contraria currunt.*

**T**ales sunt similes insitoribus, qui, docente Basilio epist. 41. ad Maximum, quum incurvum tenelli arboris statum corrigere student, nimia attractione in alteram partem, peccant: vel, ut Scaliger scribit Exercit. 307. sect. 28. iis, qui in limo utrumque crus impactum habent; quo namque sese alterutro expedire enixius curant, eo fortius ac profundius alterum defigunt.

\* \* \* \* \*

Exempla errantium, & in alteram partem nimis deflectentium heic proposita, sunt *Tertullianus, Stephanus Papa, Dionysius Alexandrinus, Arius, Marcellus, Jovinianus, Hieronymus, Augustinus, Pelagius, Faustus Rhegiensis, Eutyches, Berengarius, Amsdorfius, Flacius, Stancarus.*

CA-



CAPUT I.

De

TERTVLLIANO.

Sec. III.



Tertullianus, Patrum Latinorū facile princeps, cum Hermogenē, Afrum natione, sed vāfrū & subdolū, inque sectandis gentilium Philosophorum deliriis valde industriū, acrius insectaretur, atque nuganti, *materiam neque natam neque factam, nec initium habentem omnino nec finem, adeoq; æterno coæternam DEO*, fervido nimis zelo demonstrare conaretur, *DEO coæternum esse nihil posse*; usque adeo progrediebatur in contraria, ut & filium Patri coævum esse negaret, dicendo: *Nam nec Pater potest esse ante Filium, nec iudex ante dilectum. Fuit autem tempus, cum & dilectum & Filius non fuit, quod iudicem, & qui Patrem Dominum faceret.* Adv. Hermog. c. 3. B. p. 234. edit. Paris. A. 1664. Nonne hoc æternitatem Filii destruit? nonne vox hæc congruit cum illa Arianorum, *ἦν, ἢ καὶ ἔκ ἧν?* Et in sequentibus p. 139. D. utitur loco Prov. IIX, 22. *Dominus, in-quiens, condidit me initium viarum suarum, ante opera sua.* Pergit deinde: *Agnoscat Hermogenes, idcirco etiam sapi-entiam DEI, natam & conditam prædicari, ne quid innatum & inconditum præter DEUM credatur. Ita & hoc nomine materiam DEO præponit Hermogenes, præponendo eam Filio.* Vide, simul quæ adv. Prax. c. 6. & p. 503. adducat Quis nescit, Arium impia sua dogmata ex hoc loco defendisse? Sancti equidem Patres Nicæni distinguebant inter Sapien-tiam creatam & increatam. Verum gnarus linguæ sanctæ facile comperiet, & piissimos Patres, linguarum origina-  
Gg lium



lium maximam partem ignaros, hoc in loco hallucinatos fuisse; non enim בראני sed קנני loc. cit. legimus, adeoque & Targum בראני & versio, ut vulgo credunt, LXX Interpp. ἰκασε, sive, ut alii legunt, ἔκασε, si de creatione proprie dicta intelligi velint, explodatur. A vero tamen alienum haud est, Chaldaicum hunc Interpretem verbum ברא nec non Græc. Interpp. verbum κτίζει, licet in notione sua & usu antiquissimo productionem designet, uti tamen alias sæpe, sic & hic de generatione accipere, utpote cujus modus & ratio ex circumstantiis, rei que, de qua sermo est, natura dijudicari debeat. Rectius ergo Tertullianus, quam Socinus, qui sapientiam in genere, aut Corn. a Lapide, Corn. Jansenius, Ferdin. Quirinus a Salazar, alii que DD. Pontif. apud Quensted. Syll. Theol. p. 383. qui sapientiam DEI essentialem intelligunt, sapientiam σοφίαν ἀπὸν agnovit, cum id actiones ejusdem, utpote clamor, vox, ψ. 1. 3. loquela, apertio labiorum, palatum, oris eloquia ψ. 6 7 8. abominatio, odium, dilectio, ψ. 7. 14. 17. esse apud DEUM, ludere coram eo, ψ. 30. delectari cum filiis hominum, ψ. 31. clarissime testentur. Quod autem alios interpretes secutus creationem loco possessionis substituerit, aut, ut liquet, exinde, quod genitus sit Filius DEI, præexistentiam aliquam deducere allaborarit, non tam ridendum, quam errasse strenuum hunc veritatis defensorem, dolendum est. Faterur enim, textu sacro id in terminis asserente, generationem antemundanam. Ex antemundana autem αἰωνιότης, phrasi Scripturæ perpetua, æternitas demonstratur. Non ergo generationem hanc derivatione aut transfusione, nec actione aut successione, quæ incipiat aut desinat, sed æterna communione, cui simile nihil habeatur in rerum natura, fieri posse, colligere debuisset.

Simili occasione natales debet alius Tertulliani error, dum & ante nativitatem Christum veram habuisse carnem affirm-



affirmat. Cum enim adversus Apellem, & complices ejus demonstrare vellet, *carnem Christi*, quam postea ex virgine accepit, non phantasticam fuisse, sed veram & solidam; eo usque in fervore disputationis progressus est, ut affirmare non erubuerit: *Atqui tunc quoque inter angelos illos ipse Dominus apparuit Abraham sine nativitate, cum carne --- in carnis habitu, non natæ adhuc, quia nondum morituræ.* De Carne Christi cap. 6. p. 311. & iterum, adv. Marc. l. 3. c. 9. *Ideoque & ipse tunc cum angelis apud Abraham in veritate quidem carnis apparuit, sed nondum natæ, quia nondum morituræ.* & alibi passim, adv. Jud. c. 9. p. 194. adv. Marc. l. 2. c. 27. p. 395. adv. Prax. c. 9. 14. 15. 16. & p. 570. Hinc illa præcipitancia nata fuit, qua, demonstraturus Praxeæ, Filium aliam a Patre personam esse, distinxit inter Patrem & Filium, tanquam visibilem & invisibilem, adv. Prax. c. 14. 15. p. 570. terricolam & cœlicoam, ib. c. 23. p. 514. Dominum & DEUM, c. 13. p. 507. minorem & majorem ratione generationis, c. 9. p. 504. &c. Cum tamen manifestum sit, monente Gerhardo, in Meth. Stud. Theol. p. 285. Christum, qua Deus est, a Patre non distingui. Id equidem Tertullianus congrue dixerit (vel ex solo illo fundamento: Ubi ubi Pater, ibi etiam Filius & Spiritus S.) in loco Genes. 18. Christum intelligi, cum *id universus Patrum chorus, excepto Augustino* (vid. Quenst. de Angel. p. 497. b.) & statuatur, & probetur: exinde tamen neutiquam concludere debuisset, Filium DEI in sensibili quodam signo, intra hypostasim suam assumpto, atque cum illa vere & realiter unito, adeoque in carne quadam substantiali apparuisse; cum deitas, juxta tritissimam antiquitatis regulam, *id nunquam deposuerit, quod semel intra hypostasim suam assumpsit*: deponere autem assumptam hanc carnem aliquando debuisset, si humanam assumere carnem voluisset. Idem ergo est, ac si collegisset: Varia DEO sub veteri fœdere offerebantur

G g 2

holo-



holocausta; ergo extractis extis tauros DEUS & animalia devoravit. Aut si exinde, quod DEUS in forma fenis solio insidentis apparuit, concludere voluisset: Ergo certo cœli loco tanquam ergastulo inclusus, candente præditus barba, talari indutus stola, gratiarum actiones, hymnos, atque lugubres hominum supplicationes exaudit.

Verum & ab isto Anthropomorphitarū errore non procul absuit venerandus Pater: cum enim deliria Praxeæ, statuentis, unam esse Patris & Filii *ἑωσέων*, profligare simul, atque distinctas evincere conaretur subsistentias, haud dubitavit erroneam de DEO corporeo mentem solenni testificatione prodere, dicendo: *Quis negabit DEUM corpus esse, etsi DEUS spiritus est? Spiritus enim corpus sui generis in sua effigie. Sed & invisibilia illa, quæcunque sunt, habent apud DEUM & suum corpus, & suam formam &c.* adv. Prax. c. 7. p. 504. Prolixe quidem Pamelius Parad. Tertullian. 15. eundem ex Augustino defendere sustinet, atque demonstrare, quomodo Tertullianus se ipsum explicet, corpus opponendo non spiritui, sed nihilo: fateri tamen uterque cogitur, *tremenda hæc esse, non ridenda.* Adde τὸ ἐν αἰσίοις Fabricii hac de re sententiam, dicentis in Prælect. Theol. p. 53. *Cum spiritualite DEI subsistere non potest sententia Tertulliani, DEUM corporeum dicentis: licet enim ita eam moderetur, ut neget effigiata membra habere DEUM, ac corpus saltem invisibile ipsi tribuat, nec aliter id accipiat, quam pro substantia, inque oppositione ad Πάντα & nihilum, hoc unum intendens, DEUM habere esse verum & reale & non umbratile -- improprie tamen & abusive eo pacto locutus est, vocabulorum notiones confundens.*

Sed esto, Tertullianum hac in re abusive locutum esse; illud tamen nemo sacrarum literarum gnarus excusabit, quod, delatus in alteram foveam, damnârit, quod Christus approbavit, & sub dispendio æternæ felicitatis exige-



exegerit, quod Christus & Apostoli non exegerunt, sed suaserunt. *Erasm. in Præf. ad Hieron.* Cum enim disertissimus iste castitatis præco uxorem suam ad castitatem hortari, atque illibatam sugillantes virginitatem refutare conaretur, licet ante *Ad uxor. c. 2. p. 162. A.* non abnuisset, conjunctionem viri & fœminæ benedictam a DEO, ut seminarium generis humani, & replendo orbi, & instruendo seculo, excogitatam, atque exinde permissam esse: zelo tamen, eoque non secundum scientiam, postea abreptus, secundas nuptias non solum *contumeliam*, *Ad uxor. c. 4. p. 163. C. detestabiles*, *ib. c. 5. p. 164.* & variis in locis *stuprum* atque *dedecus voluptuosum* appellare; sed & variis argumentis, Montani deliria secutus, vel in uno de Exhortatione ad castitatem libro, *secundas nuptias impugnans*, *primas etiam illicitas & fœdam carnis commixtionem* dicere non erubuit.

Non ingratum fore arbitror, si ante, quam vesana & dolenda Tertulliani deliria profligem, monuero, quanam causa fuerit, cur in principio nascentis Ecclesiæ, virginitas atque cœlibatus tantos habuerit admiratores. Insensissimus ille veritatis latro & invidiæ satelles, dæmon, ut invisam vel hoc nomine & exosam gentibus redderet christianitatem, non acquiescebat tetra libidinum monstra in castis Ecclesiæ cœtibus excitasse. Nicolaus enim (unus e septem Diaconis, de quo vide *Act. 6, 5. Apoc. 2, 6. Euseb. lib. 3 c. 23. p. 73. 74. G. Calixt. de Conj. Cleric. p. 137. &c.* quamvis Epiphanius aliter aliquanto, quam cæteri veterum, historiam enarret *Hær. 15. & Chemnit. LL. Th. t. 2. p. 206.*) ob honestam & liberali facie suavissimam conjugem, ab Apostolis de zelotypia notatus, ut omnem a se removeret suspicionem, cum ex intempestivo nimis & inconsiderato fervore eandem in medium produxisset, simul atque omnibus, qui eam ducere cuperent, ducendam permisisset: illico dictum & factum hominis, contra ipsius animi sententiam,

Gg 3

alio



alio nonnulli, quam quo spectabat, detorserunt. promiscui usus conjugii ac impudentis atque effusæ fornicationis exinde sumentes occasionem. Tetram hanc libidinum confusionē post Apostolorum tempora ingente cum legentium horrore Valentiniani, nec non fœdum Carpocratis gynæceū propagârunt. Hi enim solennes Christianorū ἀγῶνας, misellis ob metum Tyrannorum nocturno tempore institutas, æmulantes, ad nocturnas & ipsi concœnationes promiscue viri & mulieres conveniebant, &, amotis post cœnam luminibus, nefanda quæque dictu exercebant. Talia teterrimus ille perditorum de castissimis Christianorum cœtibus in vulgus spargere, cœnulas ipsorum, tanquam sceleris infames & prodigas, sugillare, & pudicissimas quasque mentes de promiscua Venere, de stupris, de incestu & aliis libidinibus, a quibus etiam honestiores Ethnici abhorrebant, in publicis judiciis accusare gestiebat. Conf. Tertull. in Apol. c. 39. & Chemnit. LL. Th. t. 2. de Cast. p. 185. Hæreticis ergo ante citatis, ut & aliis, simul atque gentilium cavillis cum sese venerandi Ecclesiarū Patres omnibus conatibus opponerent, factū est, ut indies magis atq; magis amare & admirari omnes, alii tamē aliis moderatius aut vehementius, continentiam aut cœlibatum cœperint. Accedebant hinc inde varia Tyrannorum agmina, quæ ingentibus undique calamitatibus Ecclesiam obruebant, & omne nubendi desiderium, quasi in herba, corrumpabant. Cessantibus his, gravitas sacerdotalis, obicem matrimonio ponere judicabatur, *Calixt. l. c. p. 199.* urpote cui indignum videbatur, amare, joculari, ambire festivas nuptiarum nugas, & totum illud procari, quod sine aliquibus ineptiis non solet transigi. Non ergo mirandum, si & religiosissimus ipse Tertullianus e regia via nimium quantum exorbitavit.

Jam ergo diligentius accurata, si Diis placet, argumenta Tertulliani rimemur. Notandum autem in antecessum



cessum, uno ictu omnia fere repelli posse: quicquid enim ad devovendas secundas nuptias profert, pari jure & adversus primas adduci potest, quas tamen, ceu propagando humano generi summe necessarias, sapientissimus rerum Arbitrator Gen. I. & II. non solum instituit atque præcepit, variisque insuper encomiis, teste Scriptura passim, condecoravit: sed nec Cataphryges, nec Novatiani, nec ipse disertissimus earum adstipulator, Tertullianus, teste Augustino apud Pamel. in Parad. Tertull. 25. turpes ausus est dicere. Videamus ergo, quæ vis argumentis insit. I. dicit de Exhort. Cast. c. 1. & 2. p. 519. *secundas nuptias iterandas ideo non esse, quia primam DEUS abstulerit uxorem, atque eo ipso alteram ducere prohibuerit.* Ratio est: Si voluisset te habere uxorem, non abstulisset. Idem, ac si collegisset: DEUS Jobum omnibus orbavit liberis. Ergo noluit alios eundem progignere: si enim voluisset, non abstulisset. Aut: Omnem DEUS in Ægypto occidit primogenituram, ergo nullam in illa DEUS habet complacentiam: si enim haberet, non abstulisset. Nec non: DEUS primum hominem, ut & sacerdotem Israelis Aaronem, regemque Saulum fato fungi permisit: ergo noluit alios existere homines, alios succedere prioribus reges atque sacerdotes: si enim voluisset, primos non abstulisset. Vides, ab auferre ad odio habere, quam frigida sit consequentia! Nemo certe sana ratione præditus, mortuam, sed *aliam eamque vivam* thalamo sibi jungi desiderabit uxorem: cum id Christus parti innocenti Matth. 5. 32. c. 19. 9. c. 22. 29. & Apostolus omnibus æque permiserit 1. Cor. 7. 8. 9. 39. Rom. 7. 2. 3. 1. Tim. 5. 14. atque exempla veteris & novi fœderis clarissime demonstrent. Genes. 25. 1. Ruth. 4. 11. Matth. 12. 46. 55c. Sed *permissionem Pauli non fieri ex tota voluntate DEI*, Tertullianus II. affirmare non dubitat, dicens, de exh. cast. c. 3. p. 520. *alte & impreste recogitandam esse DEI voluntatem*



tem, quid etiam *IN OCCULTO* velit. Quæ enim in manifesto, nos omnes scire -- Si tamen, inquit porro, alia istis præposuit, utique quæ magis vult, dubiumne est, ea nobis sectanda esse, quæ maius vult: quum quæ minus vult, quia alia magis vult, perinde habenda sint, atque si nolit? Omnem insuper indulgentiam nuptiarum Apostolus de humano sensu, non de divino præscripto induxit. Tria dicit Tertullianus: (1) *Diversam in DEO esse voluntatem, occultam unam*, secundum quam improbet, & manifestam alteram, secundum quam approbet matrimonium. Sed nonne hoc est, hypocritam ex Deo facere, quod ne acerrimi quidem voluntatis signi & beneplaciti defensores affirmare audent? Voluntas occulta non potest se habere ad manifestam oppositæ: quicquid enim in verbo suo Deus manifestavit, illud est signum voluntatis occultæ. Signum autem refertur ad rem signatam. Quale itaque signum est, talis etiam est res signata, seu voluntas occulta. Dum ergo successiva connubia Deus in verbo suo, tanquam voluntate manifestata, permittit, non potest non & occulta voluntate, velut inevitabili sibi consentire harmonia. Nec rem conficit, dum (2.) Tertullianus ex *1. Cor. c. 7. v. 1.* ad Cor. colligit, *minus velle, idem esse, ac nolle*. Impossibile enim est, verbis hisce, καλῶς ποιεῖ, κρείσσον ποιεῖ, ceu clarissimis, talem inesse figuram, quæ Paulum contradictionis coarguere possit, utpote qui secundas nuptias *1. præced. 9. & 1.* statim subsequente, libertati christianæ convenientes dixerat. Repugnat insuper huic interpretamento perpetua phrasis Scripturæ: an enim, quia κρείσσον Filius DEI factus angelis, isti mali fuerunt? Hebr. 1, 4. anne, quia κρείσσον erit perversis, non agnovisse viam iustitiæ, malum est, eandem agnoscere? 2. Petr. 2, 21. Anne denique, quia κρείσσον testamenti mediator est Christus, & κρείσσον ἐπαγγελίας sancitum est novum, vetus illud malum, & promissiones ejus malæ dicendæ



cendæ sunt? Hebr. IIX, 6. Ex ipso idcirco Paulo demon-  
 strandum erit, cur iterato nubentes bene facere dixerit, non  
 renubentes vero melius. Nimirum *ὅτι τὰ ἐν ἡμῶν ἀνάγκη*  
 x. 26. quoniam undique tyrannorum agminibus circum-  
 vallati erant, præsentissima morte excruciabantur, & non  
 nisi calamitates, luctus & tristissima quævis expectare tene-  
 bantur. (3.) dicit Tertull. *Non Deum, sed Apostolum, adeoq;*  
*hominem iteratas nuptias indulisse.* Posito ergo, mi Tertul-  
 liane, hominem istum de suo quicquam verbo Dei super-  
 addidisse, anne tamen major tibi fides, quam homini isti,  
 habenda erit? anne, qui se Spiritum Dei habere x. ult. adeo-  
 que *ἐν πνεύματι* profitetur, falli se, aut fallere pretioso sangui-  
 ne redemptos cætus voluit? Vide, quo te fervor deduxe-  
 rit! Opponere equidem v. 8. & 10. præceptum Domini  
 præcepto suo videtur Apostolus, sed non contradictorie:  
 verum tanquam expressum, & non expressum: Nullam  
 enim Matth. XIX, 9. & V, 32. mentionem fecerat Christus  
 eorum, quæ in sequentibus, occasione quæstionum Corin-  
 thiacarum x. ult. inculcat Apostolus. Sed pergit III. Ter-  
 tull. ib. c. 3. p. 520. C. D. *Dum Apostolus 1. ad Cor. VII. 9.*  
*dicat: Melius est nubere, quam uri; non eo ipso bonum*  
*appellare connubium; sed genus mali inferioris, quod a*  
*superiore malo obscuratum, ad nomen boni impellatur,*  
*--- atque sic accipiendum esse, quomodo melius sit, uno oculo*  
*carere, quam duobus, ubi si a comparatione discedas, non est*  
*melius, unum oculum habere, quia nec bonum.* Verum hanc  
 Tertulliani interpretationem, ceu ex proprio desumptam  
 cerebro, infirmo valde stare talo, gnarus regularum her-  
 menevticarum facile comperiet. Ambabus equidem lar-  
 gior manibus, *comparativam particulam aliquando pro ad-*  
*verbio negativo poni, ut docet* Glass. Gram. S. p. 726. adeoque,  
*melius est nubere, quam uri,* seu flammis libidinum succum-  
 bere: quis tamen exinde colligere audebit, & nubere non  
 bonum esse, nisi ex similibus Scripturæ locis ridicule idem

Hh

inferre



inferre vellet: Malum est, sperare in homine. Ergo etiam in Deo. Psal. CXIIX, 8. Malum est, dejici & humiliari coram Principibus. Ergo etiam exaltari. Prov. XXV, 7. Malum est, si patiaris malefaciens. Ergo etiam, si benefaciens. 1. Pet. III, 17. (Conf. Jon. IV, 3. Matth. XII, 8.) & hoc exinde, quia prius bonum a superiore malo obscuratum, ad nomen demum boni, licet alias malum sit, impellatur? IV. Denique eo usque infervore suo progreditur Tertull. ut secundum simul atque primum matrimonium speciem stupri vocare non vereatur, ib. c. 9. p. 522. 523. ideo, quia Dominus dixerit: *Qui viderit mulierem ad concupiscendum, jam stupravit eam in corde suo.* Pergit ergo: *Qui autem eam ad ducendum viderit, minusne, an amplius fecit? quid si etiam duxerit? quod non faceret, nisi & ad ducendum concupisset, & ad concupiscendum vidisset --- omnis mulier etiam cœlibi alia est, quam diu aliena; nec per aliud tamen fit marita, nisi per quod & adultera.* Leges videntur matrimonii & stupri differentiam facere per diversitatem illiciti, non per conditionem rei ipsius. Alioquin quæ res & viris & feminis omnibus adest ad matrimonium & stuprum? Commixtio carnis scilicet, ejus concupiscentiam Dominus stupro adæquavit. Ergo, inquis, jam & primas, id est, unas nuptias destruis? Nec immerito: quoniam & ipse ex eo constant, quo & stuprum. Adeo videlicet callidus dæmon piissimis alioquin Patribus imposuit, ut crederent, inter commixtionem in consuetudine conjugali & in fornicatione plane nullam esse differentiam, sed ab ipso excogitatum illud discrimen, ut nimirum turpissima scortorum mancipia, sub specioso matrimonii prætextu, nefaria quævis facinora patrare possent. Sed nonne hæc est διδασκαλία illa δαιμονίων, 1. Tim. IV, 1. 2. 3. contra expressum Spiritus S. mandatum c. præc. v. 2. 4. 5. 12. totidem verbis inculcatum? Frustra Tertullianus vesanæ huic oris impudentis contumeliæ gratiam tœnerari conatur



tur ex effato Christi Matth. V, 28. cum Salvatori de libidinosa desponsata mulieris concupiscentia, adeoque non virginis aut viduæ, in thalamum, sacra Dei autoritate Hebr. XIII. 4. &c. sanctificatum, ducendæ, sermo sit, uti verba clarissime testantur. Sed satis forte, imo plus satis de Tertulliano.

## CAPUT II.

De

STEPHANO I. EPISCOPO  
ROMANO.

Sec. III.

**N**ondum Ecclesiæ Christi jura dare, nondum Imperatoribus regna distribuere conabantur Episcopi Romani, cum dira persecutionum mole pressi, tormentisque tyrannorum immane, quantum excruciat, pro unius omnium Ecclesiarum Episcopi gloria carissimam evomere gestirent animam. Angusta Christi & Apostolorum sorte contenti, pauperibus ipsi pauperes benefaciebant, atque æqualibus aut majoribus fraternas jungendo manus Episcopis, ingruentibus undique erroribus, canales obstruebant. Sed infausto id fidere tentabat Stephanus, Episcopus Romanus, qui vixit Sec. III. Cum enim Cypriano, ab hæresi venientes rebaptizanti, acrius resisteret, in contrarium ipse errorem improvidus incidit. Cyprianus siquidem æmulatione accensus, cum Montanistæ & Novatiani omnes illos, qui ad se transibant, rebaptizarent, ne videretur ipse deterius conditionis, illos similiter, qui ad se ex illis veniebant, rebaptizabat, Fabric. Præl. Acad. p. 462. & Micræl. Synt. H. D. p. 243. adeoque fidem rectam in baptizante ad baptismi integritatem maxime requiri, ac proinde baptismum ab illis, qui fidei sinceritate & unitate veræ

H h 2

Eccle-



Ecclesiæ non erant conjuncti, ceu ab hæreticis collatum inefficacem, ideoque iterandum esse censebat. Cujus erroris Agrippinum, antecessorem Cypriani, primum auctorem fuisse, testatur Augustinus de Bapt. l. 7. Laudabili ergo conamine Stephanus malum hoc acerrimi alias disciplinæ christianæ propugnatoris & gloriosissimi testis Dei, radices agere vetuisset, nisi in tantum dura ejusdem obstinatio prorupisset, ut, postquam amantissimum charitatis christianæ Cyprianum, *pseudochristum, pseudoapostolum & dolosum operarium*, apud Firmil. in Epist. ad Cypr. inserta operibus Cypriani Parisiis editis An. 1666. p. 150. virulenta satis lingua appellasset, atque sic pacem ecclesiasticam rupisset, simul etiam a quacunque hæresi venientes baptizari vetuisset, adeoque de Marcionis baptismo & Valentini & Apellis ceterorumque blasphemantium in Deum Patrem & Dominum Deum Christum, ceu legitimo, filios Deo nasci, remissionem peccatorum dari, insolenter, arroganter, & contumaciter contendisset, idque propter traditionem, & quod ipsi hæretici proprie alterutrum ad se venientes non baptizent, sed communient tantum. Cypr. ep. ad Pomp. p. 129. 131. Magdeb. Cent. 3. c. 7. p. 171. Hist. Eccl. Goth. p. 261. Verum merito quaerit Cyprianus loc. cit. p. 130. ubinam contineatur illa traditio, quæ divinæ traditioni, hæreticos a versari jubenti, eosdemque perversos, a semetipsis damnatos & Antichristos nominanti, contradicat? quanam illa obstinatio sit, quæve præsumtio, humanam traditionem divinæ dispositioni antepone, nec animadvertere, indignari & irasci Deum, quotiens divina præcepta solvit & præterit humana traditio? Sicut per Esaiam clamat: Sine causa me colunt, mandata & doctrinas hominum docentes. Item Dominus in Evang. increpans similiter, & objurgans, dicat: Rejicitis mandatum Dei, ut traditionem vestram statuatis. -- Anne vero ad hoc malum devoluta sit Sponsa Christi, ut hæreticorum exempla sedetur,



*tur, ut ad celebranda sacramenta cœlestia disciplinam lux de tenebris mutuetur, & id faciant Christiani, quod Antichristiani faciunt? &c.*

Haftenus equidem orthodoxe Cyprianus contra Stephanum differuit, atque hoc unicum duntaxat in tanto reprehendimus viro, cum Fabric. in Præl. Theol. p. 460. quod discrimen haud observârit inter hæreticos illos, qui servata materia a Christo præscripta, substantialia baptismi non immutant, & inter illos, qui hæc opugnant, atque loco aquæ aliud quippiam usurpant, vel mysterium S. Trinitatis præfracte & directe negant, nec in Patris, Filii & Spiritus S. nomine baptismum administrant. Prioris generis hæreticos dum rebaptizari voluit Cyprianus, ideo, quia *Spiritus S. accipi non possit, nisi prius fuerit, qui accipiat*, loc. cit. p. 131. seu, quia efficacia baptismi dependeat a qualitate baptizantis, idem est, ac si contendisset: Medicum vario morborum genere laborantem, non posse salutaria præscribere morbo pharmaca, quia ipse æger sit: Aut rusticum, nebulonem, vel adulterum, agrum colere haud posse, uberimosque frugum proventus colligere, ideo, quia malus sit. Minister enim in prædicando verbo & administrandis sacramentis non suum, sed Dei verbum annunciat, non sua, sed Christi sacramenta dispensat: adeoque vis omnis & efficacia ab autore primario & causa principe, utpote a quo dependet, speranda est. Ita fere Fabric. loc. cit. Posterioris vero generis hæreticos dum baptizari (nec enim rebaptizari possunt, cum verum nunquam acceperint baptismum) vetuit Stephanus, idem est, ut eodem fere simili rem illustremus, ac si dixisset: Medicum curare posse ægrum, etsi salutaris loco medicaminis, cicutam exhibeat ebibendam: Rusticumque largos metere posse proventus, etsi loco frumenti cineres simul atque lapillos in agrum seminet, vel in aqua sementem faciat. Qui enim

Hh 3

ab



ab illis, qui vel unicam in Deo agnoscebant personam, vel personas cum Patripassianis confundebant, omniaque contraria sacrae veritati docebant, uti Hermogenianos, Praxeanos, Cataphrygas, Quintilianistas, Marcionitas, Valentinianos &c. horum ævo fecisse testatur Tertullianus de Præscr. c. 12. & de Baptismo c. 15. quî, inquam, verum ab his administratum fuisse baptismum dicere, adeoque judicare auderemus, per id dari remissionem peccatorum, per quod blasphematur nomen Domini? Nonne hoc esset, fidem in perfidia, spem in desperatione, rationem in errore, in morte immortalitatem, in mendacio veritatem, & in tenebris denique lucem quærere?

Æqualem ergo, si non majorem Cypriano, Stephanum, ex nimio contradicendi studio, errasse errorem, quis non videt? Cyprianum equidem candidissimi pectoris nævum ubere charitatis cooperuisse, testis est Augustinus epist. 48. Sed an istum, re male gesta, erroris postea poenituerit, non constat. Id certum est, utrumque postmodum martyrio fuisse Christo adunatum, atque ita compescuisse Dominum servorum suorum discordiam, in exequendis ipsius mandatis, etsi per diversa currendi spatia, strenue concordem.

## CAPUT III.

De

## GREGORIO THAVMATVRGO, EPISCOPO NEOCÆSARIENSI.

Sec. III.

**L**icet variis tormentorum generibus ethnici Christianos excruciant, non tamen eosdem invisos hoc nomine Deo hominibusque reddere poterant. Alio igitur remstrata-



stratagemate cacodæmon aggrediebatur, divulgando, Christianos plurium Deorum cultores esse, exinde, quia Trinitatem colerent personarum. Strenuum hoc in opere præconem se offerebat Ælianus, quem cum acrius insultantem Gregorius noster mendacii coarguere allaboraret, e regia nimium quantum exorbitabat via, grata hæresi Sabellianæ arma suppeditando: Non enim in commentario suo de Expositione Fidei, satis ipsi erat demonstrasse, Trinitatem personarum in unitate essentiæ nos colere; sed & unitatem hypostasium, utpote quæ mentis solum cogitatione differant, asserere dubitavit nullus.

Laborat quidem Basilii epist. 64. p. 49. edit. Basil. A. 1565. ut a Sabellianismi suspitione eundem defendat, dicens: *Hoc non dogmaticè, sed contentiosè, in disputatione adversus Ælianium, dictum esse, intelligere nequiverunt, qui propter intelligendi subtilitatem beatos sese reputant. In qua disputatione multi sunt eorum, quæ descripta sunt, lapsus. --- Quandoquidem sane qui Græcum infidelem ad credendum persuadere nititur, is non putat, sibi circa verba exactius disceptandum esse, sed alicubi consuetudini ejus, quem ad fidem inducit, nonnihil condonat, dummodo principalibus ac necessariis non reludetur. Quapropter etiam multas isthic invenias voces, quæ nunc maximum robur hæreticis præbent: velut sunt creatura & factura, & si quid aliud ejusmodi est. Sed utinam ipsa Expositio fidei Gregorii nobis ad manus esset! Illam enim, quam edidit Vossius, dubiæ fidei esse, quis non videt ex primis statim lineis, nec non ex omissione illorum, quæ Basilii citat, aliorumque? Vid. Gerh. Patrol. p. 159. Ne ergo tela in ventos effundere videar, errorem hunc ad examen revocare superfedebam, cum Basilii hac ipsa epistola satis aperte declaret, Gregorium sententiam suam adversus Sabellium probe testatam reliquisse*



quisse. Qua vero felicitate Dionysius Sabellium aggrediendo, Arianis arma parârit, jam videamus.

## CAPUT IV.

De

DIONYSIO EPISCOPO  
ALEXANDRINO.

Sec. III.

CUM immanis Æmiliani tyrannis ingruensque undique  
clues Ægyptum vexaret, ne quid infelicitati deesset afflictionum, & molestiarum, ecce, Sabellius, hæresi sua, ex infauis veterum heresiarcharum lacunis eruta, (quæ in sancta Trinitate, uti unam duntaxat *ἐστὶν*, sic & unam pariter prædicabat hypostasim, adeoque omnem personarum distinctionem atque proprietatem penitus auferebat,) fidem, charitatem, verbi divini propagationem, omnemque adeo tranquillitatem Ecclesiæ perturbabat. Dionysius ergo Alexandrinus, muneris sui haud immemor, eruditis lucubrationibus deliria subditi sibi hominis, utpote Lybici, cum refellere, penitusque confutare gestiret, *non tantum distinxisse, sed & divisisse personas ad invicem* Basilio Magno videbatur, qui his verbis Dionysii scripta Maximo Philosopho commendat, epist. 41. p. 24. *Non omnia ejus viri laudamus. Immo sunt, quæ penitus etiam damnamus. Nam ipse, quantum nobis liquet, primus hominibus impietatis istius Anomianæ, (qua nempe Christus ἀρμονίᾳ Patri, i. e. non similis secundum essentiam dicitur) quæ jam passim obfrepit, seminaria objecit. Causam vero hujus non puto animi malitiam esse, sed quod vehementer voluit resistere Sabellio. Soleo itaque illum assimilare plantatori cuiquam, novellæ plantæ torturam corrigenti, deinde ob immoderatam retractionem*  
*ame-*



a medio aberranti, & germen ad contrariam partem abducenti. Tale quid etiam circa hunc virum factum esse comperimus. Dum enim vehementer resistit Libyanæ impietati, non animadvertit, se ipsum ad contrarium malum nimio contendendi studio deferri. Cui sane tantum satis fuisset, ostendere, quod non idem est subiecto Pater & Filius, & hæc habere contra blasphemum victoriæ signa. Ille vero unum admodum evidenter ex abundanti obtinet, & non solum substantiarum diversitatem ponit, sed etiam essentiae differentiam, & potentiae diminutionem, & gloriæ ac maiestatis variationem. Quare ex hoc contigit, ut ipse malum malo permutaret, a rectitudine vero doctrinæ aberraret. Quapropter etiam varius est in scriptis, nunc quidem destruens *ἡμῶν*, propterea quod in substantiarum digestionem & concinnationem, quibus male utitur, delinquit: nunc vero admit- tens in Apologia ad cognominem (Dionysium videl. Episcopum Romanum.) Ad hæc etiam de Spiritu emisit voces, Spiritui minime convenientes &c.

Baronius equidem asserere non dubitat, Annal. t. 2. A. C. 263. §. 45. licet excuset Basilium, liberius tamen eum aliquanto locutum fuisse, audetque porro verba ejusdem interpolare, atque ex prioribus epistolæ verbis, *Quæ de rebus Dionysii sciscitaris, per venerunt quidem ad nos admodum illius multa: libri vero nondum adsunt: atque ideo nihil dum misimus*, affirmare, l. c. §. XLIV. Basilium Apologiam ejus ad cognominem Episcopum Romanum nunquam vidisse: cum tamen expressis verbis (quæ quidem, ut dixi, Baronius interpolavit) id ipse in hac testetur epistola. Mirus porro artifex est ingeniosissimus ille Papatus Rom. defensor in demonstrando supremo tribunali Romæ erecto, ad quod e remotissimis etiam orbis partibus causæ principales deferri debuerint, exinde, quod Dionysius aliquot epistolas ad Dionysium Romanum scripserit: quapropter & Basilium suggillare non erubescit, quod nullam supremi hujus tri-

li

bunalis



bunalis mentionem injecerit, cum tamen quivis, nisi spontanea affectus cœcitate, ib. §. L. id videre potuerit. Verum, si Romæ supremum ideo tribunal erectum fuit, quia Dionysius quasdam epistolas apologeticas gentili suo, quem fratrem appellat, transmisit, sequetur, etiam Berenices, Loadicæ, Pentapoleos, Antiochiæ &c. supremum fuisse tribunal; quia ad harum quoque Ecclesiarum Episcopos Dionysius literas dedit: immo, quod maximum, & in Alexandria ipsa, quia Dionysius Romanus Episcopus ipse huic Dionysio, teste Athanasio, citato ab ipso Baronio l. c. §. 33. literas misit. Sed hæc obiter.

Id vero congrue monuit Baronius l. c. §. XLII. *Ruffinum Aquilejensem deceptum fuisse, dum existimavit, Dionysii Alexandrini qui videantur errores, non fuisse ab eo conscriptos, sed ab Arianis additos: cum Athanasius pro eo scribens, Apologiam nequicquam hujus causetur.* Licet enim Dionysius in Apologia sua palinodiam cecinerit, suamque de Trinitate mentem adversus subsequentes Arianos optime testatam fecerit, Christum consubstantialem Patri, nec non tres personas coæternas, coæquales & simul omnipotentes nominando, Magdeb. cent. 3. c. 10. p. 228. 229. nihil tamen id prohibet, quin Sabellianos oppugnando minus congrue locutus fuerit. Quis autem fidem non desideret, atq; justam curam & circumspeditionem in Sandio, qui in Nucleo Hist. Eccl. p. 42. qui spuriam Dionysii Alex. Apologiam & confictam pronunciare, simul atq; citantium eandem, Athanasii videlicet & Basilii, quin & Eusebii atque Hieronymi, silentium urgere non veretur? Vid. Reuchlini Dissert. de Arianis. p. 68. Nolo tamen Dionysium in pariete mihi depingere, atque hoc modo cum eo confictari, ne absque oleo pinxisse videar: Illum potius, qui in errore perstitit, Arium puta, suis depingere coloribus allaborabo.

CA-



## CAPUT V.

De

## ARIO.

## Sec. IV.

SÆvi illi & Rhadamantei iudices non amplius metuendi erant, desierantque sævire hostes christiani nominis, sanguinariae illæ bestiae: ἐξ ὁδοζέται & θεοφιλέσται. CONSTANTINVS, primus orbis christiani Imperator, alcedonia Ecclesiæ, Episcopis uberrimos honorum & divitiarum proventus, omnibusque exoptatissimos in tranquillitate concedebat annos. Pax erat, nisi ambitio, æmulationes & rixandi libido novas procellas, novaque mala in Ecclesiam induxissent. Non enim amplius igneos torrentes evomebat, furensque omnibus modis sæviebat formidandus ille draco; sed angelum lucis mentiebatur, & sub amica scientiarum atque eruditionis larva fallebat. Acer ille, sed infaustus disputator Arius, Ecclesiæ Alexandrinæ Presbyter, quum ingenio haud infelici, fastuoso tamen ac turbulento, & ad quævis audenda parato præditus esset, promptissimum fraudum & technarum illarum ministrum, sed & eloquentis blandiq; oris satellitem se offerebat.

Etenim cum Alexander, qui Achillæ in Episcopatu Alexandrino successerat, aliquando præsentibus suis Presbyteris una cum reliquo Clero, subtilius curiosiusque de mysterio S. Trinitatis philosophans, ἐν τριάδι μονάδα εἶναι, h. e. in Trinitate unitatem esse doceret; Arius ratus, Episcopum Sabellii Libyci dogma inducere, ad opinionem, quæ cum Sabellii dogmate ex adverso pugnat, contentionis studio deflexit, iisque, quæ ab Episcopo dicta fuerunt, acerbius occurrit, dicens: Si Pater genuit Filium, existendi initium habet is, qui genitus est. Ex quo manifeste liquet, fuisse ali-

li 2

quan-



quando tempus, cum non esset Filius: & necessario conficitur, eundem ex οὐκ ἔστω ex nihilo subsistere: ceu totidem fere verbis memoriae prodit Socrates H. E. l. i. c. 5.

Quod causam & originem hujus controversiae attinet, fatendum est, in diversas opiniones trahi scriptores ecclesiasticos. Alii enim eam τῇ φιλονεικίᾳ & nimiae curiositati Alexandri imputant, uti Socrates H. E. l. i. c. 5. & Constantinus Imp. in aurea epist. ad Alex. & Arium apud Socr. l. i. c. 7. Alii, ut idem Socrates, & Sozomenus l. i. c. 15. τῇ φιλονεικίᾳ Aarii: Alii, ut Theodoretus l. i. c. 5. ejusdem erga Alexandrum, quem sibi in episcopatu praelatum esse ægre ferebat, livori & invidia. Epiphanius autem asserit, illam ipsam Alexandri disputationem eo fine institutam fuisse, ut suspectus delatusq; Arius detegeretur. Idem tamen in re dictos auctores sentire, licet verbis aliquantum dissentire videantur, adeoq; id ipsum, quod clarissime omnium affirmat Socrates, (cujus sententiae evidentiam animadvertens Vigilius Afer, Arium & Sabellium, quasi praesentes, in certamine committit) omnes vel praesupponere, vel aliis circumstantiis involvere, vel deniq; de ipsa scena tragici hujus actus magis sollicitos, negligere prologum, facile alienus a studio partium deprehendet.

Adeoque negavit, Filium Patri esse coeternum, eo, quod ab ipso sit genitus. Et huic asserto, tanquam fundamento, superstruxit reliqua sua commenta omnia, nimirum inter Patris existentiam & generationem Filii aliquid, quantumvis exiguum, spatium intercessisse; Filium ex non entibus hypostasim suam habere; nec Patri ὁμοῖον esse, sed eo minorem atque inferiorem &c. At enim vero, everso τῷ πρώτῳ ψεύδει, tanquam fundamento, quaecunque ei superaedificata sunt, sua sponte corruent. Id autem per facile est. Immanis quippe est, ac viro artis dialecticae minime



nime ignaro (quod quidem elogium Ario Socrates l. c. tribuit) pudenda *μπαλασις εις ἄλλο γένος*, cum τῷ αἰτεῖσθαι π' ἐν ἀρχῇ conjuncta, nihil discriminis facere generationem divinam inter & naturalem vel humanam, hujusque decem-peda illam metiri. In humana generatione notamus (1) Productionem, atque adeo transitum à non esse ad esse. (2) Generantem genito priorem esse. (3) In illo generandi potentiam activam, in hoc passivam. (4) In utroque mutationem aliquam. (5) In generante actum generandi voluntarium, & (6) Materiam ac semen ex quo gignat. (7) In actu generandi initium & finem. (8) In genito dependentiam a generante, tanquam causa existentiae suae. Sed haec omnia cum imperfectionem involvant, divinae non sunt tribuenda generationi, sed potius ab ea longissime removenda. Nam in deitate est existentia necessaria & aeterna: Cum qua pugnat (1) Non esse, & incipere esse. (2) Alio posteriorem esse. (3) Producere tantum *ἑμou ὄντων* posse. (4) Mutari. (5) Voluntario actu produci posse. (6) Ex materia generare, aut generari. (7) Initium aut terminus generationis activae aut passivae. (8) Ab alio essentiam aut existentiam accipere, ac dependere.

Hinc Theologi divinam generationem non appellant vel physicam vel metaphysicam seu hyperphysicam, eamque ajunt ita concipiendam esse, ut abstrahatur ab omni imperfectione, quæ humanae adhærere solet, & dicatur aeterna divinae naturae communicatio, seu, si mavis, communio. Quemadmodum itaque inter homines filius non habet eodem momento existentiae suae initium, quo pater, sed eo aliquot annis est posterior, ita per crassissimum errorem idem de divina illa generatione judicium tulit A-rius, sic argumentans: Si Filius a Patre est genitus, tunc ei non est coaeternus, quia nullus filius existere incipit eo tempore, quo pater. Ita sane sese res habet in humanis,



at non in divinis. Quod si autem Arius, aut mali corvi malum ovum, curiosulus quidam, deque modo sublimissimæ hujus generationis plus justo sollicitus Eunomianus instet, atque interroget: *Quid ergo tandem genitus est ille Dei Filius?* responsionem e S. Gregorio Nazianzeno Orat. 4. de Theol. dabimus hancce: *Non magnum quid esset hæc generatio, si abs te perciperetur, qui ne propriam quidem generationem cognitam habes, vel paululum quiddam hujus percepisti, quantumque te pudet dicere -- Quod si propterea, quod abs te non est percepta generatio, Filius non est genitus: tempus est, ut multa in rerum universitate deleas, quæ tu non percepisti, & quidem ante omnia Deum ipsum -- Dei generationem cum silentio veneremur. Magnum quid tibi sit intelligere, quod sit genitus. Quo autem modo, id ne Angelis quidem cogitandum: tantum abest, ut tibi permittamus. Vis dicam tibi, quo pacto? Sicut Patri cognitum est, qui genuit; & Filio, qui genitus est. Quod supra hoc est, nube tegitur; oculorumque tuorum hebetudinem fugit. Faceat ergo insana subtilitas, & subtilis curiositas! Miremur tremenda DEI mysteria, (monente Bernhardo ad Eugenium de Mysterio Incarn.) non rimemur: nec proponantur disputanda, sed veneranda: non scrutanda, sed credenda, & ubi de existentia certitudine confirmamur, ne confundamus eandem cum evidentia essentia: cum & de existentia mentis nostræ certi simus, sed quis mihi distinctam ejus dabit ideam? Pudeat nos mysteria divina scrupulosiore mentis indagine perpendere, & verbo revelato fidem denegare, dum in ruborem a natura dati, fateri cogimur, nostras cogitationes nobis mysteria esse, videlicet talia, quæ quidem ob sensum interiorem negare non possumus, interim tamen ob sublimitatem nec explicare.*

Reliquas Arii argutias discussas nobis exhibet non tantum citatus modo Gregorius, sed & alii Ecclesiæ Patres,



tres, Athanasius nempe, Hilarius, Epiphanius, Ambrosius, Idacius Clarus, Augustinus, Cerealis, & Fulgentius, quorum omnium grata *ὑπόμνη* traditur a Reinharto in Primit. Eccles. Armis Vi&tr. p. 124. & seqq. Adde Fabricium Præl. Theol. p. 134. &c. & Abbadii Tractatum Gallicana lingua consignatum, de la Divinité de nôtre Seigneur Jesus Christ, atque in Actis Erud. Lips. ad Cal. Decemb. A. 1689. pro merito laudatum.

## CAPUT VI.

De

## MARCELLO.

## Sec. IV.

**C**allidissimus ille furiarum emissor diabolus, ad tuenda regni sui palatia, nullis felicius armis usus fuit, quam mundum ad disputationes & diffidia theologica pelliciendo: Ubi enim semel in hominibus temere magnoque cum supercilio in mysteria divina profiliendi libidinem accendit, factum est, ut etiam *fellulariis opificibus*, teste Procopio Gothicorum 1. citato a Grot. de Verit. Relig. Christ. p. 360. *effluerent mysteria, foraque omnia, ambulacra & theatra personarent theologia*, ut tot tandem symbola fierent, quot professores, tot fides, quot homines, illamque in ore potius, quam in animo volverent, crescerent insuper articuli, decresceret sinceritas, efferveret contentio, refrigeret charitas, & doctrina Christi, quæ prius nesciebat *λογομαχίας*, inciperet a philosophiæ præfidiis pendere; donec tandem impostorum nequissimus atque crudelissimus, Mahumed, & qui ab ipso descendunt veritatis Christianæ hostes sanguinarii, concertationibus & diffidiis istis durissimo servitutis iugo finem imponerent, eaque acinace deciderent.



derent. Adeo nunquam Ecclesia plus accepit dispendii, quam cum in eruditione scholastica, in arguta disputandi ratione, in curiosa mysteriorum divinorum explicatione quam maxime promovisse sibi videretur. Non quidem inficior, execrandam esse hæreticorum pervicaciam, si sanari non possit, eaque, ut sanetur, omnibus viribus curandum; sed illud interim cavendum, ut optime inter alia cum temperamento legenda, in Præf. ad Hilarium monet Erasmus, *ne erroris unius odio devolvamur in alium errorem: eamque servemus animi moderationem, ne similtas nobis persuadeat, esse parvum, quod rectum est; esse dulce, quod amarum est, & contra.*

Quanto stomacho Marcellus, Ecclesiæ Ancyranæ in Galatia Episcopus, sæviebat in Asterium, Sophistam e Capadocia, Arii dogma confirmantem! Sed cum se eidem contentiose nimis opposuisset, in contrarium omnino errorem imprudens labi plerisque Patribus Ecclesiæ (vide inter cæteros Socr. l. 1. c. 36. Sozom. l. 2. c. 33. Basilium ep. 74. & 78.) visus est. Epiphanius equidem animo nunc huc, nunc illuc fluctuat, atque Marcellum modo accusat, modo defendit, modo nil certi de ipso affirmare audet, soli Deo cognita fuisse dicens, quæ occulto sub pectore foverit. Vide, quæ a p. 833. usq; ad 845. Hæres. LII. sive LXXII. differit. Postquam tamen libellum ejusdem apologeticum (de quo Baronius A. C. 341. §. L. immerito dubitat. Vide omnino Petavium in Animadvers. in hanc hæres. p. 304.) ad collegam Julium (hic enim erat illis temporibus Paparum titulus) recitasset, hæc subjungit: *Licet nihil in ipso libello non castum ac sincerum sit, vel ex ipso nihilominus argumento, qui hunc legunt aut audiunt, cogitare debent, nec temere ad hanc illum defendendi sui necessitatem venturum fuisse, nisi nonnulla protulisset, quæ turbarum aliquid excitassent, & eo hominem adduxissent, ut dictorum reddenda ratio*  
*vide-*



*videretur. Etenim fieri illud potuit, ut post errorem per libellum sese excusaret, ac corrigeret, aut ut eodem illo libello ita sermonibus suis fucum faceret, ut, quæ antea dixisset, consulto diffimularet.* Licet autem illustrissimus Annalium conditor ad A. C. 336. §. 31. operosius demonstrare satagat, Marcellum oppugnantem Asterium, in tam profundum hæreseos barathrum delabi non potuisse, *cum antefidei Nicenæ propagator fuerit acerrimus*, adeoque eundem in synodo Romana & concilio Sardicensi merito absolutum, Socratem vero ex falsis Arianorum actis nonnulla mutuatum esse: ipse tamen deinde ad A. C. 347. §. LV. LVIII. LIXL. XI. concilium haud levem passum esse iacturam. Marcellum utique hæreticum fuisse, Basilium & Hieronymum in ipsum declamasse, Chrysostomum eum cum Photino & Sophronio, divinitatem ab humanitate separantibus, conjunxisse, Theodoretum & omnes denique recentiores eandem ipsi hæresin impegisse, lubens fatetur. Quid multis? Clarissimum est ex Athanasio, Sulpitio, aliisque, Marcellum quidem errori suo colorem aliquandiu induxisse, atque sub *ὁμοδοξίας* larva latuisse, eique accessisse studium partium innocentum, quod eosdem illos iudices, a quibus fuerat condemnatus, hæreticos esse nemo dubitabit. Sulpit. l. 2. c. 36. p. 144. Interjecto autem tempore, cum ab Athanasio, ob parum sanam fidem a communione suspensus esset, & ipse quidem tantum haberet frontis, ut tanti viri iudicio notatus, sponte concederet, visus fuit jam tum nocens fuisse, cum de eo iudicatum fuerat, ut in terminis testatur Sulpitius loc. cit. c. 37. Conf. H. E. Goth. p. 312.

An vero in Sabellii vel Samosatani errorem incautus inciderit, denuo dissentiunt autores: asserunt enim nonnulli, Marcellum Sabellianæ hæreseos assertorem

Kk

fuisse,



fuisse, adeoque Patrem, Filium & Spiritum S. unius substantiæ diversas tantummodo nomenclaturas esse, contendisse. Atque vel hoc modo in contrarium Arianis errorem incidisse Marcellum, pateret: cum Ariani Filium a Patre adeo diversum statuerint, ut eum *κτίσμα* seu creaturam dicerent. Sed rectius forte alii Marcellum in Somosateni hæresin incidisse perhibent. Et huic opinioni consentaneum est, quod discipulum habuit Photinum, qui ipsissimum Samosateni errorem recoxit, statuens, *Christum non ante existisse, quam ex Maria nasceretur*. Contrarius sane hoc ipso Arianis, qui Christum creaturam quidem, sed ante mundum tamen ex nihilo conditam esse putabant. Idem de Marcello & Epiphanius sentire videtur, licet aliud ante dixerit, ex Acacio referens, l. c. p. 841. *Marcellum Filium appellasse Deum ὁνόμαν μόνον*, seu, ut moderni hæretici loquuntur, nuncupatitium: immo solum hominem, *diversi generis a Patre & sola adoptione Filium, cujusmodi in illis locis exprimitur*: Filios genui & exaltavi: item, Accepistis Spiritum adoptionis: item, Afferte Domino filii DEI. Hinc & Chrysostomus, citatus a Baron. ad A. C. 347. §. LXI. nec non Magdeburgenses Cent. 4. cap. V. p. 368. semper Marcellum & Photinum, ceu easdem inflantes tibus, conjungunt.

## CAPUT VII.

De

## IOVINIANO.

Sec. IV.

Sed



Sed & in occidente arenæ disputatoriæ pulverem excitabant Ecclesiarum hodegi, adeo quidem, ut cum immo- dica cœlibatus admiratio nonnullos inescâset, virginitatem cum ignominia conjugii, depravatione verbi divini, & superstitiosa meritorum opinione, in veneranda ecclesiæ adyta invehendam esse, autumarent. Equidem, ut ingenuè fatear id, quod res est, aurea virginitatis gloria temporibus illis longe alia erat ab hac, quam hodie præ se ferunt, jactantque nonnulli: immo, ut Erasmi verba, quæ exstant in vita Hieronymi, mea faciam, quibus maxime libertas cordi erat, bi monachi professionem suscipiebant. Primum enim res manebat integra, si quis ita censuisset: manebat commigrandi remigrandique, quo vellent, libertas: manebat dulcissimum ac liberrimum ocium: ad studium, jejunia, psalmos, vigiliæ, aut suopte incitabantur animo, aut exemplis invitabantur, non cogeantur hominum constitutiunculis: non ferreis, ut hodie, cancellis, ceu feræ indomitæ, tenebantur inclusi, nec virginum integritas claustris ferreis & murorum repagulis extorquebatur; sed ultro a volentibus Christo offerebatur religio. Vestitus erat simplex, nec is tamen præscriptus, sed suo cuique arbitrio sumptus: non qui prodigiosa novitate faceret insignem & digito notandum, sed qui simplicitatem christianam præ se ferret. Votorum nulla vincula, nisi quæ sunt cujusque pure christiani. Denique si quem forte sui instituti pœnitentia cepisset, tota demum pœna erat inconstantia nota.

Ubi ergo Siricius Episcopus Romanus, vir exigui judicii, & ad gubernandam Ecclesiam Christi non admodum instructus, judice Calixt. de Conj. Cler. p. 243. conjugium Presbyterorum Diaconorumque non sine contumelia conjugii primus improbaret & abrogaret, simul atque illos, qui propter publicum aliquod crimen, sive datum publice scandalum, pœnitentiam publicam subiissent,

Kk 2

peracta



peracta etiam hac & absolute impetrata, matrimonium tamen contrahere vetaret: atque adeo consilium a se petitum in imperium verteret, & *Ecclesiarum Præsules*, (ut cum Hieronymo ex epist. 65. loquar) *post quadringentos fere annos docere niteretur, quod ante nesciverant, proferret in medium, quod Petrus & Paulus edere noluerant, & sine quo mundus christianus in illum usq; diem fuerat*: posteriorem illam sanctionem Ecclesia universalis, subsecutique deinde Pontifices, ceu iniquam & absurdam, non solum reprobârunt, irritamque & nullam declarârunt; sed & illo adhuc tempore Jovinianus, inter alios, sanctionibus prioribus adeo irritatus fuit, ut publice Siricio sese opponere nullus dubitaret.

Cæterum *hic quoq;, ut est infelicitas nonnullorum ingeniorum*, ceu loquitur Calixtus loc. cit. p. 254. *modum tenere nescivit, & quum media via incedere debuisset, in aliam ad contraria evagantem deflexit*. Haud enim matrimonio pristinam restituisse gloriam ipsi sat erat, nisi castam infimul virginitatem suo merito, sua laude, sua denique defraudâset utilitate, dicendo: *Virginitatis nullam esse gratiam, pari omnes aestimari pretio, castimoniam nullius esse utilitatis, nullum esse præmium virginitatis, nullum honorem castitatis*. Ambros. lib. 10. epist. 82. Uti vero fecundus esse solet error, & *veluti lapis in lacunam semel coniectus, tot circumfluctus continua serie excitat, ut cum ad extremam usq; ripam pervenerint, infiniti propomodum sint, turbentq; omnino lucidissimum illud æquor & purissimum speculum, in quo repperussæ rerum imagines, quæ perfectissime sese antea oculis exhibebant, nunc non nisi confuse se offerunt*: ut scribit Saavedra in Symb. Polit. LXV. p. 525. ita & error Joviniani, ubi semel in penetralia cordis immissus erat, confuso jam & conturbato iudicio, excitatisque voluntatis fluctibus, ut intelligentiæ facultas veritatem satis percipere non posset, alios indenti-

dem



dem ex fonte hoc scaturire faciebat errores, eo grandiores quidem, quo a primo distabant longius, non secus ac fluctus a centro, unde excitantur, remotiores. Quia enim semel virginitati nullam concesserat laudem atque prærogativam, sed omnes, sive virgines, sive viduæ, sive maritatæ fuerint, ejusdem esse conditionis asseveraverat, & *sanctissimæ virginis Mariæ virginitatem destruebat, dicens, eam pariendo fuisse corruptam*, August. ad Quodvultd. hæ. 82. omnes insuper virtutes & omnia peccata, Stoicorum more, paria esse dicebat, adeoque omnium, qui suum baptismum servarint, in regno cælorum parem esse remunerationem: eos vero, qui semel plena fide in baptismo renati sunt, a diabolo non posse subverti, teste Hier. adv. Jov. l. i. c. 2. & Aug. l. c.

Uti vero Siricius merito statim adversus hos errores insurrexit, Jovinianumque cum æcclis damnavit & communione privavit: ita id etiam observatu dignissimum judicat Calixtus loc. cit. p. 255. Jovinianum citra controversiam adseruisse: *Presbyteros & Diaconos matrimonio non recte prohiberi, legemque illam Siricii nulla ratione niti*: nemo enim illo nomine eum erroris arguere vel hæreseos accusare ausus est, ne ipse quidem Siricius, nec qui summa vehementia adversus ipsum scripsit Hieronymus. Dicere itaque, *non recte fieri, si ministri sacrorum ad abstinentiam & cœlibatum latis legibus compellantur*, error eo tempore nondum fuit. Proinde sanctiones Siricii obtinere nondum poterant: licuit eas improbare: & sacrorum ministri, qui in Latina seu Occidentali erant Ecclesia, Siriciana lege non obstante, (nam Græcos ad eam nunquam attendisse, alias notum est matrimonia sua retinuerunt.



## HIERONYMO.

## Sec. IV.

**M**irabere forte, mi Lector, quod in præcedentibus sub ferulam haud revocârim Joviniani sphalmata, adeoq; fidem in præfatione tibi datam non liberârim. Verum præstitit id Ambrosius, præstitit Hieronymus, tanta quidem animi vehementia, ut idem, quod Joviniano acciderat, his etiâ Eccesiæ luminibus evenisse fateri oporteat, nisi benigna admodum interpretatione eosdem sublevare velis. Uti enim Ambrosius in refutatione sua lib. X. epist. 82. de meritis virginittatis & jejuniorum longe magnificentius, quam evangelium & honor soli Christo debitus ferebat, rhetoricatus est, ita & Hieronymus, æque ut in pugna adversus Helvidium, amplificis in cœlum usque virginitatem evehendo laudibus, contumelia sacrum thori scœdus affecit: atque in hanc rem argumenta in Tertulliano damnata, & quem ipse alias hæreticum appellaverat, Comm. in c. 1. Epist. ad Titum in v. 6. tantum non exscripsit, dicendo: *Ideo melius est nubere, quia pejus est uri. Tolle ardorem libidinis, & non dicet, melius est nubere. Melius enim semper ad conditionem deterioris respicit, non ad simplicitatem incomparabilis per se boni. Velut si diceret: Melius est, unum oculum habere quam nullum: melius est, uno inniti pede, & alteram partem corporis baculo sustentare, quam fractis cruribus repere. Advers. Jovin. l. 1. c. 5. Confer. quæso, illa, quæ superius c. 1. ex Tertulliano adduxi, & illico videbis, unde sua Hieronymus hauserit. Quin etiam plura de suo superaddit: Si bonum est, inquit l. cit. c. 4. mulierẽ non tangere, malũ ergo est. tangere: nihil enim bono contrariũ est, nisi malum. Si autem malum est,*

&



Et ignoscitur, ideo conceditur, ne malo quid deterius fiat -- Oro te, quale illud bonum est, quod orare prohibet? quod corpus Christi accipi non permittit? quamdiu impleo mariti officium, non impleo christiani. Vid. Calixt. p. 262. Quæ rationes quanti ponderis sint, superius vidimus. Omnia deinceps Scripturæ loca de carne & spiritu, de emundatione, de sanctificatione & renovatione veteris hominis, aliaque huc torquet, & dicta apostolica de studio peccandi & manifestis criminibus agentia, conjugio applicat. Vide omnino integros contra Jovinianum tractatus, maxime antem. lib. 1. c. 12. Quæ commode & constanter excusare, aut defendere, quis sustinebit?

Hieronymum vero hæc præmeditate, nec nimio disputationis ardore abreptum protulisse, tantum abest, ut potius ipsemet, quantum poterat, in Apologerico suo ad Pamach. c. 2. & 3. se defenderit, & excusarit, ac tandē errorem suum fassus sit tamen, scribens: *Quicquid de laude dixerint nuptiarū, libenter audimus* -- Igitur cum toties crebro lectorem admonuerim -- me ita recipere nuptias, ut eis continentes, viduas, virginesq; præferrem, debuerat prudens & benignus lector etiam ea, quæ videntur dura, æstimare de cæteris. Et non in uno atq; eodem libro criminari, me diversas sententias protulisse. -- Nunc vero cum disertis homines, & liberalibus studiis eruditi, magis velint lædere, quam intelligere, breviter a me responsum habeant, corrigere eos peccata debere, non reprehendere. -- Delicata doctrina est, pugnanti iñus dictare de muro, & cum ipse unguentis delibutus sis, cruentum militem accusare formidinis. Nec hoc dicens statim jactantiæ reus sum, quod cæteris dormientibus solus certaverim. Sed hoc dico, cautius eos posse pugnare, qui me viderint vulneratum. Quid autem est vulneratum esse, nisi fervore disputationis modum excessisse, & reprehensioni obnoxium factum esse? Lubenter equidem Hieronymi verba in meliorem



orem interpretarer sensum, sed qua ratione id commodè fieri possit, fateor me non videre, nisi quæ paucis interjectis ipse offert, in subsidium venire patiar, videlicet: *Aliud esse γυναικῶς scribere, aliud δυνάμει.* In priori vagam esse disputationem, & ad versario respondentem, nunc hæc, nunc illa proponere, argumentari, ut libet, aliquid loqui, aliud agere, panem, ut dicitur, ostendere, lapidem tenere. In sequenti autem apertam frontem & ingenuitatem necessariam esse. Hoc ergo gymnastico scribendi genere, & fervore disputationis, vel quacunque alia ratione commoda, hallucinationes & hyperbolas Hieronymi excusamus: aut certe si quas excusare non possumus, cæteris multis & præclaris viri hujus in ecclesiam meritis condonemus, cum, ut optime Scalliger, citatus a Calixto l. p. 266. *paucis erroribus Hieronymi mille benefacta ejus, quæ illis opponamus, habeamus.* In illis hominem Hieronymum, in istis supra multos homines eum fuisse meminerimus: cui uni plus debent ecclesiasticæ literæ, quam aliis multis, quamvis summis viris.

Illud tamen qua fronte dissimulemus, quod in hac ipsa apologia sua Paulum quoque Apostolum involvere, & secum in eundem gregem compingere, sive parvis in disputando artificii arguere non erubescit? Postquam enim varios scriptores, adversarios suos simili scribendi genere confutantes, quo suum felicius emolliret errorem, in medium produxisset, tandem subicere audet: *Taceo de Latinis scriptoribus --- Paulum Apostolum proferam, quem quotiescunq; lego, videor mihi non verba audire, sed tonitrua. Legite epistolas ejus, & maxime ad Romanos, ad Galatas, ad Ephesios, in quibus totus in certamine positus est: & videbitis eum in testimoniis, quæ sumit de Veteri Testamento, quam artifex, quam prudens, quam dissimulator sit ejus, quod agit. Videntur quædam verba simplicia & quasi innocentis hominis & rusticani, & qui nec facere, nec declinare noverit insidias: sed,*



*sed, quocumq; respexeris, fulmina sunt. Hæret in causa, capit omne, quod tetigit: tergum vertit, ut superet: fugam simulat, ut occidat. Vide, quid non sui defendendi ergo homines moliantur! Immo, quod miraberis, & ipsius Salvatoris exemplo se tueri conatur. Verum, an & hi ab adversariis vulnerati sunt, ut nos cautius pugnare possimus? num & horum peccata corrigere debemus, sed non reprehendere? ane & ipsi γυναικῶς locuti fuere? vagamne cum adversariis inivere disputationem? respondentes nunc hæc, nunc illa proposuere? aliud locuti fuerunt, aliud egere? panem ostenderunt, lapidem tenuere? Sed reprimo me, istosque beati viri errores pallio charitatis ac reverentiæ obtego.*

## CAPUT IX.

De

## AVGVSTINO.

Sec. V.

**N**imia disciplinæ externæ & virium naturalium admiratio nova paradoxa in Ecclesiam invehere videbatur. Cum enim Euchitæ ficta quadam sanctitate hominibus imponere, recte quidem motus spirituales soli Spiritui sancto attribuere, sed male eundem non nisi per speculationem somniorum, vel per simulationem orationum illabi, persuadere conarentur: Manichæi vero semina Marcionitarum & Valentinianorum resuscitantes, coæternam Deo materiam, eamque duplicem, bonam videlicet & malam, fingerent; carnis concupiscentiam, non tanquam accidens vitium, sed tanquam naturam ab æternitate malam, ceu ex mala prognatam materia, vituperarent; homini bono ex libero arbitrio fuisse initium mali, & humanam creaturam,

Ll

ram,



ram, nuptias, legemque a summo & vero Deo institutas esse negarent: tota purior Antiquitas hisce deliriis se opponerebat, tanto quidem fervore, ut multi Patrum ea interminis assererent, quæ sequentibus temporibus in Pelagio fuere damnata.

Varia in hanc rem exempla producere possem, nisi verendum esset, ne in nimiam dissertatio molem excrescat. Vel unus id jam probet Augustinus, qui ut, Arianos cum refutaret, visus fuit favere Sabellio, cum Sabellium, Ario, cum Pelagium, Manichæis: ita etiam ipse fatetur in 1. Retr. c. 9. 10. 15. 22. de Prædest. Sanct. l. 1. c. 3. & alibi, se Manichæorum deliria tanta vehementia exagitasse, ut arma Pelagianis suppeditasse, & liberum in spiritualibus arbitrium ipsis verbis adseruisse videatur, dum inter alia dicit contra Adimantum, Manichæi discipulum, c. 26. 27. *Voluntatem in melius mutare, & bonum operari, in nostra potestate positum est. --- In nostra potestate est, ut vel inseri bonitati Dei, vel excidi se veritate mereamur.* Et de Lib. Arb. l. 1. c. 12. *Vides igitur jam, ut existimo, in voluntate nostra esse constitutum, ut hoc vel fruamur vel careamus tanto & tam vere bono: quid enim tam in voluntate, quam ipsa voluntas sita est? quam quisque cum habeat bonam, id certe habet, quod terrenis omnibus regnis voluptatibusque omnibus corporis longe anteponendum sit. Quisquis autem non habet, caret perfecta illa re, quam præstantiorem omnibus bonis in potestate nostra non constitutis, sola illa voluntas per se ipsam daret.* Et in lib. de Duab. anim. cont. Manich. c. 13. *Propterea corpora diligendo peccamus, quia spiritualia diligere & iustitia iubemur, & natura possumus.* Vide, quæ fervido huic disputatori non exciderunt, modo suam adversus Manichæos causam tueri, illisque demonstrare posset, primum hominem ex libero voluntatis arbitrio lapsum fuisse! Adde, quod & peccatum originale negare videatur,



tur, dum in simili necessitate constitutus dicit: *Nusquam nisi in voluntate est peccatum.* Et alibi: *Nulli naturæ nocent peccata, nisi sua.* Item: *Nullum est malum naturale.* Videatur Chemnitius in I.L. Th. t. 1. p. 241. Totus equidem in libris suis Retractionum in eo est Augustinus, ut commodum ex his & similibus locutionibus sensum eruere possit; at quam longe sæpe petitæ sunt illæ interpretationes, utpote quæ manifeste cum ipsis scriptoris verbis pugnant!

Sed injurius essem in beatum Doctorem, si prolixam in enumerandis ejus erroribus, qui quidem paucissimi sunt, operam navare vellem, cum non sibi fuerit adeo Suffenus, ut auctoritatem suam, ceu ἀναμάρτητον, phrasēs, quasi ex tripode dictas, interpretationes Scripturarum, ut oracula, discipulis suis, aut aliis Ecclesiæ Doctoribus obtruserit, ut potius solenni testificatione alios, talem affectantes dominatum, damnaret ac rejecerit. Verba ipsius, utpote scopo nostro mirifice inservientia, licet prolixa, adjicere non pigror: Ego proinde fateor, inquit, me ex eorum numero esse conari, qui proficiendo scribunt, & scribendo proficiunt. Unde si quid vel incautius, vel indoctius a me positum est, quod non solum ab aliis, qui videre id possunt, merito reprehendatur, verum etiam a me ipso, quia & ego saltem postea videre debeo, si proficio, nec mirandum est, nec dolendum, sed potius ignoscendum atque gratulandum, non quia erratum est, sed quia improbatum. Nam nimis perverse se ipsum amat, qui & alios vult errare, ut error suus lateat. Quanto enim melius & utilius, ut ubi ipse erraverit, alii non errent, quorum admonitu errore careat! Quod si noluerit, saltem comites erroris non habeat. Si enim mihi DEVS, quod volo, præstiterit, ut omnium librorum meorum, quæcunque mihi rectissime displicent, opere aliquo ad hoc ipsum instituto colligam atque demonstrem, tunc videbunt omnes ho-

Ll 2

mines,



mines, quam non sim acceptor personæ meæ. Vos autem, qui me multum diligitis, si talem me asseritis aduersus eos, quorum malitia, vel imperitia, vel intelligentia reprehendor, ut me nusquam scriptorum meorum errasse dicatis, frustra laboratis, non bonam causam suscepistis, facile in ea, me ipso iudice, superamini: quoniam non mihi placet, cum a charissimis meis talis æstimor, qualis non sum. Profecto enim non me, sed alium pro me sub alio nomine diligunt, si non, quod sum, sed quod non sum, diligunt. — Romani maximus autor Tullius eloquii, nullum unquam verbum, inquit, quod revocare vellet, emisit. Quæ quidem laus, quamvis præclarissima videatur, tamen credibilior est de nimium fatuo, quam de sapiente perfecto. Nam & illi, quos vulgo moriones vocant, quanto magis a sensu communi dissonant, magis absurdi & insulsi sunt, tanto magis nullum verbum emittunt, quod revocare velint, quia dicti mali, vel stulti, vel incommodi pœnitere utique cordatorum est. Tom. 2. epist. 7. His adde, quæ *Veielius* in Indice suo Augustiniano præfatur,

## CAPUT X.

De

## PELAGIO.

Sec. V.

**E**Andem cum Augustino rem longe infelicius gerebat Pelagius. Licet anim ardentissimo zelo accenderetur aduersus eos, qui, cum in suis peccatis humanam voluntatem debeant accusare, naturam potius humanam accusantes, per illam se excusare conantur: ut Augnst. lopuitur lib. de Nat. & Grat. c. 1. licet violentos insuper Enthusiastarum raptus maxime improbare: & denique Manichæis, omnem culpam in concrea-



concreatum hominibus malum devolventibus, summo studio se opposeret: scelus tamen zelo, qui, teste Augustino l. cit. non erat secundum scientiam, ingessit, & cum Manichæorum deliria tanto conamine profligare vellet, extra orbitas ipse currens, contrarium orbi christiano monstrum produxit. Cum enim hi carnis concupiscentiam, non tanquam accidens vitium, sed tanquam naturam ab æterno malam, vituperarent; ipse eam tanquam nullum vitium, sed naturale bonum, laudabat. Cum hi negarent, homini primo ex libero arbitrio fuisse initium mali; ipse dicebat, etiam hominem malum sufficienter habere liberum arbitrium, ad faciendum præceptum bonum. Cum hi nimis a DEO exorbitantes, mali naturam semper malam, DEOque coæternam, exque ea simul, & bona, humanum genus primos accepisse natales crederent, adeoque sanctos Patriarchas & Prophetas, quantis poterant, execrationibus insectarentur; ipse recte quidem hominem primum in summa perfectione conditum fuisse defendebat, sed pessime, natos ab ipso peccatum hæreditario jure accepisse, negabat. Et quæ alia. Vide August. cont. duas Epist. Pelag. l. 2. c. 2. l. 3. c. 9.

Sed ex Hieronymo forte, aut, qui hæc solidissime tractat, Vossio Hist. Pel. l. 1. c. 3. p. 4. & seqq. dices: Pelagium ex Origenis, Ruffini, Evagrii & Joviniani scriptis, tanquam ex lacunis, suos hausisse errores. Fateor sane, immo & hoc superaddo, Pelagium omnia Patrum, v. g. Tertulliani, Cypriani, Chrysostomi, Basilii, Hieronymi, atque ipsius Augustini dicta in speciem sibi faventia corrasisse, & sine judicio arripuisse. Sed quid prohibet, quin cum Augustino De Nat. & Grat. c. 1. Chemnitio LL. Th. part. 1. p. 203. ac laudato illo antiquitatis indagatore Vossio l. c. p. 298. 299. 197. dicam? Pelagium ipsis illis testimoniis adversus Manichæos usum, tandem, cum er-



rorem in penetralia cordis sui semel admisisset, iisdem glaucoma obicere simplicioribus voluisse. Sane qui Augustini scripta contra Pelagium accuratius aliquanto perpenderit, vel invitatus tandem agnosceret, Pelagium tantummodo Manichæis resistere voluisse, & quia disciplinæ christianæ tenax valde erat, nec flagitiosam inter christianos ignaviā probare poterat, hanc hypothesin, ceu commodam admodum ad excutiendam ex animis hominum desidiam, arripuisse.

πεῖται ergo ψεύδος Pelagii erat *summa naturæ humanæ perfectio*, vel, quod secundum rem idem est, omnimoda peccati originalis inficiatio, ut refert Æg. Strauch. in Dissert. de Prædestinarianis, §. 7. Hanc enim tueudam esse arbitrabatur, ne Manichæis, hominem natura malum esse statuentibus, aut Ethnicis, fati necessitatem urgentibus, pollicem premeret. Sed, ut vere dicitur apud Rabbinos, *עַל כִּדְוֵן רַעֲשָׁתָא* & in nostris scholis, *dato uno inconveniente dantur plura*; ita ex isto Pelagii errore plures alii prodierunt, videlicet, *in ea perfectione unumquemque procreari, in quo Adam fuerit ante lapsum, eo tantum discrimine, quod ille perfecta creatus sit ætate, nos ea gignamur, quæ ratione necdum uti sciat: Nullum idcirco esse originale naturæ defectum: multo minus Adami peccatum posteritati imputari, aut propter id ipsum mortem in humanum genus redundasse, cum Adam ipse moriturus fuisset, etsi non peccasset: adeoque mortem temporalem esse ex naturæ necessitate.* Clarum ergo putabat esse, illos, qui naturam dicant esse corruptam, cum Manichæis sapere atque statuere *diabolum nascentium conditorem: damnare nuptias: negare in baptismo dimitti universa peccata: Deum crimine iniquitatis arguere: atque desperationem perfectionis ingerere.* His jam aliisque inde fluentibus præsuppositis, arcem, ut dicitur, ex cloaca facere, & rosam cum anemone conferre facili negotio poterat, scili-



scilicet: *Posse hominem ex viribus naturalibus DEUM diligere: legem implere: & gravissimas vincere tentationes;* seu, ut Hericus in vita S. Germani canit,

*Quod satis ad propriam possit conferre salutem  
Arbitra libertas, etiamsi gratia desit.*

Pelagium tamen de Gratia nec idem semper sensisse, nec dixisse, Chemnitius l. c. p. 203. & prolixè Vossius l. 3. p. 294. & seqq. ostendunt. Tam callide enim amphibolico loquendi genere errorem suum tegere tandem cœpit, ut Augustinus affirmaret, *sine scrupulo illa accipi posse, si non ab illis, quorum sensus notus erat, dicerentur.* Quicquid autem Pelagius ad confirmandum dogma suum ex Scriptura sacra protulit, illud vel de libero arbitrio sive in malo, sive in rebus & operibus externis; vel de hominibus renatis, de quibus tamen non erat quæstio; vel de præceptis, a quibus ad hominis voluntatem aut facultatem male argumentabatur; vel de libertate naturæ integræ ante lapsum; vel denique de libertate gloriæ in vita æterna intelligendum est, adeo, ut hisce observatis, omnis Pelagii stratagemata, quibus orthodoxos circumvenire studebat, facile animadverti, & caveri eludique possint.

Hominem autem in peccatis nasci, adeoque ex viribus naturalibus æternam beatitatem consequi non posse, Scriptura tam clare testatur, ut sæpe admiratio animum meum subierit, quî vaferrimus humani generis hostis mortales etiamnum adeo excæcare possit, ut contra clarissimum hunc gratiosissimumque veritatis solem loqui non erubescant. Ast, ubi accuratius aliquanto perpendi deplorandam illam *Φιλαντία*, qua DEI loco nos ipsos, ceu ultimos actionum nostrarum fines, veneramus, desii mirari. Verum animales homines hoc ipso, dum nostris freri viribus, cœlum petere conamur, miseriam nostram prodimus, atque testamur pariter, impossibile esse  
homi-



homini sibi relicto, Autorem illum gratiæ cognoscere. *Alte enim illuminati* nobis videmur, adeoque illum negligimus, qui oculos mentis aperire, lumenque illud divinum animabus nostris ingerere solet, similes hoc ipso phreneticis, qui modo prophetas, modo philosophos, modo duces, modo hostium suorum domitores se admirantur, suam vero nunquam agnoscunt miseriam; sed aliorum potius insaniam deslent, & Medico medicinam parant, convalituri, si medicamina ipsi admitterent. Cur, quæso, misericors ille Pater medicum nobis Christum mississet, si nostris viribus æternam salutem promereri possemus? Possemus autem promereri, si cum summa animarum nostrarum perfectione nasceremur. Nasceremur autem cum summa animarum nostrarum perfectione, si parentes nostri in concreata sibi perfectione perstitissent. Cum etgo verbum DEI, immo ipse Pelagius *χρηστὴν τὴν προ-* *οὐσαν* omne id, quo DEVS causa vel autor peccati constituitur, a DEO removeat; num DEVM, vel Adamum potius adhærentis nobis mali, cujus effectus tota die experimur, causam vel autorem dicemus? Si DEVM: injurius certe is esset in creaturas suas, si id ab illis præstandum exigeret, ad quod sufficientes ipsis vires denegavit; tyrannus, si homines æternis cruciatibus ideo afficeret, quod non fecerint, quæ non sua, sed Creatoris sui culpa facere non poterant. Et cum idem DEI verbum de sufficientissima Christi pro peccatis mundi satisfactione ne Pyrrhonem quidem hæsitare sinat, hominem vero primum in summa perfectione conditum affirmet, (adeo ut I.A.Osiander in Colleg. MS. Controv. illustr. inde colligat, eum, comedendo fructum arboris vetitæ, multo majore cum difficultate peccasse, quam qui hodie incestum, sodomiam, parricidium, aut aliud enorme flagitium perpetrant) qua mediante æternam sibi promereri beatitatem potuisset



potuisset : nostram vero conversionem ad DEVM, omnipotentiae divinae attribuat, eamque comparet cum creatione, resurrectione, regeneratione, cordis immutatione ex lapideo in carneum &c. quid aliud, quaeso, restat, quam ut ineffabile illud gaudium soli DEO acceptum feramus? Sed pergendum.

## CAPUT XI.

De

FAVSTO REGIENSI  
EPISCOPO.

Sec. V.

**R**efutavit illa Pelagii deliria felicissimo successu magnus ille Praesul Hipponensis, Augustinus. Sed cum multa *ἱερτικῶς* vel *ἀγωνιστικῶς* tradidisset, atque in contrariam partem, ac si gratiae divinae determinationem adderet, deflexisse visus fuisset, illico fuere, qui incommode, vel ex abundanti potius, aut ex occasione dicta, oraculorum & dogmatum instar, reciperent, atque gratiae adeo omnia tribuerent, ut arbitrii libertatem tollerent, Deum, sine respectu peccati vel fidei, ad interitum, aut salutem homines condidisse dicentes, atque sic de praedestinatione differentes, ut negarent, reprobis pie viventibus prodesse bona opera, & electis impie viventibus obesse mala : quasi omnes pendeamus ab absoluto praedestinationis decreto. Et ita docebant, seu potius delirabant Monachi Adrumetini. Licet autem adversus eos ipse Augustinus duos scripserit commentarios, unum de Gratia, ac libero arbitrio, alterum de Corrept. & gratia, atque diserte mentem suam exposuerit, simul & Prosper Aquitanicus contra insidiosas Cassiani machinationes, erudita refutatione, suppresso ejus nomine,

Mm

Augu-



Augustinum vindicârit, Lucidus tamen in Monachorum illorum somniis, non quod pueri in faba, se invenire arbitratus, sequentibus inde temporibus Prædestinatio-  
 dux pessimus, pessimos fecit comites. Vide Æg. Strauch. de Prædestinat.

Omnibus ergo conatibus id agebat Faustus, ut Lucidum hunc in regiam deduceret vitam: sed utinam ipse ab ea non aberrâset! Videlicet adeo difficilis est, teste Augustino de Grat. Dei contra Pel. l. i. c. 47. & lib. 4. contra Julian. c. 8. ad discernendum quæstio de libero arbitrio, *ut quando defenditur liberum arbitrium, negari DEI gratia videatur: quando autem asseritur DEI gratia, liberum arbitrium putetur auferri.* Sed cum strenue alioqui se gessisset elegantis & acris ingenii vir Faustus in Prædestinatio-  
 rum errore refellendo, & lib. arbitrio defendendo, non solum visus est negare Dei gratiam, sed revera negavit: Sic enim, referente Vossio in Hist. Pel. l. c. p. 38. *Prædestinatos (qui & Prædestinati dicebantur) refellit, ut in contrarium lapsus errorem, non obscure Semipelagianam defenderit opinionem.* Et cum Lucidum eo usque perduxisset, ut damna-  
 ret cum Orthodoxis sensum illum, qui dicit: *Post primi hominis lapsum ex toto arbitrium voluntatis extinctum: Quod Christus & Salvator noster mortem non pro omnium salute suscepit: Quod præscientia Dei hominem violenter compellat ad mortem, vel quod cum Dei pereant voluntate, qui pereunt: Alios deputatos ad mortem, alios ad vitam prædestinatos &c.* adeo etiam in contrariam seduxit opinionem, ut & illos anathemate percelleret, qui dicerent: *Ab Adam usq; ad Christum nullum ex gentibus per primam DEI gratiam, id est, per legem naturæ, in adventum Christi fuisse sal-  
 tum, eo quod liberum arbitrium in primo parente perdidierint; paulo post subjungens: se asserere per rationem & ordinem seculorum, alios lege gratiæ, alios lege Mosis, alios lege naturæ, quam*



quam Deus omnium cordibus inscripserit, in spe aduentus Christi salvatos; tamen ex initio mundi ab originali nexu, nisi intercessione sacri sanguinis, non absolutos. Quæ & alia a Baronio ad A. C. 490. §. XXVII. annotata, Pelagianismum sapere, quis non videt? Et licet Petavius ista vindicare conetur atque excusare; jejuna tamen illa esse, dum ostendit Æg. Strauch. l. cit. §. 20. Sed quia alienis hic oculis cernere cogor, nequa ipsa Fausti opera nancisci possum, ad alia potius pergam, ne in pariete adversarium depinxisse, atque ita cum illo in arenam descendisse videar. Eadem de causa Viclefium, Johannem Erigenam Brannum, de quibus videatur Chemnit. LL. Theol. t. 1. p. 206. & Quensted. Syst. part. 3. de Prædest. p. 27. aliosque præterire cogor.

## CAPUT XII.

De

## EVTYCHE.

Sec. V.

PVlechrum sane est, multa scire, & rerum non modo naturalium causas investigare; sed & ipsa Spiritus sancti eloquia magna cum admiratione audientium explicare, adversariosque solidissime falsitatis convincere posse: at doctiores hac equidem ratione evadimus, sed meliores non nisi rarissime. Ad Theologiam accedere, ut te potius aliosque delectare, tibi que obnitentes refellere possis, adeoque animum scientia rerum divinarum saginatum, corruptis vero moribus oppletum geras, idem est, ac vasi putrido generosissimos infundere liquores, ut acescant. Verum enim vero, bone DEVS, quam inversa hæc fuere apud multos veteris Ecclesiæ hodegos! Sordebat illis sim-

Mm 2

pli-



plicitas illa, quæ est in Christo, 2. Cor. XI, 3. in iis etiam, quæ humanum captum non dicam transcendunt, sed penitus absorbent: ferox animus sapientiam sibi polliceri conabatur.

Sed utinam, quam affectabat, rerum divinarum scientiam felix homileta, sed, ut ajunt, tumidus valde atque superbus hypocrita Nestorius, idemque Ecclesiæ Constantinopolitanæ non Rector, sed dissipator, non Pastor, sed prædator, adeptus etiam fuisset, neque, ut præceptores ejus, Theodorus, Mopsvestiæ in Sicilia Episcopus, & Diodorus Tarsensis (hi enim, quum teste Cyrillo de Incarn. Unig. & in Epist. ad Success. atque Leontio de Sect. act. 4. citati a Baron. loc. cit. Appollinaris, Christo non integram humanitatem tribuentis, sed eum, loco animæ vel mentis, divinitatem habuisse docentis, perfidiam impugnarent, in alteram reciderunt ægritudinis qualitatem, atque sensere: *alterum esse Filium seorsum, qui de semine David & S. virgine natus, & alterum proprie Filium DEI Patris*) Sponsæ Christi lacrymas excussisset, negando, *duas in Christo naturas personaliter unitas fuisse*, & contra affirmando, Filium DEI Filio Mariæ conjunctum esse his circiter modis: (1) gratia inhabitante, uti DEVS cum sanctis unitur. (2) conjunctione operationum, quatenus Filius sit instrumentum Filii DEI in producendis miraculis. (3) communicatione excellentiæ, quatenus honor Filio DEI debitus, ob convenientiam quandam filio hominis pariter exhibeatur. (4) unione affectus, voluntatis & dilectionis, quatenus idem sit utriusque velle, idem nolle; hac simul voce addita: *Ego illum bimestrem aut trimestrem DEVM non appellaverim*

Utinam & Eutyches, cum in desolationem Nestorianæ hæreseos impelleretur, rapido cursui terminum imponere, & sibi justas moderationis habenas injicere scivisset.



scivisset, neque tam improvide irruisset in hostem, atque pugnando adversus hunc perduellem, ipse infelicitè novus divinæ veritatis insurrexisset impugnator! Quum enim laudabili contra Nestorium odio, labores indefesso studio exantlasset, eo usque profiliit, ut non duas in Christo duntaxat personas, sed & duas naturas negaret: atque illas post unionem vel per conversionem deitatis in carnem, vel carnis in deitatem, vel per commixtionem duarum naturarum in unam tertiam concrevisse affirmaret, atque diceret: ὁμολογῶ ἐκ δύο φύσεων γενεῆσθαι τὸν κύριον ἡμῶν πρὸς τῆς ἐνώσεως καὶ δὲ τὴν ἑνωσιν μίαν φύσιν ὁμολογῶ. Confiteor Dominum nostrum, antequam divinitas cum humanitate conjungeretur, ex duabus fuisse naturis: at post conjunctionem, unam solum naturam confiteor. Evagr. l. i. c. 9. acl. 2. c. 4 & 16. Inverso plane ordine, cum contrarium veritas divina totidem verbis inculcet.

Fontem utriusque erroris illum extitisse Fabricius noster optime monet Præl. p. 167. quod neuter, nec Eutyches, nec Nestorius, discernere potuerit inter naturam & personam, quasi fieri impossibile sit, ut persona & natura numero discrepent: Nam, scribente Boëthio, sicut Nestorius arbitratus, non posse esse naturam duplicem, quin persona fieret duplex, atque ita cum in Christo naturam duplicem confiteretur, duplicem credidit esse personam: ita quoque Eutyches non putavit naturam duplicem esse sine duplicatione personæ; & cum non confiteretur, duplicem esse personam, arbitratus est consequens, ut una videretur esse natura. Itaque Nestorius recte tenens, duplicem in Christo esse naturam, sacrilege confitetur, duas esse personas: Eutyches vero recte tenens, unam esse personam, impie credit, unam quoque esse naturam.

Prælucere potuisset utrique mysterium, quod admittebant, S. Trinitatis, ceu iterum monet & docet Fabricius,

Mm 3

cius,



cus. Immo vel ipsa corporis & animæ nostræ conjunctio (quod simile, ut plerumque fit, claudicat quidem, nihil tamen veritati rei præjudicat) sciolorum horum argutiam in ruborem agit. Animæ siquidem naturam a natura corporis toto cælo differre, nemo negabit: nihilominus adeo inens immaterialis ad corpus animale alligata est, ut vel ea percipere queat, quæ corpori contingunt, & corpus ordinarie nutu & imperio suo gubernare possit, adeoque unam ambo personam constituent. Hoc certe commercium, hæc conjunctio inter ea, quorum alterum omnium partium expers est, & per naturam suam a corpore materiato attingi non posse videtur, omnem caput humanum excedit. An tamen ideo, quia nihil quicquam habemus, quod in contrarium solide afferre possimus, Nestorii vestigiis insistemus, atque aliam corpus, animam iterum aliam constituere personam, tricabimur? aut cum Eutyche unam quidem personam hominis largiemur, sed & unam naturam, seu corpus & animam per commixtionem in tertiam quandam concrevisse, atque ita hominem constituisse, nugabimur? Sed non immorabor hisce refellendis, cum id erudite præter alios Fabricius noster l.c. præstiterit.

## CAPUT XIII.

De

## BERENGARIO.

Sec. XI.

O Prime religiosissimus Scriverius in zufälligen Andacht.  
 p. 1036. Die tolle Vernunft will ihren Herrn lehren  
 und meisteren / und hat aus dem Gedächtniß der Liebe ein  
 Zankmahl gemacht: i. e. Stolidi ratio Dominum suum  
 doce-



docere eique præscribere conatur, & memoriam charitatis cum cœna rixarum commutavit. Enim vero versutissimo callidissimoque dæmoni, eidemq; omnium contentionum faci & tubæ e re videatur sua, inter unanimes Christi convivas pomum Eridis projicere, ministro non quidem primo, sed tamen post Bertramum & Joh. Scotum, qui seculo vixerunt nono, & veram corporis sanguinisque Christi in Eucharistia præsentiam negârunt, præcipuo, Berengario. Calixt. in Epit. Theol. p. 139. Nemo enim primis octo seculis extitit, qui publicam Christo de cœna sua moveret controversiam: constans inde ab Apostolorum temporibus Ecclesiæ mens erat, in sacramento eucharistiæ ipsum corpus Christi, ipsumque Christi sanguinem in substantia sua præsentia esse, ceu idex omnium seculorum Doctoribus probat Henr. Müller. in Hist. Bereng. Attamen nimia specierum seu symbolorum veneratione sequentibus temporibus periclitari cœpit veritas S. cœnæ: adeo enim in admirationem præsentis in eucharistia Salvatoris nonnulli ferebantur, ut & ipsa symbola panis & vini perire, atque in substantiam corporis & sanguinis Christi transire, falso crederent.

Haud ergo nefario conatu Berengarius, Andegavensis Ecclesiæ Diaconus, insolitum hoc dogma convellere, atq; testimoniis Scripturæ validissimis, apud Magdeb. cent. XI. c. IX. p. 455. demonstrare adnitebatur, adesse quidem in S. cœna verum corpus & sanguinem Domini, sed symbola ideo non perire & annihilari. Contigit autem bono viro, quod aliis etiam evenisse hætenus vidimus, ut duos inter errores veritatem assequi haud posset: inficiando enim, symbolorum substantiam in corpus & sanguinem transire, ipsam simul corporis & sanguinis Christi præsentiam impugnare aggressus est, asserens: *Panem & vinum in mensa Dominica etiam post consecrationem non esse verum*



verum corpus & sanguinem Domini, sed eorum duntaxat figuras, vocari autem carnem & sanguinem propterea, quod in memoriam crucifixæ carnis & de latere effusi sanguinis celebrentur. Müller l. c. p. 15. His autem potissimum nitabatur argumentis: (1) Provocabat ad auctoritatem Patrum, inprimis Ambrosii, Augustini, & Hilarii. Ex Ambrosii quidem libro de Sacramentis afferebat hoc dictum: *Sicut mortis similitudinem sumisti* (nempe in baptismo) *ita etiam similitudinem pretiosi sanguinis bibis* (videl. in cœna.) Unde inferebat, in eucharistia non exhiberi verum Christi sanguinem, cum in baptismo non exhibeatur vera Christi mors, sed tantum mortis similitudo. Ex Augustino citabat verba, quæ leguntur in Comm. in Psal. XCII. *Durus est hic sermo. Ipsi erant duri, non sermo. — Spirituali- ter intelligite, quod locutus sum. Non hoc corpus, quod videtur, manducaturi estis, & bibituri illum sanguinem, quem fusuri sunt, qui me crucifigunt.* Hilario imputabat, quod *ludæ proditori communionem signorum concesserit, rerum autem signatarum νομινα denegaverit.* (2) Urgebat id, quod Ecclesia afferebat, Christi corpus vocari in sacris literis *speciem, similitudinem, figuram, signum, mysterium, sacramentum*: has autem voces referri ad aliquid, adeoque non idem esse posse cum iis, ad quæ referantur. (3.) Afferebat, non sine ingente absurditate statui posse, panem eucharisticum esse verum corpus Christi: Nec enim in cœlum tolli, ut illic in carnem Christi transferatur, nec carnem Christi in terram deferri, ut hic pani jungatur, nec dari tertium. Obiciebat præterea corporis Christi, post resurrectionem, incorruptibilitatem, quæ non admittat panisfragium. Nec denique impetrare poterat a se, ut crederet, verum corpus Christi in cœna Dom. edi, cum illud, usque ad tempus re- stitutionis omnium, cœlo maneat indevocabile.

Ad hæc omnia, ut cum Müllero loquamur, pro  
tempo-



temporis illius conditione satis belle respondit Lanfrancus, licet & ipse in contrariam de transmutatione sententiam per errorem deflexerit. Nam in verbis Ambrosii notat, particulam *sicut* non semper indicare identitatem five æqualitatem, sed aliqualem saltem convenientiam, ut in verbis Christi: *Estote misericordes, sicut & Pater vester misericors est.* Luc. VI. & 25. Augustino Augustinum opponit, docens, eum alibi testatum esse, *Christum carnem illam, quam de matre virgine sumsit, & qua in terris ambulavit, ad manducandum nobis salubriter tribuisse.* Hilarium indicat loqui de communione non corporali & temporali, sed spiritali & æterna: ab hac, non illa, Judam exclusum dici. Ad id, quod de vocabulis *speciei, figuræ &c.* afferebatur, regerit, pertinere ista non ad corpus & sanguinem Christi, sed ad panem & vinum. Deinde inveniri in sacris etiam *speciem, similitudinem, figuram* pro veritate, ut in verbis Johannis: *Neque vocem ejus unquam audivistis, neque speciem ejus vidistis.* c. V, 37. & Apostoli: *Per fidem enim ambulamus, & non per speciem.* 2. Cor. V, 7. Absurditatem, quæ movebatur, eo ipso retundit, quod secundum humanam sapientiam multa videantur absurda, quæ talia non sint secundum divinam: humana ergo sapientia non esse perspicienda opera divina, ne plus sapiamus, quam oportet sapere, sed sapiamus ad sobrietatem, juxta Apostoli præceptum Rom. XII. 3. Reliquis objectionibus opponit perpetuam & consentientem veteris Ecclesiæ doctrinam. Atque ita tunc Berengarium excepit Lanfrancus.

Sed utinam tandem, sedata inter adversas partes rixarum & cavillationum bile, sanctissimis Christi verbis, *de modo præsentiae* non solliciti, simplicem fidem haberemus, nec vel dulcissimam Christi memoriam spinosis & rixosis disputationibus redderemus amaram, vel suavissimum charitatis epulum in cœnam contentionis & odii transmureremus! Sane de eucharistica Salvatoris nostri præsentia,

Nn

ultra



ultra modum & seposita charitate qui disputant & solliciti sunt, eo ipso se produnt, quod neque Christus in ipsis habitat, neque ipsi in Christo.

## CAPUT XIV.

De

## AMSDORFIO.

Sec. XVI.

**O**Mnia in pejus degenerasse videbantur, ubi Christiani non amplius, quæ sunt Jesu Christi, ad Phil. II, 21. sed sua quærere, sacerdotium Christi in imperia convertere, patrimonium Petri cum possessionibus, gladium Spiritus cum jurisdictione temporali, petram Ecclesiæ cum Petro, Ministros Christi cum Capitibus, doctrinam evangelicam, contemptum mundi, ardorem fidei cum vestigalibus, oblationibus, collectis, decimis, auro, argento, purpura, aliisque fallacibus mundi illecebris commutare, & ut verbo omnia complectar, cælum terræ miscere consueverant. Et licet magnus ille vir DEI, Lutherus, in apostolica de æternæ beatitudinis consecutione doctrina a fermento pharisaico repurganda, fidelem se Christi servum orbi christiano demonstrasset; novæ tamen lites atque contentiones inter ipsos, prohi dolor! Nostrates emerferunt, aliis cum Georgio Majore, bona opera ad salutem necessaria, aliis e contra cum Nicol. Amsdorfio eadem ad salutem perniciose esse affirmantibus propugnantibusque. Ut ita & Amsdorfius, dum Majorem refutavit, in contrarium incidisse errorem videatur. De quo legi potest Osiand. Epit. H. E. Cent. 16. p. 580. Item Olear. in Continuat. Isag. Carpz. p. 1339.

Verum enim vero si rem sine præjudicio, animive pertinacia, perpendere voluerimus, *non tam ipsa re, quam diversis*



*diversis loquendi formulis* (sunt verba H. E. Goth. p. 762.) certamine illo satanam Ecclesiæ imposuisse videbimus. Audiamus duntaxat, & quidem sine partium studio, ita confitentem Majorem in Confessione sua Wittebergæ edita A. 1563. Cum igitur homo sola fide absq; omnibus suis operibus ac meritis, immensa misericordia diuina, propter Christum, remissionem peccatorum, imputationem justitiæ, Spiritum S. & vitam æternam accipiat, tum affirmo, tali homini, tanquam creaturæ novæ denuo conditæ in Christo Jesu ad opera bona, Eph. II. necessariam esse novam obedientiam, seu opera bona præcepta in Decalogo. Et hanc obedientiam novam appello fructus fidei & justificationis antecedentis. Et paucis interjectis pergit: Etsi vero hi fructus fidem veram sequuntur, & quidem sequuntur necessario; tamen homo propter hanc novam obedientiam seu opera bona, nequaquam justificatur aut salvatur, sed perpetuo ad finem vitæ suæ iustus est, hoc est, placet Deo, & filius ac heres est vitæ æternæ immensa misericordia diuina, sola fide. Idque expresse adfirmo in doctrina justificationis perpetuo retinendum esse, ad Osiandri justitiam essentialem, & Interimisticam justitiam inherentem, quæ constat fide, spe & charitate, & cæteras corruptelas papisticas refutandas. --- Quod vero his verbis & hac propositione: Bona opera sunt necessaria ad salutem, neque in prælectionibus, neque in concionibus, aut ullis scriptis meis, ante hoc certamen, usus sim, testes facio omnes, qui prælectiones & conciones meas audiverunt, vel scripta mea legerunt. Recenset postmodum originem tragici illius certaminis, & quam modesta se purgârit defensione, & ad declarandam mentem suam: Bona opera, ait, ad salutem necessaria sunt, non ad promerendam salutem, quam jam habent facti filii Dei gratis, sola fide, sed ut fructus veræ fidei & Spiritus sancti, seu ut fructus justitiæ & regenerationis, quos necesse est sequi fidem, sine quibus vere justificati ac renati per fidem, tam non

Nn 2

possunt



possunt esse, quam arbor bona sine bonis fructibus esse nequit. Nec tamen cor sequente renovatione & militia bonorum operum niti debet, sed in unico proposito propitiatore Domino nostro Jesu Christo, tanquam in fundamento unico & aeterno salutis nostrae, confidere, haerere ac persistere debet. Conqueritur deinde de tempestate contumeliarum, quæ nihilominus subsecuta sit, & de rabie adversariorum, qui scribere non erubescant: *Bona opera perniciose esse ad salutem.* Dicit porro, veram & honestam cum adversariis dimicandi rationem sibi non deesse, attamen propter concordiam & tranquillitatem Ecclesiarum se ferre, & omnia patiunda vincere velle, ne vel alere certamina, vel gloriolam captare videatur. Testatur ulterius coram DEO & Ecclesia, se aliter non sentire, ac in verbis citatis dictum, suam cum Augustana Confessione congruere sententiam, nec se in causa esse velle, ut quis prætextu sui nominis turbare Ecclesias rixis non necessariis possit. Et tandem sponte atque ultro profitetur, *se propter Ecclesiae tranquillitatem non usurum hac forma verborum, de quibus controversa mota erat, Bona opera necessaria sunt ad salutem, quia videat, illi affingi falsas interpretationes, & alienas a vera sententia, sicut & jam annis aliquot liberrima voluntate ab hac verborum forma abstinuerit.*

Jam uti quivis, cui pectus sapit, & pax ecclesiastica curæ cordique est, ab hac loquendi formula, *Bona opera sunt necessaria ad salutem*, cum multis gravibus & præclaris Theologis, ut Chemnit. de B. O. p. 55. Carpz. Isag. in LL. Symb. p. 1339. Quenst. Syst. t. ult. p. 328. &c. Scherz. Syst. p. 467. quibus causalitatis aut meriti proprie dicti anguis sub herba illa latere videtur, lubens meritoque abstinebit; ita nec Amsdorfianam illam, piis auribus plane ingratam, unquam adhibebit. Nam licet Amsdorfio purior forte mens fuerit, quam lingua vel calamus, nec ipsa  
bona



bona opera in se, sed ratione accedentis fiduciæ, quasi salus per ea obtineri queat, perniciofa dixisse, adeoq; vanam de bonis operibus præsumtionē, quæ minime bonum, sed malum opus est, rejecisse videatur; attamen & hæc propositio, *B. O. credentibus ad salutem sunt perniciofa*, merito rejicitur, quoniam ita nude usurpata falsa est, & offendiculi plena, quippe qua disciplina & morum honestas labefactantur, dissolutæ vero & Epicuræ vitæ janua aperitur. Interim vel hoc etiam exemplo discamus cautius mercari in foro Theologico, ac sobrius loqui, atque *ὑποτύπωσιν ἔχειν ὑγιαίνοντων λόγων*, sicuti Paulus præcipit Timotheo suo in 1. ep. c. III, 13.

## CAPUT XV.

De

## FLACIO ILLYRICO.

Sec. XVI.

Notum est, Flacium, virum alioqui de ecclesia christiana optime meritum, *peccatum originis ipsam hominis substantiam* affirmasse. Cum enim Victorinum Strigelium in disputatione Vinariensi, de qua vide Carpz. Isag. p. 1159. & Titii Dissert. de Flacio, nervoso argumento a corruptione totali hominis desumpto sub initium adeo constrinxisset, ut evadere non posset: iste sophistico more tergiversans, ad alia adversarium trahere studuit, atque cum de discrimine substantiæ hominis & peccati originis quædam movere cœpisset, lateque deduxisset, quod substantiæ liberi arbitrii peccatum originis nihil detrahere possit, id obtinuit, ut Flacius negaret, peccatum originale accidens esse. Argumentabatur enim Strigelius hunc in modum:

Nn 3

Acci-



Accidens est, quod adest & abest præter subjecti corruptionem.

Peccatum est accidens.

E. Adest & abest præter subjecti corruptionem

Atque heic cum Flacius optimam ex pharetra scholastica distinctionem, inter Accidens videlicet *prædicabile*, quod abest & adest præter subjecti corruptionem, & *predicamentale*, quod alteri inest, tanquam subjecto, producere, & ad scopum suum applicare debuisset; ipse neglectis hisce armis, minorem absolute negavit.

Quod ergo aquæ interdum accidit, ut per siphonem ascendat, non quasi naturali suo & usitato motu in altum feratur, sed quia ob extractum, qui ante resistebat, aërem, ab aëre extrinsecus premente cogitur ascendere, id & Flacius nostro evenisse dolendum est. Cum enim intus, ut ita loquar, non haberet, quo prementi extrinsecus adversario resisteret, iste vero fortius semper urgeret atque premeret; motum suum naturalem, genuinamque sententiam amisit, & in contrariam tantisper concessit, donec se melius expedire posset. Expedire se autem conatus est distinguendo *inter substantiam materiale[m] & formale[m]*, per materiale[m] intelligendo corpus & animam hominis, per formale[m] autem corpus & animam hominis, prout in integritatis statu imago DEI fuerint, & nunc sint peccatum orig. item *inter hominem theologice & physice consideratum*. Quasi hi duo adversis pugnarent cornibus. Physice consideratum, in anima & corpore consistere dicebat, atque naturam ejus fuisse specie eandem cum natura a Christo assumpta: theologice autem consideratum habere pessimam formam, peccatum nempe originale. In tract. VI. de Pecc. O. part. 2. Clav. cir. Carpz. l. c.

Verum



Verum, ut Flacius G. Majorem, toties verba sua de necessitate B. O. ad salutem excusantem & declarantem, nullo modo ferre voluit, ita vicissim nec ipse ab aliis veniam aut absolutionem dictorum impetravit, licet protestando confiteretur: Ich habe schier tausendmal mich erklärt / daß ich nicht rede schlecht in gemein von dem ganzen und natürlichen Wesen der Seelen / sondern nur von ihrem edelsten Grad oder Heil / und nur so fern sie in demselben verkehret und verderbet ist: quæ verba reperiuntur in Bekänntnis r. 2. Non tamen purior hæc alioquin mens admittebatur, quia linguam corrigere detrectabat. Quam si correxisset ad instar Majoris, tantas Ecclesiæ turbas nunquam dedisset, aut alios in errorem induxisset. Sed vero φιλοεικίας & φιλαυτίας studium id non permisere. Optime sane Erasmus, in Præf. ad Hilar. *Hoc pertinaciæ plerisque mortalium ingeniis insitum est, ut, quod semel quocunque casu pronunciauerint, nunquam tueri desinant, etiamsi conceperint, sese perperam pronunciaſſe. Primum pudor obstat: is per contentionem proficit in pervicaciam: pervicacia tandem exit in rabiem. Ita fit, ut, dum utrinque crudescit pugna, utrinque veritas amittatur.*

## CAPUT XVI.

De

## STANCARO.

Sec. XVI.

IN memoriam mihi hîc venit querela Basilii Magni, quam citant Magd. in Cent. 4. p. 583. de excessu controversiarum: *Cum in virum, inquit vir ille gravissimus, evasissem, & peregrinationibus sæpenumero usus, in molestias, ut par erat, incidissem, in aliis quidem artibus & scientiis multum*



tum concordiae inter eos deprehendi, qui singulas artes exacte exercerent: in sola vero Ecclesia Dei, pro qua Christus est mortuus. Et in qua Spiritum S. abunde et opulenter effudit, maximum dissidium, et vehementem multorum cum inter ipsos, tum contra divinam Scripturam dissensionem observavi, et, quod horrendissimum est, ipsos Ecclesiae Praesides in tanto et animi et opinionum inter se dissidio constitutos, tantaque contrarietate mandatis nostri Jesu Christi repugnantes, Ecclesiam DEI crudeliter dissipare, et gregem ipsius absque ulla commiseratione perturbare, ut et in ipsis jam, si unquam, prodeuntibus et florentibus iniquis, impleatur illud Apostoli: Ex vobis ipsis exurgent viri loquentes perversa, ut abstrahant post se discipulos. Cui fere consonum, quod scribit celeberrimus Becmannus, in Parallel. Polit. disp. XVII. §. 9. modum controversandi nostrorum temporum delineaturus: Eo ipso, quo quaelibet secta se aut solam Ecclesiam, aut purissimam Ecclesiae partem credidit, creditque adhuc, interminabiles disputationes natae, quae non finem controversiis, sed odia animis adduxerunt infinita. Videantur innumera illa scripta polemica, et tanta quidem cum controvertentium diversitate, ut, si quis omnes simul intueri velit, non aliud haberet spectaculum, quam si innumerabile videret agmen hominum per eandem viam progredi se profitentium, quorum tamen alii dextrorsum, alii sinistrorsum, hi sursum, illi deorsum, alii prorsum, alii retrorsum sese agant, et, quod magis monstruosum, alii pedibus, alii capitibus incedant. — Ne allegemus, quam minaci subinde fronte appareant: sepe nugas, saepius calumnias, furias, ipsumque diabolum profiteantur. Talia: Furiae Praedicantium: Repetitae Furiae: Praedicans vapulans & disciplinatus: Lutherus septiceps: Lutherus dedolatus: Wer hat das Kalb ins Aug geschlagen? Es müste wol ein Kuhe lachen: Heilbrunnerischer Trumpf: Lutherischer Rachen-Krieg: — et innumera



*innumera bujusmodi alia, fœnum in cornu gerentia, & mandato Salvatoris e diametro contraria: Hoc est mandatum meum, ut vos mutuo diligatis.* Ecquid de temporibus B. nostri Lutheri obitum insequentibus dicendum? Sane omnia videbantur ire funestis in prælia signis, quasi non alio fine benignissima DEI providentia lumen evangelii accendi voluisset, quam ut hominum ingenia rixandi furore inflammarentur, mutuisque concertationibus Ecclesiæ incendium ac ruinam pararent. Semper quidem ventilandus est gladius sermonis evangelii adversus omnes errores impios, & immoto, quod ajunt, pede standum adversus hæreses suppullulantes: sed illam oportet primam esse curam, ne reperiatur in nobis, quod in aliis insectamur, aut corrupti privatis affectibus, quod bonum est, dicamus malum, quod dulce, amarum, quod lucidum denique, tenebrosum.

Sane si *Franciscus Stancarus* talia accuratius perpenderit, atque circumspectius *Andream Osiandrum*, collegam suum, oppugnasset, in eum errorem, qui indelebilem famæ ipsius notam inussit, neutiquam incidisset. Cum enim, referente Schüsselb, in *Catal. Hæret.* l. 9. p. 37. 38. *A. Osiander* Pastor Regiomonti in Prussia, in veteri oppido, & Prof. in Acad. ibid. primarius, A. C. 1557. in doctrina de justificatione peccatoris, insolitum dogma proferret, velisque remisque omnibus contenderet: *Christum esse nostram justitiam, tantum juxta divinam, & non juxta naturam suam humanam*; Stancarus, qui in eadem Academia eodem tempore sacras literas profitebatur, a Magistro Sententiarum seductus, ex adverso remos magno impetu intendens, asseribat: *Christum esse nostrum mediatorem, tantum secundum humanam, & non secundum divinam naturam*, his potissimum nixus fundamentis: *quod DEVS unus sit: quod Mediator non sit unius: quod*  
 Oo Filius



*Filius quoque sit unus ille DEVS: quod Mediator debuerit mori: quod Christus passus sit secundum carnem: certissimis sane, & immotis, verum male ad deliramenta sua accommodatis. Et cum ad hæc orthodoxi illius temporis, atque inprimis Phil. Melanch. in Respons. de Controvers. Stancari, quæ & extat inter libros Normales inclytæ Reip. Noriberg. solidissime responderint, feminaque hujus erroris jam dudum extincta sint, immo ipsi Pontificii hunc alias errorem incrustantes, in contrarium disputent, haud opus erit ei oppugnando immorari. Tantum hoc notetur: Distinguendum Stancaro fuisse inter essentiam & personas divinas, cogitandumque, opus mediationis esse *ἡμετέριον*, & Christum esse personam, divina pariter & humana natura constantem, nec tantum mori debuisse Mediatorem, sed etiam conterere caput serpentis, Genes. 3. adducere sempiternam justitiam, Dan. 9. implere legem Dei, Matth. 5. liberare ab omni peccato, Rom. 6. & in vitam æternam collocare, Matth. 25. Quæ omnia absque divina natura præstari non poterant, Vid. Schlüsselb. l.c. & Brochm. Syst. Theol. L. de Off. Chr. p. 967.*

## CAPUT XVII.

De

## HUBERO.

## Sec. XVI.

**C**laudat agmen Samuel Huberus Helvetius, olim in agro Bernensi Ecclesiæ Pastor. Hic cum acta colloquii Mompelgartensis legeret, atque duriores Bezæ, viri alias eruditissimi, articulos de particularitate meriti Christi & gratiæ DEI, de causa damnationis in sanctissimum Numen retorta, ut & alia, quæ apertum Scripturæ bellum indicare



care videbantur, perpenderet, relictis hisce dogmatibus, orthodoxam, de universali & merito Christi & gratia DEI, sententiam secutus, Magistratum Bernensem admonuit, ne horridior illa doctrina in ditione sua spargeretur. Unde orta est disputatio Bernensis A. C. 1592. cum Abr. Musculo, Grynæo, & aliis, cujus eventus fuit Huberi exilium. Sed ecce in Scyllam prolapsus, qui Charybdim modo vitaverat. Nam deinceps in Ducatu Würtembergensi, Tubingæ imprimis, occulte; in Academia vero Wittebergensi publice defendit hanc thesin: *Quod DELUS ab æterno omnes homines in Christo ad salutem elegerit & ordinaverit, ante omnem & sine omni respectu fidel, siue homines credituri essent, siue non: eamque magna mentis pertinacia ad mortem usque defendere allaboravit.*

Quantumvis vero Huberus cum contradictoria sua electione universali a Polyc. Lysero in scripto quodam Germanico, & Leonh. Huttero, in comment. in Form. Conc. peculiariq; de Electione tractatu, prolixè refutatus sit, nihilotamen secius, ne instituti mei plane oblitus videar, argumenta ejus paucis audire, & ad ea respondere lubet. Statuit autem, omnes a DEO ad salutem æternam electos esse: I. *quia gratia & dilectio DEI sit universalis*, Eph. I, 6. Joh. III, 16. II. *Quia omnes debeant esse sancti*, Eph. I, 4. III. *Quia electio facta in Christo, qui omnes redemit*, I. Joh. II, 2. *per eundemq; omnes iusti constituuntur*, Rom. V, 18. 19. *& omnia per eum instaurata*, Eph. I, 10. IV. *Aut quosdam DEVM absoluto præterisse decreto, quod sit Calvinianum, aut omnes elegisse.* V. *Quia Electio particularis irritas reddat adhortationes, & desperationi fenestras aperiat.*

R. ad I. Quod vocabulum *Electio* attinet, distinguendum probe est inter usum ejus proprium & Scripturæ S. conformem, atque improprium vel ecclesiasticum. Etenim si electio improprie accipitur, & prout scriptores



ecclesiastici nonnunquam loqui amant, nimirum pro beneficia DEI erga omnes voluntate, & generali ejus dilectione, vel pro negatione absoluti decreti reprobatorii, vel DEI proposito omnes in Adamo ad vitam æternam creandi, & omnes in Christo ad vitam reparandi, vel denique pro oblatione mediorum salutis omnibus communi, non repugnabimus, electionem posse dici universalem. In propria autem & Scripturis conformi significatione electio minime dici potest universalis, cum expresse Matth. XX, 16. & c. XXII, 14. dicatur, *multos esse vocatos, paucos vero electos*. Imo vis vocis *electionis* universalem electionem excludit: electio enim ab eligendo dicitur: Eligere vero, juxta Cassiodorum, est unum de multis legere; vel, ut Valla loquitur, de quovis numero & quavis multitudine electionem facere; vel, uti Ausonius Popma judicat, eligere est e quavis multitudine unum secernere, sive ad eligentis emolumentum, sive ad illius, qui eligitur, dignitatem. Distinguendum porro inter voluntatem DEI antecedentem & consequentem, item inter gratiam & dilectionem DEI in se consideratam, quomodo utraque est universalis; & consideratam cum fide tantum aliquot hominum, qua ratione particularis redditur. Secundum hanc, non illam facta & electio. Ad II. & Studium sanctitatis non est officium electorum seu in fide perseverantium proprium, sed omnibus credentibus commune. Terminus ergo & finis sanctitatis generalis omnes respiciens credentes, non excludit respectum specialem electorum, de quo agit locus allegatus. Nempe sicuti justificamur, ut simus sancti, nec tamen omnes justificati sunt; ita eliguntur a Deo homines, ut sint sancti, nec tamen omnes electi sunt. Ad III. Discrimen faciendum inter acquisitionem vitæ æternæ per Christum factam, & inter applicationem meriti illius, quæ a multis hominibus non fit, atque adeo electionem reddit particularem. Ad IV.



IV. Datur tertium, estque præteritio duplex. Quanquam enim DEVS neminem præteriit absolute, præteriit tamen quosdam voluntate consequente & judiciaria. Ad V. Electio particularis non magis reddit irritas ad pietatem adhortationes, quam justificatio particularis. Si enim non salvantur, nisi qui in fide usque ad finem perseverant, stupidum esse oportet & de sua salute parum sollicitum, qui spe tanti præmii non velit in piis fidei & bonorum operum exercitiis ad finem usque gnavus esse, juxta id, quod dicitur Matth. XXIV, 13. 1. Tim. II, 15. 2. Tim. IV, 7. Apoc. II, 10. Neque etiam desperationis mater est, sed potius efficacissimum consolationis remedium, ceu videre licet Rom. VIII, 30. &c. & Joh. X, 27. 28. 29. Plura de hac controversia vide apud Gerhardum de Elect. §. 201. Brochmannum p. 689. Rauppium p. 46. Joh. Olearium in Isag. Carpz. p. 1614. & 1680. & Joh. Ad. Osiandrum. in Coll. Syst. part. VI. p. 97. & seqq.

## CAPUT XIIIX.

*Regiam inter Scyllam & Charyb-  
dim viam ostendens.*

Vidimus hætenus lugubres & periculosos casus aliquot insignium Theologorum, qui in fervore disputationis, Charybdim vitantes, in Scyllam, seu, ut alio proverbio dicitur, calcariam fugientes, in carbonariam contrariorum errorum misere inciderunt. Quorum vicem ut dolemus, ita memoria recolimus *Lutberi dictum: Veritatem nunquam magis, quam disputando amissam fuisse.* Confer in hanc rem Hartmanni Veri Christianismi Impedimenta & Adjumenta p. 177. Cui concinit clarissimus & singulari



ornatus prudentia Spenerus, quando in Piis Desider. p. 119. ait: *Disputationes, recte etiam institutas, non unicum illud servandæ veritatis medium esse, sed plura juxta ipsas requiri.* Sed quia non tam expedit, nosse casus aliorum, quam ab illis ac similibus sibi cavere, hinc operæ pretium putamus nos facturos, si meliorem viam, & causas pariter illorum lapsuum fideliter monstremus atque indicemus. Ab omnibus autem concessum fundamenti loco ponimus hoc Axioma: *Gloria Dei & edificatio proximi, in omnibus nostris disputationibus, unicus noster scopus esse debet.* Hinc sua sponte fluet hæc Propositio: *Quicquid ad gloriam DEI & edificationem proximi, seu unicum disputationum nostrarum scopum, tendit, regiam viam nobis aperit.* Cum hoc autem fundamento aversis pugnant cornibus

I. Illi, qui gloriæ sunt cupidi, atque existimationem aucupantur, vel, ut verbo rem eloquar, οἱ φιλαυτοί. Gentibus equidem summa lex erat ambitio, sine cujus stimulis Cicero ne moturum se pedem pro salute Reip. ore nimis profano in Senatus P. Q. R. conspectu ajebat. Sed expectent Ciceronis fatum, qui ejus timentur sententiam. Non est tam deplorata rerum divinarum ratio, ut nullas habeat secures Nemesis, flagra nulla. Christianos nos esse meminerimus, quorum maxima gloria *Crux Christi*, quorum summa existimatio, humillimi Antecessoris insistere vestigiis. *Non iste, cum in forma DEI esset, rapinam arbitratus est, esse se æqualem DEO, sed semetipsum exinanivit, formam servi accipiens.* Phil. II, 6. Anne ergo nos gratis concessis aut emendicatis DEI donis superbiemus? *quid enim habes, o homo, quod non accepisti? Si autem accepisti, cur gloriaris?* 1. Cor. IV, 7. Hartmannus l. c. p. 71. *Valeant Theologi, ait, qui scientiam linguarum & Scripturarum, quam habent, non a DEO, sed a seipsis habere credunt; si scientiam, quam habent, suæ philosophiæ e lacunis Scholasticorum hausæ, suis vigiliis, exercitiis,*

¶



Et peregrinationibus per scholas & academias adscribunt: si  
 jactant se habere eum scientiæ gradum, quem non habent, per-  
 suadentque animis suis, se acuto & logicis judicio & subtili  
 syllogismorum consequentia ea attingere, quæ alii, ut sibi De-  
 us simplici intelligentia Spiritum sanctum largiri velit, orant:  
 si alios despiciunt, veritatemque, more Phariseorum superio-  
 res cathedras occupantium, ex inferioris subsellii viris audi-  
 re nolunt, & si audiantur, notam sibi imprimi putant.  
 Revera Φιλαντία hæc teterrimum vitium est: ubi enim  
 semel in penetralia cordis immissa fuerit, illico ingens  
 gloriæ DEI & ædificationi proximi adversum malum  
 producet, quod suppullulascens ex disputationibus fru-  
 ctus omnes in herba corrumpet. Ex Φιλαντία enim nasci-  
 tur 1. *Vana Præsumptio*, qua qui occupatus est, omnia  
 se scire credit, etiam id, quod Junoni, ut proverbio fer-  
 tur, in aurem dixit Jupiter: (quemadmodum Rabbinos pu-  
 det, alicubi non habere, quod respondeant) unde & libido  
 contradicendi excitatur. 2. *Temeritas*, qua fit, ut homo  
 modum definiendi nesciat servare, & σεῖρα & atque arti-  
 culos fidei in illis etiam comminiscatur, quæ motillatio-  
 nem caudæ catelli Tobiae vix aut parum dignitate supe-  
 rant. 3. *Pertinacia*, quam qui admittit, ferreus fit atque  
 inflexibilis, ita ut ab eo, quod semel tuendum suscepit,  
 se dimoveri nullo modo, nullo argumento patiat. 4.  
*Ira*, quæ ubi admissæ sunt, tunc sane inter theologum  
 disputatorem, & animæ prodigum digladiatorem, nihil ali-  
 ud discriminis relinquitur, nisi quod hic vitam adversa-  
 rio erepturus, de propria periclitetur, ille coram orbe lite-  
 rato se prostituat, pro vanissima nominis fama, vaniore  
 ausu decertans. Omnes in tali pharisæo aperiuntur  
 diabolo fenestræ, cum, ut significantibus verbis rem ex-  
 primit Hartmannus, iracundis cogitationibus facillime & occul-  
 tissime se insinuet, easque rem opinione conceptam aggravan-  
 do



do suscitet, suar<sup>q</sup> suggestione & lædendi cupiditate, captan-  
 deque gloriæ aviditate, velut novis admotis flabellis, accen-  
 dat, spiritum & sanguinem commoveat, bilem inflammet,  
 rationem & iudicium turbet, ut opinionem non opinionem,  
 sed eternam veritatem putet. 5. Scommata, anathemata &  
 condemnationes. Hucusque qui progreditur, immemor  
 redditur charitatis christianæ, existimationem adversarii  
 proterve lædit, nullo inter personam & doctrinam disci-  
 mine habito, ratus, licitum sibi esse, quicquid in buccam,  
 quicquid in calamus venerit, seque non conservum esse  
 alterius, sed dominum, sed Jovem, manu tenentem ful-  
 mina, quæ pro lubitu in aliter sentientem vibrare possit,  
 ac debeat.

II. Cæco flagrantis zelo. Communis sane larva zelus  
 est, sub qua prædicta vitia, nec non alia, ut odium,  
 livor, dominiandi prurigo, divitiarum amor, vindictæ  
 cupiditas, & quæ hujus generis plura sunt, latitare solent.  
 Tales intus sunt in cute, sed zelum tamen præ se ferunt,  
 & vel hoc nomine videri & audire cupiunt præ aliis *Reve-*  
*rendi*. Quidni? Nam adversarios a capite ad calcem sale acerbos  
 perfricant, & quantis possunt aculeis compungunt & trans-  
 figunt, iisque sensus alienissimos, & quos in eorum verbis ne  
 Diogenes quidem laterna sua inveniret, affingunt: deinde in-  
 festis animis, dictis aculeatis, multisq; ex eruditione seculari  
 petitis moribus, nec sine convitiis, eos aggrediuntur: atque  
 tandem subijciunt, se DEVM reveritos ab ultione abstinere,  
 neque privatis affectibus æstuanti pectori verba commo-  
 dare, sed cum Psalmista ponere custodiam ori suo, & quic-  
 quid dictum scriptumve ab ipsis sit, ex pio & necessario ze-  
 lo provenisse. At nefas, scelus, & flagitium est, prætexere  
 fidei orthodoxæ defensionem, intus autem affectibus pes-  
 simis agitari, & sub Christi titulo, genio indulgere, fata-  
 næque negotium agere: inhumanum & tyrannicum, non  
 audire



audire partem alteram, quæ utique audienda esset sine præjudiciis vel anteceptis opinionibus, sine animi pertinacia, clare, distincte, sufficienter, cum omni modestia, ne justam causam habeat conquerendi, se non auditam, vel non satis intellectam fuisse, sibi injuriam fieri, non ita se intelligere vocem vel phrasin, sicut illa ab adversa parte accipitur. Zelus sanctus utique summe necessarius est; sed cavendum, ne fiat nimius, neve degeneret in rigorem: Idcirco enim, ut ait Gregorius Naz. cit. Hartm. l. c. p. 68. *in columba & igne Spiritus S. monstratur, quia videlicet omnes, quos replet columbina simplicitate, mansuetos & igneo zelo arduos exhibet: Nequaquam enim Stephanus est, qui aut in tranquillitate mansuetudinis, fervorem emulationis deserit, aut rursus in emulationis ardore, virtutem mansuetudinis amittit.*

III. *Impares oneri, & ad hanc rem administrandam Inepti.* Licet autem (1) *Indocti*, qui statum controversiæ non intelligunt, fallaces adversariorum terminos æqualance trutinare nesciunt, linguarum orientalium, & maxime Hebrææ & Græcæ, rudes sunt, fundamentaque veteris & novæ philosophiæ non exacte callent, principe loco subferulam revocandi essent: non tamen hos tantas Ecclesiæ lacrymas elicere posse, certum est, quam (2) *πεφυσωμένους*, h. e. *Inflatos*, & qui *μὲγαν* habent eruditionis, eaque adeo sibi videntur repleti, ut, nisi plenis buccis evomant, vereantur, ne venter sibi inde disrumpatur. Imaginaria hac eruditione tumescentes, papæ! illi vero subtilis, seu, ut ipsi loqui amant, *illustriores* controversias nōrunt proponere, ventilare ac solve, sed ita, ut ipsi tandem præ nimia subtilitate se non intelligant, digni certe, ut ad, fervidarum dicam? an otiosarum scholarum, quarum fumos oculis christianæ Ecclesiæ obtrudunt, pulverem lambendum relegentur. Quid prodest exclusam esse a Lu-

Pp

thero



thero nostro *spinosam* istam *theologiam*, si nos illam recipimus? Utinam Biblica theologia ubivis revocaretur, atque eliminatis *παιδοῖς ἀνθρώπων σοφίας λόγοις*, & quæstionibus curiosis inutilibusque, *ἐν ἀποδείξει πνεύματος ἁγίου* *ἡ δυνάμει* 1. Cor. II, 4. cum adversariis ageretur! Quam hoc esset magis proficuum, magisque salutare! Nugis enim Scholasticorum, deserta Scriptura S. operam impendere, quid aliud quæso est, quam *scortari post Deos alienos*, cisternas quærere, & saluberrimos Israël fontes deserere? Sed nolo hic prolixus esse. Quantum enim damnum hæc prurientis seculi *παιδεία* Ecclesiæ adferat, veneranda Theologorum biga, *Spenerus* in Piis Desid. a p. 18. usque ad p. 33. & *Hartmannus* l. c. satis demonstravit. Nec minus illum a scopo nostro, ceu ineptum, aberrare certus sum, qui (3) *In Præceptorum suorum verba jurat*. Barbarum equidem est & homine christiano indignum, erga præceptores quocunque tandem modo ingratum esse; sed magna injuria is præceptores suos afficit, qui cæca adeo submissione ipsorum dogmata amplectitur, ut in eorum gratiam, & ne ab illis abiisse videatur, vel contra solem loqui non erubescat: tantum abest, ut gratæ mentis officium iis præstet. Sint Præceptores *duces* nostri, sed non *domini*: solus Spiritus S. supremus Dominus & illuminator esto. Optime Jacobus Martini, in Pæd. Log. l. V. c. 15. p. 755. *Amicus Plato, amicus Aristoteles; sed magis amica veritas. Sic in disputationibus Theologicis, amicus Lutherus, Chemnitius & omnes Theologi, sed magis amicus Christus, & ejus verbum in S. literis contentum*. Ut & sæpe laudatus Hartmannus, l. c. p. 69. *Cessent, qui a pueris suorum Præceptorum innutriti sunt placitis, illorumque indolem & opinionem fecerunt suam, ex mera simplicitate in dissentientes ultra modum invehuntur, putantque, se eo ipso DEO præstare cultum*. Valde denique a scopo abducunt (4) *λογωμαχίαι*, seu



seu *Pugna de Vocabulis pbrasibusque*. Documento esse possunt infelicia discordiarum tempora, Lutheri nostri obitum secuta, quæ suis depingit coloribus idem Hartmannus. l. c. p. 86. &c. Esto ergo, incommode nonnunquam loqui adversarium: si sanam habuerit mentem, atque in re nobiscum convenerit, anne ideo, quia, ut loquitur Hieronymus Epist. 57. *vocabula non edidit, hæreticus judicandus est?* Utinam, exclamante Chytræo, qui allegatur a Spenero l. c. p. 24. *lex fidei & charitatis ab Apostolo præscripta, in his disputationibus valeat, ut vera sententia ex fundamentis verbi divini firmiter retenta, de formis loquendi non litigemus, & re intellecta in verborum usu faciles simus, ne nimium altercando veritatem tandem prorsus amittamus!* Si quid in formulis loquendi offendit, cur non pia declaratione potius, quam virulenta condemnatione emendatur? Quanquam etiam, qui videt, alios suis loquendi formulis offendi, & dissidium inde excitari, eam animi moderationem adhibere debet, ut illis absteineat, nec temere ac præfracte utatur amplius.

Cum ergo ex hæcenus dictis satis pateat, Philanthropias, cœcum zelum & ineptitudinem, cum resultantibus inde vitiis, axiomati nostro in tantum adversari, ut sui sequaces in Scyllam præcipitent; vi contrariorum certum erit, contrarias his vitiis virtutes (quas solus Spiritus S. per fidem in nobis operatur, adeoque tandem solum Spiritum sanctum) regiam nobis viam aperire.

Ubi vero contigit, ut aliquis in contrarium errorem lapsus fuerit, eum agnoscere illum, aversari, atque anniti oportet, ut inde liberetur. Certe profecto in quo spiritus Christi habitat, quicquid illi, quæ secundum pietatem est, doctrinæ accedit, is non insanit circa quæstiones ac disputationum pugnas, ex quibus prognatas videmus invidiam, contentio-



nes, maledictiones, suspensiones malas, supervacaneas constitutiones, non secus ac si pietas quaesitus esset, 1. Tim. VI, 3. 4. 5. Cui finis actionum atque dissertationum suarum est charitas ex puro corde, & conscientia bona, & fide non simulata, seu gloria DEI & ædificatio proximi, is a regia veritatis via non aberrat, nec ad vaniloquia, & illam errorum Scyllam, defleat. 1. Tim. I, 5. 6. Quando autem erratum est, non in errore persistendum, nec desperandum, sed arripienda post naufragium secunda *τῆς μεταβολῆς* tabula, ac duce navarcho Jesu enatandum. En Hieronymum atque Augustinum, pyxidis instar nauticæ, a polo suo Christo deturbatos. Quam operose contendunt per seriam errorum confessionem, trementisque animi motillationem, in pristino loco quiescere, atque ita sine nictatione polarem suam stellulam intueri! Anne ergo nos constantiam illud prudentemque animi fortitudinem esse existimabimus, dum remoti a polo nostro, obstinate conquiescimus, & salutaribus Spiritus S. motibus, convenientibus animi nostri affectionibus, fidelibusque Christi ministris resistimus atque reluctamur? Meminerimus potius, illud demum christiani, hoc est, generosissimi animi, & inhabitantis Spiritus S. symbolum esse, si, postquam per cogitantiam, eive etiam postea accedentem pertinaciam peccavimus, atque a regia virtutis ac veritatis via in devios errorum saltus defleximus, divina gratia, quæ quotidie de novo nobis illucescit, utentes, inde reverti curemus, ac denuo conjungi cum sponsa Christi, quæ veritatem sartam tectam habet, & impotentis animi affectibus, quantum potest, resistit. Sic enim immota stabit fides nostra, sic proximus ædificabitur, atque sic tandem, uti fas est,

permanebit

SOLI DEO GLORIA.

ADDI-



## ADDITAMENTA.

**L**utherus & Philippus, dum se vehementius opposuere Scholasticis, dignitatem & meritum operum altius extollentibus, libertatemque arbitrii & virium humanarum præstantiam nimium quantū amplificantibus, inciderunt in contrarium errorem de fatali necessitate: uti ex Gerhardi Tomo II. Loc. de Lib. arb. §. 65. observat Dürr. in Isag. in LL. Normal. Eccl. Nor. p. 99.

**C**hrysostomus, impetu disceptandi cum Manichæis & Gentilibus, qui hominem afferebant vel natura malum, vel fati necessitate ad peccandum impelli, sæpenumero naturæ nostræ vires plus æquo attollit. Sixtus Sen. Bibl. S. l. 5. in præfat. p. 410.

**M**ontanus, dum ardentius oppugnat illos, qui passim dignis & indignis aperiebant ecclesiasticæ fores, plus satis laxata severitate disciplinæ ecclesiasticæ, in diversum incidit malum. Erasmi. in epist. dedicat. Opp. Hilarii.

In nonnullis libellis (*Pontificiorum*) sunt quædam, quæ dum impense tuentur hominis (Pontificis Romani) dignitatem, apertam habent contumeliam in Christum. Id. ib.

**J.** Vossius, quorund. Protestantium, quos Semi-Judæos appellat, imperitiam ferre non sustinens, peculiari opere LXX. versionis defensionem suscepit. At dum Massoræ codices rejicit, in aliud vitium lapsus est. Adeo difficile & arduum est vel paucissimis & præstantissimis viris, movendum illum, qui ad inveniendam veritatem requiritur, servare. Rich. Simon in præfat. ad Crit. V. T. \*\* 2.

**C**alvinus, dum Pontificios omnium virium annisu insequitur, in diversos errores deviavit, non minus noxios, quam illos, quos sibi sumserat refutandos. &c. Arn. Pœlenburg in Orat. funebri Steph. Curcellæi. \*\* 4.

Pp 3

Cbrj.



*Chrysostomo* idem accidit, cum adversus Anthropomorphistas nimia contentione proveheretur. Id. ibid.

Idem accidit *Praxeæ*, *Noëto* & *Sabellio*, dum contradicere voluerunt Ebionitis; nec non *Lutheranis nonnullis*, in dogma ubiquepræsentiae corporis Christi prolapsis. G. Calixt. in Orat. select. p. 102.

Quoad connexionem fidei & bonorum operum, in defectu peccant, qui dicunt, ea non, nisi per accidens connecti, ut *Nicolaitæ*, *Simon magus*, *Gnostici*, *Valentiniani*, *Libertini* & *Fanatici* superioris seculi, ac *Pontificii*; in excessu autem *Sociniani*, dum bona opera, seu, ut ipsi loquuntur, obedientiam, primo per se modo, cum fide cohærere, ipsamque esse ac formam fidei absolvere statuunt. Bajer. disp. de Connex. fidei & oper. §. 5. 6. 7.

Etliche dringen so gewaltiglich auf die natürlichen wesentlichen Eigenschaften in doctrina de *Unione personali & communicatione idiomatum*. Corp. Doctrinæ Jul. im Bericht p. 50.

Sicut *Sabbathici*, urgendo observationem sabbati Judaici, in unum extremum; ita *Petrobrusiani* in alterum impeerunt, tradentes, festos dies omnes ad ceremonias Judæorum pertinere, & propterea nullos debere esse inter Christianos. F. V. Calixtus in programm. Palchali Acad. Juliæ A. 1696. D. 3.

*Prædestinatini*, orti Sec. V. duce Lucido, Presbytero in Gallia, refutando enervandoque Pelagianismo, per quem libero arbitrio vires nimiae tribuebantur, intenti, ipsimet in excessu peccarunt, statuentes, necessitare quosdam gratiam Dei. Reinh. in Præl. publ. MSS. p. 140.

*Eckius*, disputans adversus Mart. Lutherum, tertio libro de Purgatorio Taulerum appellat somniatorem, eumque hæreseos insimulare videtur: nihil tamen adducit, quo comprobet, illum esse hæreticum. Qui si diligenter legisset e-

jus



ius lucubrations, longe aliter de eo sensisset. Nam Taulerus catholicæ fidei cultor integerrimus est. Ea, quæ scripsit, sana & plane divina sunt, ut cognoscere possunt omnes, qui in illis sunt versati. Sed Eckius ardore Ecclesiæ succensus, indigne tulit, quod Lutherus magnifice laudaret Taulerum, & sententiis ejus sua prava (ut putat hic scriptor) dogmata confirmare niteretur. Ludov. Blosius, Abbas Lætiensis, in Apol. pro Taulero.

Longe alios ob fines *oratum & oblatum pro mortuis* in veteri Ecclesia, quam ad extrahendas defunctorum animas e flammis purgatorii. Non leviter heic peccatur a multis tum *Romanensibus*, tum *Protestantibus*. Extrema vitanda sunt. Veritas, quæ in medio sita, amplectenda. Guil.

Forbes. in Considerat. modest. & pacif. Controv.

l. 3. c. 2. p. 464.

DIS-





DISSERTATIO VII.  
DE  
THEOLOGIA  
ECLECTICA.

*Bucerus in Comment. in c. III. Sophonia.*

**N**on continuo contra DEI verbum pugnatur, quum  
non recipitur cujuslibet interpretatio.

\* \* \* \* \*

SUMMARIA.

*Theologia eclectica* Acceptio & etymologia. Descriptio.  
Objectum. Subjectum. Finis. Necessitas. Utilitas. Pra-  
stantia. Commendatio in dictis Scripturae sacrae, & Pa-  
trum ecclesiae. Cultores. Adversarii. Media atque  
remedia.

*Theologiae*



**T**heologia nomine nobis heic venit non illa cognitio, quam Deus ipse & Christus *θεω* *λογος* de se habet rebusque divinis; sed ea, quam sub lumine revelationis sectantur vel habent homines in via constituti, & ad coelestem tendentes patriam, quæque ex usu loquendi dicitur esse habitus cognoscendi Deum & res divinas, easque docendi, confirmandi & defendendi.

*Eclectica* vocabulum natales habet Græcos, & Latino ore effertur per *Electivam*. *Eclectica* igitur, sive *Electiva Theologia*, ea dicitur, quæ non unius magistri dogmata sequitur, sed e variis sententiis atque interpretationibus verissimam seligit atque optimam: vel, (ut rem ab abstracto ad concretum transferamus) *Eclecticis Theologus* is audit, qui nec promiscue omnia, quæ ab aliis tradita sunt, fastidit ac repudiat, nec unius ducis vel doctoris auctoritati tantum tribuit, ut omnia ejus dicta & effata pro veris habeat, & mordicus teneat, sed memor imbecillitatis ingenii humani, juxta quam impossibile est, ut unus homo omnia perspicere possit & ubivis rem acu tangere, neq; ulli errori succumbat, varias de re proposita auctorum opiniones consulit, audit, atque inter se confert & examinat, eamque tandem eligit, probat, suamque facit, quæ ipsi præ aliis videtur melior ac verisimilior: aut, si nulla aliorum ipsi satisfacit, earum imbecillitate modeste indicata, pro ea, quæ Christianis competit, prophetandi libertate, juxta regulas hermenevticas, & in timore Domini, suam propriam in medium profert, & Ecclesiæ judicio debita cum reverentia subjicit, semper paratus, meliora docentibus cedere, iisque herbam porrigere, odio pariter atque amore hominum procul habito, idque in Dei gloriam, veritatis causa, & in proximi suamque ipsius ædificationem.

Qq

Versa-



Versatur autem Theologia eclectica, de qua impræsentiarum tractamus, non circa fidem, ejusque articulos stricte & proprie sic dictos, in sacris literis propositos ac fundatos; quasi liceat nobis, ex articulis fidei, qui extra controversiam sunt positi in Ecclesia christiana, pro lubitu quosdam seligere & recipere, alios vero rejicere ac respuere: fides enim ut una est, ita electionem, quæ ad plura respectum habet, non admittit; articulisque fidei absolute assensus est præstandus, eo quod a Deo credendi nobis proponuntur: sed circa sententiarum de fidei articulis divortia, quæstiones juxta enatas, & varias Scripturæ interpretationes.

Nimirum si dogmata quædam pro fundamentalibus venditantur, aliis negantibus & contradicentibus: si quæstiones moventur, ipsum fidei fundamentum directe non concernentes, sed juxta illud ortæ & enatæ; si denique hoc vel illud dictum, hic vel ille locus Scripturæ S. diversas patitur interpretationes & explicationes, tunc vero Theologia eclectica suum facere potest officium, examinando illas sententias æque, ac ipsa dogmata, ad Lydium fundamenti fidei & Ecclesiæ veteris christianæ lapidem, h. e. videndo & perpendendo, an fides & salus christiani hominis, sine eorum notitia, consistere non possit salva & integra, & an illa pro fundamentalibus fidei articulis inde ab initio Ecclesiæ christianæ fuerint agnita & recepta, atque ut talia de manu in manum posteris tradita. Quod si autem ea, aut eorum aliqua, notis hisce destituta animadvertit, protinus ac lubens missa facit: tantum abest, ut in numerum & censum credendorum recipiat, ac sententias probet affirmantes.

Simili ratione varias de quæstionibus juxta enatis, locisque sacrarum paginarum obscuriusculis sententias, earumque rationes ad examen judicii revocat, ponderatque exacte



exacte & cum cura, nec nisi illam eligit suoque probat calculo, quæ vero videtur simillima: idque sine affectu, & sine præjudicio, memor, non tam attendendum esse, quis dicat, quam quid dicatur. Quodsi vero nemo interpretum vel auctorum rem acu tetigisse videtur, Eclecticis sui periculum ingenii & iudicii ipse facit, & sententiam seu interpretationem novam profert, sed ea modestia, eaque reverentia, ut dijudicandam eruditus exhibeat, nec etiam recuset eam deferere, si melior & convenientior afferri possit & monstrari.

Istam vero eligendi facultatem neutiquam assignamus sacri studii tironibus seu discipulis: Aristotelis enim & sapientum inter Christianos virorum iudicio, *ἡ δὲ μαθηματικὴ τῆς θεολογίας*, discipulum oportet credere: nec profecto nisi audaculi & scioli illam invadunt & usurpant; sed iis, qui iustam rerum theologicarum & sanæ philosophiæ notitiam habent, quique acumine iudicii valent, ac legitimæ interpretationis adminiculis sufficienter sunt instructi. Quales sunt, certe esse debent, Theologi, sive in Academiis doceant, sive in Ecclesia. Quid enim, quæso, frequentius ab iis fit utroque in loco, quam ut de dicto aliquo Scripturæ, aut de re quadam discrepantes interpretum vel auctorum opiniones, earumque argumenta allegent, recenseant, expendant, & certam aliquam, reliquis vel rejectis, vel reverenter sepositis, suo approbent suffragio? Quid hoc aliud est, quam theologiam exercere eclecticam?

Ita tamen hanc provinciam Theologis adscribimus, ut aliorum ordinum viros doctos & pios, & egregia scientia atque *ἐμπειρίαν* sacræ cognitione præditos ornatosque ex honorabili Eligentium consensu minime excludamus. Invidorum & inhumanorum, non nostra vox est: Quid Saul inter Prophetas? Quid Politico, & Jcto, quid (1) Medico, quid Philosopho cum rebus theologicis? Immo vero (2) uti-



nam omnes prophetarent! utinam omnes sufficientem illarum notitiam sibi acquirerent, ac sobrie pieque, in loco & in tempore, de illis judicarent, & judicare scirent! Quales quidem (ut vetera & recentia aliorum exempla silentii sipario involvam) inter JCtos fuerunt, G. Richter, Tobias Oelhafen a Schöllnbach, Magnus Fetzner, Academiae nostrae Procancellarii meritissimi, Conr. Rittershusius, Casp. Ziegler, & Georg. Adam Struvius; inter Medicos Herm. Conringius & Valent. Henr. Voglerus; inter Philosophos, J. Caselius, Er. Schmidius, Christ. Schrader, Joh. Henr. Boeclerus, Jac. Thomasius, Joh. Frischmuth, & Joh. Andr. Bosius.

- (1) *Vide Conringii Exam. libelli Erberm. contra Concuss. in præfat. A. 4.* (2) *G. Myl. præfat. in Pauli Jenischii Thesaurum animæ, editum An. 1594. & Luther. T. II Jen. Lat. de Instit. Ministr. Eccles. p. 548. & seqq.*

Nec propterea metuendum, ne confusio fiat ordinum, & alieni usurpatio officii: nam electio & judicium tale iis permittitur non ordinarie & absolute, sed, quod non frustra diximus, in loco & in tempore, & in quantum apti sunt atque idonei ad judicandum de rebus talibus. Et si viri, uti supponimus, boni sunt, ipsimet cavebunt, ne nimium hac in parte sibi arrogent, limitesque suos transfiliant, & alios de ponte dejiciant. Ita enim, ut ne quid dicam de lege Christianorum, vel ipsum docet jus naturæ: *Quod tibi non vis fieri, alteri ne feceris. Inter bonos bene agere oportet, & sine fraudatione. Apprime in vita est utile, ut Ne quid nimis.*

In quem finem autem tractandum est opus ecclesiasticum? Primario quidem, & ante omnia, in DEI gloriam. Si enim omnia *eis dēgav oēs in gloriam Dei*, juxta S. Pauli adhortationem 1. Cor. X, 31. facienda sunt, quidni etiam hoc opus? *Hic enim*, ut Æg. Hunnius in Comment. præsentis dicti annotat, *est primus & supremus finis omnium actio-*  
num



num christianarum. *Gloria Dei* autem, juxta Rauppium in Comment. est celebratio bonitatis, justitiæ, ac sapientiæ divinæ, quæ in omnibus vitæ nostræ actionibus respici ac promoveri vult Apostolus. Ita nihil contra conscientiam, nihil contra pietatem, aut honestatem faciemus. Deinde studium eclecticum facit etiam ad ædificationem proximi. Atque hic est finis illius, ut omnium aliarum actionum nostrarum, secundarius. Veritas in profundo latet, & cum cura ac labore scrutanda est atque eruenda. Hoc facit Eclecticus, quippe qui omnem suam operam eo impendit, ut illam sive sententiam sive interpretationem inveniat, quæ vera est, aut quæ vero proxime videtur accedere. Quæ ratione proximus ædificatur, ejusque, & ipsius etiam eligentis commodum promovetur.

Et hinc etiam facile colligi potest, miram Theologiæ eclecticæ esse & necessitatem, & utilitatem, & præstantiam. Necessaria illa est I. ob multas & diversas interpretationes alicujus dicti Scripturæ, & autorum de re proposita sententias. Tunc enim necessitas nobis imponitur, illas ponderandi & examinandi, ne putamen pro nucleo, carbones pro auro, umbram pro corpore capiamus ac teneamus. II. Quia sæpe falsa dogmata apud eos, quos consulimus, reperiuntur. A quo vitio ne Patres quidem Ecclesiæ immunes sunt: prout non modo ex ipsorum lectione, sed etiam passim ex Erasmi præfationibus in Opera Patrum, Apologia Aug. Conf. Centuriis Magdeburg. Sculteti Medulla Theol. Patrum, Gerhardi & Botfacii Patrologia, Dallæo de Usu patrum, Wilh. Cave Hist. liter. Scriptor. eccles. &, quæ Gallico idiomate prodiit, Eliæ Pinii Nova Biblioth. Autorum ecclesiast. videre licet.

Eadem quoque utilis est eo, quod ita veritas eruitur, aut certe in eam magis magisque inquiritur, dum aliorum sententiæ colliguntur, & ventilantur. Atque hæc utilitas



eo amplius se diffundit, quo frequentius est auditorium, coram quo illa ventilantur, vel quo pluribus scriptum auctoris eligentis communicatur, communicari potest. At, inquires, tranquillitati & concordia ecclesiastica officit. Minime vero. Nam sicut diversitas rituum non tollere debet unitatem & communionem Ecclesiarum, ita concordia ecclesiastica cum diversis de quaestione non fundamentalis sententiis probe consistere potest, atque omnino debet. Aliter autem sese res habet de quaestionibus fundamentum fidei concernentibus & dogmatibus creditu ad salutem necessariis. Nam qui in hisce est dissensus, is pacem & unitatem Ecclesiae non servat incolumem, sed eam potius rumpit ac violat; adeoque tantum abest, ut a Theologia ecclesiastica admittatur, ut potius Elencticae relinquendus, atque in ejus foro judicandus ac damnandus veniat.

Nec minus denique praestans est & excellens, idque propterea, quia nec antiqua plane rejicit, nec nova protinus acceptat, sed utraque considerat, & inter se confert, atque inde eligit, quod est, aut videtur, optimum praestantissimumque. Moses, fidelis ille Dei servus & internuncius, Judicibus Israelis, causas inter fratres suos audituris, *οὐκ ὁμοιωσάμενος* severe interdixit his verbis: *Judicate juste inter virum & fratrem ejus, etiamque peregrinum ei. Ne suscipite personam in judicio, aequè parvum atque magnum auditote, nec metuite a quoquam, nam judicium ipsum DEI est.* Deut. I, 16. 17. Atque idem praeceptum Christus repeit Joh. VII. 24. dicens ad Judæos: *Μὴ κρίνετε κατ' ὄψιν, ἀλλὰ τὴν δικαίαν κρίσιν κρίνατε*, *Ne judicate secundum vultum, sed justum judicium ferte*, i. e. ne judicate ex eo, quod prae me fero: videor enim nihil aliud esse, quam Galilæus vilis, & contemti fabri filius, sed spectate attentius rem ipsam, & ex fructibus arborem aestimate. Unde & Salomo Prov. XXIV, 23. pronunciavit: *Agnoscere personam in judicio, non est bonum.*



num. Hoc vero Theologia electiva diligenter observat.. Sedet illa, ad instar Astrææ, oculis velatis, & omnem si-  
ve amoris siue odii affectum excludit, nec personas, sed  
res, & rationum, quibus probantur, pondus æstimans,  
id apprehendit ac probat, quod optimum ac veritati con-  
sentaneum, vel probabilissimum videtur, neque adeo atten-  
dit, niger, an albus, Davus, an Oedipus, Tros Rutilusve  
fuit, a quo sit profectum. Uno verbo: Præstantiam ef-  
fati seu sententiæ, non hominis qualitatem, valere apud se  
patitur. Annon ergo ipsa inde præstantiæ laudem merea-  
tur & obtineat?

Ne autem ex nobis tantum eam commendare videa-  
mur, agite, evolvamur Scripturam S. & dispiciamus, an, &  
quid illa de studio ecclēstico judicet atque pronunciet.  
Fallor? an eo tendunt præcepta Johannis & Pauli? Sic  
enim scribit S. Joh. I. ep. IV, I. αγαπητοι, μη παντι πνεύματι πιστεύ-  
ετε, ἀλλὰ δοκιμάζετε τὰ πνεύματα, εἰ ἐκ τῆ θεῶ ἐστ. *Dilecti,*  
*ne cuius spiritui credite, sed probate spiritus, an ex DEO*  
*sint.* Ubi per *spiritum* intelligit metonymice vel doctores  
revelationem Spiritus sancti jactantes, vel doctrinam, quæ  
ab illo sit profecta: per *δοκιμασίαν* autem siue *probationem*  
*spirituum*, diligentem scrutationem & explorationem, an  
illi verbo Dei & christianæ fidei conformiter doceant, si-  
ve an ipsorum doctrina sit divina, & talis, qualem Christus  
proposuit, & proponunt ejusdem Discipuli ac Apostoli. Et  
quamvis ejusmodi dogmata proprie intelligat Apostolus,  
quæ ad constituendum fidei fundamentum pertinent, sicut  
ex modo examinis, quem in vers. seq. commonstrat, & u-  
bi summam christianæ religionis, ad quam, tanquam ad  
amussum, dogmata sint probanda, tradit, videre licet;  
haud male tamen quasvis alias quæstiones & interpretati-  
ones sacras pariter subintelligi propterea colligitur, quod  
& illæ examine & scrutinio opus habent, nisi periculo er-  
roris



roris turpiter nos velimus exponere. Quo pertinet, quod Apostolus Paulus, ut in sequente dicto audiemus, *omnia* velit explorari.

Porro etiam notandum, non solis Doctoribus, (quamquam ad illos primario spectat) nec conjunctim modo illis & eorum auditoribus, hoc est, toti Ecclesiæ corpori, sed (\*) singulis etiam fidelibus id dictum esse: quum enim *justus*, ut loquitur Deus apud Habac. cap. II, 4. *fide sua vivat*, debent singuli, qui Christo nomen dederunt, de religione, quā profitentur, esse certissimi, ut solam Christi vocē audientes, aliorū voces execrentur, & quam possunt maxime fugiant: quumq; interpretatio de ecclesiæ studii commendatione non sit, ut ostendimus, aliena ab hoc loco, singulos quoq; Christianos, qui ad illud apti sunt, & necessariis instructi adminiculis, eodē comprehendendi, haud temere asseritur. Nec dubium est, quin is, qui discernere jubet, illis spiritum discretionis ac prudentiæ largiatur, ita ut id, quod facere jubentur, præstare atque efficere, & album inter ac nigrum distinguere valeant. Distinguendum tamen inter σύγκρισι seu collationem cum Scriptura ejusque summa catechetica, & ἀνάλυσιν ac fundamentalem falforum dogmatum refutationem. Illa fidelibus competit, hæc autem doctoribus: prout dicitur in ep. ad Titum I, 9.

(\*) *Jac. Andr. Conc. 2. von der Spaltung in der Relig.*

Similem in modum D. Paulus in 1. Thess. V. postquam 19. & 20. ab *extinctione spiritus* h. e. donorum spiritualium, cum ordinariarum, quæ regeneratis dantur, tum extraordinariorum, de quibus 1. Cor. XIV. 1. & seqq. agitur, nec non a superbo & pertinace *prophetiarum*, hoc est, interpretationum Scripturæ sacræ (in qua significatione vox illa etiam sumitur in 1. epistolæ ad Corinth. c. XIII, 6. & c. XIV.) *contemptu* diligenter dehortatus fuerat, illico hanc subjungit admonitionem: πάντα δοκιμάζειν τὸ καλὸν



καλὸν κατέχευ. *Omnia explore: quod bonum fuerit, retinete.* De cuius dicti applicatione, ad præsens argumentum imprimis faciente, videatur *Constit. Eccles. Hassiaca* part. 2. p. 41. & *Jac. Heerbrand.* in volum. *Dispp. Theol.* p. 510. Non dicit Apostolus, omnia recipite, sed, *explore.* Non debent recipere absque discretionem & selectu, sed prius dijudicare: exploratio enim est actus iudicii. Nec certo hominum ordini, sed omnibus fidelibus dijudicandi facultate instructis examen illud præcipit, iisdem videlicet, quibus dixerat: *Propheetias ne pro nihilo habete.* Nec jubet, ut per alios, sed ut *ipsimet* explorent. Ad quam regulam? Eam quidem non exprimit, sed supponit, illam nimirum, juxta quam Berrhoenses examinabant dicta Pauli, ceu memoratur Act. XVII, 11. Quæ sane non fuit ratio humana, non affectus carnis, non majorum traditio, non ecclesia, non hominis alicujus, quantuscunque sit, auctoritas, sed Scriptura sacra *ἡ ἀρχὴ καὶ τὸ τέλος*. Porro non dicit, quædam, sed *omnia*: quæcunque nempe traduntur, sive voce viva sive scripto, sive sint nomenclaturæ articuli fidei, sive quæstiones aliæ, sive præcepta morum, sive constitutiones de ritibus. Neque vel sua, vel alterius cujusque excipit. Nec postulat, ut Thessalonicenses per orbem vagentur, & ad examen revocent, quæ unoquoque loco traduntur, sed ut explorent illa, quæ ipsis proponuntur, & quidem suo quisque loco, & pro vocationis suæ ratione ac modulo; ne autem sutor ultra crepidam.

Atque hoc examen excipere debet electio. *Quod bonum fuerit, retinete.* Non quod carni videtur bonum, aut huic vel isti, sed quod bonum fuerit verum, bonum Deo placens, bonum doctrinale, morale, rituale, seu quod convenit formæ sanæ doctrinæ, bonis moribus, & utile est ad decentem in ecclesia ordinem. Neque ait, *λαμβάνετε*, *accipite, sumite*, sed, *κατέχευ, retinete*: ad innuendum, eos non

Rr

levi-



leviter ejusmodi bono assensum præbere debere, sed firmiter & constanter, immo usque ad finem vitæ, nisi fortassis melius aut probabilius quid alicunde afferatur atque ostendatur.

Referri quoque huc possit illud, quod legitur in epist. ad Phil. III. 15. καὶ εἰ τι ἕτερον φεγεῖται, καὶ τὸν ὁ Θεὸς ὑμῖν ἀποκαλύψει. *Et si quid aliter sentitis, hoc quoque vobis Deus revelabit.* Ubi notant Interpretes, ferre Apostolum dissentientes, qui minime ferret superbe dissentientes, & oblatrantes. Ita S. Augustinus explicat, in Pl. CXXX. Tom. IIX. p. 331. his commentans verbis: *Quia si non extollimini, quia si non exaltatis cor vestrum, quia si non ingredimini in mirabilibus super vos, sed servatis humilitatem, revelabit vobis Deus, quod aliter sapitis. Si autem hoc ipsum, quod aliter sapitis, defendere vultis & pertinaciter adstruere, & contra pacem ecclesiæ, sit vobis maledictum hoc, quod dixit: Super matrem cum estis, & foris a lacte separabimini, foris a visceribus matris fame moriemini. Si autem perseveraveritis in pace catholica, si quid forte aliter sapitis, quam oportet sapere, Deus vobis revelabit humilibus.*

Et in epist. ad Vincentium Donatistam, quæ est 48. ita scribit: *Hoc genus literarum* (id est, scripta Cypriani & reliquorum ecclesiæ Patrum) *ab auctoritate canonis distinguendum est. Non enim sic leguntur, tanquam ita ex eis testimonium proferatur, ut contra sentire non liceat, sicubi forte aliter sapuerint, quam veritas postulat. In eo quippe numero sumus, ut non dedignemur etiam nobis dictum ab Apostolo accipere: Et si quid aliter sapitis, id quoque Deus vobis revelavit.* Confer lib. 2. contra Crescon. c. 31. Tom. VII. & l. II. contra Faustum Manich. c. 5. Tom. VI. Ubi quasi in transitu observandum, Hipponensem hunc episcopum verbum *revelare*, quo heic & in præcedente loco in præterito utitur, alibi in futuro ponere, prout & Græci codices con-



constanter habent. Revelabit autem Deus non per *ἐνθουσιασμός*, sed per pias preces, & sobrias meditationes, per assiduam Scripturæ lectionem, & verbi prædicati attentionem, piasque cum aliis doctis & religiosis colloctiones. Erasini Schmidii annotatio ad Apostoli verba a proposito nostro non est aliena, nec prætereunda. Sic autem habet: *Si interdum ex imbecillitate intellectus humani aliter vel aliter de quibusdam locis Scripturæ sentiatis, ne statim alter alterum condemnetis, sed imbecillitatem vestram invicem toleretis, non dubitantes, Deum seriis precibus invocatum, viros quosdam pios & doctos excitaturum, ex quibus veritatem tandem possitis perspicere. Loquitur de imbecilibus, non de præfractis & contumacibus, aut seditiosis. Qui autem dissensum permittit, electionem pariter permittit.*

Atque eadem eligendi & sentiendi libertas, quam e Scripturæ S. dictis hactenus probavimus, in dictis Patrum, quorum aliqua adducere lubet, itidem asseritur. S. Justinus, philosophus & martyr, orationem ad Græcos seu gentiles cohortatoriam suam, Joanne Lango interprete, sic auspiciatur: *Cohortationem apud vos, viri Græci, instituens, Deum oro, ut & mihi ea dicendi, quæ opus est, suppetat facultas, & vobis, pristino contentions studio relicto, majorumque errore abjecto, quæ utilia sunt, in præsentia eligendi potestas: nihil vos in majores vestros commissuros esse existimantibus, si diversa quæ sunt ab illorum non recte conceptis opinionibus, nunc commodiora vobis esse censueritis. Accurata namque rerum inquisitio persæpe ea quoque, quæ recta judicata sunt, exactione examine veritatis adhibito, longe aliter se habere ostendit. Basilii M. in epist. 41. de Dionysio Alexandrino hæc est sententia: Non omnia ejus viri laudamus. Immo sunt, quæ penitus etiam damnamus. Nec aliter de Nepote, episcopo Ægypti, & chiliaismi assertore, judicabat ipse ille Dionysius, prout constat ex relatione Eusebii lib. VII.*

Rr 2

H.E.



H. E. cap. 24. In plurimis quidem aliis rebus, aiens, laudo Nepotem & diligo, cum propter fidem, tum ob diligentiam, & studium Scripturarum, postremo ob psalmorum cantus multiplices, quibus plerique ex fratribus etiamnum magnopere delectantur: magnoque honore ac reverentia hominem prosequor vel ob id maxime, quod ante nos ex hac vita migravit. Sed veritatem magis diligo, cunctisque præferendam censeo. Et enim ea quidem, quæ recte dicta sunt, absque invidia laudare ac probare debemus. Si quid vero secius scriptum est, id examinari a nobis & corrigi decet.

Quid (\*) Augustinus in ep. 48. ad Vincentium, & in lib. II. contra Crescon. ac lib. II. contra Faustum scribat, jam audivimus & indicavimus in §. 18. Similia habet & alibi. Ut in epist. 19. ad Hieronymum: Ego fateor charitati tuæ, solis eis Scripturarum libris, qui jam Canonici appellantur, didici hunc timorem honoremque deferre, ut nullum eorum auctorum scribendo aliquid errasse, firmissime credam, ac, si aliquid in eis offendero literis, quod videatur contrarium veritati, nihil aliud, quam vel mendosum esse codicem, vel interpretem non assecutum esse, quod dictum est, vel me minime intellexisse, non ambigam: Alios autem ita lego, ut quantalibet sanctitate doctrinæ præpolleant, non ideo verum putem, quia ipsi ita senserunt; sed quia mihi vel per illos auctores canonicos, vel probabili ratione, quod a vero non abhorreat, persuadere potuerunt. Nec te, mi frater, (ita pergit, Hieronymum alloquens) sentire aliud existimo, prorsus, inquam, non te arbitror sic legi tuos libros velle, tanquam Prophetarum vel Apostolorum; de quorum scriptis, quod omni errore careant, dubitare nefarium est. Absit hoc a pia humilitate & veraci de temet ipso cogitatione! In epist. 3. ad Fortunatianum: Neque enim quorumlibet disputationes, quamvis catholicorum & laudatorum hominum, velut Scripturas canonicas habere debemus, ut nobis non liceat, salva honorificentia, quæ illis debetur hominibus, ali-



aliquid in eorum scriptis improbare atque respuere, si forte invenerimus, quod aliter senserint, quam veritas habet, di vino adjutorio vel ab aliis intellecta, vel a nobis. Talis ego sum in scriptis aliorum; tales volo esse intellectores meorum. Et in ep. 28. ad Hieronymum: Contra Cypriani aliquam opinionem, ubi, quod videndum fuit, fortasse non vidit, sentiat quisque, quod libet: tantum contra apostolicam manifestissimam fidem nemo sentiat.

(\*) De S. bujus Patris modestia vid. Veiel. in Augustino veri falsique in capital. controuv. indice p. 16.

Neque eum fefellit concepta de Hieronymo opinio, quippe qui theologiam electivam, quam sectatus est, aliis nequitiam denegavit aut præclusit. Sic enim commentarium cap. 2. Sophoniæ suum obsignat, Tom. VI. p. 221: *Hæc diximus, ut potuimus, interpretationi allegoricæ servientes. Si quis autem magis verisimilia & habentia rationem, quam a nobis sunt disserta, reperit, illius magis lector autoritate ducatur.* Idem profitetur religiosus hic vir in explicatione comment. Micheæ, Tom. VI. p. 141. quando explicationi primorum capituli II. verborum hæc subjungit: *Si quis autem in lege Domini die ac nocte meditatus, majus habuit studium, majus ingenium, otium, gratiamque, & potest de præsentis capitulo probabilius aliquid dicere, non invideo, non aspernor, quin potius cupio ab eo discere, quod ignoro, & libenter me discipulum profitebor.* Et Tranquillino rescribit Tom. II. p. 314: *Ego Origenem propter eruditionem sic interdum legendum arbitror, quomodo Tertullianum, Novatum, Arnobium, Apollinarium, & nonnullos ecclesiasticos scriptores, Græcos pariter & Latinos: ut bona eligamus. Vitemusque contraria, juxta Apostolum dicentem: Omnia probate, quæ bona sunt, tenete.* Et T. 3. p. 96. in ep. ad Miner. & Alexandrum: *Nec juxta Pythagoræ discipulos, præjudicata doctoris opinio, sed doctrinæ ratio ponderanda est. Si quis autem contrariæ*

R r 3

fadio.



factionis immurmurat, quare eorum explanationes legam, quorum dogmatibus non acquiesco, sciat, me illud Apostoli libenter audire: Omnia probate, quod bonum est, tenete. Et Salvatoris verba, dicentis: Estote probati nummularii: ut, si quis nummus adulter est, & figuram Cæsaris non habet, nec signatus est moneta publica, reprobetur. Qui autem Christi faciem claro præfert lumine, in cordis nostri marsupium recondatur. - Meum propositum est, antiquos legere, probare singula, retinere, quæ bona sunt, & a fide ecclesiæ catholicæ non recedere.

Et in ep. ad Augustinum Tom. II. p. 338: Ego de magnis statuere non audeo, nisi hoc ingenue confiteri, me majorum scripta legere, & in commentariis, secundum omnium consuetudinem, varias ponere explanationes, ut e multis sequatur unusquisque, quod velit. In Proœmio ad Pammachium, præmisso commentariis in Hoseam, T. VI. p. 4. narrat, se ad illos conficiendos legisse scripta quædam Apollinarii Laodicensi, Origenis, Pierii, Eusebii Cæsariensis, & Didymi Alexandrini, idque his claudit verbis: Hæc dico, ut noveris, quos in prophætæ huius campo habuerim præcursores: quos tamen, ut simpliciter & non superbe tuæ prudentiæ fatear, non in omnibus sum secutus, ut iudex potius operis eorum, quam interpretres existerem, diceremque, quid mihi videretur in singulis, & quid ab Hebræorum magistris vix uno & altero acceperim. In eandem sententiam Gelasius Papa cum LXX. Episcopis decretum formavit, ubi, postquam enumerasset Patrum scripta & decretales Paparum epistolas, addit: Sed cum hæc ad Catholicorum manus adveniunt, beati apostoli Pauli præcedat sententia: Omnia probate, quod bonum est, tenete. Hinc Erasmus Roterodamus in præfat. Opp. Hilarii scribere non dubitavit: Olim non fuit religioni sanctissimis vi-

ris,



ris, a quamlibet magnis autoribus dissentire. Quod etiam repetit in vita B. Hieronymi. Addatur Jos. Halli Pax Terris p. 20.

Cultores igitur & æstimatores theologiæ eclecticæ fuerunt, ut vidimus, Apostoli, ac memorati, memorati autem? immo omnes ecclesiæ Patres. Quos ita secuti sunt omni tempore doctores reliqui, quotquot non minus modestia & humilitate, quam doctrina ac studio veritatis & sapientiæ, sese voluerunt reddere commendabiles. Et ne quid dicam de (\*) diversarum religionum sequacibus, utpote contra quos facilem haberet exceptionem, studii osor electivi, Nostratium quosdam nominare, atque in medium producere juvabit. Tales nempe fuerunt (a) *Lutherus*, (b) *Phil. Melancthon*, (c) *Urban. Regius*, (d) *Brentius*, (e) *Martin. Chemnitius*, (f) *Martini*, (g) *Balduinus*, (h) *Heshufius*, (i) *Job. Arndius*, (k) *Polyc. Lyserus*, (l) *Franzius*, (m) *Gerhardus*, (n) *Glassius*, (o) *Musæi*, (p) *Hülsemannus*, (q) *Calixti*, (r) *Titius*, (s) *Sauberti*, (t) *Hoë*, (u) *Dilherrus*, (x) *Dan. Wülferus*, (y) *Mart. Beer*, (z) *Parens meus*, (1) *Seb. Schmidius*, (2) *Georg. König*, (3) *Matth. Wasmuth*, (4) *Hackspanius*, (5) *Reinhartus*, (6) *Dürrius*. Hos autem dum nominavimus, minime hinc colligendum, reliquos ecclesiarum & scholarum nostrarum Doctores & Antistites præclare meritos, exclusos inde, aut excludendos esse; quin potius statuendum, venerabili Eclecticorum collegio eosdem associandos atque annumerandos: quo quis enim est doctior ac sapientior, eo minus abest a cultu & æstimatione nobilissimæ Eclectices.

(\*) Vt sunt, ex Rabbiniis: *Abravanel. Buxt. fil. in præfat. in Dissert. Philol. Theol. Ex Scholasticis: Thomas. Bots. in Patrol. 53. 56. Lombardus. 54. Ex Pontificiis: Erasmus. in ep. dedic. Operum Hilarii. C. Vorst. Resp. ad Artic. quosd.*



quosd. ex Anglia transmissos. Cajetanus. Botsf. 70. Sal-  
 mero. 56. Sixtus Sen. 57. 63. Fr. Balduinus. In pro-  
 leg. ad Minuc. Fel. sub fin. Baronius. T. 1. Annal. ad  
 A.C. 31. apud Blount. 685. Launoius. In omnibus fere suis  
 operibus. Ex Reformatis: Wolfg. Musculus. Præf. in  
 LL. Theol. & præfat. coment. in Gen. & in 1. Cor. 1. Melch.  
 Adam. in ejus vita p. 384. Zanchius. Præf. in libb. de 3.  
 Eloh. & in ep. nuncup. Miscellan. (: ) 4. Pœlenb. in Admonit.  
 T. 2. Opp. Episcopii. Spanhemius. In præf. Dubior. Evang.  
 Filius. Sub finem Diatr. de loco 1. Cor. XV. 29. Ligthfoot.  
 Carpz. in præfat. Hor. Ebr. & Talmud. in Evangg. Bo-  
 chartus. Præfat. in Phaleg. \*\*\*\* 2. Gerh. Joh. Voss. Præ-  
 fat. in Resp. ad Judic. Ravensp. de Grotii libro de Satisf.  
 Christi, b. 3. Tremell. ac Junius. Præfat. in Bibl. Lat. (: ) (3 ac  
 ipse Jun. in Eiren. Barlaeus in Dissertatiuncula, & C. Vorst.  
 in paræn. ad Lubbertum. Acontius. Lib. I. Strat. sat. fere  
 circa medium. Matth. Polus. Præfat. in Syn. Crit. sacr.  
 sub finem. Bullinger. Ep. dedic. Comment. in Acta Apo-  
 stol. M. Anton. de Dominis. In Consil. sue profect. num. 14.  
 Jos. Hall. In libello, quem inscripsit Pax Terris, p. 9. 14.  
 20. Medus. Twiss. in Judic. Medi Apostasiæ ultim.  
 temp. præfixo. Mart. Bucerus. In Comm. in cap. 3. So-  
 phon. Ex Remonstrantibus: Episcopus. Arn. Pœlenb. in  
 præfat. T. II. Operum Episcopii. Arminius. Præfat. in  
 ejus Opera, & P. Bertii Orat. sub fin. C. Vorstius. Resp.  
 ad artic. quosd. ex Anglia. transm. & præf. in Tract. de  
 Deo, ac in Epp. præstant. viror. p. 79. Casp. Barlaeus. In  
 Bogerm. ελεγχου. 101. Curcellæus. In Orat. ejus funebri.  
 H. Grotius. Ep. ad Crell. T. 4. bujus Opp. p. 232.

(a) T. 1. Opp. Lat. Jen. p. 76. 368. & 284. ac T. 2. in a-  
 versa pagina, quæ titulum præ se fert, facie. Adde  
 Botsacci Patrol. p. 8. Hacksp. l. 1. Miscell. cap. 4.  
 p. 54.



p: 54. & Calixt. Digress. de Arte nova pag. 215. (b) T. 1. Opp. p. 393. & passim in Apol. A. C. Adde Zanchii epist. nuncup. Miscellaneor. (c) T. 2. Opp. Lat. p. 45. & T. 3. p. 70. Quamvis igitur magni fecerit Lutherrum, non tamen in verba ejus juravit, teste D. Veielio in Memor. Regii p. 17. & 18. (d) Præfat. in homil. in libros Samuel. (e) Part. I. Exam. Conc. Trid. p. 106. & in orat. de Lect. Patrum. (f) Cornelius. In Compend. Theol. Jacobus. In Pæd. Log. lib. 5. cap. 15. p. 755. ubi hæc ejus verba reperiuntur: Amicus Plato, amicus Aristoteles, sed magis amica veritas. Sic in disputationibus theologicis, amicus Lutherus, Chemnitius, & omnes Theologi, sed magis amicus Christus, & ejus verbum in SS. literis contentum. (g) In Comment. in Epistolas Pauli. (h) In Veræ & sanæ Confess. de Præs. corp. Christi in S. cœna Defens. l. 3. (i) Autor Dissert. apolog. pro doct. Joh. Arnd, Part. I. p. 97. (k) In epist. dedicat. Locis Theol. M. Chemnitii præfixa, ubi ita vult, sequamur Philippum, ut tamen etiam ab ejus erroribus nobis caveamus. (l) In præfation. ad Tractatum de Interpr. Script. p. 47. (m) In LL. Theol. & Commentariis in Scripturæ libros. (n) in Philol. Sacra, Disputationibus, & in Judicio de Controv. nonnullis. (o) Petrus & Johannes. Passim in ipsorum operibus. (p) In Breviar. aucto p. 1414. & Prælect. in Form. Conc. p. 257. (q) Georgius. In Desid. & stud. concord. eccles. §. 23. & Dissert. de Verit. relig. christ. & Autorit. antiq. eccles. Fridericus Ulricus. In Exercitat. de Universalis primævæ Eccl. auctorit. §. 24. 25. (r) In præf. Tractatus de Phrasib. sive Locut. vet. Eccles. Dd. (s) Pater. In Cassandro orthod. Adolphus. In concionibus, quas habuit. Johannes. In Palæstra Academ. & Opp. posthum. (t) In epist. dedicat. Tom. I. Comment. in Apoc.

SS

cal.



*cal. b. i. (u) In vol. Dispp. Acad. & Eclogis Syr. (x) In libro de Fato, nec non in Concionibus & Prælectionibus publ. (y) In libellis pluribus ab ipso editis. (z) In Concionib. in Aug. Conf. earumque Notis, ac Prælection. theolog. Vnde & in symbolum suum convertit Apostoli jam sæpius citata verba: Omnia probate: quod bonum fuerit, retinete. (1) Prout testantur Aſſa Erudit. A. 1693. p. 493. & alibi: (2) In Vindic. sacr. & Cas. Consc. (3) In dispp. inaugur. nec non in Vindic. Hebr. (4) in Syll. Dispp. & Notis in var. Scripturæ loca. (5) in Arm. viſtric. Eccles. primit. & Gemmulis Juris Canon. (6) in Theol. Mor. Annotat. ad libros Normal. & Dispp. de Præjudic.*

Contra eam vero peccant, ejusque adversarii sunt, (1) qui dictatorium quasi officium sibi arrogant, suasque sententias, tanquam e cælo pronunciatas, aliis obtrudere conantur, & assensum detrectantes rejiciunt, condemnant, anathematisque fulmine, quantumvis bruto, feriunt. (2) Qui licentiam sibi sumunt, a probatis firmissimisque Doctorum sententiis sine causa recedendi, & quidvis pro arbitrio, & ex novationis pruritu, statuendi. (3) Qui absque omni δοκιμασία, aliorum placita amplectuntur, atque adeo pecus sunt, quod dividuam ungulam non habet, neque remandit indigestum semel cibum. (4) Qui in nimium amorem vel odium propendent, atque ex illo vel sputum alicujus auctoris lingunt, ex hoc autem optime dicta fastidiunt; sæpe prius etiam, (\*) quam alterius scriptum legerint, aut cum cura legerint. (5) Qui stylum electivum arripiunt, antequam dono prophetandi seu adminiculis legitimæ interpretationis sint instructi. (6) Qui, ut canes, quidvis allatrant & arrodunt, neque se doctos videri autumant, nisi aliorum cogitationes & sententias temere refutent atque explodant, & vel solis lumen in dubium vocent. (7) Qui refutationes cum convitiis, λοιδογίας, irrisionibus & contumeliis



melius peragunt. (8) Qui alios traducunt & cavillantur, etiam si illorum arent vitula, seu scriptis eorum utantur, similes ingratis homini, qui alterum, a quo lumen sibi mutuatus erat, per scalas agit præcipitem, aut qui, monstranti comiter viam, alapam infligit. (9) Qui ob opinionum diversitatem, vinculum pacis & concordie ecclesiasticæ rumpunt atque dilacerant. (10) Qui errores suos, clarissime licet ostensos, agnoscere nolunt, sed excusant, palliant, & mordicus defendunt.

(\*) *Vide Sozom. lib. IIX. c. 15. Erasm. præf. Annot. in N. T. Cassand. in Epp. p. 1205. Rich. Sim. præf. in Crit. V. T. Jos. Scalig. in Alter. Scalig. p. 73. Ad Port. præf. in Orthod. fid. defens. Blount in Cens. celebr. Autor. p. 909. Luth. Colloq. Mensal. p. 259. Mart. Chemnit. Exam. Conc. Trid. P. II. p. 41. & Vinc. Ambrisset. (i.e. J. W. Textor) in Telo defens. p. 45.*

Ne itaque in Scyllam vel Charybdim vitiorum istorum incidamus, agite, navem studiorum nostrorum, regamus gubernaculo pietatis, charitatis & prudentiæ, ac libertate prophetandi, a Christo nobis concessa, utamur sobrie, non abutamur, & ita veritatem sectemur, ne auream atque a Servatore nobis tantopere commendatam dilectionem & pacem amittamus. Non dominemur aliorum fidei, ut tyranni: non falsemus sermonem Dei, ut caupones vinum: non credamus cuivis spiritui, ut aniculæ & pueri: non moveri nos patiamur a quavis doctrina, ut arundines vento: non nimis vel admiremur, vel abominemur homines: non eorum simus vel mancipia, vel carnifices & diaboli; sed nec adulemur nobis ipsimet, & erroribus nostris asyla quæramus. Cogitemus, non eundem omnium esse gustum, idem judicium. *Non sperna-*

Sf 2

m113



*mus priorum vestigia & viam ab ipsis tritam: sed si propiorum planioremque invenerimus, hanc muniamus. Qui ante nos fuerunt & scripserunt, non domini nostri, sed duces sunt. Patet omnibus veritas: nondum est occupata. Multum ex illa etiam futuris relictum est.* Senec. in epist. 33. ad Lucil. Vno verbo: OMNIA PROBEMUS; QUOD BONUM FUERIT, RETINEAMUS

Atque heic colophonem impono præsentī argumento de Theologia eclectica. De quo etiam scripsit, & quidem vernaculo idiomate, sub titulo *Of the liberty of prophesying*, sive de Libertate prophetandi, & Londini 1647. 4. imprimi curavit doctissimus vir, Jeremias Taylor: sed ego scriptum isthoc nondum vidi, neque ex illo proficere potui. Has autem qualescunque cogitationes meas pio, humano, ac prudenti Eclectico-  
rum iudicio lubens meritoque  
subjicio.

DIS-





DISSERTATIO IIX.  
DE  
ECCLESIIIS DO-  
MESTICIS.

SUMMARIA.

*Ecclesiæ domesticæ denominatio. Descriptio. Species duæ:  
earumque utilitas, & alterius necessitas. Exempla.  
Typus. Intermissio perniciosa. Alterius speciei di-  
rector. Cautelæ. Probatur ex dictis Scripturæ S.  
& exemplis. Item ex dictis Patrum, & recentiorum  
Doctorum: nec non exemplis ex Historia Ecclesiastica.  
Objectiones VI. Protestatio. Parænesis.*



Artes Ecclesiæ in hac terra militantis sunt  
*Ecclesiæ Domesticæ*, sic dictæ a domibus pri-  
vatis, in quibus colliguntur, sive ex illis dun-  
taxat, qui in una eademque domo pariter  
habitant, sive ex aliis etiam, qui seorsum, &

Sf 3

vel



vel in vicinia, vel in remotioribus urbis oppidive regionibus habitantes, in certa quadam domo, sacrorum causa, in timore Domini conveniunt. Ratio autem, (ut F. V. Calixtus, venerabilis Regiæ Lutteræ Abbas, ac Professor illustris Juliæ emeritus, in tract. de Hæresi p. 200. scribit) *quod societas domestica Ecclesiæ appellationem est indepta, non est alia, quam quod res similes, consimilibus constantes, uno eodemque nomine, quod & parti & toti competit, nominantur. Sic & gutta aquæ, & oceanus, est, & nominatur aqua. Et quamvis domestica societas, Ecclesiæ nomine veniat, non tamen est de corpore Ecclesiæ amplioris, vel civitatis, vel regionis, truncata, sed ad eam reducitur, & est pars eam integrans.*

Itaque illas sequentem fere in modum, si lubet, descripseris. Ecclesiæ domesticæ sunt collectiones, conventus & cœtus hominum in ædibus privatis, citra neglectum aut contemptum sacrorum publicorum, vel etiam Ministerii ecclesiastici, facti, in quibus vel paterfamilias singulis diebus, præcipue autem dominico, in præsentia conjugis, liberorum, & si quos habet, servorum & ancillarum suarum, prælectioni sacri codicis, piæque concionis, aut libri ad devotionem excitandam scripti, item precibus & catechetica debita impendit operam, ut illi in christiana cognitione ac pietate majores faciant profectus, atque ita propius ad metam æternæ salutis perveniant; vel is, qui præ aliis in salutari profecit doctrina, ut Minister ecclesiæ ordinarius, vel alius Theologus, aut etiam, consentiente, vel certe non improbante Presbyterio, aut Collegio Theologico, alius quidam, eruditus tamen ille, & pius, atque ad præsens negotium aptus & idoneus, congregatis, ex diversis domibus, piis ac fidelibus Christi cultoribus unum aut alterum Scripturæ sacre caput prælegit, pro talento a Deo



Deo concessio exponit, & quomodo ejus contenta ad doctrinam, instructionem & consolationem adhiberi debeant, possintve, vel ipse proprio Marte, vel escripto quodam orthodoxo ostendit, piamque & ardentem orationem præmittit & subjungit, non alium in finem, quam ut ipse, juxta cum audientibus, in salutari cognitione & vita hominem christianum decente, incrementum capiat, seque & illos ad salutem ædificet, & Deus opt. max. vel hoc etiam modo magisq̃, ceu fas est, glorificetur.

Inde igitur patet, Ecclesias domesticas duplicis esse generis, alias quidem e domesticis, alias vero, præter domesticos, etiam ex aliis & extraneis collectas. Vtræque cum insigni conjunctæ sunt utilitate, eo quod per talia, exercitia devotio excitatur, timor Dei exercetur, Spiritus S. operationi janua aperitur, notitia sacra, si non major acquiritur, tamen conservatur & propagatur, verbum divinum subinde notius redditur, interior homo magis magisque alitur, & ad metam salutis æternæ propius decurritur. Audiamus hac de re Lutherum. Sic autem ille in Necessar. Commonest. ad Pastores de exercendo indefinenter catechismo, Tom. IV. Jen. Germ. p. 386. *Variis modis utile est, catechismum quotidie legere, & cogitationibus æque, ac verbis exercere: nam Spiritus S. lectioni, dictioni, & meditationi tali præsens est, & subinde novam & majorem lucem ac devotionem suppeditat, ut lecta & audita magis magisque sapiant, promptiusque intelligantur, sicut Christus etiam promissit Matth. XII. Ubi sunt duo vel tres coacti in nomine meo, illic sum in medio eorum. Vide etiam Hoornb. Theol. Pract. part. poster. p. 434.*

Sed illæ præter utilitatem, etiam gaudent necessitate, ita ut nullo tempore cessare possint, sed omnino ac indefi-



desinenter exerceri debeant. Quapropter, ait Lutherus in præfat. Catech. Maj. p. 397. pueris articuli ad catechismum seu puerilem institutionem pertinentes, summo studio tradendi sunt, inque ipsis non segnitè exercenda eorum industria. Inde fidelis ac vigilantis patrisfamilias officium exigit, ut per hebdomadam ad minimum semel habito examine, liberorum ac familia periculum faciat, ac audiens exactè perquirat, quid hisce de rebus intelligant aut didicerint: quibus ignoratis, eosdem serio & graviter eo, ut ista perdiscant, adigat. Et X. Præceptis, Articulis christianæ fidei, atque Orationi Dominicæ hæc subjungit verba: *Hæc sunt capita summe necessaria, quæ cuiusvis Christianorum primo perdiscenda sunt, atque ad verbum recitanda.* Sunt autem ad hoc quotidie affvescendi pueri, ut, quoties mane e stratis surrexerint, & ad capiendum cibum accesserint, & sub vesperam iterum dormitum ierint, memoriter recitent, neque ad cibum aut potum admittantur, nisi his omnibus ante diligenter recitatis. Non secus boni patrisfamilias officium herile exigit cum familia, nempe cum servis & ancillis, agere, neque quenquam in famulatio suo perferre, ista nescientem, aut recusantem discere.

Idem necessitatis argumentum urget, & ex officio patrisfamilias derivat prædictus Ecclesiæ nostræ doctor, in Enarrat. cap. V. Matth. Tom. VII. Witteb. Lat. p. 2. scribens: *Dixerit aliquis: Quid? nihilne cuiquam docendum est, nisi palam fiat, neque licebit patrisfamilias domi suæ familiam docere, aut scholasticum alere, quem aliquid prælegentem audiat?* Respondeo: Sane licere, & bene factum esse; præterea ipsum locum esse peridoneum. Est enim cuiusvis patrisfamilias officium, docere & optimis moribus imbuerè familiam, aut aliis docendam & informandam committere. Est enim domi suæ perinde, ut Parochus & Episcopus super familiam, estque illi

com-



commisſum, ut diligenter videat, quid diſcant: pro quibus illi proſecto reſpondendum erit, & reddenda ratio. Hoc nempe didicerat a magiſtro ſuo, S. Auguſtino, qui in tract. LI. in Johannem, ſimiliter, unumquemque patremfamilias, eccleſiaſticum & quaſi episcopale munus obire, docuerat. Verba ejus hæc ſunt: *Cum ergo auditis, Fratres, Dominum dicentem, Ubi ego ſum, illic & miniſter meus erit, nolite tantummodo bonos Episcopos & clericos cogitare; etiam vos pro modulo veſtro miniſtrate Chriſto, bene vivendo, eleemoſynas faciendo, nomen doctrinamque ejus, quibus potueritis, prædicando, ut unusquisque etiam paterfamilias hoc nomine agnoſcat paternum affectum ſuæ familiæ ſe debere, pro Chriſto & pro vita æterna ſuos omnes admoneat, doceat, hortetur, corripiat, impendat benevolentiam, & exerceat diſciplinam. Ita in domo ſua eccleſiaſticum & quodammodo episcopale implebit officium, miniſtrans Chriſto, ut in æternum ſit cum ipſo.*

Et ante Auguſtinum Chryſoſtomus patribusfamilias eaſdem informationis partes injunxit, oſtendens, Miniſtros Eccleſiæ non omnia ſolos poſſe peragere, adeoque in ſocietatem ejusmodi laborum venire etiam illos debere, quibus familiæ cura eſt concredita. Sic autem Cicero-nem illum chriſtianum audimus diſſerere, aut potius ex-probrare, in homil. IX, in l. ad Coloff. *Omnia in nos, ait, congeritis. Oporteret vos a nobis ſolum diſcere; uxores autem a vobis, filios a vobis.* Plura huc pertinentia reperies in Kortholti Fidei Excitatione ad ſolicitam ſimplici-um & ignorantium informationem in ſalutari doctrina fidei, ſeu, ut verba Germanica ſonant, in der Treuherbigen Auffmunterung zu ſorgfältiger Unterweiſung der Einfältigen und Unwiſſenden in der heilsamen Glaubens-Lehre/ libello ſane utiliſſimo, lectuque digniſſimo. Idemque argumentum jam antea tractavit, & quomodo Chriſtianus

Tc

etiam



etiam suos ad pietatem deducere debeat, ostendere laboravit pius Glassius in aureo libro, quem vocat *Haus-Kirche* seu Ecclesiam Domesticam, p. 559.

Nec prætereamus illustria Ecclesiarum ejusmodi domesticarum, eorumque, qui illis maximo cum honore præfuerunt, exempla, ut illa, tanquam in speculo, subinde intueamur, posterisque lustranda relinquamus. Vbi primo omnium sacratissimus Imperator CONSTANTINVS M. hoc nomine commendandus venit; quandoquidem Eusebius lib. 4. de Vita Constantini c. 17. memorat, illum *ἐν τοῖς βασιλείαις*, in palatio, quandam velut Ecclesiam Dei constituisse, ac diligentia quidem & alacritate prævisse cunctis, qui in Ecclesiam illam erant adscripti: & sacros codices in manus sumentem, oracula a Deo edita attento animo meditatum esse, & *εὐχαὶς ἐν θείαις*, solennes ac ordinarias preces, cum universo aulicorum cœtu, recitasse. Nec minorem laudem meretur THEODOSIUS junior, cujus aula, uti Socrates refert lib. 7. Hist. Eccl. c. 22. *ἀσκητικῶς* cœnatio similis erat, quique aliquando e circo oratorium reddidit. Pari studio præditus erat *Job. Frid. Hoffmannus*, Liber Baro in Strecha & Grunpichel, hæreditarius præfectus prætorii Stiriaë, & archimarschalcus Austriaë ac Stiriaë, Serenissimi Austriaë Archiducis CAROLI Confiliarius, & Ducatus Stiriaë præfectus: Sic enim testatur, & ad eum scribit Dav. Chytræus, is, qui inter theologos nostros inprimis moderationis, prudentiæ & candoris laudem adeptus est, in epist. dedicat. Commentarii in Deuteronom. *Vidi, domesticam Ecclesiam CL. Tuae, in hoc nobilitatis & splendoris generosi fastigio sublimi, nihilominus sanctissimam veræ invocationis Dei, quotidianæ lectionis Bibliorum, recitationis piarum precum & psalmorum, obedientiæ, modestiæ, gravitatis & elegantiae morum, & omnium virtutum*



tutum Deo placentium officinam & gymnasium esse. Nec il-  
laudabiliter Ecclesiam domesticam instituisse *Everardum*  
*Roggium*, Dantiscanum, consulem Culmensensem, ex eo licet  
perspicere, quod religiosus & candidissimi vir pectoris,  
Phil. Melanchthon, eam Deo precibus commendat, in epi-  
stola V. (quæ exstat in Tomo V. Epistolar. Philippi p. 307.)  
hunc in modum scribens: *Oro Filium Dei, Dominum no-*  
*strum Iesum Christum, crucifixum pro nobis & resuscitatum,*  
*vere colligentem & protegentem eternam Ecclesiam, ut te &*  
*tuam domesticam Ecclesiam semper protegat & gubernet.* Et  
de *Job. Wigando*, qui primum Noribergæ ludo literario ad  
D. Laurentii, tandem autem post varias, easque spectabiles  
functiones, tam academicas, quam ecclesiasticas, Pomaza-  
niensi in Borussia episcopatu præfectus fuit, narrat Melch.  
Adamus in *Vitis Theol.* p. 615. quod cum Ecclesia dome-  
stica, singulis diebus testis, repetitiones concionum & exa-  
mina catechetica instituerit.

Sed non est, quod plura exterorum exempla colliga-  
mus, quum domesticum habeamus, idque valde conspicu-  
um in *Hieron. Paumgartnero*, seniore, Reip. Noribergensis  
Senatore præstantissimo. Certe illud minime nobis præ-  
tereundum aut omittendum est. Nimirum singularis Me-  
lanchthoni cum nobilissimo hoc Senatore intercessit ami-  
citia, ita ut frequentes ad eum perscripserit literas: quarum  
quidem CXCVI. habemus in prædicto epistolarum to-  
mo, Lugduni Batavorum A. 1647. impresso. Sicut igitur  
amplissimus vir optimo Philippo *veræ Ecclesiæ columnis*  
encomium tribuit p. 253. & hisce verbis ei quasi epitaphi-  
um erexit ad omnem ætatem duraturum, ita unam & vi-  
ginti observavi epistolas, in quibus ille Ecclesiam domesti-  
cam Hieronymi sui cum laudat, tum Deo conservandam,  
& protegendam quam devotissime commendat. Nec

Tt 2

tempe-



temperare mihi possum, quin ex amore patriæ, & singulari erga florentissimam generosorum Paumgartnerorum familiam reverentia, elegans Melanchthonis carmen prid. Cal. Augusti A. 1523. ad eundem transmissum, hoc loco reponam, & lectori communicem. Vt vel inde etiam appareat, ridendos & exhibilandos, aut potius commiserandos esse ineptulos illos, qui nobilitatem ex contemptu studii literarum & virorum doctorum quærunt. Immo forte Hieronymi memoria non superfutura inter eruditos, atque æternitati consecrata fuisset, nisi ipse tractasset literas, & Philippo suo, tanquam æternitatis instrumento, familiariter usus fuisset. Sed agite, aures præbeamus, theologica quidem, & coram mundo despiciata toga amicto, sed magno tamen, magnique Senatoris laudes decantanti vati:

*Velociores spiculis Cydoniis  
Abite jambi, Hieronymumq; visite;  
Meosq; precamini salutem nomine  
Sodalium optimo atq; candidissimo;  
Seu contulit sese ille in urbem Francicam, (1)  
Quæ conditoris Cæsaris (2) accepit pio  
Cineres sacros hospitio, seu Noricam  
Urbem colit, vocare quam exteri solent  
Oculum theatrumq; unicum Germaniæ,  
Seu rusticatur cum suis, & Najadas  
Inter, Deosq; ruris audet carmine  
Certare cum Nymphis. At illæ texere  
Student frequentesserta vati, Pegnicam  
Resonare qui ripam docet primus modos  
Græcosq; Romanosq;. Non hoc clarior  
Futurus amne Tybris est ad posteros,*

*Nec*



*Nec orbē notus omni Ionicus Melas.  
Huic perfrui mandate jambi molliter,  
Faventibus quod contigit Diis, ocio.*

(1) *Bambergam.* (2) *Henrici II.*

Talium Ecclesiarum typus erant familiæ Israëli-  
tarum, in Ægypto nocte Paschatis, dum primogenita Æ-  
gyptiorum horribiliter occidebantur, servatæ. Hinc Phi-  
lippus noster ad Hieron. suum Paumgartnerum in epist.  
CXIIX. scribit: *Filius Dei servat Ecclesiam suam in ædibus,*  
*quarum limina sanguine agni notata sunt.* Vbi autem Ec-  
clesiæ hæ negliguntur, frigentque aut exulant, ibi nil nisi  
malorum ingentium & quaquaversus prorumpentium,  
grassantiumque zizania succrescunt & luxuriant. Vnde-  
nam enim, quæso, illa adolescentum protervitas, studioso-  
rum seu academicorum licentia, conjugum rixæ & jurgia,  
subditorum inobedientia, Imperantium effrons audacia ac  
præsumptio, contrahentium doli ac fraudes, literatorum,  
& eorum inprimis, qui aliis exemplo suo prælucere debe-  
bant, infinitæ concertationes & φιλοικίαι, verorum & vo-  
luntatem Patris cœlestis facientium Christianorum pauci-  
tas? Non aliunde profecto magis, quam quod hi omnes  
in domestica Ecclesia vel plane non, vel non recte instituti,  
& quomodo affectus suos compescere, vanitatem mundi  
contemnere, Deum & Superiores revereri, proximum di-  
ligere, sicut se ipsi, atque ita suum cuique tribuere debeant,  
edocti, & ad hæc pietatis officia deducti, suaviterque co-  
acti fuerunt.

Fidem dictis hisce faciam, saltem quod Academiae  
cives attinet, testimonio venerandi Ministerii Lubecensis,  
Hamburgensis, & Lüneburgensis, quod in libro de Novo-

Tt 3

rum



rum Prophetarum Religione, in Ausführ. Bericht von der Neuen Propheten Religion, p. 126. & seqq. conceptum, his propemodum verbis reddi potest: Quod attinet Studiosos, optandum quidem esset, considerari a singulis, in qua eos statione Deus collocarit, ut videlicet in Dei gloriam & emolumentum Reipublicæ ibi discant, quomodo in cunctis statibus bene ac salutariter gubernare possint: (cum quo merito conjuncta debebant esse, pie vivere, seque ipsum decenter regere.) Ita eorum non tam multi essent, qui putant, in Academiis se habere licentiam genio suo indulgendi, & tempus, quod pretiosissimum, nec universis mundi opibus reparabilis est thesaurus, otio, compotationibus, lufibus, chorearum & gladiatorii ludi (de quibus tamen posterioribus intelligendum, duntaxat id, quod nimium est, & cum vitio conjunctum) ac similibus aliis variis exercitiis, imo multis malis, perniciosissimis, a norma christiana aberrantibus, Epicureis, Cyclopæicis, barbaris & diabolicis operibus consumendi ac perdendi, quod tamen vergit in proprium ipsorum, ac nunquam satis poenitendum detrimentum, ita ut multos reliquum vitæ spatium sub displicentiæ ac miseriarum onere gravissimo & intolerabili explere oporteat, ac poenitere, quod nobilissimæ juventutis suæ non prospexerint melius, nec consuluerint prudentius. Consumtis, eheu! tempore & pecunia, genitoribus ac patronis ad justam iram provocatis, deficiente aptitudine ad obeundam spartam honestam, Deus justissimus vindex conscientiam punnit, miserumque & jam satis mœstum cor, cogitationibus commissi mali & omissi boni, meritoque immisæ jam calamitatis, turbat, concutit, & divexat. Hic defectus atque hoc vitium, quod ne sanguineis quidem lacrymis satis deplorari, nec negari potest, reperitur in universitatibus studiorum, quæ omnium virtutum officinæ & palæstræ debebant esse. Causa, hujus mali est mala disciplina domestica, ubi multi in domo parentum suorum de pietatis & honestatis studio perpaucum, multum



tum autem de execrationibus, comessionibus, rixis ac plagis, superbia, aliisque vitiis audiunt ac percipiunt. Tales postea meliori repugnant disciplinae, ac monitoribus asperi sunt, & cantiunculam, quam eis praeinuerunt parentes, canere volunt, & repetere.

Quemadmodum autem pater vel herus, atque in eorum defectu (1) mater vel hera, aut etiam (2) juventutis praeceptor antistitem ecclesiae domesticae agere, id est, catecheticum & alia pietatis exercitia cum suis instituere potest, ac debet; ita alterius domesticarum Ecclesiarum speciei, quae alios etiam, quam familiam, admittit, gubernaculum rectissime committitur vel relinquitur publico ecclesiae ministro, aut alii viro theologo: tales enim pro sua, qua pollere debent, & scientia & prudentia & auctoritate, omnium ad id aptissimos esse, nemo quisquam negabit. Ita (ut vivos idem facientes exercitium silentio praeteream) paucis abhinc annis collegium, ut vocabat, pietatis, Jenae, singulis Dominicis, postquam sacra publica finita & peracta erant, domi suae pro studiosis instituit, atque in eo Acta Apostolorum, aliosque libros Biblicos, sensum eorum literalem, & moralem usum, Germanico idiomate ostendens, tractavit meritissimus theologus J. Guil. Bajerus & quidem proficientibus multum applaudentibusque studiis, nec improbantibus, sed potius approbantibus factum viris doctis, piis & sapientibus.

(1) Juxta epistolam ad Ephes. VI. 1. & ad exemplum Diaconissarum, de quibus vide Balduin. in ep. ad Tit. II. 3. & Bebel. Antiqq. Sec. I. art. 2.

(2) Luth. supra in thesi V.

Sed qui ministerii, ordinisve theologici non est membrum,



brum, neque ejus consensum vel tacitum vel expressum impetravit, is non temere functionem istam aggrediatur, multo minus obeat geratque, refragantibus & reclamantibus illis: cum omnino credibile sit, illos, quos Ecclesia, ob doctrinam & pietatem singularem, antistites & doctores constituit, non tam fore vel cæcos, ut utilitatem, quæ promovendæ christianitati alicunde nascitur, non videant, vel improbos, ut eam illi invideant: immo consultius, ut, si quid etiam humani ab hac parte committeretur, fluctibus cedas, & de tuo, quod tibi ita videtur, jure aliquid remittas, quam ut contra aquam naviges, crabrones excites, & litibus, rixis, decertationibus, turbis, diffidiis, scandalisque campum aperiās. Enimvero etiam heic tenendum est, quod S. Paulus moderato dicam? an generoso pectore, de re adiaphora pronunciavit 1. ad Cor. II. 13. *Si esca offendiculo est fratri meo, non edam carnes in æternum, ne sim offendiculo fratri meo.* Atque ita sectanda ædificatio, ne pacis jactura fiat, prout idem requirit Apostolus, scribens: *Nempe igitur, quæ ad pacem faciunt, sectemur, & quæ ad mutuam ædificationem.* ad Rom. XIV. 19.

Inprimis ab eo, qui præsit ecclesiæ domesticæ, requiritur, ut ad eam regendam aptus sit atque idoneus, & in cognitione salutari eo usque profecerit, ut ejus alios possit reddere participes, & majorem in modum ædificare. Deinde (1) ut se ipse non ingerat, & invitis obtrudat, sed Deo dirigente, & charitate instigante, officium suum faciat, apud eos, qui eum læti ac lubentes admittunt. Porro ne verbo Dei per violentas interpretationes vim & injuriam inferat, neque etiam intricatis quæstionibus, maximeq; dubiis ac difficillimis Scripturæ locis operam impendat, sed precibus, ac meditationi ruminationique auditarum concionum, item lectioni faciliorem sacri codicis partium, atque



atque offensioni, quomodo illæ ad praxin sint transferendæ. Curandum quoque, ne cœtus fiat nimis amplius, & speciem sectæ publicæve Ecclesiæ præ se ferat, item ne (2) sacra publica ab iis, qui privatim conveniunt, negligantur, intermittantur, aut juxta cum Presbyterio in contemptum trahantur, & superstitio sub larva pietatis occulatur, aut Magistratui debita subtrahatur obedientia; denique, ne, hoc agentes, omnia alia, quæ ad ordinarios suos labores, & vocationem, qua quisque eorum vocatus est, spectant, stulte omittant, perfectionem nescio quam sibi somnient, sanam Ministerii commonefactionem, & meliorem instructionem vilipendant & derideant, atque in varios excessus compescendosque furores & insanias velut temulenti ruant, sed potius omnem mali speciem cane pejus & angue fugiant, & ad rationem instituti sui, loco conveniente, reddendam prompti sint ac parati, & Dei gloriam, proximique ac suam ipsorum ædificationem, non *avfidesav* i. e. morositatem, perversum sui amorem, contumaciam, temeritatem, procacitatem, superbiam & arrogantiam, pro scopo ac meta sua habeant.

(1) *Luth. T. V. Jen. Germ. p. 347.*

(2) *Idem in Epist. ad Laur. Castnerum. T. VI. Jen. Germ. 383. Et de hoc etiam habemus Apostolicum præceptum in epist. ad Ebr. X, 25.*

His aliisque similibus, de quibus prudentiores sagacioresque statuunt, terminis si circumscribantur congregationes privatæ seu Ecclesiæ domesticæ, haud difficile fuerit, ostendere, eas non plane nullum fundamentum habere in Scriptura S. atque a pia comprobari Antiquitate. Et Scriptura quidem tam dicta, quam exempla exhibet, quæ rem hanc conficiant. E dictis notabimus sequentia. Matthæi cap. XIX, 19. 20. dicit Christus: *Si duo ex vobis*  
*Uu* *consen-*



consenserint in terra, (ita, ut boni petant bona, bene, ad bonum) de omni re, quam petierint, fiet eis a Patre meo, qui in coelis est. Vbi enim sunt duo vel tres coacti (& porro consentientes) in nomine meo, (meique fiducia,) illic sum in medio eorum, (ita ut illis faveam, auxiliumque præstem.) Et Paulus scribit ad Rom. XV. 14. *Persvasum habeo & ipse ego de vobis, Fratres mei, quod ipsi per vos pleni sitis bonitate, impleti omni cognitione, & qui possitis etiam vos mutuo admonere.* Si quidem legimus ἀλλήλοις, non vero ἀλλήτοις. I. ad Thessal. IV. 18. *Consolamini alii alios (amici amicos) istis sermonibus (de resurrectione, ad quam omnis spes nostra tendit.)* Et c. V. 14. *Precamur autem vos, Fratres, admonete inordinatos, consolamini eos, qui (in adversis) pusillo animo sunt.* Ad Ephes. V. 18. 19. *Ne inebriamini vino. sed implemini Spiritu, loquentes inter vos mutuo psalmis, & hymnis & cantionibus spiritualibus, canentes ac psallentes in corde vestro Domino.* Quod in ep. ad Coloss. c. III. 16. sic effert: *Sermo Christi (\*) ἐνοικεῖτω in vobis (apud & inter vos, in domibus vestris) copiose, (per assiduam meditationem & exercitationem) cum omni sapientia, docendo & admonendo vos mutuo psalmis & hymnis & cantionibus spiritualibus, cum gratia, canendo in corde vestro Domino.* Quo pertinet benignissima illa Dei prædictio & promissio, quæ de tempore N. T. exstat apud Joël. II, 28. 29. *Erit postea, ut effundam spiritum meum super omnem carnem, & prophetabunt filii vestri, & filiae vestrae: Seniores vestri somnia somniabunt, juvenes vestri visiones videbunt. Quin etiam super servos & super ancillas diebus illis effundam spiritum meum.*

(\*) Secundum mentem quidem Glassii, qui in præfat. der Haus-Kirche ita scribit: *Inmassen solches (quod ecclesiæ in domibus fidelium constituendæ sint) auch die*



die herrliche Vermahnung S. Pauli auf sich hat/ Col. III. 16. **Lasset das Wort Christi unter euch reichlich wohnen/** (ἐνοικεῖτω ἐν ὑμῖν, es soll bey/ neben/ in und unter euch im Hause wohnen/ nehmlich durch fleißige Betracht- und Übung) **in aller Weisheit.** Quo ipso tamen præclarus ille Theologus non negavit vocabuli ἐνοικεῖτω emphasin, ad designandam internam verbi divini inhabitationem in cordibus hominum. In quem sensum etiam Philippus Melanchthon in peculiari schedula, d. 3. pentecostes A. 1551. propria manu exarata, nec dum edita, asservata autem hætenus a Joh. Andr. Gleichio, Ecclesiæ Electorali Saxonico, Apostolum explicat. Sic autem habent ejus verba, communicata mihi a doctissimo & amicissimo illo viro: *Habitet in nobis sermo Christi, i. e. sit familiariter notus, sæpe cogitetur, tanquam colloquaris coram cum Filio Dei. Certissimum autem est, in illo ipso pectore habitare Deum, ubi sermo Dei vera fide accipitur. Ibi Filius, qui est Verbum æternum Patris, vere evangelii dicit consolationem, in corde tuo, & monstrat tibi Patrem. Et Pater æternus, diligens te propter Filium, per eum effundit Spiritum S. in cor tuum, vivificat, docet, exaudit, gubernat, protegit, & facit te heredem vitæ æternæ, in qua Deus omnia in omnibus. Et communicabit tibi sapientiam, justitiam & letitiam in tota æternitate, cui sit laus & gratiarum actio. Amen.*

Sunt & nonnulla loca, in quibus expresse mentio fit Ecclesiarum domesticarum, ut Rom. XVI. 5. *Salutate τῷ καὶ οἱ οἱ αὐτῶν ἐκκλησίαις, ecclesiam, quæ in domo eorum est,*

U u 2

Pri-



Priscillæ nimirum & Aquilæ, quos Apostolus §. 3. ratione privatæ, qua fungebantur, informationis, & plantatæ ab ipsis domesticæ Ecclesiæ, (ut Bebel. observat Antiqq. Sec. I. art. 2.) συνεργὲς suos appellaverat. I. Cor. XVI, 19. *Salutant vos in Domino multum Aquila & Priscilla* συν τῇ καὶ οἴκῳ αὐτῶν ἐκκλησίᾳ, *cum ecclesia, quæ est domi ipsorum.* Ad Coloss. IV. 15. *Salutate Nympham*, (qui fidelis & pius quidam frater fuit) καὶ τῷ καὶ οἴκῳ αὐτῆς ἐκκλησίᾳ, *& ecclesiam, quæ in domo illius est.* Ad Philem. §. 2. *Paulus Philemoni* καὶ τῇ καὶ οἴκῳ σου ἐκκλησίᾳ, *& ecclesiæ, quæ domi tuæ est.* Neque per Ecclesias hasce Interpretes tantum illas intelligunt, quæ ex domesticis sunt collectæ, verum etiam eas, ad quas aliis quoque accessus patuit, & ubi congregati, prælectionum sacrarum & disputationum exercitio vacarunt. Vid. Raupp. in loca epist. ad Col. & Philem. modo allegata. Nempe quemadmodum Judæi habebant suas בתי מדרשו seu *Scholas theologicæ*, quæ erant quasi domus Rabbinarum, in iis docentium. & ab ipsis adhibendæ ad usum quemlibet; ita domum Aquilæ in Ephesina & Romana urbe, Philemonisque apud Colossenses tali usui inservisse, prælectionibus videlicet aliquando sacris, & disputationibus vel cum Judæis, vel inter Christianos, existimat antiquitatum & Judaicarum & ecclesiasticarum callentissimus Lightfoot in I. ad Cor. XVI, 19. p. 259. & in Act. I, 13. p. 12. editionis Carpzovianæ. *Non quod* (ut idem statim subjungit) *negligeretur publica conventio in ecclesia, sed quod numerus aliquis ex Ecclesia, forsantotus cætus Ministrorum Doctorumque huc conveniret, reliqui que, qui ad mysteria evangelica magis anhelarent: ubi tractabantur articuli atque apices fidei obscuriores, & disputatum est, si res efflagigaret, vel inter se, vel contra Judæos.*

Dome-



Domesticarum ecclesiarum instar fuisse videntur apud Judæos τὰ ὑπερώα, seu superiores ædium partes, Hebraice מִן הַמִּזְבֵּחַ dictæ, in quas ascendebant, cum de lege & rebus religionis, extra Synagogam, esset tractandum. Et hæc ὑπερώα distincta videntur fuisse a triclinio seu cœnaculo, ubi pransum est & cœnatum. Talis sacelli mentionem facit Lucas Act. I, 13. quando discipulos post ascensionem Christi, a monte oliveri Hierosolymam reversos, (1) εἰς τὸ ὑπερώον ascendisse dicit. Hujusmodi loca (ut laudatus scribit Calixtus in Tract. de Hæresi p. 209.) erant in Judæorum ædibus, nullis profanis usibus patentia, vel oratoriorum domesticorum vicem suppleantia, in quibus convenientes, domesticam representabant Ecclesiam. Conveniebant istuc loci ad præstandum Deo cultum, ad orandum, ad deponendum, usq; ad sepulturam, mortuos, sicut de Dorcade Act. IX, 37. legimus, (2) ad celebrandum pascha, Marc. XIV, 15. De cœnaculis seu oratoriis illis Judæorum Job. Pearsonius, Cestrinensis in Anglia Episcopus, Lectione I. in Acta, num. VII. Erant, inquit, privata illa ὑπερώα, loca a Judæis semper sacris usibus destinata, saltem ex quo Daniel propheta ascendisse in cœnaculum ad orandum dicitur: καὶ αἱ θυρίδες ἀνεωγμέναι αὐτῷ ἐν τοῖς ὑπερώοις, κατ' ἐναντίον ἱερουσαλὴμ. ut & Sara, filia Raguelis, dicitur descendisse ἐκ τῆς ὑπερώου, ubi oraverat. Unde Judæi, Sapientes suos appellabant (3) filios cœnaculi. Hæc Pearsonius.

- (1) εἰς τὸ ὑπερώον, id est, in superiorem domus partem, ut explicant Varro & Vitruvius lib. 2. Erat enim ea pars a frequentia & conspectu hominum remotior. Itaque apud Homer. mulieres ἐν ὑπερώῳ collo-



cantur, sic vocato, ut ait Eustachius, a præpositione *ὑπερ*, & *ῶν*, quod Spartana lingua declarat *οἶκη-μα*, id est, domicilium sive habitationem. Beza in Act. I, 13.

- (2) Si *ἀνώγειον*, in quo Servator celebravit pascha, Marc. XIV, 15. & Luc. XXII. 12. est germanum *ὑπερώω*, aliud videtur fuisse a communi triclinio. Lightf. in Act. I, 13. Cum quo facit Hoornb. Theol. Pract. part. 2. p. 393.
- (3) *בני עיר* filii *עיר* *ὑπερώω*, id est, filii Beth Midras: si ego vocem *עיר* hic recte capio, de qua re non contendam: scribit Lightf. in Act. I, 13.

Exempla Ecclesiarum, de quibus agimus, quod jattinet, ecce non cogitantibus aliqua jam oblata sunt, videlicet in *Aquila*, *Nympha*, & (4) *Philemonis* domo. Hisce adde *Apostolos*, qui die Pentecostes, cum replerentur Spiritu sancto, congregati erant eodem loci, Act. II, 1. id est, in *ὑπερώω* illo, in quod ascenderant post assumptionem Domini in cœlum. Adde alios fideles, de quibus passim legitur, in libro Actorum Apostolicorum. Sic ibidem, ubi collectos fuisse Apostolos modo audivimus, convenit *multitudo*, & de dono linguarum, Apostolis collato, *συνήχθη* instituta, atque audito Petri sermone, magno numero christianam religionem amplexi sunt, & conjuncti manserunt, *ἦν τὸ αὐτὸ*, in eodem loco. Act. II, 6. 7. 12. 44. Dimissi Petrus & Johannes a Synedrio, quod non invenerat causam idoneam, propter quam eos puniret, venerunt ad *suos*, i. e. fideles, in peculiari alicujus domus parte congregatos, & annuntiaverunt, quæ primarii Sacerdotes & Seniores ipsis dixerant, nimirum, ne amplius loquerentur aut docerent, in nomine Jesu. Hi autem, quum hæc audivissent, *sustulerunt*



lerunt vocem ad Deum, eumque gratiarum actione & precibus venerati sunt. c. IV, 23. 42. 31. In domo *Mariae*, matris Johannis, qui cognominabatur Marcus, multi erant congregati, & orantes. c. XII, 12. *Aquila* & *Priscilla* Judæum quendam, Apollo nomine, Alexandrinum genere, qui baptismum Johannis & prima christianismi elementa tenens, coeperat liberius, quam ante, loqui in Synagoga, assumerunt, & penitus ei exposuerunt viam Dei de Christi persona & operibus, deque salute incircumcisorum. c. XVIII, 26. & *Paulus* non tantum *δημοσίᾳ*, publice, in conventibus seu congregationibus ecclesiasticis, sed & *κατ' οἴκους*, domatim & privatim, obiens ac visitans, sicut oportebat, docuit. c. XX, 20.

(\*) *Domum Philemonis integram mansisse usq. ad sua tempora, scribit Theodoretus in præfat. in epist. ad Philem. usibus publicis Ecclesiæ destinata, templum e domo.*

Sed transeundum nobis est a S. Codice ad Antiquitatem ecclesiasticam, & aures pandendæ ad audiendum dicta Patrum, oculique aperiendi ad spectandum exempla. Tertullianus in lib. de Exhort. castit. (quem, quamvis a Montanista scriptum, ad rem præsentem tamen, eamque historicam, haud male producere possumus) c. VII. p. 522. edit. Prior. ait: *Nonne & laici sacerdotes sumus? Scriptum est: Regnum quoque nos, & sacerdotes Deo & Patri suo fecit. Differentiam inter ordinem & plebem constituit Ecclesiæ auctoritas, & honor per ordinis confessum sanctificatus a Deo. Vbi ecclesiastici ordinis non est confessus, & offers & tinguis, & sacerdos es tibi solus. Sed ubi tres, Ecclesia est, licet laici.* Chrysostomus homil. VII. in Genesin: *Volo & precor omnes vos in Doctorum ordine esse: non solum auditores nostrorum esse dictorum, sed & aliis doctrinam nostram afferre, piscarique errantes, ut in viam redeant veritatis: sicut &* Pau-



*Paulus inquit: Vnus alterum ædificet. --- Ne tam negligentes simus in nostra ipsorum salute: quin potius sermo noster sit de spiritualibus rebus, & librum divinum accipiat aliquis in manus, & convocatis proximis, per divina eloquia riget & suam & convenientium mentem. Theophylactus in I. ad Theff. V. sic commentatur: Ne dicas: non sum doctor, non sum præceptor, alios docere & ædificare non teneor: falleris. Doctores non sufficiunt ad singulorum & omnium admonitionem, sed vult Deus quemque alium instruere & ædificare, saltem exemplo suo & bona vita.*

Nec ab hisce abludunt recentiorum sententiæ Doctorum. Sic enim Lutherus scribit T. VII. Altenb. p. 374. *Quamvis non omnes simus in publico officio, tamen qui vis Christianus potest ac debet proximum suum docere, informare, admonere, consolari, corripere verbo Dei, quando & ubi opus est, ut pater & mater liberos & familiam suam, frater, vicinus, civis vel agricola alterum. In Postillorum parte hyemali p. 268. Hæc (nempe ad Col. III, 16.) Paulus officium docendi omnibus concedit Christianis, docete, ajens, & admonete vos mutuo, id est, invicem, alter alterum, porro quisque se ipse, extra publicam docendi spartam: ut adeo verbum Dei publice & privatim, in communi & peculiari conventu, ubi vis exerceri debeat. Et in tertia parte Artic. Smalcald. c. 4. de Evang. p. 329 profitetur, Evangelium non uno modo consulere & auxiliari nobis contra peccatum: Deum enim superabundanter divitem & liberalem esse gratia & bonitate sua, nempe per verbum vocale, per baptismum, per sacramentum altaris, per potestatem clavium, atque etiam per mutuum colloquium, & consolationem fratrum. Matth. 18. Ubi duo aut tres fuerint congregati &c. Joh. Tarnovii ad Joel. p. 84. hæc est commentatio: Prophetabunt, non tam quidem futura prædicendo, quam alia arcana Dei mysteria plene intelli-*



telligendo ac plane privatim aliis explicando, Rom. XII, 7. 1. Cor. XIV. 3. Glassius in Medit. in Epist. Dominic. p. 461. Hoc verbum Christi, ait, exterius lectum & auditum diligenter, interius Spiritus Dei in cordibus credentium, tanquam ex cathedra sacra, docet, inculcat, suggerit, & per id consolatur, erigit, vivificat, confortat, recte ducit, tandemq; æternum salvat. Hoc vero ut fiat, exercitio jugi opus est, in meditatione verbi, mutuaque de illo colloctione, & ex eo informatione, consolatione, commonefactione. Psal. I. 2. 1. Thess. IV, 18. V, 11. Hebr. X, 24. Et Henr. Müller in Cœlesti Osc. charit. p. 163. Filii Dei delectantur verbo Dei, deque eo diu noctuque loquuntur. Immo non tantum pro se delectantur eo, sed & alios eodem delectant. Verbo Dei docent simplices, solantur pusillanimos, confortant defessos, arguunt contumaces, & lapsos erigunt. Quin ii, qui vere pii sunt, sese conjungunt, seq; mutuo excitant ad pietatem ejusmodi sancto colloquio. Oportet unum alteri inservire pio colloquio. ut ignis accendatur. David optat Ps. CXIX, 79. Convertantur ad me (i. e. adjungant se mihi) timentes tui, & cognoscentes testimonia tua. Pii, in quorum cordibus verus est timor Dei, facile consentiunt, quia uno conjuncti sunt spiritu, ab uno spiritu illuminantur & aguntur: Hic unus alterius consors est, & unus alterius amorem & amicitiam sibi exoptat: quemadmodum in natura par pari per mirabilem occultamq; harmoniam, ita cœlestes piæq; animæ conglutinantur; & laudabile est, si pii sæpe conveniunt, sermones de Christi regno inter se serunt, prout affectus cordis eos illuc excitat trahitque.

Exempli loco adduxerit fortean aliquis Mariam illam, cujus mentionem facit S. Ignatius, aut quisquis alius, antiquus certe scriptor, in epistola ad Heronem Diaconum, hunc in modum scribens: Saluta quoque pudicissimam Mariam filiam meam πολυμαθὲς τὴν ἐπιστολήν eruditissimam, & quæ in



domo illius est, ecclesiam. Quamvis enim per ecclesiam h. l. coetus domesticus Mariæ illius intelligendus videatur, haud tamen absurdum fuerit, etiam de ejusmodi conventu interpretari, ad quem præter domesticos aliis quoque aditus conceditur: maxime, cum pristinis ecclesiæ christianæ temporibus tales conciones in frequente usu fuerint: Nam finitis sacris publicis, veteres Christiani colloquia ad mutuam ædificationem instituebant, imitantes ut in aliis, (\*) ita etiam hac in re Judæos, qui e templo in synagogam se conferre, & a publicis ad privatos conventus abire solebant; unde illud, quod legitur in Psalmo LXXXIV, 8. *Beati qui pergunt* מְחִירֵי אֶל-חֵירֵי, Targum reddidit, מן בית מדרש לבית מדרש, *ex domo sanctorum in domum scholæ.* Hoc autem certius, adolescente quarto post Christi nativitatem seculo, conventus hujusmodi domesticos celebrare licuisse, nec fuisse prohibitos: nam in Concilii Gangrensis can. VI. (qui ita habet: *Εἰ τις ἐξ ἐκκλησίας καὶ ἰδίας ἐκκλησιάς, καὶ καταφρονῶν τῆς ἐκκλησίας, τὰ τῆς ἐκκλησίας ἐθέλῃ πράττειν, μὴ σωόντων τῶν πρεσβυτέρων καὶ γνώμῃ τῶν ὁπίκων, ἀνάθεμα ἔστω.* Si quis præter ecclesiam vult ecclesiam habere, & contemnens ecclesiam, vult ea, quæ sunt ecclesiæ agere, non conveniente Presbytero de Episcopi sententia, sit anathema) damnantur privati conventus religionis causa instituti, non omnes, sed illi, qui fiunt cum contemptu Ecclesiæ, h. e. ita, ut conventus ecclesiastici deferantur, contemtibilesque habeantur, & absque præscitu ac consensu vel permissione Episcopi, sicut Balsamon, Zonaras, & Aristenus commentantur non modo ad prædictum canonem, sed etiam ad can. 31. eorum, qui dicuntur Apostolici, & Synodi Carthagin. sub Honorio & Theodosio juniore habitæ canonem X. Ut adeo non usus ecclesiarum domesticarum, sed abusus ac vitia, quæ iis per malitiam hominum



minum inflatorum & pertinacium adhærebant, illis temporibus; nec male, sed jure meritoque, & ad mentem divini auctoris epistolæ ad Hebr. c. X. 25. reprehensa fuerint, atque interim usus pulcrum nobis exemplum præbere & suppeditare queat. Nec male etiam huc retuleris ecclesiam domesticam CONSTANTINI Imp. de qua dictum est supra in thesi VII. quandoquidem juxta cum aulicis alios quoque intrare potuisse, vero simillimum videtur.

(\*) *Hinc observat Broughtonus ad Danielelem, nullos a Christo institutos fuisse ritus novos. Vide Gessel. Hist. Eccl. Part. I. 247.*

Et ecce duo alia exempla, in *monasteriis* videlicet, & *collegiis Canonorum*: quandoquidem illa, ut Claudius E-spensæus scribit in Comment. ad 1. Epist. ad Timoth. olim erant *collegia* ἡ ἀσκητήρια, b. e. *exercitationes*, in quibus orationi lectio, lectioni succedebat oratio: hæc autem (ut loquitur Christoph. a Haugwitz in Dialogo de Canonicis) *instituta sunt*, non solum, ut essent *consistoria ecclesiastica*, ἡ *Ministerii ecclesiastici seminaria*, sed etiam pietatis ἡ cultus divini *gymnasia* atque ἀσκητήρια. Cum enim ab illis, qui vel Episcopo in Ecclesiæ gubernatione præsto esse debent, vel ad ecclesiastica ministeria formantur, peculiari quadam ratione singulare pietatis studium requiratur, ideo collegiorum istorum fundatores pio consilio ordinârunt certos vivendi, legendi, docendi, discendi, psallendi canones, ac certas quasdam regulas illis præscripserunt, [ex quo Canonorum nomen ipsis inditum esse, plerique omnes arbitrantur] ut scilicet singulis diebus non solum lectiones Biblicæ in Canonorum congressibus instituerentur, sed etiam odæ Davidicæ ac psalmodiæ sub initium ac finem illarum lectionum, ad laudem Dei prædicandam, devotionem spiritus excitandam, cultum divinum exercendum,



dum, & pietatis amorem hominum animis instillandum, decantarentur. Vide plura hac de re in Append. Consilior. Theolog. Dedekenni p. 765. & 766.

Nec deest sive exemplum, sive analogum Ecclesiarum domesticarum, si historiam ætatis patrum nostrorum inspiciamus. Fuerunt enim, qui *collegium*, ut vocabant, *philadelphicum*, ad excitandum magis magisque & propagandum pietatem & charitatem, instituere voluerunt, & Theologos Jenenses, quid ipsis de eo videretur, consuluerunt. Qui quidem Anno 1630. d. 5. Augusti rescripserunt, sese illud, sub certis, quas partim communicabant, partim acceptas approbabant, conditionibus & regulis, agnoscere pro instituto pio ac laudabili: tantum abest, ut improbarent, rejecerint, aut condemnarent. Et hoc celeberrimorum Theologorum judicium legere licet in Append. ad Dedekenni Consil. Theolog. p. 755. Cui p. 771. subjunguntur Conditiones inter fratres, pro futuris Collegii illius legibus paciscendæ.

Varia tamen sunt, quæ contra domesticas hujus generis ecclesias objici solent. Ecquænam illa? I. Ajunt, quod *præjudicent publicis & communibus exercitiis, ac conventibus ecclesiasticis, eorumque neglectum & contemptum inducant.* Respondetur: Non per se, sed per accidens, eo videlicet modo, quo *cognitio inflat*, 2. ad Cor. II, 16. & *lex* (divina) *iram operatur*, Rom. IV, 8. Deinde simili argumento posset aliquis dissuadere & improbare conventum mariti & uxoris ad socia & privata pietatis exercitia, e. g. jejunia & preces, de quibus legitur 1. ad Cor. VII, 5. Et experientia docet, nullos diligentius sacris publicis interesse, quam qui domesticorum exercitiorum & privatarum collectionum communicationumque zelotæ sunt. II. *Sunt conventicula*: ergo prohibita & illicita. Quod facile



cile probari potest ex l. 2. C. de Summa Trin. & l. 5. de Hæret. & Manich. Resp. De hæreticis, eorumque illicitis congregationibus sermo est, non vero de privatis conventibus eorum, qui fidei christianæ addicti, pietatis exercendæ causâ, impetrato prius Superiorum, aut Ministerii ecclesiastici consensu, in timore Dei interdum congregantur. III. Tales congressus *redolent schismata, factiones, enthufiasmus, quackerismos*. Resp. Verum hoc esset, si forent separationes a communione vel civica, vel ecclesiastica. At enim vero utraq; hæc per illos salva manet, ac integra.

IV. Qui ita conveniunt, *possunt in errores & hæreses incidere*. Resp. A posse ad esse non valet consequentia. Nec res bona rejicienda est eo, quod potest degenerare in malam, malumve eam consequi. Sane vinum in acetum, uxor honesta in adulteram mutari potest: nec tamen propterea vel vinum prohibendum, vel uxor improbanda. V. Homines, præsertim idiotæ & seculares, *ejusmodi exercitiis sibi nimis sapientes videntur, instantur, & evadunt nasutuli, μαρτύροι, superbi*. Resp. Hoc fit per abusum, & per accidens. VI. Saltem aliqui videntur *sue curiositati litare, aut famam singularis & exsuperantis pietatis*, devotionis, studiique sacrorum aucupari. Resp. Spiritualis ille affectus, illudque rerum cœlestium studium, quod inest, certe inesse debet ascetis, non est perversa damnabilisque curiositas, quæ consistit in studio rerum inutilium aut etiam illicitarum, ita ut ea, quæ utilia sunt & sectanda, turpiter negligantur, & longo post se intervallo relinquantur. Atq; ita breviter, nî fallor, responderi queat objectionibus. De quibus qui plura desiderat, adeat Gisb. Voetii Part. V. Disputationum selectar. p. 396. ac videbit, hanc quæstionem: *An aliqui pii religionis ac salutaris cognitionis zelotæ*



Ἐκκλησιαστικῶν ἢ ἱεροψυχῶν, sive Ministri sive Ministerii candidati, sive privati fideles, sive mixti aliqui ex omnibus, data aut captata occasione, privatim convenire possint ad socia exercitia collationum, & communicationum, ad μετὰ δόξαν charismatis alicujus spiritualis, εἰς τὸ ἐνεργεῖν, ut dicitur Rom. I. 11. 12. idq; sine præjudicio salutaris cognitionis, & exercitiorum in Ecclesia aut familia, aut solitariorum, lectionis scilicet, meditationis, precationis, psalmodiæ? ab ipso tractari, pluribus argumentis adstrui, & contra adversariorum tela vindicari ac defendi. Et hæc Voetii disputatio postea in Germanicum idioma translata, Anno 1678. prodiit Hanoviæ, in forma minore, quam duodecimam appellant, sub titulo: Von einzeler Versammlung der Christen.

Nemo autem ea, quæ hætenus de Ecclesiis domesticis posterioris generis scripsi, in pejorem partem rapiat, & sinistre interpretetur, quasi videlicet classicum ad temere instituendas canere voluerim, aut defensionem, suscipere abusuum & excessuum, qui forte heic vel illic irrepsert: ipse enim nec institui ullam, nec aliis, ut instituant, suasi, multo autem minus ἀναξίαν delectari soleo; quin ex animo opto desideroque, ut omnia ordine & decenter fiant, atque ut pacis & concordia causa omittantur potius, quam urgeantur, mordicusque propagentur, & defendantur, quæ, etiamsi in se non sint mala & inhonesta, alios tamen offendere solent, ac materiem præbere litium, pugnarum & contentionum. Neque heri aut nudius tertius natæ mihi sunt hæ cogitationes, sed inde jam a multo tempore, & ante, quam hac de re cœptum est disputari, ex quotidiana lectione ac meditatione collectæ, nunc autem demum academico in otio conscriptæ, & si ita loqui fas est, concinnatæ, non eum in finem, ut certæ disputantium parti velim accedere, aliosque provocare



vocare, aut ferram contentionis cum quoquam recipere, sed ut eas coram facie Ecclesiæ producam; sicut ipsius iudicio easdem, ceu par est, venerabundus expono atque submitto.

Quicumque igitur domesticas hujuscemodi ecclesias tenuerunt aut frequentârunt, vel tenere aut frequentare volunt, institutum suum ad normam superius recensitarum conditionum cautelarumve examinent quam diligentissimè. Videant, an consensum habeant Consistorii aut Ministerii Ecclesiæ sive tacitum sive expressum, & an institutum suum conveniat cum verbo Dei, honestate, salutaribus S. Rom. Imperii statutis, legibusque provincialibus. Caveant, ne opinionem de eo foveant absolutæ necessitatis, cultus, meriti, ac supererogationis, quum tales exercitationes revera sint externa duntaxat adminicula ad cultum divinum, studium pietatis, & salutem animarum promovendam directâ, atque *ὀρμότης*, segnitiei veteris hominis excutientia, impedimentumque pietatis quodammodo removementia; ne fastidiant, contemnant, negligant, ac plane deserant cœtus publicos, & cum stultis Eustathianis *συγκλείωσι τὴν εὐσέβειαν ἐν τοῖς οἴκοις*, *domibus includant pietatem*; ne sibi persuadeant, se ita in maiore apud Deum pretio esse, citiusque ad salutem perventuros, nedum, ut fiduciam suam ponant in istis exercitiis; ne schisma faciant, aliosque, qui suæ societatis non sunt membra, nihili pendant, despiciant, contemnant & rejiciant; ne per opera charitatis, ad quæ vi sodalitiis sui obligantur, recedant a charitate, quam omnibus hominibus, maxime autem fidei & religionis sociis præstare tenentur; ne se subducant pristino statui & vocationi, aut potestati & jurisdictioni ordinarii Magistratus & Presbyterii; ne introducant



cant erroneas aut falsas doctrinas, aut ullum sibi interd-  
ictum vel suspectum conventiculum agant, ullamve con-  
spirationem aut conjurationem moliantur. Hoc autem  
cogitent, hoc curent, hoc agant, ut viam & institutum  
suum dirigant ad exercitium pietatis & charitatis, in specie  
ad incrementum *θεογνωσίας*, ad excitandam in fide constan-  
tiam, ad quotidianam & seriam precationem, ad psalmo-  
diam & eucharistiam pro tot tantisque Dei beneficiis, ad  
sedulam vocationis curam, ad honestam familiæ educa-  
tionem, aliorumque ædificationem, ad quotidianam mor-  
tis meditationem, ad fugam *πολυπραγμοσύνης*, ebrietatis, im-  
pudicitiae, aliorumque hujus farinae vitiorum, atque ut in  
omnibus, adeoque etiam hoc in negotio, celebretur &  
glorificetur verus & summus DEVS, cui fit laus  
& honor in secula seculorum,  
Amen.

PRO-





PROGRAMMA INVITATORIUM  
ad lectiones solennes

JOH. FABRICII

S. Theol. Candidati  
In Jenensi auditorio habendas.

FRIDEM. BECHMANNVS

S. THEOLOGIAE DOCTOR, EIVSQUE  
PROF. PUBL. h. t. DECANVS  
L. S. P. D.

**E**tsi Deus opt. max. quæ infinita ejus  
misericordia est, mortalium generi o-  
racula sua credidit, ut regula essent  
veritatis, & in apertum positum de Deo  
testimonium, ut loquitur Irenæus, lib. 2. advers.  
haereses, cap. 47. Et ut deliciarum cœlestium copia  
spiritualis in illis exuberaret, ac haberet perfectus,  
Ry quod



quod comederet, parvulus, quod sugeret, quæ fere  
 verba sunt Fulgentii, Ruspensis Episcopi, *sermon.*  
*de Confess.* tamen eo, fraude diaboli, res perducta  
 est, ut, quæ animæ nutrimenta, quæ ejus contra  
 peccatorum morsus medicamina, contra satanæ  
 tentationes solamina esse debebant, non raro tan-  
 quam venena rejecta, & procul esse jussa sint. Fi-  
 dem hisce faciunt tristitia in veteri Ecclesia hæreti-  
 corum exempla. Quis enim ignorat impios Ce-  
 rinthianorum conatus, quando evangelium Mat-  
 thæi non solum mutilârunt, ac reliqua Evangeli-  
 starum scripta *θεσπιδουσα* ausu temerario damnâ-  
 runt, sed & electum illud Jesu Christi organon,  
 Paulum, una cum epistolis, tanquam apostatam  
 execrati sunt? teste Epiphanio *hæres. LVIII.* Quem  
 latent portentosa somnia Cerdonianorum, qui le-  
 gem pariter ac Prophetas; Marcionitarum, qui  
 universum vetus testamentum; Severianorum, qui  
 non solum vetus testamentum, teste August. *hæres.*  
*XXIV.* sed & ex novo Paulinas epistolas cum A-  
 ctis apostolicis, teste Theodor. *l. I. de Fabul. hæret.*  
 repudiârunt, ex reliquis vero libris ea tantum am-  
 plexi sunt, quæ pro libidine sua depravare potue-  
 runt? si Epiphanio *hæres. XLV.* fides habenda est.  
 Quis



Quis non horreat deliria Manichæorum, qui Prophetas; Elcesæorum, qui Prophetas cum Apostolis; Nepotianorum, qui Prophetas, Evangelia & Apostolicas epistolas damnârunt? Quis non impietatem Patritianorum abominetur, qui antiqui fœderis libros partim rejecerunt, partim pro arbitrio mutilârunt? Cui nauseam non moveat Priscillianistarum de Prophetis iudicium, quod homines fuerint fanatici, atque voluntatis divinæ ignari? Alia hæreticorum monstra digna non sunt, quorum ulla h. l. mentio fiat. Etsi autem alii mitiores erga libros sacros fuerunt, aliquos tamen e canone SS. Scripturæ exclusos, eorumque autoritati multum detractum voluerunt, quos aliæ Ecclesiæ canonicos esse, constanter asseruerunt. Fortunam hanc expertæ sunt epistolæ ad Ebræos, Jacobi, posterior Petri, secunda & tertia Johannis, Judæ, atq; Apocalypsis. De epistola ad Ebr. scribit Hieronymus in cap. VI. & VIII. *Elaia, quod Latina consuetudo eam inter canonicas Scripturas non recipiat.* Quo tamen non obstante, Ecclesiæ Græcæ hanc epistolam Scripturis divinitus inspiratis annumerârunt. In quarum partes Latinæ etiam Ecclesiæ tandem transierunt. Epistolam Jacobi a nonnullis

Yy 2

pro



pro spuria atque supposititia habitam esse, testis est Eusebius *lib. 2. Histor. Eccles. c. 23.* sed idem sub-  
 jicit, eam in plurimis Ecclesiis lectitari. Idem de  
 posteriori epistola Petri, secunda & tertia Johan-  
 nis, nec non de Apocalypsi testantur Eusebius, *l. 3. Histor. eccles. cap. 3. 25.* Sixt. Senensis *Bibliothec. Sanct. l. 1. p. 32.* Epistola Judæ, non insectatoris illius, sed sectatoris Domini Jesu Christi, ut loqui-  
 tur Augustinus, *tract. 76. in Johan.* qui & Thad-  
 dæus, nec non Lebbaeus dictus est, idem fatum sen-  
 sit, dum multi in dubium vocârunt, an inter Scri-  
 pturas sacras recipienda esset, teste Eusebio, *lib. 2. Histor. Eccles. cap. 22.* Hieronymo in *Catal. de Juda Apost.* & Sixo Senensi *loc. cit.* Causam dubitationis hanc adfert Hieronymus, *quod de libro Enoch, qui apocryphus est, in ea assumatur testimonium.* Addunt alii, quod ex obscuro volumine, quod *Adscensio Moïsis* inscribitur, historiam Michaëlis, disceptantis cum diabolo de corpore Moïsis, adducat. Verum ista non impediunt, quo minus hæc quoque epi-  
 stola inter genuinas & canonicas Scripturas recen-  
 seatur. Hinc Eusebius scribit, ita contradictum fuisse huic & aliis epistolis, ut multis tamen notæ fuerint. Et Hieronymi iudicium est, *autoritatem*  
*jam*



*jam vetustate & usu meruisse hanc epistolam, & inter sanctas Scripturas computari. Quare eandem sub nomine Judæ apostoli allegat comment. in Jerem. cap. 29. & in Ezech. c. 32. Agnoscunt ejusdem canonicam auctoritatem alii scriptores Græci pariter, ac Latini antiquissimi, Tertull. lib. de Habit. muliebr. c. 3. Origenes Homil. 7. in Jos. Athanasius, Augustinus, Gregorius Nazianz. Cyrillus Hierosolymit. Epiphanius, qui heres. XXVI. ita scribit: De quibus (Gnosticorum impuritibus) adeo mihi commotus videtur in Apostolo Juda Spiritus S. hoc est, in catholica ejus epistola, &c. Quare non sine causa hanc epistolam explicandam in lectionibus, quas cursorias vocant, sibi elegit supremorum in Theologia honorum Candidatus dignissimus,*

**JOHANNES FABRICIVS,**  
in Acad. Altorfiana Prof. Publ. celeberrimus.

De cujus vitæ ac studiorum cursu, more recepto, quædam hic enarranda sunt. Natus is est Altorfii Noricorum Anno 1644. d. II. Febr. patre maxime reverendo & excellentissimo JOHANNES FABRICIO, SS. Theol. in Academia Altorfiana Prof. Publico celeberrimo, & Ecclesiæ, quæ ibidem est, Ministro,

Yv 3

postea



postea per 26. annos Pastore ad D. Mariæ in illustri Noriberga; matre SUSANNA, MATTHIÆ SCHÜRERI, numerosioris in prædicta urbe Senatus, filia natu minima: baptizatus autem postero die, patrini officium faciente Joh. Kobio, Philos. & J. V. Doctore, ac Institut. Imperial. in memorata Altorfiana Prof. P. Ac de Fabriciorum hac familia memoratu dignum, quod per sesquiseculum, & amplius, continua serie, insignes Ecclesiæ Norimbergensi dederit ac protulerit Doctores: *Avus* enim Candidati nostri, JOHANNES, fuit 38. annis Antistes primarius Ecclesiæ ad D. Sebaldi: *Proavus*, JOH. BAPTISTA, Pastor Fürthensis: *Abavus*, JOHANNES, Pastor Laurentianus, & successor Andr. Osiandri. Adeo divina benignitas ratum habuit sive vaticinium, sive votum pientissimi Melanchthonis, quod in ejus ad Antistitem illum Laurentianum epistola prid. Cal. Maji A. 1555. scripta, & in II. Tomo Disputationum B. Dilherri p. 165. excusa, legitur: *Familia tua Deus benefaciet.* Præmissis pietatis & literarum tyrociniis, in Gymnasio Ægidiano præceptores habuit FRISCHIUM, SENSHEIMERUM, WIDMANNUM, & HELDIUM, Gymnasii Rectorem. Ex Gymnasio in Auditorium publicum promotus, lectio-



lectiones audivit DILHERI, WÜLFERI, BEERI, & ARNOLDI, virorum de Ecclesia pariter ac re literaria bene meritorum; privata informatione usus eorundem WÜLFERI & ARNOLDI, nec non BORMEISTERI, & UNGLENCKII. Anno 1663. mense Majo studiorum causa abiit Helmestadium, & ibi doctores habuit celeberrimos, SAUBERTUM, FRÖLINGIUM, RACHELIUM, VOGLERUM, CONRINGIUM, CALIXTUM, TITIUM, & CELLARIUM, a quo & in convictum fuit receptus. An. 1665. universitati illi valedicturus, disputationem Theologico-Philologicam de tribus diversis S. Scripturæ dictis, sub titulo *Triga philologematum sacrorum*, elaboravit, & sub præsidio Sauberti (qui eam quoque in Palæstram suam Theologico-philologicam retulit) habuit feliciter. Helmestadio relicto, contulit se Magdeburgum, inde Wittebergam, Lipsiam, Jenam, (in quibus locis insigniorum Doctorem notitiam & affectum sibi comparavit) & tandem Altorffium, ubi DÜRRII, S. Theol. Professoris, contubernio, & informatione tam privata, quam publica, frui ipsi licuit. Ibidem etiam studiorum directores habuit MOLITOREM, FELVVINGERUM, REINHARTUM, WAGENSEILIUM, WEINMANNUM, viros maxime famigerabiles,



rabiles: &, antequā inde discederet, disputationem philosophicam *de Auctoritate*, itidem proprio conscriptam Marte, sub præsidio laudati hospitis sui, pro viribus defendit. Quemadmodum autem post paucas ab adventu in illam universitatem hebdomadas, ipsi contigit iter facere in Austriam, & Hungariam inferiorem, ita, absoluto academico curriculum, optimis nobilissimisque stipatus comitibus, anno 1670. iter per Bavariam, Sueviam, Alsatiam, Palatinatum inferiorem, & Rheni tractum, in Belgium instituit, & inde per Ostfrisiam, Comitatum Oldenburgensem, Ducatum Bremensem, Hamburgum, Lubecam, Rostochium, inferiorem ac superiorem Saxoniam, & Franconiam, in Sueviam rediit, atque ita Europæ hortum Italiam intravit, ibique visis Neapolin & Genuam usque celebrioribus urbibus & antiquitatibus, ac Romæ cum aliis, tum anni jubilæi, atque hebdomadis sanctæ solennitatibus, in amœnissimo territorio aliquot transegit annos, elegantioribus literis, & linguis exoticis, Italicæ videlicet, Gallicæ, & Anglicanæ, operam impendens, doctissimorumque indigenarum, maxime vero OCTAVII FERRARII, & ANTONII MAGLIABECHII, quorum ille post mortem immortalitatem nominis



nis sui reliquit, hic autem etiam nunc floret Florentiæ, Principum atq; eruditorū amore & favore fruens. Neque inde abstrahi potuisset, nisi inopinata ad theologicā in alma Altorfiana professionē vocatio, A. 1677. ab Illustri Senatu Norimbergensi profecta, intervenisset. Et quum semper maximo celebrem videndi Galliam desiderio flagrasset, anno 1682. mense Novembri, voti sui damnatus, obtinuit a Superioribus licentiam, illuc eundi. Maximam autem temporis partem ibi impendit excutiendis bibliothecis cum publicis, tum privatis, perscrutandis bibliopoliis, frequentandis disputationibus Sorbonicis, adeundis eruditorum conventibus privatis, quos Gallico idiomate vocant *les Conferences*, ac visendis multis doctissimis viris, quibus Lutetia Parisiorum abundabat. Cæterum in munere professionis publicæ hoc egit, ut explicaret *Locos Phil. Melanchthonis, Epitomen Examinis ejusdem*, adornatam a Joh. Sauberto, Antistite Noribergensi, *IV. priora scripta Librorum Ecclesia Noribergensis Normalium, IV. Evangelistas, Controversias Theologicas, & Acta Apostolorum*. Privatim autem, DEO incrementum dante, aperuit multa collegia, eaque varii generis, nimirum *didacti-*

Zz

ca,



ca, polemica, didactico - polemica, disputatoria, & homiletica. Vt linguam taceamus Italicam, quam rogatu nobiliorum ingeniorum, sæpe, nec infelicitè docuit. Sceptra Academica bis gessit, & Decanatu jam quinto fungitur. Typis denique excudi curavit Parentis sui *Prælectiones Theologicas*, seu *Systēma Theologiæ*, atque ejusdem *Conciones in Jobum*, & *Alphabeticas*, nec non *Binas conciones*, quas ipse in funeribus Collegarum suorum, *Sauberti*, & *Reinharti*, habuit; & præter circulares, XXX. *disputationes publicas* hæctens instituit, videlicet XXIII. super *Prælectiones Parentis sui*, & VII. alias, quarum vel ipse erat auctor, vel moderator. Sunt autem sequentes: *De Denario S. Petri*; *de Nonnullis pictorum contra historiam S. erroribus*; *ad L. II. Cod. Theod. tit. de Fide Catholica*; *de Prudentia Ecclesiastica*; *de Religionis ob temporale commodum mutatione*; *de Moderatione Theologica*; *de Scylla Theologica*; ut & *Orationem*, qua novo professionis officio prolusit, *de Utilitate*, quam *Studiosus Theologiæ ex itinere capere potest Italice*. Quibus nunc accedit *Inauguralis Disputatio*, qua *centuriam Paradoxorum theologicorum* exhibebit. Sicut autem excellentissimus  
Can.



Candidatus haud parum conducere rebus suis  
 posse putavit, si studiorum laudatissimorum, &  
 laborum per tot annos summa cum laude exant-  
 latorum præmia, supremos in Theologia honores,  
 impetraret, ita, postquam desiderium suum Colle-  
 gio nostro exposuit, nihil causæ habuimus, cur  
 ipsum in numerum Candidatorum non recipe-  
 remus. Die crastini igitur lectiones solennes  
 auspicabitur hora X. matutina, Quibus ut in au-  
 ditorio majori interesse velint magnificus PRO-  
 RECTOR, ut & reliqui Professores, & quicunque  
 sacra studia æstiment, nomine Collegii theolo-  
 gici officiose oro. P. P. JENÆ, d. 24. Augusti,  
 Anno clō lōc XC.


Zz 2

PRÆ-



PRÆLOQVIVM  
Centuriæ Paradoxorum theo-  
logicorum

in Academia Salana ad disputandum propositæ  
præmissum.

 *Vum Christus hominem ali-  
quem pertinaci paralysos  
morbo laborantem, omnipo-  
tente verbo suo sanaret, atq̃ efficeret,  
ut is illico non tantum pedibus ma-  
nibusq̃ ad lubitum uti, verum etiam  
jussui suo morem gerere, grabatumq̃,  
cui modo quasi mortuus affixus erat,  
asportare posset; populus rei novitate  
& insolentia perculsus, atq̃ in admi-  
rationem raptus, dicebat: (a) Εἰδομεν  
ᾧ δέ.*

(a) Luc. V, 16.



ὡς δὲ δοξα σήμερον, *id est*, Vidimus inopi-  
 nata (*Tremellius ex Syriaca versione*  
*reddat prodigia, Vulgatus mirabilia,*  
*Erasmus incredibilia*) hodie. Atq;  
 ita, ut Ioh. Olear. ad h. l. observat, o-  
 mnia divina miracula, cum ὡς δὲ δοξαν  
 & præter opinionem hominum fiant,  
 ὡς δὲ δοξα appellari possunt: ὡς δὲ δοξα enim  
 vocantur, quæ communi hominum  
 opinioni non sunt conformia aut con-  
 sentanea. Quidni vero hoc nominis  
 etiam ad illas propositiones, quæ a  
 communi hominum opinione ablu-  
 dere videntur, transferri & applica-  
 ri queat? Nemo itaq; titulo præsen-  
 tis materiæ, qui promittit Centuri-  
 am Paradoxorum Theologicorum,



offendatur, aut, nondum inspecta  
 materia, sinistre de me iudicet, quasi  
 nimirum ea, quæ in se & revera ab-  
 surda sunt, aut phrases & locutiones  
 in orthodoxis Ecclesiis non receptas  
 proponere ac defendere, vel etiam  
 recoquere satagam; sed potius in me-  
 moriam sibi revocet, alia esse, alia  
 videri absurda, neque vel ἐνδοξα veri-  
 tatem, vel ἀξιοδοξα falsitatem absolute  
 in se continere, sed posse quid verifi-  
 mile esse, ut tamen verum non sit, &  
 posse aliquid hominum opinionibus  
 esse repugnans seu absurdum, ut ta-  
 men sit verum. Quod si præsentium  
 thesium hæc vel illa, aut earum hæc  
 vel illa particula, tuo alteriusve in-  
 tellectui



*telleetui repugnare videtur, & θεσις sub-*  
*jecta talē explicationē supeditabit,*  
*quæ dubium, si non tollet, tamen mi-*  
*nuet: videbis enim, alteram propositi-*  
*onis partem alteri non directe, sed in-*  
*directe tantum opponi. Porro & illud*  
*observandum, me non auctorem esse*  
*istorum Paradoxorum, sed tantum*  
*collectorem; atque hunc in finem*  
*scriptores, in quorum lectione obser-*  
*vare illa licuit, citavi, ac sæpe propri-*  
*is ipsorum verbis, absq; plagii tamen,*  
*opinor, culpa, usus sum. Neque eum*  
*in finem adducuntur nonnulla inu-*  
*sitate etiam dicta, ut iis utamur, sed*  
*ut sensum eorum penitus cognosca-*  
*mus, & hoc cognito benigniores simus.*

us



ut par est, verborum interpretes. Fa-  
 Et hæc sunt, non juris. Si quid ergo  
 est, quod palato tuo displicet, non est,  
 quod succenseas, & culpam imputes,  
 aut exprobres mihi. Quanquam si  
 præjudicio vacuus ad lectionem ex-  
 plicationis singulorum Paradoxo-  
 rum accedes, indignationem stoma-  
 chumque facile pones, ac fateberis,  
 non latere anguem in herba. Cæte-  
 rum & ego cum orthodoxis Ecclesiis,  
 omnibusque cordatis & prudentibus  
 Theologis, firmiter statuo doceoque,  
 non tantum pie sentiendum, sed eti-  
 am commode, & verbis ab Ecclesia  
 evangelica receptis loquendum esse,  
 sive, ut S. Paulus in 2. ad Tim. 1, 13.  
 loqui-



*loquitur, oportere nos ὑποτύπωσιν ἔχειν ὑγια-  
νόντων λόγων, formam habere sanorum verborum.*

*Quo spectat beati Hieronymi  
vox: Quod bene dici potest, tamen propter ambi-  
guitatem dicendum non est. in Comment.*

*ad Hos. II, 16. & Lutheri monitum:*

*De rebus sacris loquendum est sanis, sacris,  
sobriis Spiritus S. verbis, in Scriptura traditis.*

*Quibus concinit Chemnitius in  
part. I. LL. p. 160. hunc in modum  
scribens:*

*Meminerimus de Deo pie  
fentiendum, & reverenter loquendum esse.*

*Et quando mediocriter declaratae sunt causae,  
de modis loquendi, non amemus absurditates*

*& paradoxa. Sed puto satis jam ex  
dictis constare, neq; me amare  
absurditates & paradoxa, qua-*

*Aaa*

*lia*



lia quidem celeberrimus vir loco  
 illo intelligit, quamvis Paradoxa  
 nonnulla proponam, & sub incudem  
 disputationis revocem. Itaque sine  
 ulteriori præloquio ad rem ipsam  
 accedo, Deumque opt. max. precor  
 supplex, ut in ea sanctissimo Spiritu  
 suo me juvare, & omnia ad sacro-  
 sancti nominis sui gloriam, veri-  
 tatis confirmationem, Ecclesiæ  
 militantis ædificationem, con-  
 cordiæque ecclesiasticæ, & salutis  
 nostræ æternæ promotionem dirige-  
 re velit. Γένοιτο! Γένοιτο!

Religio





# DISSERTATIO IX. DE PARADOXIS THEO- LOGICIS.

*Religio, civilis societatis vinculum est, & non est.*

**R**eligio, civilis societatis vinculum est, quia *De Reli-  
gione.* amota reverentia divini Numinis, homines natura sua ad nocendum aliis proclives, patitis, quæ, mutua securitatis causa, in civitatibus inita fuerunt, post habitis, occasione oblata, opprimere se invicem non verituri essent, quum sublato imperio civili, nihil sit, quod in terris metuere habeant. *Et non est,* quia societates primum non religionis causa fuerunt institutæ. Et porro, si post conditas civitates quis maxime ab aliorum consortio remotus, vitam agat segregem, non tamen ista obligatione solutus est. Notum est etiam præterea, societates non cum ipsa generis humani origine extitisse, sed aucto illo, postea securitatis gratia institutas fuisse. Rechenberg. in Problem. polit. An, cujus regio, ejus sit religio? §. 17. 18.

*Christiani sunt, & non sunt athei.*

Ab Ethnicis Christiani olim habebantur & proclamabantur athei. Quibus S. Justinus martyr ingeniose concedit,

Aaa 2

cedit,



cedit, se cum reliquis Christicolis, omnino *esse atheos*, in quantum abstineant & abhorreant ab impio deastrorum cultu; *negat* autem pernegatque *esse atheos*, respectu veri Dei, quem omnino colendum & venerandum sibi proponant. καὶ ὁμολογῶμεν, ait christianus ille Philosophus ac martyr piissimus, in II. pro Christianis Apologia p. 56. τῶν τοιούτων νομιζομένων θεῶν ἄθροισμα εἶναι, ἀλλ' ἕχτι τῆ ἀληθείας, καὶ παρὰ δικαιοσύνης καὶ σωφροσύνης, καὶ τῶν ἄλλων ἀρετῶν, ἀνεπιμίχῃς τῆ κακίας· ἀλλ' ἐκεῖνόν τε, καὶ τὸν παρ' αὐτοῦ υἱὸν ἐλθόντα καὶ διδάξαντά ἡμᾶς πάντα, καὶ τὸν τῶν ἄλλων ἐπομένων καὶ ἐξομοιζομένων ἀγαθῶν ἀρχέ-λων στρατὸν, πνεῦμά τε τὸ προφητικὸν σιβόμεθα, καὶ προσκυνοῦμεν. Et profitemur quidem, nos talium, qui habentur, deorum esse expertes. & atheos: sed non verissimi illius Dei, Patris videlicet justitiæ & castitatis, & virtutum aliarum, & ab omni vitiositatis mixtione & labe alieni, expertes. Verum hunc ipsum, & qui ab eo venit, atq; ista nos, & aliorum obsequendum exæquatorumq; (ad voluntatem ejus) bonorum angelorum exercitum docuit, Filium & Spiritum propheticum, colimus & adoramus.

\* Muhammedani & Judei sunt, & non sunt ab idololatria alieni.

Muhammedani & Judei hodierni ab idololatria, quali gentes, quæ multos sibi fingunt & adorant Deos, sunt obnoxia, alieni sunt; & non sunt alieni ab illa idololatria, qua verus Deus non colitur, quemadmodum se patefecit; non enim tres, sed unicam divinitatis personam credunt, colunt & venerantur. Huc pertinet, quod dicitur Rom. I, 20, 21. Ethnicos esse inexcusabiles, propterea, quod cum Deum cognoverint (naturaliter,) tamen ut Deum non glorificaverint. Quemadmodum igitur Ethnicorum, quos heic redarguit Apostolus, ita & Turcarum, Judæorumque cognitio de Deo, imperfecta quidem, attamen vera est, adeoque hæcenus a cultu idoli aut idolorum remota, & abhor-



horrens. Nempe, ut docet *Scharfius* in disp. Metaph. 7. de Verit. & Fallit. *veritas cognitionis discernenda est a veritate rei*, & sciendum, quod vera cognitio sit etiam illa, quæ, licet non omnia, quæ in re ipsa sunt, apprehendat & cognoscat, tamen conformis est suo objecto, quod præcise cognoscit. Sciendum quoque, quod confusa cognitio & imperfecta, etiam sit vera cognitio rei veræ, e. g. quia *confusam proficitur Philosophus* (gentilis) *notitiam Dei naturalem*, eo ipso non debet omnia, quæ Dei sunt, cognoscere. Ergo *verum Deum cognoscit*, licet non omnia naturaliter prospiciat, quæ sunt veri Dei, illius nimirum, quem confuse cognoscit. Adde *Lutheri Catech. Maj.* ubi sub finem explicationis Symboli Apostolici, pag. libb. Normal. Noriberg. 83. non negat, eos, qui extra christianitatem sunt, h. e. *Ethnicos* (cultiores,) *Turcas, Judeos, & falsos Christianos seu hypocritas, unum verum Deum credere & adorare.*

\* *Theologia est, & non est habitus Θεολογία.*

*De Theologia.*

*Theologia* nomine nobis hîc venit illa, quæ est viatorum in statu post lapsum, eaque Revelata, & quidem per mediatam ἐλαμψιν, seu habitus cognoscendi Deum & res divinas, easque docendi, confirmandi ac defendendi, talis nimirum, qui objecto conformis est, & in homines pro statu hujus vitæ cadit. Hæc Theologia est *habitus*, prout aperte pronuntiârunt Theologi Wittebergenfes A. 1623. & Lipsienfes A. 1624. in Append. Confil. Dedek. p. 136. & habitus quidem Θεολογία, quando habitus Θεολογία contra-distinguitur habitibus, humano tantum ingenio ac studio inventis; qua ratione Theologia dicitur Θεολογία, non quod a Deo immediate nobis conferatur, sed quia principium cognoscendi, ex quo addiscitur, sacra videlicet Scriptura, a Deo datum, & objectum quoque, quod tradit, vere divinum est, & gratioso Dei concursu seu Spiritus S. illuminatione addiscitur. Atque hoc sensu *Dann-*

Aaa 3

*hauerus*



*bauerus* Hodosoph. p. 11. Theologiam appellat *habitus divinitus datum*. Vide Speneri *Allgemeine Gottes Gelehrtheit* p. 185. & seqq. *Non est* autem habitus *θεόςδοτος*, quando per habitum *θεόςδοτον* intelligitur talis habitus, qui a Deo, citra nostrum studium & laborem, nobis confertur. Joh. Musæus *Introd. in Theol.* c. 3. §. 44. p. 194. & p. 192.

*\* Eadem est scientia, & non est.*

*Theologia est scientia*, quoniam natura sua tendit ad docendum, explicandum & confirmandum res sibi subfratas, tanquam certum & determinatum objectum, ideoque ex principiis certis conclusiones certas infert, seu demonstrationes conficit: quod scientiæ proprium est, nec ulli alii habitui æque convenit. Sed eadem *non est scientia*, nempe si ad scientiam simpliciter & proprie cum Aristotele requiras, ut ex principiis evidentibus ac per se notis demonstrationes conficiat. Neque enim negari potest, Theologiam revelatam in præcipuis doctrinæ christianæ capitibus, quæ *mysteria* dicuntur, ex sola revelatione divina, quæ naturaliter inevidens est, conclusiones suas deducere. Vide iterum Musæum lib. cit. c. 3. §. 4. & Bajerii *Comp. Theol. Posit. proleg. cap. 1. §. 13.*

*Theologia nostra est, & non est εκτυπη.*

*Theologia nostra*, seu notitia de Deo rebusque divinis, quam sub lumine gratiæ, studio & labore haurimus & addiscimus, *est εκτυπη*, respectu illius in Deo ideæ, quam expressit in verbo revelato, cuique conformem voluit esse nostram Theologiam: *& non est εκτυπη*, ad illam Theologiam seu scientiam, quam Deus ultra id, quod revelavit, habet in se ipse de se ipso: quippe ad quam Theologia nostra non conformatur. Dannh. Hodosoph. p. 12. & Scherz. *System. Theol.* p. 2.

*Theologiæ genus est, & non est habitus intellectualis.*

*Theologiæ illius nostræ genus est habitus intellectualis,*  
si lo-



si loquimur de genere remotiore : & non est, sed potius scientia, saltem latius sic dicta. si sermo est de genere proximo : nam in præcipuis doctrinæ christianæ capitibus vel mysteriis, ex sola revelatione divina, quæ naturaliter inevidens est, (Fabric. Syst. Theol. p. 8.) firma tamen & certa, immo firmissima ac certissima, conclusiones suas deducit formatque. Cellar. disput. de Natura Theol. §. 5. & Mus. Introd. in Theol. c. 3. p. 117.

*Theologiæ habitus perit, & non perit.*

Sermo est de Theologia univoce & proprie dicta, qua videlicet declaramus, confirmamus & defendimus ea, quæ nostræ salutis causa revelata sunt, nitentes veritate prima revelante, ut revelante. (i. e. veracitate Dei, qua nec fallere potest nec falli in iis, quæ revelat) tanquam ratione assentiendi ultima. Hujus *Theologiæ habitus* ea parte, qua concernit habitudinem quandam intellectus ad facile & firmiter assentiendum veritati primæ revelanti, ejusque revelationi propter se immediate, *perit*, per peccata mortalia, quoniam habitudo illa in substantia supernaturalis est, dependens a Spiritu sancto, qui & ipse per peccata, contra conscientiam admissa, excutitur & expellitur. Atque hic Theologiæ habitus etiam redit, si talis peccator agit pœnitentiam. *Non* autem *perit*, quatenus Theologiæ habitus denotat species impressas, inter se bene rebusque convenienter dispositas & coordinatas : hæc enim specierum impressio & apta dispositio intellectui humano est naturalis, nec per peccata mortalia vel physice, vel demeritorie expelli potest : non physice, quia iis non opponitur; nec demeritorie, quia species illæ, ab objectis intellectui hominis impressæ, naturales sunt, modoque naturali acquiruntur, dum homo Scripturam legit & meditatur, vel voci docentis autem præbet & auscultat. Unde aliquis, post patrata scelera



scelera, non minus promptus & expeditus esse potest ad explicandas Scripturas, & conclusiones ex iis nectendas, quam fuerat antea in statu regenerationis & gratiæ. J. Mus. ibid. p. 196. Vid. etiam, quid G. M. König ex Matth. Paris referat de Sim. Thurnaio in Biblioth. V. & N. p. 806.

*Nemo potest Theologus fieri, nisi fiat sine Aristotele.*

Quid frontem corrugas, & stomacharis? Lutheri in conc. super epist. II. Adv. & super evang. festi 3. Regum, hoc est effatum, idque verissimum, quo Aristoteles, & sana ejus aliorumque Philosophorum dogmata non prohibentur theologicum studium aggressuris, sed hic duntaxat ejus sensus est: Ex principiis philosophicis, juridicis, politicis, aut medicis, de rebus theologicis non esse judicandum, quia, ut ipse tradit Aristoteles, *ὅ δὲ μετὰ ταῖς ἐν αἰσθητοῖς, & juxta S. Pauli 1. Cor. II. 14. doctrinam, πνευμαλῶς πνευμαλῶς ἀναγινώσκει* oportet. *Nemo igitur potest Theologus fieri, & officio suo recte fungi, nisi divinis Theologiæ principiis utatur, & Aristotelem rationemque adversantem tantisper quiescere & tacere jubeat.* Alii hoc ita efferunt: Athenæ nihil commune habent cum Hierosolymis. Dispp. Giffens. Tom. V. p. 14. & Wigand. lib. de Communicat. idiom. p. 194. 200. 208.

De Scri-  
ptura S.

*Ἡ Θεοπνευσία est, & non est forma Scripturæ.*

*Ἡ Θεοπνευσία* seu divina inspiratio vel sumitur præcise, pro actione inspirandi, vel terminative, prout videlicet terminatur in intellectu hominum sanctorum ad ipsos rerum & verborum conceptus, qui divinitus fuere inspirati literisque mandati. Jam *divina inspiratio* seu *Θεοπνευσία* est *forma Scripturæ sacræ*, posteriore: & non est, priore sensu. Sic enim ad causam efficientem pertinet. Joh. Gerh. in Exeg. L. 1. §. 305. Baj. Comp. 83.

*Liber*



*Liber Judith, Sapientiae, Tobiae, Ecclesiasticus, Baruci,  
& duo Maccabæorum sunt, & non sunt  
canonici.*

Prædicti V. T. libri *sunt* ac dici possunt *canonici*, si vocabulum hoc sumas latius, pro illis nempe, qui non sunt impii, utiliterque in Ecclesia leguntur, & ad populi ædificationem: & *non sunt canonici*, voce hac strictè accepta, ad denotandum videlicet libros ex immediata Dei inspiratione Hebraice scriptos. Augustin. l. 18. de C. D. c. 36.

*Epistola ad Hebræos, Jacobi, Judæ, posterior Petri, secunda  
& tertia Johannis, & liber Apocalypseos sunt, & non  
sunt scripta canonica.*

Scripta canonica N. T. dispesci solent in *πρωτοκανονικά* seu primi ordinis, & sic dicuntur illa, de quibus nunquam fuit dubitatum, quæque ab universa Ecclesia pro canonicis fuere habita ac celebrata; & *δευτεροκανονικά*, seu secundi ordinis, quibus aliquando in Ecclesia fuit a nonnullis contradicendum. Sic ergo *scripta recensita sunt canonica*, secundi ordinis: & *non sunt canonica*, primi ordinis. J. Gerh. in Exeg. L. I. §. 242. & 274.

*Versio evangelii secundum Matthæum Græca, est,  
& non est authentica.*

Nititur hæc thesis hypothesi illa, qua dicitur, S. Matthæum evangelium suum Hebraice scripsisse, adeoque codicem ejus Græcum nihil aliud esse, quam versionem illius Hebraici. Dilh. T. I. Dispp. p. 300. Quam hypothesin etsi jam nostram non facimus, posita tamen illa, thesis nostra sequentem in modum potest explicari. *Versio evangelii secundum Matthæum Græca, est authentica*, quia fidelis

Bbb

est



est & certa, atq; ab Ecclesia Apostolico jam ævo recepta & approbata, paremque cum reliquis biblicis & authenticis scriptis auctoritatem & valorem habet: *Et non est authentica*, si authenticum dicas id, quod est originale & autographum. Briffon, in Lex. Jurid. p. 27. & Matth. Martin. in Lex. Philol. v. Authent. & Rich. Sim. l. 2. Hist. Crit. V. T. c. 14.

*Versio Lutheri Germanica, est, Et non est authentica.*

SS. Bibliorum *versio Germanica, Lutheri studio ac labore concinnata, est authentica*, respectu aliarum versionum Germanicarum, & publici usus, quia B. auctor studuit eam fideliter ex fontibus derivare, & si quid humani ei accidit, id præter intentionem & culpam ejus accidit: unde & versio ista omnibus aliis Germanicis merito præfertur, atque ab Ecclesiis nostris in tantum recepta est, ut illa ipsa, & non alia, in publicis congressibus prælegatur, & explicetur. At quid dicent Catholico Romani ad hoc assertum? Nonne vocabunt *ambitiosum Et temerarium*? Nullo jure. Nam inter eos eruditissimus Richardus Simon, suo id comprobat calculo, immo ejus fundamentum posuit Lib. II. Hist. Crit. V. T. c. 14. scribens: *Omnis Scriptura versio ab eruditis, Et ab omni fraudis suspitione alienis viris concinnata, per se ipsam, quatenus authentici instrumenti apographum fidissimum est, authentica existit*. Ad eundem modum Serar. in prolegom. c. 19. q. 12. *Satis manifestum est, ait, fontem purum rivo, quantumvis puro, cum prærogativa quadam præferendum: nam authenticam versionem esse, est, censeretur cum originaria lingua convenire*. Eadem vero nostra versio *non est authentica*, ratione fontium & infallibilitatis: iis enim non est æquiparanda, aut pro infallibili habenda. Similiter etiam intelligendum vult auctor



auctor prædictus id, quo Synodus Tridentina Sess. IV. p. 8. *Vulgatam Latinam* pronunciavit *authenticam*: hoc enim minime respectu fontium, sed quoad alias versiones Latinas (quo ipso tamen aliæ versiones non sunt reprobatae, teste Palavicino Cardinali in Hist. Concil. Trid. l. 6. c. 17.) accipiendum esse, cum Azorio, Serario, Driedone, Mariana, & Genebrardo contendit. Adde Scherz. Syst. Theol. p. 15. & 17. & Wagenseil. qui id probat ex Flavignii colloquio, Rugerio, Salmerone & Gammachæo, in Confut. carm. Lipm. p. 523. Andradius l. 4. Def. fid. Trid. docet, ex informatione Andr. Vegæ, Cardinalis, qui Concilio Trid. ipse interfuit, postea creatus Papa, sub nomine Marcelli, nihil aliud Patres Tridentinos, cum *Vulgatam* editionem authenticam pronunciarent, pronunciare voluisse, quam nullo eam defœdatam errore existere, ex quo perniciosum aliquod dogma in fide & moribus colligi possit: non autem eam ita in singulis approbasse, ut non liceat unquam hesitare aut dubitare, ne forte interpretes non recte Scripturas verterit.

\* *Mysteria a nobis sciuntur, & nesciuntur.*

*Mysteria* alio nomine appellamus *Credenda*, item *Articulos fidei*, & quidem *puros*, hoc est, illa, quæ unice ex revelatione divina cognoscuntur. Talia *sciuntur a nobis* quam certissime ex verbo revelato, secundum conditionem notitiæ spiritualis, nobis viatoribus competentis. Non autem *sciuntur* evidenter, quia nec sensu, nec ratione percipiuntur, sed utramque transcendunt. Raupp. in L. de Justif. p. 110. & ante ipsum J. Gerb. L. eod. §. 68.

*Scriptura S. est, & non est perfecta.*

*Scriptura S.* sicut omni tempore fuit, etiam illo, quo nondum omnes libri biblici extabant, ita multo magis hodie, quando integrum complexum & codicem habemus o-



mnium librorum V. & N. T. *est* per se & in se sufficiens & *perfecta*, quippe quæ continet in se omnia dogmata fidei & morum necessaria vel explicite & expresse, seu ἀπολεξεί & secundum literam, vel implicite, seu ita, ut haud difficulter inde erui queant ab eo, qui mediis interpretationis instructus sit, per bonam & pronam consequentiam. Hinc Irenæus, Lugdunensis in Gallia Episcopus, & Polycarpi discipulus, sub Severo Imp. martyrio affectus, l. 3. c. 1. *Num per alios*, inquit, *dispositionem salutis nostræ cognovimus*, quam per eos, per quos evangelium pervenit ad nos, quod quidem tum præconiaverunt, postea vero per Dei voluntatem in Scripturis nobis tradiderunt, fundamentum & columnam fidei nostræ futuram? Eadem vero etiam non est *perfecta* in omnibus historicis aut ritualibus, item in libris sacris quidem, non tamen divinis & canonicis, qui olim in & sub ea comprehendebantur, postea autem perierunt, aut quod omnes in theologicis rixas & contentiones decidere possit, vel debeat. Hutter. L. C. p. 68. & 70. & Affelm. in Hept. Qq. illustr.

*Eadem est, & non est iudex controversiarum in spiritualibus.*

Vocabulum *Iudex* est unum ex illis, quæ dicuntur, ἀφ' ἐνός, *ab uno*, & uni tribuuntur principaliter & primario, aliis autem respectu illius, & secundario, vel etiam inferiore quadam ratione. In suprema enim & principali significatione iudex controversiarum sacrarum est Deus ipse; in secundaria verbum Dei scriptum, per quod illi sententiam decisivam profert: hinc etiam utile dicitur πρὸς ἑγῆχον, ad redargutionem sive refutationem, 2. ad Tim. III, 16. in infima fideles, qui donis hermeneuticis præditi, iudicium illud, in Scriptura quasi reconditum, eruere possunt, sive sint publici Ecclesiæ Doctores, quorum munus est,



est, non modo sanam proponere doctrinam, sed & aliorum dogmata dijudicare; sive quilibet alii Christiani, quippe qui cavere sibi debent a pseudoprophetis, Matth. VII, 15. & omnia probare, quod autem bonum est, tenere. 1. Thes. V, 21. nec cuivis spiritui credere, sed probare spiritus, num ex Deo sint, 1. Joh. IV, 1. His ita præmissis, *Scriptura sacra est iudex controversiarum in spiritualibus*, improprie, analogice, & secundo, seu quatenus est norma, secundum quam judicatur: *Et non est*, proprie videlicet & primario: talis enim iudex, ut diximus, prætoria & absoluta iudicandi potestate instructus, est Spiritus sanctus, Episcopi autem, & Doctores Ecclesiæ (ad quos etiam, si veri Episcopi munere fungitur, nec illius cancellos transgreditur, pertinet Papa Romanus) aliique fideles, ad hoc idonei, & ad Scripturam, atque ex ea judicantes, iudices interpretativi & diaconici, quibus, quoniam iudicando non modo errare possunt, sed etiam errant sæpius, determinatum ac limitatum competit iudicium, in quantum illud cum norma verbi divini exacte convenit, nec ab illa deflectit. Ac proinde vox & appellatio *Judex* in infimo illis gradu competit ac tribuitur.

*Scriptura S. est, & non est clara & perspicua.*

*Scriptura S.* in fundamentalibus, & scitu factuque necessariis punctis, pio & attento lectori christiano *clara est ac perspicua*, ita ut sensum ejus literalem satis bene assequi possit: nam *in iis, quæ aperte in Scripturis posita sunt*, ait S. Augustinus, *inveniuntur illa omnia, quæ continent fidem moresque vivendi.* lib. 2. de C. D. c. 6. *Et non est satis clara*, sed potius difficilis, sublimis, & sic nobis sæpe obscura, sicut de epistolis Paulinis Petrus in 2. ep. c. III, 16. fatetur, esse in iis *δυσκόλητα*, sive quædam explicatu difficiliora. Ecce vero? *Ad domandam* (ut loco citato scribit aureolus Au-

Bbb 3

relius)



relius) labore superbiam, & intellectum a fastigio removendum, cui facile investigata plerumq; vilescunt. Nam magnifice & salutariter Spiritus S. ita Scripturas modificavit, ut locis apertioribus fami occurreret, obscurioribus fastidia detergeret. G. Calixt. Epit. Theol. p. 24.

*Scriptura S. est, & non est data, ut sit canon noster.*

*Scriptura S. est data, ut sit canon, norma & regula nostra, in rebus & fidei & morum, ita ut illa habeantur, pro credendis & agendis, quæ normæ isti congruunt, discrepantia autem omnia rejiciantur.* Hinc Paulus ad Gal. VI, 16. pacem & misericordiam precatur omnibus, *ἔσσι τῷ κανόνι τῆς τοιαύτης ποιήσεως*, quotquot juxta hanc regulam, velut in ordine militari, incedent. Eadem vero non est canon noster in omnibus aliis materiis, ut physicis, mathematicis, historicis, politicis: de his enim sæpe obiter, & ad communem sententiam vel apparentiam, non autem κατ' ἀκρίβειαν, loquitur. Quo ipso tamen canoni vel normæ, priori sensu sumptæ, nihil decedit. Vide Gen. III, 1. & ult. nec non Act. XII, 15. & Raupp. in hæc loca.

*Codices sacri, Hebraeus V. & Græcus N. T. ti sunt, & non sunt corrupti.*

*Codices sacri, Hebraeus V. & Græcus N. T. ti sunt corrupti*, intelligendo hoc de particulari quorundam duntaxat codicum depravatione, & de σφάλμασι, quæ typographorum incuria, correctorumque negligentia, in hujus vel illius editionis codices irrepservunt. Sumitur autem, quod non prætereundum, hunc in modum, terminus *Corruptum* vel *Corruptio*, abusive, cum sic fere omnes alii libri dicendi essent corrupti. *Et non sunt corrupti*, universaliter, secundum omnia exemplaria, nec in fundamentalibus; ita ut



ut exactissima norma & certa regula esse possint, ad quam omnes omnino versiones, ut rivuli ad fontem, exigi, examinari, & sicubi opus, corrigi possint ac debeant. *Non enim tanti momenti sunt* (ait Bellarm. l. 2. de V. D. c. 2.) *eiusmodi errores, ut in iis, quæ ad fidem & bonos mores pertinent, Scripturæ sacræ* (fontis Hebræi) *integritas desideretur. Plerumque enim tota discrepantia variarum lectionum in editionibus quibusdam posita est, quæ sensum aut parum, aut nihil mutant.* Et cap. VII. de Scriptis N. T. hæc ejusdem sunt verba: *Etsi multa depravare conati sunt hæretici, tamen nunquā defecerunt Catholici, qui eorum corruptelas detexerint, & non permiserint, libros sacros corrumpi.* Immo jure meritoque dixerim cum S. Augustino ex l. 2. contra Faustum Manich. c. 2. *Quæ autoritas literarum aperiri, quis sacer liber evolvi, quod documentum cujuslibet scripturæ ad convincendos errores exeri potest, si hæc vox admittatur, Scripturas* (quoad credenda & facienda) *esse corruptas?* Glasg. Philol. S. lib. I. tract. 1. & 2.

*Non minus N. quam V. T. ti Scriptura est, &  
non est DEI mandato literis  
tradita.*

Distinguendum est inter mandatum Dei externum, quo Deus diserte & expresse sensibilibus voce aliquid præscribit & præcipit, & mandatum internum, quod æquipollet impulsui & instinctui. Illud est mandatum proprie dictum, hoc analogicum, consistens in interna inspiratione, tractu, motu ac pulsu, sanctis Dei hominibus divinitus incusso: immo & variæ hominum & circumstantiarum occasiones incitare ad scribendum potuerunt. Posita hac distinctione dicimus, quod *non minus N. quam V. T. ti Scriptura sit Dei mandato*, saltem interno, *literis tradita*; impulsus autem divinus, sive mandatum internum, & mandatum



datum externum, in sanctis Dei hominibus æquiparantur: quid enim aliud est divinus ille impulsus, quam mandatum internum & occultum, ejusdem omnino auctoritatis & ponderis cum mandato externo & manifesto? *Et quod non omnis sit Dei mandato externo literis tradita*, non omnis, inquam: interim Johannem Apostolum, expressum & speciale scribendi mandatum (scripsit autem in libro Apocal. non modo arcanas visiones, sed etiam ea, quæ pertinent ad doctrinam evangelii & præcepta morum) divinitus accepisse, patet ex Apoc. I, 11. 19. c. II, 1. 8. 12. 18. c. III, 1. 7. 14. c. XIV, 13. c. XIX, 9. c. XXI, 5. Gerh. in Exeg. L. de Script. S. §. 24. & seqq. & Bellarm. T. I. Controv. l. 4. c. 3, p. 67.

*Auctoritas Scripturæ dependet, & non dependet  
ab Ecclesia.*

*Scripturæ auctoritas* nihil aliud est, quam dignitas ejus manifesta, movens intellectum hominum ad assensum dictis ejus, & voluntatem ad obsequium, ejus mandatis præbendum. Jam hæc Scripturæ auctoritas spectatur vel in se & absolute, vel ut nobis innotescit, revelatur, & cognoscitur. *Et dependet ab Ecclesia*, tanquam explicante, respectu nostri, dum Ecclesia Scripturam, quæ divinæ auctoritatis est, nobis proponit, & explicat, (quomodo etiam auctoritas decreti Principis notificata & explicata ab interprete, dici potest ab eodem dependere, eo quod illam, ex ignota in notam linguam traducit, & sensum ejus aliis repræsentat,) ac præterea de certo idiomate librorum Scripturæ, quod tanquam *ἱερὸν γένος* agnoscendum, Ecclesia primitiva, hoc est, illa, quæ tempore Prophetarum & Apostolorum floruit, & libros ab ipsis scriptos accepit, testatur, & hoc testimonio Ecclesia posteriorum temporum nititur. *Non autem dependet ab Ecclesia*, sed a Deo, in se & abso-



absolute si consideratur, cum dignitas & præstantia, effectus a dignitate causæ unice ac plane originem trahat. Musæus in Introd. p. 554.

*Puncta textui Hebræo sunt, & non sunt  
coæva.*

Vocabulum *puncta* heic quidem non late accipimus pro vocalibus & accentibus, sed stricte, pro vocalibus solis, dicimusque adeo, illa *textui Hebræo coæva esse*, per se videlicet, & quod substantiam vocalium spectat, quibus ut nulla alia, ita nec Hebræa lingua prorsus atque omnino carere potest: sunt enim vocales vocum & dictionum anima, quæ eas vivificat, ita ut absq; vocalibus voces efferri atque pronunciari nequeant. Et hinc etiam מלכִי *Reges* dicuntur, quoniam literis, ut Rex subditis, dominantur, & regimen erga illas suum exercent. Nihilo tamen minus eadem etiam *non coæva* dixeris, quod attinet expressionem, aut figuræ identitatem, qua non semper in textu aperte expressa fuerunt, aut eandem externam notam & characterem perpetuo habuerunt ac retinuerunt. Hinc & ipse Buxtorfius, qui tamen contra Lud. Cappelium punctorum antiquitatem defendere nifus est, fluctuat, hæretque dubius, in Tiberiad. c. XI. his utens verbis: *An autem ipsimet viri Synagoge magnæ* (Haggæus, Zacharias, Malachias, Zerubabel, Mardocheus, Esra & alii) *vocalium & accentuum notas primo invenerint, aut ab aliis inventas, sed in usu neglectas, restauraverint & perfecerint, ac Masoram de iis quoque conscribi curarint, facile nec dici, nec probari facile potest.* Adde Capnionem, Münster. Druf. Dreier. in Controvers. cum Pontif. p. 142. & Luther. in Comment. in Gen. c. XXXVI. p. 532. & in c. XLVII. p. 687.

Ccc

Res



\* *Res DEI sunt obscura, res Scripturæ sunt perspicua.*

Verba thesæos hujus sunt ex Lutheri libro de Servo Arbitr. quæ Gerhard. in Dispp. Ifag. II. c. 13. th. 3. sic explicat: *Myſteria fidei*, in se & absolute considerata, *sunt obscura*, quia supra humanæ mentis captum sunt posita; & sic neque sensibus, neque evidentibus rationibus clare & distincte cognosci a nobis possunt, sed solum creduntur, ob DEI revelantis auctoritatem: sed prout in *Scripturis* proponuntur, *sunt satis perspicua*, h. e. ipsa Scripturæ verba, quæ illa myſteria proponunt, satis clara & perspicua sunt. *Dilherr. Tom. II. Dispp. Acad. p. 459. & Dieteric. Inst. Catech. p. 35.*

*Vnius dicti Scripturæ unicus, & non unicus est sensus.*

*Vnius dicti*, uno in loco propositi, *unicus*, ex parte dicentis aut scribentis, ejusque prima intentione, *est sensus*, videlicet literalis. Literalis autem sensus Scripturæ S. is dicitur, quem proxime intendit Spiritus S. & qui ex verbis recte, juxta dicentis scopum, antecedentium & consequentium cohærentiam, Scripturæque analogiam eruitur, sive verba ista sint propria & a tropis libera, sive sint tropis affecta. Ipse Becanus part. 2. Theol. Schol. tom. 2. tract. I. c. 3. qv. 5. fatetur. 1. *Hæcenus ab Ecclesia* (i. e. Concilio a Papa confirmato) *non esse definitum, plures esse sensus literales sub eadem litera* 2. *Multa esse Scripturæ testimonia, quæ antiqui Patres varie interpretentur secundum literam, sed inde non sequi, plures esse sensus literales in illis testimoniis.* 3. *Inter antiquos Patres vix alium esse, præter Augustinum, (lib. 12. Confess. c. 30. & 31.) qui diserte affirmet, plures sensus literales sub iisdem vocibus contineri. Agnoscere quidem*



*quidem plures sensus, sed unum literalem, alterum mysticum.* Et non est *unicus*, respectu quorundam dictorum, in quibus præter literalem & mysticus sensus intenditur, qui non significatur proxime per ipsa verba, sed per res verbis significatas, in quantum illæ aliarum rerum typi, umbræ, figuræ, & signa vel symbola sunt. Vt Jonæ II. 1. dicitur: *Fuit Jonas in visceribus illius magni piscis tribus diebus & tribus noctibus.* Horum verborum sensus literalis est, *Jonam* Prophetam, qui suam descripsit historiam, in *pisce* a Deo creato, *per triduum fuisse.* Sensus autem illorum, mysticus est: Christum tribus diebus & tribus noctibus futurum esse in sepulchro tempore mortis suæ, sicut ipse Christus ostendit Matth. XII. 39. 40. Glas. Phil. S. l. 2. part. 1. tract. 1. pag. 249. 265.

*In Græco novi testamenti codice occurrant, & non occurrunt barbarismi & solæcismi.*

Joach. Hildebrandus in Corollariis Dissertationis de Veterum Concionibus: *In novo testamento, ait, barbarismos & solæcismos, prout quidem ab Augustino & Suida definiuntur, occurrere, haud inviti largimur.* Est autem barbarismus S. Augustino l. 2. de Doctr. Christ. c. 13. verbum, non eis literis, vel sono enunciatur, quo ab eis, qui Latine ante nos locuti sunt, enunciari solet. Vt si quis verbum *ignoscere* pronunciat producta tertia syllaba. Suidæ est vitium dictionis contra celebrium Græcorum aut Latinorum consuetudinem. Solæcismus Augustino dicitur, cum verba non ea lege sibi coaptantur, qua coaptaverant, qui priores nobis non sine autoritate aliqua locuti sunt. Vt si aliquis dicat *inter hominibus*, pro, inter homines. Suidæ, sermo incongrue positus, ut illud: *Ego ambulans murus cecidit*, pro, me ambulante. Jam verò negari ne-

Ccc 2

quit



quit, in *Græco novi testamenti codice occurrere*, respectu linguæ Græcæ puræ, quæ in libris auctorum classicorum reperitur, vitia sive deflexiones quasdam dictionis, item, incongruas quasdam constructiones, quibus, qui eleganter Græce loquebantur vel scribebant, non fuissent usi. Certe ostensum est a doctissimis viris, Glassio in *Philol. S. lib. 1. tract. 4. p. 233.* Dannhauero in *Hodosoph. p. 40.* & Hermeneut. *S. p. 161.* Dilherro in *Tomo I. Dispp. p. 299.* Calovio in *Crit. S. p. 453.* Joh. Musæo in *Disquisit. de stil. N. T.* Scherzero in *Syst. Theol. L. 1. de Script. §. 14.* & Bœclero in *Dissert. de Lingua N. T. origin. totum idioma N. T. tale esse, quod Hebrææ V. T. linguæ, quam Græcæ communi, potius conveniat, seu, ut alii loquuntur, dari in eo hebraismos, adeoque & barbarismos & solæcismos*: sic enim vocaret Demosthenes, aut alius bonæ notæ Græcorum, illos loquendi & construendi modos, quos scriptores novi testamenti, more Hebræorum, quales & ipsi erant, usurpare solent. *Neg. hac assertione* (ut cum Hildebrando l. c. pergamus) *in Spiritum sanctum blasphemiam committi censemus, dicimusq; cum Lactantio: Num Deus artifex mentis, vocis & linguæ, diserte loqui non potest?* Enimvero quid est ignorantia elenchi, immo quid est criminatio, si hoc non est? Perpendatur enim, quo respectu tribuantur barbarismi & solæcismi libris N. T. a viris nec indoctis nec impiis, quidque jam statim in altera Paradoxi parte dicatur, & cessabit tam virulenta atque intolerabilis imputatio. Nam & hoc dicimus, bonique illi viri ante nos dixerunt, *non ibi occurrere barbarismos & solæcismos*, respectu ipsius idiomatis Græci, quod in libris N. T. reperitur, quippe quod in se purum est, immo purissimum; neque etiam ratione scriptorum vel auctorum, utpote qui more consueto, adeoque non male scripserunt; minime vero omnium, intuitu Spiritus



ritus S. qui in suggerendis verborum conceptibus accommodavit se ad indolem & conditionem scribentium. Idem plane docet Scherzerus, Dannhauerum secutus, l. c. inquit: *Potest aliquid esse barbarum in græcitate pura, quod tamen non est barbarum in græcitate ἡδυνιστικῇ, i. e. mixta, sive Ebraeo Græca, vel græcaturiente stilo.* Et ante eos Jac. Fabricius, Hebrææ linguæ Prof. Wittebergæ, in præfat. Gymnasii Syriaci Christoph. Crinesii: *Ea est indoles rerum sacrarum, ut proprietates primæ linguæ non solum se diffundat per veterem Scripturam, sed etiam sese insinuet in græcismum novi testamenti.* Unde multis in locis N. T. græcismus, pure Græcis est barbarismus, propter phrasin Græcis ignotam. Ecclesiæ autem non est barbarismus: agnoscit enim ea sermonem primævum, eumq; in Scripturas N. T. manare deprehendit. Et diu ante Fabricium B. Hieronymus, qui in cap. III. epist. ad Ephes. Tom. IX. p. 216. scribit: *Nos quotienscunq; solæcismos aut tale quid annotamus, non Apostolum pulsamus, ut mali-voli criminantur, sed magis Apostoli assertores sumus: quod Hebræus ex Hebræis, absq; rhetorici nitore sermonis, & verborum compositione, & eloquii venustate, nunquam ad fidem Christi totum mundum transducere voluisset, nisi evangelizasset eum non in sapientia verbi, sed in virtute DEI.* Nimirum cum stylo novi testamenti Græco se res habet, ut cum aliis diversarum provinciarum idiomatibus. Sicut enim Lombardicum hodiernæ Italiæ, Sabaudicum, Neapolitanum, & Siculum Romanis; Provinciale & Langue docicum Parisinis; Bavaricum, Suevicum, Franconicum Misnensibus videntur & dicuntur barbara, cum tamen in se non sint barbara, sed materna, & quodvis eorum non modo ad exprimenda animi sensa aptum, sed etiam satis ornatum; ita idioma novi testamenti græcum, aut, si mavis, græcaturiens, etiam si puritati græcæ adsuetis βαρβαρίζειν ἢ



συλοιμίζει non immerito videatur dicaturque, in se tamen recte se habet: tantum abest, ut sic solœcismis sit maculatum, vel barbarismis.

*Principium probandorum dogmatum est, & non est unum.*

Sermo est de principio cognoscendi, & dogmatibus theologicis. Horum principium, idque principale & primarium, non nisi *unum est*, videlicet Scriptura sacra canonica, utpote e qua sola, omnia fidei nostræ dogmata petuntur, probantur ac deducuntur, atque ad eam omnis disputatio theologica, quæ sub lumine fit revelationis ac fidei, tanquam ad fontem & centrum suum reducit, in eaq; tandem, quum ulterius progredi altiusq; ascendere nequeat, merito subsistit. *Neg;* vero *unum*, sed duplex est illorum principium, Scriptura & Consensus patrum primitivæ ecclesiæ, qui per V. a nato Christo proxima secula flourerunt. De quo videatur Gerh. L. de Eccles. §. 204. Nam præterquam quod res aliqua e Scripturis est probata, sæpe numero ejus probatio vel confirmatio etiam ex Ecclesiæ Patribus arcessitur, e.g. quando nobis lis movetur de pœdobaptismo, solemus provocare ad Ecclesiam christianam veterem, atque sic fere argumentari: Q. Patres primitivæ ecclesiæ, unanimi consensu docuerunt, illud utique verum est. Infantes quoque baptizandos esse, Patres primitivæ ecclesiæ, unanimi consensu docuerunt. E. Vbi sane major propositio est principium eductæ inde conclusionis, sub quo & facta subsumtio. Notandum vero, quando consensus Patrum, principium dicitur, id non capiendum esse de principio principali & primario, quod Scripturam S. esse diximus, ac perpetuo confitemur; sed de principio minus principali & secundario, vel subordinato, quod a Menzero in Exeg. epilogi A. C. p. 362. *testimonium secundarium*



um, ab Hunnio & Gerhardo *argumentum*, a Chemnitio *fundamentum*, ab Höpfnero in Saxon. Evang. p. 185. *instrumentum* & *regula* dicitur; adeoque non univoce in distinctione illa vocabulum principii sumi, sed analogice: atque hanc differentiam porro inter duo illa intercedere, quod principale principium fidem divinam pariat, secundarium vero fidem tantum humanam. G. Calixt. in part. 1. Refutat. Buscheri p. 5. & seqq. F. V. Calixtus in Exercit. de Vniversalis primævæ Eccl. Auctorit. §. 26. & in Resp. ad Thef. Antisyncrētist. p. 25. Carpzov. in Isag. in LL. Symbol. p. 517.

\* *Libri symbolici Ecclesiarum Protestantium habent rationem normæ, & non habent.*

*Libri symbolici* nobis cum B. Carpzovio Isag. pag. 2. sunt confessiones publicæ, Ecclesiæ nomine ab orthodoxis viris scriptæ ac consignatæ, de certis articulis fidei, gravissimo consilio, non ut principium fidei generandæ sint, sed ut ex Scriptura explicent credenda, ab infidelium ignorantia & hæretica pravitate viva Ecclesiæ membra separant, & in una professione contineant illos, qui sub uno capite, sincero pectore militant, & ad unam etiam professionem sese obligant. Tales libri symbolici, e. g. Formula Concordiæ in plurimis Protestantium Ecclesiis, Corpus Julium apud Brunsvico-Lunæburgenses, Corpus Prutenicum in Borussia, & Dodecas. Scriptorum Theologorum apud Norimbergenses recepta, *habent rationem normæ*, ac dicuntur Normales (quemadmodum in præfat. libri Concordiæ dicitur, in eo esse sanioris doctrinæ normam) *non* absolute & simpliciter, quasi non detur norma superior & certior, videl. Scriptura sacra, neque ad hanc liceat provocare: contrarium enim disertis verbis docetur in illis ipsius libris, & patescit clarissime ex sapientissimi  
Magi-



Magistratus Norimbergensis Decreto, mense Martio anni 1573. promulgato; sed certo respectu, & in ordine ad dogmata & formulas loquendi, quia Ministri ejus Ecclesiæ, ubi tales libri normales sunt propositi & recepti, ad illos potissimum, & præ aliis humana opera consignatis scriptis, conformari debent. Neque etiã symbolici isti libri, quando ad regulam Scripturæ diriguntur & examinantur, normæ rationem amittunt: nam sæpe in disciplinis usu venit, ut aliquid respectu unius sit norma, & causa cognoscendi & assentiendi, respectu vero alterius & superioris aut dignioris principii, normatum. Bechm. Annotat. uber. in Comp. Theol. B. Hutteri p. 54. Carpzov. Isag. p. 5. & Joh. Conr. Dürr. in Isag. in libb. Norm. Eccles. Norimb. p. 29. ac Form. Conc. sub initium Declar. de Forma dijud. Controvers. p. 632.

*\* Symbolum Apostolicum, non est Apostolorum.*

Communis quidem & vetus est sententia, Symbolum, quod appellatur Apostolicum, sic dici ab Apostolis, quos habeat auctores: sed dudum observârunt viri docti non tantum ex Reformatis, ut Perkinsius, Perkerus, Chamier, G. J. Vossius, Pithæus, Usserius, Rivetus, Voetius, verum, etiam ex Nostratibus, Brentius, Forsterus, Lyserus, Meisnerus, Waltherus, Dannhauerus, Calixtus, & Calovius (qui omnes ita allegantur a Carpzovio, Isag. p. 40. & 48. ut & ipse illis adstipuletur) non ipsos Apostolos illud confecisse, quia (1) Historia Apostolica & Epistolæ Apostolicæ nihil de eo memorant. (2) Historia Ecclesiastica plane tacet. (3) Non ex orientali solum Ecclesia, sed etiam ex occidentali ante 400. annum non potest ostendi forma symboli hujus, quæ tam quoad verba, quam quoad seriem & ordinem articulorum concordaret. Et (4) ruinoso fundamento nituntur, aliter qui sentiunt. Interim *Apostolicum* dicitur,



dicatur, non tantum ratione materiæ & objecti, quia doctrinam apostolicam *ὡς ἐν ᾧ* continet, & præ aliis symbolis, etiam verbis gaudet Apostolorum, sed & quia ab apostolicis viris si non ex oralibus Apostolorum concionibus, certe ex eorum scriptis confectum fuit, nihilque aliud a viris illis apostolicis præstitum, quam quod verba & doctrinam Apostolorum in ordinem symboli redigerent, atque ad sequentes ætates propagarent. Et hoc symbolum a B. Dieterico rectissime *summa evangelii* in Instit. Catech. p. 60. dicitur, atque sic definitur: *Symbolum Apostolicum est brevis & summaria omnium christianæ fidei & religionis articulorum formula, qua Ecclesia ejusque membra se ab aliis sedis discernunt.* pag. 259. Legi quoque de præsentemateria meretur Rechenbergii Appendix Tripart. ad Libb. Eccl. Luth. Symbol. c. 8. p. 40. & Bechm. Annot. Uber. in Compend. theol. Hutteri p. 50.

*Nec Athanasianum, Athanasii.*

Negare quidem nec volumus, nec debemus, multos Nostratum symbolum Athanasianum ipsi S. Athanasio, Ecclesiæ Alexandrinæ Ægypti Diacono, & post Alexandri obitum Episcopo, qui a Gregorio Nazianzeno in orat. fun. in laudem Athanasii hab. *orbis oculus, antistes Sacerdotum, Confessorum dux & magister, vox sublimis, fidei columen, & secunda Christi lucerna appellatur*, tanquam auctori tribuere; sed existimandum est, illud non fieri, nisi ex sententia vulgari: Alias enim incertum est, quando, & ubi symbolum hoc fuerit concinnatum; incertius, an Athanasii tempore & seculis proximis fuerit cognitum; incertissimum denique, an ipse id adornaverit Athanasius. At certum, hoc est, symbolum hoc esse antiquum, & fidem ab Athanasio professam fideliter complecti. Ut adeo propterea, quod summam Athanasianæ fidei tenet, atque ex ejus libris

Ddd

sedulo



sedulo collectum fuit, *Athanasianum* jure meritoque vocari possit. Vide Voss. Differt. II. de Symb. Carpz. Isag. p. 72. & seq. Bechm. Annot. Uber. p. 51. Sand. Nucl. Hist. Eccl. 256. & Tenzelii Judicia Erudit. de Symb. Ath. collecta.

*Johannes Baptista fuit propheta, & non fuit propheta,  
& fuit major, quam propheta.*

*Fuit Propheta*, quoniam habuit a Deo revelationes propheticas, & per Spiritum Dei novit antehac sibi ignotum Messiam; qui Dei Spiritus per ipsum etiam, ut per alios Prophetas, loquebatur. *Non fuit Propheta*, quia non prædicabat, ut reliqui Prophetæ, Christum venturum, sed præsentem digitis monstrabat. *Et fuit major, quam Propheta*, ob eandem causam, & quoniam non missus erat, ut alii Prophetæ, ad homines, sed ad Christum ipsum, ut ejus esset angelus, & proxime eum præcederet. Præcessit autem dimidio nativitatis, & officii anno. Fabric. B. Parens meus in MS.

*Judæi traditione, quam Scriptura, magis, & non magis usi sunt.*

*Traditio* vel significat materiam traditionum, a verbo scripto differentium, vel modum tradendi id, quod etiam scriptum est. Posteriore sensu verum est, *Judæos traditione, quam Scriptura, magis usos esse*, sicut & apud nos frequentiores sunt conciones, quam prælectiones scriptorum biblicorum. Non autem priore. Neque obstat, quod Deut. XXXII. Israëlita jubentur narrare filiis suis mysteria Domini: hæc enim sunt illa, quæ etiam scripta erant; uti patet ex Deut. XXXI, 23. 24. collato cum c. IV, 2. & interpretatione Apostoli, ad Gal. III, 10. Hülsem. c. 3. Proleg. Comment. in Jerem.

*S. Hie-*



*S. Hieronymus Jeremiæ stylo tribuit, & non tribuit  
rusticitatem aliquam.*

*S. Hieronymus prophetæ Jeremiæ stylo tribuit, ex  
mente Hebræorum, rusticitatem aliquam. Et non tribuit,  
ex sua mente. Auctor epist. dedic. Commentario Hülsem.  
in Jerem. præfixæ.*

*Consuetudo contra canones valet, & non  
valet.*

*Consuetudo rationalis valet contra canones, cum jure  
divino & naturali non conspirantes. Et non valet, irrati-  
onabilis videlicet, contra canones, juri divino & naturali  
consentientes. Stryck. ad Brunnem. Jus Eccl. l. 1. c. 3. §. 8.*

*Moses fuit, & non fuit magus.*

*Moses fuit magus, voce magi sumpta in sano sensu,  
pro sapiente, seu eo, qui in omni Ægyptiorum scientia,  
e. g. in numeris, geometria, universa musica, & occulta  
philosophia, versatissimus fuit. Qua de re consulendus  
Conring. de Hermet. Medic. c. 13. Et non fuit magus,  
in quantum hæc vox denotat hominem illicita & diaboli-  
ca magia pollutum, & clandestinis artibus omnia perfici-  
entem. Cujus quidem vir sanctissimus inique poscitur,  
a Plinio, Apuleio, Justino, aliisque scriptoribus ethnicis.  
Drechsler. de Mose, Sect. 2. c. 6.*

*Talmud est, & non est antiquius Christo.*

*Talmud est antiquius Christo, quoad doctrinam inibi  
contentam. Et non est antiquius Christo, ratione scri-  
ptionis seu collectionis: nam Mischna a R. Jehuda Sancto  
200. circiter, & Gemara a Raf Aste, 400. post Christum  
natum annis continuata est. Grellet, in præfat. Prodromi  
in Apoc. p. 18.*

Ddd 2

Talmud



*Talmud continet, & non continet fabulas & blasphemias.*

*Talmud*, pro Gemara, imprimis Babylonica, sumtum, vel pro Mischna & Gemara simul, *continet fabulas & blasphemias*: & non continet, si pro sola Mischna accipitur. Wagenf. in ep. ad Joh. Fecht. p. 127. Adde Henr. Mühl. Apolog. pro stud. Talmud. & de ea Actor. Eruditor. Supplem. p. 320.

*Editio Hexaplorum Origenis erat, & non erat pura.*

*Hexapla Origenis* vocatur codex biblicus, in quo adamantius & χαλκέντε & ille sex columnas constituit, & in prima collocavit textum Hebraicum suis literis, in secunda eundem, sed literis Græcis, in tertia & reliquis versiones Græcas IV. videlicet Aquilæ, Symmachi, LXX. & Theodotionis. Quemadmodum *Octapla* ex iisdem, cum duabus aliis versionibus, Hierichuntina nempe & Nicopolitana. Quarum illam *Quintam*, hanc *Sextam* appellavit Origenes. *Tetrapla* autem, quæ Hexaplis tempore posteriora erant, ex quatuor primis, quas diximus versionibus Græcis, ut Aquilæ, Symmachi, LXX. & Theodotionis, formabantur. Qua de re legendus Hotting. Thes. Philol. p. 288. & imprimis Huet. l. 3. Origenian. sect. IV. p. 255. Ista igitur *Origenis Hexaplorum editio erat pura*, quia veritas versionis LXX. Interpretum in ea continebatur: & non erat pura propterea, quod multa ex Theodotione aliisque interpretibus habebat immixta, quæ Alexandrinus Doctor asteriscis notavit. Vales. in epist. ad J. Usser. de LXX. Interpp. vers. p. 314.

*Exemplar Aug. Confess. quod A. 1531. Wittebergæ in 4. prodiit, est, & non est purum.*

*Exemplar Aug. Conf. quod A. 1531. Wittebergæ in 4. prodiit,*



*prodiit, est purum*, quia quoad rem & sensum nulla ei inest corruptio, vel discrepantia a prototypo. Unde & Protestantes A. 1561. ei subscripserunt in Conventu Naumburgensi, & Ferdinando Imp. id exhibuerunt. *Non vero est purum*, quia in eo variatio quædam est quoad verba, sed quæ ipsi tamen instrumento nihil quidquam præjudicat. Hinc iidem Protestantes in subscriptione clausulam adhibuerunt expressam, non alia ratione se illi subscribere, scriptumque exhibere, quam *prout, & in quantum* cum instrumento ipso (cujus copia tunc temporis destituebantur) conveniret. Carpzov. Isag. in LL. Symbol. p. 121.

*Datur, & non datur notitia Dei insita.*

Per *notitiam Dei* intelligitur heic illa notitia, quam *De Deo.* homines de Deo habent, agnoscetes, Deum esse vel existere. Talis *Dei notitia*, eaque *insita, datur*, quia intellectui hominis, simul ac ille terminos hujus propositionis, *Deus est*, apprehendit, citra discursum inest, non aliter ac si cum ipsa natura ei actu implantata, insita, atque impressa esset. *Non vero datur*, ita videlicet, ut cognitio Dei actualis, aut species expressa, homini per naturam ante, rationis usum insit. J. Mus. Introd. in Theol. c. 2. §. 19. & in Ausführ. Erklär. p. 151.

*Eaque DEI notitia est, & non est habitualis.*

*Dei notitia*, quam diximus insitam, *habitualis est*, si per habitualement notitiam intelligitur perfectio seu lux quædam, ante species impressas ullas intellectui innata, & habitui ἀνάλογος, qua intellectus potens, vel in potentia propinqua constituitur ad actus cognoscendi per se immediate, & citra ullam aliunde assumptam rationem cognoscendi, eliciendos. *Non vero est habitualis*, quia non con-

Ddd 3

stat



stat speciebus impressis, interque se bene coordinatis & dispositis: (tales enim species impressæ non sunt nobis ingentæ) adeoque perfectio illa nobis indita, *dispositio* potius, quam habitus proprie dictus, vocari potest ac debet. Ibid. Confer tamen etiam pag. 189. Comp. Baj. & Scherz. in Breviar. Hülsem, c. 2. p. 85.

*Deum esse, est, & non est articulus fidei.*

Ad explicationem thesios hujus facit distinctio articulorum fidei in puros & mixtos. *Puri* dicuntur, qui unice ex revelatione divina peculiari cognoscuntur, ut articulus de Filio Dei, & similes alii. *Mixti*, qui non solum ex revelatione, sed & ex lumine naturæ innotescunt. Jam ergo dicimus: *Deum esse, est articulus fidei* mixtus, quia hanc notitiam non tantum ex Scriptura habemus, sed etiam ex luce illa, quæ mentibus nostris inde a prima nostri origine indita, & ut ita loquar, infusa est: unde non tantum credimus, Deum esse, verum etiam scimus. *Non est* autem articulus fidei purus, eo quod Deum esse, non ex sola ipsius revelatione nobis constat. Klotz. Theol. Nat. disp. III. §. 17. Joh. Meish. Comp. Theol. disp. II. & F. U. Calixt. Demonstrat. liquidiss. p. 46.

*Essentia divina est, & non est individua.*

*Essentia divina*, per quam (ut habetur in Comp. Bajer p. 190.) intelligitur illud, quod primo in Deo concipitur, & per quod Deus ab aliis rebus omnibus adæquate distinguitur, quodque nostro concipiendi modo principium & radix est omnium perfectionum, quæ Deo per modum proprietatum tribuuntur, *est individua*, late & Grammaticè accepto hoc termino, quia non est corporea & divisibilis: Et *non est individua*, eodem strictè & logice sumto, pro eo, quod est incommunicabile. Nam essentiam divinam tribus



bus personis communicatam esse, Ecclesiæ christianæ credunt. Priore sensu auctor Apologiæ Aug. Confess. statim in initio, essentiam divinam appellat *individuum*. Scherz. System. Theol. p. 38.

\* *Deus potest, & non potest definiri.*

*Deus potest definiri*, non quod logica definitio, quæ per verum genus & differentiam fit, ei competat, sed quia præeunte ipsa Scriptura, prædicata quædam communia & specialia de eo enunciantur, habentia se, ut genus & differentia: quæ tamen isto nomine dicta nullam realem compositionem important, cum denominationes hujusmodi formaliter sint in intellectu, nec obstant infinitati Dei; siquidem *definiri* in præsentī non est finiri, sed secundum essentiam & quidditatem, in quantum illa in verbo revelata est, cognosci. Quæ fere verba sunt Parentis mei in Syst. Theol. p. 50. Qua ratione & Mart. Chemnit. in LL. Theol. L. de Deo c. 2. p. 25. Nos, inquit, in *investiganda definitione non scrutamur illa arcana essentiae & voluntatis DEI, quæ nobis ignota esse voluit: sed ex patefactione ipsius Dei colligimus brevem summam, quantum nobis in verbo suo de sua essentia & voluntate revelavit. Et quia omnino vult Deus ita cognosci & invocari, sicut se patefecit, tenenda est aliqua descriptio Dei, ad quam mens in invocatione se referat. Nihil enim aliud est adoratio, quam confessio, tribuens illi essentiae, quam in invocatione alloquimur, omnia illa attributa, quæ in definitione ponuntur. Sed & non potest definiri*, si vocabulum definitionis stricte, &, ut Augustinus loquitur, proprie accipitur, ob duplicem hanc rationem, 1. quia immensus est; 2. quia quid ejus essentia & natura sit, homo in hac vita perfecte nosse non potest, perfectius sine dubio cogniturus in altera vita, dum Deus interim unus & solus eam perfectissima notitia assequitur, atque



atque comprehendit. Hinc Augustini lib. de Cognit. ver. vitæ c. 7. dictum: *Summus Spiritus, sicut a nullo intellectu valet proprie cogitari: ita nulla definitione poterit proprie definiri vel determinari.* Adde Dieter. Inst. Catech. p. 262.

*Deus nulli legi subjectus est, & tamen lege naturæ suæ tenetur.*

*Deus nulli legi proprie sic dictæ, h. e. a Superiore latæ, subjectus est, quum talis subjectio majestati ejus repugnet.* Attamen lege naturæ suæ tenetur, ita ut contra naturalem suam bonitatem, justitiam, & reliqua attributa, quæ ipsi quasi lex sunt, agere nequeat: *Ipse enim se negare non potest*, ut Paulus scribit in 2. ad Timoth. II, 13. Cum quo loco conferendum est, quod Servator dicit Matth. X, 33. & Mar. IIX, 38. Exempli gratia: Deus ex lege naturæ suæ, h. e. naturalis suæ bonitatis, non potest nobis, quippe creaturis suis, & quidem ad imaginem suam conditis, aut male, aut nihil omnino velle. Ergo saltem aliquo modo nobis omnibus bene velle, ex se ipse tenetur: licet interim inæqualiter, pro sapientia & libertate suâ, hanc suam erga nos benevolentiam dispenset. Itaque in Scriptura S. dicitur *bonus esse universis*, Ps. CXLV, 9. *etiam malis & injustis*, saltem in hoc seculo, Matth. V, 45. Neque vero natura Dei aliter ferre potest: Omne enim bonum a se creatum Deus naturaliter amat, præsertim vero imaginem suam. Et proinde in quibus hanc videt, eis non potest non ea saltem velle bona, quæ ipsis ad finem, a se ipso propositum, omnino necessaria esse novit. Fabric. System. Theol. 333. Bajer. Comp. 222. & C. Vorst. part. I. Amicæ Duplicat. ad J. Piscat. Apologet. resp. p. 295.

*Deus est, & non est corporeus.*

*Deus est corporeus, si vocabulum corpus sumitur pro vera*



vera & solida substantia, quæ inani phantasmati & umbratili accidenti opponitur. Quo sensu adhibetur ad Col. II. 17. & ad Heb. X. 1. Atque ita etiam Tertullianus lib. adv. Prax. c. 7. Deum appellavit *corporeum*: nam in lib. de Trinit. negat, eum membra habere effigiata, ac saltem invisibile ei corpus tribuit: nec aliter hoc accipit, quam pro substantia, lib. adv. Hermog. c. 35. inque oppositione ad *φάντασμα*, & nihilum, lib. de Anima c. 7. hoc unum intendens, Deum habere essentiam veram, realem, nec umbratilem. *Et non est corporeus*, proprie & stricte, quatenus corpus spiritui opponitur, sed potius ipse est & dicitur *spiritus*, id est, essentia spiritualis, sine mole corporea. Joh. IV, 24. Brochm. L. de Deo 122. & Fabric. System. 53.

*DEUS in hac vita videri potest, & non potest.*

Visus vel proprie capitur, videlicet de corpore, vel improprie, ut de cognitione. Quando igitur dicitur, *Deum in hac vita videri posse*, intelligendum id est de visu improprie dicto, seu de cognitione Dei vel majore vel minore, quam in hac etiam vita consequi licet. *Et non potest videri*, proprie, oculisque corporeis. Hinc etiam *ἀόρατος* *invisibilis* dicitur, I. ad Tim. I, 17. Faciunt huc, quæ commentatur Jac. Cappellus ad cap. XII. 14. epistolæ ad Hebræos: *Si proprie loqui velimus*, Deum nemo videt, Joh. I. 18. *siquidem visus de corpore proprie dicitur. Sed comparate figurateq; diceris ea videre* 1. *quæ melius nosti, quam alius; puta, si pictum hominem videas, melius ejus formam concipis, quam si verbis multis ea tibi describatur.* 2. *Melius adhuc, si videas eum in speculo.* 3. *Κρυπτός* adhuc diceris aliquem videre, si videas eum sine speculo, utut ambulanti, a tergo. 4. *Multo magis, si faciem ejus in bono lumine collocatam, oculo sano contempleris. Hic est perfectissimus aut maxime*

Eee

pro-



proprius cognoscendi modus. Eadem analogia patet in variis notitiæ Dei speciebus observari, & ita quidem, ut cum affecuti sumus supremum notitiæ Dei gradum, cujus creatura mera,  $\psi\lambda\omicron\varsigma\ \alpha\upsilon\theta\epsilon\omega\varsigma$ , capax est, tum demum dicamur Deum videre a facie ad faciem, 1. ad Cor. XIII. 8. Sic Israëlita cum quovis alio populo comparati dicuntur Deum vidisse facie ad faciem, Deut. V. 4. Num. XIV. 14. & Moses cum quovis alio viatore comparatus, Num. XII. 6. Deut. XXXIV. 10. cum tamen ei diserte dicatur Exod. XXXIII. 20. 23. Non poteris videre faciem meam.

\* *Deus potest, & non potest depingi.*

*Potest depingi*, prout se in verbo suo manifestavit, e. g. Deus Pater sub imagine senis, juxta Dan. VII, 9. aut viri folio insidentis, quo modo eum vidit Esaias, & ipse narrat c. VI, 1. Spiritus S. in specie columbæ, qua apparuit in baptismo Christi, Matth. III, 16. De Christo, qui verus homo est, quin in assumpta humana natura depingi possit, nullum est dubium. At vero *non potest* depingi in essentia & natura sua, quia est spiritus invisibilis, & infinitus, sicut dicitur Joh. IV, 24. Rom. I, 20. & 1. Reg. VIII, 27. Atq; huc spectant gravissimæ prohibitiones de non faciendâ Dei imagine, Deut. IV, 15. 18. & Esa. XL, 18. Vid. Helvic. in Vindicat. Locor. S. Script. V. T. p. 243.

\* *Solus DEUS, & non solus DEUS est bonus.*

*Solus DEUS est bonus*, καὶ ἐξοχὴν & eminentissime, ac per essentiam, ita ut bonitatem suam non habeat ab alio, nec talem, quæ accidentibus sit perficienda. *Non solus autem est bonus*, quia etiam in creaturis bonitas reperitur, a Deo collata, sicut dicitur: *Omnis creatura DEI bona est*, 1. Tim. IV, 4. Confer Gen. I, ult. Pl. CXXV, 4. Matth. XII,



XII, 35. Act. XI, 24. Quo pertinet illud Augustini: *Omnis creatura, in quantum est, bona est.* Idem in epist. 54. ad Macedonium Judicem scribit: *Deus singulariter bonus est, & hoc amittere non potest: Nullius enim boni participatione, bonus est; quoniam bonum, quo bonus est, ipse sibi est: homo autem, cum bonus est, ab illo bonus est, quod a se ipso esse non potest. Illius enim spiritu boni fiunt, quicunque fiunt, cujus capax creata est nostra natura per propriam voluntatem. Pertinet ergo ad nos, ut boni simus, accipere & habere, quod dat, qui de suo bonus est: quo quisque neglecto, de suo malus est.*

\* *Deus ubique est, & nusquam.*

*Ubique est, essentia, & quatenus præsentissima sua potentia omnia continet. Nusquam est, quatenus a nullo loco continetur, nec circumscribitur: intra cuncta non inclusus, extra cuncta non exclusus.* Adscribere hisce placet verba S. Augustini, quæ reperiuntur in ep. 57. ad Dardan. p. 282. *Non per spatia locorum, quasi mole diffusa, ita ut in dimidio mundi corpore sit dimidius, & in alio dimidio dimidius, atque ita per totum totus; sed in solo cælo totus, & in sola terra totus, & in cælo & in terra totus, & nullo contentus loco, sed in se ipso ubique totus.* Raupp. de Deo & Attrib. Div. p. 35. & Gerh. L. cod. §. 183.

\* *DEUS est immutabilis, & tamen agit liberrime.*

*DEUS est immutabilis, ratione voluntatis suæ, in sensu, ut in scholis loquimur, composito, h. e. si actuali volitione se ad rem aliquam determinavit, immutabiliter in re illa persistit, nec quicquam retractat, sicut ipse dicit Mal. III, 6. Ego Dominus non mutator.* Unde & consilium ejus dicitur *ausus est*, Hebr. IV, 17. Idem tamen etiam liberrime agit, quoniam id, in quo voluntatem tenet immutabilem, libere

Eee 2

statuit,



statuit, ita ut potuerit non statuere, vel aliter statuere. Quodsi mutaret sententiam, non propterea liberior esset, aut diceretur, sed varius & inconstans: sicut & quivis homo, quando a proposito suo non recedit, habet voluntatem immutabilem in sensu composito, & manet nihilominus ens liberum, quia libere ad illud accessit, atque ita sibi proposuit; varius autem, inconstans, atque mutabilis audiret, non liberior, si propositum mutaret ac desereret. Vid. Parens meus in Syst. Theol. p. 71.

\* *DEUS novit successiva, sed non successive.*

*DEUS novit successiva*, seu ea, quorum unum post alterum fit aut contingit: *novit enim omnia*, uti Johannes scribit 1. ep. III, 20. & est *Deus scientiarum*, 1. Sam. II, 3. *sed illa non novit successive*, unum post alterum percipiendo: sic enim in eo daretur pluralitas intellectuum, quæ cum simplicitate intellectus divinæ stare non potest. Neque obstat, eorum, quæ novit, alia esse præsentia, alia præterita, alia futura. Nam, ut Henr. Müller in Theol. Schol. §. 139. scribit, *in scientia divina secundum se non est vel præteritum, vel futurum, sed tantum per denominationem extrinsecam temporum illi coexistentium.* Ita ergo si consideremus scientiam DEI in sua aternitate, nihil in ea mutatur, nihil est præteritum, aut futurum, sed idem semper intuetur. Tametsi in rebus videt successionem, & in ordine ad temporalem durationem, videt nunc, rem esse præteritam, & antea, fuisse futuram; ipse tamen semper eam intuetur eodem modo.

*Cælum DEI est, & non est idem cum cælo beatorum.*

*Cælum DEI, est idem cum cælo beatorum, si consideratur*



ratur, ut  $\pi\delta$  & spatium quoddam, quod velut sedes Dei ac beatorum est, ubi se Deus gloriose beatis conspiciendum exhibet. Hinc Christus ait Joh. XIV, 2. 3. *In domo Patris mei habitationes multæ sunt: alioqui* (id est, ut Syrus explicat, si non ita esset) *dixissem vobis. Proficiscor paraturus vobis locum: & quum profectus fuero, & para vobis locum, rursum veniam, & assumam vos ad me ipsum, ut, ubi ero ego, & vos sitis.* Idem tamen non est idem cum cælo beatorum, sed diversum, prout statum, & conditionem notat: Sic enim Deus *lucem habitat inaccessam*, 1. ad Tim. VI, 16. *& æternitatem*, quæ non tantum fine caret, sed & principio, Esa. LVII, 15. vel 19. Qua ratione sedes beatorum non describitur. Joh. Gerh. L. de Vita æterna §. 36.

*Cælo Dei etiam diaboli continentur, & non continentur.*

*Cælo Dei* interdum notatur omnipotens ac gloriosum Dei regnum, quo ille omnes creaturas sibi subjectas habet, ac potenter gubernat, atque in eo ubivis maiestatem suam exerit; & hinc appellatur *majestaticum*: interdum sedes beatorum, vel gaudium, felicitas cœlestis & status beatitudinis. *Allo etiam diaboli*, (si cum vulgo loqui licet: Sacra enim scriptura voce hac tantum in singulari utitur) seu dæmones, malique spiritus, *continentur*, utpote regimine Dei non exclusi; hoc autem *non continentur*, sed detru- sos in tartarum catenis caliginis tradidit, damnationi servatos. 2. Pet. II, 4. & in epist. Judæ v. 6. Æg. Hunn. L. de Sacram. c. 14. p. 1196. Tomi I. Operum.

*Essentia divina generat, & non generat.*

Essentia divina dupliciter considerari potest, (1) absolute, uti communis est tribus personis; (2) relate ac determinate, prout est in una aliqua persona Trinitatis. *Essen-*

Ecc 3

tia



*tia* igitur *divina generat*, spectata relate ac determinate, atque ut competit primæ personæ, seu Patri. Quo sensu Lutherus aliquando locutus est, sine causa propterea vapulans a Forero. *Non autem generat*, absolute considerata, & ut omnibus tribus personis inest. Sic etiam dici potest: *Natura divina*, ut hypostasi ἡ λόγος determinata, *est incarnata*; & *non est incarnata*, in quantum communis est tribus personis. Carpz. Ifag. in Libb. Symbol. p. 779.

*Præsentia DEI recipit, & non recipit gradus.*

*Præsentia Dei*, quatenus efficacem Dei operationem extra se in creaturis importat, *recipit gradus*, seu magis & minus. Sic DEUS dicitur *venire* ad pios, iisque *prope esse*, *recedere* autem ab impiis, Joh. XIV. 15. Ps. CXLV. 18. 1. Sam. XVI. 15. Qui locus conferatur cum cap. XV. 26. *Et non recipit gradus*, si in se & absolute consideratur. Sic enim DEUS, ob immensitatem suam, æque præsens est omnibus creaturis. Baj. Comp. Theol. p. 199.

*Αγεννησία est, & non est notio Patris.*

*Αγεννησία* seu *Innascibilitas est* personalis *notio DEI Patris*: ea enim Pater nobis innotescit, & a duabus reliquis personis distinguitur, in quantum illa negat originem ab alio, quæ sit vel per generationem, vel per spirationem. *Et non est notio Patris*, ut tantum negat originem per generationem. Sic enim etiam tribui posset Spiritui S. quippe qui spiratus est ac processit a Patre & Filio, ut Latina confiteretur Ecclesia, sed non genitus. Unde in Dialogo I. de S. Trinit. apud Athanas. infertur: *Itaq; ingenum esse, non est proprium Patris*. Dannh. Hodosoph. p. 186. & Scherz. System. p. 63.

*Essen-*



*Essentia divina est, & non est bonitas & iustitia DEI.*

*Essentia divina est bonitas & iustitia Dei, in sensu identico, quia attributa divina prædicantur de divina essentia & de se in sensu identico, cum ex parte rei idem sint, cum essentia, & inter se. Et non est bonitas & iustitia Dei, in sensu formali. Sic enim e contrario dicere possum: Bonitas Dei non est iustitia Dei, quia tanquam formæ distinctæ a nobis concipiuntur. Fabric. System. p. 79.*

*Æternitas Dei coëxistit, & non coëxistit omnibus temporis differentiis.*

*Æternitas DEI, juxta Boëthium lib. 5. de Consolat. philos. prof. VI. est interminabilis vitæ tota simul & perfectæ possessio, vel, secundum alios, duratio interminabilis, indivisibilis, & independens. Atque hæc dicitur coëxistere omnibus temporis differentiis, præterito, præsentī, & futuro, in quantum singulæ seorsum sumuntur, & sibi mutuo succedunt, e. g. hodie coëxistit æternitas hodierno diei, cras crastino, sicut hesterno heri coëxistit. Non autem coëxistit illis simul existentibus, seu quasi illæ simul possent aut deberent existere. Quemadmodum si cælum dicitur coëxistere hominibus, qui inde a condito mundo vixerunt, vivunt, & victuri sunt, non inferre licet, illos omnes junctim & simul vivere, aut ita vivere debere. Broehm. ibid. p. 127.*

*Attributa DEI differunt, & non differunt ab ejus essentia.*

*Attributa Dei differunt ab ipsius essentia formaliter, & juxta nostrum concipiendi modum: nam Dei attributa dicuntur perfectiones, quæ essentiam Dei, seu id, quod primo*

mo



mo in Deo concipimus, nostro modo intelligendi consequuntur, atque ita Deo per modum formarum adjacentium tribuuntur, licet revera non sint accidentia, quæ dicuntur prædicamentalia. Distinguuntur autem ab essentia divina pariter & inter se, propter infinitam Dei perfectionem. *Et non differunt ab ipsius essentia realiter*: alioqui realis in Deo foret compositio, ex subjecto videlicet & accidentibus; qualem non admittit summa Dei simplicitas. Fabric. in System 78. & Bajer. Comp. 191.

*Essentia divina est universale, tres autem personæ individua, & non sunt.*

*Essentia divina est universale*, & nominatim species, personæ autem tres, individua, ut appellat Damascenus lib. 3. de Orthod. fid. c. 4. & 6. Sed id intelligendum secundum similitudinem aliquam, eo quod natura divina, juxta modum prædicandi, sic fere communis est inferioribus sive individuis suis. Nam uti dico: Abraham est homo, Isaac est homo, Jacob est homo, nec hi tres differunt specie, sed eatenus unum sunt; ita pariter dico: Pater est Deus, Filius est Deus, & Spiritus S. est Deus, & hi tres in Deitate suaviter conveniunt, nec discrepant. Sed *& non sunt*, quia species illa divina non potest multiplicari in suis individuis, nec tria individua dici tres Dii, sicuti de Abrahamo tamen, Isaaco & Jacobo dicere possum, eos tres esse homines. Petr. Lombard. lib. I. Sentent. dist. 19. & Fabric. System. Theol. p. 88.

\* *Sunt, & non sunt tres omnipotentes.*

*Tres sunt omnipotentes*, quoniam omnipotentia æque competit Filio, & Spiritui S. ac Patri. *Ast non sunt tres omnipotentes*, ita, ut quælibet personarum divinarum peculiarem habeat essentiam vel substantiam. Atque hæc est



est fides catholica, in symbolo Athanasiano expressa, ubi inter alia dicitur: *Omnipotens Pater, omnipotens Filius, omnipotens Spiritus S.* Et tamen non tres omnipotentes, sed unus omnipotens. Cur? quia, ut in præcedentibus Auctor Symboli loquebatur, *neque confundendæ sunt personæ, neque substantia separanda, cum alia sit persona Patris, alia Filii, alia Spiritus S. sed Patris, & Filii, & Spiritus S. una divinitas, æqualis gloria, coæterna majestas.* Cui plane similia docet S. Augustinus lib. XI. de C. D. c. 24. *Hoc totum,* inquit, *& Trinitas sit propter proprietatem personarum, & unus Deus propter inseparabilem omnipotentiam: ita tamen, ut etiam cum de singulis quæritur, unusquisque eorum & Deus, & omnipotens esse respondeatur: cum vero de omnibus simul, non tres Dii vel tres omnipotentes, sed unus Deus omnipotens: tanta ibi est in tribus inseparabilis unitas, quia sic se voluit prædicari.*

*S. Trinitatis doctrina sufficienter, & non sufficienter in SS. literis revelata est.*

*S. Trinitatis doctrina, pro fide, & ad ejus instructionem, sufficienter in SS. literis revelata est, ita ut ad eam nulla opus sit traditio, sed ejus notitiam ex illis solis petere liceat.* Eadem vero non sufficienter ibidem revelata est, ad omnes Scholarum quæstiones & disceptationes, quæ de illa moventur, decidendas aut præscindendas. Hæc enim Scriptura non est data, nec dari eam oportuit. Hæc itaque traditione opus esse fatemur, non quidem ad fidem mysterii, attamen ad consensum Antiquitatis, & dictorum de eo agentium similem cum nostra explicationem ostendendam, & deducendam, Mart. Chemnit. P. I. Exam. Conc. Trid. p. 65. & seqq.

Fff

Dogma



*Dogma de Trinitate, potest, & non potest ex naturæ lumine probari.*

Enim vero probatur aliquid *ex lumine naturæ* vel solide & plene, vel obiter duntaxat, secundum similitudinem, & vacillanter, illustrando magis, quam confirmando & demonstrando. Posteriore hoc modo *dogma de Trinitate, potest inde probari; non autem priore.* Et congruentiæ illæ naturales, atque analogia rerum creatarum, cum hoc mysterio, non divinam fidem, sed opinionem tantum humanam generant. Hülsem. prælect. in Form. Conc. p. 257.

\* *Pater cogitando genuit, & non genuit cogitando Filium.*

Utrumque dici potest in sano sensu. Nempe *Pater cogitando genuit Filium*, juxta opinionem non tantum Philippi Melanchthonis in Exam. Theol. p. 795. & Defin. Theol. p. 924. 932. edit. libb. Normal. Norimb. & Lutheri in cap. 1. Gen. sed etiam SS. Patrum, Basilii & Augustini, ut scribit Wigandus in Syntagm. N. T. part. 3. item Nazianzeni & Athanasii, narrante Paulo Tarnovio in Comm. in Joh. 1. p. 108. si quis generationem divinam, alioquin ineffabilem, rudi quasi Minerva per quandam similitudinem delineare velit, ita, ut res ab omnium apprehensione & intellectu remota, duntaxat exemplo quodam, a verbo aut sermone, vel etiam cogitatione mentis nostræ petito, adumbretur. *Non autem cogitando genuit Filium*, si quis locutione hac æternæ generationis modum definire, & ad vivum quasi exprimere, eamq; ut articulum fidei aliis obtrudere audeat: est enim modus ille omnino ἀρρητός, ut S. Justinus loquitur, καὶ ὑπὲρ νοῦν, ὑπὲρ λόγον, καὶ ὑπὲρ κατάληψιν, & fatendum cum Huttero LL. Theol. p. 107. neque hanc, neque ullam



ullam aliam similitudinem mysterium generationis Filii exprimere posse, & caute atque sobrie hac etiam similitudine utendum esse: nam, ut Parens meus in Syft. Theol. p. 141. scribit, *hoc ipsum intercedit discrimen inter verbum nostrum & divinum illud, quod nostrum verbum est accidens menti inherens, adeoque divinum, & consequenter diversæ naturæ a mente, eaque producente posterius tum natura, tum tempore, quin plane inanimum & fluidum: quæ & alia hujusmodi in verbum divinum nullo modo quadrare, manifestum est.* Agnoscenda itaque est hæc dissimilitudo ei, qui similitudine illa velit uti. Unde & a Correctore librorum Normalium Eccles. Norimb. in Erratis prudenter monitum est, verba illa de generatione Filii per intellectum, *cum grano salis esse accipienda.* Vid. etiam Chemn. Judic. de Controv. quibusd. p. 8. & seqq. & Wigandi tractat. de Generatione Filii Dei.

*In divinis notiones personales sunt, & non sunt tantum duæ.*

*In divinis notiones personales, speciatim sic dictæ, & proprietatibus personalibus contradistinctæ, sunt tantum duæ, ἀγενεσία i. e. Innascibilitas, & Spiratio activa: per illam enim Pater innotescit, ut non genitus, nec procedens ab alio: per hanc vero Pater & Filius a Spiritu S. distinguuntur. Bajer. in Comp. 251. Et non sunt tantum duæ, sed quinque, latius sumta voce notionis, & connumeratis proprietatibus personalibus, quarum tres sunt: Paternitas, Filiatio, & Processio stricte sic dictæ, seu Spiratio passiva, Fabric. Syft. Theol. 125.*

*Filius DEI semper gignitur, & semper natus est.*

*Filius DEI semper gignitur, quia in immutabili æternitate perpetuo, absque successione & innovatione ac fine,*  
Fff 2 a Patre



a Patre generatur. Ad quod indicandum dicit Pater æternus in Pl. II, 7. *Ego hodie genui, vel gigno, te.* Ut adeo generationis illius actus sit indefinens, & hac ratione Filius Dei dici queat semper nasci, sed citra imperfectiorem; sicut radii solares semper & incessanter, nec imperfecte tamen, generantur & emanant. Vnde apud Augustinum legimus: *Semper gignit Pater, & semper nascitur Filius.* epist. 174. Sed *& semper natus est*; ob permanentiam æternitatis, & perfectionem geniti. Et hæc locutio magis, quam illa probatur Thomæ Aquinati, & dicto Psalmi allegato etiam est convenientior. Fabric. System. 132.

*In Trinitate est alius & alius, non vero aliud, & aliud.*

Propositio hæc est Gregorii Nazianzeni in ep. ad Cleodonium, seu orat. 51. Nimirum est *alius & alius*, quoniam una persona differt a reliquis; *Non vero aliud & aliud*, quum tria illa divinitatem habeant communem. Cui effato Scriptura S. adstipulatur, testans, *Filium alium esse a Patre & Spiritu S.* Joh. XIV. 16. & *tres illos esse unum*, videlicet quoad essentiam, & sic non aliud atque aliud, I. Joh. V, 7. Fabric. Syst. Theol. p. 124.

\* *Mundus in tempore est, & non est factus.*

De Creatione.

*Mundus*, sive systema omnium rerum a Deo conditarum, *factus est in tempore*, in sensu negativo, quia non est conditus ab æterno. *Non autem factus est in tempore*, positive accepto hoc termino, sed potius una cum tempore, quia tempus non existit, antequam fieret mundus, sed, cum sit duratio rerum, ei fuit concreatum. Atque ita, hac de re philosophatur ipse S. Augustinus l. XI. de C. D. c. 6.

*Si lite-*



*Si literæ sacræ, maximeque veraces, ita dicunt, in principio fecisse Deum cælum & terram, ut nihil antea fecisse intelligatur, quia hoc potius in principio fecisse diceretur, si quid fecisset ante cætera cuncta, quæ fecit, procul dubio non est mundus factus in tempore, sed cum tempore. Quod enim sit in tempore, & post aliquod sit, & ante aliquod tempus: post id, quod præteritum est; ante id, quod futurum est. Nullum autem ante mundum posset esse præteritum, quia nulla erat creatura, cujus mutabilibus motibus ageretur. Cum tempore autem factus est mundus, si in ejus conditione factus est mutabilis motus, sicut videtur se habere etiam ordo ille primorum sex vel septem dierum, in quibus mane & vespere nominantur, donec omnia, quæ his diebus fecit, sexto perficiantur die, septimoque, in magno mysterio, DEI vacatio commendetur. Hactenus Episcopus Hipponensis. Cui etiam conformiter docent Calov. in System. Theol. & Zanch. de Attrib. div. p. 90.*

*\* Mundus ex nihilo est conditus, etiam si ex nihilo nihil fiat.*

*Ex nihilo nihil fit, naturaliter, sive juxta ordinem, in natura jam creata institutum, & ab hominibus. Mundus autem ex nihilo est conditus, per summam & infinitam Dei potentiam, non quod nihilum causa fuerit materialis, unde res sint constitutæ, sed quia nulla creatura aut materia præexistit rebus conditis, quæ ad illarum constitutionem faceret. Rom. IV, 17, Ebr. XI, 3. & Exod. XX, 11. Ex nihilo igitur dicuntur res conditæ, quia simul cum omnibus suis principiis sunt productæ, sive secundum totum esse suum, vel, quod eodem recidit, secundum se totas effectæ, ut essent, quæ antea prorsus non erant, nisi in potentia, non materiæ, sed causæ efficientis. Hinc recte,*

*Fit 3*

*S. Ire-*



S. Irenæus l. 2. adv. Hær. c. 11. scribit: *Quæ impossibilia sunt apud homines, possibilia sunt apud Deum: quoniam homines quidem de nihilo non possunt aliquid facere, sed de materia subjacente. DEUS autem, quam homines, melior, eo quod materiam fabricationis suæ, cum ante non esset, ipse adinvenit.* Conf. Scherzeri Breviar. Hülsem. enucl. & auct. pag. 161.

\* *Creatio fuit actio successiva, & instantanea.*

*Successiva*, si totam mundi scenam simul spectemus, & uno complectamur intuitu. Etenim, ut ex historia creationis a Mose descripta novimus, non subito aut uno momento, sed intra sex dies mundum creare, atque perficere DEO placuit. Unde apud Mosen Gen. I. dicitur: *Sic fuit vespera, & fuit mane diei primi, secundi, tertii &c.* Ut indicetur, DEUM primo, secundo, tertio, & ceteris diebus nihil aliud fecisse, quam quæ fecisse memoratur. *Instantanea* vero, ratione singularum specierum, quippe quæ non longo temporis tractu, aut integri diei spatio, sed uno momento conditæ sunt. Quo enim momento dixit DEUS, *Fiat lux*, illico facta est. Quo momento dixit: *Esto expansum; Herbascat terra; Fiant luminaria; Producat terra animantia &c.* subito in ejus conspectu hæc singula steterunt, ita, ut volebat, absoluta. Parens meus in Syll. Th. p. 240.

\* *Creato mundi, ex natura lumine cognosci potest, & non potest.*

*Creatio mundi cognosci potest ex natura lumine*, (1.) ratione causæ efficientis. Deum enim esse auctorem vel creatorem mundi, aut, quod idem est, mundum non extitisse a se ipso, sed ab alio originem accepisse, non tantum exre-



ex revelatione verbi, verum etiam ex rationis dictamine cognosci potest. Quo pertinet dictum Augustini lib. XI. de C. D. c. 4. *Exceptis prophetis vocibus, mundus ipse ordinatissima sua mutabilitate & nobilitate, & visibilibus omnium pulcherrima specie, quodammodo tacitus, & factum se esse, & non nisi a Deo ineffabiliter atque invisibiliter magno, & ineffabiliter atque invisibiliter pulcro fieri se potuisse proclamare.* (2) Si Creationis vox sumitur γεννω̄ς, late & abstracte, pro rerum omnium a Deo productione, quocunque tandem modo, & quocunque tempore facta. (3) Ratione, potentiae productionis: nam potuisse Deum vel ab æterno, vel in tempore mundum creare, ex rationis luce non minus constare potest, quam Deum esse æternum, omnipotentem, & agens liberrimum. Sed non cognosci potest ex natura lumine, (1) si sermo est de effectu seu actione ipsa, hæc enim non cadit sub lumen rationis. (2) Si creationem sumis ειδικω̄ς, stricte, & concrete, ac formaliter; nimirum pro ejusmodi productione, quæ facta est ex nihilo, sine alteratione prævia, certo tempore, & eo modo ac ordine, quo nobis a Mose describitur: Sic enim est purus articulus fidei. (3) Si actum intelligis, quod videl. DEUS hoc & non alio tempore, nec ab æterno, & quidem ex nihilo mundum produxerit. Quod rursus non nisi fide cognoscitur, nec per naturam lumine verbi destitutam vel a priori, vel a posteriori investigari potest. Gerh. in Dispp. lrag. L. de Creat. c. 2. §. 4.

\* *Mundus potuit a DEO melior fieri, quam factus est, & non potuit.*

*Potuit melior fieri, quam factus est, quatuor modis:*  
 1. secundum quantitatem, tam continuam, quam discretam. Cæli & elementa potuerunt fieri majora, quam sunt: & potuit DEUS facere plures cælos, ac plura sidera




fidera. 2. Secundum plenitudinem & uuersitatem rerum, quia infimæ rerum species plures creari potuerunt. 3. Secundum durationem: Potuit enim ita fieri mundus & antiquior, & diuturnior. 4. Secundum perfectionem accidentalem rerum naturalium. *Non potuit* autem fieri melior, ac factus est, 1. Secundum substantialem rerum perfectionem. 2. Secundum ordinem & dispositionem partium mundi, & aliorum, quæ in eo sunt. 3. In regimine & gubernatione mundi, quæ est omnium optima. 4. Secundum proportionem & convenientiam, atque aptitudinem partium mundi inter se, & cum ipso mundo. 5. Respectu ejus finis, propter quem a DEO factus mundus. Hæc totidem verbis e Thoma Aquin. & Bonaventura, Gerh. in l.c. c. 7. §. 6.

*Cælum & terra fuere, & non fuere producta  
primo die.*

*Cælum & terra primo creationis die fuere producta*, secundum formam suam substantialem: nisi enim sic statueretur, non appareret ex Mose, quando illa tandem creata essent. *Et primo illo die non fuere producta*, quoad ipsorum distinctionem, aspectum & exornationem: nam tertio demum die ex aquis emerfit, apparuitque, & herbis, arboribus ac fruticibus vestita fuit terra; quarto autem cælum sole, luna, cæterisque stellis nobilitatum & condecoratum. Hutter. in LL. Theol. de Creat. quæst. III. p. 201.

*Dantur, & non dantur aquæ supra-  
cælestes.*

*Dantur aquæ supracælestes*, si Hebræorum more appelles  five *cælum*, quicquid supra humum elevatum est. Ita sane nubium vapores, e quibus pluvia gignitur deceditque, aquæ supracælestes vocari possunt, quo-



quoniam aëre, qui Hebræis, & ipsi etiam S. Scripturæ Gen. I. 26. 28. 30. ac Deut. IV. 15. שמים seu cælum dicitur, sunt altiores. Aut, si juxta modernorum Astronomorum & Physicorum hypothesin, intelligas eas, quæ postmodo iu lunare corpus collectæ sunt. *Et non dantur*, si illas in pure æthereo ac supra elementa posito cælo, aut supra illud contineri & servari concipias. Quo enim argumento id evinces? Theol. Jenens. Ausführ. Erkl. p. 198. Baj. in Comp. 261. T. Burnet. Tellur. Theor. Sacr. 177. Hisce addam, quod A. 1695. in hac materia ad me scripsit vir quidam clarissimus. *Dura & coacta*, inquit ille, *mibi semper est visa ea textus sacri interpretatio, quæ per aquas supracælestes, vapores & nubes intelligit, qui non nisi materia aquæ, & plerumq; remotior sunt.* Ut de vocis cæli æquivocatione nihil dicam, ac illud taceam, quod in illo firmamento seu expanso, quod cælum postea dictum, quarta die stellas quoque locatas fuisse dicitur, quas in aëre non existere palam est, ut dicendum foret, illud expansum seu firmamentum, de quo v. 6. Gen. I. sermo est, diversum fuisse ab eo, de quo v. 17. Et unde vapores ac nubes die creationis secundo, cum sol nondum esset, vaporum & nubium causa præcipua? Quo pacto etiam superiores aquæ ab inferioribus divisæ dicentur eo casu, quo vapores, nebule, nubesq; terram ipsam & maria contingunt, quod non raro accidit? Quanto planior futurus esset sensus verborum in sua proprietate retentorum, si supracælestes illæ sint aquæ, quæ postmodum in lunare corpus, ut infracælestes in corpus telluris (cum utrumque esset plenius elaboratum) collectæ sunt; uti certe indubia fere aquarum in globo lunari existentium indicia deprehenderunt Astronomi & Physici moderni, magno consensu.

Ggg

Omnia,



*Omnia, & non omnia propter hominem sunt facta.*

*Omnia, intra ambitum mundi nostri, propter hominem sunt facta, in quæ dominium utile ei a Deo concessum, juxta Gen. I, 26. 28. 29. 30. & Sir. XVII. 3. 5. Et non omnia, respectu totius universi, quæque hominis potestati subiecta esse non memorantur: nam supremos cœlos, quos ne asperimus quidem, & absentissimas stellas, quas ne cognitione quidem attingimus, nostri causa constituta & ordinata, esse, difficile sit probatu. Nec desunt intra orbis nostri limites, quæ dominium hominis nullo modo agnoscunt, ut tempestates, seu venti, pluviae, nives, grandines, & alia his similia. Unde & Theologi nostri observant, dominium, quod primus homo habuit, pertigisse ad animalia, duntaxat & universam terram, hoc est, ad sublunaria: quod enim corpora cœlestia attinet, in ea primus homo dominium nullum habuit; nec pro lubitu illis uti potuit, sed potius astris, quoad universalem eorum influxum, ut alia sublunaria, subiectus fuit. Neque obstat, quod dicitur Ps. IIX. 7. Id enim de Christo homine intelligendum, vel si de hominibus, restrictè tamen, ut sequentia indicant. Vid. Jansen, in h. l. Burnet, Tell. Sac. Theor. lib. II. c. 8. p. 234. Boyle Disquisit. de Final. rer. natural. Causis, in Actis Erudit. A. 1688. p. 492. Sam. Pufend. de I. N. & G. lib. IV. c. 3. p. 519*

*\* Angeli sunt, & non sunt in loco.*

*De Angelis.*

*Sunt in loco, late sumendo phrasin istam, & prout subdividitur per esse in loco definitive, & circumscriptive. Angeli quippe non sunt in loco circumscriptive, seu non circumscribuntur spatio aliquo externo, quia non habent corpus; sed definitive, h. e. sibi met ipsi definiunt ubi sunt, & sunt in spatio aliquo, toti in toto, & toti in qualibet parte, nec per naturam aliter alicubi esse possunt. Non sunt*



*sunt in loco*, si stricte accipias vocabulum loci, nimirum pro loco physico, qui corporis affectio esse putatur. Brochmand. L. de Ang. quæst. 4. p. 238. & Scheibl. in. Metaph. l. 2. c. 4. n. 33. & n. 85. ubi recte monet, ad præsentiam Angeli describendam rectius nominari *ubi*, quam *locum*.

*Angeli sunt, & non sunt ad imaginem DEI conditi.*

*Angeli sunt ad imaginem Dei conditi*, quatenus ratione intellectus & voluntatis eximiam cum divino Numine habebant conformitatem, præditi luce habituali, cujus beneficio cognoscerent, quæ ad finem supernaturalem consequendum proficua erant, & iustitia ac sanctitate habituali, qua omnes actiones juxta normam legis divinæ æternæ instituere valebant. *Et non sunt ad imaginem DEI conditi*, eo, quod Scriptura *et præter* non ita loquitur, si quæ imaginem DEI latius & generaliter sumas, prout præter iustitiam & sapientiam concreatam, suo ambitu etiam complectitur immortalitatem corporis, & dominium in alias creaturas: neutrum quippe horum, Angelis competere, extra dubitationis aleam est positum. Raupp. L. de Angel. p. 163.

\* *Angeli in bono confirmati non desinunt esse liberi, quamvis non possint male agere.*

Liberum arbitrium est quidem ad opposita, sed hæc opposita non sunt necessario bonum & malum, ut libertas versetur inter bene & male agere. Potest enim satis se exercere in genere boni: sicut DEUS, qui non nisi bene agit, agens nihilominus est liberrimum. Potest enim creare, & non creare. potest hoc & illo modo bonitatem suam libere

Ggg 2

com-



communicare. Quorum utrumque est bonum. Ita beati *Angeli*, qui obedientia erga DEUM & observantia sua id beneficii adepti sunt, ut *in bona voluntate sua* sint *roboreti*, adeo ut *peccare jam non possint*, suaque excidete felicitate, *possunt libere* hoc & aliud medium, inserviendi DEO & hominibus, eligere & non eligere. Quod sufficit ad arbitrii libertatem. Quæ sane eo perfectior est, quo longius abest a malo. Gerh. in L. de Creat. & Ang. §. 62. & Parens meus in Syst. p. 233.

*Angelis in Scriptura tribuitur, & non tribuitur*

*nomen יהוה*

*Nomen יהוה*, quod proprie DEI est, atque a LXX. Interpretibus per ὁ θεός redditur, in Scriptura sacra, ut Gen. XI. 7. XVI. 13. XVIII. 1. Ex. XX. 1. & alibi, *Angelis tribuitur*, quia Dei personam agunt, ejusque directam orationem referunt sicut is, qui in scena Alexandri personam induit, Alexander dici solet; vel, quod eodem recidit, quia Deus in iis apparet: quemadmodum, nulla ratione instrumenti habita, ei, qui instrumento utitur, actionem solemus tribuere. Sic Rex dicitur scripsisse aut locutus esse, quod Minister Regius, ipsius nomine, vel scripsit, vel locutus est. Unde fit, ut talis in diplomate vel epistola, non aliter loquatur, ac ipse loqueretur Rex, si calamo ad scribendum uteretur. Et Angelus eo magis, ut DEUS, loqui potest, quod inconspicui Dei vices agit. ac sæpe etiam ipse manet invisibilis. Audiamus Hieronymum in ep. ad Gal. III, 19. Quod autem, ait, lex ordinata per angelos, hoc vult intelligi, quod in omni veteri testamento, ubi Angelus primum visus refertur, & postea quasi Deus loquens inducitur, Angelus quidem vere ex ministris pluribus, quicumque sit, visus, sed in illo Mediator loquatur, qui dicat, Ego sum Deus Abraham &c. Nec mirum, si Deus loquatur in Ange-



*Angelis, cum etiam per Angelos, qui in hominibus sunt, loquatur Deus in Prophetis, dicente Aggæo, & ait Angelus, qui loquebatur in me, ac deinceps inferente: Hæc dicit Dominus omnipotens: neque enim Angelus, qui esse dictus fuerat in Propheta, ex sua persona audebat loqui. Hisce paria docet etiam Augustinus de C. D. lib. XVI. cap. 5. & 29. nec non Gregorius M. præfat. in Job. c. I. Luther. Tom. I. Isleb. p. 297. & Brent. Comment. in Ex. XIX, 16. Et non tribuitur Angelis, proprie, & prout seorsum a Deo considerantur.*

*Angeli fuerunt, & non fuerunt fide præditi.*

*Angeli fuerunt fide præditi, prout illa scientiæ evidenti contradistinguitur, cognoscentes sub ratione veri, non per evidentiam objecti, sed per auctoritatem dicentis aut revelantis Dei. Et non fuerunt fide præditi, illa videlicet, quæ Christi merito nititur, & hominum est propria. Baj. Comp. p. 298.*

*\* Dæmones necessario, & non necessario male agunt.*

*Necessario male agunt, in genere; non possunt enim, nisi male agere. At non necessario male agunt, in particulari: omnia quippe mala, quæ faciunt, non necessario faciunt; possent enim multa, quæ faciunt, non facere; & ideo non necessitate hoc & illud peccatum committunt, sed voluntate. Quemadmodum homo in servitutem peccati per lapsum præceps datus, in genere semper aliquid mali perpetrat, cum tamen hoc præ alio malum libere eligat, atque ex eo delectationem capiat. Bellarm. l. 5. de Grat. & lib. arb. c. 14. & ex eo Gerh. Dispp. Isag. L. de Lib. arb. c. 3. §. 13.*



\* *Diabolus potest facere miracula, & non potest.*

*Potest facere miracula*, late sumpta hac voce, ut nimirum idem denoter, ac mirabilia: etenim per instantaneam applicationem causarum activarum naturalium, quarum vim & operationem exactissime perspectam habet, multa mirabilia perficere potest, quæ simpliciores pro miraculis habent, quoniam illorum causas ignorant, &, quomodo fiant, oculis non vident. Adde, quod idem impostor varias oculis hominum præstigias objicere possit, ut, quod revera non vident, videre sibi persuadeant. *Non potest autem facere miracula* stricte sic dicta; hæc enim sunt opera externa solius Dei, præter & supra usitatum naturæ ordinem facta, ad nominis divini gloriam, veritatis confirmationem, & Ecclesiæ salutem. Raupp. L. de Ang. pag. 186.

*Protoplasti erant, & non erant immortales.*

*De Im-*

*gine Dei*

*Protoplasti*, ante statum peccati, erant corporibus suis *immortales*, secundum quid, quandoquidem per Dei gratiam sublata erat mors quoad necessitatem & actum moriendi. Et *non erant immortales*, absolute & simpliciter, seu quoad potentiam. Potuit homo, ut ex vero Calixtus docet in Tract. de Paetis §. 10. *ita se gerere, ut necessitatem moriendi declinaret; sed & ita se gerere potuit, ut incurreret, & potentia aliquando in actum prodiret.* Similiter Meisnerus in Anthropol. Sacra, IV. ponit modos immortalitatis. I. est *a se ipso*, & a nemine dependens. Et hoc modo solus Deus immortalitatem habet, 1. ad Tim, VI, 16. II. est *naturalis segregatio a materia*. Et hoc modo immortales sunt Angeli & Anima rationalis. III. quum *manente materia moriendi, potentia cessat*. Et hac ratione Beatorum & damnatorum corpora sunt immortalia, IV. est, quum non *ma-*  
*teria*



*materia tantum, sed & moriendi potentia remanet, ita tamen, ut nunquam ea aduetur, si homo recte se gerat. Atque ita immortales erant primi Parentes. Hinc etiam S. Augustinus lib. VI. de Gen. ad lit. c. 25. Corpus Ade, scribit, erat mortale & immortale, ex alia atque alia causa. Mortale, quia poterat mori: Immortale, quia poterat non mori. Aliud enim est, non posse mori, sicut quasdam naturas immortales creavit Deus: aliud autem est, posse non mori. Quo modo primus creatus est homo immortalis. Quod ei præstatur de ligno vitæ, non de constitutione naturæ. Mortalis ergo erat conditione corporis animalis; immortalis beneficio conditionis. Vid. Hildebr. Syst. Theol. c. 9. §. 27. Glas. in Judic. de Controv. Theol. p. 42. Zanch. de Operib. VI. dier. l. 3. c. 4. q. 1. & 2.*

*\* Imago DEI fuit, & non fuit donum naturale.*

*Imago Dei, ad quam primus homo est conditus, & sub qua etiam immortalitas corporis comprehendebatur, fuit donum naturale, si naturale dicas, quod intrinsece naturæ inhæret, aut eam reddit perfectiorem, vel cum ea in posteros transfunditur. Non autem naturale, sed potius supernaturale donum fuit, si per naturale intelligas id, quod naturam in esse suo constituit, aut ex natura constituta proxime sequitur. Sic enim docet Gerhardus in Conf. Cathol. l. 2. Part. 3. Art. 20. n. 7. p. 1372. Naturale, dicitur quinque potissimum modis. Primo constitutive, pro eo, quod ipsi naturæ dat esse. Sic naturalia homini dicuntur propria essentialia, Corpus & Anima. Secundo consecutive, pro eo, quod naturam specificam necessario consequitur, ita ut ex rei essentia, seu forma essentialiter fluat. Sic homini naturalis est risibilitas. Tertio subjective, pro eo, quod naturæ arctissime est infixum. Sic naturale est*



est quibusdam, abhorrere a caseo. Quarto perfective, pro eo, quod naturam promovet & perfectiorem reddit. Sic quibusdam naturalis est *euφuia*. Quinto transitive, pro eo, quod cum natura simul in alios propagatur. Sic generositas in liberos propagatur. Quando iustitiam primo homini naturalem fuisse dicimus, non primo vel secundo, sed tertio, quarto, & quinto sensu naturalem fuisse intelligimus, ob inhesionem scilicet, perfectionem, & propagationem. Eandem doctrinam, sed pluribus verbis proponit & Parens meus in Disp. de Imag. Dei th. 5. & seqq.

\* *Dominium in bruta fuit, & non fuit pars imaginis divine.*

Facile atque innoxium dominium in bruta, Protoplastis concessum, fuit pars imaginis divine, generaliter acceptæ: & non fuit pars, sed consequens quoddam imaginis divine, specialiter sic dictæ. Generaliter autem accipitur imago divina, quando præter iustitiam & sapientiam homini primo concreatam, suo ambitu includit etiam ipsum esse spirituale animæ humanæ, ejusque potentias, intellectum & voluntatem, simul etiam immortalitatem corporis, & dominium in creaturas alias. E contrario specialiter accepta imago divina, importat perfectiones quasdam accidentales, intellectui & voluntati primorum hominum concreatas, perfectionibus, quæ in Deo sunt, conformes, & collatas hominibus ad actiones suas recte instituendas ac perficiendas, finis ultimi consequendi causa. Bajer. in Compend. Theol. p. 333. 340.

\* *Amiffa DEI imagine, naturalia hominis manserunt, & non manserunt integra & pura.*

*Amiffa, per lapsum, DEI imagine, naturalia hominis manserunt.*



manferunt *integra & pura*, quatenus perfectiones illæ, in quibus imaginem Dei specialiter sic dictam constituisse dictum est, non constituerunt essentiam & naturam hominis, neque ex ea necessario profluxerunt. Et *non manserunt integra & pura*, quatenus modo dictæ perfectiones habentur pro dono naturali, seu quatenus homo per naturam ordinatur ad vitam, pie, iuste & sobrie ducendam, tanquam ad actus sibi connaturales, & finis ultimi, ad quem homo tendit, consequendi causa requisitos. Idem p. 342. Scherzerus hoc ita effert: Natura humana per amissionem imaginis divinæ fuit depravata, *quoad vires*; non vero *quoad essentiam*. In System. p. 144.

*Eva in statu innocentie Adamo equalis fuit, & non fuit.*

*Eva in statu innocentie Adamo equalis fuit*, quoad imaginem divinam, quatenus illa in iustitia originali, item in corporis immortalitate & essentialibus hominis refulsit: *eig.* in illo statu *non fuit equalis*, ratione scientiæ rerum naturalium. Hinc Satanas callidissimus Evam, tanquam infirmiore, tentare maluit. Qua de causa Apostolus 1. ad Tim. II. 14. scribit, *Adamum non fuisse deceptum, sed Evam*. Porro etiam ratione dominii aliqua inter eos inæqualitas intercessit, cum vir esset caput mulieris, & hæc illi subiecta. Et huc pertinet, quod legitur 1. Cor. XI. 7. Baj. Comp. p. 346.

*Providentia divina specialissima datur, & non datur.*

*Providentia divina specialissima datur*, ex mente eorum, qui providentiam divinam triplicem constituunt, generalem videlicet, specialem, & specialissimam, generali sub-  
*De Pro- videntia Dei.*  
 jicientes quasvis creaturas, speciali homines, specialissimæ

Hhh

fide-



fideles. *Et non datur*, juxta alios, qui specialissimam referunt ad specialem, atque adeo DEI providentiam duplicem duntaxat faciunt, universalem, puta, & particularem, seu generalem & specialem, & speciali præcipue fideles contineri ajunt. Gerh. Isag. LL. disp. 16. c. 5. de Provid. §. 12.

\* *Deus circa mala culpæ providet quidem, illa tamen ipsa non providet.*

Quod enim providetur, illud est effectus divinæ voluntatis ac providentiæ. Jam vero mala culpæ five peccata non esse effectus divinos, non tantum ex sacra Scriptura, sed ex sana etiam ratione notissimum est. Non itaq; proprie & per se continentur sub objecto divinæ providentiæ, adeoque Deus ea quidem prævidere dicitur, *neutiquam vero providere*. Aliquo tamen modo & improprie possunt & ipsa objecto divinæ providentiæ accenseri, non quidem tanquam effectus, sed *tanquam terminus* impediendus, vel destruendus per divinam providentiam, aut *tanquam materia circa quam*, & cujus occasione, aliquid faciendum ordinat Deus, ut nempe agatur pœnitentia, aut ut pœna ab aliquo juste sumatur. Et talia, videlicet pœnitentia & peccatorum pœnæ, ordinantur quidem ac providentur a Deo, minime autem peccata ipsa. Raup. L. de Provid. p. 279. & Parens meus in Syst. Theol. p. 252. & 259.

\* *Peccata fiunt, & non fiunt præter intentionem Dei.*

Distinguendum est cum Arm. de Bello Visu tr. 2. cap. 266. inter intentionem intellectus, & intentionem voluntatis. Illa est actus, per quem tenditur intelligendo ad objectum: hæc, actus voluntatis ad objectum se applicantis.



tis. *Peccata ergo sunt præter intentionem voluntatis Dei,* quippe quæ peccatum, ut peccatum, minime appetit, immo appetere non potest, eo, quod est difforme voluntati divinæ. *Non autem sunt præter intentionem intellectus divini,* quia, ut omnia, ita & actiones vitiosas Deus omnino novit. Calov. in Exegem. A. C. art. 19. §. XI. & Velthem. in Metaph. p. 262.

\* *Christiani appellatione Fortunæ uti possunt, & non possunt.*

*Christiani uti possunt appellatione fortunæ,* sive vocabulum isthoc cum in sermone, tum in scriptis adhibere, si eo intelligatur causa per accidens in iis, quæ cum electione operantur, seu actio hominis voluntaria, quam effectus sequitur, qui non est ex intentione agentis, ut, si fodiens terram inveniat thesaurum, dici potest, ipsum fortuna invenisse thesaurum. Sed *non possunt*, si fortunam credant esse numen cæcum, & Deam volubilem, eventuum humanorum procuratricem, & plerasque hominum res pro beneplacito suo moderantem. Quo pacto a Gentilibus superstitiose ac impie culta fuit & adorata. Atque hoc sensu, ajunt doluisse S. Augustinum, nomen fortunæ toties a se fuisse usurpatum, quando sic scribit l. i. Retr. c. i. *Non mihi placet, toties me appellasse fortunam, cum videam, homines habere in pessima consuetudine, & ubi dici debet, Hoc Deus voluit, dicere, Hoc voluit fortuna.* Fabric. System. Theol. p. 251. Sed ipsum contextum legat, oportet, qui accuratius sancti Patris mentem perspicere & cognoscere cupit.

*Terminus vitæ humanæ est, & non est absolute a Deo prædefinitus.*

Humanæ vitæ terminus est vel naturalis, quo homines quidam, vi temperamentum sui, ad certum vitæ spatium possunt

Hhh 2



possunt pertingere; vel supernaturalis, isque vel gratiæ, quoad pios, vel iræ, quoad impios, dum illis vita aut prolongatur aut abbreviatur, hisce autem citius abrumpitur. Quando igitur jam dicitur, *terminum vitæ humanæ esse absolute & pro beneplacito a Deo constitutum & prædefinitum*, intelligendum id est non de termino vitæ naturali, sed præternaturali, neque adeo de omnibus, sed de quibusdam duntaxat hominibus. Exemplum præbet Scriptura S. in Hiskia Rege, cui ex morbi vehementia moriendum fuisset in ipso ætatis vigore, nisi vita ipsi prolongata fuisset a Deo, summo illo vitæ n. cisque arbitro: producta autem fuit in XV. annos, ut legimus Es. XXXIIX. 5. Ecqua causa hujus beneficii? An devotæ ægrotantis preces? Hæ sane erant conditio, sine qua majoris ætatis compos reddi non potuisset Hiskias. At enim vero quod Deus illas in hoc subjecto habuit ratas, & præcise ad XV. nec plures, nec pauciores annos prorogare ei voluit vitam, id singularis erat & absoluti beneplaciti divini. Cui etiam tribuendum, quod aliis vitæ filum citius, & sic quidem, atque hoc tempore secatur. Et huc pertinent dicta Es. LVII, 5. Sap. IV, 7. Gen. VI, 13. & c. VII, 4. Exod. XI, 5. c. XIV, 17. Pl. LV, 24. verissimumque manet pariter effatum Gerhardi: *Terminus hyperphysicus seu divinus semper est hypotheticus, includens conditionem pietatis, vel impietatis, ususq; vel contemptus mediorum*. In Dispp. Isag. L. de Provid. c. 6. §. 23. *Neg; vero absolute a Deo prædefinitus est*, quasi absolute necessarium esset, ut quisque hominum eo tempore, ac genere mortis, quo moritur, diem suum obeat. Alias enim irritæ forent preces & vota piorum, irritus medicamentorum usus, & irritæ Dei promissiones atque comminationes. J. Tob. Major, secutus Hülsemannum, in disp. de Terminis vitæ, habita sub Joh. Majore, §. 8. & Pater meus in System. p. 256. & in Conc. in Jobica p. XIV, 2. 3. p. 326.

No.



*Novissima sunt quatuor, & non sunt  
quatuor.*

Intelligenda est hæc thesis non de *μακροκόσμος* seu *De No-  
visimis.* mundo: hujus enim non nisi unicum est novissimum ex-  
pestandum, quod dicitur Consummatio seculi; sed de *μικρο-  
κόσμος* seu homine. Hominis igitur *novissima sunt IV.*  
nimirum Mors, Resurrectio, Judicium, Mora æterna,  
damnatorum videlicet in inferno, & piorum in cælo.  
*Et non sunt IV.* sed *V.* si loco moræ æternæ ponas &  
numeres Damnationem & Vitam æternam. Gerh. L. de No-  
viss. in genere, §. 7.

*Causæ physicae mortis temporalis sunt, & non sunt  
trium generum.*

Quamvis mortis, utpote privationis, causa efficiens per  
se & proprie loquendo non detur, dissolutionis tamen a-  
nimæ & corporis, cum qua conjuncta est, seu in qua con-  
sistit mors, dantur causæ efficientes, eæque partim physicae,  
quæ realiter agunt in unionem animæ & corporis, eamq;  
destruunt; partim morales, quæ non quidem realiter de-  
struunt talem unionem, aliquid tamen ad ejus destructio-  
nem conferunt, adeo ut hæc illis recte imputetur. Tales  
*causæ physicae mortis temporalis sunt trium generum:* dividun-  
tur quippe in naturales, præternaturales, & violentas.  
*Et non sunt trium,* sed duorum duntaxat generum, si præ-  
ternaturales vel ad naturales, ceu quibusdam placet, vel ad  
violentas referuntur. Bajer. in Comp. 432.

*Sancti possunt, & non possunt invocari.*

*Sancti,* de quibus loquimur, sunt non tantum homines  
beate in Domino defuncti, quorum animæ, a corporibus  
separatæ, sunt cum Christo, sed etiam Angeli in bono con-  
firmati. Vtriusque hujus generis sancti *possunt invocari,* si

Hhh 3

invo-



invocatio idem est ac nuda compellatio, qua invitantur, ut pro viventibus in hoc seculo apud Deum intercedant: quamvis enim non tam certum sit, recte saluari sanctos defunctos, quam certi sumus, recte compelli vivos, (nam de hac posterioris generis compellatione habemus mandatum, promissionem, & exempla in SS. literis) tamen, quia Ecclesia antiqua ejusmodi salutationes, ex fide de beatitudine defunctorum, & charitate in Ecclesiam triumphantem profectas, probavit, nos eas simpliciter non damnamus. Sed nec facile imitamur, cum Scriptura de iis nihil habeat, & magnum periculum sit, ne in religiosas invocationes degenerent. Itaque & hoc addimus, *sanctos non posse invocari*, seu non esse invocandos, religioso, puta, & divino cultu, & quasi largitores atque auctores donorum spiritualium & corporalium. Dreier. in Dispp. contra Pontific. p. 877. & Amica Tractat. int. part. apud Chytr. in Hist. A. C. p. 243.

*Pro mortuis licet, & non licet orare.*

*Pro iis mortuis*, qui in fide & pietate decesserunt, *licet*, semel atque iterum, ex libera devotione, *orare*, ut, sicut, Apostolus loquitur 2. ad Tim. I, 18. concedat eis Dominus, Deus Pater, invenire misericordiam apud Dominum, Christum, filium ejus, judicem omnium, in die illo extremi judicii. *Et non licet*, sub opinione necessitatis, indefinenter, & cum imitatione earum superstitionum, quas antiquæ, nec a Scripturis alienæ consuetudini posteriora secula assuerunt. Urb. Rhegius in Form. caute loqu. c. 16. §. 11. 12. Guil. Forbes, in Consider. Controv. p. 246. Le Fèvre dans les Motifs invincibles p. 309.

Pere-



*Peregrinationes ad sepulcra sanctorum possunt,  
& non possunt suscipi.*

*Peregrinationes ad sepulcra sanctorum possunt suscipi, historiae, informationis, memoriae & cognitionis ac prudentiae alicujus gratia, & si vocationis debito per eas nihil decedit. Non autem possunt, superstitioso fine, si tibi persuadeas, cultum religiosum per eas Deo exhiberi, te, gratiorem in his, quam aliis locis Deo reddi, meritum tibi aliquod acquirere, pro peccatis ita satisfacere, aut peculiarem gratiam exspectare vel impetrare posse. Nam nobis, aiebat pius Antonius, ut S. Athanasius in ejus vita refert, nulla proficiscendi, nulla transfretandi fluctus necessitas imminet. In omni sede terrarum constituta sunt regna coelorum. Et Hieronymus scribit ad Paulinum: Non Hierosolymis fuisse, sed Hierosolymis bene vixisse, laudandum est. De Hierosolymis & de Britannia equaliter patet aula coelestis: Regnum enim Dei inter vos est. Raupp. L. de Morte p. 30.*

*Animae separatae sciunt res hujus mundi, &  
non sciunt.*

*Animae hominum a corporibus separatae sciunt res hujus mundi in generali & confuso, quaeque propria experientia edoctae fuerunt: Et non sciunt in particulari ac distincte, videlicet hujus aut illius angustias, preces, desideria & similia: ad hoc enim opus est omniscientia. Unde & Apologia Aug. Conf. concedit, eas, aequae ac Angelos, in genere orare pro Ecclesia militante. Etiam si enim (ut scribit Parens meus in System. Theol. L. de Invocat. p. 635.) membra Ecclesiae militantis singulatim non sint cognita sanctis in altera vita, cum tamen norint in genere, Ecclesiam, hujus mundi adversitatibus & periculis expositam esse, & charitas eorum non sit extincta, sed magis aucta, non dubitandum est temere,*



temere, quin sub generali conceptu, prout unum cum illis corpus Christi constituimus, pro nobis in sua beatitudine apud Deum intercedant. Possit admitti etiam, (addit idem) in particulari beatos pro aliquibus orare: puta, Parentes pro liberis, conjuges pro conjugibus, fratres pro fratribus & sororibus, amicos pro amicis: nec enim charitas, qua juncti invicem in hoc ævo fuerant specialius, id aliter videtur permittere, quam ut relictorum post se incolumitatem DEO specialius commendent.

*Resurrectio mortuorum dependet & non dependet  
a merito Christi.*

*Resurrectio mortuorum* vel significat specialem, seu gloriosam fidelium resurrectionem, vel generalem omniumque hominum resurrectionem. Priore modo si illa sumitur, dicendum est, eam *dependere a merito Christi*, tanquam causa impulsiva externa, idque inprimis 1. ad Cor. XV. probatur IV. argumentis, videl. 1. a Communionem fidelium cum Christo, tanquam membrorum cum suo capite. 2. a pari collatione Adami & Christi, tanquam stirpium contrariarum, quarum utraque suis ramis, hoc est, posteris, communicat id, quod in se continet. 3. ab amplitudine & perfectione regni Christi, quæ plane requirit, ut Christus omnes tandem inimicos suos, inter quos postremum locum mors obtinet, sibi subiectos habeat, & proinde mortem ex omnibus suis membris quam longissime profliget. 4. a consequente absurdo, videlicet Epicurismo: qui sine dubio consequetur, ubi resurrectionis spes tollitur. Posteriori autem modo sumta, *non dependet a merito Christi*, sed potius a finali impiorum malitia & impœnitentia, propter quam *manifestare* eos vult Deus *coram tribunali Christi*, ut, *quæ mala fecerunt, in corpore suo reportent*, 2. ad Corinth. V. 10. Gerh. L. de Resurr. Mort. §. 55.

*Corpus*



*Corpus hominis resurget, & non resurget.*

*Corpus hominis resurget*, qua substantiam & esse suum, eritque verum corpus, non phantasticum, idemque numero, non aliud, illud, in quo quis vel bene, vel male operatus est in hac vita, 2. ad Cor. V, 10. *Et non resurget*, qua statum, qualitates & terrenam conditionem. Non enim mortale, corruptibile, fragile, vile, inglorium, & quotidianis mutationibus naturalibus obnoxium erit, sed immortale, spirituale & gloriosum. Vid. 1. ad Corinth. XV. & Hunn. in h. l. Atque ita, ut 1. ad Cor. VI, 13. dicitur, *venter destruetur*, non quoad substantiam, sed quoad usum, qui coquendis cibis non amplius inserviet.

*Resurrectio mortuorum jam facta est, & tandem fiet.*

Notandum est discrimen inter Resurrectionem spirituales & temporalem, quarum illa alias prima dicitur, qua homo a peccato resurgit; hæc secunda, quæ fiet in corpore proprio, qua homines in die extremo, ad tubam Archangeli, e monumentis prodibunt. Quando jam dicitur, *resurrectionem jam factam esse*, capiendum idest de spirituali; sicut alterum, *futuram demum esse*, de corporali resurrectione. Gerh. L. de Resurr. mort. §. 3.

*Resurrectio mortuorum ex natura probari potest, & non potest.*

*Resurrectio mortuorum ex natura probari potest* obscure, remote, obiter, imperfecte & probabiliter, ut cum dicunt 1. Rationem posse investigare hominis creationem; ergo & resuscitationem. 2. Animam etiam a corpore separatam, inclinationem habere ad corpus, quam in actum nunquam esse deducendam, vero vix videatur simile. 3. Providentiam divinam requirere, bonis tandem ut bene sit,

lil

malis



malis autem male. 4. In universo tres esse naturas, corporalem tantum, spiritualement tantum, & ex utraque compositam. Mansuram igitur æque hanc in æternum, ac illas. *Non autem potest exinde probari* plene, clare, accurate, & apodictice, sed ita ex sola Scriptura, quia hoc dogma est meræ fidei & puræ revelationis. Raupp. L. de Resurr. Mort. p. 77. Quantum vero chemicis experimentis, quibus plantarum, & animalium, atque ipsius hominis, ex cineribus suis restaurationem promittunt,tribuendum sit, docet Henr. Meibomius in epist. ad Theoph. Spizel. quæ hujus Considerationi Corporis Gloriosi præmissa est.

*Christus est judex omnium hominum, & nullius.*

Pro duplici adventu & statu Christi, & pro discrimine judiciorum, thesis hæc explicanda. Nimirum venit Christus in mundum ad obeundum munus mediatorium, ac venturus aliquando est ad judicium. In primo illo adventu subiit statum humiliationis, in secundo autem conspicuum eum reddet status gloriæ. Judicium aliud est condemnationis, aliud salutis & beatitudinis. Positis hisce, dicimus, *Christum esse judicem omnium hominum*, cum piorum, tum impiorum, tam mortuorum, quam eorum, quos dies extremus vivos inveniet, in secundo adventu, & in statu gloriæ, ubi unicuique redditurus est, quod egit in corpore, sive bonum, sive malum, adeoque non modo salvaturus credentes & pios, sed etiam damnaturus incredulos & impœnitentes. In primo autem adventu, atque in statu humiliationis, *nullius fuit judex*, puta, ad condemnationem. Sic enim ipse tunc dixit: *Ego non judico vel condemno quenquam.* Joh. IIX. 15. *Non enim misit Deus filium suum in mundum, ut damnet mundum, sed ut servetur mundus per eum.* Joh. III. 17. Id quod sic intelligendum, quod per



per se non venerit ad puniendum & condemnandum, sed potius ad salvandum. Per accidens tamen & vitio hominum, etiam ad puniendum venit, prout ipse dicit Joh. IX. 39. Fabric. in Syst. 518.

*Animæ a corporibus separatæ fruuntur, & non fruuntur beatitudine completa.*

*Animæ* hominum, in fide defunctorum, a corporibus separatæ, fruuntur beatitudine completa, si per hunc terminum intelligis fruitionem DEI: Simul ac enim ab Angelis in sinum Abrahæ portantur, solatio ibidem refocillantur, ac Deum intuitive cognoscunt, amore erga illum summo flagrant, gaudioque perfusæ ineffabili. *Et non fruuntur beatitudine completa*, quando hæc ad eummodum sumitur, ut præter fruitionem Dei, includat etiam animarum beatarum cum corporibus reunionem, corporumque glorificationem. Nam reunionem & glorificationem istam illis adhuc expectandam esse, in aprico est. Bechm. in Annot. in Hutter. p. 838.

*In resurrectione mortuorum, beati accipient, & non accipient corpora spiritualia.*

*Beati in resurrectione mortuorum accipient corpora spiritualia*, quæ virtutes & proprietates habeant spirituum, neque amplius ad sui & speciei suæ conservationem indigeant cibo & potu, somno, matrimonio, aliisque rebus ad usum animalis vitæ, quam in hoc seculo agimus, pertinentibus. 1. Corinth. XV. 44. Matth. XXII 30. *Et non accipient corpora spiritualia*, quæ ratione essentiae suæ conversa sint in spiritus: corpora enim illa beatorum erunt vere corpora, corpora materiata, immo eadem, quæ in hoc seculo gesta fuerant, sed glorificata, & excellentissimis vestita dotibus. Æg. Hunn. in 1. ad Cor. XV. 44. p. 269.



*In beatis erit, & non erit major aut minor perfectio cognitionis.*

In vita æterna aliquando *in beatis erit major aut minor cognitionis perfectio*, extensive spectata, ita ut alii plura, alii pauciora extra Deum objecta sint cognituri. *Et non erit*, intensive, & respectu visionis beatificæ considerata: hæc enim in omnibus beatis hominibus erit æque perfecta, quum SS. literæ nullum heic discrimen faciant quoad hos vel illos, sed promiscue omnibus eam attribuant. 1. Joh. III. 2. 1. ad Cor. XIII. 12. Ecquid possit, quando Deus videtur & cognoscitur, sicuti est, cognitio illa intendi aut remitti, tamen ut clara maneat & intuitiva? P. Mus. lib. de Æt. Beat. §. 41. & 58. Baj. Comp. 379. 386.

*Beatorum intellectus cognoscet, & non cognoscet libera Dei hominumq; decreta.*

*Beatorum intellectus cognoscet libera Dei hominumq; decreta*, intercedente peculiari revelatione, si Deus eam communicare voluerit: ubi lumen gloriæ pariter intellectum aptum reddet atque idoneum, ut absque ulla dubitatione assentiat. *Et non cognoscet illa*, per ipsam nempe visionem beatificam. Mus. l. c. §. 41.

*Beatitudo consistet, & non consistet in una DEI clara visione.*

*Beatitudo essentialiter*, seu quoad essentiam suam, *consistit in una Dei clara visione*: hac enim consequemur & possidebimus Deum, ut summum bonum: hæc per se expetitur, & per se etiam expetenda esset, si (quod fieri tamen non potest) summus Dei amor auferretur: hæc primus beatitudinis conceptus est: hæc naturæ intelligenti quam optime congruit: hæc denique excellentissimi objecti est contem-



contemplatio. *Et non consistet in illa sola*, si quoad integritatem, vel partes integrales, consideratur: Sic enim est totum quid per aggregationem, & includit omnes qualitates sive perfectiones, quæ corpus & corporis potentias ornabunt, quales sunt corporis & sensuum glorificatio, impassibilitas, immortalitas, agilitas, & similes aliæ. Hoc modo beatitudinem ex Boëthii lib. III. de Consolat. vocabimus *statum omnium bonorum aggregatione perfectum*. Id §. 54. & seqq.

*Beatitudinis dabuntur, & non dabuntur diversi gradus.*

Beatitudo cœlestis, eaque futura, potest spectari vel ratione essentiæ, & prout consistit in visione intuitiva sive cognitione intima Dei, cum qua conjunctus est amor erga Deum ardentissimus, & gaudium ineffabile; vel ratione accidentium, & ut resplendet in variis corporis ornamentis. Posita hac distinctione, dicunt, ratione accidentium *datum iri diversos beatitudinis gradus*: ut enim *alius decor solis, alius decor lunæ, & alius decor stellarum, stella enim stellæ præstat decore, ita erit & resurrectio mortuorum*. 1. Cor. XV, 41. Quibus verbis ajunt clare significari, sicut alia, astra majorem, alia minorem lucem habent, ita quædam beatorum corpora luce ac splendore aliis præstitura esse. *Non autem datum iri ratione essentiæ*: sic enim æqualem fore in omnibus beatis, prout & lumen gloriæ æqualiter, omnibus communicabitur. Bechm. in Annot. uber. in Comp. Hutter. p. 903.

*Beati erunt, & non erunt in loco.*

*Beati homines erunt in loco*, metaphysico scilicet, h. e. certo ubi & spatio, moli ac dimensionis suæ proportionato, quandoquidem non futuri sunt nullibi, aut ubique



in spatiis infinitis. Unde & Salvator noster discipulis suis ait: *In domo Patris mei habitationes multæ sunt; alioqui dixissem vobis, si aliter esset. Proficiscor paraturus vobis locum: & quum profectus fuero, & paravero vobis locum, rursum veniam, & assumam vos ad me ipsum: ut, ubi ego ero, & vos sitis. Et non erunt in loco, physico & tali, qualis sub-lunaribus competit, quique conservare, sustinere & fove-re locatum debet.* Raupp. L. de Vita æterna p. 301.

*Corpora beatorum erunt, & non erunt  
invisibilia.*

*Corpora beatorum erunt invisibilia* oculis non glorifi-catis, & dum non videbuntur necessario. *Et non erunt invisibilia*, ratione oculorum glorificatorum, & si Deus pe-culiari dispensatione unum vel alterum illorum conspici-endum præbere vellet oculis eorum, qui beatæ gloriæ non sunt participes. Bechm. in Annot. uber. in Comp. Hutt. p. 901.

*Etiā in hac vita offeruntur, & non offeruntur  
hominibus dona æterna.*

*Dona æterna offeruntur & exhibentur hominibus etiā in hac vita*, objective nimirum, & in se talia, ut Dei gratia, meritum Christi, remissio peccatorum, filiatio divina, vita beata. *Et non offeruntur exhibenturque dona æterna*, subjective, & in eorum possessoribus spectata, quia non omnes homines, quibus dantur & donantur, semper ea & immutabiliter retinent, sed multi a fide deficiunt, eorumque damnum patiuntur. Carpz. Isag. in LL. Symb. p. 747.

\* Vita



\* *Vita aeternae forma nobis in hac vita est  
comprehensibilis, & incompre-  
hensibilis.*

*Vita aeternae forma*, quae consistit in summa felicitate, gloria ac beatitudine, qua electi ab omnibus malis liberati ac liberi, corpore & anima plenissime & jucundissime in omnem aeternitatem perfruentur, *nobis in hac vita est comprehensibilis*, secundum quid, & prout tantam de ea notitiam habemus, quantam DEUS O. M. in verbo suo nobis revelavit. Eadem vero etiam est *incomprehensibilis*, & ineffabilis, si de accurata, quidditativa, & scientifica cognitione agatur. Gerh. L. de Vita æt. §. 48. 49. & ex eo Raupp, L. eod. p. 281. ac Brochm. p. 7052.

\* *Nullum malum opus damnat.*

Ante promulgatam primam promissionem evangelii, peccatum simpliciter fuit mortis meritorium: post factam autem sponsonem Filii Dei ad satisfaciendum pro peccatis, nulla peccata simpliciter & immediate sunt inductiva mortis, sed secundum quid & mediate, si expiatio peccatorum non applicetur fide, sed repudietur per incredulitatem. Et hoc est, quod Lutherus dicit in lib. de Libert. christ. *nullum malum opus damnare*, sed solam incredulitatem. Ubi non considerat opus malum absolute & in se, qua malum est, sed respective, in relatione ad expiationem sanguine Christi factam, qua omnia peccata expiabilia fecit, ut, licet in se mereantur mortem, tamen non eveniat ipsis damnatio, nisi per incredulitatem venia & remissio peccatorum impediatur. *Judicium Christi condemnat infideles*, inquit Chemnitius, c. 28. Harm. Evang. p. 160. non proprie, quia peccarunt; potuissent enim remissionem peccatorum in evangelio oblatam recipere, sed quod magis



gis dilexerunt tenebras, quam lucem. Immo incredulitas ipsa, prout est meritoria damnationis, non immediate damnat, sed prout est impedimentum apprehensionis meriti Christi. Ob peccata reliqua merentur homines damnationem, sed damnatio ipsa non evenit, si eorum expiatio a Christo facta, per fidem applicetur in justificatione: incredulitas autem, prout est privatio medii, damnationem promeritam avertentis, inducit eventum damnationis. Henric. Müller in Theol. Scholast. c. 14. p. 190. 191.

*Deus est, & non est causa damnationis.*

*Deus est causa* vel auctor *damnationis* triplici ratione: (1) quia locum inferni paravit. Matth. XXV. 41. (2) quia impios inferno adjudicat. Joh. III. 15. 36. (3) quia ipse horrendas istas, sed justissimas pœnas infligit. 2. Pet. II. 4. 2. Cor. V. 10. *Et non est causa damnationis*, neque quatenus est damnatio & ipsa perditio, Hof. XIII. 9. neque ut medium, huc ducens, peccatum est. Ps. V. 5. Jac. I. 13. neque ex absoluto beneplacito: Consequentis enim, non antecedentis voluntatis divinæ hic actus est, quo fertur in pœnam impiorum, adeoque præcognitorum, quatenus tales sunt; neque influxu positivo speciali, quo voluntas damnatorum determinetur ad ea, quæ moraliter mala sunt. Brochm. L. de Inferno c. I. Sect. III. p. 7032. Baj. Comp. 414.

*Inferni ignis erit, & non erit proprie dictus.*

*Inferni ignis erit verus & proprie dictus*, ob expressam Scripturæ literam, a qua recedendi nulla apparet necessitas. Nam Mar. IX. 43. gehenna describitur per *ignem inextinctum*; & ne ulla dubitandi ratio relinquatur, hoc ipsum, mox repetitur in vers. seq. quando dicitur, quod *ignis ibi*  
non



*non extinguatur.* Adde Matth. XXV, 41. ubi ipsa Judicis sententia sic fertur, ut execrati jubeantur abire in ignem æternum, qui paratus diabolo & angelis ejus. *Et non erit proprie dictus*, sed tropicus, consistens in angore & horrore: *ibi enim erit fletus & stridor dentium*, Matth. XXII. 13. fletus præ tristitia, Es. LXV. 14. stridor dentium autem ex impatientia dolorum & invidia erga beatos, Ps. CXII. 10. *afflictio & angustia in omnem animam hominis perpetrantis malum*, Rom. II. 9. *nec habebunt requiem die ac nocte*, Apoc. XIV. 11. ita ut *vermis eorum non moriturus, & ignis eorum non extinguendus sit*, Mar. IX. G. Calixt. de Bono perf. summo p. 48.

*Deus potest, & non potest dici causa peccati per accidens.*

*Deus dici potest causa peccati per accidens*, quando loqueris de causa per accidens ex parte non causæ, sed effectus, & quidem talis, qui heic loci non dicatur casualis & fortuitus. Porro ut terminus *per accidens* sit ac habeatur terminus, ut in scholis loquuntur, diminuens & alienans, veramque & propriam causam negans, ac pernegans, ita, ut hæc propositio, *Deus est causa peccati per accidens ex parte effectus*, non alium, quam hunc habeat sensum: Deus non est causa ipsius peccati, sed tantum effectus, cum quo peccatum, præter Dei intentionem, & absque ullo ejus influxu, conjungitur. Ut in furto, Deus concurrit ad extensionem manus hominis furantis, sed non ad ablationem rei alienæ seu peccatum ipsum, quod cum effectus, seu extensione illa manus, per accidens copulatur. *Et sic se res habet in omnibus aliis peccatis. Non autem potest dici causa per accidens peccati* Deus benedictus, si causæ per accidens ullam sive physicam, sive moralem causalitatem inesse statuas. Nam Deus non est causa physica peccati, quia

*De Peccato.*

Kkk

pecca-



peccatum non in classe entium realium, sed privationum, continetur; neque etiam moralis, quia non vult, nec suadet, nec præcipit peccatum, nec hominem ad illud determinat & necesitat, nec denique actionem hominis dirigit ad objectum, a quo ea formaliter & per se habet, ut sit peccatum. Kesler. in Quadriga discurs. theol. item Theologi Jenens. Ausführl. Erklär. p. 310. Calov. Exegem. A. C. art. XIX. n. 6. & seqq. Fabric. Syst. Theol. 264.

*Homo per peccatum originis determinatus, & non determinatus est ad peccati actus.*

Inter effectus peccati originalis recensentur etiam peccata actualia specie & numero multa. Sed, quæritur, an homo per peccatum originis, seu corruptionem naturæ, ad illa determinatus sit, nec ne? Utrumque dici potest, dummodo distinguatur inter determinationem confusam & distinctam, & inter aliquos, ac certos in individuo peccati actus. Nempe enim *homo per peccatum originis ad aliquos peccati actus, confuse determinatus est*, ita ut, si in statu regenerationis sit, saltem a peccatis quotidianæ incurvationis, ut Tertullianus appellat, seu peccatis imbecillitatis humanæ & ignorantiae: si autem non renatus sit, a peccatis actualibus in genere, non possit sibi plane cavere. *Non autem determinatus est distincte, ad hunc vel illum in individuo peccati actum, sed, si quem suscipit, libere suscipit, ita ut eum omittere potuerit.* Bajer. Comp. 520.

*Peccata infirmitatis possunt, & non possunt deponi.*

Si sermo est de fidelibus, eoque, quod fieri potest per gratiam Dei, modo illi donis sacro in baptismo acceptis recte velint uti, Deique auxilium ardentissimis invocare precibus, & devoto S. coenæ usu sese excitare ad serium studi-



studium bonorum operum, an dubites asserere, *peccata infirmitatis*, ut censentur, aliqua *deponi* & corrigi posse? Qualia sunt ira subita, proclivitas ad deierationes & execrationes, item suspiciones ac interpretationes pravæ, & præcipitantia in judiciis de proximo sinistris, &c. Huc enim etiam tendere videntur adhortationes apostolicæ de sectanda maiore perfectione, deponendo veteri homine, crucifigenda carne, & facienda peccato resistentia. Quo usque autem sese extendat hæc depositio, in puncto mathematico non potest ostendi aut præscribi, sed hoc relinquendum expertis, qui in luce stant & ambulant, & student observare Pauli monitum, quod extat in ep. ad Hebr. XII. 1. *Proinde nos quoque, abjecto omni pondere, & peccato ad nos circumcingendos proclivi*, seu nos in periculum adducere, apto, *per tolerantiam propositum nobis stadium decurramus*. Non autem *deponi* possunt in universum omnia, certe non juxta illecebras, quæ nobis invitis oboriuntur: Nam si *dixerimus*, ait Johannes, *nos peccatum non habere, nos ipsi fallimus, & veritas in nobis non est*. 1. ep. c. I. 9. Hinc quotidie tenemur rogare Patrem nostrum cœlestem: *Remitte nobis debita nostra, sicut & nos remittimus debitoribus nostris*. Matth. VI, 12. Gerh. in Scholapiet. lib. I. c. 6. p. 132.

\* *Peccatum est, & non est nihil.*

*Magnum*, ait Philippus l. 4. Dialect. p. 325. *discrimen est privationis & negationis*. Nihil negative, significat talem interitum, ubi nec subiectum reliquum est, ut *Alexandri equus jam nihil est, negative*. Nam & *cadaver dissipatum est in auras*. At *privatio est destructio bonæ rei in subiecto*, quod reliquum est, aut est *absentia rei bonæ*, quæ competit subiecto, quod superest, ut *cæcitas est amissio visus in oculis*. Jam *peccatum est nihil*, privative, quia ingentis boni destructio est, & ordinis confusio in voluntate & corde, cujus confusio-

Kkk 2

nis



nis causa fuit ipsa voluntas hominis, avertentis se a DEO. *Et non est nihil*, negative, quia subiectum ejus non est nihil, sed manet reliquum, contaminatum quidem, & propterea a Deo juste rejicitur, ut coquus rejicit ollam rimosam. Hutter. in LL. p. 233.

\* *Peccati formale est, & non est reatus culpæ  
& pænæ.*

*Peccati*, respective & in ordine ad subiectum, quod afficit, eique denominationem tribuit, considerati, *formale est reatus culpæ & pænæ*: nam per reatum peccati, homo constituitur coram DEO injustus, filius iræ, & æternæ damnationis reus. *Et non est reatus culpæ & pænæ*, si peccatum consideratur absolute, & in se: sic enim formale peccati est *ἀνομία*, seu carentia conformitatis cum lege; materiale autem id, cui accidit illa *ἀνομία*. Joh. Musæus in disp. de Peccato. §. 14.

\* *Protoplasti peccato originali fuerunt, & non fuerunt subiecti.*

*Subiecti fuerunt peccato originali*, suo modo, quatenus corruptio illa, quæ in nobis est, & peccatum originale, dicitur, revera in illis post lapsum sedem habuit, ceu pater ex Gen. III, 7. *Cognoscentes enim se esse nudos*, senserunt inordinatam & ignominiosam concupiscentiam recens contractam. Unde profecto carentia justitiæ originalis colligi potest. Sed ei *non fuerunt subiecti*, proprie loquendo, quia illa corruptio ab origine naturæ ipsorum, atque ab initio existendi, illis non adfuit. Bajer in Compend. Theol. pos. pag. 512.

\* *Pecca-*



\* *Peccatum originis est, & non est tantum privativum.*

*Est tantum privativum*, si abstractivè & formaliter sumitur, sive prout notat privationem rectitudinis, a lege requisitæ, quæ inesse debebat facultatibus aut actibus hominum. Quo respectu a Johanne 1. ep. III, 4. ἡ ἀμαρτία definitur esse ἀνομία, & sic nihil positivæ entitatis aut realitatis involvit. *Non est autem tantum privativum*, sed simul etiam positivum quid, si sumitur concretivè & materialiter, h. e. ut præter illam privationem justitiæ, seu conformitatis cum lege carentiam, involvitur etiam subjectum, cui privatio illa adjacet. Posteriores hanc vocis acceptionem respiciunt ex Nostratibus illi, qui peccatum originis vocant qualitatem positivam, eoque magis sic loqui amant, quo tenacius peccatum originis, potentiis aut actibus positivis adhæret, ut neque adeo notabile discrimen inter materiale & formale sæpe appareat, & Scriptura ipsa, loco formalis, frequenter materiale substituatur. Ubi tamen simul etiam notandum, non intelligere illos ista secundum ἀκριβείαν methaphysicam, quasi peccatum exquisite & per omnia sit qualitas positiva, sed terminum istum usurpare ὡς πλάττει, vel in quadam latitudine, sic, ut ἀμαρτία illa ἐνπερίκεινται ens positivum dicatur, potissimum ob constantem adhærentiam, & profundam corruptionem, non, secus atque morbus corporis non modo privatio sanitatis est, sed etiam positio pravæ dispositionis, & vitia animi virtutibus opponuntur non privative tantum, verum etiam contrarie. Quæ omnia ad mentem Menzeri, Meisneri, Graueri, & Gerhardi docet Dürr. in Observat. ad Aug. Conf. p. 180. 181.

Kkk 3

Pec.



\* *Peccatum originis & pœna est, & peccatum.*

*Peccatum originis pœna est*, quatenus est privatio justitiæ originalis, tanquam boni utilis & jucundi. Idem vero etiam, & vere *peccatum est*, quatenus est privatio justitiæ originalis, tanquam boni moralis. Carpz. in Isag. in LL. Symbol. p. 152.

\* *Peccatum originis est, & non est naturale.*

*Est naturale*, in oppositione ad peccatum accersitum & personale, quoniam cum natura trahitur, non vero a pridem natis acquiritur, & est vitium naturæ potius, quam personæ, eo processu exortum, ut primum quidem in Adamo persona infecerit naturam, postea autem natura vitata infecerit personam. *Non est naturale*, si per naturale intelligas, quod est pars naturæ, aut ex natura profluit. Chemnit. Part. 1. LL. p. 223, & Æg. Hunnius in volum. Theol. Dispp. disp. 6. th. 40.

\* *Peccatum originis & alienum est, & cujusque proprium.*

*Alienum*, quoniam aliena voluntate est introductum: *per unum* namque *hominem peccatum in mundum intravit*, h. e. fluxit in universam ejus progeniem, perinde ut mors; ab Adamo nempe in filios, a filiis ad nepotes, per nepotes ad pronepotes, per hosce ordine suo ad reliquos posteros, ut junctim & indivulse nunc quidem disseminentur natura & contagium peccati. Non autem alienum est, sed *cujusque proprium*, quoniam in iis hæret, quibus imputatur, ipsa generatione ad singulos una cum natura propagatum. Parens meus in System. p. 315.

Pecca-



\* *Peccatum originis est, & non est actuale.*

*Actuale* dicitur peccatum dupliciter, 1. causaliter atq; effective. 2. formaliter, & in sese. Priori modo *actuale* idem est atque actuosum, activum, operosum, non cessans: posteriori vero, actus est contradistinctus suo habitui, ex quo fluit. Jam *peccatum originis est actuale*, juxta priorem acceptionem: nimirum propter efficientiæ suæ vim, & quia perpetuo actuosum est, atque actiones malas, sive *πρωτογενής*, sive *ἀπρωτογενής* producit. *Non autem actuale est*, posteriori modo. Sic enim peccatis actualibus, tanquam effectis & fructibus, aut potius zizaniis suis contradistinctur. Carpzov. Ifag. in LL. Symb. p. 156.

\* *Peccatum originis est accidens separabile, & inseparabile.*

*Est accidens separabile*, quoad gratiam DEI, & futuram vitam. Idem *est accidens inseparabile*, quoad nos & vires nostras, immo etiam quoad hanc vitam. Vide Andr. Poach, in Consilio ad Joh. Guilielmum, Ducem Sax. cujus excerptum exstat apud Portam in Pastoralis p. 179. & 180.

\* *Concupiscentia pertinet, & non pertinet ad peccatum originis.*

Concupiscentia potest dupliciter considerari: 1. ut continet motus vel actus a potentiis humanis prodeuntes, & exactissimæ legis divinæ normæ adversantes, v. g. motus inordinatos diffidentiae erga Deum, pusillanimitatis in rebus adversis, iracundiæ, libidinis. Habetque hæc acceptio fundamentum in loco apostolico Rom. VII, 10. *Non facio bonum, quod volo, sed malum, quod nolo, hoc ago.* Ad quæ verba vide, quid commentetur auctor Constitutionis Eccles.



Eccles. Norimb. in Libris Normal. Norimb. p. 1070. 2. ut continet vitiosos motus & inclinationes, præter, ac contra voluntatem hominis obrepentes. Quo sensu Apostolus jam jam laudatus, qui vers. 19. dixerat, *facere se malum*, versu statim sequente ait, *se non operari malum*, puta voluntario mentis consensu & approbatione. Unde Chemnitius L. de Peccatis actual. num. 4. adducit distributionem graduum in peccatis, quæ a veteribus tradita sit, quorum primus sit *somes*, seu depravatio inhærens, quæ complectatur etiam defectus: secundus *suggestiones* cogitationum & affectuum, id est, quando depravatio originalis moveat se aliqua inclinatione: tertius *delectatio*: quartus *consensus*: quintus ipsum *opus*; & postea ait: *Ex his gradibus primi duo pertinent ad originale: reliqui tres ad actuale peccatum*. Nec minus perspicua sunt, quæ paulo post subjicit: *Concupiscentia, si ve inclinationibus moveatur, si ve flammis affectuum tumultuetur, pertinet ad peccatum originale. Actualis vero concupiscentia, Coloss. III. 5. est, quando accedit delectatio, consensus &c.* Itaque jam dicimus, quod *concupiscentia* juxta posteriorem acceptionem *pertineat ad peccatum originis*: non vero juxta priorem. Dürr. in Observ. ad A. C. p. 181. 182.

\* *In baptismo tollitur formale peccati originis, & non tollitur.*

*In baptismo tollitur formale peccati originis*, quando per formale intelligitur culpa & reatus peccati. Atque hæc tolli dicuntur, quando condonatur culpa, & ab obligatione ad pœnam homo absolvitur. Non autem tollitur ejus formale, si per formale intelligitur ἀνομία. Duplex enim, inquit Chemnitius Tom. 1. LL. Theol. p. 237. est *formale peccati originis, in prædicamento qualitatis, & relationis*



lationis. In baptismo formale relationis plenaria remissione tollitur: formale vero qualitatis incipit quidem in baptismo mortificari & sanari, non autem omnino tollitur. Nam manere morbos & defectus, id est, formale qualitatis, manifestum est ex Scripturae testimoniis.

*Solum, & non solum peccatum originis regnat.*

*Peccatum regnare dicitur, quando homo ei morem gerit, indulgendo pravis cupiditatibus, & membra sua, id est, omnes animi corporisque sui vires, peccato, velut domino, mancipat. Hoc autem pertinet, ex communi Doctorum sententia, ad solum peccatum originis, de quo intelligendum ajunt Apostoli dictum ad Rom. VI, 12. Ne regnato peccatum in mortali vestro corpore, ut auscultetis ei in cupiditatibus corporis. Neque sislite membra vestra arma injustitiæ peccato. Non autem illud solum regnat, in quantum a nonnullis & peccata habitualia, crebris actionibus acquisita, dominari & regnare in hominibus dicuntur, quoad usque non minuuntur, sed vigent, & ad frequentanda actualia peccata stimulant. Bajer. Comp. 527.*

*Peccatum originis reddit, & non reddit hominem mortuo similem.*

*Peccatum originis reddit hominem mortuo similem, quoad actiones vitæ spiritualis: nam sicut mortuus aliquis, per separationem animæ a corpore, impotens est ad eliciendos exercendosque actus vitales, ita homo per privationem justitiæ originalis, in qua formaliter peccatum originis consistit, destituitur omnibus plane viribus ad actus & motus spirituales. Atque ideo mortuus dicitur in lapsibus & peccatis, ad Eph. II, 1. mortuus in offensis, &c. Et non reddit hominem mortuo similem, sed potius vivum &*

Lll

valde



valde actuosum, videlicet ad vitam a DEO alienam, Eph. IV, 18. ad vitam hujus seculi & faciendas cupiditates carnis. cap. II. 3. Ratio hujus rei est, quod facultates animæ, quamvis careant viribus ad vitam Deo placentem necessariis, non tamen omnem vim vitalem perdiderunt, sed sectantur aliam vitæ rationem, a priori, quam imago divina largiebatur, plane diversam. Quanquam hæc vita vitæ nomine indigna est, & miserrima. Id. 496.

\* *Peccatum actuale est voluntarium, & non est voluntarium.*

*Peccatum actuale* dupliciter accipitur, strictè nimirum, & late. Strictè acceptum id dicitur, quod est voluntarium, sive quod aliquis contra legem delinquendo addit ad illud, quod nascendo traxit, interveniente voluntate, ejusque deliberatione & consilio. Late vero acceptum, complectitur quoscunque motus & actiones, sive internas, sive externas, cum divina voluntate pugnantes, licet citra *πρᾶξιον*, & inconsulto ac indeliberate, quin vel ab invitis proficiantur. Juxta strictiorem itaque vocis acceptionem *peccatum actuale est voluntarium*; juxta latiore vero, peccatum actuale etiam illud dicitur, quod *non est voluntarium*. Atque hoc posteriore modo & infantibus peccata actualia adscribuntur, minime autem priore illo. Unde Philippus in LL. Commun. qui quidem exstant in Libb. Normal. Norimb. p. 674. ait: *Pueri moriuntur, qui nondum admiserunt peccatum, quod vocant actuale*. Vid. Parens meus in Syst. Theol. p. 320. & Zeidler. in Diff. de Peccat. actual.

\* *Omne, & non omne peccatum est mortale.*

*Mortale* dicitur, vel quod morte dignum est, aut mortem



tem meretur, vel quod mortiferum est, & peccanti, actu secundo ad mortem imputatur. Quando ergo jam dicitur, *omne peccatum est mortale*, intelligendum est, omne peccatum mereri mortem, seu morte dignum esse. Quando autem additur, *quoddam peccatum non esse mortale*, sensus est, quoddam peccatum, e. g. veniale, licet per se morte dignum sit, non tamen esse mortiferum, nec ad mortem peccanti imputari. Chemn. in Part. 3. LL. de Discrim. pecc. mort. & ven. p. 107.

\* *Peccata inter se sunt paria, & non sunt paria.*

*Paria inter se sunt*, & conveniunt, eo quod omnia sunt *ἀνομία* seu aberratio a lege Dei, & sua natura supremum Legislatorem offendunt, ac delinquentem constituunt æternæ reum condemnationis. *Non autem sunt paria*, quia unum altero longius a norma legis recedit, & ratione objecti, causæ, personæ, loci, modi, finis, aliarumque circumstantiarum, aggravatur, ac plus in se habere vitii flagitiique æstimatur, atque adeo etiam magis summum lædit cruciatque Legislatorem. Secundum quam gravitatem, æternam quoque pœnam quoad intensiorem exasperatum iri, credimus ex Matth. V. 22. & c. XI. 22. 24. Chemn. in part. III. LL. p. 108. & Fabric. Syst. 305.

*Peccatum cordis gravius, & non gravius est peccato oris, & operis.*

De peccatis cordis, oris & operis sermo est Matth. V, 21. 22. 28. & c. XV, 19. Cumque primæ speciei peccata sint *inchoata*, duarum autem reliquarum *consummata*, an non mirum dictu videretur, *peccatum cordis* esse *gravius peccato oris, & operis*? Attamen verissime hoc dicitur de quibusdā cordis peccatis, e. g. de odio habituali erga proximum.



mum innocentem, aut inveterato nocendi conatu: quæ sane majora sunt peccata, & vehementiorem merentur pœnam, quam responsum asperius, quod insons effutiit, adversus injuriam inferentem, aut excessus aliquis in sui tutela commissus, vel leviculum vulnus alteri præter intentionem inflictum. *Et non est gravius*, si peccata, cordis, oris & operis spectantur, ut subordinata, Bajer, in Comp, 548.

*Omnia, & non omnia peccata in DEUM committuntur.*

*Omnia peccata in DEUM committuntur*, saltem mediate & indirecte, ut quando aliquis peccat in proximum, aut se ipsum: Omnia enim ac singula Dei offensam important, quia sunt ἀνομίαι, seu violationes sanctissimæ legis ab universi Domino latæ & sancitæ. *Et non omnia immediate & directe in DEUM committuntur*, sed sic quædam in proximum, alia in nosmet ipsos. Cellar. disp. de Peccato. §. 17.

*Peccatum in Spiritum S. est, & non est remissibile.*

Peccati in Spiritum S. diversæ sunt species: nam peccari in eum potest vel resistendo, vel eum contristando, vel alio offensionis modo. *An autem ex nobis ullus est, qui gloriari possit, se nunquam deliquisse contra Spiritum S. illuminationem, mentibus & conscientiis nostris factam? An nunquam egimus adversus ejus motus & directiones? Nonne peccat contra Spiritum S. qui contra eum concupiscit? Sed ubi est ille Christianus, in quo caro non concupiscit contra spiritum? Væ nobis, si nullum, quod adversus Spiritum S. committitur, peccatum, unquam remittitur!* verba hæc sunt Joh. Despagne Tom. III. Oper. in Schibboleth p. 28. Enimvero



vero peccatum in Spiritum S. de hac vel illa jam dicta specie acceptum, interveniente seria poenitentia, omnino remissibile est: nam quis credat aut dicat, omnes illos Israelitas, qui rebellârunt, & dolore affecerunt Spiritum sanctitatis DEI, ut Esaias loquitur c. LXIII. 10. ab omni misericordia, & peccatorum remissione exclusos fuisse? Immo ipse Propheta subjungit, Deum eorum benigne recordatum esse, & Spiritum suum ipsis dedisse ductorem. Non autem remissibile est, si de certa illa specie intelligitur, de qua Christus loquitur Matth. XII, 31. 32. dicens: Blasphemia in Spiritum S. non remittetur hominibus. — Quisquis fuerit locutus adversus Spiritum S. non remittetur ei neque in hoc seculo, neque in futuro. Hoc igitur peccatum oportet esse blasphemiam, seu convitium, & quidem in Spiritum S. cujus ope & virtute vera patrantur miracula, ita ut blasphemans, ea, quæ novit, non nisi a Deo profecta esse, nihilominus tamen ex pura puta malitia, uti heic faciebant Pharisei, Satanæ adscribat, & execrandam hanc animi perversitatem, quam in Phariseis quasi coram videre (scivit enim, cogitationes eorum, &c. 25.) ac prædicere, promeritamque pariter poenam indicare poterat Christus, obstinatissime retineat & nunquam deponat. In quem sensum si quisquam, certe Balth. Cellarius, meus olim in hoc Athenæo præceptor & hospes, pro ea qua pollebat ἀρετή & integritate, rectissime peccatum hoc in Spiritum S. ita descripsit, esse talem blasphemiam, qua doctrina cœlestis operaque vere divina ad confirmationem ejus spectantia, ex mera malitia, diabolo adscribuntur, cum oblatione & voluntate perseverandi. Disp. de Peccato §. 18. Quatenus itaque (ut ibidem addit) peccatum hoc finalem impoententiam includit, remissionem non potest non excludere, adeoque peccatum irremissibile erit, seu tale, quod nunquam remittetur.

Lll 3

Chri-



*Christus est, & non est primogenitus  
creaturarum.*

*De Christi* *Primogenitus* quis dicitur vel proprie, qui inter plures  
*se,* ejusdem naturæ fratres primum natus est, ut Gen. XXII,  
21. XXV, 13. & alibi; vel improprie, qui inter plures ha-  
bet præminentiam. *Christus* igitur est, atque ita etiam vo-  
catur in epist. ad Coloss. I, 15. *primogenitus creaturarum*,  
vocabulo *primogeniti* improprie accepto, quia (ut loquitur  
Seb. Schmid. in paraphrasi) ita natus est, ut per nativita-  
tem primus sit ac præcipuus præ omnibus creaturis, infi-  
nite eas in omnibus superans, natura videlicet, majestate,  
duratione, operibus, officio, & aliis rebus, quippe qui ejus-  
dem cum Patre est essentia. Quo sensu in Lutheri trans-  
latione rectissime dicitur *der Erstgebohrne vor allen Creatu-  
ren*. Idem tamen *non est primogenitus* creaturarum, si  
proprie vocabulum illud accipiatur: nam creaturæ non  
habent eandem cum Filio Dei naturam. Hæc dignitas,  
natum esse ex Deo ab æterno, solius est λόγος, Salvatoris  
nostri, qui est splendor gloriæ Patris, & character personæ  
ejus. Hebr. I, 3. & hinc non primogenitus, sed unigenitus  
Dei vocandus, ex Joh. I, 14. 18.

\* *Tota natura divina est incarnata, & sola persona  
Filii est incarnata.*

*Tota natura divina* dicitur *incarnata*, non quia est  
incarnata in omnibus personis, sed quia personæ incar-  
natæ nihil deest de perfectione divinæ naturæ. *Et sola*  
*persona Filii* prædicatur *incarnata*, personam Filii oppo-  
nendo non naturæ divinæ, sed reliquis in Trinitate perso-  
nis. Quamvis ergo persona & natura & λόγος realiter di-  
stincti, non sint, formaliter tamen & secundum nostrum  
conciipiendi modum differunt, ideoque personam primo  
& im-



& immediate, naturam vero non nisi mediante persona, carnem assumisse dicimus. Raupp. in L. de Pers. & Incarnat. Christi p. III.

\* *Humana Christi natura habet, & non habet suam subsistentiam.*

*Subsistentia* nomen æquivocationi obnoxium est. Vel enim notat actualem essendi modum, qui opponitur modo essendi in alio, tanquam in subiecto inhæsionis; cuiusmodi subsistentia in ipsa definitione & essentiali conceptu cuiusvis substantiæ, ut talis, includitur: vel magis stricte significat ultimum terminum substantialem, quo omnis substantia individua in existendo ita completur, ut per se & sine omni alio sustentante, actu existat; qualis subsistentia in ratione substantiæ non actu, sed aptitudine tantum includitur, ad suppositum autem necessario requiritur, a quo non aliter differt, nisi ut abstractum a concreto: atque hinc dicitur etiam *suppositalitas*, &, si in natura sit intelligente, *personalitas*. Priore modo *humana Christi natura*, hoc ipso, quod substantia est, non accidens, *habet suam subsistentiam*: nec enim existit in verbo, ut subiecto, cui inhæreat ad modum accidentis. Posteriore autem modo *humana Christi natura non habet* suam subsistentiam, sive, quod hic eodem recidit, personalitatem propriam, atque hinc ultimo, & hypostatice est incompleta. Breviter: Substantia humanitatis Christi est ens per se subsistens, sed non ultimo. Parens meus in Syst. Th. p. 160. Rauppius cum Gerharo hoc ita effert L. de Christo p. 142. *Humana Christi natura est ἀνυπόστατος*, non absolute & simpliciter, sed secundum quid, videlicet ratione propriæ subsistentiæ.

Et



\* *Et omnia, & quædam, & nulla idiomata  
divina communicata sunt carni  
Christi.*

*Omnia idiomata seu attributa divina sunt communicata carni Christi, quoad κλησιν sive possessionem, quoniam omnia ab humana Christi natura in persona τῷ λόγῳ possidentur, quandoquidem tota plenitudo τῷ λόγῳ carnem περιχωρεῖ, ac veluti templum suum replet. Et hinc valet canon theologicus: Communicato uno idiomate communicantur omnia; neque enim possunt a se invicem separari, cum sint ipsa indivisibilis essentia divina. Sed & quædam tantum sunt communicata, puta, quoad prædicationem, immediatam, seu talem, quæ non mediante alio attributo fit; verum ita, ut statim in casu recto de carne Christi prædicari possint: qualia sunt ἐνεργητικά, operantia, quæ operantur, e. g. Omniscientia, Omnipotentia. Non enim tantum dicere licet: Caro Christi possidet omniscientiam, omnipotentiam &c. sed etiam: Caro Christi est omniscentia, est omnipotens &c. cum interim quiescentia attributa, quæ non operantur, ut Æternitas, Infinitas, Immenfitas, Independentia &c. communicata sint quoad solam κλησιν, ita ut non nisi in casu obliquo prædicari possint, e. g. Caro Christi habet æternitatem, immensitatem, sibi videlicet inhabitantem ad possessionem, sicut habet sibi inhabitantem τῷ λόγῳ divinitatem. Non enim in casu recto dici potest: Caro Christi est immensa, infinita, æterna. Nulla vero ei sunt communicata, formaliter & subjective. Chemnit. de Duab. Nat. in Christo c. 23. Wigand. de Communicat. idiom. p. 217. J. Gerh. in peculiari orat. quæ subjuncta est Loco de Persona & officio Christi, p. 189. & Scherz. in Breviar. Hülsem. aucto p. 399.*

\* *Propo-*



\* *Propositiones personales possunt, & non possunt dici accidentales.*

*Propositiones personales* vocantur, quibus concretum unius in Christo naturæ enunciatur de concreto alterius naturæ, e. g. Deus est Homo, Homo est Deus, & similes. Atque hæ præpositiones alias dicuntur *inufitatæ*, quia in universa natura nullum datur exemplum, in quo duo disparata in casu recto proprie de se invicem prædicentur, aut citra manifestam falsitatem de se prædicari possint. Eadem vero *possunt dici accidentales*, quoniam eatenus ad modum prædicandi accidentalem referri possunt, quatenus in illis prædicatum est extra primum conceptum subiecti, nec per modum proprii ex eo fluit. *Et non possunt dici accidentales*, si deinde unio ipsa, quam, tanquam modum essendi, modus ille prædicandi sequitur, accidentaliter esse credatur. Bajer in Comp. Theol. Pos. pag. 581.

\* *Humana Christi natura est, & non est omnipræsens.*

*Humana Christi natura*, in statu exaltationis considerata, est omnipræsens, præsentia modificata, quæ cum operatione est conjuncta, & fundamentum habet in voluntate Christi. *Et non est omnipræsens*, per naturæ humanæ intrinsecam proprietatem, aut per aliquam ejus immensitatem. Hinc Chytræus in Orat. p. 487. scribit: *Quod de Ubiquitate queritur, Dominum & Redemptorem nostrum Iesum Christum, Emanualem, non modo divinitate sua, verum etiam secundum humanam naturam vere præsentem adesse, ubicunque se verbo suo præsentem fore promisit, non dubitemus, nec debitam Christo veritatem & omnipotentiae gloriam auferamus. Ubiquitatem autem illam prodigiosam, qua corpus*

Mmm

Christi



Christi eodem modo, quo divinitas immensa & infinita, ratione suæ essentiae aut proprietatis essentialiter communicata, ubique diffusum, & divinitati coextensum, vel prorsus exequatum esse fingitur, toto pectore damnemur & execremur. Et Rungius in Disputationum aliquot Wittebergæ, A. 1606. impressarum quarta, de Ascensu Christi in cœlum &c. §. 135. Censemus, in hoc mysterio de Christi præsentia in terris, mentes & linguas continendas esse intra metas vocis divinitus patefactæ, & sine illius expressa auctoritate ex meris ratiocinationibus, ab unione & sessione ad dexteram petitis, nihil asserendum, neque ociose de lapidibus & lignis, propter quæ Christus non est incarnatus, sed de cœna Domini, de Ecclesia, ejusque membris in medio inimicorum positis, differendum, quomodo Christus illis adsit, quomodo credentes consoletur, regat, in medio hostium servet, ac denique salvet. Hisce adde Form. Conc. & quidem Epit. artic. contr. c. 8. p. 787. Chemnit. de duab. Nat. in Christo c. 30. p. 188. Breviar. Hülsem. auct. p. 410. & Theol. Jen. Ausführl. Erkl. p. 542. & seqq.

*Unio duarum naturarum in Christo, non est naturalis.*

*Unio duarum in Christo naturarum non est qualiscunque earum conjunctio, sed talis, qua natura divina, prout est Filii Dei natura, seu ut in hypostasi τὸ λόγος subsistit, intra hanc ipsam hypostasim, citra commixtionem seu confusionem & conversionem, arctissime tamen & indissolubiliter, sibi conjunctam habet naturam humanam, & cum ea constituit unum ὑφιστάμενον, quod & verus Deus & verus homo est. Neque tamen hæc unio naturarum naturalis est, quoniam neutra natura ad alteram per se, aut per hoc, quod est talis natura, vel ad constituendam cum altero extremo unam naturam tertiam ordinatur.* Bajer. in Comp. 579.

*Recte*



*Recte & non recte dicitur, unum Christum esse duas naturas, & duas naturas unum Christum.*

*Unum Christum esse duas naturas, & duas naturas, unum Christum, recte dicitur, quia Christus non est tertium quid præter ambas, quibus constat, naturas. Et non recte, hoc sensu, quod, quæcunque de Christo prædicantur, de duabus naturis prædicentur. Ex eo enim multa sequerentur absurda. Gerh. L. de Christo §. 199.*

*Propositiones, in quibus de concreto personæ enunciatum concretum alterius, aut utriusque naturæ, sunt, & non sunt personales.*

*Personales propositiones proprie illæ vocantur, in quibus concretum unius naturæ enunciatum de concreto alterius naturæ, v. g. Deus est homo, Homo est Deus. Jam autem dantur etiam propositiones, in quibus de concreto personæ enunciatum concretum alterius, aut utriusque naturæ, e. g. Christus est Dei filius, Christus est homo, Christus est Θεάνθρωπος. Et hæc similesque propositiones etiā sunt personales, quoniam & ipsæ habent aliquid inusitati. Non autem sunt personales, sed formales potius, in quantum utraque natura in formali conceptu Christi continetur. Bajer. in Comp. p. 584. & 588.*

*Christi persona est, & non est σὺνθεσις.*

*Persona λέγεται post incarnationem, seu Christi, est σὺνθεσις, quia assumpsit sibi in unitate personæ copulavit humanam naturam. Et sic illam vocarunt Dionys. c. 3. de Hier. eccl. Augustinus l. 13. de Trinit. c. 17. Gregor. M.*

Mmm 2

homil.



homil. 38. in Evang. & Damascen. l. 3. c. 4. *Et non est σύνθεσις*, si tibi σύνθεσις idem est, ac compositum. At enim vero hæc duo longe a se invicem distant: nam σύνθεσις non nisi simplicem conjunctionem denotat; Compositum autem talem duorum conjunctionem, quæ mutuam inclinationem habent ad tertium constituendum. Gerh. §. 121. & Carpzov. in Ifag. p. 89.

*Communicationis idiomatum genera sunt, & non sunt tria.*

*Tria sunt communicationis idiomatum genera*, ut in Compendiis & Systematibus Protestantium communiter hodie numerantur: primum, in quo vel divina, vel humana idiomata de alterius, aut etiam utriusque naturæ concreto; secundum, quo majestas divina de Christo homine, aut ejus carne; tertium, quo actiones, aut nomina officii de Christo enunciantur. *Et non sunt tria*, sed unum, ut Majores nostri olim docebant, videlicet id, quod hodie primum genus dicimus; vel quatuor, ut numerat Brochmannus L. de Christo, primum nostrum genus in duas partes dispescens, ac primum communicationis genus vocans id, quo de tota persona, alterius naturæ propria enunciantur, e. g. *Christus passus est carne, Christus nobiscum est omnibus diebus, usque ad consummationem seculi*: secundum, quo humana de Filio Dei prædicantur, ut: *Filius Dei tradidit se pro me, Deus manifestatus est in carne*. p. 781. & 783. Præterea est etiam in aliquibus Nostratium libris, quoad ordinem posteriorum duorum generum, differentia: nam quod nobis est secundum, in Formula Concordiæ tertio ponitur loco. Sed quod vocabula & appellationes attinet, faciles esse debemus, ut & quod ordinem, judice G. Calixto in Epit. p. 99.

*In*



*In primo genere communicationis idioma-  
tum datur, & non datur*

*ἀλλοίωσης.*

Quum duæ in Christo naturæ, sint ἄλλο καὶ ἄλλο, ideo uni indivisoque Christo diversa competunt attributa καὶ ἄλλο καὶ ἄλλο, hoc est, secundum aliam atque aliam naturam. In quo consistit ipsissima ἀλλοίωσης, seu permutatio. Et hæc *in primo genere communicationis idiomatum datur*, prout, secundum Damascenum, nihil aliud est, quam ἀντί-δωσις, qua de una eademque persona, divina & humana, realiter prædicantur, καὶ ἄλλο tamen, καὶ ἄλλο; quæ particulæ distinctivæ ostendunt, secundum quam naturam, unumquodque de subiecto prædicetur. *Et non datur*, qua pro nomine personæ substituitur nomen naturæ, ac talis in hisce propositionibus fingitur tropus, quo aliud dicatur, aliud intelligatur. Gerh. §. 198. & J. Lud. Fabricius Tract. de Pers. Christi p. 270.

*Communitatio idiomatum est, & non est  
verbalis.*

*Communicatio idiomatum est verbalis*, notificative, dum phrasibus, prædicationibus & loquendi modis, qui utique verbales sunt, seu verbis constant, exprimitur. Unde & Lutherus, Melanchthon, Mart. Chemnitius alique, eam *phrasin* vocant, & *prædicationem*. Sed intelligenda, est prædicatio objectiva & realis, hoc est, illa proprietatum participatio verbis enunciatur, sed verbis sensus subest, & sensui objectiva veritas, adeo ut communicatio idiomatum realis sit, immo realissima. *Et non est verbalis*, exclusive, quasi tantum esset verbalis prædicatio, nullum in re habens fundamentum. Mart. Chemnit. de II. in Christo Natur. c. 12. p. 61. Gerh. §. 158.

*Mmm 3*

*Vnio*



*Unio personalis est, & non est facta ad constituendum  
unum ὑφιστάμενον.*

*Unio personalis est facta ad constituendum unum ὑφιστάμενον*, quatenus hypostasi jam per se existenti alia natura, nempe humana, accessit & copulata fuit, quæ nullum aliud diversum ὑφιστάμενον constitueret. *Et non est facta* ad constituendum unum ὑφιστάμενον, quasi ex natura divina & humana ἢ ὑφιστάμενον cœperit fieri & existere, quod prius non erat, nec subsistebat; sicut ex anima rationali & corpore organico persona hominis oritur & existere incipit. Gerh. L. de Christo §. 133.

*Est, & non est naturarum περὶχώρησις.*

In Christo, post factam incarnationem, *est* intima naturarum περὶχώρησις seu immeatio, permeatio, inessio, immanentia, & circumplexio, (totidem enim vocabulis placuit interpretibus reddere nomen illud Græcum) eaque personalis, ob unitatem personæ. *Et non est*, essentialis videlicet, qualis datur inter personas divinas, ob unitatem essentiæ. Idem §. 121.

*Tota, & non tota natura divina est in  
humana.*

*Tota natura divina in humana* Christi natura est, quia totus λόγος est incarnatus, non autem aliqua duntaxat pars ejus. *Et non tota*, sed est etiam extra humanam naturam, quia nec divina per unionem transmutata, nec humana divinæ exæquata est, seu quia divina natura non est eadem cum humana, quum illa infinita sit, hæc finita, & neutra de alterius essentiæ. Et ita *Extra essentialē* admittit, cum quo nihil commercii habet *Extra Nestorianum*. Sic licet anima hominis & corpus sibi invicem arcte sint conjuncta, una tamen illarum partium est extra alteram: nec enim  
cor-



corpus est intra definitionem animæ, nec anima in formali suo, ut loquuntur, conceptu includit corpus. Pari modo in ferro ignito ignis est extra ferrum, ferrum extra ignem: nec enim ignis constituit essentiam ferri, nec ferrum constituit ignem. Gerh. L. de Christo §. 43. 48. 52. & 121.

*Humana Christi natura Trinitati est, & non est facta interna.*

Difficultatem, quæ heic occurrit, tollit Gerhardus, distinguens inter id, quod essentialiter, & quod personaliter internum est Trinitati. Enimvero *humana natura*, a λόγῳ assumpta, *S. Trinitati facta est interna* personaliter, & ideo, quod secunda persona divinitatis, carnem sibi hypostatice univit. Si quis igitur carnem assumptam secluderet a consortio Trinitatis, is eandem secluderet a consortio verbi. *Et non est facta interna Trinitati* essentialiter, in quantum non est intrinsecus deificata, nec essentia Dei ex ea constituitur. Idem §. 121.

*Caro Christi est, & non est omniscia, omnipotens, vivifica.*

*Caro*, sive humanitas, vel humana natura *Christi* τὸ ἡανθρώπιν, *est omniscia, omnipotens, vivifica*, per communicationem idiomatum divinorum, factam in unionem hypostatica, ita tamen, ut illa formaliter & subjective sint ac maneat in divina natura. Aliis dicitur *extrinsece omniscia* &c. Ger. Wolt. Molanus, nunc Abbas Luccensis, in disp. inaugur. de Communicat. & prædicat. idiom. §. 65. laudata ipsi etiam Heideggero in vita J. L. Fabricii p. 56. *Et non est talis*, in & ex se ipsa, atque extra unionem hypostaticam, & quasi divinitas Christi, facta prædictorum idiomatum communicatione, aliquod detrimentum senserit, nec permanferit, quod erat: vel nova & creata, adeoque alia omniscientia, omnipotentia, & virtus vivificandi sit in humani-



manitate Christi, quam in divina ejus natura; vel denique humana Christi natura per se sola operetur & exserat, omniscientiam, omnipotentiam, & vim largiendi vitam, spiritualem & cœlestem. Joh. Wigand. lib. de Communicat. idiom. p. 216. & seqq. Jos. Hall in Gessellii H. E. tom. II. 649.

*Christus quoad humanitatem est, & non est filius  
Dei naturalis.*

*Christus quoad humanitatem est naturalis Dei filius*, si naturalis dicitur filius, qui a primo suo ortu talis est. Hinc Angelus dicit Mariæ: *Sanctum, quod ex te nascetur, vocabitur filius Dei.* Luc. I, 35. *Et non est naturalis*, sed adoptivus, quia secundum carnem non est ejusdem cum Patre cœlesti essentiae. Brochm. L. de Christo p. 823. & G. Calixt. in progr. anni 1643. quod veritatis causa, & in charitate opposuit amicissimo Collegæ suo, Conr. Hornejo.

*Christus, ut Sacerdos, docuit, & non  
docuit.*

Si officium Christi duplex esse statuitur, *Sacerdotale & Regium*, ut adeo sub Sacerdotali *Propheticum* comprehendatur, tunc dici potest, quod *Christus docuerit, ut Sacerdos*. Si vero dispescitur in tres partes, aliudque dicitur esse Propheticum, aliud Sacerdotale, aliud Regium, doctrina & informatio Christi ad Propheticum ejus munus rectissime revocabitur. De utroque scribit Gerhardus in Exegesi, Loc. IV. de Pers. & Offic. Christi §. 321. *Officium Christi vulgo triplex statuitur*: Propheticum, Sacerdotale, & Regium. *Quod tamen revocari potest ad duo membra, ita ut duplex Christi statuatur officium*, Sacerdotale & Regium: *Sacerdotis enim est, non solum sacrificare, orare, intercedere & benedicere, sed etiam docere. Quod (ultimum, videlicet Docere, alii) ad propheticum officium referunt.*  
Quem



Quem secutus Bechmannus in Not. uber. ad Comp. Hutteri L. III. q. 35. p. 179. *Autor*, ait, *geminum constituit Christi officium, Sacerdotale & Regium, & sic sub Sacerdotali complectitur officium Christi Propheticum, quia sicut Sacerdotum in V. T. non solum erat sacrificia offerre, intercedere ac benedicere, sed etiam docere populum, quod etiam Prophetarum erat; ita Christus Sacerdos non solum se ipsum, tanquam victimam, Deo Patri obtulit, & pro nobis intercessit, sed etiam viam salutis docuit & monstravit.*

\* *Christus a morte abhorrens, vult, & non vult id, quod Deus vult.*

*Christus a morte naturaliter abhorrens, ac dicens: Transeat a me calix iste; & iterum: Non sicut ego volo, humana, & quidem naturali voluntate, non vult id, quod Deus vult; at divina voluntate idem vult, quod DEUS. Nulla hic, ait Henr. Müller in Christo pat. p. 17. voluntatum contrarietas est, sed potius amica subordinatio. Non, quæ distincta, statim sunt contraria: non adversa, quæ diversa. Nam divina voluntate Christus omnino semper idem vult, quod Pater, Ps. XL, 9. Joh. X, 18. at humana & quidem naturali, quæ ferebatur in objectum (præsens malum) secundum se tantum consideratum, ut erat inclinationi naturæ contrarium, declinare illud cupiebat, sine omni tamen peccato, cum subiciat se divinæ, & sub hac conditione cupiat, si velit Pater; cum autem Pater nolit, nec ipsa id vult, scilicet deliberata, & respiciens objectum cum omnibus suis circumstantiis. Contraria autem non sunt naturale & deliberatum, quoniam non versantur circa objectum eodem modo consideratum. Adde Estii Comment. in lib. 3. Sentent. dist. 17. §. 3. p. 50. & Horneji Eth. l. 4. c. 3. p. 605.*

Nnn

\* Pas-



\* *Passio Christi ad legem pertinet, & ad evangelium.*

*Ad legem pertinet, quatenus ex peccatis nostris orta iram Dei ob oculos ponit, & realis quasi concio pœnitentiæ est: ad evangelium vero, quatenus est λύτρον pro peccatis, & sic causa recuperatæ gratiæ divinæ. Hæc est mens, atque hæc fere verba sæpius citati Bajer in Compend. Theol. Pos. pag. 826. Ei autem sic prævit Form. Conc. in art. V. de Lege & Evang. ubi p. 593. ita dicitur: *Etsi concio illa de passione & morte Christi, filii Dei, severitatis & terroris plena est, quæ iram Dei adversus peccata ostendit: unde demum homines ad legem Dei propius adducuntur, postquam velum illud Moysis ablatum est: tamen, quamdiu nobis Christi passio & mors iram Dei ob oculos ponunt, & hominem perterrefaciunt, tamdiu non sunt proprie concio evangelii, sed legis, & Moysis doctrina: & sunt alienum opus Christi, per quod accedit ad proprium suum officium, quod est, prædicare de gratia Dei, consolari, & vivificare. Hæc propria sunt prædicationis evangelicæ.**

*Deus est passus, & non est passus.*

Si fermo est de Christo, quem Christiani Deum & hominem confitentur, ejusque passione, tunc dicere possum, *Deus est passus*, materialiter sumpta voce, hoc est, is, qui Deus est, passus est. *Et non est passus* formaliter, ut est Deus, seu in deitate sua. Alii hoc sic efferrent: Deus est passus καὶ ἄλλο, videlicet non in sua divina natura, sed in alia, & ab hac distinctissima, vere tamen sibi unita, nempe in humana, Fabric. System. 182,

*Huma-*



*Humana Christi natura sola, & non sola  
passa est.*

Quum ex vulgari canone, *actiones & passiones sint  
suppositorum*, convenientius sane de persona Christi, quam  
de altera ejus natura passio prædicatur: attamen, si, uti e-  
tiam nonnunquam fit, propositio sic formatur, *sola huma-  
na Christi natura passa est*, sciendum est, hoc dici in oppo-  
sitione ad divinam naturam, quippe ad quam passio non  
pertinuit formaliter. Non autem *sola* illa passa est, in op-  
positione ad personam. Immo si naturam velis cum per-  
sona contendere, hæc magis proprie dicetur pati, quam  
illa. Antapolog. Witteb. p. 387. Et autor Defens. Admonit.  
Neustad. p. 13.

*Christus est passus, & mortuus, quiescente, & non  
quiescente verbo.*

*Christus est passus & mortuus quiescente verbo*, dum  
λέγος non usus est potentia & vi divina contra hostes &  
occisores. Quid enim ipsi facilius fuisset, quam se tueri  
adversus nefariorum istorum & imbecillium hominum,  
invasionem atque injuriam? quid facilius, quam petere ac  
impetrare a Patre cœlesti aliquot legiones invictissimorum  
angelorum? Et non quiescente verbo, quia egit utraq; for-  
ma (seu natura) cum alterius communione, quod cujusque  
proprium est, verbo operante, quod verbi est, & carne exe-  
quente, quod carnis est, ut Leo M. loquitur in ep. X. ad Fla-  
vianum c. 4. Fabric. System. 194.

*Christus dolores infernales sensit, & non  
sensit.*

*Christus in passione sua dolores infernales, quos nos  
peccatis nostris, quæ ille in se suscepit, commeriti eramus,*  
Nnn 2 *sensit,*



*sensit*, quoad summos apices. *Et non sensit*, secundum omnes numeros, gradus, & durationem. Dannh. Hodosoph. Christ. 715. & Dorsch. Theol. Zach. part. I. p. 190.

*Caro Christi est, & non est adorabilis.*

*Caro Christi est adorabilis* in, & per, & propter λόγον, a quo hypostatice assumpta est. Unio enim hypostatica efficit, ut deitatem in Christo adorare non possimus, nisi simul humanam quoque in eo naturam adoremus. Hinc cum, introducit Deus primogenitum in orbem terrarum, ait: *Et adorent eum omnes Angeli ejus*, eum, id est, totum, Deum & hominem simul, Ebr. I. 6. *Et non est adorabilis*, in se considerata, quum sit creatura. Scilicet objectum cultus divini quod, siue adæquatum, est ipsum suppositum, Christus: objectum quo, siue inadæquatum, natura non solum divina, sed etiam humana. Baj. Comp. 596.

*Unica gutta sanguinis Christi fuit, & non fuit sufficiens ad nostrum cum DEO reconciliationem.*

*Unica gutta sanguinis a Christo profusi sufficiens fuit ad nostrum coram Deo reconciliationem*, ratione sui, & quia persona erat infinita. *Et non fuit sufficiens*, ratione Dei, qui solus optime novit, quantum ad plenam satisfactionem, requiratur, & cur Filium suum præcise totas plagas, nec pauciores, nec plures, pati voluerit. Et certum est ex Ebr. IX. 15. non unica gutta, sed morte ipsa ad satisfactionem opus fuisse. Joach. Hildebr. in Theol. Dogmat. p. 425.

*Christus fuit, & non fuit obnoxius infirmitatibus naturæ humanæ.*

*Infirmitates humanæ naturæ aliæ sunt communes*, ut fames, sitis, somnus, lassitudo, lacrymæ, mœror, indignatio,



tio, & similes plures; alia<sup>e</sup> *personales*, quas assumi nec generi humano expediebat, & dignitati naturæ derogâssent. Quales sunt morbi varii, cœcitas, deformitas &c. Quando igitur dicitur, *Christum obnoxium fuisse humanæ infirmitatibus naturæ*, intelligendum id est de infirmitatibus communibus; non vero de personalibus. Lombard. III. Sent. dist. 15.

*Natura Christi humana in triduo mortis mansit, & non mansit integra.*

*Natura Christi humana in triduo mortis mansit integra*, materialiter spectata, & prout importat partes, corpus & animam: Ut enim anima apud Deum erat, & in paradiso, ita corpus in sepulcro reconditum. Non autem mansit, formaliter spectata, sive quatenus præter corpus & animam importat etiam unionem inter duas istas partes essentielles, quippe quæ mortis tempore cessabat. Meisner. in Qq. vexat. & Grauer. in III. artic. Aug. Conf. Rixner in Tract. de Usu & abusu princip. metaph. in Theol. p. 64.

*Christus fuit, & non fuit absq; peccato.*

*Christus fuit absq; peccato* proprio, & actuali & habituali, sive connato sive acquisito: Sic enim dicitur *non cognoscens peccatum*, 2. Cor. V, 21. *innocens, impollutus, segregatus a peccatoribus*, Ebr. VII, 26, *agnus inculpatus & incontaminatus* 1. Petr. I, 19. *qui non peccavit, nec inventus fuit dolus in ore ipsius*, c. II, 22. adeo ut hostium suorum conscientiam appellare sustinuerit, ac interrogare: *Quis ex vobis arguit me de peccato?* Joh. VIII, 46. *Et non fuit absq; peccato* alieno: nostra enim peccata, eaque omnia, ipsi fuerunt imputata, ut satis pro illis faceret. Quo sensu Johannes baptista eum monstravit, dicens: *Ecce agnus Dei, qui tollit peccata mundi*, Joh. I, 29. Breith. Inst. Theol. I. 4. c. I. p. 411.

Nnn 3

Meri-



*Meritum Christi est, & non est uni-  
versale.*

*Meritum Christi est universale, ratione sufficientiæ, seu quia Christus perfectum λόγον solvit pro redemptione omnium hominum: Sic enim dilexit mundum, id est, omnes in mundo homines, ut filium suum unigenitum (in mortem pro ipsis) daret. Joh. III. 16. Immo in hoc commendat Deus charitatem suam erga nos, quod, cum adhuc peccatores essemus, Christus pro nobis mortuus sit, ad Rom. V. 8. Et quemadmodum Deus vult omnes homines salvos fieri, ita unus etiam est Mediator, qui sese dedit pretium redemptionis pro omnibus. I. ad Tim. II, 4. Et non est universale, ratione efficientiæ, quia multi sunt homines, immo plurimi, qui efficientiæ seu, ut alii loqui malunt, efficientiæ meriti Christi obicem ponunt, idque vera ac viva fide non apprehendunt, nec peccata, pro quibus Christus est mortuus, missa volunt facere. Et sic tantum fideles ac pii dicere possunt cum Paulo: Christus mortuus est pro peccatis nostris. I. ad Cor. XV. 3. Christus Jesus dedit se ipsum (in mortem) pro peccatis nostris, ad Gal. I, 4. Christus dedit se ipsum pro nobis oblationem & victimam, in odorem bonæ fragrantiae, ad Eph. V. 1. Alii distinguunt inter ipsam mortem sive meritum Christi, ejusque salutarem fructum & applicationem, quæ fit per fidem. Id quod, secundum rem, idem est cum data explanatione. C. Dieter. Instit. Cat. 530.*

*Totum genus humanum est, & non est Deo  
reconciliatum.*

*Totum genus humanum Deo est reconciliatum, si oblatio Dei spectatur. Et non totum, sed sola credentium multitudo, si ad eventum sive actualem reconciliationem respiciamus. Cum enim sub conditione fidei hæc reconciliatio toti mundo offeratur, certe qui conditionem illam recusant, sua*



*sua ipsorum culpa tanto beneficio sese privant, nec ullam justam de Deo conquerendi causam habent, verba sunt C. Vortii in comment. in Epp. apostol. p. 213.*

*Christus potest, & non potest dici legislator.*

*Christus dici potest legislator, quia leges tulit de fide, sacramentis, & moribus, legemque moralem confirmavit, & dexterrime contra Phariseorum corruptelas interpretatus est. Vide Joh. XIV. 1. Matth. XXII. 19. XXVI. 26. XV. 12. 17. & Matth. V. 6. 7. Quibus adde Joh. XIII. 17. 34. XIV. 15. 23. 24. XV. 10. 12. 14. 17. 1. Joh. II. 3. 4. III. 22. 23. I. ad Cor. VII. 22. XIV. 37. Apoc. XXII. 14. & Luth. T. III. Altenb. p. 301. T. IV. 580. 592. 596. T. V. 258. & T. VI. 590. Loquitur etiam ad modum legislatoris in locis allegatis prioribus. Salutatur quoque in Scriptura *Rex, Princeps, Dominus, Magister*. Omnia autem hæc nomina legislativam potestatem arguunt. *Non vero potest dici legislator, cum exclusione officii mediatorii & confusione legis ac evangelii, quasi Christus ita sit legislator, ut non sit simul salvator & redemptor noster, & quasi officii, quod Christus obit, potissimum objectum sit lex, aut evangelium sit lex, legemve involvat: est enim evangelium annuntiatio gratiæ & remissionis peccatorum. De quo videatur Bajer, in peculiari Disputatione. Attamen novum pactum, quod a potiore parte & fine per se obtento Evangelium dicitur, habet leges, sicut quodvis aliud pactum certis initur & sancitur legibus. Fabric. System. Theol. 419. Scherzer. 213. & 260. Forbes. in Considerat. controversi. p. 364.**

*Christus sibi ipse aliquid meruit, & non meruit.*

*Christus obedientia sua perfectissima, quam usque ad mortem, eamque ignominiosissimam pariter ac sævissimam*



mam præstitit, *sibi ipse aliquid meruit*, verbo *mereri* generatim sumto, pro comparare, vel per industriam & labores acquirere, sive obtinere atque adipisci: nam Christus licet ex gratia & ordinatione divina gloriam cœlestem & summam dignitatem consecutus sit, revera tamen non nisi per viam obedientiæ & passionis, ad eam pervenire potuit, immo sua obedientia & humilitate, utpote omnium dignissima & perfectissima, tanquam causa antecedente, sive efficiente, prædictam gloriam vere sibi peperit atque obtinuit. Hinc se glorificari petit, *eo, quod opus sibi a Deo mandatum perfecisset*, Joh. XVII. 4. 5. Sic Luc. XXIV. 26. testatur, non nisi per acerbam mortem & passionem, aditum sibi ad gloriam cœlestem patuisse. Huc etiam spectant, quæ leguntur Es. LIII. per totum, præsertim v. 10. 11. 12. ad Hebr. II. 9. c. XII. 2. 3. & ad Phil. II. 9. Ad quem ultimum locum G. Calixtus in Exposit. liter. sic commentatur: *Quamvis hæc exaltatio, quæ completitur resurrectionem cum dotibus corporis gloriosi, ascensionem in cœlos & sessionem ad dextram Patris, una cum potestate regnandi in cœlis terrisque, & judicandi vivos & mortuos, Christo debeatur ratione unionis hypostaticæ, fieri tamen aliter non potest, quin humanitas divinitati & genuino Dei filio hypostatice unita, omnibus his modis exaltetur: eadem tamen exaltatio alio quoque titulo, nempe ob perfectissimum obedientiæ & humilitatis meritum debetur. Prius quidem jus sibi soli retinuit, posterius autem nobiscum etiam communicat.* Et Patres, nominatim Ambrosius, Hieronymus, Beda & alii, in commentariis ad eundem locum diserte affirmant, Christum humilitate sua gloriam illam promeritum esse. Sic Augustinus in tract. 104. super caput XVII. Joh. *Humilitas*, inquit, *claritatis est meritum, claritas autem humilitatis præmium.* Eadem habet Vigilius lib. V. contra Eurychianos. Nec inutiliter leges hac de re differentem, Guil. Forbesium, Episco-



Episcopum Edenburgensem primum, in Considerat. modest. & pacific. Controvers. p. 364. Sed & hoc verum est, Christum *nihil sibi meruisse*, si loquaris de merito strictè dicto, quod est 1. indebitum, 2. propriis viribus præstitum, 3. in commodum & utilitatem ejus, cui præstatur, & 4. mercedem accipiens, tanquam stricto jure sibi pro opere debitam, absque interventu liberalitatis & gratiæ vel minimæ. Et hoc sensu Nostrates dicunt, particulam δὲ in ep. ad Phil. II, 9. non esse causalem, meritoriamve, sed consecutivam. Glass. Phil. S. lib. 3. tract. 7. p. 834. & Gerh. in Exeg. L. de Christo §. 330.

\* *Christi ascensio hyperphysica fuit, licet successive & visibiliter facta.*

*Christi ascensio*, sive elevatio ac sublatio ex terra *in cælum*, sedem illam beatorum, vera fuit ac propria, dum, vere ac proprie corpus ejus e monte olivarum sursum fuit elevatum; *facta* quoque est *visibiliter ac successive*, dum, discipulis spectantibus, Dominus ab imo in altum, a distantia ad distantiam ascendit; interim non physica fuit, aut physici motus rationem habuit, sed *hyperphysica*, partim propter corpus, quod infirmitatibus non erat amplius obnoxium, sed spirituale: non quidem ratione essentiae, sed qualitatum: quarum respectu & nos aliquando erimus *ισάγγελοι*; partim propter terminum, cælum scilicet, eo quod non locus fuit, aut terminus ad quem physicus; partim propter motum corporis, absque omni violentia in sublime factum. Carpz, Isag. in LL. symbol. p. 187.

\* *Liberum arbitrium per lapsum est, & non est amissum.*

*Liberum arbitrium* in foro theologico sumitur vel pro  
Ooo viri-

De Libe-  
ro arbi-  
trio.



viribus ac facultatibus humanis, ad bona spiritualia inchoanda, promovenda, consummanda; vel pro ipsa voluntatis libertate & indifferentia in agendis tam bonis, quam malis, undecunque etiam vires ad bona suppedientur. Priore sensu liberum arbitrium, per lapsum primorum Parentum, est amissum, &, ut alii loquuntur, infirmatum, captivum, servum, immo nullum: nam posteri illorum non sunt liberi a servitute peccati, a miseria, a morte: nascuntur enim servi peccati, & propter peccatum, quod nec in renatis penitus cessat, obnoxii sunt omnis generis miseriis, ac denique etiam morti. Unde S. Augustinus l. 14. de C. D. c. 11. *Arbitrium voluntatis, inquit, tunc est vere liberum, quum vitiis peccatisque non servit. Tale datum est a Deo, quod amissum, nisi a quo potuit dari, non potest reddi.* Posteriore autem sensu non est amissum: neque enim homo post lapsum, & in medio peccati statu non agit libere. Quare prædictus Hipponensium Præsul, vel quicumque auctor est, l. 3. Hypognost. non minus recte, ac nervose scribit: *Per peccatum, liberum arbitrium hominis, possibilitatem perdidit, non nomen, & rationem.* Titius in dissert. de Virib. hum. five Lib. Arb. th. 13. 14. & ante ipsum Gerhardus L. de Lib. arb. c. 2. & 3.

*Vetus illud, Facienti, quod in se est, Deus gratiam non denegat, approbamus, & non approbamus.*

*Vetus illud, Facienti, quod in se est, Deus gratiam non denegat, approbamus, certo sensu, & in quantum eo indicatur, externis mediis recte utentibus Deum donare, gratiam internam, cujus virtute, simul adjuvante Spiritu sancto, possint fidei actum elicere. Et non approbamus, sensu Pelagiano, quasi externorum mediorum usus internam mereatur gratiam: nam hæc datur ex mero DEI bene-*



beneplacito & misericordia, citra ullum nostrum meritum. Christ. Franck. in Exercit. Anti-Wendelin. exercit. II. §. 22.

*Discretionis causa est, & non est in homine.*

*Discretionis* credentium a non-credentibus *causa est in homine*, dum alius vel externis mediis, vel internæ conversionis gratiæ voluntarie ac libere, viribus naturalibus, resistit, qua resistantia fides excluditur; alius vero neque externis mediis, neque internæ conversionis gratiæ obicem ponens, virtute hujus gratiæ, nullis suis meritis provocatæ, & adjuvante simul Spiritu sancto, adeoque viribus supernaturalibus actum credendi elicit. *Et non est causa in homine*, hoc sensu, quod homo ad sui conversionem, sive in initio, sive in progressu ejus, quidquam conferat, aut conferre possit, sibi suisque viribus relictus. Idem loco cit.

*Regeneratio fit, & non fit in instanti.*

*Regeneratio* hominis adulti *fit in instanti*, si eam sumis pro justificatione, aut si intelligis collationem initiorum fidei, quoad primam cogitationem sanctam, & pium desiderium. *Et non fit in instanti*, sed successive, dum Spiritus S. per prævios actus supernaturales a se ipso excitatos, fidem habitualement confert. Sic docet Joh. Olear. in Indic. Bald. & cum eo Bajer. in Comp. 675.

*De Regeneratione, Conversione & Penitentia.*

*Virtus illuminandi & convertendi homines verbo Dei per se, ac intrinsece inest, & non inest.*

Vt terminus *per se* opponitur vel termino *per aliud*, vel termino *per accidens*, & ei, quod contingenter inest; ita vocula *intrinsece* vel significat idem, ac *formaliter* & *sub-jective*

Ooo 2



*jective aut inhæfive*, sicut accidens alias est in subiecto, e. g. calor in igne; vel ut opponitur parastatico Rathmanniano, h. e. errori Herm. Rathmanni, statuentis, S. Scripturam non habere in se virtutem illuminandi, sed in se esse literam mortuam, lectæ autem, vel explicatæ, & auditæ accedere illam virtutem forinsecus, a Spiritu sancto, ad eum modum, quo securis non habet in se virtutem findendi ligna, sed accipit extrinsecus, quando lignifissor eam in manus sumit, eaque lignis secandis dat operam. Præmissa hac terminorum explicatione, dicimus: *Virtus illuminandi & convertendi homines*, Scripturæ sacræ seu *verbo Dei inest per se*, & non per accidens, contingenter ac separabiliter, quia intrinseca est verbo Dei, & juxta Dei ordinationem sic conjuncta cum illo, ut pertineat ad internam illius perfectionem; inest etiam *intrinsece*, prout vocabulum hoc opponitur parastatico Rathmanniano, atque indicat, verbum Dei virtutem illam in se continere, etiam extra usum, saltim actu primo. *Et non ei inest per se*, quatenus hic terminus opponitur *quod per aliud*: habet enim virtutem illam participatam a Spiritu sancto; *neque etiam intrinsece*, in quantum hic terminus æquipollet *quod formaliter*, & subjective vel inhæfive: nam virtus illuminandi & convertendi nihil est aliud, quam immensa Dei virtus ac potentia, quæ secundum rem est ipsa Dei essentia infinita, neque magis in verbo Dei scripto ac prædicato potest esse formaliter & subjective aut inhæfive, quam Deus vel essentia divina potest in eo esse formaliter, & subjective, aut inhæfive. Theol. Jenens. Ausführl. Erklär. p. 74. & seqq.

*Verbum DEI est, & non est instrumentum conversionis.*

*Instrumenta alia sunt passiva, quæ cum causa principali conjuncta non sunt, nisi in usu, ut securis, malleus, culter: alia*



alia *activa & cooperativa*, quæ causam principalem etiam extra usum sibi semper conjunctam habent supposito & virtute, ac proinde etiam virtutem agendi causæ principalis semper in se habent, v. g. manus. Jam *verbum Dei est instrumentum conversionis* activum, quippe quod ut semper, etiam extra usum, Spiritum S. supposito & virtute sibi conjunctum habet, ita ejus, tanquam causæ principalis, virtutem illuminandi & convertendi, semper, etiam extra usum in se habet. Musæus Introd. in Theol. p. 588.

\* *Conversio hominis est, & non est renovatio.*

Vocabulum *Renovatio* interdum late sumitur, ita ut ipsam conversionem sive regenerationem, immo & justificationem, cum sequente sanctificationis opere, complectatur. Quo sensu ii, qui in Christo Jesu sunt, *nova creatura* dicuntur, 2. ad Cor. V. 17. Eo autem refertur ipsa cum Deo reconciliatio & justificatio per Christum, v. 19. & 20. Interdum vero stricte, & ut a conversione distinguitur, ac justificationem sequitur, atque alias appellatur, *sanctificatio*. His præmissis, non difficile est explicatu, quomodo *conversio hominis* sit, & non sit *renovatio*. Est enim vero, si late: *non est*, si stricte sumis terminum *renovatio*. Baj. Comp. 765.

*Tres sunt conversionis causæ, & non sunt.*

*Tres sunt conversionis causæ*, si illa in progressu spectatur, Verbum Dei, Spiritus S. & Voluntas humana; verbum Dei, cui talis effectus tribuitur, Rom, I, 16. & c. X, 18. Spiritus S. qui cum verbo datur, atque eo mediante intus in homine operatur, Act. X, 44. & voluntas humana, per verbum, virtute Spiritus sancti, mota primum & excitata, eodemque Spiritu porro adjuta & confirmata, Qua rati-

Ooo 3

one



one membrum posterius præsupponit prius, & postremum priora; ac verissimum manet, nullas hominem habere vires naturales ad sui conversionem vel inchoandā, vel complendam, sed unice per vires gratiæ eum converti, neque etiam necessitatem ipsi per gratiam inferri. Ita docet Phil. Mel. in LL. Theol. & in Exam. p. 809. item in Resp. ad art. Bavar. p. 991. 995. Libror. Normal. Noriberg. Neq̃ hanc Philippi doctrinam improbat, sed approbat Chemnitius L. de Lib. Arbitr. c. 7. sub finem: *Recte*, inquit, *dicitur, tres esse causas bonæ actionis, 1. Verbum DEI. 2. Spiritum S. 3. Voluntatem humanam: si modo recte & commode intelligatur. Concurrit enim voluntas humana, non ita, quasi ex suis viribus adjuvet actiones spirituales, sed quia potest resistere Spiritui S. & destruere opus Dei — non captiva & mortua, qualis per se & sua natura est — sed liberata & vivificata per Spiritum S.* Sed & hoc verum est, non tres, sed duas tantum esse causas conversionis, si de hujus initio loquamur, nempe Spiritum S. & verbum, illum, ut causam efficientem principalem, hoc, ut causam instrumentalem; adeoque hoc respectu voluntatem humanam non esse annumerandam. Et hoc rursus docet Philippus in LL. Commun. p. 665. & seq. (prout extant in Libb. Norm. Norib.) scribens: *Sicut hominis irrogeniti intellectus pronatura sua nihil cernit (aut intelligit) nisi carnalia, spiritualium prorsus ignorans, ita nihil affectat voluntas, præter carnalia bona, vitam, opes, gloriam, bonam valetudinem &c. nihil fugit præter mala carnalia, mortem, inopiam, ignominiam, adversam valetudinem &c. Deum nec amat, nec metuit. Vides, quantum possint intellectus & voluntas secundum naturam.* Et in Resp. ad Art. Bavar. p. 996. *Simul fateor, plurima Deum in omnibus Sanctis ita agere, ut voluntas tantum sit subiectum patiens. Immo non nisi unica est conversionis causa, videlicet principalis, Spiritus S. qui*



qui dat velle & efficere, Phil. II, 13. per verbum cœleste, tanquam organum suum, ex quo pœnitentia & fides. Olear. in Continuat. Isag. Carpz. 1269.

*Deus trahit, & non trahit volentes,*

Dannhauerus Hodosoph. p. 616. ait, cum grano salis accipiendum esse illud Chrysostomi homil. 45. in Joh. *Deus nolentes non cogit, sed volentes trahit.* Nimirum, Deus in conversione hominum, *trahit volentes*, dum illi per ipsam tractionem volentes fiunt, seu, ut Parens meus p. 292. System. Theol. loquitur, *trahit Deus homines suis ipsorum voluntatibus, sed quas ipse operatus est.* Cui consentit Basilii homil. de Pœnit. *Tantum voles, & DEUS ipse ultro occurret.* Supponit autem motum voluntatis, a Patre cœlesti inditum. *Et non trahit volentes*, quasi, quum jam incipiunt trahi, volentes sint.

*Pœnitentia est, & non est secunda post naufragium tabula.*

*Pœnitentia*, sic loquentibus SS. Patribus, Hieronymo epist. ad Demetriad. de Serv. virginit. T. I. p. 97. ad Sabini-an. p. 229. in cap. 3. Esaiæ T. V. 18. & in c. 16. Ezech. T. V. 431. Ambrosius l. ad Virg. laps. c. 4. & Tertullianus lib. de Pœnit. *est secunda post naufragium tabula*, intelligendo, & quidem (ut Gerhardi verbo utar ex L. de Pœnit. §. 13.) *rectissime* intelligendo hoc de naufragio fidei & bonæ conscientiae, quam per peccata contra conscientiam amittimus, sed per seriam pœnitentiam iterum recuperamus. Sic enim ipse ait Apostolus I. ad Tim. I. 19. *expulsa bona conscientia, nonnullos naufragium fidei fecisse.* *Et non est secunda post naufragium tabula*, si quis hac phrasi intendat dicere, foedus, quod in baptismo nobiscum iniit Deus, fragile & temporarium esse, ita ut baptismi navis plane disiliat, nec  
ejus



eius virtus per omnem vitam duret atque prorogetur. Quo sensu præsens locutio minime probanda, meritoque rejecta est a Luthero in Catech. Maj. p. 121. I.L. Normal. Norib. & Chemnit. in Exam. C. T. Part. 2. p. 180. Atque ei obstant dicta Hof. II. 19. ad Rom. XI. 29. & 2. ad Tim. II. 13.

*Pœnitentia consistit, & non consistit in mortificatione carnis, & vivificatione spiritus.*

*Pœnitentia consistit in mortificatione carnis, & vivificatione spiritus, si per illam intelligas Contritionem, per hanc, Fidem. Quo sensu Philippus Melanchthon scribit in Locis Communib. prout habentur in Libb. Normal. Norimb. p. 780. Pœnitentia, mortificatio nostri est, in vitam, seu ut renovemur. Et paullo post: Mortificatio fit per legem: nam hæc conscientiam terret, & occidit. Vivificatio per evangelium. Quod mortificationem nos vocamus, Scholastici contritionem voluerunt dici. Et in Apol. A. C. p. 375. Paulus fere ubique, cum describit conversionem seu renovationem, facit has duas partes, Mortificationem & Vivificationem, ut Col. II, 11. Neque hæc verba, Mortificatio, Vivificatio, Exspoliatio corporis peccatorum, Resuscitatio, platonice intelligi debent de simulata mutatione, sed Mortificatio significat veros terrores, quales sunt morientium, quos sustinere natura non posset, nisi erigeretur fide. Et Vivificatio intelligi debet non imaginatio platonica, sed consolatio, quæ vere sustentat fugientem vitam in contritione. Hæc Philippus. Non autem consistit in mortificatione & vivificatione, quatenus mortificatio significat refrenationem vitiosorum affectuum, vivificatio autem vitæ innovationem & pium studium bene operandi: sic enim sunt fructus & effectus pœnitentiæ, & tota vita a justificatis debent perfici. Fabricius System. p. 561. & 563.*

\* Par.



\* *Partes pœnitentiæ sunt, & non sunt  
duæ.*

Veræ ac salutaris *pœnitentiæ*, qua homo peccator ex Dei lege peccata sua agnoscit, eorumque causa angitur, & per fidem ad Deum se convertit, *partes* essentielles non nisi *duæ sunt*, nimirum Contritio & Fides; quarum illa tamen remotius, & per modum materiæ concurrit, hæc propinquius, & per modum formæ: illa enim consistens in agnitione peccatorum, eorumque seria detestatione, cum proposito non amplius voluntarie peccandi, prior est; hæc, si non tempore, saltem natura, est posterior, posita in actu assentiendi non tantum, sed & confidendi promissionibus evangelicis, passioni & merito Christi innixis, quæ ita ultimo velut complet & constituit pœnitentiam, ut ea posita, statim ponatur remissio peccatorum. *Et non sunt duæ, sed tres*, Contritio, Fides, & Nova obedientia, si vocabulum partis *divinus* in latiori significatu usurpetur pro omni eo, quod ad pœnitentiam quacunque ratione pertinet. Quo sensu & Melanchthon in Exam. Ordinand. §. de Pœnit. T. 1. Oper. fol. 321. b. & in Corp. Doctr. p. 727. accepit, & alii. Ita hac de re judicat & scribit Dieter. in Inst. Catech. L. de Pœnit. qu. 22. & 23. Cui junge Gerh. l. 2. Confess. Cathol. part. 3. art. 10. c. 2. p. 1259. & ejusd. L. de Pœnit. n. 54. item Dürr. Isag. in libb. Norm. Norimb. p. 65. qui ajunt, *pœnitentiæ* vocem accipi vel late, vel stricte: late, pro tota controversione cum suis proprietatibus & effectibus; quo sensu pœnitentiæ partibus Novam Obedientiam adjungi; stricte autem & proprie pro iis, quæ essentiam pœnitentiæ constituunt; atque ita duas tantum esse pœnitentiæ partes, Contritionem & Fidem.

Ppp

\* In



\* *In conversione homo se habet mere, & non  
mere passive.*

Res salva est, modo distinguatur inter initium, & progressum conversionis hominis peccatoris ad DEUM. In initio conversionis *habet se mere passive*, id est, nulla ei inest naturalis vis activa, aut efficax habilitas, aptitudo vel capacitas, sed tantum capacitas passiva, qua verti potest ad bonum per gratiam, & fieri revera liber, ad quod creatus est. Verum in progressu conversionis, & postquam vires novas a Spiritu S. per Dei gratiam accepit, *non amplius passive*, sed active se habet, ita ut gratiæ divinæ coopere-  
tur. Quæ ipsissima est orthodoxorum sententia, ut docet Joh. Wigandus de Lib. Arbitr. p. 168. & Kromayerus, ajens in Theol. pos. pol. art. 9. th. 2. p. 537. *Homo ad sui conversionem nihil potest conferre, sed in conversionis initio se mere habet passive: in progressu vero, gratiæ divinæ incipit cooperari, non collateraliter, sed subordinate.*

*Contritio est, & non est necessaria.*

*Contritio est necessaria*, ratione ordinis a Deo instituti, ac præsentia: nam *inter sacrificia Dei*, quæ ipsi maxime, placent, cum primis recensendus est *spiritus fractus*, & velut comminutus. *Animum fractum & contritum Deus non spernit*, sed æquissimo animo accipit & requirit. Ps. LI, 19. *Et non est necessaria*, ratione meriti, quo Deo reconciliemur. *Deus enim secundum multam misericordiam suam nos regit*, ut Petrus ait 1. ep. I, 3. Gratia autem excludit meritum, judice Paulo Rom. XI, 6. J. Gerh. L. de Pœnit. §. 76.

*Datur, & non datur contritio evangelica.*

*Datur contritio evangelica*, quæ fidem, verbo evangelii accensam, conjunctam habet, & per eam salutaris redditur,



tur, ac legalem consequitur, tanquam activa passivam. Et non datur, si per eam excludas legalem, aut neges, quicquam commercii habere cum lege. Bechm. in Comp. Hutt. 540. *Contritio*, ait Breith. in Instit. Theol. p. 309. *veram fidem antecedit, ita comparata, ut sub ea incipiat mortificatio & abnegatio omnis peccati & mali propositi passive, quæ tamen, quatenus sic legaliter, ex terrore legis atque iræ, concipitur, nondum est salutaris, & ordini divino adequata; nam homo sic affectus, sub lege est, nec cor humanum diligere Deum potest, dum sentit, eum horribiliter irasci & opprimere nos temporalibus & perpetuis calamitatibus. Lex autem semper accusat nos, semper ostendit, irasci Deum. Non igitur diligitur Deus, nisi postquam apprehendimus fide misericordiam. Ita demum fit objectum amabile. Apol. A. C. p. 87. Itaque transit abnegatio legalis in evangelicam ac veram, mediante fide & virtute mortis Christi, qua fiducialiter apprehensa, incipit fructus pœnitentiæ, renovatio & mortificatio atque abnegatio activa, ut fides per charitatem sit efficax, mortificando & vivificando.*

*Olim in Ecclesia christiana, una, & non una erat pœnitentia.*

*In Ecclesia christiana olim una erat pœnitentia, publica videlicet & sollemnis, quam post baptismum lapsi agere nebantur, cujusque gradus erant ἀγκλυσίς, ἀκράσις, ἐνέπρωσις, σύστασις, usque dum pervenirent ad μέθυσιν. Cautè enim, salubriterque provisum est, scribit Augustinus ep. 54. ut locus ille humillimæ pœnitentiæ semel in Ecclesia concederetur, ne medicina vilis, minus utilis esset ægrotis; quæ tanto magis salubris est, quanto minus contemptibilis fuerit. Et Ambrosius l. 2. de Pœnitentia c. 10. Merito, ait, reprehenduntur, qui sæpius agendam pœnitentiam putant, quia luxuriantur in Christo. Nam si vere agerent pœnitentiam, ite-*

*Ppp 2*

*randam*



randam postea non putarent, quia sicut unum baptisma, ita una pœnitentia, quæ tamen publice agitur. Nam quotidiani nos debet pœnitere peccati. Sed hæc delictorum leviorum, illa graviorum est pœnitentia. Et non una erat, pœnitentia nempe ante baptismum, sed post hanc etiam altera illa ante descripta hominibus post baptismum lapsis imponebatur. De qua Augustinus ep. 108. *Agunt etiam homines, inquit, pœnitentiam, si post baptismum ita peccaverint, ut excommunicari & postea reconciliari mereantur: sicut agunt in omnibus Ecclesiis illi, qui proprie pœnitentes appellantur.*

*Lapsi, sunt, & non sunt Deo committendi.*

In graviora peccata lapsos, Deo esse committendos, neque adeo absolvendos ab Ecclesia, ac certos esse posse de remissione illorum peccatorum apud Deum ratione & culpæ & pœnæ, Novatiani erat locutio: non tamen in se, sed ex illius duntaxat sensu hæretica. Sic enim is loquebatur, quoniam putabat, unam tantum esse pœnitentiam, infidelium nempe, ante baptismum. Quæ sententia & Scripturæ sacræ, & praxi Ecclesiæ christianæ, cujus tempore ille vivebat (vivebat autem sec. III.) immo etiam apostolicæ, de qua videatur I. ad Corinth. caput V. refragatur. Ceterum verissime dicitur, *lapsos Deo esse committendos*, si sermo sit de illis, qui post baptismum denuo lapsi sunt. Tales enim Ecclesia antiqua ad publicam & operosiorē pœnitentiam, secunda vice, ne illa (ut ex Augustino observavimus) vilesceret, non admisit, neque absolvit canonice, sed Deo commisit, non negans, eos ab ipso impetrare remissionem peccatorum, si vere & serio pœniterent. Non autem Deo committendi erant, sed admittendi ad publicam & luctuosam pœnitentiam, qui a baptismo in peccata atrociora inciderant, per quæ ea divinæ statu gratiæ exciderant, in quæ eum volebant restitui.

*Pœni-*



*Pœnitentia est, & non est actus virtutis.*

*Actus virtutis* dici potest cum actus ad virtutem tendens, tum actus ex virtutis habitu profluens. Jam quando de *pœnitentia* interna dicitur, quod sit *actus virtutis*, capiendum id est secundum priorem significationem, seu quod sit actus sive motus vel mutatio, ad virtutem tendens; *non* autem secundum posteriorem, quasi sit actus, ex virtutis, ne quidem infusæ, habitu profluens. Et quamvis pœnitentia vera ac salutaris, Dei opus ac donum sit, & Dei auxilio peragatur, ut dicta Scripturæ Jer. XXXI. 18. & 2. Tim. II. 25. evincunt; non tamen omne Dei donum est virtus a Deo infusa, aut quicquid divino auxilio fit & peragitur, statim est actus ab infusa virtute profectus. Fabric. System. 553.

*Pœnitentia habet, & non habet partes essentielles.*

*Pœnitentia interna habet quasi partes essentielles*, Contritionem videlicet & Fidem. Enim vero quod præcedit fidem, & ad eam præparat, est quasi materia. Contritio ergo materiæ analogiam habet, fides autem formæ: Sicut enim forma dat esse rei, ita fides, ut pœnitentia sit, quod esse debet, proxime efficit, eamque salutarem reddit. Posita igitur fide, homo vere & salutariter pœnitens reputatur, & justificantis gratiæ, quo tendit pœnitentia, compos. *Et non habet proprie partes essentielles*, quia non est substantia, sed actus, motus, mutatio, & accidens. Id. p. 562.

*Eadem habet, & non habet partes integrantes.*

*Eadem pœnitentia partes habet integrantes*, si partes inte-



integrantes cum Thoma Suppl. q. 90. a. 3. vocas illas, ex quibus perfectio totius integratur. Quo pacto tres numerantur partes pœnitentiæ, Contritio, Fides & Nova obedientia: nam ex his tribus simul acceptis integratur perfectio pœnitentiæ, ceu rotius alicujus: Sicut enim ad essentiam pœnitentiæ pertinet, ut homo peccata priora detestetur, ac fide Christum amplectatur, & sibi proponat, Deoque sancte promittat pristinæ vitæ emendationem; ita, ut propositum promissumque in rem conferat, est de perfectione pœnitentiæ. *Et non habet partes integrantes, in ordine ad materiam proprie dictam, quippe quæ non habet locum in pœnitentia.* Fabric. 562.

*Contritio est, & non est tota interna pœnitentia.*

*Contritio est tota interna pœnitentia*, si vocabuli hujus vis præcise attendatur: nam vera pœnitentia vel pœnitudo, vi vocis, est æstus & dolor in corde resipiscentis natus. *Et non est*, sed pars pœnitentiæ, si pœnitentia sumitur pro tota & perfecta resipiscentia: nec enim contritione absolvitur integra conversio seu resipiscentia, sed *ad veram pœnitentiam pertinet, ut agnoscat peccator sua peccata, doleat ipsi ex animo, quod peccavit, resipiscat. & mutet mentem & malæ vitæ studia, ac convertatur ad Dominum, credens illius promissis, imploransque & sperans misericordiam*, ut loquitur, Wolfg. Musculus L. de Pœnit. n. 1. & 3.

*Contritio est, & non est salutaris.*

Salutare aliquid dici potest vel remote, vel proxime & immediate. *Contritio igitur est salutaris remote*, quia disponit, ac via est ad justificationem & salutem, ut Paulus ait: *Qui secundum Deum est dolor, resipiscentiam efficit ad salutem*, 2. ad Cor. VII, 10. *Non autem est salutaris, proxime*



xime & immediate: Hoc enim officium obit fiducia, gratiæ DEI, Christi que redemptioni innixa. Fabric. 566.

*Dolendum de singulis peccatis, non tamen  
sigillatim.*

*Dolendum de singulis peccatis, quorum quis sibi conscius est, quia Deus vult, ut nos convertamur ad se ex toto corde, Joël. II, 12. hoc est, ita, ut in totum omnibus peccatis regnantibus renunciemus. Idem etiam postulat, ut abjiciamus a nobis omnes defectiones nostras, quibus defecimus, Ezech. XIX, 31. Quid enim prodest, si peccata quis luxurie desleat, & tamen adhuc avaritiæ estibus anhelet? aut quid prodest, si iræ culpas jam lugeat, & tamen adhuc invidiæ facibus tabescat? ait Gregor. M. hom. 34. in Evang. Non tamen sigillatim dolendum, quasi ex necessitate; sed sufficit, ut omnibus, quoad fieri potest, in memoriam revocatis, contritio in ea omnia collectim feratur, uno detestationis motu. Fabric. 574.*

*Sacerdotes in audienda confessione & conferenda  
absolutione, sunt, & non sunt  
judices.*

*Sacerdotes in audienda confessione & conferenda absolutione sunt iudices improprie dicti & ministeriales, exercentes iudicium discretionis, dum discrimen habent eorum, qui vere videntur pœnitentes, & aliorum, qui minus, adeoque, hisce ligatis, illos absolvent. At non sunt iudices proprie dicti: nusquam enim in SS. literis sic appellantur, sed Christi ministri & dispensatores mysteriorum Dei, 1. ad Cor. IV, 5. fungentesque ministerio (non iudicio) reconciliationis, 2. ad Cor. V. 18. Neque ipsorum sententia, ut iudicis, valet, post-*



postquam pronunciata est, quomodo se cunque habeat, ille, adversus quem lata est: nam sententia, quam Ecclesiæ ministri ferunt, non valet coram Deo, nisi digni sint, pro quibus; aut indigni, contra quos promulgata fuit. Ut adeo fieri possit, immo sæpe fiat, absolutum coram Deo esse illum, cui minister Ecclesiæ absolutionem denegavit; alium vero ligatum, cui ille absolutionem impertiit. Unde efficitur, eos non tam iudices esse, quam iudicis ministros. Hildebr. disp. 2. de Jurib. Episc. §. 11. Et ideo in Græca Ecclesia, sententia absolutionis, a Sacerdote, non in ipsius persona propria, multo minus judicialiter, sed deprecative tantum profertur. De quo videatur Thom. Smith. de Eccl. Gr. statu hod. p. 152.

*Fides est, & non est pars pœnitentiæ.*

Si fides sumitur pro fiducia, tunc est pars pœnitentiæ, vel essentialis, vel integrans, uti superius jam dictum; est si vero sumitur pro assensu, tunc non est pars pœnitentiæ, sed eam, ut causa præcedit: eum enim, qui converti debet, oportet nosse, quis sit verus Deus, quem offendit; deinde peccatorum, quibus Deum læsit, gravitatem, & pœnarum commeritarum atrocitatem; porro misericordiæ divinæ promissionem, & denique modum, quo liberari a peccatis possit, & Deum ex irato reddere propitium. Hæc omnia autem per revelationem verbi divini, cui homo assentiri debet, innotescunt. Hoc igitur respectu pœnitentia est ex fide, ut ex causa. Et sic Ninivitæ adducti sunt ad pœnitentiam, quia crediderunt Deo, per prædicationem Jonæ illis excidium comminanti. Fabric. 567.

*Fides opponitur, & non opponitur pœnitentiæ.*

Fides opponitur pœnitentiæ, seu ab ea distinguitur, quando hæc sumitur incomplete, pro contritione. Non autem



autem *opponitur*, sed potius est pars ejus, quando pœnitentia sumitur complete, sive pro tota conversione hominis, quæ partes habet essentielles, Contritionem & Fidem; & integrantes, Contritionem, Fidem, & Novam obedientiam. Fabric. Syst 567.

*In conversione voluntas humana habet, & non habet vires eliciendi actum efficacem circa bona spiritualia.*

Ut *actus voluntatis efficax* dicitur ille, quo voluntas serio fertur in rem aliquam, adeo, ut illam velit, tanquam efficiendam vel obtinendam; ita *bona spiritualia* spectari possunt vel late, vel stricte. Late dicuntur spiritualia, quæ in Decalogo præcepta sunt, & ductu luminis naturæ quodammodo cognoscuntur. Stricte illa, quæ rationis captum transcendunt, & ex naturæ lumine nec investigari, nec intelligi possunt, ut Beatitudo æterna, Remissio peccatorum propter Christum, & alia similia. Atque hæc stricte dicta spiritualia vel *confuse* possunt considerari, ut sunt homini convenientia; vel *distincte*, ut mere spiritualia sunt. Jam dicimus: *In conversione voluntas humana sibi relicta habet vires eliciendi actum efficacem circa bona spiritualia*, confuse spectata, seu habet facultatem, bonum aliquod, ut bonum est, appetend. Et *non habet*, quoad bona spiritualia distincte spectata, hoc est, non potest in ea ferri, ut acquirenda & obtinenda, non potest habere pium desiderium gratiæ divinæ & remissionis peccatorum propter Christum, non desiderium salutis æternæ per Christum, acquisitæ, non fiduciam in Christi merito positam. Joh. Musæus disp. 2. de Convers. §. 35.



*Datur, & non datur pœnitentia stantium.*

*Stantes* appellantur homines renati & fideles, qui in statu renascentiæ & gratiæ adhuc persistunt. Horum *stantium pœnitentia datur*, eo quod habent peccata, quæ quotidie agnoscere, detestari, & fide ad Deum conversi deprecari debent. Et hoc modo dicuntur pœnitentiæ & conversionis erga Deum, sed latius sumtæ, capaces esse. *Et non datur*, si strictè sumitur vocabulum *pœnitentiæ & conversionis*, videlicet pro illa, quæ cadit in hominem improbum, nec dum in actu conjunctionis cum Deo constitutum. Bajer. in Comp. 729.

*Crux perducit, & non perducit ad pœnitentiam.*

Ex hoc paradoxo facile nos possumus extricare, distinguendo inter *Perducere* directè, & indirectè. Enimvero *crux* & calamitas indirectè *perducit ad pœnitentiam*, dum verbum Dei prius lectum & auditum, sed minus observatum, quoad notitiam practicam, in nobis suscitatur animatque, vel etiam ad usum mediorum salutis nos instigat aut compellit. *Et non perducit*, directè: hoc enim propriè verbi divini munus est atque officium. Id. p. 716.

*Confessio auricularis retinetur, & non retinetur in ecclesiis nostris.*

*Confessio auricularis* seu privata, quæ seorsum fit coram Ministro ecclesiæ, *retinetur in nostris ecclesiis*, & quidem propter gravissimas causas, quarum aliæ respiciunt confitentes, aliæ absolventes. Confitentibus enim vergit in solatium, quod absolutionem, quæ alibi generaliter proponitur, sibi pronuntiari audiunt; deinde quod certi redduntur, se in sacro convivio dignos fore hospites. Absolventibus autem conducit ad institutionem rudiorum; ad privatas



tas admonitiones, quæ forte in publicis concionibus non ita commode fieri possunt; denique ad *ἐὐλαζία* ecclesiasticam, & ne sacrum canibus projiciatur. *Et non retinetur*, cum scrupulosa enumeratione omnium & singulorum, quæ in memoriam redire possunt, peccatorum, eorumque circumstantiarum, aut cum opinione necessitatis de jure divino, & quasi nullo plane modo eam mutare liceat in publicam, ut tamen factum a Protestantibus in Suecia, Ducatu Würtembergensi, Argentorati, Ecclesiis Hollandicis, & alibi; præsertim si licentia privatim confitendi iis conceditur, qui eam certis de causis interdum desiderant ac postulant. Saubert. in Epit. Exam. Philipp. 134. & Georg. Mylius in Explicat. Aug. Conf. artic. XI. p. 159. Nec pœnitebit te legisse hac de re Formulam confess. faciendæ in regno Angliæ, præscriptam a Rege Eduardo A. 1548.

*Infantibus competit, & non competit pœnitentia.*

Intelligendum hoc est de infantibus baptizatis, ac supponendum, vocem *pœnitentiæ* modo significare regenerationem & renovationem, modo internam illam immutationem, qua homo peccata sua agnoscit, ac detestatur, cum proposito ea missa faciendi, & ambulandi in vitæ novitate. Priore sensu *infantibus competit*, quum baptismus sit lavacrum regenerationis & renovationis Spiritus sancti, ad Tit. III. 5. *Non* autem posteriore, quia rationis usu destituti, non possunt peccatum suum agnoscere, ac detestari, cum proposito piæ sanctæque vitæ & conversationis. Bajer. Comp. p. 728.

*Remissa culpa manet, & non manet pœna temporaria luenda.*

Vocabulum *pœnæ* vel late sumitur, improprie & æqui-

Qqq 2

voce



voce, pro castigatione, a Deo, ut benigno Patre, filiis pœnitentibus immissa; vel stricte & proprie, pro pœna proprie dicta, quam Deus, ut iratus iudex & vindex, infligit. Iuxta priorem sensum, dixeris quidem, *remissa peccati culpa*, manere pœnam temporariam luendam, non vero juxta posteriorem. *Αποστα* enim sunt, hunc vel illum hominem Deo reconciliatum esse, & gratiam remissionis peccatorum impetrasse, & tamen Deum eidem adhuc iratum esse, pœnamque ab eo reposcere, quæ sit ultio irati vindicis. G. Calixt. in Epit. Theol. p. 158. Brochm. Syst. Theol. T. 2. L. de Pœnit. p. 366. Le Fèvre dans les Motifs invincibles &c. p. 291.

De Justificatione.

*Formale justificationis est, & non est remissio peccatorum.*

*Formale* seu ratio formalis ipsius actus *justificationis est remissio*, seu non imputatio peccatorum; hac enim posita, ponitur justificatio hominis peccatoris, sed credentis in Christum, coram Deo; eademque ablata, aufertur & ipsa justificatio. *Et non est* remissio peccatorum, sed justitia Christi fide apprehensa, loquendo de forma hominis justi, cujus intuitu, in actu justificationis, justus reputatur. Sic Apol. Aug. Conf. art. de Justif. p. 273. docet, *Justificari* dupliciter posse sumi, 1. prout significat *ex injustis justos effici* seu constitui, per justitiam, quæ coram Deo valet: quæ quidem non alia, quam justitia Christi, obedientia ejus activa & passiva parta; 2. ut idem est ac *justos pronunciari & reputari*. Et hæc imputatio justitiæ Christi est fundamentum remissionis peccatorum, adeoque ea ordine naturæ prior; neque excluditur, sed subintelligitur potius, aut præsupponitur, quando formalem justificationis rationem, docetur, esse remissionem peccatorum. Bajer. 758. & seqq.

*Deus*



*Deus justificat, & non justificat impium.*

*Impius* dicitur cum ille, qui pœnitentia ductus peccata retractavit, & Christi satisfactionem fide apprehendit; tum iste, qui media pœnitentiæ spernit, & in impietate vitæ perseverat. Illum *justificat* Deus, & a peccatis absolvit: non vero hunc. Deus enim odit operantes iniquitatem, Ps. V, 5. Et qui non credit Filio, super eum ira manet, Joh. III, 36. Bajer. in Comp. 761.

*Homo justificatur, & non justificatur opere bono.*

*Homo*, qui fide justificatur, *justificatur opere bono*, quia credere in Christum, est bonum opus. *Et non justificatur bono opere*, ut tali, & quatenus est hominis opus, aut virtus in eo: siquidem justificatio fit ex fide, Christum, ejusque meritum complectente. Schröder. in Catech. 360.

*Justitia Christi, in justificatione, est, & non est aliena.*

*Justitia Christi*, quæ homini pœnitenti *in justificatione* imputatur, *est aliena*, quia non homo, cui imputatur, sed Christus obedientiam præstitit, & λύτρον exsolvit. *Et non est aliena*, sed nostra, quatenus obedientiam & satisfactionem illam Christus, nostri loco, & nostro nomine præstitit, nosque illius per fidem participes reddimur. Schröd. ibid. 338.

*In justificatione homo fit, & non fit justus.*

*In justificatione*, quæ significat actum forensem, *homo fit justus*, judicialiter, quatenus pro justo declaratur. *Et non fit justus* inhærenter, per illum actum forensem. Quamquā gratia justitiæ & sanctitatis inhærentis, homini, qui justifi-



ficatur & a peccatis absolvitur, pariter infunditur, ita ut absolutio, & justitiæ hujus donum, non tempore, sed ordine naturæ distinguantur. Fabric. Syst. 395.

*Fides justificat, & non justificat.*

*Fides* hominem dicitur *justificare* metonymice, quia ejus intuitu Deus hominem reputat justum, seu quia fides, vi meriti Christi, Deum movet, ut eum justificet, & a peccatis absolvat. *Et non justificat*, proprie & stricte loquendo, quandoquidem fides non absolvit hominem a peccatis, eumque reputat & declarat justum. J. Musæus disp. de Justificat. §. 38.

*Fides est, & non est prior justificatione.*

*Prius* aliquid dicitur vel natura, vel tempore. *Fides justificatione prior est natura; & non est prior tempore.* Idem l. c. §. 12.

*Fiducia est, & non est altera pars fidei justificantis.*

*Fiducia*, quæ ponitur in Christi merito, quaque homo in eo acquiescit ut bono præsentis ac suo, & causa alterius boni, *est altera*, eaque essentialis, *pars fidei justificantis.* *Et non est*, sed fidei justificantis effectus, si illam intelligis fiduciam, quæ ab homine justificato ponitur in gratia & misericordia Dei, & paterno ejus affectu. De hac loquitur Apostolus ad Eph. III, 12. scribens: *In quo (Jesu Christo) habemus loquendi libertatem & aditum cum fiducia, per fidem ipsius.* Bechm. Annot. ad Hutt. Comp. 354. & Guil. Forbes. in Considerat. Controvers. p. 6.

\* *Sola, & non sola fide justificamur.*

*Sola fide justificamur*, coram Deo, ex parte nostra, seu fides ex parte nostra est id, cujus intuitu DEUS nos  
justi-



justificat ; & quicquid non est ipsa fides (etiam si cum fide  
 conjunctum sit, ut pœnitentia & charitas) id a nostra par-  
 te pro justificationis causa haberi non debet. Merito au-  
 tem hoc fidei tribuitur, *quia in fide magis manifestatur, ho-*  
*minem non propria virtute, sed Christi merito justificari*, uti  
 Toletus commentatur in cap. 3. epist. ad Rom. annot. 17.  
 Sed *non sola fide justificamur*, si fidem gratiæ Dei & merito  
 Christi velles opponere, cum tamen illis non sit opposita,  
 sed subordinata: nam propositione hac, *sola fide justificamur*,  
 non excluduntur diversa causarum genera a justificatione;  
 certe non efficiens principalis, quæ est Gratia Dei: nec  
 meritoria, quæ est Christus: nec causæ instrumentales of-  
 ferentes, quæ sunt a parte Dei evangelium & sacramenta:  
 quin nec a nostra parte resipiscentia h. e. timor iræ DEI,  
 & peccati agnitio ac detestatio, novumque propositum, &  
 similes alii motus eliminantur: sed tantum in eod. gene-  
 re causæ, nempe organicæ applicantis (aut, si mavis, im-  
 pulsivæ minus principalis) remonentur a justificatione ea,  
 quæ fidei apud Apostolum Paulum, Rom. III, 28. c. IV, 5.  
 Gal. II, 16. c. III, 9 10. Eph. II, 8. 9. respectu justificationis  
 sunt opposita, nempe opera. Ut *sola fide justificari*, sit, nul-  
 lis nostris operibus justificari, cum sola fides, non opera,  
 gratiam Dei ac Christi meritum apprehendat, sibi que ap-  
 plicet. Sic docent Nostrates in Amica tractat. int. part.  
 apud Chytr. Hist. A. C. 253. & Fabric. Syll. Theol. p. 384.  
 Addatur Guil. Forbes. in Considerat. controv. p. 17. &  
 Pierce in Pacificator. theol. orthod. Opusc. c. 20. §. 8.  
 & seqq.

\* *Fides est, & non est causa justificationis  
 impulsiva.*

*Fides est justificationis causa impulsiva, & quidem mi-  
 nus principalis, quippe quæ Deum movet, non quidem  
 sua*



sua propria dignitate, vi, aut valore, sed virtute, dignitate & valore objecti, sive meriti Christi, quod apprehendit. *Et non est*, saltem ex eorum mente, qui sibi persuadent, causam impulsivam externam omnem inferre meritum quoddam, vel certe bonitatem, dignitatem, & perfectionem, propriam, qua voluntas causæ efficientis ad agendum moveatur. Qua de re consulendus Musæus in dissert. de Æt. Elect. Decr. c. 2. §. 62. 63.

*Fides potest esse, & non esse sine operibus.*

Falsa, inutilis, & mortua *fides potest esse sine operibus*: at vera & salutaris *non potest esse sine illis*, docente sic non tantum Jacobo cap. II. 14. 17. sed etiam Paulo 1. ad Cor. XIII. 2. *Vera* nempe *& falsa fides hic non dicitur, quæ quis vera vel falsa credit, sed quæ vere vel hypocritice credit. Vere autem credit, qui id, quod credit, ad rem confert; hypocritice, qui id, quod credit, vel credere se proficitur, opere ipso non præstat. Et sic etiam veteres id hoc loco accipiunt, ut Didymus, Beda, & Glossa ordinaria, verba sunt C. Horneji in Exposit. liter. cap. II. epist. Jacobi, qui utique amplius legi meretur: eique etiam jungi possunt, quæ David. Pareus notat in eundem Jacobi locum.*

\* *Fides est obedientia, & non est obedientia.*

*Fides*, qua obedimus verbo evangelii, illud vera cordis fiducia, acceptando, *est obedientia*: nam Paulus in ep. ad Rom. I. 5. expresse scribit, *se per Jesum Christum, Dominum nostrum, gratiam & apostolatum, ad obedientiam fidei*, id est, ut homines fide obediant Deo, accepisse. Atque hoc respectu fides est opus, & obedientia hæc ad primum spectat præceptum, illaque fidei obedientia fides quidem est, sed



sed talis, quæ majorem causatur & operatur obedientiam. Caterum *fides non est obedientia* formaliter, & quasi obedientia præceptorum evangelicorum sit ipsa fides : illa, enim hujus effectus est, non ratio formalis. Calov. in. Annot. ad Rom. I. 5. & Spener. Abgenöth. Rettung seiner reinen Lehre. p. 53. & seqq.

\* *Fides conservatur, & non conservatur per sanctimoniam studium.*

*Fides per sanctimoniam* five bonorum operum *studium conservatur* negative, & per modum ejus, quo removetur id, quo fides excutitur & amittitur, nimirum vitæ impietas & peccata contra conscientiam. *Non autem per sanctimoniam studium conservatur* positive, & per modum causæ, influendo in ejus conservationem : nam proprie loquendo fides conservatur per easdem causas, per quas generatur, nempe per verbum & sacramenta; hæc enim sunt media, divinitus instituta ad fidem salvificam in hominum cordibus accendendam, nutriendam, roborandam, & conservandam; sanctimoniam studium vero ejus consequens est. Ita Theologi Jenenses, interque eos inprimis Musæus in Ausführl. Erkl. p. 577. Confer Dieter. Inst. Cat. de Bon. Op. qu. 34.

\* *Fides & incredulitas possunt, & non possunt simul consistere.*

*Fides* justifica & *incredulitas*, five infirmitas, dubitatio & diffidentia, *possunt simul consistere* in eodem subjecto, seu homine. Nam renovatio in hac vita est imperfecta, & idem homo ex parte novus est & spiritualis, ex parte autem vetus & carnalis. In quantum ergo homo fidem possidet, & per eam justificatus est & renatus, in tantum nihil ipsi negotii est cum infirmitate fidei, dubitatione,

Rrr

ac



ac diffidentia. In quantum vero adhuc verus, & nondum plene renovatus est, in tantum expositus & obnoxius est dubitationi, infirmitati atque diffidentiae, maxime si extrinsecus adveniat prava tentatoris suggestio. *Non autem possunt simul consistere*, ratione suae essentiae aut formalis rationis: fides enim, ratione suae essentiae & formalis rationis, plane excludit ignorantiam, dubitationem, infirmitatem & diffidentiam: nec est aliquod mixtum ex notitia, assensu, fiducia, & ignorantia, dubitatione, diffidentia. Christian. Chemnit. disp. de Tentat. sensus & inexistentialis fidei th. 20.

\* *Assensus notitia fidei prior est.*

*Assensus*, quo constat fides, quique verbo divino praebetur, *prior est notitia*, non qualicunque & historica, quae in infideles etiam, & irrogenitos cadit, sed vera illa ac salutari, Hinc Petrus 2. ep. III. 5. de irrisoribus ait, *ipsos volentes ignorare, caelos jam olim extitisse per Dei sermonem, & terram ex aqua & in aqua subsistentem.* Ad quae verba, C. Horneus in Exposit. liter. sic commentatur: *Si queras, quomodo haec ignorasse irrisores illi dicantur, cum tam expresse in verbo Dei perscripta sint, respondeo, non dici eos haec ignorare, quasi non noverint, in Scripturis ea contineri, sed ideo, quia Scripturis ipsis non credebant: nam quod per fidem cognoscitur, id tum demum scitur, cum verbo divino creditur seu assensus praebetur; ignoratur autem, quamdiu ei non creditur, quantumvis hoc aut illud eo affirmari seu tradi non ignoretur.* Sic Christum Dei filium ex verbo divino agnoscit, non qui novit, eum, ut Dei filium, in verbo illo describi: id enim etiam in infidelem cadit; sed qui verbo illi hoc tradenti assentitur & credit, & ipsum pro eo habet, quem esse verbum Dei testatur.

*Fides*



*Fides implicita datur, & non datur.*

*Fides implicita datur*, in quantum non omnia credenda distincte sciuntur. Interim homo omni verbo Dei virtualiter credere paratus esse debet, ita ut illis etiam objectis, quæ hætenus non distincte scit, si a Deo revelentur, fidem non detrectet. Et sic *Sancti in V. T. multa crediderunt implicitè, quæ nos in N. T. explicite credimus*, ut scribit Chemnit. part. I. Exam. C. T. p. 60. *Et non datur*, prout fides implicita putatur implicari in alterius fide, ut, si dicas, te credere, quod credit Petrus. Quæ est fides sine notitia & assensu, immo larva & spectrum fidei, ac mera ignorantia. Hülsem, præfat. Dial. p. 86.

*Objectum fidei est, & non est gratia Dei in Christo nobis exhibita.*

*Objectum fidei*, in justificationis coram Deo negotio, *est gratia Dei in Christo nobis exhibita*, dum eum nobis nasci, & pro nobis pati ac mori voluit. Luc. II. 11. ad Rom. VIII, 32. c. III, 24. & Joh. III, 16. *Et non est præcise gratia Dei in Christo nobis exhibita*, sed omne Dei verbum, quod recipit, & cui assentitur; si quidem fides in tota sua latitudine & exercitio sumitur. Sic Apostolus Paulus profiteatur, se credere omnibus, quæ in lege & in Prophetis scripta sunt. Act. XXIV, 14. J. Musæus disp. 3. de Convers, p. 148. & 177.

*Fides charitate formatur, & non formatur.*

Si *formari* dicitur, quod a posteriori monstratur & quasi perficitur, tunc non absurde dici possit, *fidem formari charitate*, quia per charitatem seu bona opera, viva & vera coram hominibus illa demonstratur. Si autem *formari*

Rrr 2

strictè



strictè usurpatur, pro constitui a priori & essentialiter, minime dicendum, *fidem formari charitate*. Sic enim illa constituitur notitia, assensu & fiducia; charitas autem ejus consequens est & fructus. Immo ut accidentia ultimatae formae sunt, quibus alia formantur, ipsa autem ulteriores formas non habent, ita fides, tanquam accidens, est forma & quidditas in se ipsa. Guil. Forbes. in Considerat. modest. & pacif. controvers. p. 16.

*Ad justificationem requiruntur, & non requiruntur dispositiones quaedam antecedentes.*

*Ad justificationem hominis adulti requiruntur, ratione ordinis a Deo constituti, dispositiones quaedam antecedentes, ut, de peccatis dolere, abstinere ab iisdem, Deum eorum vindicem reputare, vitaeque in meliorem mutandae capere propositum. Et non requiruntur, respectu meriti, sive hoc dicatur esse de congruo, sive de condigno. Nam per illas homo non meretur justificationem, quippe quae ex mera Dei gratia proficiscitur, minime autem ex justitia, ut Apostolus docet ad Rom. III. & IV. Idem l. c. p. 11. Chemnit. Exam. C. T. part. I. 155. & le Févre p. 270.*

*Fides est, & non est pars sanctitatis.*

*Sanctitas* sumitur vel late, pro complexu omnium eorum, quae ab homine christiano requiruntur, quae suo ambitu etiam fidem complectuntur: vel strictè, pro studio virtutum, quae fidei contradistinguuntur, atque ut fructus ex ea nascuntur. *Fides ergo est pars sanctitatis* late acceptae. *Et non est pars*, sed potius principium & fundamentum sanctitatis, strictè sic dictae. Bechmann. in Annot. ad Hutt. Comp. p. 500.

*Sunt,*



*Sunt, & non sunt tres gradus fidei.*

*Tres sunt gradus, seu partes veræ & salutaris fidei, Notitia, Assensus & Fiducia, secundum receptam Theologorum doctrinam. Est enim notitia, in simplici apprehensione posita quoddam fidei initium, vel actus quidam mentis, ad fidem requisitus, quum credere non possimus, nisi quæ mente apprehendimus, & apprehensione simplici cognovimus. Et non sunt tres, sed duo gradus, duæve partes, Assensus videlicet & Fiducia, quoniam notitia illa, in simplici assensu posita, nondum est fides; fides autem in formali suo conceptu assensum importat. Hinc in Saubertina Examinis Philippini Epitome p. 54. fides justificans dicitur esse, assentiri omni verbo Dei nobis tradito, atque ita promissioni gratiæ: & esse fiducia, acquiescens in Deo propter Filium, accedens ad Deum, & invocans eum, & clamans, Abba, id est, Pater. Adde, quod nuda notitia etiam in impiis contemptoribus christianæ religionis locum habere possit. Hornej. in ep. Jac. II. 14. & Theol. Jen. Ausführ. Erlär. 574. Immo, si Guil. Forbesium p. 7. sequi placet, cui fides justificans nihil aliud est, quam assensus animi firmus ac certus, a Spiritu S. per verbum eductus, quo omnia a Deo in Scripturis revelata, ac præsertim de mysterio redemptionis & salutis nostræ per Christum factæ, verissima esse statuimus, propter auctoritatem Dei revelantis, quique fiduciam ab hac fide, ut connexum vel consequens distinguit, proprie fides in assensu constiterit, nec ultra unum gradum se extenderit.*

*Datur, & non datur fides specialis.*

*Fides specialis dicitur illa, qua homo universales promissiones de Christo mediatore, & gratia per ipsum impetranda, ad se ipsum transfert, & credit, Christum pro se*

Rrr 3

esse



esse passum & mortuum. Talis *specialis fides*, quæ cum ab objecto speciali, in quod fertur, scilicet Christo mediatore, & promissionibus de gratia Dei & remissione peccatorum ac salute propter Christum, tum ab ejus speciali applicatione, nomen adepta est suum, *datur* citra omnem controversiam. *Et non datur*, si quis eam sibi fingat appellari a promissionibus aut revelationibus, cuique credenti specialiter & in particulari factis. J. Musæus tract. de Convers. disp. 3. p. 110.

*Christiani jam in hac vita redduntur, & non redduntur participes salutis.*

*Salus* dupliciter sumitur in Scripturis, 1. pro salute *inchoata*, vel fruitione gratiæ, aut justificatione & reconciliatione hominis. Quo sensu sæpe dicitur in evangelio: *Fides tua te salvum fecit*. Quibus verbis non corporis, sed animæ potius salus, in remissione peccatorum consistens, intelligitur. 2. Pro salute *consummata*, vel fruitione gloriæ sempiternæ post hanc vitam, quam adhuc speramus & exspectamus. Illius mentio fit Matth. V. 1 — 11. ad Tit. II. 11. & c. III. 5. hujus Joh. III. 36. Utrumque autem simul complexus, scribit Paulus Apostolus ad Rom. IX. 24. *Spe servati sumus*, id est, Luthero interprete, *wir sind wol selig/ doch in der Hoffnung*. Ex dictis jam facile constabit sensus paradoxo nostri. *Christiani jam in hac vita redduntur participes salutis inchoatæ: & non redduntur participes consummatæ.* Hackspan. & Dürr. in Term. Distinct. & Divis. philosoph. theolog. p. 528.

*Fideles possunt, & non possunt esse certi de salute sua.*

Sicut iterum inter salutem *inchoatam* & *consummatam*, seu *præsentem* & *futuram*, ita etiam inter *certitudinem absolutam*



*lutam & conditionatam* distinguendum est. Absoluta certitudo, animo hominis inhærens, illa dicitur, qua quis vel ex evidentia sensuum, aut terminorum, vel ex invicta demonstratione, vel ex testimonio omni exceptione majori, persuasus est, rem sic, & non aliter se habere. Conditionata, qua quis certus quidem est, rem ita se habere, non tamen absolute, sed sub certa conditione. Jam *fideles de salute sua* inchoata & præsentem, hoc est, de gratia Dei, poenitentia, remissione peccatorum, justificatione, fide & sanctificatione sua, possunt esse certi, & quidem absolute. Sic enim certi esse possunt ex fidei præsentis veritate, de quæ actibus suis internis, sive de animo suo. Et hinc jubentur *se ipsi probare, an sint in fide*. 2. Cor. XIII, 5. *Et non possunt esse certi absolute*, sed tantum conditionate *de salute sua* tam in hoc, quam in altero, eo quæ meliore seculo futura. Nam qui supervivunt justificationi suæ, eos oportet *militare bonam militiam, retinere fidem ac bonam conscientiam*, 1. Tim. I, 18. 19. Ecquis autem plane certus est, ita se perseveraturum usque ad finem vitæ? Quamvis enim a Deo, ob summam ejus potentiam, bonitatem & veracitatem, nullum fidelibus sit metuendum periculum ab ipsorum tamen parte multiplex suboriri potest defectus, si videlicet sponte labantur vel in hæresin aut apostasiam, vel in vitæ impietatem, qua Dei gratia excutitur, & jus hæreditatis cœlestis amittitur. Hackspan. & Dürr. in Term. dist. & divis. p. 61. Fabric. Syst. p. 403. & Phil Mel. in LL. Commun. prout extant in Libris Norm. Norib. p. 757. & 758. qui ait: *Timorem ad opera nostra, fidem ad misericordiam Dei referri debere*, respiciens ad dictum Apostoli in ep. ad Phil. II, 12. ubi fideles jubet *cum timore ac tremore suam ipsorum salutem conficere*. Adde Form. Conc. 763. 777.

\* Bona



\* *Bona opera sunt, & non sunt necessaria.*

*Bona opera* heic loci vocantur actiones hominis renati liberæ, quas ipse viribus gratiæ in conversione acceptis auctisque, juxta normam verbi divini exercet ad DEI gloriam. Et hæc *sunt necessaria* necessitate ordinis & debiti: necessitate ordinis, quia ordinatum est a Deo, ut renovatio justificationem, justitia operum justitiam fidei, justitia inhærens justitiam imputatam consequatur, seu comitetur: necessitate debiti, propter causas impulsivas & finales, quarum aliæ respiciunt Deum, aliæ Renatos, aliæ Proximum. Hinc *Lutherus* solebat dicere: *Bona opera facienda sunt, ut glorificent Deum: ut testentur de fide: ut serviant proximo.* Hæc autem tria principalia capita in alia membra dividi & distribui possunt, quomodo egregie id præstitit *Chemnit.* part. 3. LL. p. 65. *Non autem sunt necessaria* necessitate coactionis, & determinationis: non enim renati vel extrinsecus coacti, vel ab interno principio impulsu bona agunt, sed spontaneo ac libero ducti spiritu, & *delectantur lege DEI secundum interiorem hominem*, ceu Paulus loquitur ad Rom. VII, 22. Neque etiam sunt necessaria ad justitiam vel salutem efficiendam aut promerendam: uti pluribus docet idem *Chemnit.* l. c. p. 48. & seqq. Cui adde Confess. & Defens. Studiosorum Francofurt. ad Oderam de Novæ obed. necessitat. p. 1. & seqq. & Abd. Prætorii Respons. ad scriptum Andr. Musculi de Bonorum Operum & novit. vitæ Libert.

\* *Opera non renatorum, quæ ad præscriptum legis moralis fiunt, possunt, & non possunt appellari peccata.*

A non



A non-renatis opera quædam *ad præscriptum legis moralis fieri possunt*, non absolute ac simpliciter, & sine omni defectu, (nam ne renati quidem talia præstare possunt) sed quodam tantum modo. Qua ratione gentes dicuntur, facere *τὰ κατὰ νόμον, ea, quæ sunt legis*, Rom. II, 15. Et in Apol. A. C. art. 18. docetur, *humanam voluntatem posse, aliquo modo efficere iustitiam civilem seu operum, posse loqui de Deo, exhibere Deo certum cultum externo opere, obedire Magistratibus, & Parentibus in opere externo eligendo, posse, continere manus a cæde, ab adulterio, a furto.* Hujuscemodi opera non renatorum *possunt appellari peccata* eo, quod non ut opera renatorum ex fide & cum delectatione ad Dei gloriam, sed potius ad exactionem legis, absque fide, & interiore complacentia, hominum magis, quam DEI causa, fiunt. Unde etiam Deo non, ut illa, placent & probantur. *Non autem appellari possunt peccata*, in quantum legi conformia, ideoque bona & honesta sunt. Chemnit. Exam. Conc. Trid. part. I. p. 111. Meissn. Anthrop. disp. XXI. §. 124. & Theol. Jen. Ausführl. Erkl. p. 334. 335.

\* *Bonorum operum causa formalis est, & non est ἐννομία.*

*Bonorum operum causa formalis est ἐννομία*, seu conformitas eorum cum voluntate vel lege divina, loquendo de eorum forma essentiali, per quam sunt, quod sunt, vel quando in sese, & in absoluta sua natura considerantur. Et *non est ἐννομία*, sed fides, loquendo de eorum forma assistente, per quam talia, vel talia sunt, seu quando spectantur, in quantum Deo placent, atque ab ipso acceptantur, & præmiis decorantur. *Per fidem enim non tantum de operibus nostris reddimur certi, quod cum voluntate Dei conveniant, in quantum scilicet fides notitia & assensus est, sed etiam*

Sss

per-



perfectionem Christi apprehendimus, atque imperfectionem operum nostrorum obtegimus, in quantum fides fiducia in Christum est. Unde fit, ut adherens imperfectio nobis non imputetur, sed opera nostra Deo accepta sint ac probentur. Quando enim persona Deo reconciliata est propter Christum, Eph. 1, 16. tunc etiam opera & iustitia inherens nostra Deo accepta fit; siquidem placente persona, etiam ipsa bona opera placent: sunt verba Carpzovii in Ilag. in Libb. Symbol. p. 269.

\* *Bona opera sunt, & non sunt meritoria.*

*Meriti* vocabulum vel late usurpatur, vel stricte. Late, pro aliquo actu aut opere, cui beneficium redditur. Stricte, pro laboribus & officiis condigne aliquid merentibus. Ad meritum autem de condigno requiritur non tantum, uti Becanus T. I. opusc. 7. c. 3. n. 2. & Theol. Schol. part. 2. Tr. 4. c. 5. q. 1. vult, ut sit moraliter bonum, liberum, ab homine viatore præstitum, eoque renato, & Dei amico, pactumque seu promissio Dei de compensatione vel retributione facienda; sed etiam præterea, ut idem illud opus ei, cui præstatur, sit utile, indebitum, cum mercede, quæ ei persolvitur, proportionem & æqualitatem aliquam habens, atque ut merces illa præcise ex iustitia & debito detur, non ex liberalitate. Sic *mereri* vel notat aliquod donum, gratis consequi & obtinere, vel pretium ex condigno acquirere. Priori sensu *bona opera sunt meritoria*, sed posteriori sensu *non sunt meritoria*. Hinc Apologia Aug. Conf. dicit p. 304. Libb. Normalium Noribergensium: *Docemus bona opera meritoria esse, non remissionis peccatorum, gratiæ, aut justificationis: Hæc enim tantum fide consequimur; sed aliorum præmiorum corporalium & spiritualium in hac vita & post hanc vitam, quia Paulus inquit: Unusquisque recipiet mercedem, juxta suum laborem. Et paulo post: Postquam fit*



fit (obedientia erga parentes) in justificatis, meretur alia magna præmia. pag. 324. 325. Concedimus & hoc, quod elemosynæ mereantur multa beneficia Dei, mitigent pœnas, quod mereantur, ut defendamur in periculis peccatorum, & mortis. pag. 342. Fatentur adversarii, quod justificati sint filii Dei & cohæredes Christi. Postea opera, quia placent Deo propter fidem, merentur alia præmia corporalia & spiritualia. Erunt enim discrimina gloriæ sanctorum. Atque eadem repetit p. 344. Sensus itaque horum dictorum (ut cum Dürrio Isag. in LL. Norm. Norimb. p. 60. loquamur) est, Deum hominibus, sibi per fidem in Christum reconciliatis, vi promissionis gratuitæ, ex mera liberalitate, largiri pro diversitate bonorum operum, ex fide profectorum, varia & diversorum graduum præmia. Ad eundem modum Urbanus Rhegius, ipsius Lutheri (præfat. in explic. Ps. LII. a Rhegio factam) iudicio, genuinus & orthodoxus Theologus, verba S. Cypriani, quæ in ejus libello de Elemosyna exstant, & inferre videntur, quasi bona opera de condigno vitam æternam mereantur, explicat, scribens in Opp. Lat. part. 2. p. 44. Quando operibus præmium illud promittitur, intelliguntur opera ex fide per charitatem efficaci profluentia. Non enim opera sine fide, nec fides sine operibus, quæ facere potest, præmiatur. Ideo dicit Cyprianus in eod. sermone, quod DEUS meritis & operibus nostris præmia promissa retribuat. Nota, promissa. Sed omnes promissiones Dei factæ sunt ex gratia, propter Christum, ut liceat quidem, hac moderatione, nostra opera dici meritoria, si simul agnoveris, & confessus fueris, hæc opera esse divinæ gratiæ in voluntate nostra effectus. & quod Deus in nobis sua opera coronat, & quod inutiles servi sumus etiam omnia facientes. Absit autem pharisaismus ille Scholasticorum, quod nostra opera de condigno mereantur vitam æternam. Quæ est enim proportio nostræ sanctitatis, quantacunque etiam in hac vita fuerit,



fuerit, si ad vitam æternam, h. e. ad ipsum summum, infinitum & incommutabile bonum, Deum, fuerit collata? Vide etiam Phil. Melanchth. Consil. ad Gallos, Tomo IV. ipsius Operum, p. 827 Confess. Wirteberg. apud Chytr. in Hist. A. C. 421. Grot. ad Luc. XXI, 36. & l. Lud. Fabric. Oper. pag. 429.

\* Major, & non major gradus sanctitatis a nobis in N. T. requiritur.

Major gradus sanctitatis a nobis in N. T. requiritur, ratione majoris & clarioris cognitionis, quæ nobis tanquam adultis, præ fidelibus Vet. Testamenti, tanquam pueris, data est. Et non requiritur, ratione præceptorum, quasi nimirum plura nobis, quam illis olim, præcipiantur: summum enim inter præcepta est illud de charitate. Spener. Abgenöth. Rettung seiner Lehre. p. 51. & seqq.

\* Legis impletio renatis est, & non est possibilis.

Legis moralis impletio renatis est possibilis 1. imputatione, quæ fit per fidem. 2. inchoatione, seu nova obedientia. Quia enim Christus propter nos legem perfecte implevit, ideo illis, qui agunt pœnitentiam, & Christum vera fide apprehendunt, perfecta legis impletio, quam Christus præstitit, fide imputatur, æque ac si ipsi præstissent. Et sic perfectam legis obedientiam & impletionem habent imputatione per fidem. Quia vero hæc justificatio legis impletur non in iis, qui secundum carnem, sed qui secundum spiritum vivunt, Rom. VIII, 13. requiritur etiam in renatis nova obedientia, qua, virtute Spiritus sancti, interiores concupiscentias crucifigunt, pravis inclinationibus resistunt, externos lapsus fugiunt, & quantum in hac deprava-



pravatæ carnis imbecillitate fieri potest, spiritu incedunt. Rom. XIII. 8. 9. ubi Pater cœlestis, qui opera filiorum suorum, tanquam contaminata, a facie sua rejicere & damnare posset, eadem tamen gratiose & secundum *Théméas* evangelicam, tanquam bona opera, suscipit, defectibus merito Filii sui obtectis, & variis mactat præmiis. *Et non est possibilis in totum, & modo perfectissimo, quia non est homo justus super terram, qui faciat bonum, & non peccet, Eccles. VII. 21. & quia lex spiritualis est, non nisi spirituales motus, atque sic perfectissimam omnium virium cordis, voluntatis, ac mentis integritatem & obedientiam requirens, citra ullam repugnantiam ullius motus contrarii: renati autem sunt carnales, h. e. variis carnis & concupiscentiarum illecebris obnoxii, Rom. VII. 14. Quæ sunt verba Dieter. in Inst. Cat. p. 199. 200. Priorem legis impletionem intelligit Apol. Aug. Conf. quando p. 344. ait: Quanquam legis impletio meretur mercedem, (proprie enim merces ad legem pertinet) tamen meminisse nos evangelii oportet, quod gratis offert justificationem propter Christum. Nec legem prius facimus, aut facere possumus, quam reconciliati Deo, iustificati, & renati sumus. Nec illa legis impletio placeret Deo, nisi propter fidem essemus accepti. Et quia homines propter fidem sunt accepti, ideo illa inchoata legis impletio placet, & habet mercedem in hac vita, & post hanc vitam. & pag. 428. Quia cum fide accepimus Spiritum S. necessario sequitur legis impletio, quæ subinde crescit, dilectio, patientia, castitas, & alii fructus fidei.*

\* *Datur perfectio christiana, & non datur.*

*Datur perfectio christiana, quæ dicitur viæ, comparata, & partium, h. e. talis, ad quam homo christianus jam in hac vita potest ac debet adspirare, ita ut aliquo modo, & respectu eorum, qui non ita gnaviter voluntati Dei*



obsequuntur, perfectus dicatur, & omnia ac singula Dei praecepta, sive decalogum, secundum omnes ejus partes, *κατὰ δύναμιν* studioseque observet. De qua sic testatur Augustana Confessio in art. 6. Abus. *Perfectio christiana est, serio timere Deum, & rursus concipere magnam fidem, & considerare propter Christum, quod habeamus Deum placatum; petere a Deo, & certo expectare auxilium in omnibus rebus gerendis, juxta vocationem: interim foris diligenter facere bona opera, & servire vocationi. In his rebus est vera perfectio, & verus cultus Dei.* Et in Apologia hujus artic. dicitur omnes homines, in quacunque vocatione, perfectionem expectare debere, hoc est, crescere in timore Dei, in fide, in dilectione proximi, & similibus virtutibus spiritualibus. Atque huc pertinent exempla Noachi, Jobi, Davidis, Ezechiae, Zachariae, Elisabethae, Gen. 6, 9. Job. 1, 1. Psal. 26, 1. Esa. 38, 3. Matth. 2, 3. 35. Luc. 1, 6. nobis eum in finem proposita, ut ejusmodi perfectionem, qua illi claruerunt, ipsimet quoque sectemur. Eandem perfectionem praecipunt aut celebrant dicta Scripturae, quae leguntur Matth. 5, 48. 1. Cor. 2, 6. & c. 14. 20. 2. Cor. 13, 11. Phil. 3, 15. Col. 1, 28. c. 4, 12. 1. Joh. 2, 5. & Jac. 1, 4. Non autem datur talis perfectio, qua nunquam peccemus, ne per infirmitatem quidem: nam si dixerimus, nos peccatum non habere, h. e. uti Estius interpretatur, nos vivere sine quotidianis & frequentibus peccatis, saltem ex fragilitate humanae naturae originaliter corruptae ortis, nos ipsos fallimus, & veritas in nobis non est, sicut ipse Johannes ad fideles scribit in 1. ep. c. 1. 8. Et hoc sensu Paulus se jam perfectum esse negat, ad Phil. 3, 12. Vid. iterum Speneri Abgenöth. Ehren-Rettung. p. 164. & ejusd. praefat. in Dialogum B. K. de Templo Salomonis.

Orandum



*Orandum, & non orandum est pro impiis.*

*Orandum est pro impiis, ut convertantur, nobisque tranquillam cum iis, si cives nostri sunt, vitam degere liceat. Et non orandum est pro iis, quatenus prava moluntur, & pro felici illorum successu.* Bechm. ad Hutteri Comp. p. 664.

*Non-renatorum opera quaedam sunt, & non sunt bona secundum substantiam actus.*

*Substantia actus non eodem apud omnes modo capitur. Alii enim per eam intelligunt substantiam bonorum operum, alii etiam circumstantias. Duplici hoc termini sensu posito, dicimus, non-renatorum opera, secundum normam legis moralis praestita, esse bona secundum substantiam actus, priore: & non esse bona secundum eandem, posteriore sensu. Non enim ex fide, & cum delectatione ad Dei gloriam fiunt, quamvis legi convenient. Hinc Chemnitius in Exam. C. T. ea suo genere honesta & bona esse asseruit. Baj. Comp. 789.*

*Martyrium est, & non est baptismus.*

*Martyrium est singulare Dei donum, quo propter Christum ad perhibendum sanctum veritati evangelicae testimonium, fideles, vel adversa quævis patienter sufferunt, vel ipsam etiam vitam ac sanguinem profundunt. Illud incruentum vocant, hoc cruentum martyrium. Et cruentum hoc martyrium est baptismus metaphoricus, de quo Servator Matth. XX, 22. Potestis baptizari baptismo, quo ego baptizor, i. e. omnes illas passiones sustinere, quas ego sustineo? Et non est baptismus proprie dictus. Hinc Cypriani*



priani dictum: *Martyrium simul est & baptismus, & corona, quia & baptizat, & coronat.* Hutter. LL. Theol. pag. 936.

*Consilia evangelica faciunt, & non faciunt ad perfectionem.*

*Consilia evangelica*, quæ Bellarmino l. 2. de Monach. c. 7. sunt opera bona, a Christo non imperata, sed demonstrata, non mandata, sed commendata; eidemque multa esse dicuntur, sed tamen præcipue tria, Continentia, Obedientia, & Paupertas, a præcepto variis modis distincta, *faciunt ad perfectionem*, in quantum viam parant ad perfectionem, eamque promovent, tanquam instrumentum vel causa, removens ea, quæ perfectioni obstant, & remoram injiciunt. *Et non faciunt ad perfectionem*, si eorum observatio judicaretur ipsa esse perfectio, perfectionem legis moralis diminuens. Luther. T. I. Opp. Lat. Jenens. 222. Chemnit. LL. Theol. part. 2. p. 110. III.

*Christianis graviora, quam Judæis sunt, & non sunt imposita præcepta.*

*Christianis graviora, quam Judæis, imposita sunt præcepta*, si quædam illorum seorsum cum hisce contenduntur. Sic præceptum de tolerantia crucis & afflictionum est durius, & carni humanæ ingratius annuo itinere ad templum Hierosolymæ, aliisque similibus. Sed *non sunt graviora*, si totus status V. T. cum nostro confertur: nam hoc respectu, lex Moïsi gravissima & ægre portabilis erat, quum interim Christi præcepta sint jugum suave & onus leve. Fabric. Syst. 421.

*DEUS præcipit, & non præcipit impossibilia.*

Distin-



Distinguendum inter impossibilia per se, & per acci-  
dens, interque humanam naturam in se consideratam, &  
eandem in statu integritatis & regenerationis sufficienti-  
bus a Deo viribus instructam. Priore modo *Deus præ-*  
*cipit impossibilia*; non vero posteriore. Nam quamvis  
perfecta illa obedientia, quam Deus postulat, homini irre-  
genito impossibilis sit, non tamen impossibilis fuit proto-  
plastis, eximiae sanctitatis & justitiæ dono adhuc gauden-  
tibus; nec etiam impossibilis est ei, qui ex Deo natus est, &  
facultatem bona faciendi e cœlo accepit, maxime quum  
Deus, qua est benignitate erga fideles, contentus sit, si sin-  
cere & absque hypocrisi, pietatem exerceant, etiamsi illa,  
non omnibus numeris perfecta sit. Quo sensu toties hor-  
tatur S. Johannes in 1. ep. ut præcepta Dei observemus, &  
tandem c. V, 2. 3. scribit: *Per hoc cognoscimus, nos diligere*  
*filios Dei, quum Deum diligimus, & præcepta ejus observa-*  
*mus. Hæc est enim charitas Dei, (qua eum diligimus) ut*  
*præcepta ejus observemus, & præcepta ejus gravia non sunt.*  
Luth. T. 1. Opp. Jenens. Lat. 224. Dieter. Inst. Cat.  
pag. 201.

*Fides est, & non est forma bonorum o-*  
*perum.*

*Forma duplex est. Assistens, & Constituens. Illa rem*  
*gubernat, ut nauta navem; hæc informat, ut anima cor-*  
*pus humanum. Jam quando fides dicitur forma bonorum*  
*operum, intelligendum id est de forma assistente: nisi enim*  
*fides præsto sit, quæ merito Christi tegat imperfectiones*  
*additas operibus nostris, illa Deo placere nequeunt, cum*  
*impossibile sit, sine fide placere Deo. Heb. XI, 6. At for-*  
*ma bonorum operum constituens non est fides, sed potius*  
*ἑνωσία, seu conformitas cum lege. Meisner. in Philos.*  
*Sobr. T. 2. 545.*

Tt

Fides



*Fides justificans est, & non est major charitate.*

*Fides justificans est major charitate erga proximum, propter Christum, quem in evangelii promissione fidelis homo apprehendit, & in quo, ac per quem accipit justitiam & salutem æternam. Et non est major charitate, propter ædificationem ecclesiæ, utilitatem proximi & perpetuam durationem. Meisn. Anthropol. S. Disp. XXIX. §. 14.*

*In statu renovationis dantur, & non dantur carnales.*

*In statu renovationis dantur carnales, videlicet illi, qui, ut infantes, nondum habent sensus exercitatos, nec carnis consuetudines, inclinationes, occasiones, secundum Scripturam, diuturna experientia satis explorârunt; unde facilius ac sæpius præoccupantur in lapsibus, instaurandi a spiritualibus spiritu mansuetudinis, jubente Apostolo Gal. VI, 1. Et non dantur, tales, puta, qui data opera secundum carnem ambulant, in morte spirituali versantes, & æternæ obnoxii. Rom. VIII, 13. Phil. Melanchth. Tom. IV. p. 810. & Breith. Instit. theol. 401.*

*DEUS delectatur, & non delectatur jejunio.*

*Deus delectatur jejunio, si fiat hoc consilio, ut caro in gyrum redacta, subjiciatur Spiritui, & modus non excedatur. Et non delectatur, si quis vitæ asperitate, corporis sui vires ipse exhauriat. Schröd. Catech. 411.*

*Ciborum delectum habere est, & non est nefas.*

*Nefas*



*Nefas est, ciborum delectum habere*, si quis hunc vel illum cibum pro immundo habeat, conscientiae causa ab eo abstineat, atque in hujusmodi abstinencia cultum divinum constituat. *Et non est nefas*, ob curam valetudinis, vel praeceptum Ecclesiae, aut aliam causam, citra opinionem cultus divini, aut meriti. Id. 416.

*Bona opera sunt, & non sunt ad salutem necessaria.*

*Bona opera*, a Deo mandata, quæque justificationem sequuntur, & fructus sunt fidei, *ad salutem* completam & æternam consequendam, adultis, & iis quidem, qui rationis sunt compotes, & tempus atque occasionem habent bene operandi, *sunt necessaria*, ita, ut nemo illorum salutem futuram adipisci, atque æternum beatus esse possit, nisi a peccatis voluntariis sibi caveat, pietati autem & sanctitati, quantum per infirmitatem humanam potest, sedulo studeat, & fidem suam operibus christianæ charitatis demonstret. Sic enim docet divus epistolæ ad Hebr. auctor c. XII, 14. *Pacem sectamini cum omnibus & sanctimoniam, sine qua nemo videbit Dominum.* Ad quæ verba Æg. Hunnius hunc in modum commentatur: *Certissimum igitur est, quod citra hanc sanctimonie virtutem Deum visurus sit nemo: non quod sanctimonia ad salutis consecutionem requiratur, ut causa, sed quia fides, in qua salus nostra consistit, absq; sanctitatis & novæ obedientie studio nunquam est.* Et bona opera *non sunt ad salutem necessaria*, si per ea intelliguntur cultus electitii, & opera ab humano excogitata ingenio, aut, si de operibus quidem vere bonis loquaris, eadem tamen requiras ab infantibus, vel in universum ab adultis, etiam illis, qui rationis usu destituti sunt, & demum sub finem vitæ convertuntur, quibusque adeo nec tempus, nec occasio proferendi bona opera, tanquam fructus fidei suæ,

Tit 2

suppe-



suppetit; denique, si sub termino *necessarii*, veram ac propriam causam, aut stricte dictum meritum inferre velis. Quo sensu phrasis hæc a Nostratibus Scripturam sacram, & pium Bernhardum, augustumque Augustinum secutis, quorum illi Tract. de Gratia & lib. arbitr. opera nostra sunt *via regni, non causa regnandi*; hic vero in lib. de Grat. & lib. arbitr. *non pro meritis nostris Deum nos ad æternam vitam, sed pro sua miseratione perducere* profitetur, rectissime damnatur atque rejicitur. Vide Chytr. Hist. A.C. p. 242. Form. Concord. p. 590. & 704. Glasf. Dissert. X. super Aug. Conf. §. 103. & ejusdem Judicium Germanicum de nonnullis controversiis n. XXVI. p. 72. Hülsem. in Instruct. G. Calixt. in Lucubrat. in Gen. c. XXIX. p. 109. & Horneji Dissert. de Fidei non cuius, sed, quæ per charit. operatur, necesfit. ad sal. ejusque Defens. iterat. Adsert. & Repetit. doctrinæ veræ de Necesfit. B. O. ad sal. ac Joh. Musæi Bedencken sive Judicium de hac controversia. Quorum omnium tamen, aliorumque, quos itidem prudentia ornat & moderationis studium, iudicio & consensu, propositio hæc, *Bona opera sunt necessaria ad salutem*, totidem verbis non est temere usurpanda, nedum mordicus defendenda, proque usu ejus, tanquam pro aris & focus, & quasi totius cardo christianismi in explicita ejus usurpatione consisteret, & absque ea pietatis studium plantari aut servari & propagari non posset, digladiandum ac dimicandum. Loqui enim possumus cum Scripturis, ut Matth. V, 20. VII, 13. XIX, 17. ad Rom. II, 13. ad Gal. VI, 8. ad Hebr. X, 36. & c. XII, 14. & res erit salva.

*De Lege.*

*Conscientia ad solum Dei forum pertinet, &  
non pertinet.*

*Conscientia ad solum Dei forum pertinet: hic enim  
solus*



solus hominum animos potest inspicere, & judicare de actibus internis. Et non ad illud solum, sed etiam ad forum ecclesiasticum & civile, quatenus etiam hæc possunt homini nonnulla præcipere, adeo ut is, si præcepta non facit, ipse apud se judicet, fateaturque, se male facere. Fabric.in Syft. p. 340.

*Præceptum secundum est, & non est primo simile.*

Præceptum primum, amorem Dei, secundum, dilectionem proximi nobis præscribit. *Secundum hoc præceptum primo est simile*, 1. quia utrumque pertinet ad cultum moralem, qui perpetuo anteponendus est ceremoniali. 2. ob poenæ æternæ reatum, quem tam hujus, quam illius violator incurrit. 3. ob necessariam cohærentiam dilectionis Dei, & proximi, tanquam causæ & effecti, adeo, ut neutra absque altera fieri queat, ceu Johannes docet 1. ep. IV, 20. *Et non est primo simile*, 1. ratione objecti: primi enim præcepti objectum est Deus benedictus, secundi homo, DEO infinitis modis inferior. 2. ratione ordinis. Nam obedientia primi præcepti est principalis; secundi autem, minus principalis. Ideo enim diligendus est proximus, ut diligatur præcipue & colatur Deus. Id. 345.

*Omne furtum est ablatio rei alienæ: sed non omnis ablatio rei alienæ est furtum.*

*Omne furtum esse ablationem rei alienæ*, sive clam illa fiat, sive aperte, seu vi, seu fraude, etiam illis notum est, qui ære lavantur. Interim *non omnis ablatio rei alienæ est furtum*, videlicet illa, quæ fit in extremo necessitatis casu, ut aut moriendum sit homini egeno, aut surripiendum quid. Schelw, Leitstern der Gewiss. p. 540.

Ttt 3

Paulus



*Paulus de lege honorifice loquitur, & non honorifice.*

Apostolus *Paulus de lege* morali & ceremoniali *honorifice loquitur*, quatenus est doctrina, a Deo profecta, præ humanis dogmatibus & placitis præstantiam singularem habens. *Et non honorifice*, sed contemtim de illa loquitur, uti opponitur evangelio. Scherz. in Syst. theol. 259.

*Deus potest, & non potest dispensare in lege morali.*

Vox *Dispensatio* vel proprie sumitur, pro dispensatione formaliter tali, qua in uno eodemque casu, manente eodem objecto, subiecto, causa, & omnibus circumstantiis æqualiter se habentibus, dispensatur de eo, quod in lege præceptum est: vel improprie, pro dispensatione materiali, qua quis e. g. alterum occidere, bonumve proximi auferre, atque invito domino retinere jubetur, sed non eodem subiecto & objecto, nec circumstantiis iisdem manentibus. Jam dicimus: *Deus potest in lege morali dispensare*, ejusque obligationem remove, improprie & materialiter; *non* autem proprie & formaliter. Sic iussit Abrahamum filium unicum occidere, & Israëlitas auferre bona Ægyptiorum; salva præceptorum V. ac VII. obligatione, quia subiecta, objecta, & circumstantiæ illorum variarunt. Abraham enim si mandatum exsecutus esset, publica id fecisset auctoritate; neque Israëlitas aliena bona abstulerunt, sed ea, quorum ipsi erant domini, & quæ prius ad se quasi rapuerant Ægyptii. Carpzov. Isag. in LL. Symbol. 957.

\* Pra-



\* *Prava concupiscentia in IX. & X. mo præcepto decalogi probibetur, & non probibetur.*

*Prava* five inordinata concupiscentia domus, uxoris, fervorum, jumentorum, aliorumque bonorum proximi, non solum actualis, ad quam delectatio accedit, sed etiam omnis omnino, in IX. & X. mo præcepto decalogi probibetur, i. e. declaratur, quod sit contra legem, quodque non adesse, aut locum habere debeat. Et non probibetur, si connatum illud habituale malum spectes, quod jam adest inevitabiliter; sed potius accusatur, & damnatur. Hinc Chemnitius L. de Lege frequenter monet, accusari, argui, taxari concupiscentiam originalem, ut intelligamus, præcipuum finem legis esse, ut agnitionem peccati patefaciat, & accuset nos, quod conformitatem illam cum lege non habeamus; sicut ex eo, & Joh. Musæo eleganter docet Bajer. in Comp. p. 599.

\* *Lex moralis est, & non est abrogata.*

*Lex moralis*, cujus summa in decalogo comprehenditur, respectu credentium, qui sunt in Christo Jesu, est abrogata (1) quoad justificationem, non enim est data lex, quæ possit justificare, Gal. III. 21. (2) quoad maledictionem: nam Christus nos redemit ab execratione legis, dum pro nobis factus est execratio, Gal. III. 13. (3) quoad rigorem exactionis, qui non acceptat obedientiam nisi sit perfecta, munda & perpetua, ita ut qui in uno delinquit præcepto, reus sit omnium; nam qui spiritu ducuntur, gratiæque & ductui ejus non resistunt, non sunt sub lege illa cogente & terrente, quia non metu pœnarum & propter minas, quas lex transgressoribus intentat, sed sua sponte & liberaliter, ductu spiritus, desideria carnis ac motus concupiscentiæ repri-



reprimunt, & a peccato abhorrent, Gal. III, 18. *Non* autem est abrogata, quoad obligationem: quia non est ad tempus data, sicuti leges ceremoniales & forenses, sed est æterna sapientia & regula justitiæ in Deo, & ea, quæ creaturis rationalibus per se conveniunt, præcipit, & quæ disconveniunt, prohibet, adeoque omnes omnino homines in quocunque statu obligat. Unde Apostolus Paulus per occupationis figuram ait: *Legem igitur κατέργασμεν, abrogamus*, sive inutilem reddimus *per fidem*? *Absit, sed stabilimus*. Rom. III, ult. Chemnit. L. de Lege p. 18. & Hutter. L. de Discr. Vet. & N. T. p. 497. Ex dictis jam patescit, quomodo intelligendum sit illud, quod Phil. Mel. in Locis Comm. scribit: *Hæc legis abrogandæ fuit causa, quia præstari, seu fieri non potuit. Quæ causa cum ad legem moralem potius, quam vel ad judiciorum formas, vel ad ceremonias pertineat, necesse est, fateamur, decalogum quoque abrogatum esse*. pag. 765. Et paullo post: *Non ergo lex abolita est, ne fiat; sed ne damnet, ubi violata est: at eam nemo non violat. Itaque non lex, sed maledictio legis sublata est. Lex non est abrogata, nisi populo N. T. hoc est, novo homini, id est, vere fideli*. pag. 766.

*Mosis leges forenses pertinent, & non pertinent ad nos.*

*Pertinent ad nos*, quatenus sunt perpetuæ, immutabiles, communis juris æquitatem naturalem complectentes, & pietatis, justitiæ, atque charitatis regulam dictantes: *non* vero, quatenus profectæ sunt a Mose, ut proprio ac singulari Judæorum legislatore. Zepper. in LL. Mosaic. Forens. explicat. p. 119. Hutterus ad quæstionem: An lex forensis ita sit abrogata, ut nihil amplius de ea sub Nov. Test. sit reliquum? respondet distinguendo inter *rem*, & *rei modum*. Rem vocat ipsam æquitatem naturalem, in  
prima



prima creatione hominum naturis ingeneratam. Rei vero modum vocat certam illam formam, ad quam in exercendis judiciis forensibus populus Israëliticus erat alligatus: & qui modus solus Veteris Test. erat proprius. Quoad hunc ergo concedit, leges forenses in N. T. esse abrogatas; quoad illam vero, negat. L. de Discrim. Vet. & N. T. p. 498.

*Evangelium est, & non est concio pœnitentiae.*

*Evangelium* dupliciter sumitur, late & stricte, sive γενικῶς & ειδικῶς: γενικῶς & late, pro tota Christi & Apostolorum doctrina sub N. T. promulgata; in qua licet non sit exclusa doctrina legis, eminet tamen & principem locum obtinet doctrina evangelii: ειδικῶς & stricte, quo doctrina de gratuita peccatorum remissione per fidem in Christum, sive ea in veteri, sive in novo testamento reperiatur. Secundum priorem significationem, *evangelium est concio pœnitentiae*, & arguit peccatores, Marc. I, 4. Act. XX, 21. Secundum posteriorem autem, *non est concio pœnitentiae*, sed lætissimum nuncium, & concio plena consolationis: quandoquidem conscientias contra terrores legis solatur, easque in meritum solius Christi respicere, jubet, & dulcissima prædicatione de gratia & favore Dei, per meritum Christi impetrato, erigit ac refocillat. Vid. Apol. A. C. p. 165. & Form. Conc. c. V. de Lege & Evang. pag. 591.

\* *Promissiones evangelicæ sunt, & non sunt conditionatæ.*

*Promissiones evangelicæ* de gratuita remissione peccatorum & salute per Christum partæ, sunt respectu nostri *conditionatæ*, vel sub conditione fidei factæ: nam ita *Deus*  
*Uuu dilexit*



*dilexit mundum*, sive quotquot sunt in mundo homines, ut *filium suum unigenitum*, qui opus redemptionis per passionem ac mortem suam consummaret, *dedit, ut, quisquis credit in eum, non pereat, sed habeat vitam æternam*, Joh. III, 16. Quæ tamen conditio fidei non obtinet respectum operis, vel causæ efficientis, aut adjuvantis, vel etiam co-operantis, nedum meriti alicujus; sed tantum rationem habet modi & organi, quo universalis promissio evangelii accipitur. *Non autem sunt conditionatæ*, quoad illam conditionis speciem, quæ est legis propria, & meriti sive operis humani respectum includit. Qua de re præter alios iterum vid. Hutter. in LL. p. 398. 399.

\* *Lex & evangelium distinguere debent, & conjungi.*

*Distinguere debent* imprimis in articulo justificationis, ubi lex & evangelium tam mente, quam affectu merentur dirimi: mente, cum evangelium & fides, beneficia evangelii apprehendens, discernitur a lege & hujus operibus, tanquam ad constituendum justificationis actum non concurrentibus: affectu, cum in solo evangelio, non in lege quæritur justitia. 2. in usu clavium ecclesiasticarum: Impœnitentibus namque ira Dei ex lege acuenda est, quibus proprie *καὶ τὰ* 1. Tim. I, 9. ut accusationis & condemnationis suæ pondere eos premit. Humiliatas autem conscientias erigere, convenit evangelicis consolationibus, Esa. LXI, 8. Luc. IV, 18. *Conjungi vero debent* in usu, & quidem 1. in justificationis negotio, ubi itidem & mente & affectu debent esse conjunctissima: mente, cum evangelicæ justitiæ quidditas ac sublimitas ex legis comparatione docetur æstimari: quæ enim in Christi persona est obedientia legalis, illa nobis per fidem imputata vocatur *justitia evangelica*, cujus dignitas satis conspici nequit, nisi hoc modo



modo ad rigorem & severitatem legis exigatur : affectu, cum ex lege vel capaces nos reddi justitiæ evangelicæ sustinemus, vel adjacentis peccati agnitione exercemur, ut eandem justitiam fide nobis continuari suspiremus. 2. in sanctificatione. Evangelicum enim confert vires spirituales bene operandi; sed lex proponit materiam, circa quam istæ vires exercentur. Mox & accusat imperfectiōem, singulis operibus nostris adhærentem : quo rigore compellit nos recurrere ad fiduciam justitiæ evangelicæ. 3. quoad clavem solventem. Cum enim absolutio ecclesiastica sit testimonium absolutionis seu remissionis divinæ, & hæc, seu beneficium evangelicum, fide obtineatur ab iis, quos terror legis antea probe percussit, etiam illam tunc oportebit esse efficacem, quando peccator ex lege serium de peccatis admissis dolorem concepit, & ex promissionibus evangelicis fide fuit elevatus in spem certam divinæ misericordiæ. Calert. in disp. inaugur. de Discrim. Legis & Evang. th. Pontif. I. §. 27. & seqq.

*V. & N. T. differunt, & non differunt  
substantia.*

V. & N. Testamentum distinguuntur ratione & temporis, & librorum, & pactorum. Et ratione pactorum quidem aliter sumuntur in Scriptura, aliter apud scriptores ecclesiasticos. Nam Scripturæ sacre *Vetus Testamentum* dicitur pactum illud, quod Deus fecit cum Israëlitis in monte Sinai, paciscens cum eis, si & moralibus præceptis pro virili obedientiam præstarent, & ceremonias ac judicia custodirent, sese illis promissam terram, ejusque tranquillam possessionem concessurum; e contra vero expulsurum eosdem, variisque afflicturum pœnis, si peccatis & inobedienciæ contumaciter indulserint. *Novum* autem *Testamentum* dicitur pactum gratuitum, promittens omni-

Uuu 2

bus



bus, in Christum credentibus, iustitiam ac vitam æternam, per & propter mortem Christi : a quo & fuit plene revelatum, atque ipsius iussu per Apostolos ubivis prædicatum, sicut ejusdem morte confirmatum & ratificatum. Sed apud scriptores ecclesiasticos, unum idemque pactum gratuitum, a Deo per Christum cum hominibus initum, distribuitur in Vetus & Novum Testamentum, pro diverso respectu mortis Christi, cui pactum illud innititur. Sic *Vetus Testamentum* est pactum Dei cum hominibus, de recipiendis iis in gratiam, intuitu mortis Christi futuræ, & hætenus typis adumbratæ. *Novum*, idem Dei pactum, de recipiendis in gratiam hominibus intuitu mortis Christi, sive præsentis, sive præstitæ. Distinctio hæc jam ad præsens negotium applicanda est, ac dicendum : V. & N. T. in sensu biblico accepta, *differre substantialiter*, utpote duo pacta, quorum unum alteri oppositum est, Jer. XXXI. 31. ut deteriori melius, ad Ebr. VII. 22. & c. IIX. 6. *Et non differre substantia*, sed tantum secundum accidentia, in sensu ecclesiastico : Etenim mortem Christi, in qua hoc sensu, tam V. quam N. T. fundatur, esse futuram, vel jam præstitam, mera sunt accidentia : quæ rem & substantiam non variant. Fabric. in Syst. 415.

*Tempore N. T. omnes, Et non omnes a Deo sunt docti.*

*Tempore N. T. omnes sunt a Deo docti*, quatenus omnibus communis & necessaria salvandis doctrina proposita est. *Et non omnes*, quoad donum prophetiæ, quod Pastoribus proprium. Audiamus verba Urb. Rhegii in lib. de Form. caute loq. c. 9. *Non temere hunc locum* (Es. LIV. 13. Dabo universos filios tuos doctos a Domino) *produco. Nam ab imperitis jactatur, tanquam encomium imperitiæ. Et hic putant, se verbum Dei habere, quo omnes bonæ artes, Et ipsa denique*



denique Theologiæ studia explodantur. Christus satis explicat hunc locum Joh. c. VI. 44. Nemo potest venire ad me &c. Hec Christus de communi illa & omnibus salvandis necessaria doctrina loquitur, qua Christum esse agnoscimus filium Dei, propter nostram salutem hominem factum, & in eum, ut nostrum unicum Salvatorem, credimus. Hac doctrina illuminantur certe omnes electi, & qui ea caruerit, condemnabitur. Sed est etiam in Ecclesia alia eruditio, quæ vocatur donum prophetiæ. Quo dono donantur non omnes Christiani, sed qui Ecclesiis docendis præficiuntur, ut Scripturas S. exponant ad ædificationem, adhortationem, & consolationem, cujus mentio fit I. Cor. XIV. Hoc donum non est omnibus cerdonibus, sartoribus & sutoribus, cum Apostolis, commune. Quo qui carent, non debent docere in Ecclesia, sed docentes reverenter audire, ut Apostolus ait: Qui non est interpretes, taceat in Ecclesia: cæterum sibi ipsi loquatur, & Deo.

*Sacramenta sunt, & non sunt signa.*

*Sacramenta sunt signa rei cœlestis, & substantialiter, quanquam invisibiliter, præsentis. Et non sunt signa ejusdem, substantialiter & plane absentis. Nempe sunt signa visibilia invisibilis gratiæ. Bajer. in Comp. 833. & Pierce in Pacificat. Corpusc. p. 242.*

*\* Circumcisio fuit, & non fuit fœdus Dei cum Abrahamo initum.*

*Circumcisio vel ad externam ceremoniam refertur, vel universam comprehendit actionem. Posteriore sensu circumcisio est ipsum fœdus cum Deo, & sic appellatur Gen. XVII, 10. quia jam non solam ac nudam amputationem pelliculæ respicit, sed internam quoque gratiam & cordis purificationem, quam Deus mediante externa actione intrinsecus operatur: quomodo & baptismus, quia non*

Uuu 3

exter-



externam tantum ablutionem aquæ, sed universam fœderalem actionem continet, vere & recte ipsum Dei fœdus nuncupatur. Priore autem sensu non est ipsum fœdus, sed *signum fœderis*, atque ita appellatur in *ẏ. ii. Æg. Hunn. L. de Sacram. V. & N. T. c. 2. p. 23.*

*Pascha erat, & non erat sacrificium.*

*Pascha* Judaicum erat sacrificium, proprie sic dictum, ob mactationem, quæ præcedebat, assationem & comestionem. *Et non erat sacrificium* stricte sic dictum, quia non vel totus agnus, vel pars ejus in altari ponebatur, & absûmebatur Domino. Seb. Schmid. in tract. de Pasch. pag. 283.

*Sacramenta V. T. fuerunt, & non fuerunt  
ceremoniæ.*

*Sacramenta V. T. fuerunt ceremoniæ*, adeoque ad ceremoniales leges pertinuerunt, in quantum fuerunt ritus externi, in oculos incurrentes. *Et non fuerunt ceremoniæ*, quæ tantum commonefacerent de peccato, & tantum essent nervi publicorum congressuum, aut tantum typi beneficiorum Christi, non autem remedia adversus peccata, nec media, per quæ fœdus gratiæ initur & obsignatur, neque etiam organa, quibus Christi beneficia exhibentur. Bechm. ad Comp. Hutt. p. 641.

*Sacramenta ad salutem sunt, & non sunt  
necessaria.*

Distinguendum est inter necessitatem absolutam, & conditionatam. Nam *sacramenta ad salutem sunt necessaria*, necessitate conditionata, si eorum copia haberi potest, & quia Deo placuit, ea ordinare, ut essent visibilia gratiæ suæ signa, & salutis organa certissima. *Et non sunt ad salutem*



*lutem necessaria*, absolute & simpliciter, quia in certo casu, nulla præsertim humana diligentia superabili, omitti, aut etiam, si obftet ignorantia moraliter non facile vincibilis, præter Dei institutionem, tractari, citra periculum salutis æternæ, possunt. Dürr. in Isag. in LL. Normal. Norib. p. 44. Huc pertinet, quod Chemnit. scribit part. II. Exam. C. T. p. 17. *Sano sensu non inviti concedimus, sacramenta ad salutem esse necessaria, tanquam causam instrumentalem; sed tamen addenda est hæc declaratio, non tam præcisam esse necessitatem sacramentorum ad salutem, sicut est fidei & verbi.*

*Sacramenta N. T. valent, & non valent ex opere operato.*

*Sacramenta N. T. ut Baptismus & S. Cœna, valent, & gratiam Dei conferunt, aut certe obsignant & confirmant, ex opere operato, id est, eo ipso, quod fiunt & suscipiuntur juxta Dei institutionem & ordinationem, qui per omnipotentiam suam, & vi promissionis suæ, symbola, illa benedicta & rite tractata jubet esse vehicula gratiæ suæ justificæ & salvificæ. Et sic phrasis hæc, ex opere operato, quæ neque in Scripturis, neque in scriptis veterum reperitur, idem illud significat, quod aliis verbis tradi solet de efficacia sacramentorum, vel etiam apud S. Augustinum l. 4. contra Donatist. c. 24. legitur, ipsum per se ipsum sacramentum multum valere. Atque inprimis hoc locum habet in baptismo infantum, qui gratiæ Dei, & sacramenti efficaciam non possunt resistere, & obicem ponere. Non autem valent ex opere operato, si putes, significari ista phrasi, 1. sacramenta ex natura & conditione operis, effectum aliquem spiritualem producere; 2. in suscipiente, si adultus sit, nullam præparationem, nullum bonum cordis motum requiri. 3. sacramentis inhærere vel inesse virtutem aliquam*



quam creatam, qua effectum mysticum operentur. Nam opus operatum, ut Estius explicat in librum IV. Sentent. dist. I. §. 7. dicitur ad distinctionem operis operantis. Hoc autem duplex intelligi potest, alterum Ministri, alterum suscipientis. Neque enim valent sacramenta ex opere, id est, fide seu devotione Ministri; quemadmodum contra Donatistas multis locis docet Augustinus. Neque etiam ex opere, suscipientis. Quamvis enim in suscipiente, si rationis usum habeat, preparatio quædam per fidem & poenitentiam necessaria sit, (ad salutarem effectum sacramenti participandum) idque ex ipsa sacramentorum institutione; non tamen inde sacramenta suam vim & efficaciam mutuuntur, sed eam accipiunt ab eo, a quo sunt instituta. Et sic Aug. Conf. in art. XIII. damnat eos, qui docent, quod sacramenta ex opere operato iustificent; nec docent, fidem requiri in usu sacramentorum, quæ credat, remitti peccata. Carpzov. Ifag. p. 410. Fabric. Syst. 469.

\* Sacramenta N. T. sunt, & non sunt duo.

Sacramenti vox in usu ecclesiastico tripliciter potissimum usurpatur, 1. generalissime, pro re arcana & secreta, ut apparet ex Latina Bibliorum translatione, 1. Tim. III, 16. Apoc. XVII, 7. ubi vox *μυστήριον* redditur per sacramentum. 2. specialiter, pro quovis rei sacræ signo, si vel maxime non sit divinitus in N. T. institutum, sed vel ex veteri desumptum, ut chrisma, vel a piis viris excogitatum, ut signum crucis. 3. specialissime & maxime proprie, pro solenni actione a Christo instituta, in qua, per externum & visibile signum, sive symbolum applicatur & obsignatur promissio evangelii propria. *Tantum duo igitur sunt N. T. sacramenta* proprie & strictè sic dicta. Si vero in latiori significatione sumatur vocabulum sacramenti, *plura*, immo innu-



innumera sacramenta dantur. Et latiore hanc atque impropriam significationem respexerunt Lutherus lib. de Captiv. Babyl. & Philippus Melanchthon in Apol. Aug. Conf. p. 406. & in Resp. ad Art. Bavar. p. 972. quando Pœnitentiam sacramentis annumerârunt; item quando Lutherus negat, se damnare VII. sacramenta: siquidem iidem alias, cum de proprie dictis N. T. sacramentis loquerentur, non nisi duo numerârunt, atque agnoverunt. Gerh. L. de Sacram. §. 6. ac de Circumcis. & Agno pasch. §. 60.

*\* Intentio Ministri, sacramentum conficientis & conferentis, est, & non est ad illud necessaria.*

*Intentio Ministri, alterutrum N. T. sacramentum conficientis & conferentis, est necessaria, puta, ad actus sacramenti, maxime principales, e quibus sacramenti forma constat, ne videlicet aliquid omittatur, aut perverse, & contra Christi institutionem fiat. Non autem est necessaria ad veritatem, integritatem, & effectum sacramenti: nam utrumque sacramentum est, & manet verum, integrum, & nisi a suscipiente ipsi obex ponatur, salutare, etiamsi baptizans aut S. cœnam dispensans non habeat animum atque intentionem sacramentum illud, ut tale, conferendi, aut de ejus effectu & utilitate male sentiat: sicut docetur in Aug. Conf. art. 8. ejusque Apologia. Vide Chemn. in Exam. Conc. Trid. & Kromayer. cujus in Theol. Pol. Polem. part. alt. p. 413. hæc sunt verba: Nos licet intentionem ad formam, vel actus, maxime principales, ex quibus sacramenti forma constat, ut sunt in Cœna consecratio, distributio, manducatio, & bibitio, ne quid omittatur, aut perperam fiat; non tamen intentionem ad finem, gratiam scilicet Dei utentibus*  
*XXX appli.*



*applicandam & communicandam, a Ministro dispensante requirimus, sed causæ principalis intentionem sufficere statuimus. Adde etiam Le Fèvre p. 320.*

*De Baptismo.*

*Efficacia baptismi extendit, & non extendit se in futurum.*

*Efficacia baptismi extendit se in futurum, a parte Dei, quippe qui est veracissimus, & quem donorum suorum non pœnitet. Et non extendit se in futurum, ex parte hominum, per peccata graviora, gratia illius fœderis excidentium. Raupp. L. de Bapt. p. 118.*

*Baptismus ab hæretico collatus, est, & non est verus.*

*Si hæreticus dicitur, qui errorem tenet contra articulum fundamentalem, & ad salutem creditu necessarium; talis autem hæreticus baptismum ad normam institutionis Christi administraverit, neque quidquam essentialium baptismi mutaverit, tunc baptismus ille est, & censetur verus. Non autem verus est, si ille in iis, quæ ad baptismi essentialiam pertinent, mutationem aliquam suscipere conatus fuerit. Dispp. Giffenf. T. V. p. 210.*

*\* Exorcismus in baptismo potest, & non potest retineri.*

*Duplex est exorcismus, unus externus & corporalis, qui cum dono miraculorum exolevit; alter internus & mysticus seu spiritualis, qui semper ac perpetuo durat, una cum Ministerio ecclesiastico. Cessante itaque dono ejiciendi ex energumenis seu obsessis dæmonia, exorcismus ad ceremonias baptismi translatus est, eo quod per baptismum ex captivitate & potestate satanæ liberamur. Atque hic exorcismus retineri potest, ex libertate christiana, ut*



ut ritus adiaphorus, contra eos, qui eum, ut ritum per se damnabilem, exterminare nituntur: est enim adumbratio & testimonium 1. spiritualis captivitatis, 2. exhibiti Messiae, & praestiti operis redemptionis, cujus spolia per verbum & sacramenta distribuuntur, 3. efficaciae divinae, baptismi propriae, 4. praecipui finis Ministerii, qui consistit in pugna contra satanam: 5. est confessio publica ecclesiae de peccato originali, contra id negantes, & 6. comprobatur testimoniis primitivae Ecclesiae; hodieque viget in Ecclesia Graeca. *Non potest autem retineri* absolute ac simpliciter, & sub hac opinione, quod sit de baptismi essentia, quod denotet obsessionem corporalem, quod usus ejus sit effectivus, ita ut, baptismum suscipiens, vi verborum istorum, ex regno satanae liberetur; sed potest commodum tempore, abusus exemplis manifestis deprehensus, ab iis, penes quos est potestas circa sacra, sub titulo rei adiaphorae abrogari. Chemnit. in Instruct. fut. Min. Eccl. p. 235. & seqq. & Theologi Noriberg. in Respons. ad Berolinenses anni 1666. Quibus addantur scripta Justi Menii, Jac. Coleri, Christiani Kittelmanni, Magdeburgensium Pastorum, Joh. Limatoris, & Alex. Uzingeri de eodem argumento.

\* *Infantes baptizati credunt, & non credunt.*

Quemadmodum infantes non tantum infidelium, sed etiam fidelium Parentum, ante baptismum nullam habent fidem, sed sunt natura filii irae, Eph. II, 3. ita e sacris literis certum est, eos in baptismo donari gratia Dei, & jure regni caelorum, Spiritum S. in iis operari, adeoque *baptizatos* vere ac proprie *credere*: Nam *licet nec satis intelligamus*, (inquit Chemnit. in Part. 2. Exam. Conc. Trid. ad can. 13. de Bapt. p. 92.) *nec verbis explicare possimus, qualis sit*

XXX 2



fit illa Spiritus S. actio & operatio in infantibus, qui baptizantur: esse tamen, & fieri, ex verbo Dei certum est. Illam autem actionem seu operationem Spiritus sancti in infantibus vocamus fidem, & dicimus parvulos credere. Illud enim medium seu organon, quo regnum Dei, quod in verbo & sacramentis offertur, accipitur, Scriptura vocat fidem, & credentes dicit accipere regnum Dei. Et quidem Marc. X. Christus affirmat, adultos ita accipere regnum Dei, sicut parvuli illud accipiunt. Et Matth. XIX. inquit: Qui scandalizaverit unum ex pusillis istis, qui in me credunt. Et inter pusillos istos etiam puerulum numerat. Præterea circumciso in genere vocatur signaculum justitiæ fidei, Rom. IV. Quodsi infantibus circumcisis tribuitur justitia fidei: ergo etiam ipsa fides illis tribuitur. Non autem credunt, ut adulti, quia non ex verbi prædicati auditu, ejusque lectione ac meditatione fidem concipiunt, nec articulorum fidei notitiam habent, nec sciunt se credere, nec cum dubitationibus luctantur, nec fidem suam extrinsecus proferrunt officiis charitatis in oculos incurrentibus. Carpzov. Isag. in LL. symbol. p. 334. & J. Lud. Fabricius Opp. pag. 391.

*Infantes Christianorum ante baptismum sunt, & non  
sunt sancti, fœderisque gratuiti  
participes.*

*Infantes Christianorum etiam ante baptismum sancti sunt, sanctitate analogica, externa, & ecclesiastica, qua liberiores, præ infantibus infidelium, accessum habent ad ecclesiam, & baptismum, per quem, tanquam per januam, in ecclesiæ adyta introeunt, Christoque inseruntur; immo & ante susceptionem baptismi, fœderis gratuiti sunt participes, dum nihil obstat, quo minus actu in illud recipiantur, & gratia*



gratia fœderali donentur, modo præsistent præstanda, & baptismum ex Dei ordinatione suscipiant. Quemadmodum Deus vi promissionis suæ, Gen. XVII, 7. erat *Deus Abrahami & seminis ejus*, dummodo implerent conditionem fœderis, neque contemnerent circumcisionem. Et sic Paulus prohibet, ne fidelis pars conjugum, alteram infidelem dimittat, addita hac ratione: *Maritus enim infidelis sanctificatus est in uxore*, juxta Dei sanctionem ducta, *& uxor infidelis sanctificata est in viro*; alioqui certe liberi vestri impuri essent, id est, ethnici: nunc autem sancti sunt, sanctitate ecclesiastica, sive quia intra christianismum sunt nati. 1. ad Cor. VII, 14. Et non sunt sancti ante baptismum sanctitate interna, quæ renatis competit; multo minus tali, quæ peccatum originis excludat; neque etiam ipso actu, & citra baptismum, participes fœderis gratuiti; nam & ipsi sunt natura filii iræ, sicut & cæteri gentilium, ad Eph. II, 3. & caro, seu carnis corruptioni obnoxii, utpote de carne nati, Joh. III, 6. & recipiendi in fœdus, nec dum vero recepti. Fabric. Syst. 312. 498. Neque tamen a salute æterna excludendi sunt illi, qui ante baptismum vel in utero, vel post nativitatem moriuntur, quoniam precibus Parentum Christo oblatis sunt, atque ad eos etiam pertinet nobilissima illa promissio, qua Deus testatus est, *se fore Deum Abrahami & seminis ejus*, Gen. XVII. sicut in Decad. IV. Consilior. theol. Bidembachii, consil. 3. & 5. p. 279. & 327. docent Bugenhagius, & Schnepfius, & in Enchrid. p. 214. Chemnitius.

*Duplex, & non duplex datur baptismus.*

*Duplex datur baptismus*, pro varia hujus vocabuli acceptione, videlicet *baptismus aquæ seu externus*, quo homo in actu baptismali, aqua abluitur aut adspargitur: & *Christi seu internus*, quo cor hominis a sordibus peccatorum

XXX 3

rum



rum abluitur, & Spiritu donatur sancto. Et hic solus Christi est proprius: Solus enim Christus, & non Minister, quisquis ille sit, purificat corda, & donat Spiritum sanctum autoritate sua & potentia: quæ sunt verba Heerbrandi (cujus tanta in Ducatu Würtembergensi est auctoritas, ut in Ordinatione ecclesiast. majore p. 273. Lectoribus theologiæ injunctum sit, Compendium theol. ab ipso conscriptum, symbolici libri instar, academicæ juventuti explicare) in L. de Bapt. p. 670. editionis Græco-Latinæ. Et non est duplex, sed unus, quia, ut idem autor porro exponit, internus baptismus conjunctus est cum externo, ac per eundem fit, ita ut aqua non sit sola & nuda absque Spiritus sanctificatione & regeneratione, sed efficax instrumentum ac medium, homini gratiam Dei & remissionem peccatorum vel conferendi, vel obsignandi, seu, ut Lutherus in Catech. Min. loquitur, aqua divino mandato comprehensa, & verbo Dei obsignata, operans remissionem peccatorum, liberans a morte & a diabolo, & donans æternam vitam omnibus & singulis, qui credunt hoc, quod verba & promissiones divinæ pollicentur. Et sic Apostolus nobis præit, ad Eph. IV, 5. scribens, unum esse baptismum. Ad quæ verba, hæc est G. Calixti commentatio: Licet enim vocabulum baptismi varias habeat acceptiones; sacramentum tamen regenerationis & renovationis nostræ unum est institutum, immersione aquæ & pronuntiatione solennis formulæ.

Baptismus per privatum aut mulierem potest, & non potest administrari.

Baptismus per privatum aut mulierem potest administrari, in casu necessitatis, ita ut vel homini absq; baptismo sit moriendum, vel hic conferendus a privato aut muliere, & in ædibus quidem privatis. Et non potest per tales administrari, publice in templo, extra necessitatis casum, & quan-



& quando copia haberi potest ordinarii Ecclesiæ Ministri, cui ab ea officium baptizandi est impositum. Gerh. L. de Baptismo §. 33. Calvin. Instit. c. 18. & Zvinglius apud J. Lud. Fabricium in Operib. p. 407.

\* *Fractio panis in eucharistia est, & non est necessaria.*

*Fractio panis in eucharistia est necessaria*, ad distributionem: nam & Christus, testantibus tribus Evangelistis & Apostolo Paulo, Eucharistiam instituens ac celebrans, panem benedictum *fregit*, fractumque discipulis *dedit*. Et *non est necessaria*, hac vel illa forma, hoc vel illo modo, atque ubi ad sacram mensam afferuntur, uti fit in nostris Ecclesiis, ejusmodi panes, qui sunt minuti, nec ulteriore fractione opus habent: nam modus fractionis panis eucharistici, quod nempe sic vel aliter frangi debeat, nusquam in sacris est definitus & determinatus: neque Christus ideo *fregit* panem, ut nobis exemplum proponeret, quo modo panis aliquis magnus in partes frangi debeat, sed ideo, quia panis, qui tum in promptu erat, non aliter quam per fractionem in partes comminui poterat. Hinc etiam Marpurgenses Theologi im furzen einfältigen Bericht vom H. Abendmahl des Herrn / lit. A iij. B. & Cj. distinguentes verba institutionis in verba circumstantiarum & mandati, expresse verbum *fregit* ad classem circumstantiarum referunt, ac diserte de his pronunciant, quod verbis mandati non sint æquiparanda: hæc enim habere vim obligationis & necessitatis, illa vero esse *weisalich* tantum, ac proinde diversi generis; neque obligationis aut necessitatis vim obtinere. Hutter. in LL. p. 692. 693.

De S.  
Cena.

\* *Ecclesiæ Protestantium missam aboluerunt, & non aboluerunt.*

Eccle.



*Ecclesie Protestantium missam aboluerunt*, quatenus illa fingitur esse sacrificium propitiatorium pro vivis & mortuis, ex opere operato, & conjuncta est cum multis abusibus. *Et non aboluerunt*, quatenus vocabulum missæ, ad mentem & linguam veterum, (ostendit enim Casaubonus Exercit. XVI. ad Annal. Baronii num. 58. inventum esse hoc nomen circa finem III. seculi, vel paullo ante; & apud Ambrosium accipi missam pro cœna Domini) usurpatur pro vero usu S. eucharistiæ, originem suam habens sive a ritu missarum vel donariorum, quæ in commune comportabantur; sive a formula dimissionis: *Ite, Missa est.* Hinc beati Majores nostri in Aug. Conf. art. 3. de Abus. ita aperte profitentur: *Falso accusantur Ecclesie nostræ, quod missam aboleant: retinetur enim missa apud nos, & summa reverentia celebratur. Servantur & usitate ceremoniæ fere omnes: præterquam quod Latinis cantionibus admiscuntur alicubi Germanicæ: quæ additæ sunt ad docendum populum.* --- *Est ad hoc facienda missa, ut ibi porrigatur sacramentum his, quibus opus est consolatione: sicut Ambrosius l. 5. de Sacram. c. 4. ait: Quia semper pecco, semper debeo accipere medicinam. Cum autem missa sit talis communicatio sacramenti, servatur apud nos una communis missa, singulis feriis, atque aliis etiam diebus, si qui sacramento velint uti: ubi porrigitur sacramentum his, qui petunt. Neque hic mos in Ecclesia novus est. Nam veteres ante Gregorium, non faciunt mentionem privatæ (sive solitariæ) missæ. De communi missa plurimum loquuntur.*

\* *Missa est, & non est sacrificium.*

*Missa, sive cœna Domini, est sacrificium improprie dictum, nempe sacrificium memorativum, laudisque & precum, quia in sacra cœna memoria sacrificii Christi in cruce peracti recolitur, & pro eo gratiæ aguntur, Deusq; pro*



pro tanto beneficio laudatur ac celebratur. Brent. in Gen. XIV. p. 145. Hunn. de Sacram. c. 16. Hutter. LL. Theol. p. 745. & G. Calixt. de Sacrific. Christi §. 50. *Et non est sacrificium* proprie ac formaliter ita dictum, si cum Bellarmino l. 1. de Missa c. 2. eumque secutis Nostratibus, statuitur, ad sacrificium proprie dictum requiri destructionem rei, si animata sit. Huc pertinet, quod a Protestantibus dicitur in Apol. Aug. Conf. ad art. 3. Abus. in Libb. Norm. Norib. p. 458. *Theologi recte solent distinguere sacramentum & sacrificium.* --- *Sacramentum est ceremonia vel opus, in quo Deus nobis exhibet hoc, quod offert annexa ceremonie promissio.* -- *E contrario, sacrificium est ceremonia, vel opus, quod nos Deo reddimus, ut eum honore afficiamus.* Sunt autem sacrificii species proximæ duæ, nec sunt plures. Quoddam est sacrificium propitiatorium, id est, opus satisfactorium pro culpa & pœna, hoc est, reconcilians Deum, seu placans iram Dei, seu quod meretur alijs remissionem peccatorum. Altera species est sacrificium *ἱεροσυνή*, quod non meretur remissionem peccatorum aut reconciliationem, sed fit a reconciliatis, ut pro accepta remissione peccatorum, & pro alijs beneficiis acceptis gratias agamus, seu gratiam referamus. --- p. 459. Sed revera unicum tantum in mundo fuit sacrificium propitiatorium, videlicet mors Christi, ut docet epistola ad Ebræos. -- p. 460. Nunc reliqua sunt sacrificia *ἱεροσυνή*, quæ vocantur sacrificia laudis, prædicatio evangelii, fides, invocatio, gratiarum actio, confessio, afflictiones Sanctorum, immo omnia bona opera Sanctorum. Hæc sacrificia non sunt satisfactiones pro facientibus, vel applicabiles pro alijs, quæ mereantur eis ex opere operato remissionem peccatorum seu reconciliationem. Fiunt enim a reconciliatis. -- p. 470. Non ignoramus, missam a Patribus appellari sacrificium: sed hi non volunt, missam ex opere operato conferre gratiam, & applicatam pro alijs, mereri eis re-

Tyy

missio-



missionem peccatorum, culpa & poenæ. Ubi leguntur hæc portenta verborum apud Patres? Sed aperte testantur, se de gratiarum actione loqui. Diximus autem supra, sacrificium εὐχαριστικὸν non mereri reconciliationem, sed fieri a reconciliatis, sicut afflictiones non merentur reconciliationem, sed tunc sunt sacrificia εὐχαριστικά, quando reconciliati sustinent eas. Alii autem inter recentiores Pontificios aliter sentiunt, & pro sacrificio proprie dicto habent signum vel notam in re aliqua existentem, qua profiteamur, Deum esse auctorem vitæ & necis, præscindendo, ex partēne materiæ oblatæ professio illa fiat per actualement rei viventis occisionem, aut per nudam occisionis illius quondam factæ commemorationem vel repræsentationem, dummodo in actu illo sacrificandi reperiatur vera professio, significatio & nota divinæ omnipotentiae, qualis in cruentis sacrificiis locum habet. Guil. Forbes. Consider. Controv. p. 446.

*Recte, & non recte adhibetur panis azymus in  
S. cœna.*

*Recte adhibetur panis azymus in S. cœna*, si fiat ex libertate ecclesiastica, & absque necessitatis opinione. Cum enim Christus, Dominus noster, tempore paschali instituens S. cœnam, azymo pane secundum Judaicum ritum, usus fuerit, voluit hoc imitari pia mater nostra, Ecclesia. *Non autem recte adhibetur*, si hæc observatio venditur pro necessaria, aliisque obtruditur, aut fermentatum panem usurpantes condemnantur. Moderate, pro more suo, hac de re judicat Godavius, Episcopus Grassensis in Provincia, Hist. Eccles. l. i. p. 151. *L' Eglise Latine*, ait, *s'en sert aujourd' huy des pains azymes, c' est à dire, sans levain, pour son sacrifice; mais les Doctes estiment, avec raison, ce me semble, que c' est usage est moderne, & prétendent*



dent prouver cette opinion, qui choque le vulgaire, par l'autorité des anciens Canons & des Peres, durant plusieurs siècles. L'examen de cette controverse n'est pas de ce lieu, & le changement arrivé en cette circonstance de l'Eucharistie, quelque temps devant le Pape Leon IX. ne blesse pas de tout sa vérité, & pour ce sujet l'Eglise Latine ne se separeroit point de l'Eglise Greque, ne s'agissant pas d'un dogme essentiel, mais d'une coustume ceremonielle, pour la quelle il ne faut pas rompre l'unité. Quorum verborum hæc est summa: Usus azymorum in S. cœna, secundum sententiam doctorum virorum, esse quidem recentiore, mutationem tamen in hac circumstantia factam non diu ante Leonem IX. qui vixit seculo XI. non tollere ejus veritatem, nec propterea ecclesiam Latinam se a Græca separaturam, cum non agatur de dogmate quodam fundamentalis, sed de consuetudine ac ceremonia, cujus gratia vinculum concordie neutiquam sit rumpendum. Vid. Ambros. aut quicumque autor est librorum de Sacram. l. 4. c. 4. Bene etiam Suarez: Constat, jure divino neutrum horum esse præceptum, quia solum Christi factum non satis est, ad inducendum præceptum.

*Corpus Christi in S. cœna spiritualiter, & non  
spiritualiter manducatur.*

*Corpus Christi in S. cœna spiritualiter manducatur, quia non manducatur naturali, sed supernaturali modo, & quia sine spiritali participatione, quæ spiritu & fide in prædicatione & meditatione evangelii fit, sacramentalis illa, aut quæ ore duntaxat fit, manducatio in S. cœna, non modo accipientibus non salutaris, sed noxia etiam, & damnationis causa esse solet. Form. Conc. p. 709. & 719. Non autem manducatur spiritualiter, quasi non vere & substantialiter adesset, atque a communicantibus sumeretur. Utrum-*

Yyy 2

que



que celeberrimus Durandus, prout fas est, complexus, pie dixit: *Verbum audimus, motum sentimus, modum nescimus, praesentiam credimus.* Form. Concord. p. 720. Hurter. in Comp. q. 22. Et ad illud Bechm. p. 712. Guil. Forbes. in Considerat. controvers. p. 382. & Pierce in Pacif. Corpusc. p. 244.

*Indigni accipiunt, & non accipiunt corpus & sanguinem Domini.*

*Indigni, seu impenitentes, accipiunt in S. coena, quae fit secundum Christi institutionem, corpus & sanguinem Domini, manducatione sacramentali. Et non accipiunt manducatione spirituali, seu cum fructu.* Saubert. in Epit. Exam. Phil. 147. *Nam si spectamus ipsam sacramenti naturam, divina virtus abesse a signo non potest, qua sacramentum est, & huic usui servit: si mores & ingenium accipientis, illi vita & gratia non est, quod alioqui natura sua utrumque est,* scribit auctor Diallactici de Eucharistia, qui, ut Guil. Forbesio p. 420. videtur, est J. Ponetus. Episcopus Wintoniensis Anglus.

*Corpus Christi est, & non est in, cum, & sub pane.*

*Corpus Christi est in, cum, & sub pane, si quis hac phrasi veritatem praesentiae velit indicare.* Form. Conc. p. 694. 697. 701. *Et non est, si modum praesentiae, qui tamen percipi a nobis non potest, audeas hac phrasi determinare, aut forte etiam pertendas, necessario eam esse adhibendam, nec aliter Christi praesentiam doceri & defendi posse.* Fabric. Syst. 525. Adde G. Calixt. Animadvers. in Confess. Thorun. p. 53.

*Panis*



*Panis consecratus, ante sumtionem est, & non est sacramentum.*

*Panis consecratus, ante sumtionem, est sacramentum, id est, materia sacramentali usui destinata, vel etiam signum visibile invisibilis gratiæ. Et non est sacramentum; quia nihil habet rationem sacramenti extra usum a Christo institutum. Nam ad manducandum & bibendum, institutum est hoc sacramentum. Ut verborum Christi, Accipite, edite, hoc est corpus meum, hypotheticus hic sit sensus: Si hoc acceperitis, & comederitis, est corpus meum. Fabric. Syst. p. 524.*

*Hostiæ consecratæ, possunt, & non possunt asservari.*

*Hostiæ consecratæ possunt, ad modicum tempus, & in usum ægrotorum, more veteris Ecclesiæ, asservari. Quamquam sine dubio convenientius est, & ad commemorandam mortem Domini efficacius, integrum S. cænæ ritum in domo ægroti peragere, & sacra symbola ibidem consecrare. Et non possunt vel debent asservari, ad longum tempus, & cum opinione durabilis permanentiæ sacramenti, etiam extra ipsius usum. Id. p. 524.*

*Remissio peccatorum, per sacramentum S. cænæ, donatur, & non donatur.*

*Remissio peccatorum, per sacramentum sacræ cænæ donatur, quia Deus credentibus, peccata sua non ita condonat semel, ut deinceps condonare cesset, sed, citra sui mutationem, jugiter ea condonat: sicuti interdiu sol sine intermissione splendet, & oculos videntium collustrat.*

Tyy 3

Et



*Et non donatur per illud, sed obsignatur & confirmatur, atque uberius confertur, quia sacramenti usum fides, indeque impetrata peccatorum remissio antecessit.* Schröd. in Catech. p. 626.

*Coëxistentia in S. cœna datur, & non datur.*

Corporis & sanguinis Christi cum pane & vino benedicto *coëxistentia in S. cœna datur*, si vere illud manducatur, atque hic bibitur. *Non autem datur illorum coëxistentia* sensibilis & observabilis. G. Calixt. Animadvers. in Conf. Thorun. p. 27.

*Pransum aut cœnatum ad mensam Domini accedere, est, & non est piaculum.*

*Piaculum est, pransum aut cœnatum ad mensam Domini accedere*, si scilicet temere hoc fiat, & nulla urgente necessitate, immo contra Ecclesiæ sanctiones & consuetudinem, atque adeo cum offendiculo haut exiguo infirmorum. *Et non est piaculum in sese*, quoniam in sacris literis non datur prohibitio, quæ obstat, quo minus prandere aut cœnare liceat. Immo ipsi Discipuli Domini vix dum agni paschalis epulum clausierant, quando sanctissimi hujus epuli primo omnium participes reddebantur. Id. p. 630.

*Communio sub una a Majoribus nostris fuit, & non fuit damnata.*

*Communio sub una tantum specie*, ubi non fit participatio benedicti calicis in S. cœna, *a Majoribus nostris fuit damnata*. Sic enim profitentur in art. l. de Abusib. *Constat, quod consuetudo contra mandata Dei introducta, non sit*



fit probanda : ut testantur canones, *Dist. II. X. cap. Veritate.* Hæc vero consuetudo non solum contra *Scripturam*, sed etiam contra *veteres canones*, & *exemplum Ecclesiæ recepta est.* Paria leguntur in *Artic. Smalc. part. III. de Sacram. Alt.* Et non fuit damnata, (quanquam etiam non approbata) respectu eorum, sive in iis, qui conscientia erronea laborantes, & præjudiciis Ecclesiæ aut Magistrorum, a multis annis talem ritum, ut convenientem institutioni divinæ, propugnantium, capti occupatique, in libera potestate Ecclesiæ situm esse existimabant, alteram signi vel symboli eucharistici partem dare & accipere. Hinc in *Amica Tractat. inter part. apud Chytr. in Hist. de Aug. Conf. p. 254.* dicunt : *Nos multis verbis, ad hæc scripto quoque ostendimus, quomodo excusamus sumentes unam speciem propter necessitatem, quæ multiplex & varia est. Interim non probavimus prohibitionem alterius speciei. Neque vero gravamur sic docere, ut excusamus Ecclesiam, (homines pios & simplices in Ecclesia) & tamen prohibitionem alterius speciei non approbemus. &c.* Atque ita semper scripserunt & docuerunt nostri, excusantes Ecclesiam, ne piorum conscientias onerarent. Et *Lutherus ibid. p. 270.* Philippo hunc in modum rescribit : *Nos dicimus, Ecclesiam fuisse invitam captam & oppressam tyrannide unius speciei, atque adeo excusandam. Quemadmodum universa Synagoga in Babylone excusata fuit, quod non servavit legem Moysi, in ritibus ecclesiasticis & sacramentis suis in Jerusalem. Neque enim ideo non fuit populus Dei, quia ritus sibi mandatos non servavit, ut captivi & violenter prohibiti. Sic in Apol. A. C. ubi agitur de utraque specie, p. 440. ajunt : Nos quidem Ecclesiam excusamus, quæ hanc injuriam pertulit, cum utraq; pars ei contingere non posset. Et secundum allatam interpretationem capienda etiam est sententia Philippi, quæ extat in LL. Commun. p. 768. Sic de Eucharistia judico,*

non



non peccare, qui scientes huius libertatis, & credentes, alterutra signi parte utantur. Vide Dürrii Isag. in LL. Norm. Norib. p. 44. & 115. & Carpz. in Isag. pag. 601.

De Præ-  
destina-  
tione.

*Prædestinatio & electio sunt, & non sunt synonyma.*

*Electio* ad vitam æternam, & *prædestinatio* stricte sumpta, sunt synonyma. Nam quando prædestinatio stricte sumitur, significat & ipsa ordinationem fidelium ad salutem, secundum Dei propositum institutam. *Et non sunt synonyma*, si prædestinatio accipitur late, quatenus etiam comprehendit reprobationem. Quo sensu hoc vocabulum usurpant S. Augustinus, Anselmus, Fulgentius, & Scholastici. Cundis. in Not. ad Comp. Hutt. p. 797.

\* *Datur, & non datur absolutum decretum.*

Circa salutem hominum, quos Deus ab æterno prævidit lapsuros, reparandam, ejusque modum, *datur absolutum* quoddam Dei decretum. Nam ex mero beneplacito decrevit Deus mittere Filium suum, qui pro illis pateretur, eosque æternum salvare, qui vera fide Servatorem illum suum reciperent, atque ad finem vitæ retinerent. Hæc sane decreta sunt absoluta, quippe quæ nullum involvunt respectum ad aliquid ab hominibus præstandum, quo Deus permotus fuerit, ut saluti hominum procurandæ hæc ipsa media constitueret, videlicet Christi mortem, & fidem hominum. Simpliciter acquiescendum heic in Dei voluntate, & quærenti, cur Deus Redemptorem aliquem, aut non alium, quam Jesum Nazarenum



renum, ordinârit, atque ab hominibus nihil aliud requiratur, quam fidem & vivam & perseverantem? respondendum cum Apostolo ex 1. ad Cor. I, 12. *Sic libuit DEO.* G. Calixt. in Considerat. doctr. Reformat. p. 64. & Fabric. in System. p. 618. Ipsum etiam decretum prædestinationis est absolutum, ratione causæ & meriti, quoniam nulla erat causa proprie dicta & in esse reali considerata, nullumque meritum in hominibus, ob quam, vel ob quod Deus illos eligeret: *elegit enim nos pro benevolæ affectu voluntatis suæ*, ad Eph. I, 5. *Falsum est, & cum verbo Dei pugnat, cum docetur, quod non sola Dei misericordia, & unicum sanctissimum Christi meritum, verum etiam ALIQUID IN NOBIS, causa sit electionis divinæ, propter quod nos Deus ad vitam æternam prædestinaverit. Non enim tantum, antequam aliquid boni faceremus, verum etiam priusquam nasceremur, imo ante jacta fundamenta mundi, elegit nos Deus in Christo. De hac gratuita electione Paulus Rom. IX. ad hunc modum scribit: Cum enim nondum nati fuissent, (Jacob & Esau) aut aliquid boni egissent, vel mali: ut secundum electionem propositum Dei maneret, non ex operibus, sed ex vocante dictum est ei: Major serviet minori, Gen. XXV. Sicut scriptum est: Esau autem odio habui. Mal. I. verba sunt Formulæ Concord. p. 781. idemque etiam docetur p. 591. Non vero datur absolutum decretum, respectu conditionis fidei ac resipiscentiæ & perseverantiæ finalis, quasi Deus nihil horum, a se ipso quidem suo tempore ex gratia conferendorum, in actu electionis respexerit: *Elegit enim nos in sanctificatione Spiritus, & fide veritatis evangelicæ*, 2. ad Thes. II, 13. *in Christo*, ad Eph. I, 4. hoc est, secundum Chrysostomi & Theophylacti, fatente Joh. Crocio in commentario, interpretationem, *per fidem in ipsum.* Nam*

Z z z

quos



quos præscivit, ordini a se constituto morem gesturos, etiam prædestinavit, Rom. IIX, 29. Neque etiam est absolutum decretum, respectu peccati, damnationisve, quasi Deus maximam partem mundi, aut ullum hominem, sine peccatorum & incredulitatis ipsius respectu, ad sempiternam damnationem, aut causam ejusdem, vel ab æterno præordinavit, vel in tempore creavit; quandoquidem reprobatio non minus, ac damnatio, ex justo Dei judicio, cujus in ipsis hominibus causa est, peccatum nempe, impenitentia & incredulitas, facta est, ut Theologi non minus Brandenburgici & Hassiaci, quam Saxonici, profiteantur in Colloq. Lips. anni 1631. p. 18. & 20. Cumque Saxonici ibidem addiderint, quæcunque in libro Concordiæ de hoc Electionis articulo doceantur, ea & vera & S. Scripturæ congruentia a se judicari, non gravabimur, ex libri illius pag. 773. & seq. optima illa monita, quibus & Reformati, ut Bergius testatur in præfat. Tractatus de Voluntate Dei omnes salvandi homines, subscribunt, repetere, atque huc transferre: Cum videmus, quod Deus verbum suum alicui regno aut ditioni donat, idem vero alii genti non largitur: item, quod id ipsum ab uno populo aufert, alii vero diutius concedit: quod hic induratur, & in reprobum sensum datur, ille vero, qui in eadem culpa hæret, ad Deum convertitur: cavendum est diligenter, ne in his rebus expendendis, cogitationibus nostris nimium indulgeamus. Paulus autem certas metas nobis posuit, quo usque progredi liceat. Jubet enim nos in illis, qui pereunt, considerare justum Dei judicium; in illis vero, qui salvantur, immensam Dei misericordiam. Rom. XI. — Cum enim natura nostra peccato corrupta, & idcirco ira divine & æternæ damnationis rea sit, Deus nobis prorsus nihil debet, neque ullo jure tenetur, ut nobis verbum suum & Spiritum sanctum largiatur, atque gratia & favore



favorē nos prosequatur. — Quare cum eo usque in hujus articuli meditatione progredimur, tum in tuta & regia via ambulamus. Scriptum est enim de hoc mysterio: Perditio tua est, Israël: tantummodo in me auxilium tuum. Hof. XIII. Quaecunque autem cogitationes, aut quicunque sermones extra hos carceres evagari solent, eos statim cobibeamus, & cum D. Paulo labellum digito compescamus, memores dicti apostolici: O homo, tu quis es, qui responses Deo? Rom. IX. Et sane, quod in hoc articulo non omnia perscrutari & pervestigare possimus, aut debeamus, docet D. Paulus suo ipsius exemplo. Cum enim de hoc articulo multis e verbo Dei revelato disputasset, tandem, cum eo ventum esset, ut diceretur, quanam Deus arcanae suae sapientiae de hoc mysterio reservasset, silentio ea involvit, disputationem abruptit, eamq; his verbis concludit: O altitudo divitiarum sapientiae & scientiae Dei! quam incomprehensibilia sunt judicia ejus! quis enim cognovit sensum Domini? &c. Eum autem sensum seu animum Domini incognitum dicit Paulus, quem Deus in verbo suo non revelavit. Quae totidem pæne verbis etiam leguntur in Enchirid. Chemnitii p. 156. & seqq.

Propter fidem, & non propter fidem electi  
sumus.

Ad salutem electi a Deo sumus propter fidem, quæ Christum, in quo electi sumus, constanter amplexatur. Vnde fides, qua nostra est, nulla alia lege subit electionis decretum, quam ut conditio seu medium, sine quo nos in Christo, in quo electionem fieri necesse erat, esse non possumus. Schröder. in Catechet. p. 371. Et non sumus electi propter fidem, quatenus ut opus a nobis, vel virtus in nobis concipitur, (sicuti nec ea ratione propter ipsam

Zzz 2

justi-



Justificamur) aut quasi Deus electionis *ullam causam*, proprie dictam, *vel occasionem in ipsis hominibus, vel primam aliquam salutarem inclinationem, motum vel assensum ad fidem invenerit*, aut quod fides electione prior fuerit: *quicquid enim boni in electis est, ex mera liberrima gratia Dei, quæ illis in Jesu Christo ab æterno data est, originaliter provenit, atque ipsa fides, cujus intuitu electio facta, DEI donum est*, ut loquuntur Theologi Saxonici in Colloq. Lips. p. 19. Sicut autem nulla efficientia vel prioritas (Mart. Chemnit. in Enchirid. p. 143. & Gerh. §. 170.) fidei tribuitur, quando cum Schrödero, *propter fidem nos electos esse*, vel cum J. Musæo, eumque fideliter secuto Bajero, fidem esse *causam electionis impulsivam externam minus principalem*, & quidem *virtualiter duntaxat agentem*, vel cum aliis dicitur, fidem esse *causam instrumentalem* decreti electionis a parte nostra, (quanquam Gerhardus L. de Elect. & Reprobat. locutiones istas, nos *propter fidem, vel propter prævisam fidem electos*, vel *ex prævisione fidei* esse prædestinationem, §. 161. 170. 172. 173. 175. rejicit, nosque etiam ab usurpatione vocabuli *causæ* in hac controversia tandem abstinere possumus ac volumus, ceu moderate, nec male, præter alios, se declarat optimus genitor meus in Syst. suo p. 610. ita non est negandum, *fidei intuitum ingredi decretum electionis*, ut loqui amat Gerhardus §. 175. vel, uti se explicat §. 161. &, quasi ejus verba mutuati essent, Theologi Saxonici pronunciant in Colloq. Lips. p. 19. *Deum ab æterno elegisse, quoscunque prævidit, in tempore, vi atque operatione verbi sui & Spiritus sancti, in Christum credituros, & in fide usque ad finem vite perseveraturos esse*. Atque hoc, ut alia omitam, probari potest ex harmonia executionis cum decreto: sicut enim Deus credentes, in tempore salvat, ita eosdem ab æterno etiam prævidit credituros, eosque elegit. Quod argumen-  
tum



tum concedunt eximii inter Reformatos viri, Georg<sup>us</sup> Sohnius, Theologus Heidelbergensis, Tom. I. Operum, p. 257. Thom. Pierce, Anglus, Regiæ Majestati a sacris Theol. Professor, & Decanus Sarisburiensis, in pacificat. orthod. doctr. Corpusc. p. 48. & Heideggerus, Prof. Tigurinus, in Medulla Theol. christ. p. 104. Neque desunt in cœtu Doctorum Reformatæ religionis, qui sententiam Nostratium de intuitu seu prævisione fidei, suis etiam suffragiis confirmant & statuminant. Nam Theologi Lambethani in Censura Articulorum Whitakeri sic profitentur: *Placuit DEO servare singulos homines, si crederent.* Lancelotus, Wintoniensis Episcopus, in Iudicio de iisdem: *Ego certe, scribit, nullo modo existimo, divellenda esse hæc, nempe præscire & prædestinare, sed, quod Apostoli faciunt, conjungenda. Neque hic vero audeo præcipitare sententiam meam, aut damnare Patres, qui fere omnes secundum prævisam fidem & eligi & prædestinari nos asserunt.* Joh. Rudolph. Stuckius, Theologus Tigurinus, in Considerat. quæstionum, de quibus in Colloquio Lipsiaco non convenerat inter collocutores, circa quæst. 3. de Electione ex prævisa fide, dicit, *assertionem hanc excusationem quandam habere, quia præstitutionem illam fidei & perseverantiæ sic urgeant (Lutherani,) ut fidem tamen & in illa perseverantiam, pura esse Dei dona nobiscum fateantur. Vnum & simplicem illum electionis actum, ipsa Scriptura S. ad captum nostrum se accommodans, in decretum de fine, & mediis ad finem ducentibus, distinguit. Non enim ad vitam æternam tantum ordinatos dicit, sed in Christo etiam electos testatur, tanquam in medio, perseveranti fide amplectendo, per quod ad vitam æternam ducimur.* Et Josephus Hall, Episcopus Exoniensis, in Iudicio de Colloq. Lips. apud Gesselium in Hist. Eccles. Tom. II p. 650. *Certe, ait, inter omnes de prædestinatione quæstiones levissima illa est, quæ de ordine*

Zzz 3

decreti



decreti solet agitari: quandoquidem nobis certum sit, uno & simplicissimo actu totum hoc ab infinito & sapientissimo rerum Moderatore peragi. Nihil certius est, quam Deum prævidisse credituros, & salvandos prædestinasse. Detur hoc modo, quod iidem Saxonici non illibenter profitentur, fidem esse unicum Dei ipsius donum, & quicquid boni in electis sit, ex mera liberrima Dei gratia, quæ illis in Jesu Christo ab æterno data fuit, originaliter provenire: nihil profecto potest esse periculi in illa prævisionis sententia. Præviderit ab æterno DEUS, quod ipse ab æterno dare decrevit, in tempore credituris. Tuta sunt istic omnia, nec est, (notentur probe hæc verba) quod iste contentionis funis ultra protrahatur.

*Fides est, & non est fructus electionis.*

*Fides est fructus electionis* eo, quod Deus homines quosdam ad salutem electurus, proposuit sibi, se fidem, per evangelii prædicationem in eorum cordibus accensurum. Nam electio, seu propositum gratiæ, efficiens causa, est omnium eorum, quæ ad salutem pertinent, ait Chemnit. in Enchirid. p. 144. causa efficiens omnia illa, quæ ad conversionem, fidem, & pietatem pertinent. p. 143. Et non est fructus, sed illud ipsum, quod Deus a parte hominum unice respexit, & cujus intuitu decretum electionis condidit. Alii distinguere inter electionem late & stricte dictam, vel inter decretum de toto opere perducendi homines ad salutem, & decretum de certis hominibus, sub certa ratione intellectui divino cognitis, certo salvandis. Schröder. in Catechet. 370. & Bajer. Comp. 933.

*Fides*



*Fides est, & non est propria electorum.*

*Fides* ad finem usque perseverans, est solorum electorum propria: Hi enim finaliter credunt, & sic salvantur. *Et non est propria electorum*, sed etiam competit quibusvis renatis, quamvis non salventur, videlicet illa fides, quæ in se quidem vera est, sed temporaria duntaxat. Sunt enim, qui ad tempus credunt, & tempore persecutionis desciscunt, ut Salvator noster loquitur Luc. II. 13. Raupp. L. de Bon. Oper. p. 249.

*Christus est, & non est liber vitæ.*

*Christus est liber vitæ*, suo modo, & allegorice loquendo, quatenus in ipso facta est electio ad vitam æternam, & omnes finaliter credentes, ipsi, secundum Scripturæ S. ductum, sunt inserti. *Et non est liber vitæ*, quando *liber vitæ* appellatur singularis Dei cognitio de salvandis, seu, ut plenior detur descriptio, catalogus salvandorum, quos Deus ex gratia, propter meritum Christi, perseverante fide apprehensum, & ab æterno prævisum, ante facta mundi fundamenta, ad vitam elegit, in laudem gloriæ suæ gratiæ. Form. Conc. p. 588. Chemnit. in Enchirid. p. 138. & Meissn. Anthropol. S. disp. XV. p. 179.

\* *Angeli a DEO sunt electi, & non sunt electi.*

Electio vel late accipitur vel stricte. Late accepta est decretum dandi gloriam, post spontaneam creaturæ rationalis obedientiam. Stricte autem accepta, hominibus tantum competit: dicitur enim facta in Christo, & est τῶν μερόντων πρέβειν. Jam quando *Angeli*, nempe boni, a Deo electi esse dicuntur, intelligendum id est de electione late



late sumpta, ita tamen, ut nec ex prævisis illorum meritis judicetur facta, nec ex absoluta Dei voluntate, sed ex consequente & conditionata, cum Deus omnes angelos ad gloriam creârit, & sufficientia ad eam obtinendam media gratiæ ipsis dederit. Sic mentio fit 1. Tim. V, 21. *angelorum electorum*. Non autem sunt electi, voce electionis stricte sumpta: non enim, ut hominibus, ita etiam angelis datus est Christus redemptor, neque illi fide in Christum dicuntur vel salvati, vel electi. Gerhard. Ifag. in LL. Disp. XIII. §. 13.

\* *Numerus prædestinatorum est certus, & non est certus.*

*Numerus prædestinatorum*, sive quot homines ad salutem æternam ab æterno prædestinati sint, *est respectu Dei certus*, ita ut nec augeri possit, nec minui, nec alterari, eo quod, qui semel sunt electi, manent electi, nec unquam fiunt reprobi: nam quos præscivit Deus, hos prædestinavit, Rom. VIII, 29. & firmum stat fundamentum Dei, habens signaculum hoc, *Novit Dominus, qui sint sui*, 2. Tim. II, 19. Ecquomodo Deum lateat sapientissimum & omniscium, quot & qui ad finem usque vitæ perseveranter credituri sint? Unde S. Augustinus l. 16. de Corrept. & gratia c. 13. scribit: *Hæc de iis loquor, qui prædestinati sunt in regno Dei, quorum ita certus est numerus, ut nec addatur eis quisquam, nec minuatur ex eis. Non est autem certus eorum numerus, quoad homines: nam iis, quot electi sint, scire, est impossibile; indagare autem vellem, stultum est & impium.* Meisner. in Anthropol. S. Disp. 19. p. 270.

\* *Electi*



\* *Electi fidem & Spiritus sancti gratiam possunt, & non possunt amittere.*

*Electi*, per peccata mortalia & contra conscientiam admissa, *possunt fidem & gratiam Spiritus sancti amittere*, totaliter, ita ut ex filiis gratiæ fiant filii iræ, sicut testantur dicta S. Scripturæ Ezech. XVIII, 26. Luc. VIII, 13. Joh. VIII, 34. & exempla Aaronis, Davidis, Salomonis, Petri, & Thomæ. *Et non possunt amittere*, puta finaliter, quia per hanc finalem fidem prævisam eos ab æterno elegit Deus. Meissn. Anthropol. S. Disp. 19. p. 305.

\* *Electi necessario, & non necessario salvantur.*

*Electi necessario salvantur*, propter immutabilitatem voluntatis divinæ, quæ tamen immutabilitas tantum est hypothetica. Nam qui electi sunt intuitu fidei finalis prævisæ, sicut poterant non credere finaliter, ita poterant non salvari, sed damnari, adeoque poterant non eligi, sed reprobari. Quando autem, ut finaliter credituri, a Deo prævisi, & sic electi sunt, sicut non possunt esse credentes finaliter, & non credentes finaliter: ita cum electi sunt, necessitate hypothetica non possunt esse non electi. *Et non necessario salvantur*, absolute loquendo, sive quia non salvantur per absolutam necessitatem. Bajer. in Comp. p. 961.

*Est, & non est duplex inscriptio in libro vitæ.*

*Est duplex in libro vitæ inscriptio*, nempe *temporalis*, quæ Ecclesiam militantem attinet, omnes renatos comprehendit, & per impœnitentiam, ex parte hominis, deleri

Aa aa



deberi potest: & *æterna*, quæ Ecclesiam triumphantem spectat, solis electis propria est, & nunquam fit irrita. *Et non est duplex*, sed unica duntaxat, quæ modo *æterna* dicebatur, si quis stricte & accurate, & cum ipsa etiam Scriptura, Apoc. XXII, 19. loqui velit, Meisn. Anthropol. S. Disp. XV. p. 185.

*Qui inscripti sunt libro vitæ, possunt,  
& non possunt inde de-  
leri.*

Si *liber vitæ* alius dicitur gratiæ, alius gloriæ, haud difficilis est explicatio. Etenim *qui inscripti sunt libro vitæ* gratiæ, *inde possunt deleri*, si sua culpa Spiritui gratiæ reluctentur, eumque expellant. *Et non possunt*, qui inscripti sunt libro vitæ gloriæ: quia hæc inscriptio fundatur in infallibili Dei præscientia. 976.

*Electi possunt, & non possunt fieri  
reprobi.*

*Electi possunt fieri reprobi*, in sensu diviso, & disjuncto, quia non est absolute impossibile, eum, qui est a DEO ad salutem æternam electus, potuisse non eligi: si enim media salutis, prout in ipsius erat potestate, repudiasset, Deus, pro infinita scientia sua, hoc ipsum prævidisset, atque adeo eum non elegisset. *Non autem possunt fieri reprobi*, in sensu composito & conjuncto, hoc est, postquam electi sunt: Nam electio ab æterno facta est, non ex voluntate Dei absoluta, sed *κατὰ πρόγνωσιν*, neque secundum prævisionem qualiscunque, sed, usque ad obitum, perseverantis fidei. Quam certa igitur est præscientia Dei, & ejusdem decretum, secundum illam factum, tam falsum est, eum, quem DEUS in fide perseveraturum, prævi-



prævidit, atque ideo elegit, posse fieri reprobum, & transire in numerum damnatorum. Raupp. L. de Prædest. p. 52.

*Certitudo prædestinationis datur, & non datur.*

A parte prædestinatorum, *certitudo prædestinationis* potest spectari vel pro præsentis, vel pro futuro. Priore modo si spectatur, quilibet suæ electionis & salutis, a posteriori, ex verbo Dei patefacto, & ex fide sua in Christum, certus esse potest, ac debet. Hinc jubemur nos ipsi *experiri, an simus in fide*. Si autem posteriore modo consideratur, tunc certitudo illius non est, nisi conditionata. Cum enim voluntas divina de salvandis hominibus sit conditionata, & conditionis illius observatio ipsis incumbens, extendat se ad ultimum usque vitæ terminum, ac in libertate ipsorum sit posita; non enim necessario, sed libere in fide & sanctitate perseverant, ita ut, si vellent, possent recedere, fidemque & sanctitatem excutere: hinc aliter de prædestinatione sua & futura glorificatione non possunt certi esse, quam sub conditione hac, si perseveraverint. Ideoque requiritur ab ipsis, *ut studeant, vocationem & electionem suam firmam efficere*, II. Pet. I, 10. assidue videlicet precibus, continua & sollicita mediorum salutis usurpatione, fideique & pietatis quotidianis exercitiis. *Non autem datur absoluta, & omnem oppositi formidinem excludens, quomocunque homines comparati sint, vitamque suam instituant.* Fabric. Syst. 620.

*Datur, & non datur gratia irresistibilis.*

*Aaa a 2*

*Datur*



*Datur gratia irresistibilis*, si loquimur de gratia præveniente & initio conversionis: Non enim est penes hominem in peccatis mortuum, primis divinæ illuminationis radiis sanctisque motibus, quos in ejus animo ad conversionem operari incipit Spiritus sanctus, resistere, & obicem ponere. *Non vero datur gratia irresistibilis*, si sermo est de gratia comitante & progressu conversionis: Nam ut homo per gratiam prævenientem vires accipit, Deo cooperandi, ita comitanti, seu ulteriori, post primas sanctas cogitationes, gratiæ, per propriam malitiam resistere, si velit, potest. Patet hoc ex inspectione aliquot hominum verbum Dei audientium, qui omnes ex æquo ad pœnitentiam invitantur, & interna gratia præveniuntur; alii tamen conversionem admittunt, alii eandem excludunt & repudiant. C. Franck. in Exerc. Antiwiedelin. VI. §. 22. & Joh. Berg. in scripto German. de Voluntate Dei circa omnium hominum salutem c. 12. p. 79.

*Deus vult, & non vult omnium hominum salutem.*

Ad explicandam propositionem hanc, opus est distinctione inter voluntatem Dei primam seu antecedentem, & secundam seu consequentem. *Prima seu antecedens Dei voluntas* dicitur, qua is vult aliquid ex se solo, seu ex nativa sua inclinatione præcise, nec dum habita ratione circumstantiarum. *Secunda autem seu consequens* appellatur, qua aliquid vult, consideratis circumstantiis, seu intuitu alicujus causæ aut conditionis, ex parte creaturæ, cui aliquid vult, spectatæ. Hanc distinctionem jam applicamus ad præsens, ac dicimus: *Deus vult salutem æternam omnium hominum*, voluntate antecedente, eaque seria, prout Paulus scribit in I. ad Tim. II, 4. *Deus vult omnes*



*omnes homines salvos fieri*, nemine excepto : quemadmodum ibidem jubentur Christiani *pro omnibus hominibus*, ne quidem Nerone præterito, quantumvis ethnico, & tyranno crudelissimo, preces fundere. Similiter Petrus ait in 2. ep. III, 9. *Deum non velle ullos perire*. Idem tamen *non vult omnium hominum salutem*, voluntate consequente, & quoniam non omnes conditionem salutis implent, ac fidem a Deo datam acceptant, eave, ut decet, utuntur. Joh. Musæus disp. de Volunt. anteced. & conseq. Cui etiam addi possunt Theologi Brandenb. & Hass. in Colloq. Lips. anni 1631. p. 15. & testimonia aliorum Reformatorum, quæ singulari studio collegit, & appendicis loco, tractatui suo Germanico de Volunt. Dei circa omnium hominum salutem, subjunxit J. Bergius.

*Evangelium toti, & non toti orbi est  
annunciatum.*

*Evangelium toti orbi* ab Apostolis est *annunciatum*, dum illud in maxima orbis parte prædicarunt, ita, ut omnes homines ad ejus cognitionem pervenire potuerint : Dicitur enim toti factum, quod maximæ parti. Sic toti urbi aut communitati intimatum censerur, quod coram multis publice promulgatum est, ubi, quamvis non omnes incolæ adfuerint, nemo tamen illorum fuit exclusus. *Et quo non pervenit pes Apostolorum, penetravit sonus*, sive per ordinariam prædicationem, sive per famam ab aliis eo delatus. Ad Rom. I, 18. & ad Coloss. I, 6. *Et non toti orbi*, sic quidem, ut in omnes angulos & claustra mundi pervenerint Apostoli. Scherzer. in Syst. 284. Quo etiam spectat, quod legitur in Form. Conc. p. 765. *Quos prædestinavit, hos & vocavit. Dominus autem non solet*

Aa aa 3

homines



homines immediate vocare : sed per verbum eos, quos vult, vocat. --- Alios quidem hora prima, alios vero tertia, sexta, nona, vel etiam undecima hora. Matth. XX. & in Enchirid. Chemnitii p. 145. Quos vult esse convivias nuptiarum filii sui, eosdem etiam per missos servos suos vocat, Matth. XXII. quemvis scilicet suo tempore. Nec Deo assingamus vel duplex cor, vel contradictorias sententias & voluntates : sed quando per verbum homines ad communionem regni Filii sui vocat, non illudit vocatis, sed voluntatem & sententiam suam serio ita declarat, quod eos, quos vocat, velit salvos fieri, & ad agnitionem veritatis venire, I. Tim. II. quodque per hanc vocationem, quae per verbum fit, velit esse efficax, ut vocati illuminentur, convertantur, fideificentur & salventur.

Doctrina de praedestinatione ad securitatem & desperationem abducit, & non abducit.

Doctrina de praedestinatione abducit ad securitatem & impenitentiam, aut angustias & desperationem, per accidens, & vitio hominum, qui ea abutuntur, aut minus commode eam vel intelligunt vel tradunt. Sic enim (ut verba Form. Conc. p. 761. mea faciam) quidam periculose secum cogitant, quin etiam interdum in hanc sententiam loquuntur : Deus electos suos ad vitam aeternam praedestinavit, antequam mundi fundamenta jacerentur : electio autem Dei errare non potest, neque eam quisquam impedire aut mutare



tare valet. Ergo si ad vitam æternam sum electus, nihil salutis meæ decedet, etiamsi absque omni pœnitentia omnis generis scelera atque flagitia designavero, verbum & sacramenta contemsero, neque unquam de pœnitentia, fide, precibus aut pietate cogitavero. Necesario enim salvabor, quia electio Dei non erit vana: sed quod ille de me decrevit atque prædestinavit, impleri necesse est. Si vero non sum prædestinatus, nihil prorsus mihi proderit, etiamsi verbum Dei mediter, pœnitentiam agam, atque in Christum credam: quia electionem neque impedire, neque mutare potero. Neque vero tantum homines impii, verum etiam pii quandoque in has cogitationes veniunt, & incidunt, ut, si maxime, per Dei gratiam, pœnitentiam agant, in Christum credant, & pie vivendi laudabile institutum habeant, nihilominus ita secum rem reputent: Quid si non ab æterno ad salutem electus seu prædestinatus es, omnis tuus conatus, totusque labor tuus irritus erit. Hæc atque huiusmodi tum præcipue homini pio in mentem veniunt, cum suas infirmitates considerat, & in eorum exempla animi oculos defixos habet, qui non in fide ad finem usque perseverârunt, sed a vera pietate in impietatem rursus prolapsi, & apostatæ facti sunt. Sed salva res est, nec magis doctrina de prædestinatione efficit falsas & horrendas cogitationes istas, quam lex divina iram. Ideo etiam hoc subjungimus: Doctrina de prædestinatione, in se, ac per se, non abducit ad securitatem & desperationem, sed potius plena est multiplicis solatii, si sententia ejus non ex lege, neque ex rationis humanæ judicio, neque ex oc-  
cultis



culta Dei voluntate petitur, sed ex evaᅡgelio, adeoque ex voluntate Dei revelata. In eo autem perspicue docetur, quod Deus pœnitentibus, & in Christum perseveranter credentibus, salutem æternam daturus sit, & quod tales prædestinaverit. Christus, ut liber vitæ, nobis proponitur. In hunc si credis, & mandatis divinis pro virili obedientiam præstas, quamvis fides tua infirma sit, & obedientia tenuis, dummodo corde sincero præditus sis, & alienus ab hypocrisi, non est, quod dubites de tua prædestinatione. Non te deseret Deus, nisi tu eum deseras. Nemo te rapiet ex ejus manibus. Arundinem quassatam ipse non franget, nec exstinguet ellychnium fumigans, sed servabit te, confortabit te, & glorificabit te. Chemnit. in Enchir. 134. Neuberger. in Speculo fidei p. 115. & Wollebius apud Pierce p. 57.

De Ecclesia,

\* *Ecclesia Christi potest, & non potest errare.*

*Ecclesia Christi*, sive hoc vocabulum sumatur pro universis cœtibus aspeᅡtabilibus eorum, qui per totum orbem salutarem Christi doctrinam profitentur, sive pro Ecclesia inaspeᅡtabili seu veris fidelibus, *potest errare* in rebus, quæ ad salutem æternam consequendam scitu vel observatu non sunt necessariae, quandoquidem sine earum cognitione aut observatione salutaris Christi doctrina suo loco integra, consistere potest. Et, loquendo de Ecclesia inaspeᅡtabili, sive de vere fidelibus soli Deo notis, *non potest errare*, in rebus ad salutem necessariis; certe non finaliter: hæc enim privilegium accepit a Christo, quod portæ inferorum, non possint eam superare. Matth. XVI. 18. Gerh. in Conf. Cathol. lib. 1. part. 2. c. 11. & Bechm. in Not. uber. ad Comp. Hutteri p. 602. & seqq.

*Impura*



*Impura Ecclesia est, & non est vera.*

*Impura Ecclesia*, seu collectio illa hominum, quorum prædicatio publica, erroribus fidei catholicæ adversis contaminata & corrupta est, *vera est*, prout vox *vera*, Ecclesiæ voci addita, nihil dicit, præter Ecclesiam, & relationem rationis ad potentiam cognoscentem, cui Ecclesia esse apparet, cum Ecclesia non sit. Quo sensu Ecclesia vera & falsa opponuntur inter se contradictorie, & dicitur *Ecclesia vera*, quæcunque non est non Ecclesia, sive quæ est Ecclesia aliqua. *Et non est vera*, prout vox *vera* dicit negationem admixtæ rei alienæ, & Ecclesia vera idem est, ac ecclesia pura, & non falsata; *falsa* autem, quæ impura, falsata & corrupta est. J. Musæus Tract. de Eccles. P. I. p. 215. Cum quo etiam facit Gerh. in Confess. Cathol. p. 728. his utens verbis: *Vera Ecclesia opponitur falsæ vel contradictorie, i. e. non ecclesiæ, seu ipsam essentiam baptismi & religionis totius evertenti coetui; vel privative, id est, non orthodoxæ ecclesiæ. Posteriore significatione, Ecclesia, apostasiæ partialis rea, non est vera ecclesia, propter depravationem religionis, sed est falsa, h. e. vitiata & impura ecclesia. Prioris oppositionis respectu, concedimus, talem ecclesiam esse veram, h. e. adhuc esse ecclesiam. Quod patet cum a sacramenti initiatorii, h. e. baptismi, quem retinet, veritate, tum a communicatione verbi, facta per publicam textuum biblicorum lectionem.*

*Datur, & non datur ecclesia invisibilis.*

*Ecclesia datur invisibilis*, quia revera in his terris est cœtus vere credentium & sanctorum, qui inter se cum Christo capite uniuntur per fidem, nec distincte, ab aliis, utpote corda inspicere non valentibus, videntur aut co-

Bbbb

gno-



gnoscentur. *Et non datur*, sic, ut homines ipsi, qui sunt membra illius propriæ dictæ ecclesiæ, quatenus sunt homines, videri & cognosci nequeant, & quasi confusa de illis, ut vere fidelibus & sanctis, notitia, plane sublata sit. Mus. Traët. de Eccles. P. 2. p. 502.

*Vna eademque Ecclesia potest esse sponsa Christi,  
& satanæ scortum.*

*Vna eademque ecclesia* in his terris militans, & synecdochice, seu de promiscuo ex sanctis & non sanctis cœtu accepta, *potest esse* castissima *Christi sponsa*, & adultera, *satanæque scortum*, secundum diversas partes; nimirum Christi sponsa, secundum eam partem, qua constat bonis, h. e. vere credentibus & sanctis, quos Christus *filios regni* appellat Matth. XIII, 38. Satanæ scortum autem, & adultera, secundum alteram partem, qua continet malos, sive *filios diaboli*. Sicut unus idemque homo materialis & corruptibilis dicitur secundum corpus, & immaterialis atque incorruptibilis, secundum animam. Sic etiam S. Augustinus in enarrat. Psalmi LXI. *bonos & malos*, ex quibus permixtis ecclesia, synecdochice accepta, aggregata est, in duas distinguit civitates, *Babyloniam* unam, alteram *Hierusalem*, quarum illa sit sub rege diabolo, hæc sub rege Christo, & subjungit: *Hæc duo corpora, sub duobus Regibus agentia, ad singulas civitates pertinentia, aduersantur sibi usque in finem seculi, donec fiat ex commixtione separatio, & alii ponantur ad dextram, alii ad sinistram.* Id. P. I. 288.

*Vera Ecclesia ante Lutheri reformationem permansit,  
& non permansit.*

*Ecclesia, synecdochice accepta, ante Lutheri reformationem.*



*mationem permanfit vera, Catholica & Apostolica, ea parte, qua adhuc constabat vere credentibus & sanctis, qui Dei gratia ab erroribus gravissimis conservati fuerunt intemerati. Et non p̄manfit, ea parte, qua constabat non — sanctis, & in errores haut exiguos prolapsis. Id. P. I. 224.*

*Protestantes secesserunt, & non secesserunt ab Ecclesia Romana.*

*Protestantes secesserunt ab Ecclesia Romana, ut erroribus haud minimis, variisque abusibus contaminata. Et non secesserunt ab ea, qua illa constabat, atque etiam nunc constat vere credentibus & sanctis. Hi enim sunt verae ecclesiae membra, a quibus Protestantes segregare se nunquam cogitarunt, nec cogitabant in posterum. Valet heic illud, quod Philippus Eccio, crimen desertae Ecclesiae Romanae objicienti, respondit: Cum consensum catholicae Ecclesiae Christi vere amplectamur, ac tantum quosdam abusos alterius partis reprehendamus; -- non discessimus ab Ecclesia catholica Christi, sed reliquimus taxatos abusos. Ac ab ipsis verius ex ipsorum caetibus expulsi sumus violentis edictis, excommunicationibus & nova acerbitate, quae in Ecclesia non fuit usitata. Id. 225.*

*Fuerunt, & non fuerunt concilia oecumenica.*

*Fuerunt olim concilia oecumenica seu universalia, in ordine & respectu ad particularia sic dicta, & quia fere ex universis orbis Romani Ecclesiis aliquos Episcopos & viros doctos continebant, eorumque decreta postmodo ab universis Ecclesiis approbata & recepta fuerunt. Et non fuerunt unquam absolute & simpliciter oecumenica,*

Bb bb 2

quæ



quæ totius Ecclesiæ militantis Episcopos & viros doctos comprehenderent, vel Ecclesiam militantem universam perfecte repræsentarent. Id. P. II. 576. & seqq. & Hildebr. disp. 2. de Iurib. episcop. §. 26.

*Corpora civium Ecclesiæ veniunt, & non veniunt sub potestatem ecclesiasticam.*

*Corpora civium Ecclesiæ veniunt sub potestatem ecclesiasticam, secundum eam conditionem, quam per regenerationem adepta sunt & habent, & qua in æternum etiam perennatura sunt. Et non veniunt sub eam, quoad corporalem suam conditionem: Sic enim potius subsunt potestati civili. Carpz. Isag. in LL. Symb. 746.*

*Catechumeni sunt, & non sunt de Ecclesia.*

*Catechumeni, qui in capitibus doctrinæ christianæ informati sunt, iisque fidem adhibent, nec dum tamen ad baptismum pervenerunt, sunt de Ecclesia universali, ejusque evaserunt membra, ut credentes. Nam Ecclesia universalis est cœtus credentium, Hierosolyma illa superior, omnium nostrum mater, Gal. IV, 26. Et non sunt de Ecclesia particulari & visibili, quia in talem nondum actu & solenniter sunt recepti, sed recipiendi. J. Gerh. L. de Eccles. p. 54.*

*Schismatici sunt, & non sunt membra Ecclesiæ.*

*Distinguendum inter schismaticos malitiosos, qui ex mera malitia ac pertinacia, ecclesiasticæ unitatis vinculum rumpunt, ac turbas movent; & infirmos, qui ex infirmitate, aut ob scandala quædam secessionem faciunt, eamve medi-*



meditantur. *Hi sunt membra ecclesie, & ex præcepto Paulino ad Rom. XIV, 1. suscipiendi, non abscindendi, nisi monitoribus asperi fiant.* Sic in Corinthiaca Ecclesia erant diffidia, ita ut alii vellent esse Paulini, alii Apollistæ, alii Cephistæ, quos quidem S. Apostolus corrigit, eorumque studium improbat, sed eos tamen communi *fratrum* nomine complectitur, & dignatur *1. Cor. I. Carpzov. Isag. p. 921.* Alii quoque schismaticorum sunt occulti, alii manifesti. *Occulti*, qui juxta Augustinum Quæst. X. ex Matthæo, *invident bonis, ita ut quærant occasiones excludendi eos vel degradandi, vel crimina sua sic defendere, parati sunt, si objecta vel prodita fuerint, ut etiam conventiculorum segregationes, vel Ecclesie perturbationes cogitent excusare*, sunt membra Ecclesie quoad externam professionem, non autem quoad fidem & charitatem. *Manifesti* nec externe, nec interne. Musæus Tract. de Eccl. Part. I. 188. & Part. 2. 204.

*Excommunicati sunt, & non sunt membra Ecclesie.*

Alii excommunicantur & ejiciuntur ex Ecclesia jure, alii injuste. Quicunque igitur injuste *excommunicati* sunt, illi omnino *sunt membra Ecclesie christianæ.* Sic a Pharisæis excommunicati fuerunt Apostoli, Joh. IX, 22. 34. qui tamen viva Ecclesie Judaicæ veræ membra erant. Qui autem jure, & propter ipsorum demeritum, excommunicationis fulmine tacti sunt, illi *non sunt membra* veræ Ecclesie, quamdiu in hoc statu manent, nec resipiscunt. Id. part. II. 318.

*Angeli sunt, & non sunt Ecclesie membra.*

Bb bb 3

Angeli



*Angeli sancti sunt Ecclesiae membra, si Ecclesiam sumas late, pro quovis Deum colentium cœtu, sive ex hominibus constet, seu ex spiritibus, & in quo non sint media restituendae gratiæ. Qualem ecclesiam ante lapsum formabant homines, in statu innocentiae constituti, ac formabunt beati aliquando in cœlis. Et non sunt, si strikte illud vocabulum accipiat, ac pro cœtu hominum, in peccata lapsorum, & ad civitatem Dei vocatorum. Angeli enim nec per verbum vocantur, nec illius prædicatione egent, nec sacramentis utuntur, nec Mediatorem habent, in quem fidem, ut nos, collocent. Raupp. L. de Eccles. p. 174.*

*Extra Ecclesiam est, & non est salus.*

*Extra Ecclesiam strikte sumtam, & nondum constitutam, est salus. Sic Adam & Eva, quum nondum erat talis ecclesia, in statu versabantur salutis inchoatæ, & ad consummatam quoque pervenissent, si a Deo in cœlum fuissent translati. Item si Deus extra ordinem operari, & immediate aliquem illuminare ac vocare velit. Est etiam extra Ecclesiam Romanam posteriorum seculorum, ubicunque pura doctrina viget & sacramentorum legitimus usus, ac disciplina observatur. Et non est, si de ecclesia constituta sermo est, & ordinario convertendi & salvandi modo, citra Dei miraculum. S. Augustin. lib. de Fide ad Petrum Diaconum, T. III. p. 51. K. & p. 53. H. & auctor Sermonum de Tempore, qui existant Tomo X. Opp. S. Augustini p. 190. G.*

*Petrus est, & non est fundamentum ecclesiae.*

*Si fundamentum denotat illum, qui Ecclesiam super Christi*



Christi doctrina fundare ac plantare omnibus studet viribus, haud absurde dixeris, *Petrum esse fundamentum ecclesiae*. Sic enim omnes Apostoli & Prophetæ fundamenta, possunt vocari, ut dicitur in epist. ad Ephes. II, 20. *Superstructi estis super fundamentum Apostolorum ac Prophetarum, extremo angulari lapide ipso Jesu Christo*. Qua ratione doctrina illorum est fundamentum dogmaticum, Christus autem fundamentum substantiale seu personale. *Et non est fundamentum Ecclesiae*, si fundamentum proprie illud dicitur, quod totum Ecclesiae ædificium sustentat. Sic enim solus Christus est fundamentum Ecclesiae, de quo eo capiendum dictum 1. ad Cor. III, 11. Hunn. in Comment. in loca citata.

*A disciplina ecclesiastica debet, & non debet abesse vis coactiva.*

*A disciplina ecclesiastica abesse debet aliqua vis coactiva*, ut carnalis, violenta, nimia, tyrannica, antichristiana: arma enim Ecclesiae non carnalia sunt, 2. Cor. X, 4. Non vero omnis: non spiritualis & interna, quæ, ut Apostolus I. c. loquitur, valida, & ad destructionem munitionum, sufficiens sit, quæque sic cogat ingredi, Luc. XIV, 23. nec externa, & Magistratui competens christiano, quæ abscindatur reus, & e cœtu ejiciatur, atque expurgetur. Ad Gal. V, 10. 12. 1. Cor. V, 3. III. Joh. 8. 10. Carpz. II. 946.

*Consistoria sunt, & non sunt ordinatio humana.*

*Consistoria* seu Judicia ecclesiastica, plerunque viris ecclesiasticis pariter ac politicis constantia, *sunt humana ordinatio*, quatenus ab hominibus, & quidem a Principibus & Statibus Imperii protestantibus, jure superioritatis territo-



territorialis, constituta sunt, quum Regio & Religio arctissime cohæreant. *Et non sunt humana ordinatio*, quatenus origo eorum esse quasi divina videtur, quum simile quid etiam Apostoli constituerint Act. VI, 2. & 1. ad Tim. V, 17. Quemadmodum & Magistratus civilis *humana ordinatio* dicitur 1. Pet. II, 13. qui tamen a Deo suam habet originem, ad Rom. XIII, 1. 2. Henr. Linck. de Jure Episc. p. 505.

*Omnes, & non omnes Christiani sunt clerici.*

*Cleri* vel *Clerici* nomen alias late sumitur, pro iis, qui ad occupandum κληρον τῶν ἀγίων, sortem sanctorum, ac bona spiritualia, per Christum lecti sunt, ad Coloss. I, 12. alias stricte & specialiter, pro illis, qui ad functiones ecclesiasticas obeundas constituti sunt. Qui & eodem sensu *spirituales* vocantur. *Omnes igitur Christiani sunt clerici*, quoad priorem; *non vero omnes*, sed tantum illi, quibus ecclesiastica munia concredita sunt, quoad posteriorem, acceptionem. Id. p. 71.

*Templa & altaria Sanctis erigere & dedicare licet, & non licet.*

*Sanctis* vere talibus, & de quibus certi sumus, quod ut aliis Christianis singulari fidei ac virtutum exercitio præluxere, & insigne Ecclesiæ commodum attulere, ita & pie obdormiverint, (quales sunt B. virgo, Apostoli, Martyres & similes) *templa & altaria erigere & dedicare*, seu ab illis denominare *licet*, in eorum memoriam, atque ad virtutum ipsorum imitationem. Hinc factum, quod templa seu τὰ νεκρὰ antiquitus appellarentur *Martyria*, utpote in memoriam martyrum erecta, Augustinus lib. 1. de C.D.



de C. D. c. i. *Testantur hoc, ait, martyrum loca, & Apostolorum basilicæ. Et Concilium Gangrense in epist. ad Episcopos Armeniæ damnat Eustathium, tanquam contemptorem basilicarum SS. Martyrum, & can. 20. nominat Martyrum basilicas, τὰς συναγωγὰς τῶν μαρτύρων.* Adde Gundlingii Notas in h. l. Et sic etiam nos templa ac altaria Sanctis consecrata, prout a Majoribus accepimus, retinemus. *Non autem licet erigere & consecrare Sanctis fictis & in cerebro hominum natis; aut veris etiam, ut Diis, atque adeo primario, & cum ritibus ac ceremoniis superstitiosis.* De utroque, quod videlicet certo respectu liceat, & non liceat, audiamus S. Augustinum. Sic enim scribit l. 8. de C. D. c. 27. *Nec tamen nos eisdem martyribus templa, sacerdotia, sacra, & sacrificia constituimus: quoniam non ipsi, sed Deus eorum nobis est Deus. Honoramus sane memorias eorum, tanquam sanctorum hominum Dei, qui, usque ad mortem suorum corporum, pro veritate certarunt, ut innotesceret vera religio, falsis religionibus fideisque convictis.* — *Quis autem audivit aliquando fidelium, stantem sacerdotem ad altare etiam super sanctum corpus martyris, ad Dei honorem cultumq; constructum, dicere in precibus: Offero tibi sacrificium, Petre, vel Paule, vel Cypriane; cum apud eorum memorias offeratur Deo, qui eos & homines & martyres fecit, & sanctis suis Angelis cœlesti honore sociavit: ut ea celebritate & Deo vero de illorum victoriis gratias agamus, & nos ad imitationem talium coronarum, atque palmarum, eodem invocato in auxilium, ex eorum memoriæ renovatione adhortemur?* Et l. 22. c. 10. *Nobis martyres non sunt Dii. — Nos martyribus nostris non templa, sicut Diis, sed memorias, sicut hominibus mortuis, quorum apud DEVM vivunt spiritus, fabricamus: nec ibi erigimus altaria, in quibus sacrificemus martyribus, sed nos Deo, & martyrum & nostro, sacrificium immolamus.* Atque in

Cc cc

hunc



hunc sensum intelligendum, quod idem S. Pater in l. i. contra Maximinum, Arianorum Episcopum, proficitur, p. 149. tomi VI. *Nonne si templum alicui sancto angelo excellentissimo de lignis & lapidibus faceremus, anathemizaremur a veritate Christi & ab Ecclesia Dei, quoniam creatura exhiberemus eam servitutem, quæ uni tantum debetur Deo?* Hildebr. in Enchirid. de primit. Eccl. Sac. publ. Templis, & dieb. fest. C. 2.

*Lutheranorum appellatio potest, & non potest permitti.*

*Lutheranorum appellatio potest permitti*, ad differentiam eorum, qui aliis religionibus christianis addicti sunt, sicut olim Christiani, ad differentiam heterodoxorum, *Catholicos* se vocarunt. Et Paulus in 2. epistolæ cap. 1. Timotheum cavere jubet, *ne ipsum pudeat sui, qui evangelii causa sit victus*. Scilicet non satis erat Timotheo, evangelium profiteri, & Paulum abnegare, qui id prædicaverat. *Et non potest permitti*, si Lutherus creditur esse religionis autor, quæ tamen non magis a Luthero est, quam christiana illa a Paulo. Legatur de hac distinctione non modo Balth. Meisn. in Tract. Germ. quem vocat Unterricht von Verm. der Calv. p. 32. Æg. Hunn. in Refutat. libelli Emdani de S. Cæna p. I. G. Ritter in Dispp. Catech. de J. C. Filio DEI unigenito, Domino nostro, §. 33. Raupp. L. de Eccles. 224. sed & Lutherus ipse T. 2. Opp. Jenens. Germ. p. 62. 64. & 92. ubi clarissime docet, nec denominationem a se, tanquam magistro fidei, petendam, nec omnem sui, utpote ministri evangelii, memoriam abjiciendam & conculcandam esse, ne forte ipsum etiam evangelium pariter abjiciatur & contemnatur.

Ponti-



*Pontifex Romanus est, & non est Vicedeus.*

*Pontifex Rom. est Vicedeus*, ut summus Episcopus & Magistratus Politicus. *Et non est Vicedeus*, secundum encomia adulatorum, quæ & inter Pontifices aliqui affectârunt, aut certe non rejecerunt. Interim modestiores minime iis delectantur. J. Wülfer in not. ad Orat. inagural. pag. 135.

*Eidem competit, & non competit primatus.*

*Eidem competit* inter Episcopos *primatus* ordinis, immo & aliqua potestas in illas Ecclesias, quæ provida Pontificum Romanorum cura olim fuerunt plantatæ; sed jure duntaxat positivo humano. Hinc Phil. Melancthon Articulis Smalcaldicis subscribens: *De Pontifice*, ait, *statuo, si evangelium admitteret, posse ei propter pacem & tranquillitatem communem Christianorum, qui jam sub ipso sunt, & in posterum sub ipso erunt, superioritatem in Episcopos, quam alioqui habet jure humano, etiam a nobis permitti.* Quæ verba quum in symbolicis Ecclesiarum Protestantium libris relictæ sint, judicent prudentiores, an publicam nacta sint auctoritatem, & consensum communem, nec ne. *Non autem ei competit primatus* jurisdictionis & potestatis in omnes universæ Ecclesiæ christianæ Episcopos, sive de humano, sive de divino jure. Luth. T. 1. Oper. Jenens. Lat. p. 306. & 307. G. Calixt. part. II. Refut. Buscheri p. 30. & Fabric. in Syst. 441. Cavendum tamen, ne cum primatu sive ordinis, sive jurisdictionis, vel etiam cum Sede Romana, confundas auctoritatem potestatemve directoriam, quæ in Ecclesia ad instituendum & conservandum bonum ordinem,



dinem, itemq; ad evitandam confusionem necessaria, & eo, quod a Deo, boni ordinis amante & auctore, dependet, in quocunque aut quibuscunque sit, juris divini esse non immerito censetur. *Non enim est potestas, nisi a Deo.* Rom. XIII. De quo loco sic pronunciat Lutherus coram Cardinali Sixti Rom. Pontificis Legato, T. I. Operum Jenens. Lat. p. 191. *Quodsi Monarchia Papæ probari potest, potius ex illo Apostoli Rom. XIII. probabitur, omnis potestas a Deo est, & quæcunque a Deo sunt, ordinata sunt. Hujus, inquam, virtute (proprie loquendo) subijcitur Sedi Romanæ, donec Deo placuerit, qui solus, non etiam Romanus Pontifex, transfert regna atque constituit.* Et in Resolut. super XIII. Proposit. Eccian. de Potest. Papæ, p. 297. quarta ratio, quæ ipsum movet, Romanum Pontificem esse aliis omnibus, quos saltem noverimus, se Pontifices gerere, superiorem, est desumpta ex Rom. XIII. ubi Apostolus dicat: *Omnia anima Potestatibus sublimioribus subdita sit. Non enim est potestas, nisi a Deo. Quæcunq; autem a Deo sunt, ordinata sunt.* Itaque qui resistunt potestati, Dei ordinationi resistunt: qui autem Deo resistunt, ipsi damnationem sibi acquirunt. Atque his verbis recitatis, sic pergit Lutherus: *Hac certe omnium robustissima, quantum ego capio, causa, nos Romano Pontifici subiecti sumus, in qua clare asserit, nullam potestatem nec esse quidem posse, nisi a Deo. Cum autem Romani Pontificis potestas jam sit robustissime stabilita, ut videmus, certe non oportet Dei ordinationem hanc impugnare, sed, quanta quanta est, humiliter sustinere, etiamsi injusta esset, & iudicium Deo relinquere.*

Pontifex Romanus est, & non est  
Dominus.

Ponti-



*Pontifex Rom. est Dominus*, non solum ut Princeps, absoluta in Status & Provincias suas potestate pollens; (ubi præscindere oportet, quo jure illas habeat subiectas: sufficit enim, quod, multis secularibus Potestatibus non contradicentibus, habeat, iisque pacate fruatur) sed etiam ut summus Episcopus. Sancti enim, & Episcopi, multoque magis summi Episcopi & Patriarchæ, qualis est Papa Romanus, honoris causa *Domini*, & unico apice expuncto, *Domni* vocabantur olim. Et Pontificibus Rom. peculiariter hoc nomen tributum fuisse, contendit Onuphr. Panvinus, idemque ex Alb. Cranzio probat Strauchius in Amœnit. Jur. Canon. ecl. I. c. II. ad denotandum videlicet vel venerationem erga verbum Dei, quod illi hominibus proponerent, vel subordinationem quandam respectu Dei & Domini Dominorum. De quo legi potest Du Fresne in Glossar. voce *Dominus*. *Non autem est Dominus*, ratione verbi & sacramentorum, quasi in illis mutationem suscipere, & aliquid vel addere vel demere, pro lubitu possit, sed potius minister, vigil, pastor, dispensator, sicut Paulus de se scribit ac reliquis Apostolis, I. ad Cor. IV. I. Neque hoc dissimularunt, sed aperte professi sunt illustrissimi illi Novemviri, delecti Cardinales & alii Prælati, qui Paulum III. cuius jussu & auctoritate iudicium suum formaverant, alloquentes dixerunt: *Secutus doctrinam Apostoli Pauli, vis esse dispensator, non Dominus*. Sed nec Dominus est Dominantium, i. e. Cæsaris, Regum, Principum, qui olim sub Imperatore Rom. fuit, deque ejus donatione ipse sibi gratulatur. Quin potius *Servus* est *Servorum*, ut modestiæ causa se ipse solet appellare. Quorum autem? an vilissimorum hominum, & abjectissimorum mancipiorum? Minime; sed eximiorum, illorum DEI servorum, S. Petri, & S. Pauli, teste

Cc cc 3

Glossa



Glossa ad Can. 9. Caus. I. q. 7. & Barbosa in I. Eccles. c. 2. n. 29. Quos citat H. Linck. in Comment. ad Decretal. p. 34.

*Pontifex Rom. est, & non est præsēs conciliorum.*

*Pontifex Rom. est præsēs conciliorum generalium in Ecclesia Latina, etiam in externis, ut ex auctoritate concilia moderetur, si Cæsares, ut jam diu factum est, exercitium juris sui ei velint indulgere, aut saltem, ex singulari Sedis Apostolicæ veneratione, connivere. Non autem, jure expresso divino, vel quasi sacra Imperatorum Romanorum Majestates plane eo se abdicaverint, & exuerint. Neque etiam ei competit jus præsidentendi in conciliis, quæ extra Ecclesiæ suæ pomeria habentur. Dreier. in Controv. cum Pontif. p. 443. & seqq.*

*Papa est, & non est antichristus.*

*Antichristus, juxta descriptionem Apostoli Pauli in 2. ad Thes. II. hoc loco dicitur series & complexus plurimum hominum in eadem impietate sibi succedentium, & in Ecclesia Christi quidem regnum peculiare, ac velut divinam in omnes potestatem sibi arrogantium, varias quoque doctrinæ & sacrorum publicorum corruptelas invehentium, & fraudibus multaque violentia, oppressis veræ fidei confessoribus, propagantium. Talis antichristus est Papa Romanus, quia plures ex ordine papali, habuerunt in se illa signa, quæ Apostolus l. c. tribuit antichristo, ex quo videlicet catholicæ Ecclesiæ œcumenici Principes salutari credique voluerunt. Hinc jam ante Lutheri tempora, non solum Imperatores, Reges, Principesque, sed & scriptores historici ac theologi Pontificem Rom. notis illis insignitum, anti-*



antichristum appellârunt. Testimonia eorum collegit, Gerh. in Conf. Cathol. l. 2. art. 3. cap. 6. p. 585. Immo ipse Bellarm. præfat. in Controv. de Pontif. ingenue fatetur, *permisisse ad extremum Deum, ut etiam quidam parum probi Pontifices aliquando sedem Rom. tenerent & regerent; quales sane fuisse Stephanum VI. Leonem V. Christophorum I. Sergium III. Johannem VII. aliosque non paucos.* Et in Chronologia, circa seculum X. *Vide, ait, seculum infelix, in quo nulli scriptores illustres, nulla concilia, Pontifices parum solliciti de Rep.* Ac sequente seculo: *His temporibus, quibus Pontifices Rom. a pietate veterum degenerârunt, Principes seculi sanctitate vivebant.* Nec immerito etiam quis huc retulerit, quod delecti Cardinales & alii Prælati in Consilio de Emendanda Ecclesia, coram Paulo III. R. P. profitentur, ipsum probe nôsse, principium horum malorum inde fuisse, quod nonnulli Pontifices, sui prædecessores, prurientes auribus (ut inquit Apostolus Paulus) coacervârunt sibi magistros ad desideria sua, non ut ab eis discerent, quod facere deberent, sed ut eorum studio & calliditate inveniretur ratio, qua liceret id, quod liberet. Porro autem *non est antichristus* omnis Papa Romanus. Certe non fuerunt, qui Apostolorum temporibus proximi, sinceritatem doctrinæ cum sacramentorum integritate illibatam servârunt, & sancte viventes, sanguinis sui profusione veritatem cœlestem si non confirmârunt, confirmare tamen parati fuerunt. Nec sunt etiam illi, qui ab Hildebrandino fastu, nimisquæ adulatorum encomiis & hyperbolis, nec non a sævitia & tyrannide abhorrentes & alieni, carbones errorum pro auro veritatis evangelicæ acceptant, interim tamen Deum timent, pie vivunt, & ad multos, quos vident, sed non adeo facile corrigere possunt, defectus, ingemiscunt, quibusque non tam animus, quam



quam consilia defunt, opportuna & ad refarciendam Ecclesiæ pacem & concordiam utilia media adhibendi. Moderata, cunctisque mitioribus ingeniis perplacens, & suo modo ac tempore imitanda vox est G. Calixti, quando, postquam ex professo in Exposit. liter. 2. ad Thessal. II. docuerat, nonnullos e Rom. Pontificibus fuisse antichristos, tandem p. 82. concludit, & hunc in modum se explicat: *Hodiernum etiam Pontificem* (scribebat autem hoc circa annum XXXVII.) *ego nolim dicere antichristum; & fuerunt superioribus seculis plurimi, quos etiam nolim ita vocari; sed multi antichristi sederunt in illa sede, & (fortassis) porro sedebunt.* Adde Gerh. l. c. p. 581. Cavendum etiam, (quod piorum monitum est) ne antichristum Romæ quæramus, eumque ipsimet in pectore gestemus.

De Libertate  
christiana.

*Sumus, & non sumus liberati a lege  
moralis.*

Lex moralis potest spectari 1. quoad vim directivam, prout, ad instar normæ, hominem in operando dirigit, ei que agenda & omittenda ostendit, & hoc modo ad obedientiam obligat. 2. quoad vim coactivam, dum homini, obedientiam non præstanti, pœnas comminatur temporales ac æternas, & transgressorem maledictioni subjicit. *Liberati autem sumus a lege moralis* quoad vim coactivam. *Et non sumus liberati*, quoad vim directivam: nam & renatis opus est lege, ut habeant normam, secundum quam vivant, & actiones suas component. Bechm. ad Hutt. Comp. 515.

*A ceremonialibus & forensibus legibus sumus, &  
non sumus liberati.*

*Liberati*



*Liberati sumus a ceremonialibus & forensibus legibus*, quatenus continent aliquid, quod in se & sua natura erat indifferens, attramen a voluntate Legislatoris determinatum, ut hoc, & non alio modo fieret. Ut, quod Deus voluit coli per sacrificia, & blasphemum lapidari. *Non* autem ab illis *liberati sumus*, in quantum continebant aliquid per se bonum, quodque adeo fieri decebat, atque etiam nunc decet: e. g. lex de sacrificiis in se hoc continet, Deum esse colendum: lex forensis de lapidatione, blasphemi, facinorosum talem esse puniendum. Id. 517. Hutter. in LL. 498. & Zepper. in LL. Mos. for. Explicat. p. 119. Immo & alio sensu posterior propositio vera est, nempe quod leges illæ ceremoniales & forenses nobis Christianis non fuerunt latæ, adeoque nec nos obligarunt unquam. Fabric. Syst. 676.

*A traditionibus humanis sumus, & non sumus liberati.*

*Traditiones humanas* vocamus constitutiones ecclesiasticas de ritibus, ceremoniis aliisque rebus indifferentibus, ab Ecclesiæ Antistitibus, boni ordinis causa, & in ædificationem fidelium, factas & ordinatas. *Ab hisce liberati sumus*, ratione absolutæ necessitatis, cultusque & meriti, quæ ipsis falso tribuuntur. Et *non sumus* inde liberati, si per se spectantur, & prout auctoritate Superiorum sunt constitutæ, ad decentem in Ecclesia ordinem: quippe omnium est fidelium, conformiter illis vivere, non modo ut scandalum declinetur, sed & ne ordo turbetur, ac disciplina ecclesiastica, Bechm. 517.

*Dd dd*

*Renati,*



*Renati sunt, & non sunt liberi a dominio peccati.*

*Renati liberi sunt a dominio peccati, quatenus superiore sui parte serviunt DEO. Et non sunt liberi, dum quoad appetitum sensitivum servituti se conspiciunt subiectos. Fabric. in System. p. 676.*

*Ceremoniae ecclesiasticae sunt liberae, & necessariae.*

*Ceremoniae ecclesiasticae sunt liberae in se & sua natura, quia non sunt divinitus constitutae, sed libere in Ecclesiam introductae. Unde & ab ea mutari possunt, addendo, demendo, aut prorsus abolendo. Non autem sunt liberae, sed necessariae, certo modo, nimirum 1. ut in praedicatione verbi, & administratione sacramentorum ordo sit, atque ut, S. Augustino sic loquente, pietas perficiatur. 2. Postquam semel latae sunt, inducunt obligationem ad obsequium, adeoque necessitatem obtemperandi. 3. Potest etiam necessitas aliqua antecedere hujus illiusve ceremoniae constitutionem, eamque imperare. Sicut Apostolos urgit, aliqua necessitas, ut legem ferrent de abstinencia ab esu idolothytorum, nec non sanguinis & suffocati. Act. XV. Id. p. 683.*

*\* Ministerium regimine politico est, & non est superius.*

*De Ministerio ecclesiastico.*

*Ministerium ecclesiasticum est superius Regimine politico, quoad spiritualia, & in ordine ad vitam aeternam. Eodem autem non est superius, sed inferius, quoad politica, & in ordine ad externam Reip. tranquillitatem & salutem. Quemadmodum igitur Magistratum gerentes, jurisdictione-*



risdictionem Ecclesiæ, & potestatem, quam a Deo acceperunt Ministri verbi, e. g. potestatem ligandi & solvendi, merito agnoscunt; ita in tributis solvendis, in causis criminalibus, & similibus, quæ ad forum politicum spectant, Magistratibus civilibus sese subicere, iisque morem gerere tenentur Viri ecclesiastici: sicut Paulus scribit Rom. XIII, 1. *Omnia anima supereminentibus Potestatibus subiecta esto.* Vnde S. Bernhardus ad Clericos: *Si omnis, & vestra. Quis vos excipit ab universitate? Si quis tentat excipere, conatur decipere.* Raupp. in L. de Mag. polit. p. 158.

\* *Auditores, Ecclesiæ Doctoribus possunt, & non possunt aliquid opponere.*

*Auditores Ecclesiæ Doctoribus*, quos audiverunt concionantes, *possunt* contradicere, iisque *aliquid opponere*, si fiat discendi gratia, & idoneo tam loco, quam tempore. Sic Christus jubet cavere pseudopphetas, Matth. VII, 15. Maria dicebat angelo: *Quomodo fiet istud?* Luc. I, 34. Fides etiam in omnibus non est æqualiter firma; sed sæpe sua habet obstacula & dubia, quæ proponi possunt. *Et non possunt*, quando id facere volunt inepto loco & tempore, & quia ratio verbum non potest capere, nec ei se vult submittere, sicuti Capernaitæ dicebant: *Durus est sermo iste*, Joh. VI, 60. Ex hisce immoderatis oppositionibus fiunt contentiones. *Carnales* autem vocat Apostolus eos, inter quos est contentio, 1. Cor. III. Et 1. Cor. XI. scribit, Ecclesiam Dei non esse contentiosam. Contentiones etiam dicit esse eorum, qui superbi sunt, & nihil sciunt, 1. Tim. VI, 4. Hæc ex Balduino Auctor Operis novi Quæst. practico-theol. sive Cas. consc. p. 35.

Dd dd 2

Vocatio



*Vocatio ad ministerium ecclesiasticum est, & non est necessaria.*

*Ad ministerium ecclesiasticum, ejusque functiones peragendas, necessaria est vocatio, boni ordinis causa, & ubi jam constituta est Ecclesia, nec desunt, ad quos jus vocandi spectat. Et hoc vult Aug. Conf. quando in Art. XIV dicit, neminem debere in Ecclesia publice docere, aut sacramenta administrare, nisi rite vocatum. Et non est necessaria, in extrema necessitate, ubi nullus est, qui vocet, & si Ecclesia primum colligenda est. De isto necessitatis casu intelligendum est illud, quod Lutherus scribit in lib. de Abusu Missæ, prout ipse se explicat in lib. de Institut. ministror. T. 2. Lat. Jen. p. 553. & de Fundam. & caus. judic. de doctr. & voc. Ministr. T. 2. Jen. Germ. 233. Vide Balth. Meisner. in Consultat. cathol. de Fide Luther. contra Lessium p. 281. & Gerh. L. de Ministr. eccles. §. 54.*

*Ordinatio ad solos, & non ad solos pertinet Episcopos.*

*Ordinatio, qua Clericus nominatus, electus & confirmatus, sacro ministerio peragendo, per impositionem manuum & preces, consecratur, ad solos pertinet Episcopos, jure ecclesiastico, ex quo Episcopi aliquando eam in Ecclesia soli peregerunt, ut testatur Hieronymus in ep. 85. ad Evagrium, scribens: Quid facit Episcopus, excepta ordinatione, quod Presbyter non faciat? Et non ad solos pertinet Episcopos, sed etiam Presbyteros, jure divino, quo, secundum receptam apud nos sententiam, & interpretationem locorum Act. XX, 17. & 28. 1. ad Tim. IV, 14. & ad Tit. I, 5. 7. Episcopi & Presbyteri pari passu ambulant. Memorat quoque Hieronymus, aliquot seculis, & præfer-*



præsertim a Marco usque ad Heraclam, in ecclesia Alexandrina Episcopos a Presbyteris fuisse ordinatos. Cujus facti testis est domesticus Eutychius, Patriarcha ipsemet Alexandrinus, verbis, ex Arabico in Latinum a Seldeno versis, his utens: *Constituit item Marcus Evangelista XII. Presbyteros cum Hanania, qui nempe manerent cum Patriarcha, adeo, ut, quum vacaret patriarchatus, eligerent unum e XII. Presbyteris, cujus capiti reliqui XI. manus imponebant, eumque benedicerent. — Neque desit Alexandria institutum hoc de Presbyteris, ut scilicet Patriarchas crearent ex Presbyteris XII, usque ad tempora Alexandri, Patriarchæ Alexandrini.* Hildebr. Disp. 2. de Jur. Episc. §. 10.

*Omnes, & non omnes Christiani sunt sacerdotes.*

*Omnes Christiani ex æquo sunt Sacerdotes de communi jure, ita, ut quilibet eorum in casu necessitatis, jure sacerdotali uti, atque id peragere possit, quod alias peragere solet Minister Ecclesiæ seu Sacerdos, ubi ejus haberi potest copia. Undenam vero hoc probatur? Ex Scriptura S. & officiis sacerdotalibus. Nam si Christus est Sacerdos, uti dicitur in Ps. CX, 4. omnino & Christiani tales sunt, quoniam ipse dicit in Ps. XXII. Narrabo nomen tuum fratribus meis. Et rursus: Vnxit te, Deus, Deus tuus, oleo præ participibus tuis. Jam quod fratres ejus sumus, non nisi nativitate nova sumus. Quare & Sacerdotes sumus, sicut ipse. Et Petrus scribit in 1. ep. c. II, 5. & 8. ad Christianos Asiaticos: Vos estis sacerdotium, regale sacerdotium. Nec dubitant dicere Seniores Apoc. V, 10. ad Agnum i. e. Christum, in epinicio, quod ei canebant: Et fecisti nos Deo nostro Reges & Sacerdotes. Sacer-*

Dd dd 3

dotalia



dotalia autem officia ferme hæc sunt : Docere, prædicare,  
 annuntiareque verbum Dei ; Baptizare ; Consecrare, seu  
 eucharistiam ministrare ; Ligare, & solvere peccata ; O-  
 rare pro aliis ; Sacrificare seu offerre hostias spirituales,  
 per Christum acceptas Deo, hoc est, se ipsos ; & Judicare  
 de omnium doctrinis ac spiritibus. Quæ omnia ad omnes  
 Christianos pertinent, si paullo attentius consideremus S.  
 literarum dicta sequentia, 1. Pet. II, 5. & 8. Matth. XXIX,  
 19. (conferatur praxis apud ipsos etiam Pontificios usitata,  
 quando in casu necessitatis mulierculis quoque concedunt  
 facultatem baptizandi) 1. ad Cor. XI, 24. 25. Matth. XII, X,  
 15. 17. 18. c. VI, 9-13. & Joh. IV, 23. Rom. XII, 1. & 1. Pet.  
 II, 8. denique Matth. VII, 15. XVI, 6. 1. ad Cor. XIV, 32.  
 1. Joh. IV, 1. *Et non omnes Christiani sunt Sacerdotes*, ut  
 singulis publice, nec deficientibus ordinariis Ecclesiæ Mi-  
 nistris, liceat omnes illorum munerum partes obire. *Nam*  
*cum omnium Christianorum hæc sint omnia, uti probavimus,*  
*communis, nulli licet in medium prodire auctoritate propria,*  
*& sibi arripere soli, quod omnium est. Verum hæc communio*  
*juris cogit, ut unus, aut quotquot placuerint communitati, eli-*  
*gantur vel acceptentur, qui vice & nomine omnium, qui i-*  
*dem jus habent, exequatur officia ista publice, ne turpis sit*  
*confusio in populo Dei, & Babylon quedam fiat in Ecclesia,*  
*sed omnia secundum ordinem fiant, ut Apostolus docuit 1. ad*  
*Corinth. XIV, 40. Aliud enim est, jus publice exsequi,*  
*aliud, jure in necessitate uti. Publice exsequi non licet, nisi*  
*consensu universitatis, seu Ecclesiæ : In necessitate utatur,*  
*quicumque voluerit. Luther. de Instit. Ministr. Eccles. Tom.*  
*II. Jen. Lat. p. 553. Atque hoc, quod de necessitate dicit,*  
 & nos cum eo diximus, concernit imprimis baptizatio-  
 nem, absolutionem, & porrectionem eucharistiæ : reliquis  
 enim officiis sacerdotalibus, omni tempore, & quando-  
 cunque



cunque commodè licet, fungi potest ac debet pius Christianus. De hac materia ulterius legi potest Spener. in libello de Sacerdotio spirituali.

*\* Magistratus politicus potest, & non potest  
hæreticos occidere.*

Hæreticorum alii sunt seditiosi & blasphemii, qui, præter falsæ doctrinæ propagationem, seditiones excitant, subditos adversus Magistratum instigant, ac directas & apertas contra Deum blasphemias evomunt; alii simplices, qui a seditionibus, blasphemiiis & aliis delictis capitalibus sibi cavent, solo mentis errore occupati. Illos *hæreticos Magistratus Christianus licite potest occidere*, non quidem qua hæreticos, sed qua facinorosos; hos autem *non potest*: nam propagatio doctrinæ cœlestis in N. T. juxta vaticinia Prophetarum Esa. II, 4. c. XI, 7. 8. 9. c. LXV, 25. & Zach. IX, 10. fieri debet absque cæde & sanguine; nec auferri, sed caveri jussit Christus pseudoprophetas. Matth. VII, 15. & Paulus arma militiæ nostræ negat esse carnalia, 2. Cor. X, 4. Et recte dicitur can. 13. Caus. 23. q. 4. *Nunquam spiritualis carnalem persequitur, sed carnalis spiritua-*  
*lem.* Cui jungendum S. Bernhardi dictum in serm. 64. in Cant. *Capiendi sunt hæretici non armis, sed argumentis, quibus repellantur errores eorum, ipsi vero, si fieri potest, reconcilientur Ecclesiæ catholicæ.* Gerh. in Conf. Cathol. l. i. part. 2. c. 19. p. 293. & seqq. & F. V. Calixt. de Hæres. p. 356. 362.

*Quod Principi placuit, legis vigorem habet,  
& non habet.*

Multis hoc dictum, *Quod Principi placuit, legis vigorem habet*, adulatorium videtur; attamen verissimum est,



est, si dextre explicetur. Neque enim lex sine ratione, intelligi & concipi debet. *Quod ergo Principi placet, & λόγον*, ex ratione, quæ in Principe, & consilio ejus, esse præsumitur, quandoquidem ille, secundum Aristotelis doctrinam l. 5. Eth. est justitia animata, & quod secundum illam vult, id jure meritoque *legis vigorem habet. Et non habet*, si quid ei sine ratione placuerit. Calvin. JC. in Them. Hebr. Rom. p. 96.

*Princeps est, & non est solutus legibus.*

Intelligendum est dictum de *legibus* positivis civilibus, ab ipso latis Principe. Talibus *Princeps est solutus*, quod attinet vim coactivam, quia Superiorem non habet, a quo possit cogi & puniri: cum primis etiam, si illæ præscribant, quod solis subditis competit, neutiquam vero personæ Principis, e. g. Ne quis in urbe gladium gestet, aut holosericis induatur, vel extra eam venatum eat. Hisce ac similibus legibus solos subditos obligari, non autem Principem, manifestum est. Idem tamen *non est solutus legibus*, etiam suis, (ne dum divinis & moralibus) quoad vim directivam, si tales illæ sint, quæ bonum spectent publicum, nihilque dignitati atque eminentiæ Principis detrahant. Sic legi de certo justoque frumenti pretio morem gerere, eamque observare, ipsum utique etiam decet Principem, quippe qui pro virili promovere debet bonum publicum, & regulam sequi actionum bonarum, quæ cum ratione est constituta. Fabric. Syst. 337. & Calvin. JC. l. c. p. 95.

\* *Sponsalia omnia sunt de futuro, & de presenti.*

Vltimum



Hoc paradoxum verbis H. C. Hochmanni, viri excellentis eruditionis, & illustri Senatui Norib. a consiliis, evolvere lubet. Sic autem ille in egregia Comment. de Bened. Nupt. p. 166. *Ratione consensus matrimonialis, ad quem in futurum præstandum mutuo sese obligant sponsus & sponsa, omnia sponsalia tam Civili, quam Canonico jure, sunt de futuro; ratione autem consensus sponsalitiæ eadem quoque dici possunt de præsentī, salva nihilominus manente illorum ab ipso matrimonio differentia. In omnibus namque sponsalibus consensus sponsalitiæ præsens est, licet nonnunquam aliter atque aliter interponatur: vel enim pure & simpliciter quis futuras nuptias promittit, quæ sponsalia de præsentī vocantur, vel sub certa conditione, aut post certum tempus; & licet hæc quoque sponsalia propter præsentem sponsalitiæ consensum de præsentī sint, (alias enim forent pacta de sponsalibus) quia tamen effectus illorum in certæ conditionis existentiam aut determinatum tempus differtur, appellari communiter solent de futuro. Et hoc in sensu accipiendi sunt textus Decretalium, quando mentio in illis fit verborum de futuro & de præsentī, non quod per illa sponsalia distinguantur tanquam genus in suas species, sed quod ex modo contrahendi & conditione adjuncta, alia sponsalia statim effectum sortiantur, alia in futurum: quanquam interim majorem vim tributam videamus sponsalibus, quæ verbis in præsens tempus conceptis contracta fuere, quam iis, quorum effectus in futurum est collatus, ita ut ab illis non tam facilis sit recedendi licentia, quam ab hisce. Adde Luther. von Ehe-Sachen / T. V. Jen. Germ. p. 240.*

*Conjugium habet, & non habet vim præcepti.*

Ee ee

Conju.



*Conjugium habet vim præcepti, respectu eorum, qui flammam libidinis sentiunt, neque illas possunt suffocare, & extinguere. Hos enim præceptum Apostoli 1. Cor. VII, 2. obligat: Propter fornicationem unusquisque habeat uxorem suam. Et §. 9. Melius est nubere, quam uri. Et non habet vim præcepti, quoad eos, qui apti sunt ad cœlibatum, & caste in eo vivere possunt, seque adeo decenter continere. Idem enim Apostolus hoc sensu etiam l. c. dicit: Bonum est homini, mulierem non contingere. Raupp. L. de Conj. 314.*

*Conjugium est, & non est indissolubile.*

*Conjugium est indissolubile secundum quid, quia societas maritum inter & uxorem non facile, nec levi de causa solvi debet: Contractum enim illud est de perpetuo, & per omnem vitam continuando, nec per mutuum etiam conjugum ipsorum consensum dissolvendo consortio. Quo accedit institutio divina, quæ ad instar legis est, Gen. II, 24. his verbis concepta: Propterea deseret vir patrem & matrem suam, & adhaerebit (quasi glutine junctus, adeoque non disjungendus, προσκολληθήσεται) uxori suæ. Unde Salvator noster Matth. XIX, 6. notabilem istam appendicem facit: Quod igitur Deus conjunxit, homo non separet. Idemque non est indissolubile, absolute: quia solvi potest per mortem, nec non per adulterium, & spontaneam ac malitiosam desertionem. Tarnov. & Menzer, de Conj.*

*Polygamia Patrum est, & non est damnanda.*

*Poly-*



*Polygamia Patrum* in V. T. ut Abrahami, Jacobi, & aliorum, qua singuli plures una simul habuerunt uxores, *est damnanda*, per accidens, & quoad imitationem, hoc est, si quis hodie illorum exemplum imitari, & plures uxores uno tempore adsciscere, sibi que copulare vellet: nam talis ageret contra legem evangelicam, qua Christus ad normam institutionis primævæ, negotium matrimoniale revocavit, Matth. XIX. 8. item contra leges civiles & ecclesiasticas. Et *non est damnanda*, in se & simpliciter: quoniam non erat contra jus naturæ, aut intrinsece & simpliciter mala. Neque enim evertibat fines matrimonii, qui sunt sobolis procreatio, mutuum adjutorium, & scortationis evitatio; & post diluvium Deus eam concessit, dummodo non ad voluptatem carnis exsaturandam, sed propagandam sobolem esset directa, atque imprimis eam Patriarchis permisit. Zeidler. tract. de Polygam. p. 30. & seqq.

*Consensus facit, & non facit nuptias.*

*Consensus* promittentis, & statim accipientis desponsam in sua, *facit nuptias*. Et *non facit*, si sit solummodo promittentis nuptias futuras. Henning. de Conj. 154.

*Nuptiæ in gradu primo lineæ collateralis equalis sunt, & non sunt prohibitiæ de jure naturali.*

*Nuptiæ in gradu primo lineæ collateralis equalis, inter fratres & sorores, sunt prohibitiæ de jure naturali*, sub certa hypothesi obligante, posita videlicet multiplicatione generis

Ee ee 2



generis humani. *Et non sunt prohibita de jure naturali, absolute & simpliciter: alioqui liberi Protoplastorum, non potuissent inter se, (saltem cum germanis sororibus) conjugium inire.* Dürr. Theol. Mor. p. 364. & Zeidl. tract. de Polyg. p. 202.

*Conjugium cum defunctæ uxoris sorore est, & non est licitum.*

*Conjugium cum defunctæ uxoris sorore est licitum, secundum jus naturæ, & divinum positivum. Eo enim non tollitur respectus, qui maritum inter & uxorem, natura dictante, requiritur; fuitque talis mos non modo in Syria & Mesopotamia, sed & apud alias gentes moratior, ut Thessalos & Romanos. Neque absolute ejusmodi conjugium prohibetur Levit. XIX, 18. sed tantum uxore adhuc viva, & invita. Si autem absoluta foret prohibitio, ea tamen ad leges forenses duntaxat pertineret, quæ, ut tales, Christianos non obligant. Et non est licitum, per constitutiones christianas civiles & canonicas. De quibus ajunt, non temere esse negligendas & violendas; quandoquidem haud careat periculo, rumpere & subvertere illud, quod Ecclesia, quæ omnium nostrum mater, est, ob majorem honestatem maturo consilio sanxit & constituit. Zeidler. in Judic. de Matrim. cum def. uxor. sorore, quod subjunctum est Tractatui de Polygamia, & sub nomine Responsi Facult. Theolog. Regiomont. extat in Actis Colloquii Oetting. A. 1681.*

*Causæ matrimoniales pertinent, & non pertinent ad Judicium ecclesiasticum.*

*Causæ*



*Causæ matrimoniales pertinent ad Judicium ecclesiasticum*, quantum ad institutionem & mysterium ecclesiæ, quum DEUS dicatur intervenire, & conjugēs per Ministrum ecclesiæ ipse copulare, atque interdum casus conscientiæ oriantur, a Theologis evolvendi; item quoad quæstiones de matrimonii substantia, vinculo, jure, & viribus ejus. *Et non pertinent ad ecclesiasticum, sed civile*, Judicium, ratione formæ, quæ est perpetua cohabitatio & societas humana; item in quæstione de facto, an scilicet matrimonium fuerit inter patrem & matrem ejus, qui vult succedere. Hinc etiam in Consistoriis a politicis pariter & ecclesiasticis viris causæ matrimoniales tractantur & deciduntur. Carpzov. Jurisprud. Consist. l. 2. tit. 1. def. 1. Linck. de Jure Episc. p. 316.

*Martinus V. dispensavit, & non dispensavit in conjugio cum sorore germana.*

*Martinus V. Papa Romanus, qui vixit Sec. 15. dispensavit alicui in conjugio, contracto jam & consummato, cum sorore germana illius, quam is antea per fornicationem cognoverat. Et non dispensavit in conjugio cum sorore germana propria. Hoc enim sensu si quis affirmare auderet, non immerito mendacii argueretur a Bellarmino l. 1. de*

*Matrim. c. 25.*

Ecce 3

ORA-





ORATIO I.  
DE  
VTILITATE

Quam

Theologiæ Studiosus ex itinere capere  
potest Italico,

Habita Altorfi in Academia Noribergensium,  
*d. 5. Martii A. 1678.*



I liberum esset, partes orationis in me jam  
vel recipere, vel declinare, & a me remove-  
re, certe hoc potius, quam illud facturus  
essem; idque non sine ratione. Nam si vos,  
qui ad audiendum convenistis, & partim  
jam præditi estis magna eruditione, partim ad eam adspi-  
ratis, nil expectatis, nisi eruditum, veror, ut expectationi  
vestræ satisfacere possim, qui eruditionem non tam in me  
reperio,



reperio, quam in aliis colo atque veneror. Deinde locum hunc semper a perfectis oratoribus caluisse memini: in quorum numerum, absit, ut ego me referam, qui in arte dicendi, Latine cumprimis, jam diu non exercitatus fui; immo, si quid in ea valui, quum in hoc essem Athenæo, postea apud externos pæne dedidici, & linguæ barbaræ studio (ita enim Italicam respectu Latinæ, more veterum, appellare liceat) sensim sine sensu barbariem mihi contraxi. Attamen dicendum mihi est hodie, coram vobis, Auditores, hoc ipso in loco, idque ex recepta consuetudine, quæ nemini ad lectiones publicas aditum permittit, nisi aliqua iis oratione proluserit. Quantumvis igitur, nec locum hunc eleganti sermone ornare, nec auribus vestris exquisitissima afferre, atque ita expectationi vestræ satisfacere valeam, spero tamen, fore, ut lubentes me audituri sitis, quoniam consuetudini vestræ, ceu fas & æquum est, me submitto, atque ejusmodi argumentum tractaturus sum, quod non Theologis tantum, ac theologiæ studiosis, sed & reliquorum ordinum tum Doctoribus tum discipulis, nisi omnia me fallunt, auditu jucundum erit. Dum enim demonstrare conabor aliquot argumentis, Theologiæ Candidato iter Italicum multum utilitatis præbere, adeoque neminem, qui sacris literis operam navans, ejusmodi iter suscipit, aut inde revertitur, si aptus ad illud fuerit, & recte in eo se gesserit, propter id culpandum, sed potius laudandum esse, licebit pariter inferere, quæ & reliquos delectare, si non juvare possint. Agite ergo, Auditores honoratissimi, suavissimique, implete spem meam, & vacivas mihi aures ad breve temporis spatium commodate.

**N**on uno, sed multis modis peregrinatio per Italiam instituta S. Theologiæ Studio utilis atque salutaris esse potest. Vt adeo mihi non tam de argumentis pro ea, *Iter Italicum Theologia Studio* conqui-



conquirendis anxie laborandum sit, quam hoc potius  
 agendum, ut eorum habeam delectum, & potissima,  
 saltim percurram.

I. Primum autem hoc mihi dabit, Auditores, The-  
 ologiæ alumno, non suæ modo, sed & aliarum Ecclesia-  
 rum ritus atque ceremonias, qualescunque sint, cognitae  
 esse debere; quandoquidem ei, sive in suggestu sive in ca-  
 thedra docturo, frequens de istis differendi offeretur occa-  
 sio. Vbi autem fertilior earum seges est, quam in Eccle-  
 sia Græca & Romana, quam utramque Italia hodie sinu  
 suo foyet?

*Græcorum* templum ingredienti, oculosque huc  
 illuc circumferenti statim occurrunt multæ Divorum ima-  
 gines, non quidem sculptæ, sed pictæ, aut (a) levi effictæ  
 sculptrura: ab illis enim tanquam a Deo prohibitis religi-  
 ose abstinere, hisce interim religiosum cultum deferentes.  
 Peculiarem etiam modum in *Divorum salutatione* obser-  
 vant: Ante enim, quam certum locum occupent, in me-  
 dio templi consistunt, facie versus sanctuarium versa, nec  
 unico sanctæ crucis signo contenti, vel decem aut triginta  
 taciunt, manu fronti, pectori genibusque admota; & cum  
 tanta corporis agitatione & dejectione capitis, ut metuas,  
 ne aut cerebrum effundant, aut spinam dorsi confringant.  
*Sacra* eorum potissimum consistunt in missa & precibus  
 vespertinis, nec minus, quam alibi, lingua populo ignota  
 fiunt: Græci enim hodierni linguam veterem, qua sacra  
 eorum officia, atque ipsa etiam Scriptura sacra & SS. Pa-  
 trum libri constant, non magis intelligunt, quam Italarum  
 quispiam Latinam, superiorisq; Germaniæ populi Belgicam.  
 Apud eos, qui Venetiis sunt, ne unica quidem toto anno  
 habetur concio: quia, ut ipsi ajunt, Ecclesia non habet,  
 unde concionatorem alere possit. Mirum sane, quum  
 habeat, unde cercos ad sacra & processiones comparet, &  
 aliquot



aliquot Sacerdotes alat, qui modulando & sacrificando officium peragunt. *Missam* quotidie celebrant, sed semel duntaxat; nec publice, sed in abscondito, in sanctuario nimirum, quod interjecto pariete a reliquo chori separatur. Est ibi altare, atque ad latus ejus dextrum mensa propositionis, in qua eucharistiæ fit præparatio. Panem adhibent fermentatum, eumque a Sacerdotis uxore aut alia quadam muliere, quæ non sit polluta, coctum, cui effigies crucis impressa, cum sex literis Græcis majusculis, quæ hoc significant: *Ἰησὺς χριστὸς νικᾷ*, *Jesus Christus vincit*; idque (b) *sigillum* nuncupant. Postquam igitur Diaconus sanctum discum, in quo panis reponitur, ad sinistram præparavit, calicem vero & alia ad dextram, Sacerdos panem sumit in sinistram, dextra vero (c) lanceam, & cum ea signum crucis faciens super sigillum, dicit ter: *In memoriam Domini Dei & Salvatoris nostri Jesu Christi*. Et statim infigit lanceam in dextram partem sigilli, eamque discindit, mox idem faciens in sinistra, & superiore atque inferiore parte. Porro immittens sanctam lanceam ex obliquo dexteræ partis oblatae, extollit sanctum panem, ut significet sublatam de terra vitam Christi; postea eum ponit in disco supinum, immolationis indicandæ causâ; & pungit in dextra parte sancta lancea, ad denotandum id, quod Christo mortuo fecit unus militum, qui lancea sacratissimum ejus latus perfodisse dicitur. Heic jam Diaconus infundit in sanctum calicem vinum & aquam simul. Et Sacerdos particulas, e sacro pane cuspide lanceæ erutas, (d) in sancto disco secundum ordinem ponit, majorem quidem in memoriam B. virginis Mariæ, minores in honorem Sanctorum, & hisce minores pro demortuis suis, pro se ipso, & pro quibus vult viventibus, memorato cujusque nomine. Atque omnes istas particulas educit ex uno pane. Si vero plures fuerint a populo oblati, e secundo

Ff ff

effodit



effodit eam, quæ matri Servatoris nostri, e tertio eas, quæ Sanctorum gloriæ, e reliquis eas, quæ defunctis, sibi quæ & aliis viventibus consecrandæ sunt. Mox (e) asteriscum suffumigatum super panem ponit, sacra tribus velis contegit, capiti imponit, manibusque tenet, atque ita, præferente calicem Diacono, e porta propositionis exit, & facta sinuosa per chorum via, ut memoria delati ad sepulchrum corporis Christi repræsentetur, per scevophylacii portam rursus ingreditur, & missam ad altare, reliquis extra sacrarium Sacerdotibus ἀντίφωνα concinentibus, suscipit celebratque. Vbi imprimis observandum est, quod, sicut Diaconus asterem & vela a sanctis removet, & (f) fiabello super ea reverenter ventilat, ne sacra symbola a muscis conspurcentur, præterea circa sacram inensam, sive altare suffumigat, & e diptychis sive duabus tabulis, mortuorum & vivorum ibi descriptorum memoriam peragit, factaque jam consecratione, ad fidei fervorem denotandum, aquam fervidam vino miscet, & finita missa particulas panis sancti, quas ἀντίδοχα appellant, vel ipse populo distribuit, vel distribuendas Episcopo exhibet; ita Sacerdos, post benedictionem, hostiam elevet, in quatuor partes diffingat, in calicem immittat, & mysteria eucharistiæ in calice ita commixta, beneficio (g) cochlearis parvuli, cujus manubrium tenue & oblongum crucicula in extremitate ornatum est, communicare volentibus simul dispenset. Mitto jam alios ritus, quos iidem Græci in *hebdomada magna* & præcipuis *festis* usurpant, imprimis festo Paschatis, quo Episcopus sacris vestibus operose induitur, evangelium ab eodem sub porta sanctuarii, & duobus Sacerdotibus, altero in media, altero in ultima templi parte stantibus, prælegitur, & ad singulos versiculos, postquam signum campana datum est, extra sanctam ædem, nitrati accensione pulveris, lætitiæ tonitrua eduntur: & deni-



& denique osculum pacis exercetur, ita quidem, ut Sacerdoti primario & genas & frontem, & manum, quemque ea tenet, codicem evangelii; reliquis omnia præter genas; at laicis non nisi evangelium & manum Episcopi basiare, mutuaque sibi invicem oscula figere liceat. Apud

*Maronitas* quoque sive Syros, quales Romæ reperiuntur, miras observes ceremonias, præcipue *die Palmarum*, quo palmæ loco olivam candelulis cereis plenam, atque ad altare positam, suavi modulatione præmissa, in templo circumferunt, & in suo repositam loco, hominibus, quotquot adsunt, diripiendam exponunt. Heic dum quisque egregium ramum decerpere nititur, alter alterum vel longe protrudit, vel plane in terram projicit: alius pro oliva aërem capit, alius manum a candelulis ustam cum clamore retrahit, & tandem omnis cœtus in risum, immo vero cachinnum solvitur, ut crederes, non in domo sancti Dei esse, sed in theatro.

Quod *Romanæ Ecclesiæ ritus* attinet, illorum quidem plurimi aliis in locis cerni possunt, at non omnes, nec ullibi melius, quam Romæ, unde, tanquam rivuli e fonte, profluxerunt. In horum censum refero *ceremonias in capella Pontificis* usitatas, quarum pæne nullus est finis; (*b*) *creationes* sive *Sanctorum* sive *Beatorum*; consecrationem plantularum cerearum, quæ a figura agni ipsis impressa, (*i*) *Agni Dei* appellantur; (*k*) *rosæ & gladii benedictionem*; celebrationem (*l*) *anni jubilæi*, & quæ tum potissimum instituuntur, *processiones*, tam in honorem Sanctorum, quam ad recipiendos peregrinos; & ea denique, quæ *in die cænæ Domini* sive viridum, quotannis fiunt, ubi Papa habitu pontificali amictus, & super porticu basilicæ D. Petri sedens, prælecta a Cardinali Archidiacono bulla cænæ Domini, qua quicumque ab ipso dissentientes, ejusque imperium recusantes, (*m*) excommunicari creduntur,

Ff ff 2

cereum



cereum ardentem ex alto projicit, ut indicet, ita se fulmine adversarios suos tactos velle; quod tamen illi an magis sentiant, ac brutum aliquod Jovis fictitii, aliis judicandum relinquo. Mox idem tredecim peregrinis, candida veste amictis, cum proposito imitandi Christum, non pedes lavat, sed pedem duntaxat dextrum, immo ne hunc quidem lavat, sed pauxillo aquæ rosacæ aspergit, iisque (n) nummo aureo & argenteo donatis, ad mensam lautissimis epulis instructam, ministrat. Sed, misso Vaticano, basilicam D. Petri ingrediamur. Vbi primum occurrit (o) *sancta illa porta*, quam ipse Pontifex in principio anni jubilæi aperit, ut per eam intrantes, & certum precum numerum recitantes, Divosque & Divas salutantes, veniam peccatorum consequantur. Deinde in medio templi *S. Petrus*, ex ære formatus, qui sedens pedem alterum e pallio profert, crebris devotæ gentis osculis detritum & lævigatum; In choro, *cathedra*, seu sella *S. Petri*, quæ ære inaurato obducta, a nobilissima (p) Ecclesiæ veteris Doctorum quadriga, Athanasio, Chrysostomo, Ambrosio & Augustino sustentatur, & imminentem habet Spiritum S., maximo Angelorum numero cœlestibusque splendoribus cinctum: opus sane magnificum & ob sumptuosam elegantiam valde æstimandum, &, si famæ credendum est, in adumbrationem infallibilitatis Pontificis conditum. Similes sunt *aliorum Sanctorum effigies* sive pictæ sive sculptæ, quæ vel in eodem, vel in reliquis templis visuntur, quorum quisque, ut certi mali averruncus aut medicus, populo adorandus proponitur; (q) *VII. templorum visitationes*; (r) *processiones* solennes, & ascensio per (s) *scalam sanctam*, non pedibus, sed genibus fieri solita, ut nescio quod meritum apud summum & corporalium & spiritualium bonorum Largitorem inde consequantur. Multa jam haberem dicenda de *ade Lauretana*, in cujus medio (t) *ædicula*, aut cella



cella potius, longa pedes circiter 40. lata 20. altitudine, paululum latitudinem superante, marmoreis parietibus pulcherrime cælatis forinsecus vestita, ipsa autem, ut intrinsecus videre licet, e coëctis lateribus faxisque ineleganter constructa, & muri ejus crebro attritu lævigati, veterique pictura obducti sunt, quæ superne multis locis manet. In illo, quod templi fores spectat, latere fenestra est, qua ingressus Angelus D. Mariæ virginei partus nuntium tulisse fertur, ex adverso fenestræ caminus neque amplius neque ornatus; post altare, Virginis, filium sinistra manu amplexantis, dextra sustentis, statua colitur, a S. Luca, ut ajunt, e cedro sculpta oblitaque coloribus, & una cum cella sive ædícula Nazaretho in Dalmatiam, ac porro in hunc locum, Angelorum manibus advecta. Sed fallor, an credulitatis hæc regia est? Huc enim omnis pæne Europa, quæ Sanctorum cultui in Latina Ecclesia addicta est, confluit, & a Diva illa, si Medici aut ars aut voluntas deficit, petit auxilium, & quasi non sufficeret gratis colere, quisque pro facultatum suarum modulo munus aliquod deponit. Quo cum & Principum atque Monarcharum ingentia dona a multis jam inde annis accesserint, factum est, ut maximus stupendusque thesaurus fuerit collectus. Ex his, quæ hætenus dicta sunt, satis, nî fallor, apparet, theologiæ cultori, si ritus & ceremonias aliarum Ecclesiarum, notare velit, in Italia minime deesse materiam, adeoque iter illuc institutum, hac in re fructu suo neutiquam carere. Neque est, quod forte credatis, res illas ac ceremonias, absque simulatione, & quæ hinc oritur, conscientiæ læsione observari non posse: nemo enim est, qui templo, vel, ut loqui malunt, ecclesiæ te arceat, etiamsi eorum ritus non imiteris; dummodo a loco, in quo sacra fiunt, aliquanto sis remotior, nec ea, ut stulti faciunt, pro deridiculo habeas.

Ff ff 3

Deinde



## II.

ad notan-  
dum An-  
tiquitates  
ecclesia-  
sticas.

Deinde si theologiæ cultorem nostrum, historia-  
rum, & imprimis tam sacrarum quam profanarum co-  
gnitionem habere oportet, ubi quæso eam vel hauriat,  
vel de hausta confirmabitur melius, quam in ipsa illa terra,  
ubi & antiquissima Ecclesia Christi floruit, & Imperii Ro-  
mani sedes fuit? Et quod antiquitates ecclesiasticas atti-  
net, illas peregrinator noster non in ultima Italia quæren-  
das habet, sed in medio etiam, imo & principio ejusdem  
invenire potest. Nam ubi Germania ab Aufonia termi-  
natur, pandit se urbs circumcirca montibus altissimis cin-  
cta, & Athesi flumine irrigata, in cujus templo cathedrali  
Romanæ Ecclesiæ filii, præsentibus etiam Cæsaris Re-  
gumque Legatis, librum illum procuderunt, qui Ponti-  
ficiæ religionis hodie palladium est, atque ab urbe & (u)  
congregatione ibi habita *Concilium Tridentinum* dicitur.  
Veneriis, in vestibulo templi D. Marci, si id, quod ore ho-  
minum, multisque etiam scriptis circumfertur, admittere  
volumus, (x) lapis loquitur quadratus, quid (y) *Papa*  
*Alexander III.* fecerit Friderico Barbarossæ Imperatori,  
quod nimirum in terram ibi prostratum Monarcham pe-  
de conculcaverit, verbis hisce adjectis: *Super aspidem &*  
*basiliscum ambulabis, & conculcabis leonem & draconem.*  
Quæ historia, sapientissimorum Senatorum jussu dicam,  
an permissu? (z) denuo depicta cernitur in augustissimo Pa-  
latii Ducalis loco, qui Consilium Magnum dicitur, & justitiæ  
sedes est. Ipsa autem pictura, ut curiositati vestræ satis-  
faciam, ita se habet. Papa stans, brachiisque a Veneto-  
rum Duce & Cardinali quodam suffultis, pede sinistro cer-  
vicem Imperatoris, gradibus solii pontificii incumbentis,  
& sanctitatem summi Episcopi venerantis, comprimit, in-  
eumque, quasi hoc ipsi agendum esset, superbos oculos  
defigit, maxima hominum multitudine sacram tragædi-  
am attonite spectante. Sed nos a tam tristi spectaculo ut  
faciem



faciem avertamus, Bononiam proficiscimur, ubi in eorum templo, qui Servorum nomen sibi imposuerunt, urceus monstratur lapideus, haud ineleganter cælatus, & duobus manubriis instructus, trium vel quatuor summum mensurarum, isque pro *una ex bydriis Canæ Galilææ* venditur. At fabulæ huic nullam habent fidem, qui aliunde sciunt, illas longe capaciores fuisse. *Ariminum* jam sequitur, urbs non tam a nupero terræ motu, quam a concilio, quod ibi olim habitum, incluta. Vbi autem? Difficilis sane quæstio, quam tribus ad hinc annis, ne doctissimi quidem e tribus illius urbis collegiis viri decidere potuerunt; Canonicus autem quidam ecclesiæ cathedralis admodum senex respondit, celebratum id fuisse ad mœnia eo in loco, qui Italico idiomate *Il cortile della Gagliana* hodie vocetur. Ita sæpe fit, ut, qui exterarum rerum notitiam magno sibi studio comparant, in historia patria hospites sint atque peregrini. Haud procul inde pagus est exiguus, & magno insignitus nomine: nam *Catholica* dicitur, eo quod Arianorum secta invalescente, catholicis Episcopis aliquandiu refugium præbuit atque domicilium, sicut (aa) ex inscriptione, quam ecclesiolæ murus prætereuntium oculis subjicit, discere licet. Inde jam ad urbem pergimus, quæ olim caput mundi ac terrarum domina audivit. Sed ante, quam eam intremus, transeundus est nobis *pons Milvius*, Tiberino superstratus amni, & vel propterea notandus, quod Constantinus M. Maxentium ibi superavit, & Ecclesiæ christianæ constantem atque æternam contra ethnicos persecutores libertatem acquisivit. In ipsa autem urbe, Deum immortalem, quantus antiquitatum sacrarum est numerus! Hic sub basilica D. Petri considera mihi, viator sacer, *ecclesiam* a prædicto *Constantino* exstructam, & dic, annon hodiernus fastus a veteri simplicitate multum differat, recentioresque Pontifices eam sepelire voluisse videan-



deantur, quod vastissimam novæ basilicæ molem superstruxere? Nec prodigalitatē, sed cæsareæ magnificentiæ signum est *baptisterium* ejusdem *Constantini*, quod e vivo & eleganti marmore confectum. Dumque jam vicini sumus mari Ecclesiarum Romanarum, basilicæ Lateranensi, age, ingrediamur, visuri non *caput Zachariæ* sacerdotis; aut *calicem*, e quo venenum illæsus hauserit S. Joannes Apostolus; aut *catenam*, qua victus Romam deductus fuerit; aut *indusolum*, quod Maria virgo filio suo texuerit; aut *lintheum*, quo Christus lotos discipulorum pedes siccaverit; aut *arundinem*, qua capiti ejus spinea corona impacta; aut *purpuram*, qua amictum Pilatus Judæis exhibuerit; aut *spongiam*, quam aceto repletam sitienti carnifices porrexerint; nec *aquam cruore* permixtam, quæ e Christi latere effluxerit; nec *lintheum*, quo vultus ejus, cum in sepulcrum conderebatur, obtectus; nec *alterum*, quo summum supplicium perpetuens fuerit velatus; nec *mensam*, super qua paschalem agnum cum discipulis sumserit; nec *sanguinem* a Joanne profusum; nec *capita* denique SS. Apostolorum, *Petri & Pauli*: nam quis de veritate harum reliquiarum nos plane certos reddat? sed *sellam* illam, in qua, ut ex ipsis Catholicis multi scriptores confitentur, postquam fœmina virum mentita, & in Papam electa, forte in via partum edidisset, Pontificibus recens electis genitalia fuere attrectata, ne forte eadem fraus denuo fieret. In porticu quidem ecclesiæ contiguo duæ adhuc visuntur *porphyreticæ* cum sede perforata; in quibus, ceu Marcellus refert, Archiepiscopus Corcyrensis, ex ordine sedit Pontifex, sive ut acciperet & restitueret claves Laterani, sive (*bb*) ut humilis originis suæ admoneretur. Quam etiam ob causam chorus cecinit: *Suscitans de pulvere egenum, & de stercore erigens pauperem, ut sedeat cum Principibus, & solum gloriæ teneat.* Vnde & *stercorariæ* dictæ sunt. At illa ipsa, quæ  
ad



ad explorandum sexum adhibita perhibetur, alibi quærenda est, nec a multis inde annis amplius usurpatur. Neq̃ tamen dixerim, id fieri ob illam rationem, quam Joannes Pannonius, Episcopus Quinquecclesiensis, duplici hoc expressit disticho:

*Non poterat quisquam referantes æthera claves*

*Non exploratis sumere testiculis.*

*Cur igitur nostro mos hic jam tempore cessat?*

*Ante probat quod se quilibet esse virum.*

Cui Marullus concinit de Innocentio II. X. e Cibonum familia oriundo :

*Quid quæris testes, sit mas, an fœmina, Cibo?*

*Respice natorum, pignora certa, gregem.*

Atque nunc quidem nobis sufficat vidisse sellas stercorearias : ex his enim facile imaginari nobis possumus, qualis tertiæ illius, quam *probatricam* appellare liceat, facies atque figura sit. Age igitur, mi viator, proripiamus nos hinc ad alia observanda. Ex historia sacra sine dubio didicisti, in exercitu M. Aurelii contra Marcomannos pugnantis fuisse legionem Christianorum, quæ precibus per Christum ad verum & unicum Deum fufis, sibi & reliquis copiis pluviam ad sedandam sitim, hostibus autem vehementem grandinem, ignem & fulmina, quibus perirent, impetravit, inde *legio fulminatrix* dicta : nec te latebit, Christianos sub ethnicis Imperatoribus, dum persecutionum procellæ sæviebant, *sub terris* latuisse, repertos autem, sive bestiis objectos, sive aliis cruciatibus absumptos : scies etiam, *candelabrum aureum & tabulas Moysi* a Tito Vespasiano e Judæa in Italiam dici transportatas; & sanctissimos christianæ religionis athletas, *Petrum & Paulum*, non in vinculis modo habitos, sed etiam cruce & gladio interemtos esse. Ecce omnia hæc tibi proponit Roma : nam (cc) historia de legione fulminatrice, præclarissimum

Gg gg

fidei



fidei christianæ monumentum, in illa vægrandi Antonini columna, quæ firmo hodiernum stat pede, ab ipsis Ethnicis sculpta est. In qua probe notandum, milites illos christianos in scutis suis signum crucis habere. Ad Christianorum habitationes subterraneas, (dd) sanctoque Hieronymo, quum adhuc puer esset, & studiorum causa Romæ degeret, diebus dominicis frequentatas, (ee) in & extra urbem aditus patet. Locus ubi Christiani cum bestiis pugnantes, ludum idololatriæ coacti sunt facere, est (ff) amphitheatrum illud celebre, cuius rudera adhuc miramur. Cæterum ubi tot martyrum myriades sanguinem & vitam profuderunt, illa est regio, quæ ecclesiæ D. Pauli imminet, & *Campus Martyrum* dicitur. Effigies autem vera (gg) tam candelabri aurei, quam tabularum Moysis, marmori, e quo arcus constat Titi Vespasiani, incisa est: & (hh) *Apostolorum carcer* ad radices Capitolii reperitur, *locus* autem *supplicii*, diversus est: nam Petrus crucifixus dicitur aut (ii) in Janiculo, aut in eo Vaticani loco, in quo deinde pia fidelium manu sepultus est, ac toto terrarum orbe celeberrima constructa ejusdem basilica cernitur; Paulus autem capite amputatus (kk) ad Aquas Salvias. Quod dum memoro, pariterque innocentum sanctissimorumque virorum merita æstimo, sacer me horror invadit; quemadmodum & fieri solet in contemplatione ingentis illius (ll) *petræ Cajetanæ*, quæ, si non diffiliit in die mortis Christi, quando petræ Judaicæ omnipotente Dei manu disruptæ fuere, tamen hiatu suo, quasi aperto ore, saxea & dura, Christianorum quorundam corda inclamat, allatrat, increpat, iisque, nî resipiscant, interitum annunciat.

et profanas.

Jam si ea spectare placet, quæ antiquitatum profanarum numero inferri debent, nihil est, quod theologiæ alumnus in itinere Italico jure meritoque desiderare queat. Nam in diversis Italiæ civitatibus, præcipue autem in urbe septi-



septicolli aut prope eam exhibentur *thermæ, naumachiæ* loci, *circi, theatra, amphitheatra, arcus triumphales, aquæductus, columnæ, obelisci, mausolea, prætoria & templa Gentilium*, e quibus fere integra in hodiernum usque diem perdurant duo illa, quorum alterum (mm) Baccho dicatum fuit, alterum Diis ac Deabus universis, Græco nomine (nn) *Panttheon* appellatum. (oo) *Rubiconem*, si lubet, minore, quam Julius Cæsar fecerat, periculo transire potes. In *foro Ariminensi* (pp) lapis erectus tibi dicit, Cæsarem in ipso stantem milites allocutum fuisse, eosque ad arma contra æmulos suos capeffenda animâsse. *Capuanam* regionem, quæ invictissimum alias Ducem Hannibalem deliciis superavit, absque detrimento peragrarè licet: nam inculta est hodie, atque eremo, quam voluptatum habitaculo, similior. Pisis vas marmoreum publice ostendunt columnæ ophiricæ impositum, quod, ut (qq) subscriptus titulus refert, fuit *mensura tributi*, quod Cæsari olim tributaria civitas pendebat. (rr) Paravinum Prætorium custodit (ss) *cineres Livii*, sed non historiarum patris, & (tt) *lapidem cessionis bonorum*, in quo, qui solvendo non erant, nudis natibus sedere. Genua (uu) *rostro*, quod hodie in toto orbe unicum reperias, tanquam incomparabili tropæo superbit, idque, armamentarium ingressuris, ante omnia, conspiciendum porrigit, quasi reliqua, quæ intus sunt, cimelia præ hoc contemnens: & Torcellæ, Venetarum insularum haut ultima, fenestris templi cathedralis affixas etiam nunc habet duas sat grandes ac densas *valvas, quæ e vivo saxo excisæ, sævas barbarorum irruptiones, quum tormenta bellica nondum essent nata, sane eludere poterant*. Huc forte etiam quis referret *picturam* illam, quæ in *Palatii Veneti aula*, a quatuor portis seu januis nomen ferente, conspicitur, ita quidem, ut Dux serenissimus solio insidens, & Consiliariis suis Senatoribusque stipatus, duos

Gg gg 2

ante



ante se stantes audiat Legatos, quos (xx) vulgo ajunt a Magistratu Noribergenſi, leges tutelares petendi cauſa, miſſos fuiſſe. Verum non ita ſeſe res habet: petita enim atque impetratae ſunt leges iſtae non per Legatos, ſed literis: nec (yy) qui de publicis Venetorum picturis peculiarem in lingua Italica librum ſcripſit, illam de Noribergenſi legatione, ſed alicujus in Statu Veneto urbis interpretatur. Quod ſane cum habitu Legatorum, qui in tabula picturae, viſuntur, eleganter convenit: amiſti enim ſunt talaribus, pelliceaque ſimbria ornatis togis, quibus Doctores, qui plerumque Oratorum munere funguntur, in terris illis uti ſolent. Sed quid tam diu de antiquitatibus Puteolanis & Baienſibus nihil dicimus? Neapoli Puteolos eunti tranſeunda eſt illa *crypta*, quae a vicina urbe *Neapolitana* dicitur: opus ſane admirandum, quo Graeci, ut videtur, Cumis habitantes, ut recta Neapolin ire poſſent, montem Pauſilypum ad paſſus circiter mille perforarunt. Nihil, ut Seneca *epiſt.* 57. verbis utar, *illo carcere longius, nihil illis faucibus obſcurius; quae nobis praestant, non ut per tenebras videamus, ſed ut ipſas.* Cryptae huic, ſi Servio, & communi hominum relationi credimus, ſuperimpoſitum eſt Poëtarum principis *Virgilii ſepulcrum*, in quo olim ſterunt novem columnae, ſupraque eas urna cineres Poëtae ſervans, cum hoc, quod ipſe ſibi fecerat, epitaphio:

*Mantua me genuit, Calabri rapuere, tenet nunc  
Partenope. Cecini Paſcua, Rura, Duces.*

At omnia peſſum ivere; nuda modo atque informior e lateribus exſtructa aedícula ſupereſt. Paulo interius, ubi tamen adhuc proſpectus datur in Caprearum inſulam & oceanum, eſt *locus, in quo idem Poëta carmina ſolitus eſt condere, carmina lauream promerita; unde & ipſa natura, gratitudinis ergo, laurum ibi produxit, atque etiam nunc conſervat.* In via Puteolana porro occurrit *antrum canum,*



canum, in quod immissi canes, ubi sulphureum, quem alii pestiferum credunt, halitum sentiunt, velut vertigine obruuntur, ut mortui videantur. Remedium autem in propinquo est: extracti enim & lacui *Agnano* immersi, protinus vitam, quam videbantur amisisse, & spiritum recipiunt. *Monti Novo*, e cineribus & pumicibus, quos igneus terræ motus anno XXXII. superioris seculi eiecit, orto, imminet rudera quædam, quam Ciceronis illam, porticu & nemore celebratam, *Academiam* fuisse, plurimi censent, Plinius autem lib. XXXI. N. H. cap. 2. litori impositam fuisse, memorat. In quo quidem sibi invicem minime contrariantur: constat enim, mare aliquantum inde recessisse. Heic jam viator noster ab antiquitatum interprete, qui ortum suum e Ciceronis familia deducit, ejusque nomen gerit, cætera indoctus & infimæ conditionis homo, egregie falli potest, (zz) nisi ipse autores de iis consulat: Nam *pila illa lateritiæ, quæ prope Puteolos* in mari adhuc stant, non pontis a Caligula Baias usque strati, sed munimentorum portus Puteolani reliquiæ sunt; fecit enim ille pontem ex onerariis navibus inter se colligatis, non vero e coctis lateribus aut faxis; nec *crypta Sibyllæ*, lacui *Averno* adjacens, ejusdem habitaculum fuit, quippe quod Cumis erat, sed *Cimmeriorum* potius vaticiniorum, aut transitus saltem, forte a Cumanis factus, ut in plana via Baias pervenire possent; nec *campi Elysi* illi sunt, qui juxta Mare Mortuum sive Portum Julii monstrantur, nam in Cumano quærendi sunt agro; nec *Centum Cellæ* ergastula fuerunt, in quæ Nero tyrannus homines damnârit, sed cisternæ potius, quibus aquæ vel in potum classiorum, vel ad irrigationem hortorum asservatæ; quem etiam in finem haut inde procul facta exstat *Piscina Mirabilis*, 48. pilis innixa, quæ quatuor ordinibus numero quaternario distributæ, symmetriam quintuplicis portus

Gg gg 3

per



per elegantem longitudinem efficiunt; nec *Mercatus sabbati* locus fuit solis mercatoribus solo die sabbati frequentatus, sed circus, in quo ludi celebrati; nec forte etiam *fornix* ille, paululum supra terram exstans, & sphingum, grypum, similibumque animalium insculptis simulacris ornatus, Agrippinæ sepulcrum est, sed particula domus, quam Augusta illa ibi habuit. Ut jam *villas* præteream *Pompeji, Marii, Caesaris, C. Calpurnii Pisonis, Hortensii & Vatiæ*. Nec de *Acheronte* quidquam dicam, ne eum movisse videar. Has & similes alias antiquitates, theologiæ filius recte, nî fallor, pervestigat: neque enim tantum apud probatos scriptores, quorum lectio ab ipso requiritur, illarum fit mentio, sed & in Ecclesia vel Academia loquenti usui esse possunt. Nolumus tamen, ut antiquitatum studio nimium sis deditus, eosque imiteris, qui rugas & senectutem depereunt, & singula quæque, ut bajuli caseum, situ & mucore æstimant, quique ad quodvis saxum senio obesum, vel arcis rudera, moras faciunt, atque in eorum contemplatione dum diutius attente & stupentes hærent, pæne itineris suscepti obliviscuntur. Temporis habenda est ratio, mi viator, idque alia etiam, quæ observari merentur, sibi postulant. Quænam vero illa?

III. Primum quidem celebriora naturæ opera: ea enim ad illustrandum potiora & præstatio-  
ra opera  
Natura  
tibi serviunt instar speculi, e quo bonitatem atque potentiam Creatoris sive ipse perspicias, sive aliis ostendas. Neque eorum penuria est in Italia, immo ne in ejusdem quidem finibus. Nam in principio statim expandunt se illa montium juga, quæ vertice suo cælum attingere videntur, quorumque particulæ forte avulsæ atque in planum delapsæ, magnitudinem domus haud parvæ exæquant. De *Alpibus* me loqui, facile ipsi conjicitis. Neque illæ viatorem statim dimittunt, sed per integrum octiduum detinent, ut Conditoris magnitudinem inde metiens, cum Siracide dicat: *Magnus Dominus, qui hæc fecit!* Ex *Alpium*



pium carceribus emissum excipit *Lombardia*, post *Companiam felicem*, quæ merito Liberi Cererisque certamen dicitur, omnium regionum & elegantissima & fertilissima. At jam cautos atque circumspectos esse nos oportet: prope enim sumus *monti ignivomo*, a cuius faucibus Plinius historicus, dum curiosius inspiceret, raptus atque devoratus fuit. Age igitur, postquam voraginem Vesuvii hujus fumantem vidimus, atque unum alterumque quasi stomachantis strepitum crepitumque audivimus, descendamus protinus: nam ipse, qui ad radices montis a Prorege Neapolitano erectus est (1) lapis, fugere nos jubet. Sed vereor, ne, dum Charybdim vitare volumus, in Scyllam inciderimus: ecce enim nos delatos in *Forum Vulcani*, quod vulgo *la Solfatara* dicitur, *campum* ut Strabo l. 5. scribit, *circumquaque inclusum superciliis ignitis, quæ passim, tanquam e caminis, incendium magno cum fremitu exspirant*. Viden, viator, ut solum omne sulphurea arena flavet? ut aurati scrobium, margines vivo sulphure rutilant? ut nigro exhalante fumo cælum obducitur? Audin, ut scrobium aliæ velut ingentis crepitu flammæ strepunt, aliæ fervent ebulliente aqua? ut pede pulsata humus reboat? Parum abest, quin credam, nos supra tartaræ domus tectum consistere, quo rupto, mox infera omnis turba detegenda sit. At purgatorii hunc locum esse, quisquis vult, credat. Sed quam horribilis, tam salutaris est locus iste: nam originem suam inde sumunt (2) *Thermæ Bajenses*, de quibus vere Plinius lib. 31. c. 2. *Nusquam largius, quam in Bajano sinu, emicant benigne aquæ, nec pluribus auxiliandi generibus, aliæ sulphuris, aliæ aluminis, aliæ salis, aliæ nitri, aliæ bituminis, nonnullæ & acida salsa-ve mistura*. Vapore quoque ipso aliquæ prosunt. Tantaque eis est vis, ut balineas calefaciant, ac frigidam etiam in siliis fervere cogant. Obsonia quoque percoquunt. Jam generatim nervis prosunt pedibusve,



*busve, aut coxendicibus, alia luxatis fractisve. Inaniunt alvos. Sanant hulcera. Capiti, auribusque privatim medentur: oculis vero Ciceroniana.* Vere ita Plinius: nam nihil istis aquis salubrius esse, quotidiana testatur experientia. Dolendum modo, non omnes earum fontes adhuc esse integros: nam olim affixæ erant (3) inscriptiones & imagines lapideæ, quæ virtutes eorum, & qua ratione usurpandi essent, adeo recte indicarent, ut jam vulgus, Medicorum opem negligeret, atque huc, tanquam ad Æsculapii sedem, læte feliciterque concurreret. Quid autem Medici Salernitani? (4) Tres ex iis (fides esto penes famam, & scriptores nonnullos) lucrum suum publicis commodis præponentes, conscensâ cymba Baias navigârunt, & imagines pariter atque inscriptiones nocturno tempore confregerunt. Sed ut semper ultio divina, malefactis parata est, ita nec invidi isti atque avari effugere eam potuere: nam quum domum reverterentur, exarsit repentina tempestate pelagus, (5) eosque vivos absorpsit; ut nimirum per aquas punirentur, qui contra aquas deliquerant & peccaverant.

IV.  
 & Artis.

Haftenus de operibus naturæ singularibus. A quorum consideratione si vobis videtur e re esse, ut sacrarum Musarum alumnus se convertat ad insigniora opera artium, nulla fere est terra hac in parte felicior Italia: In ea quippe sedem fixit *Architectura*, in ea floret *Pictura*, in ea caput effert *Sculptura*, in ea viget *Musica*, & *Theatrica* in ea regnat. Adeat, qui hæc non credit, adeat modo celebriores Italiæ urbes, Augustam Taurinorum, Genuam, Mediolanum, Venetias, Florentiam, Romam, & Neapolin, & verum, immo minus, quam par est, me dixisse fatebitur: nam ars dicendi in me tanta non est, ut *Vitruviorum*, *Apellum*, *Praxitelum*, *Orpheorum* & *Terentiorum* Italicorum divina opera, satis & ex merito describere ac celebrare valeam.

Neque



Neque vero etiam id a me requiritis, Auditores V. benevolentissimi, quin potius aliud argumentum, unde Italici itineris sacra utilitas probetur, exspectatis. Ne igitur expectationem vestram fallam, extra omnem controversiam esse autumo, theologiæ studio optimos quosque concionatores audiendos, atque ad imitationem trahendos esse. Habet enim studium homileticum cum aliis hoc peculiare, quod magis ex auditu & visu, quam lectione discatur. Certe elocutio, quæ pronunciationem & actionem complectitur, atque anima orationis habetur, e vivo organo feliciter hauritur, quam e præceptis. Jam vero quanquam Germania, puriori doctrinæ addicta, atque in ea urbs etiam Norimbergensis, & oppidum hocce, viros habeat in sacra eloquentia excellentes, pace tamen eorum dixerim, Italiam hac etiam in parte esse beatiorē. Nec mirum: quum enim nostris sæpe vix dies unus aut biduum suppetat ad concionem elaborandam, memoriæque mandandam, illis non unius duntaxat hebdomadis, aut mensis, sed integri anni, immo plurium quandoque annorum spatium conceditur; neque turpe est, eandem cramben non bis duntaxat, sed pluries apponere. Ita enim, quasi usu receptum est apud eos, ut qui conciones quadragesima prima vice in pago habuit, easdem anno sequente in oppido, tertio in mediocris urbe spatii recitet; donec postea in majores, ac denique in maximas transeat. Hinc fit, ut homilias suas sæpius emendatas, sæpiusque memoriæ infixas, felicissime tandem habere possint, populusque eos, tanquam *Augustinos* accurate docentes, *Hieronimos* graviter admonentes, *Ambrosios* suaviter consolantes, *Hilarios* nervose refutantes, *Cyrillos* terribiliter fulminantes, *Chrysostomos* flumine orationis abundantes, & *Basilios* commotione affectuum corda humana expugnantes, admirabundus audiat, lætoque post sermonem

Hh hh

fusurro,



susurro, tanquam solenni acclamatione, favorem (6) adeo perfectis oratoribus contestetur, & iis quasi triumphum canat. Quum vero tales sint concionatores Italici, quis vitio vertat homiletici studii candidato, si eos audiendi, & quantum licet, imitandi causa, in Italiam se conferat, praesertim qui jam didicit aurum a scoriis, purum ab impuro discernere? Quanquam, ut verum fatear, inter eos non desunt, (7) qui in concionibus suis a fabulis abstinere, atque hoc agunt, ut corruptos hominum mores, Scripturae & Patrum ecclesiae beneficio, repurgent vitamque christianam ac piam e fuga retrahant.

VI.  
ad melio-  
rem pro-  
nunciati-  
onem.

Atque iidem oratores sacri probe scientes, non satis esse, ut homilia elegans conscribatur, nisi eadem decora, exornetur pronuntiatione, in hoc potissimum incumbunt, ut suavissima & distincta pronuntiatione utantur. In quo certe Germaniae superioris incolae (date veniam, populares, veritatem profitenti) saepe negligentiores & indoctiores sunt: quid enim magis tritum est, quam quod simplicem consonantem pronunciamus, ut duplicem, aut duplicem, ut simplicem, b pro p, f pro v, d pro t, & vice versa? Quae & similia vitia corruptae elocutionis, magno cum fastidio doctarum & delicatarum aurium audiuntur: quin saepe obstant, quo minus oratio, quanquam eruditissime conscripta, ab aliis percipiatur, & scopum attingat. Ita, referente Philippo Melanchthone, accidit *Legatis Wirtenbergicis*: quantumvis enim viri docti, eloquentes, & magna auctoritate praestantes essent, tamen eorum pronuntiatio & peroratio tam crassa & ingrata Cardinalibus & Pontifici Romano fuit, ut indignabundus illos absque responsione dimisisset, re infecta, nisi Capnio, veluti interpres, suaviori elocutione illorum errorem correxisset, atque delicatioribus auribus fecisset satis. Sed quid peregrinum, repeto, quum domesticum ad manus sit? Idque vobis, qui

Horas



Horas Subcivivas elegantissimi Camerarii legistis, ex Cent. 3. c. 70. ignotum esse non potest. Cum enim Legatus Regis Galliarum, Nicolaus Herlæus, Dominus de Sanci, qui progressionibus juventutis & præmiorum distributioni, in Gymnasio Altdorffino, auditor atque spectator adesse non dedignatus erat, a *patricio quodam Norimbergensi*, tunc adolescente & classico adhuc, eleganti oratione extemporanea exceptus, eique gratiæ peculiare pro honorifica, præsentia actæ, nihil aliud desideravit vir amplissimus, quam politioem, cultiorem & molliorem pronunciationem, ita, ut, se pleniorum sensum eorum, quæ dicebantur, assequi potuisse negaret. Equidem facile huic vitio remedium afferri posset, si Præceptores, quibus prima conceditur juvenit, eam ad cultiorem pronunciationem assuefacerent. Sed quomodo alios recte doceant miselli, quod nunquam ipsi didicerunt? Quare, nisi opem defectui huic ferant Magistratus, apud alios ea tandem addiscenda est: inter quos quum in Italia oratores ecclesiastici caput efferant, quantum lenta solent inter viburna cupressi, merito eos sacrae eloquentiæ cultor audiat atque imitetur.

Jam de linguarum studio quid judicatis, Auditores? VII. Nonne illud theologiæ studioso insignem utilitatem præbet, aptumque reddit, partim ut sacræ Scripturæ fontes adire, partim ut ejus versiones inter se conferre, immo & cum peregrinis, qui præter patriam linguam, nullam aliam callent sciuntve, agere, eorumque libros evolvere, possit? Loquor autem de *Hebræa, Syriaca, Arabica, Græca, Italica, Gallica, Belgica & Anglicana*. Et illæ quidem in pluribus Germaniæ universitatibus, in ipsa etiam Altdorffina nostra, commode addisci possunt, ubi in Græca & orientalibus linguis præstantissimos habemus Professores; attamen fateri oportet, eas certo respectu multo feliciter



feliciter excoli in Italia, ejusque duabus præcipuis urbibus, Venetiis & Roma, ubi aquas ex ipso fonte bibere, hoc est, Italicam cum Italis, Gallicam cum Gallis, Anglicanam cum Anglis, Belgicam cum Belgis, Græcam cum Græcis, Syriacam cum Syris, Arabicam cum Arabibus, & cum Hebræis, tam orientalibus, quam occidentalibus, Hebræam exercere, si lubet, licet. De *Hieronymo*, magno illo Ecclesiæ doctore, notum est, eum in orientem profectum, fuisse, ut linguam Hebræam disceret. Quid ergo? Culpandusne erit officii sacri candidatus, qui in Italiam abit, tot tantasque linguas, si non discendi, saltem perdiscendi & excolendi causa?

VIII.  
ad libro.  
rum &  
virorum  
doctorum  
notitiam  
acquiren-  
dam.

Denique si (8) Bibliothecæ publicæ, in qua magnus est & impressorum & manuscriptorum librorum numerus, adeundæ sunt bonarum sacrarumque literarum studio, haud scio, an Italia in hisce cuiquam alteri regioni vel tantillum cedat. Nam quid venerabilius est illa *D. Marci*, quæ Venetiis? quid nobilior *Ambrosiana*, quæ Mediolani? quid instructius *Laurentiana* & *Medicea*, quæ Florentiæ? & quid pretiosius *Vaticana*, quæ Romæ est? Quibus hodie merito addas, quam *Cardinalis Barberinus*, Purpuratorum Apollo, in sua domo multis sumptibus erexit, & publico bono consecravit. Sic vero notitiam librorum sibi comparans peregrinator noster, eadem via, in amicitiam quoque perveniet magnorum clarissimorumque virorum. Nam etsi Italia non amplius, ut olim, abundat doctis ingeniis, pauca tamen illa, quæ habet, doctissima esse, nemo sane negare potest. Atque ex iis, ut duo magna luminaria inter stellas minores, eminent *Osavivius Ferrarius*, & *Antonius Magliabechius*, ille Eques, & in Athenæo Patavino Eloquentiæ & Græcæ Linguae Professor, hic in florentissima Florentiæ urbe Bibliothecarius; ille ob incomparabilem suadam alter Cicero, hic, ob felicissimam



cissimam Principis juvenis informationem, alter Aristoteles; ille ob ætatem ac merita venerabilis, hic ob summam humanitatem amabilis; uterque ob singularem eruditionem non modo quibusvis Musarum cultoribus, sed Regibus magnisque Principibus magno in pretio habiti. Atque hoc in iis præcipue laudandum, quod, quamvis in tanto æstimationis fastigio constituti, & negotiis gravissimis pæne obruti sint, neminem tamen, qui honestas disciplinas colit, liminibus suis arceant, sed quam maxime curent, ut unumquemque & doctiorem & meliorem dimittant. Jam si Gaditanus quidam Romam profectus fuit, Plinium visendi causa, quanto magis digni sunt Duumviri isti, ob quos etiam sacrarum Musarum alumnus Italiam salutet, quippe qui non Plinium duntaxat, sed quotquot Græcia pariter ac Latium scriptores probos in lucem protulit, vasto atque improbo studio suo exhaustere?

Quando igitur Italicum iter tam multis modis utile est, nempe ad ritus & ceremonias adversarum Ecclesiarum observandas, ad antiquitatem tam ecclesiasticam, quam profanam notandam, ad naturæ & artis opera lustranda, ad concionatorum optimorum imitationem, ad meliorem pronunciationem discendam, ad linguarum exterarum studium, ad librorum & virorum doctorum notitiam acquirendam; nemo erit, credo, qui theologiæ studiosum in Italiam, dum sumtus, ætas, & eruditio finit, iter suscipientem, aut inde reversum, reprehendat, aliisque reprehendendum offerat.

Quisquis autem illuc te confers, vide, ut eos fructus, quos descripsimus, immo etiam plures, quam descripsimus, domum referas. Sunt, qui pro auro carbones, pro rosis spinas colligunt, quando delicias ac vitia Italica, quæ nec pauca sunt, nec parva, cæco impetu sequuntur. At tu, qui sacris studiis initiatus es, cave, ne quam

Hh hh 3

culam



culam affrices. Aures obtura cum Vlyſſe, ne Sirenum cantus te ſeducant, immune conſerva pectus tuum ab omni impuritate, nec quidquam decerpe, quod lætitiæ bonæ conſcientiæ poſſit offuſcare. Et niſi tali animo inſtructus ſis, prorsus ineptum te judicamus ad peregrinationem, memores ſapientiſſimæ illius legis, quam Baſilius M. Episcopuſ Cæſarienſis Aſcet. c. 44. hiſce verbis complexus eſt: *Peregre amandetur, qui proficiſci poteſt citra animæ ſuæ detrimentum.* In patriam autem reverſus, ne deſpicias alios, qui domi manſerunt, nec vel voluntatem, vel occaſionem habuerunt peragrandi terras alio ſub ſole calentes; ſed, quantum illi interea in otio ſuo præſtiterint, inquire, & ſi quid tu boni didiciſti, eoſque nemine ab iis rogatus fueris, candidus imperti. Denique ſpartam, quam naſtus es, omni fide ac diligentia orna, ritus patrios ſectare, nec unquam itinera tua jaſta: quia, ut id, quod B. Hieronymus de Hieroſolymis ſcripſit, ad metropolin Italiæ accommodemus, *non Romæ fuiſſe, ſed Romæ bene vixiſſe laudandum eſt*; quin eo tandem annitere, ut ipſo opere exprimas, quod Romani veteres hieroglyphica ſtructura templorum Virtutis & Honoris, quæ non niſi unam habebant portam principalem, ita ut in templum Honoris nemo pervenire poſſet, niſi qui per templum Virtutis tranſiſſet, indicare volebant. Virtutem igitur ſectare, mi viator, ſed veram & chriſtianam. Ita fiet, ut honor, iſq; verus & Chriſtiano dignus, ſi non hac in vita, tamen poſt fata, ſi non apud homines, certe apud Deum, te ſit excepturus.

Atque heic orationi meæ colophonem imponerem, niſi pietatis, gratitudinis, obſervantiæ atque humanitatis debitum prius a me perſolvendum eſſet. Inſtare jam video diem illum, quo initium profeſſionis meæ theologicæ erit faciendum. Ardua ſane hæc eſt functio, non modo obſu-



ob sublimitatem rerum, quæ tractandæ sunt, sed etiam ob insignem eruditionem ac præclara merita, quibus eam ornavit, dum viveret, celeberrimus Dürrius, affinis & præcessor meus desideratissimus. Attamen tu, qui spartam illam in me devolvisti, o æterne ac benignissime DEVS, pater sapientiæ, vires quoque mihi concedes, ut eam rite obire sustineam. Illumina, quæso, mentem meam, largire mihi spiritus S. dona, & fac, ut omnes labores mei cedant in sacrosancti nominis tui gloriam, ac studiosæ juventutis emolumentum.

A divino Numine ad vos me converto, splendidissimi Domini SCHOLARCHÆ, (liceat enim absentes, tanquam præsentem, venerari) gratiasque vobis ago ingentes, quod ad honorificum hoc munus, ab illustri Magistratu, cujus non infima pars estis, mihi decretum, menon modo e peregrinis oris vocare, sed & reversum benigniter excipere, & plus una vice benevolentia atque patrocini vestri certio rem me reddere volueritis. Effecistis hoc ipso, Mæcenates optimi, ut observantiam atque obedientiam, debitam non prius vobis sim subtracturus, quam anima corpusculum hoc reliquerit.

Multum quoque tibi me debere fateor, re & nomine MAGNE FEZERE, Universitatis nostræ Procancellarie magnifice: non enim absque tuo consilio demandatam mihi esse hanc spartam, extra dubium videtur esse positum. Servet Te DEVS felicem ac florentem, tuamque domum, totius non modo Civitatis, Academiaeque & Reipublicæ patriæ, sed aliorum etiam S. Rom. Imperii Statuum oraculum, omni bonorum genere repleat, mihi que facultatem concedat, ut animum tibi devinctissimum ipso opere sæpius exhibere atque demonstrare queam.

Sed o me felicem, qui e vultibus vestris, PATRES ACADEMICI, omnem favorem atque amorem mihi tam certo




certo polliceri possum, quam e solis splendore, diei serenitatem! O me felicem, dum eorum lateri admotus sum, qui mihi olim aut præceptores fuerunt, aut commilitones, aut certe fautores! Immo e quibus tres ipse etiam Pater meus, cujus memoria sit in benedictione, hoc in loco (9) collegas, atque (10) unum ex illis tribus, venerabilem nunc senem, multisque ingenii monumentis in Rep. literaria celebratissimum, doctorem in Philosophia & ductorem habuit non contemnendum. Recipite igitur, viri æstimatissimi, quando Superis ac prudentissimo Senatui sic visum est, recipite pro collega discipulum, discipuli quæ & collegæ filium, civem, commilitonem, amicum & cultorem vestrum, & periculum facite, num qua erga vos in me sit fides, num qua integritas, num quod inserviendi studium. Emoriar, atque indignus sim sacro munere, nisi omnes vires adhibiturus sum, ut me vobis ex asse probem.

Quumque vestri causa huc venerim, pereximii atque ornatissimi JUVENES STUDIOSI, sacrarum literarum alumni, ut nempe in theologiæ studio & publice & privatim vobiscum me exerceam, nolite dubitare, omnem me operam daturum, ut officium seduli atque fidelis magistri impleam, vosque ad munera sive ecclesiastica sive academica, quantum in me est, & officii mei partes permittunt, aptos reddam atque idoneos. Si quid grati etiam reliquo nobilissimorum pectorum cœtui, sive civilis prudentiæ, sive artis salutaris, sive sapientiæ castra sequantur, præstare potero, illud omne bona fide iis jam offero, ac suo tempore lubens lætusque præstabo.

DIXI.

NO-









I. Sanctus Panis

ΑΓΙΟΣ ΑΡΤΟΣ




II. ΛΟΓΧΗ

Lancea





III. ΔΙΣΚΟΣ

Discus





IV.ΑΣΤΗΡ  
*Stella*



V.ΠΙΤΤΑΙΟΝ  
*Tabellum*

VII. Nummus Lotionis pedum




VI.ΛΑΒΙΚ  
*Cochlear*

III. Nummus Jubilæi sive Portæ Sanctæ .







pell  
san  
mer  
foste  
stiam  
notab  
figilli  
reliqu  
inferi  
ejusde  
confa  
noni  
niza  
niza  
fit, i  
sum  
tio c  
6. E



## NOTÆ.

Ad pag. 592.

(a) *Levi sculptura*) Quam Itali *mezzo rilieuo* appellant.

Ad pag. 593.

(b) *Sigillum*) Figuram istiusmodi figilli sive panis sancti duplicem, eamq; delineatam, damus in tabula sub numero I. Confer de hoc & sequentibus Goari Not. in S. Chrysostomi Missam, & Zimmerm. lib. *Fiunt, non nascuntur Christiani*, pag. 342.

(c) *Lanceam*) Figura II. eam tibi exhibet.

(d) *In sancto disco*) Eum representat figura III. Vbi notabis, majorem illam panis particulam, quæ ad dextram figilli est, positam esse in memoriam B. virginis Mariæ, reliquas novem ad sinistrum latus in honorem Sanctorum, inferiorem majusculam pro Sacerdote, & minusculas pro ejusdem vel demortuis, vel adhuc viventibus amicis & consanguineis.

Ad pag. 594.

(e) *Asteriscum*) Sive stellam, quam exhibet figura IV.

(f) *Flabello*) Figuram ejus vide sub numero V.

(g) *Cochlearis parvuli*) Quod figura VI. expressum est.

Ad pag. 595.

(h) *Creationes sive Sanctorum, sive Beatorum*) Illæ canonizationes, hæ beatificationes proprie dicuntur. *Canonizationem* hæc præcedunt: 1. Regis cujusdam pro canonizando, qui ante 50. aut minimum 40. annos demortuus sit, iterata petitio. 2. Commissio ad formandum processum. 3. Inquisitio in vitam & gesta canonizandi. 4. Relatio commissionum. 5. Relatorum in consistorio examinatio. 6. Examinatorum, an miracula mereantur appellari, sine

li ii

quibus



quibus nulla canonizatio procedit, discussio. 7. Secreta consistorii decisio. 8. Canonizationis publica manifestatio. 9. Temporis, quo canonizatio peragi debet, determinatio. Ipsa autem peractio publicæ solennitatis fit impensis Regni illius, in quo natus fuit. Solennitatis concomitantia sunt genuflexio & oratio pro evitando errore, & ut Deus corda illuminare velit tam Papæ, quam Cardinalium; item canonizati publicatio, cum recitatione miraculorum illius, & offertorium, quo Papæ repræsentantur candelæ albæ cereæ, vinum in doliolo argenteo inaurato, panes & turtures in cavea. Fit etiam celebratio missæ in ejus honorem, & demum inscriptio in matriculam Sanctorum, & suspensio vexilli in templo D. Petri. *Beatificatio* in hoc distat a canonizatione, quod nec tot solennia, nec adeo accuratum processum requirit, nec universalem, sed solum in particulari loco determinatum tribuit honorem. Vtraque non nisi a Papa conceditur: In hac quidem, ut *N. beatus* appellari possit, & certo tempore ac loco officium missale illius celebretur memoriæ. Sprenger. in Roma Nova p. 114. & 115. Anno 1675. qui jubilæus erat, d. 21. Apr. sive dominica in Albis, *Joannis de Cruce*, Hispani, ex ordine Carmelitarum discalceatorum, beatificatio fiebat hoc modo: Positis in choro basilicæ D. Petri rite organis, dum musicus concentus personabat, Clerici cum Cardinali quodam, sacris vestibus & mitra ornato, solenni pompa templum ingrediebantur, & in prædicto choro omnibus confidentibus, unus illorum, consenso suggestu, qui inter duo organa positus erat, bullam Pontificis clara voce prælegebat, hujus tenoris: Satis jam notum esse, quod *Joannes de Cruce*, Hispanus, vir fuerit valde & doctus & pius. Non dubitare igitur Papam, istum, ob virtutes tam theologicas, quam morales, in cælo cum reliquis electis jam triumphare; rogatum autem eo nomine ab Hispaniarum Rege, ut prædi-



prædictum Joannem de Cruce in numerum Beatorum referret, eundem jam pro tali declaratum velle, & potestatem facere, memoriæ ipsius altare in tribus locis erigendi. His dictis, extra templum, ut manifestatio Beati late per urbem innotesceret, vascula pulvere tormentario repleta, & ordine disposita, explodebantur, veloq̃ue pariter a pictura, in qua novus Beatus, genibus flexis, in habitu orantis extabat, remoto, populus omnis in genua procidebat, eumq̃ue adoratione venerabatur.

(i) *Agni Dei*) Placentulæ illæ contra omnia mala, diabolica conferre creduntur. Consecrantur a Pontifice anno sui pontificatus primo, & quovis postea septennio. Nimirum postquam ille privatim cum aliquibus Cardinalibus peregit officium missæ, petit cameram benedictionis, in qua indutus amictu, cingulo, stola & mitra, consecrat aquam, & Cardinales sacras monetulas in eam injectas extractasq̃ue detergunt, rursus deinde a summo Pontifice benedicendas. Sprenger. in Roma Nova p. 118. Anno 1675. d. 18. Apr. (erat dies Jovis post dominicam resurrectionis) fiebat secunda vice hæc ceremonia a solis Cardinalibus, qui albo linteò cincti cochlearia haud parvæ magnitudinis argentea tenebant, quibus placentulis illis aquam consecratam affundebant. Scilicet hoc erat *Agnos Dei lavare*.

(k) *Rosæ & gladii benedictionem*) In quarta quadagesimæ, rosa, & in nocte natalis Domini, a Papa benedicatur gladius, ut hoc magnos Reges, illa vero Reginas & Principes matronas donet. Adi Casal. de Ritib. Vet. Christian. p. 336.

(l) *Anni jubilæi*) Qui vigilia nativitatis Domini inchoatur, & finitur eadem sequentis anni. Bonifacius IIX. anno MCCC. primus jubilæum instituit quolibet anno centesimo celebrandum, & visitandas proposuit basili-



cas div. Apostolorum Petri & Pauli. At Clemens VI. anno 1350. statutum illud mox abrogavit, & centesimum in quinquagesimum contraxit, adjiciendo ulterius ecclesiam D. Joannis Lateranensem. Denique Sixtus IV. anno 1475. annum posuit vigesimum quintum, adjecta ulterius ecclesia D. Mariæ majoris. Atque hic ultimus annorum numerus hactenus a Pontificibus observatus est, celebrante, jubilæum Clemente IIX. anno 1600. Urbano IIX. anno 1625. Innocentio X. anno 1650. & Clemente X. anno 1675. Atque hodie visitantes ad VII. Ecclesiarum (de quibus infra) adstringuntur accessionem.

(m) *Excommunicari creduntur*) Eodem, quo fit excommunicatio, tempore, Papa solennem populo dat benedictionem, quemadmodum etiam facere solet die resurrectionis, & festo ascensionis Christi. Vbi quidem notandum, id, quod de loco hujus ceremoniæ diximus, *porticu* videlicet *basilicæ D. Petri*, intelligendum esse de hodiernis Pontificibus: priores enim aliis in locis eam peregræ, in porticu nempe vel palatii Pontificii, vel D. Petri in viculis, aut etiam D. Marci, vel D. Joannis, quem ultimum Sixtus V. specialiter benedictionis in usum exstruxit. Cæterum de Bulla Cænæ Domini observandum, eam in Latino idiomate Pontifici appellari *Literas processus*, atque inter alia ibi hæc legi verba: *Excommunicamus & anathemizamus, ex parte Dei omnipotentis, Patris & Filii & Spiritus Sancti, auctoritate quoque Beatorum Apostolorum Petri & Pauli, ac Nostra, quoscunque Hussitas, Wiclephistas, Lutheranos, Zuinglianos, Calvinistas, Vgonottos, Anabaptistas, Trinitarios, & a Christiana fide Apostatas, & omnes ac singulos alios Hereticos, quocunque nomine censeantur, & cujuscunque sectæ existant.* Jam mirum alicui videatur, cur Trinitarii hæreticis accenseantur, si Trinitarii sunt, qui tres in una essentia divina personas confitentur; hoc enim



nim modo Pontifex se ipse cum sequacibus suis excommunicaret; quoniam cum Ecclesia sua articulo de Trinitate ipsemet subscribit. Atque hoc argumentum adeo est speciosum, ut, quum nostratum quidam primariis Sacerdotibus inclytæ alicujus in Italia civitatis illud objiceret, tempusque cogitandi sat longum daret, illi exinde se extricare haud potuerint. Tandem vero ad Patres Jesuitas, quasi ad triarios, res pervenit, quorum unus primo quidem nihil, biduo autem post ita respondit: Per *Trinitarios* ibi intelligi, non qui ab Antitrinitariis sic appellentur, Pontificios nimirum cum Lutheranis, Reformatis, Anabaptistis, & quibuscunque aliis S. Trinitatem credentibus, sed novam illam *sectam, ortam sub Pio IV.* de qua Gabriel Vazquez Tom. II. Comment. & dispp. in Primam Thomæ p. 9. ita memoret: *Jam vero, ut refert Sanderus lib. 7. de Visib. Monarch. hæresi 228. & Prateolus, verbo Deistæ, orti sunt Deistæ seu Trinitarii, qui, cum in Deo tres hypostases confiterentur, tres personas negabant, nescio quid per subsistentiam intelligentes.* Quo si respicit Bulla quoque Pontificia, dubium ane cessat, atque illa, hac quidem in parte, a magno, ut apparebat, liberatur absurdo. Conflata autem est Bulla S. Cœnæ (ut & hoc addamus) ex diversorum Pontificum constitutionibus & bullis, die cœnæ Domini recitari, & progressu temporis mutari, augerive solitis: quas Cherubinus Bullar. tom. 3. p. 248. nota, bullæ Pauli V. præfixa, indigitat. Cumque multi sint, qui integram ejusmodi bullam videre & legere discipiunt, non gravabor, in eorum gratiam, eam, quæ A. 1675. eoque jubilæo, quo & ipse Romæ eram, publicata est, non Latino tantum, sed & vulgari seu Italico idiomate, ad exemplum editionis Romanæ, heic loci communicare. Atque en primo Latinam.



Litteræ Processus

# S. D. N. CLEMENTIS PAPÆ X.

lectæ die Cœnæ Domini

Anno M. DC. LXXV.



## CLEMENS EPISCOPVS SERVVS SERVORVM DEI

Ad futuram rei memoriam.

*Excommunic. & anathematizantur*

PASTORALIS Romani Pontificis vigilantia & sollicitudo,  
cum in omni christianæ Reipublicæ pace & tranquil-  
litate procuranda, pro sui muneris officio assidue versa-  
tur, tum potissimum in Catholicæ fidei, sine qua impossi-  
bile



bile est placere Deo, unitate atque integritate retinenda, & conservanda, maxime elucet. Nimirum, ut fideles Christi non sint parvuli fluctantes, neque circumferantur omni vento doctrinae in nequitia hominum, ad circumventionem erroris: sed omnes occurrant in unitatem fidei, & agnitionis filii Dei in virum perfectum, neque se in hujus vitae societate & communione laedant, aut inter se alter alteri offensionem praebat, sed potius in vinculo charitatis conjuncti, tanquam unius corporis membra sub Christo capite, ejusque in terris Vicario Rom. Pontifice, beatissimi Petri successore, a quo totius Ecclesiae unitas dimanat, augeantur in aedificationem, atque ita divina gratia adjutrice, sic praesentis vitae quiete gaudeant, ut futura quoque beatitudine perfruantur. Ob quas sane causas Rom. Pontifices praedecessores nostri, hodierna die, quae anniversaria Dominicae Coenae commemoratione solennis est, spirituales ecclesiasticae disciplinae gladium, & salutaria justitiae arma per ministerium summi Apostolatus ad Dei gloriam, & animarum salutem solenniter exercere consueverunt. Nos igitur, quibus nihil optabilius est, quam fidei inviolatam integritatem, publicam pacem & justitiam, Deo auctore, tueri, vetustum & solemnem hunc morem sequentes:

*Haeretici cujuscunque sectae, eorundem fautores & libros legentes, tenentes, aut imprimentes, & schismatici.*

i. Excommunicamus, & anathematizamus, ex parte Dei omnipotentis, Patris, & Filii, & Spiritus sancti, auctoritate quoque beatorum Apostolorum Petri & Pauli, ac Nostra, quoscunque Hussitas, Vvichlephistas, Luteranos, Zuinglianos, Calvinistas, Vgonottos, Anabaptistas, Trinitarios, & a christiana fide apostatas, ac omnes, & singulos



los alios hæreticos, quocunque nomine censeantur, & cujuscunque sectæ existant, ac eis credentes, eorumque receptatores, fautores, & generaliter quoslibet illorum defensores, ac eorundem libros hæresim continentes, vel de religione tractantes, sine auctoritate nostra & Sedis Apost. scienter legentes, aut retinentes, imprimentes, seu quomodo libet defendentes ex quavis causa publice, vel occulte, quovis ingenio, vel colore, nec non Schismaticos, & eos, qui se a nostra, & Romani Pontificis pro tempore existentis obedientia pertinaciter subtrahunt vel recedunt.

*Appellantes a Pontif. ad futurum Concilium,  
eorumq; fautores.*

2. Item excommunicamus, & anathematizamus omnes, & singulos, cujuscunque status, gradus, seu conditionis fuerint: Universitates vero, Collegia, & Capitula, quocunque nomine nuncupentur, interdicimus, ab ordinationibus, seu mandatis nostris, ac Romanorum Pontificum pro tempore existentium, ad universale futurum Concilium appellantes: nec non eos, quorum auxilio, consilio, vel favore, appellatum fuerit.

*Piratæ, atque eorum receptatores, & fautores.*

3. Item excommunicamus, & anathematizamus omnes piratas, cursarios, ac latrunculos maritimos, discurrentes mare nostrum, præcipue a monte Argentario usque ad Terracinam, ac omnes eorum fautores, receptatores, & defensores.

*Naufragorum Christianorum cujuscunque generis bona, etiam in littoribus inventa, surripientes.*

4. Item



4. Item excommunicamus, & anathematizamus omnes, & singulos, qui Christianorum quorumcunque navibus, tempestate, seu in transversum (ut dici solet) jactatis, vel quoquo modo naufragium passis, siue in ipsis navibus, siue ex eisdem ejecta, in mari, vel in littore inventa cujuscunque generis bona, tam in nostris Tyrrheni, & Adriatici, quam in ceteris cujuscunque maris regionibus, & littoribus, furripuerint; ita ut, nec ob quodcunque privilegium, consuetudinem, aut longissimi & immemorabilis temporis possessionem, seu alium quemcunque prætextum, excusari possint.

*Imponentes nova pedagia, & gabellas, vel eas augentes.*

5. Item excommunicamus, & anathematizamus omnes, qui in terris suis nova pedagia, seu gabellas, præterquam in casibus, sibi a jure, seu ex speciali Sedis Apostolicæ licentia permissis, imponunt, vel augent, seu imponi, vel augeri prohibita exigunt.

*Falsificantes literas Apostolicas, aut supplic. a quocunque auctoritatem habente signatas, falsoq; publicantes literas Apostolicas.*

6. Item excommunicamus, & anathematizamus omnes falsarios literarum Apostolicarum, etiam in forma Brevis, ac supplicationum, gratiam, vel justitiam concernentium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Rom. Pontificis signatarum, nec non falso publicantes literas Apostolicas, etiam in forma Brevis, & etiam falso signantes supplicationes hujusmodi sub nomine Romani Pontificis, seu Vicecancellarii, aut gerentium vices prædictorum.

Kk kk

Defe-



*Deferentes arma & alia usui bellico idonea ad Turcas, vel alios christiani nominis inimicos, & ad Reipubl. christianæ statum pertinentia, iisdem, in damnum Christianorum, nunciantes.*

7. Item excommunicamus, & anathematizamus omnes illos, qui ad Sarracenos, Turcas, & alios christiani nominis hostes & inimicos, vel hæreticos, per nostras, siue hujus sanctæ Sedis sententias expresse & nominatim declaratos, deferunt, seu transmittunt equos, arma, ferrum, filum feri, stannum, chalybem, omniaque alia metallorum genera, atque bellica instrumenta, lignamina, canapem, funes, tam ex ipso canape, quam alia quacunque materia, & ipsam materiam, aliaque hujusmodi, quibus Christianos, & Catholicos impugnant: nec non illos, qui per se, vel alios de rebus statum christianæ reipublicæ concernentibus, in Christianorum perniciem & damnum, ipsos Turcas, & christianæ religionis inimicos, nec non hæreticos, in damnum catholicæ religionis, certiores faciunt, illisque ad id auxilium, consilium, vel favorem, quo modo libet præstant. Non obstantibus quibuscunque privilegiis, quibusvis personis, Principibus, Rebuspublicis, per Nos, & Sedem prædictam hætenus concessis, de hujusmodi prohibitione expressam mentionem non facientibus.

*Impedientes eos, qui victualia, & alia necessaria Romam convehunt.*

8. Item excommunicamus, & anathematizamus omnes impedientes, seu invadentes eos, qui victualia, seu alia ad usum Rom. Curiaë necessaria adducunt, ac etiam eos, qui, ne ad Rom. Curiam adducantur, vel afferantur, prohibent, impediunt, seu perturbant, seu hæc facientes defen-



defendunt per se, vel alios, cujuscunque fuerint ordinis, præminentia, conditionis, & status, etiamsi Pontificali, seu Regali, aut alia quavis ecclesiastica, vel mundana præfulgeant dignitate.

*Ad Sedem Apostol. venientes, vel ab ea recedentes, sua aut aliorum opera ledentes, & sine jurisdictione vexantes in Curia commorantes.*

9. Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem, sua, vel aliorum opera interficiunt, mutilant, spoliunt, capiunt, detinent; nec non illos omnes, qui jurisdictionem ordinariam, vel delegatam, a Nobis, vel nostris Judicibus non habentes, illam sibi temere vindicantes, similia, contra morantes in eadem Curia, audent perpetrare.

*Romipetas, ac peregrinos etiam in Urbe morantes, vel abeuntes, ledentes.*

10. Item excommunicamus, & anathematizamus omnes interficientes, mutilantes, vulnerantes, detinentes, capientes, seu deprædantes Romipetas, seu peregrinos, ad urbem, causa devotionis seu peregrinationis, accedentes, & in ea morantes, vel ab ipsa recedentes, & in his dantes auxilium, consilium, vel favorem.

*Offendentes S. R. E. Cardinales, & alios Prælatos.*

11. Item excommunicamus, & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolicæ Legatos, vel Nuncios, aut

Kk kk 2

eos



eos a suis diœcesibus, territoriis, terris, seu dominiis ejicientes: nec non ea mandantes, vel rata habentes, seu præstantes in eis auxilium, consilium, vel favorem.

*Ad Rom. Curiam pro negotiis suis recurrentes, per se, vel per alios lædentes.*

12. Item excommunicamus, & anathematizamus omnes illos, qui per se, vel per alios, personas ecclesiasticas quascunque, vel seculares, ad Romanam Curiam, super eorum causis & negotiis, recurrentes, ac illa in eadem Curia prosequentes, aut procurantes, negotiorumque gestores, Advocatos, Procuratores, & Agentes, seu etiam Auditores, vel Judices super dictis causis vel negotiis deputatos, occasione causarum vel negotiorum hujusmodi, occidunt, seu quoquo modo percutiunt, bonis spoliant, seu qui per se, vel per alios directe, vel indirecte, delicta hujusmodi committere, exequi, vel procurare, aut in eisdem auxilium, consilium, vel favorem præstare non verentur, cujuscunque præminentia, & dignitatis fuerint.

*Appellantes a gravamine, vel futura executione literarum Apostolicarum, ad laicam potestatem.*

13. Item excommunicamus, & anathematizamus omnes tam Ecclesiasticos, quam Seculares cujuscunque dignitatis, qui prætexentes frivolam quandam appellationem a gravamine, vel futura executione literarum Apost. etiam in forma Brevis, tam gratiam, quam justitiam concernentium, nec non citationum, inhibitionum, sequestrorum, monitoriorum, processuum, executorialium & aliorum decretorum, a Nobis, & a Sede prædicta, seu Legatis, Nunciis,



Nunciis, Præfidentibus, Palatii nostri, & Cam. Apost. Auditoribus, Commissariis, aliisque Judicibus, & Delegatis Apostolicis emanatorum, & quæ pro tempore emanaverint, aut alias ad Curias seculares, & laicam potestatem, recurrunt, & ab ea, instante etiam Fisci Procuratore, vel Advocato, appellationes hujusmodi admitti, ac literas, citationes, inhibitiones, sequestra, monitoria, & alia prædicta, capi & retineri faciunt, quive illa simpliciter, vel sine eorum beneplacito, & consensu, vel examine, executioni demandari, aut ne Tabelliones, & Notarii, super hujusmodi literarum & processuum executione, instrumenta, vel acta conficere, aut confecta, parti, cujus interest, tradere, debeant, impediunt, vel prohibent, ac etiam partes, seu eorum agentes, consanguineos, affines, familiares, notarios, executores, & subexecutores literarum, citationum, monitoriorum, & aliorum prædictorum capiunt, percutiunt, vulnerant, carcerant, detinent, ex civitatibus, locis, & Regnis ejiciunt, bonis spoliunt, perterrefaciunt, concutiunt, & comminantur per se, vel alium, seu alios, publice vel occulte, quive alias quibuscunque personis in genere, vel in specie, ne pro quibusvis eorum negotiis prosequendis, seu gratiis, vel literis impetrandis, ad Rom. Cur. accedant, aut recursum habeant, seu gratias ipsas, vel literas a dicta Sede impetrent, seu impetratis utantur, directe vel indirecte prohibere, statuere, seu mandare, vel eas apud se, aut Notarios seu Tabelliones, vel alias quomodo libet retinere præsumunt.

*Executionem literarum Apostolicarum aut aliarum expeditionum impediunt, & prohibentes ad gratias impetrandas accedentes.*

14. Item excommunicamus, & anathematizamus omnes, & quoscunque, qui per se, vel alios, auctoritate,

Kk kk 3

pro-



propria, ac de facto, quarumcunque exemptionum, vel aliarum gratiarum, & literarum Apostolicarum prætextu, beneficiales, & decimarum, ac alias causas spirituales, & spiritualibus annexas, ab Auditoribus, & Commissariis nostris, aliisque Judicibus ecclesiasticis avocant, illorumve cursum, & audientiam, ac personas, Capitula, Conventus, Collegia, causas ipsas prosequi volentes, impediunt, ac se de illarum cognitione, tanquam Judices, interponunt; quive partes actrices, quæ illas committi fecerunt, & faciunt, ad revocandum, & revocari faciendum citationes, vel inhibitiones, aut alias literas in eis decretas, & ad faciendum, vel consentiendum eis, contra quos tales inhibitiones emanarunt, a censuris & pœnis in illis contentis absolvi, per statutum, vel alias, compellunt, vel executione literarum Apostolicarum, seu executorialium, processuum, ac decretorum prædictorum, quomodolibet impediunt, vel suum ad id favorem, consilium, aut assensum præstant, etiam prætextu violentiæ prohibendæ, vel aliarum prætensionum, seu etiam donec ipsi ad Nos informandos, ut dicunt, supplicaverint, aut supplicari fecerint, nisi supplicationes hujusmodi coram Nobis, & Sede Apostolica legitime prosequantur, etiam si talia committentes fuerint. Præsidentes Cancelliarum, Consiliorum, Parlamentorum, Cancellarii, Vicecancellarii, Consilarii ordinarii, vel extraordinarii quorumcunque Principum secularium, etiam si Imperiali, Regali, Ducali, vel alia quacunque præfulgeant dignitate, aut Archiepiscopi, Episcopi, Abbates, Commendatarii, seu Vicarii fuerint.

*Judices seculares, qui ecclesiast. personas trahunt ad sua tribunalia, quique ecclesiast. libertatem tollunt, aut opere in aliquo turbant.*

15. Quive



15. Quive ex eorum prætenso officio, vel ad instantiam partis, aut aliorum quorumcunque, personas ecclesiasticas, Capitula, Conventus, Collegia Ecclesiarum quorumcunque, coram se, ad suum Tribunal, Audientiam, Cancellariam, Consilium, vel Parlamentum, præter Juris Canonici dispositionem, trahunt, vel trahi faciunt, vel procurant directe, vel indirecte, quovis quæsito colore: nec non qui statuta, ordinationes, constitutiones, pragmaticas, seu quævis alia decreta in genere, vel in specie, ex quavis causa, & quovis quæsito colore, ac etiam prætextu cujusvis consuetudinis, aut privilegii, vel alias quomodolibet fecerint, ordinaverint, & publicaverint, vel factis, & ordinatis usi fuerint, unde libertas ecclesiastica tollitur, seu in aliquo læditur, vel deprimitur, aut alias quovis modo restringitur, seu nostris & dictæ Sedis, ac quarumcunque Ecclesiarum juribus quomodolibet directe, vel indirecte, tacite vel expresse præjudicatur.

*Impedientes Prælatos, ne sua jurisdictione utantur, quique illorum, & deleg. judicia elevantes ad Curiam secul. recurrunt, aut contra illos decernunt, præstantesq. auxilium.*

16. Nec non qui Archiepiscopos, Episcopos, aliosque superiores & inferiores Prælatos, & omnes alios quoscunque Judices ecclesiasticos ordinarios, quomodolibet hac de causa directe, vel indirecte carcerando, vel molestando eorum Agentes, Procuratores, familiares, nec non consanguineos, & affines, aut alias impediunt, quo minus sua jurisdictione ecclesiastica contra quoscunque utantur, secundum quod Canones, & sacre Constitutiones ecclesiasticæ, & decreta Conciliorum generalium, & præsertim Tridentini, statuunt; ac etiam eos, qui post ipsorum Ordinariorum, vel etiam ab eis delegatorum quorumcunque senten-



sententias, & decreta, aut alias fori ecclesiastici iudicium eludentes, ad Cancellarias, & alias Curias seculares recurrunt, & ab illis prohibitiones, & mandata, etiam poenalia, Ordinariis, & delegatis praedictis decerni, & contra illos exequi procurant, eos quoque, qui haec decernunt, & exequuntur, seu dant auxilium, consilium, patrocinium, & favorem in eisdem.

*Ursurpantes Sedis Apost. & quorumcunque eccles. jurisdictiones, vel etiam fructus sequestrantes.*

17. Quive jurisdictiones, seu fructus, redditus, & proventus, ad Nos, & Sedem Apostolicam, & quascunque ecclesiasticas personas, ratione Ecclesiarum, Monasteriorum, & aliorum beneficiorum ecclesiasticorum, pertinentes, usurpant, vel etiam quavis occasione, vel causa, sine Romani Pontificis, vel aliorum ad id legitimam facultatem habentium expressa licentia, sequestrant.

*Imponentes decimas, & alia onera personis ecclesiasticis, Ecclesiis, Monasteriis, aut eorum fructibus.*

18. Quive collectas, decimas, talleas, praestantias, & alia onera Clericis, Praelatis, & aliis personis ecclesiasticis, ac eorum, & Ecclesiarum, Monasteriorum, & aliorum beneficiorum ecclesiasticorum bonis, illorumque fructibus, redditibus, & proventibus huiusmodi, absque simili Rom. Pontificis speciali & expressa licentia, imponunt, & diversis etiam exquisitis modis exigunt, aut sic imposita, etiam a sponte dantibus & concedentibus, recipiunt: nec non, qui per se, vel alios directe, vel indirecte praedicta facere, exequi, vel procurare, aut in eisdem auxilium, consilium, vel



vel favorem præstare non verentur, cujuscunq; sint præ-  
 eminentiæ, dignitatis, ordinis, conditionis, aut status, eti-  
 amsi Imperiali, aut Regali præfulgeant dignitate, seu Prin-  
 cipes, Duces, Comites, Barones, & alii potentatus quicun-  
 que, etiam Regnis, Provinciis, Civitatibus, & Terris quo-  
 quomodo Præsidentes, Consilarii, & Senatores, aut qua-  
 vis etiam Pontificali dignitate insigniti. Innovantes de-  
 creta super his per sacros canones, tam in Lateranensi  
 novissime celebrato, quam aliis conciliis generalibus edi-  
 ta, etiam cum censuris, & pœnis in eis contentis.

*Judices seculares, qui se interponunt in causis  
 capitalibus, seu criminalibus contra eccle-  
 siasticas personas.*

19. Item excommunicamus, & anathematizamus o-  
 mnes, & quoscunque Magistratus, & Judices, notarios,  
 scribas, executores, subexecutores, quomodolibet se in-  
 terponentes in causis capitalibus, seu criminalibus contra  
 personas ecclesiasticas, illas processando, banniendo, ca-  
 piendo, seu sententias contra illas proferendo, vel exe-  
 quendo, sine speciali, specifica, & expressa hujus sanctæ  
 Sedis Apostolicæ licentia, quique hujusmodi licentiam ad  
 personas, & casus non expressos extendunt, vel alias illa  
 perperam abutuntur, etiamsi talia committentes fuerint,  
 Consilarii, Senatores, Præsidentes, Cancellarii, Vicecan-  
 cellarii, aut quovis alio nomine nuncupati.

*Occupantes bona, aut terras Ecclesiæ Romanæ,  
 & illius jurisdictionem usurpantes.*

20. Item excommunicamus, & anathematizamus o-  
 mnes illos, qui per se, seu alios, directe, vel indirecte, sub  
 quocunque titulo, vel colore, invadere, destruere, occu-  
 pare, & detinere præsumpserint, in totum, vel in partem.

LI II

almam



almam Urbem, Regnum Siciliae, insulas Sardiniae, & Corsicae, terras citra Pharum, Patrimonium beati Petri in Thufcia, Ducatur Spoletanum, Comitatum Venayfinum, Sabineum, Marchiae Anconitanæ, Massæ Trebariæ, Romaniolæ, Campaniæ, & maritimas provincias, illarumque terras, & loca, ac terras specialis commissionis Arnulforum, civitatesque nostras Bononiam, Cæsenam, Ariminum, Beneventum, Perusium, Avenionem, Civitatem Castelli, Tudertum, Ferrariam, Comaclum, & alias civitates, terras, & loca, vel jura, ad ipsam Romanam Ecclesiam pertinentia, dictæque Rom. Eccles. mediate, vel immediate subiecta: nec non supremam jurisdictionem in illis, Nobis, & eidem Romanæ Ecclesiæ competentem, de facto usurpare, perturbare, retinere, & vexare variis modis præsumunt: nec non adhærentes, fautores, & defensores eorum, seu illis auxilium, consilium, vel favorem quomodolibet præstantes.

*Absolutio soli Pontifici reservatur.*

21. Volentes, præsentis nostros processus, ac omnia & quæcunque his literis contenta, quousque alii hujusmodi processus a Nobis, aut Rom. Pontifice pro tempore existente fiant, aut publicentur, durare, suosque effectus omnino sortiri.

*Absolvere præsumentes, excommunicantur.*

22. Ceterum a prædictis sententiis nullus per alium, quam per Rom. Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo cautione præstita, absolvi possit, etiam prætextu quarumvis facultatum, & indultorum, quibuscunque personis ecclesiasticis secularibus, & quorumvis ordinum, etiam Mendicantium, ac Militiarum regularibus, etiam Episco-



Episcopali, vel alia majori dignitate præditis, ipsisque Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & locis piis: nec non laicis, etiam Imperiali, Regali, & alia mundana excellentia fulgentibus, per Nos, & dictam Sedem, ac cujusvis concilii decreta, verbo, litteris, aut alia quacunque scriptura in genere, vel in specie concessorum, & innovatorum, aut concedendorum, & innovandorum.

23. Quod si forte aliqui, contra tenorem præsentium, talibus excommunicatione, & anathemate laqueatis, vel eorum alicui absolutionis beneficium impendere de facto præsumpserint, eos excommunicationis sententia innodamus, gravius contra eos, spiritualiter, ac temporaliter, prout expedire noverimus, processuri.

*Papæ absolutio non comprehendit eos, qui a præmissis non destiterint.*

24. Declarantes, ac protestantes, quamcunque absolutionem, etiam solenniter per nos faciendam, prædictos, excommunicatos, sub præsentibus comprehensos, nisi prius a præmissis, cum vero proposito, ulterius similia non committendi, destiterint; ac quoad eos, qui contra ecclesiasticam libertatem, ut præfertur, statuta fecerint, nisi prius statuta, ordinationes, constitutiones, pragmaticas, & decreta hujusmodi publice revocaverint, & ex archiviis, seu capitularibus locis aut libris, in quibus annotata reperiuntur, deleri & cassari, ac nos de revocatione hujusmodi certiores fecerint, eos non comprehendere, nec eis aliter suffragari, quin etiam per hujusmodi absolutionem, aut quoscunque alios actus contrarios, tacitos, vel expressos, ac etiam per patientiam, & tolerantiam nostram, vel

Lll 2

Succes-



Successorum nostrorum quantocunque tempore continuatam, in præmissis omnibus & singulis, ac quibuscunque juribus Sedis Apost. ac S. R. E. undecunque & quandocunque quæsitis, vel quærendis, nullatenus præjudicari posse, aut debere.

25. Non obstantibus privilegiis, indulgentiis, indultis, & literis Apostolicis generalibus, vel specialibus, supradictis, vel eorum alicui, seu aliquibus aliis, cujuscunque ordinis, status, vel conditionis, dignitatis, & præeminentiæ fuerint, etiam si, ut præfertur, Pontificali, Imperiali, Regali, seu quavis ecclesiastica, & mundana præfulgeant, dignitate, vel eorum Regnis, provinciis, civitatibus, seu locis a prædicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibuscunque clausulis, etiam derogatoriis concessis, etiam continentibus, quod excommunicari, anathematizari, vel interdicti non possint, per literas Apostolicas non facientes plenam & expressam, ac de verbo ad verbum de privilegiis, indulgentiis, & indultis hujusmodi, ac de ordinibus, locis, nominibus propriis, cognominibus, & dignitatibus eorum mentionem, nec non consuetudinibus, etiam immemorabilibus, ac præscriptionibus, quantumcunque longissimis, & aliis quibuscunque observantiis, scriptis, vel non scriptis, per quæ contra hos nostros processus, ac sententias, quominus includantur in eis, se juvare valeant, vel tueri. Quæ omnia quoad hoc, eorum omnium tenores, ac si ad verbum, nihil penitus omisso, insererentur, præsentibus, pro expressis habentes, penitus tollimus, & omnino revocamus, ceterisque contrariis quibuscunque.

26. Ut vero præsentis nostri processus ad publicam omnium notitiam facilius deducantur, chartas, seu membranas processus ipsos continentes, valvis Ecclesiæ S. Jo.  
Late-



Lateran. & Basilicæ Principis Apost. de Vrbe appendi faciemus, ut ii, quos processus huiusmodi concernunt, quod ad ipsos non pervenerint, aut quod ipsos ignoraverint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur.

27. Insuper, ut processus ipsi, & præsentis literæ, ac omnia & singula in eis contenta, eo fiant notiora, quo in plerisque civitatibus, & locis fuerint publicata, universis & singulis Patriarchis, Primatibus, Archiepiscopis, Episcopis, & locorum Ordinariis, & Prælati ubilibet constitutis, per hæc scripta committimus, & in virtute sanctæ obedientiæ districte præcipiendo mandamus, ut per se, vel alium, seu alios, præsentis literas, postquam eas receperint, seu earum habuerint notitiam, semel in anno, aut, si expedire viderint, etiam pluries in Ecclesiis suis, dum in eis major populi multitudo ad divina convenerit, solenniter publicent, & ad Christi fidelium mentes reducant, nuncient & declarent.

*Quicumque audiunt confessiones, apud se has literas habeant.*

28. Ceterum Patriarchæ, Archiepiscopi, Episcopi, alique locorum Ordinarii, & Ecclesiarum Prælati, nec non Rectores, ceterique, curam animarum excercentes, ac Presbyteri seculares, & quorumvis Ordinum regulares, ad audiendas peccatorum confessiones quavis auctoritate deputati, transumptum præsentium literarum penes se habeant, easque diligenter legere, & percipere studeant.

29. Volentes, earundem præsentium transumptis, etiam impressis, Notarii publici manu subscriptis, & sigillo Iudicis ordinarii Romanæ Curiae, vel alterius personæ in dignitate ecclesiastica constitutæ, munitis, eandem prorsus fidem



in iudicio, & extra illud, ubique locorum abhibendam fore, quæ ipsis præsentibus adhiberetur, si essent exhibitæ, vel offensæ.

30. Nulli ergo omnino hominum liceat hanc paginam nostræ excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire. Si quis autem hoc attentare præsumperit, indignationem, omnipotentis Dei, ac beatorum Petri, & Pauli, Apostolorum ejus, se noverit incursurum. Dat. Romæ apud Sanctum Petrum, Anno Incarnationis Dominicæ millesimo sexcentesimo septuagesimo primo, septimo Kal. Aprilis, Pontificatus Nostri Anno Primo.

*Loco + plumbi.*

G. Cardinalis Prodatarius.

*Visa de Curia S. de Pilastris.*

I. G. Slusius.

*I. C. Gul. de Gentilibus.*

Registrata in Secretaria Brevium.

*Die, mense, & anno, quibus supradicta Bulla affixa fuit ad valvas Basilicæ Apostolorum SS. Petri & Pauli, S. Jo. Lateranen. S. Mariæ Majoris, & alia loca solita, & consueta Urbis, per me, Matthæum Bertarellum, Sanctiss. D. N. Papæ Curs. Pro D. Mag. Cursor. Egidius Felicius Curs.*

LA BOL-



LA BOLLA  
IN CENA DO-  
MINI  
VOLGARE.



CLEMENTE VESCOVO  
SERVO DEI SERVI DI DIO

A futura memoria,

**L**A vigilanza, e sollecitudine pastorale del Romano Pontefice, per ragione, e debito dell' officio suo, si adopra di continuo in procurare la pace, e tranquillità della Republica Christiana; mà principalmente riluce, & apparisce



risce grandemente in ritenere, e conservare l' unità, & integrità della fede Cattolica, senza la quale è impossibile piacere à Dio. E questo, accioche i fedeli del Signore non siano parvuli, fluttuanti, & instabili, e nella malitia degli huomini, che astutamente pongono loro insidie, per farli cadere in errore, non si lascino raggirare da ogni vento di dottrina, anzi tutti pervengano all' età di huomo perfetto nell' unità della fede, e cognitione del Figliuol di Dio, e parimente, accioche nella compagnia, e communicatione di questa vita non si danneggino, e non si offendano l' un l' altro; mà più tosto congiunti insieme col legame della carità crescano in edificatione, come membra di uno istesso corpo, sotto il Capo di CHRISTO, & sotto il suo Vicario in terra, Successore del beatissimo Apostolo Pietro, che è il Pontefice Romano sudetto, da cui l' unione di tutta la Santa Chiesa deriva, & in questa maniera con l' ajuto della divina gratia, godono in tal modo della quiete della vita presente, che parimente vengono a fruire, e possedere la beatitudine della futura. Per le quali cagioni i Pontefici Romani, nostri Predecessori, sono stati soliti in questo giorno, celebre per la memoria annuale, che si fa della Cena del Signore, à esercitare solennemente il coltello spirituale della disciplina ecclesiastica, e le armi salutari della giustizia, per mezzo del ministerio del sommo Apostolato, per gloria di Dio, e salute delle anime.

I Noi dunque, à i quali niuna cosa è più desiderabile, che il conservare con l' ajuto di Dio l' integrità incorrotta della



della fede, e la publica pace, e giustitia, seguitando questa antica e solenne usanza,

Escommunicamo, & anathematizamo, da parte di Dio onnipotente, Padre, Figliuolo, e Spirito Santo, & l'anco per l' autorità delli beati Apostoli, Pietro, e Paolo, e per la Nostra, ciascuno Husfisti, Viglefisti, Luterani, Zuingliani, Calvinisti, Vgonotti, Anabatisti, Trinitarii, e tutti, e ciascun' altro Heretico, di qualsivoglia nome, e di qualunque setta siano, con quelli tutti, che gli credono, & i ricettatori, fautori, e generalmente tutti i difensori di essi; e quelli, che i libri de i medesimi, continenti heresie, ò che trattano di religione, senza autorità nostra, e della Sede Apostolica, scientemente leggono, ò ritengono appresso di se, stampano, ò in qualunque modo per qualsivoglia causa difendono pubblicamente, ouero occultamente, e sotto qualsivoglia pretesto, ò colore; e similmente li Scismatici, e quelli tutti, che ostinatamente si sottraggono, ouero si partono dall' obediienza nostra, e del Romano Pontefice, che sarà successivamente.

2. Ancora escommunicamo, & anathematizamo tutti, e ciascuno, di qualunque stato, grado, ò conditione siano, & interdiciamo Vniuersità, Collegii, Capitoli, compresi sotto qualsivoglia nome, che dalle ordinationi, sentenze, e comandamenti nostri, e de i Romani Pontefici, che succederanno, si appellano al futuro Concilio Vniuersale; e quelli, per aiuto, e favore de' quali si sarà appellato,

Mm m m

3. Anco-



3. Ancora escommunicamo, & anathematizamo tutti i pirati, Corsari, e ladroni maritimi, che scorrono il mar nostro, specialmente dal Monte Argentario sino à Terracina; e tutti i fautori, ricettatori, & difensori loro.

4. Ancora escommunicamo, & anathematizamo tutti, e ciascuno, i quali dà navi di qualunque Christiano battute dalla fortuna, ò vero che (come si dice) habbino dato à trauerso, ò in qualsiuoglia modo habbino patito naufragio, haueranno rubati beni di qualsiuoglia sorte: ò in esse navi, ò gettati dà esse, ritrovati nel mare, ò vero nel lito, tanto ne i nostri mari, Tirreno, & Adriatico, quanto in altre regioni, e liti di qualsiuoglia mare, di maniera, che non possono essere scusati per qualunque privilegio, consuetudine, ò possesso di lunghissimo tempo, etiamdio immemorabile, ò sotto qualsiuoglia pretesto.

5. Ancora escommunicamo, & anathematizamo tutti quelli, i quali, fuor che ne i casi permessi loro dalle leggi, ò vero di special licenza della Sede Apostolica, impongono nuovi pedaggi, ò gabelle, ò quelle accrescono, ò vero le proibite d'imporsi, & accrescere, riscuotono.

6. Ancora escommunicamo, & anathematizamo tutti i falsarii delle lettere Apostoliche, etiamdio in forma di Breui, & di supplicationi, concernenti gratia, ò giustitia, per mano del Romano Pontefice, ò del Vicecancelliero della Santa Romana Chiesa, ò de' loro Vicegerenti, ò per ordine del medesimo Pontefice, segnate; & ancora quelli, che fanno lettere Apostoliche false, etiam in forma di Breue; e parimente



mente quelli, che segnano simili supplicationi sotto il nome del Pontefice Romano, ò del Vicecancelliero, ò de i Vicegerenti predetti.

7. Ancora escommunicamo, & anathematizamo tutti quelli, che portano, ò mandano cavalli, arme, ferro, filo di ferro, stagno, acciaio, & ogni altra sorte di metallo, instrumenti di guerra, legnami, canepe, corde, tanto di canepe, quanto di qualunque altra materia, & essa materia, e cose simili, à Saraceni, Turchi, & altri nemici del nome di **CHRISTO**, ò vero ad Heretici, per nostre sentenze, ò di questa Santa Sede Apostolica, espressamente, & nominamente dichiarati, con le quali cose impugnano i Christiani, & Catholici: E parimente quelli, che per se, ò per mezzo d' altri, auuisano detti Turchi, & nemici della Christiana Religione, & Heretici, delle cose concernenti lo Stato della Christiana Republica, in danno, e nocumento de' Christiani, & che ad essi danno in qualunque modo aiuto, consiglio, ò favore, non ostanti qual si vogliano privilegi, da Noi, ò dalla Sede predetta, à qualunque persona, Principi, Republiche, insin qui concessi.

8. Ancora escommunicamo, & anathematizamo tutti quelli, che impediscono, ò assaltano i conduttori, ò portatori di vettonaglie, ò altre cose necessarie all' uso della Corte Romana; e quelli, che proibiscono, impediscono, ò perturbano, à fine, che le predette cose non si conduchino, ò portino ad essa Corte; e quelli, che per se, ò per mezzo d' altri difendono chi fa le cose predette, siano di qual si voglia or-

Mm mm 2

dine,



dine, preeminenza, conditione, e stato, ancora che di Pontificale, Regale, ò vero di qual si voglia altra ecclesiastica, ò mondana dignità risplendano.

9. Ancora escommunicamo, & anathematizamo tutti quelli, i quali dà se stessi, ò per mezzo d' altri, ammazzano, mutilano, spogliano, pigliano, ritengono quelli, che vengono alla Sede Apostolica, & dà quella si partono. Et in oltre tutti quelli, che non hauendo giurisdittione ordinaria, ò vero delegata dà Noi, o dà nostri Giudici, usurpandola temerariamente, ardiscono di commettere cose simili contra quelli, che in essa Corte dimorano.

10. Ancora escommunicamo, & anathematizamo tutti quelli, che ammazzano, mutilano, feriscono, pigliano, ritengono, ò robbano li Romei, ò pellegrini, che à Roma vengono per deuotione, o peregrinaggio; e quelli, che vi dimorano, ò dà essa si partono; e coloro, che in ciò li prestano aiuto, consiglio, & favore.

11. Ancora escommunicamo, & anathematizamo tutti quelli, che ammazzano, mutilano, feriscono, percontano, pigliano, carcerano, ritengono, & hostilmente perseguitano i Cardinali della S. Romana Chiesa, Patriarchi, Arcivescovi, Vescovi, Legati della Sede Apostolica, ò Nuntii, e quelli, che i medesimi scacciano dalle lor Diocesi, Territorii, Terre, Dominii; e quelli parimente, che tali cose commendano, ò appruouano, ò à quelli danno aiuto, consiglio, e favore.

12. Ancora escommunicamo, & anathematizamo tutti quelli, che per se, ò per altri, qualunque persona ecclesiastica,



stica, ò secolare, che ricorre alla detta Corte sopra le sue cause, e negotii, & in essa Corte le prosegue, ò procura, e quelli, che trattano detti negotii, Auuocati, Procuratori, & Agenti, ò vero anco gl' Auditori, & Giudici deputati sopra dette cause e negotii, per occasione di detti negotii, e cause, uccidono, ò in qual si voglia modo percuotono, ò spogliano de i lor beni; e quelli, che per se, ò per altri, per via diretta, o indiretta, ardiscono commettere simili delitti, eseguire, ò procurare le cose sopradette, & in esse dar consiglio, aiuto, ò favore, di qualunque preeminenza, ò dignità siano.

13. Ancora escommunicamo, & anathematizamo tutti quelli, tanto Ecclesiastici, quanto Secolari, di qualunque dignità, i quali sotto pretesto di friuola appellatione dà grauame, ò futura effecutione di lettere Apostoliche, etiam in forma di Breue, concernenti tanto gratia, quanto giustitia, e di inhibitioni, sequestri, monitorii, processi, effecutoriali, & altri decreti, dà Noi, e dalla Sede predetta, ò vero da' Legati, Nuntii, Presidenti, della Camera Apostolica Auditori, Commissarii, & dà altri Giudici, e Delegati Apostolici uscite, e che per tempo usciranno, ò altramente hanno ricorso alle Corti secolari, e laica potestà, e dà essa, istando anche il Procuratore, ò Auuocato del fisco, fanno, che simili appellationi si ammettano, & fanno, che le lettere, citationi, inhibitioni, sequestri, & monitorii, & altre cose si piglino, & ritengano. E quelli, che impediscono, & proibiscono, che esse, ò semplicemente, ò senza loro beneplacito, consenso, o vero esame, siano eseguite, & che i Notari sopra le effecutioni di simili lettere, & processi, non facciano instrumenti, & atti, e che fatti non li debbano dare alla parte, che hà interesse; e quelli

Mm mm 3

anco,



anco, che le parti, ò loro Agenti, Consanguinei, Affini, Familiari, Notari, Essecutori, ò Sottoessecutori delle lettere, citationi, monitorii, e d'altre cose predette, prendono, percuotono, feriscono, mettono in prigione, ritengono, dalle Città, luoghi, e Regni discacciano, spogliano de i lor beni, spauentano per concussione, impauriscono, e minacciano, per se, ò vero per altri, pubblicamente, ò occultamente; e quelli, che altramente, presumono, per via diretta, ò indiretta, proibire, ordinare, comandare à qualunque persona, generalmente, ò specialmente, che per proseguire qualunque lor negotio, impetrare gratie, e lettere, non venghino, ò non habbino ricorso alla Corte Romana, & non impetrino esse lettere, ò gratia dalla Sede predetta, e non si seruano delle già impetrate, ò vero quelle ardiscono ritenere appresso di se, ò appresso li Notari, ò altramente, in qualsiuoglia modo.

14. Ancora escommunicamo, & anathematizamo tutti, e ciascuno, che per opera sua, ò d'altri, di propria auttorità, e di fatto, sotto pretesto di qualunque esentione, ò altre gratie, ò lettere Apostoliche, le cause beneficali, ò di decime, ò spirituali, ò alle spirituali annesse, auvocano dalli Auditori, e Commissarii nostri, & altri Giudici Ecclesiastici, & il corso, & audienza di esse cause, & le persone, Capitoli, Conuenti, Collegii, nelle prosecutioni delle cause predette, impediscono, e nella cognitione di quelle, come Giudici, si intromettono: E quelli, che gl' Attori, che l' hanno fatte, & fanno commettere, costringono per statuto, ò altramente, à reuocare, ò far reuocare le citationi, ò inhibitioni, ò altre lettere in esse decretate, & à fare, ò consentire, che dalle censure, e pene in esse contenute, siano assoluti quelli, contro a quali tali inhibitioni sono venute, ò l' effecutione delle lettere Apostoliche, ò essecutoriali processi, & decreti predetti in, qualsiuoglia modo impediscono, ò vero à ciò prestano il favore



vore loro, consiglio, e consenso, etiam sotto pretesto di proibire la violenza, ò di altre pretensioni, ò vero anche infinitanto, che essi habbino à noi (come dicono) supplicato, ò fatto supplicare, per informarci, salvo però, se essi innanzi à Noi, ò alla Sede Apostolica, le dette supplicationi legitimamente proseguissero, ancor che quelli, che commetteffero simili cose, fossero Presidenti delle Cancellarie, de' Consigli, e de' Parlamenti, ò vero Cancellieri, Vicecancellieri, Consiglieri, ordinarii, ò straordinarii, di qualsivoglia Principe secolare, ancorche di Imperiale, Regale, Ducale, ò di qualunque altra dignità risplendano, ò siano Arcivescovi, Vescovi, Abbati, Commendatarii, ò Vicarii.

15. E quelli ancora, che per loro pretenso officio, ò ad istanza della parte, ò di qualunque si sia, le persone ecclesiastiche, Capitoli, Conventi, & Collegii di qualunque Chiese, inanzi à se, ò loro Tribunali, Audienza, Cancellaria, Consiglio, ò Parlamento, fuori della dispositione de i sacri Canoni, tirano, ò fanno tirare, ò procurano per via diretta, ò indiretta, sotto qual si voglia colore. E parimente quelli, che in genere, ò in specie, per qual si voglia causa, ò sotto qualunque colore, anco sotto pretesto di qual si voglia consuetudine, ò privilegio, ò altramente in qual si voglia modo, hanno fatto, ordinato, publicato, statuti, ordinationi, constitutioni, prammatiche, ò vero altri decreti, ò quelli fatti & ordinati hanno usati, per li quali si toglie la libertà ecclesiastica, ò in alcuna parte si offende, ò si deprime, ò altramente in qual si voglia modo si restringe, ò alle ragioni nostre, e di detta Sede, e di ogn' altra Chiesa, per via diretta, ò indiretta, tacitamente, ò espressamente si pregiudica.

16. E tutti quelli, che gl' Arcivescovi, Vescovi, & altri superiori, ò inferiori Prelati, e tutti gl' altri, qual si siano, Giudici Ecclesiastici ordinarii di qualunque sorte, in qual si voglia



voglia modo, per questa causa, direttamente, o indirettamente carcerando, o dando molestia alli loro Agenti, Procuratori, Familiari, Consanguinei, & Affini, impediscono, che non usino la loro giurisdittione ecclesiastica contro ogni persona, secondo la dispositione de i sacri Canoni, & Constitutioni ecclesiastiche, e decreti de' Concilii Generali, & specialmente del Concilio di Trento. E quelli ancora, che doppo la sentenza, & decreti di essi Ordinarii, o anche di qual si voglia Delegati, o altramente sfuggendo il giuditio del foro ecclesiastico, ricorrono alle Cancellarie, & altre Corti secolari, & da quelle procurano, che si facciano inhibitioni, e precetti, anco penali, a gl' Ordinarii e Delegati predetti, e contra essi si essequiscano, o vero prestano aiuto, consiglio, patrocinio, e favore nelle medesime cose.

17. E quelli, che le giurisdittioni, o vero frutti, entrate, & proventi, pertinenti a Noi, & alla Sede Apostolica, & a qualsivoglia ecclesiastica persona, per ragione di Chiese, Monasterii, & altri beneficii ecclesiastici, usurpano, o anco per qualsivoglia occasione, o causa, senza espressa licenza del Pontefice Romano, o di quelli, a' quali di ragione appartiene, sequestrano.

18. E quelli, che le collette, decime, taglie, prestanze, & altre grauezze a' Chierici, Prelati, & altre persone ecclesiastiche, & a i loro beni, e delle Chiese, de' Monasteri, e d' altri beneficii ecclesiastici, & a' loro frutti, entrate, e proventi, senza simile speciale, & espressa licenza del Romano Pontefice, impongono, & con diuersi etiam esquisiti modi riscuotono, o cosi imposti, da quelli ancora, che spontaneamente danno, & concedono, li riceuono. E similmente quelli, che per se, o per altri, diretta o indirettamente, ardiscono le predette cose fare, eseguire, o procurare, o vero in esse dar aiuto, consiglio, favore, di qualunque preeminenza, dignità, ordine, conditione, o stato siano, ancorche d' Imperiale, o Regale dignità risplendano, o siano



ò siano Prencipi, Duchì, Conti, Baroni, & altri qual si voglia Potentati di qualunque sorte, che etiam a' Regni, Provincie, Città, & Terre in qual si voglia modo presedano, & ancora Consiglieri, e Senatori, e di qual si voglia dignità, ancorche Pontificale, siano ornati. Rinouando sopra queste cose i decreti per li sacri Canoni, tanto nel Concilio Lateranense ultimamente celebrato, quanto in altri Concilii generali fatti, con le censure, e pene, in esse contenute.

19. Ancora escommunicamo, & anathematizamo tutti, e qualunque Magistrato, Giudici, Notari, Scrittori, Esecutori, e Sottoesecutori, & altri, che in qual si voglia modo si intromettono in cause capitali, ò criminali, contro persone ecclesiastiche, con processarle, bandirle, pigliarle, ò dare, ò vero essequire sentenze contro di loro senza speciale, specifica, & espressa licenza di questa Santa Sede Apostolica; e quelli, li quali estendono questa licenza à persone, e casi non espressi, ò per altro malamente l'abusano, ancorche quelli, che simil cose commetteffero, fussero Consiglieri, Senatori, Presidenti, Cancellieri, Vicecancellieri, ò di qualunque altro nome.

20. Ancora escommunicamo, & anathematizamo tutti quelli, che per se, ò per mezzo d' altri, per via diretta, ò indiretta, sotto qualunque titolo, ò colore presumessero assalire, distruggere, occupare, detenere in tutto, ò in parte, l' alma Città di Roma, il Regno di Sicilia, l' Isole di Sardegna, e di Corsica, Terre di quà dal Faro, il Patrimonio di San Pietro in Toscana, Ducato di Spoleto, il Contado Venaysino, di Sabina, della Marca Anconitana, della Massa Trebaria, della Romagna, Campagna, e le Prouincie marittime, e le loro terre, e luoghi, e le terre della commissione speciale degli Arnulfi, & le nostre Città di Bologna, Cesena, Rimini, Benevento, Perugia, Auignone, Città di Castello, Todi, Ferrara, Comachio, & altre città, terre, e luoghi, ò ragioni ad essa Romana Chiesa spettanti, e soggette mediatamente, ò imme-

Nnn

diata-



diatamente, & chi presume in esse di fatto la suprema giurisdittione, la quale à Noi, & alla Romana Chiesa compete, usurpare, turbare, ritenere, & in varii modi vessare, e similmente gl' aderenti, fautori, e difensori di quelli, ouero che à quelli in qual si voglia modo presta aiuto, consiglio, ò favore.

21. Volendo, che li presenti nostri processi, e tutte le cose contenute in esse lettere, durino, & habbiano il suo effetto sin tanto, che dà Noi, ò dal Pontefice Romano, che sarà, siano fatti, e publicati altri simili processi.

22. E di più vogliamo, che dalle sudette sentenze nessuno, dà altri, che dal Romano Pontefice, possa essere assoluto, eccetto, che in articolo di morte, nel qual caso nè anco si possa assolvere, se non data cautione di obedire alli comandamenti della Chiesa, e sodisfare, non ammettendo pretesto alcuno di qual si voglia facoltà, & indulti, à ciascune persone ecclesiastiche, e secolari, e regolari, di qual si voglia ordine, ancorche Mendicante, e di militia, & in Episcopale, ò in altra maggior dignità costituite, & alli loro Ordini, Monasterii, Conuenti, Case, Capitoli, Collegii, Confraternità, Congregationi, Hospedali, e luoghi pii; & à i laici, ancorche d' Imperiale, Regale, & altra mondana Eccellenza risplendenti, dà Noi, ò dalla detta Sede Apostolica, ò per decreto di qual si voglia Concilio, in parole, lettere, ò qualunque altra scrittura in genere, & in specie concessi, & innouati, ò concederanno, & innoueranno.

23. E se per auuentura alcuni, contra il tenore delle presenti lettere, à questi tali, illaqueati di scomunica, e di anathema, ò ad alcuno di essi, ardiranno di dare di fatto l'assoluzione, li legbiamo di scomunica: l'assoluzione della quale riseruiamo à Noi, & a' Romani Pontefici Successori nostri solamente, douendo procedere à più graui pene spirituali, e temporali contro di essi, secondo che giudicaremo espediente.

24. Dichia-



24. Dichiarando, e protestando, che qualunque assoluzione dà farsi, anche solennemente per Noi, non giouerà altrimenti agli scomunicati compresi in queste lettere, nè li comprenderà, se essi prima delle cose sopradette non desisteranno, con fermo proposito, di non incorrerui più. E quanto à quelli, che haueranno fatti statuti contro la libertà ecclesiastica, (come si è detto) non saranno compresi, se non riuocheranno pubblicamente li statuti, ordinationi, constitutioni, prammatiche, e decreti simili, e dagli Archiuii, ò luoghi capitolari, ò dalli libri, oue sono annotati, li faranno leuare, e ne daranno conto à Noi, di esse reuocationi, e cassationi. E di più, che per tal' assoluzione, e per ogni altro atto contrario, così tacito, come espresso, anco per pazienza, e tolleranza nostra, e de' nostri Successori, quanto si voglia tempo continuata, non si possa, nè si debba, nelle predette cose tutte, e ciascuna, e nelle ragioni della Sede Apostolica, e della Santa Chiesa Romana, in qualsivoglia modo, e per qual si voglia causa acquistate, ò da acquistarsi, generare alcun pregiudizio,

25. Non ostante qualunque privilegio, indulgenza, e lettere Apostoliche generali, ò speciali, concesse alli sopradetti, ouero ad alcuno, ò ad alcuni di essi, e qualunque altro di qual si voglia ordine, stato, conditione, e dignità, ò preeminenza si siano, ancorche (come si è detto di sopra) risplendano di Pontificale, Imperiale, Regale, ò di qual si voglia altra ecclesiastica, ò mondana dignità, ouero siano concessi alli loro Regni, Province, Città, ò luoghi della predetta Sede per qualsivoglia causa, ancorche per via di contratto, ò di remunerazione, e sotto qualsivoglia altra forma, e tenore, con qualunque clausule, ancorche derogatorie alle deroganti, e con espressione di non potere essere scomunicati, anathematizzati. Et interdetti per lettere Apostoliche, che non facessero piena, Et espressa mentione, e di parola in parola, dell' indulto à loro fatto, e degli ordini, luoghi, nomi proprii, cognomi, e dignità

Nn nn 2

loro.



loro. E similmente non ostanti consuetudini, etiam immemorabili, e prescittioni, quantunque lungbissime, e qualunque, altre offeruanze, scritte, ò non scritte, per le quali contra questi nostri procesi, e sentenze, si proteessero aiutare, e difendere, che non fossero inclusi, e compresi in quelli, le quali cose quanto à questo effetto hauendo i tenori di tutte le cose predette per espressi, come se parola per parola, senza alcune omissione, fossero inserti nelle presenti, in tutto annulliamo, e reuochiamo, non ostanti, qual si siano, altri contrarij.

26. E accioche questi tali nostri procesi vengano più facilmente à publica notitia di tutti, faremo appendere le carte, ò membrane, che contengono li medesimi procesi, nelle porte della Chiesa di S. Giouanni in Laterano, e della Basilica del Prencipe degli Apostoli di Roma, accioche quelli, alli quali toccano, non possano pretendere alcuna scusa, ò allegare ignoranza, che alle loro orecchie non siauo peruenute, ò che non l'abbino sapute, non essendo verisimile, che rimanga incognito quello, che così manifestamente à tutti si publica.

27. In oltre, accioche questi procesi, e lettere presenti, e tutte, e ciascune cose in esse contenute, tanto più siano note, quanto in più città, e luoghi saranno publicate, commettiamo, per queste nostre scritture, & in virtù di santa obbedienza, strettamente comandiamo à tutti, e ciascuno Patriarchi, Primati, Arciuescoui, Vescoui, Ordinarii de' luoghi, e Prelati, in qualsivoglia luogo siano, che essi, ò vero altri, ò altri in loro nome, poiche haueranno hauute le presenti lettere, ò di esse notitia, almeno una volta l'anno, e, se giudicheranno esser' expediente, più volte nelle lor Chiese, mentre che in esse è maggior moltitudine di popolo radunato alli officii diuini, solennemente le publicino, e riducino à memoria de' fedeli, annuncino, e dicbiarino.

28. Nel



28. Nel resto, tutti, e ciascuno Patriarchi, Arciuescovi, Vescovi, & altri Ordinarii de' luoghi, e Prelati di Chiese, Rettori, & altri, à chi spetta la cura dell' anime, e Preti secolari, e Regolari di qual si voglia ordine, deputati ad udire le confessioni de' peccati per qualsivoglia autorità, habbino appresso di se un' esemplare di queste nostre lettere, e quelle procurino diligentemente leggere, & intendere.

29. Volendo, che alli transunti delle medesime presenti nostre, ancora impressi, e sottoscritti di mano di Notaro pubblico, e col sigillo di alcun Giudice ordinario della Corte Romana, ò di altra persona in dignità ecclesiastica costituita sigillate, si debba dare in giudicio, e fuori di esso, totalmente quella medesima fede, che ad esse presenti si darebbe, se fossero presentate, e mostrate.

30. A nessuno dunque sia lecito rompere questa carta della nostra scomunica, anathematizatione, interdetto, innouatione, innodatione, dichiarazione, protestatione, sublatione, reuocatione, commissione, mandato, e volontà, ouero ad essa con temerario ardire contrauenire. E se alcuno questo ardirà di tentare, sappia di douer incorrere l' ira di Dio, e de' beati Pietro, e Paolo, suoi Apostoli. Dat. in Roma à S. Pietro, l' Anno dell' Incarnatione del Signore mille seicento settanta cinque, gli 11. Aprile, del Nostro Pontificato l' anno quinto.

G. Card. Prodat.

Vista de Curia S. de' Bilastri  
In loco † del piombo.

I. G. Slusio.

I. C. Gul. de Gentili.

Registrata in Secretaria de Brevi.

Nn nn 3

Ad



Ad pag. 596.

(n) *Nummo aureo & argenteo*) Ejus figuræ, quam æri incidi curavimus sub num. VII.

(o) *Porta sancta*) Hujus, apertæ tamen, faciem ostendit nummus alter, inter figuras locum tenens IIX. sive ultimum. *Sancta* dicitur a Salvatore nostro, cui Hierosolymis sæpius transitum præbuisse dicitur. Sunt quidem & alibi portæ sanctæ, nempe in templo D. Pauli, D. Joannis Lateranensis, & D. Mariæ majoris, sed in hoc est differentia, quod Paulina a Decano Cardinalium, Lateranensis & Mariana a templorum istorum Archipresbyteris, sola, autem Petrina sive Vaticana ab ipso Pontifice aperitur. Vbi hæ observantur ceremoniæ. Vigilia nativitatis Domini nostri, Pontifex, per aliquot conclavia quum pedibus incescit, portatur pro more a satellitibus suis, conspiciendus in sella ordinaria. Processio fit cum toto Clero. Principales albo amictu incedunt, cereum candidum ardentem portantes, qualem & ipse Papa gerit, in dextra habens annulum Piscatoris. Vbi ad portam appropinquat, resumpto prius quietis interstitio, in genua procumbit, præsentem Confessionario suo, preces aliquas fundens. Tum resurgit, capitque malleum aureum, & eo portam ter percutit, intra templum dispositis, qui ad portam diruendam atque in terram dejiciendam parata habent instrumenta. Ad primum ictum altius Papa ita loquitur: *Aperite mihi portam justitiæ*. Respondet Capella: *Ingressus eam, confitebor Domino*. Ad alterum sonum: *Introibo domum tuam, Domine*, recinit musica: *Adorabo ad templum sanctum tuum in timore tuo*. Peracto tertio & ultimo pulsu, ita finit, Papa: *Aperite portas, quoniam nobiscum est Deus*. Cum responderunt modulantes: *Qui fecit virtutem Israël*, ruit porta, minutim confracta. Tum, tradito malleo aureo alicui



alicui e suis, Pontifex operto capite templum ingreditur. interque eundum recitat illa verba: *Domine exaudi orationem meam. Hæc est dies lætitiæ, quam nobis fecit Dominus. Jubilemus & exulemus in illa.* Quod dum fit, omnes reliquæ templi portæ clausæ sunt, populusque catervatim involat in lapides, ut ex his in memoriam anni aliquos tollere, & sacræ sequentis ævi recordationi relinquere possit. Interim vexilla in apice muri castelli S. Angeli volitant, tormentaque exploduntur bellica. Spreng. in Roma Nova p. 124. 125.

(p) *Ecclesiæ veteris Doctorum*) Quorum quidem statuta non est ea, quam habuerunt, sed longe major & colossæa.

(q) *Septem templorum*) Sunt illa S. Petri, S. Pauli, S. Mariæ majoris, S. Joannis Lateranensis, S. Crucis in Jerusalem, S. Laurentii extra urbis mœnia, & S. Sebastiani. Pro quo ultimo, quia nimis est remotum, nec facile ab omnibus uno die adiri potest, a nonnullis, indultu atque privilegio Pontificis, visitatur ecclesia S. Mariæ populi.

(r) *Processiones solennes*) Multæ quidem earum fiunt singulis annis, plurimæ autem & maxime conspicuæ anno jubilæo. Nam ipsi non solum Prælati & aliæ personæ illustres, sed Cardinales etiam, mandato quidem atque auctoritate Papæ, peregrinis recipiendis obviam eunt, baculo & habitu peregrinantium sumto, eosque solenniter in urbem, ac porro in aliquod xenodochium comitantur. Idem cum Principibus viris, vili sacco amicti, nocturnis hebdomadæ sanctæ processionibus adsunt, easque a cereorum, ardentium copia, & ingente cum aliorum, tum crystallinorum candelabrorum machina pompaque satis jam illustres, redunt illustriores.

(s) *Sca-*



(s) *Scalam sanctam*) Quæ marmorea est, & duorum de triginta graduum, ducens in sacellum D. Laurentii, inter appendices basilicæ Lateranensis numerandum, & a sanctis reliquiis, quas continet, inprimis autem ab effigie, quam a D. Luca delineatam, ab Angelo autem perfectam credunt, *Sancta Sanctorum* appellatum. Scala illa Hierosolymis ad ædes Pilati fuisse, & Christus per eam tractus, eandemque sanguine e vulneribus rorante imbuisse dicitur. Cernere sane adhuc guttas aliquot licet sub crate ferrea. Itaque pedibus calcare locum, nefas. Genibus nixi, reptant per gradus, concessasque a Pontificibus indulgentias merent. Pflaum. Mercur. Ital. p. 236.

(t) *Ædicula Lauretana*) Asservari in ea creditur & monstratur fere quotidie patina, e qua cibum sumserit, Maria virgo, & *vestis*, qua illa usa fuerit, *panniculus* rubeus, ejusque & materiæ & texturæ, quam Itali *ciambelotto*, Latini *capripilium* aut *telam undulatam* nominant.

Ad pag. 598.

(u) *Congregatione*) Depicta illa est in grandi tabula, quæ in choro templi cathedralis suspensa.

(x) *Lapis loquitur quadratus*) Exiguus is est, soleam pedis humani vix superans, operis tessellati, & varii coloris. Ibi ajunt Alexandrum III. Friderici Imperatoris cervicem pede compressisse. Quam historiam, ceu veram, prolixè defendit Wagenfeil. disput. de Imperatorib. qui post Francicos &c. p. 17. At negat Baron. ad A. 1178. Georg Remus in orat. Rupert. in Hist. Befoldic. 18. p. 663. & Conring. de Fin. Imperii German. l. 1. c. 11. §. 4.

(y) *Papa Alexander III.*) Cujus in medio basilicæ Lateranensis erectum monumentum, sequentem præ se fert inscriptionem:

*Alexan-*



Alexandro III. Pont. max.  
Nobili Pandinella gente Senis nato  
Qui difficillimis temporibus eximia pietate  
Summa prudentia ac doctrina  
Ecclesie præfuit annis XXII.  
Invicta fortitudine atque constantia Apostolicæ  
Sedis jura  
Auctoritatem dignitatemque restituit & post  
immos labores  
Ac solitudines pace parta  
Oecumenicum Lateranense Concilium  
celebravit  
Sanctissimas de eligendo summo Pontifice  
Deque vi & ambitu coercendo leges tulit  
Thomam Cantuariensem Antistitem  
Bernardum Clarevallis Abbatem  
Quos viventes amicissimos habuit  
Eduardum Angliæ Canutum Danicæ Reges  
Sanctorum numero adscripsit  
Plurimisque aliis maximis rebus gestis vitæ demum &  
gloriæ cursum confecit  
Anno sal. MCLXXXI. Cal. Sept.  
Alexander VII. Pont. Max. nominis &  
muneris  
In Ecclesia successor  
Pontifici tanto civi suo  
Pios cineres veneratus posuit.  
Oo oo (z) Denuo



(z) *Denuo depicta*) A Zuccaro, prout ipsius artificis verba subiecta indicant:

*FEDERICVS ZVCCARVS  
F. AN. SALV. cIo. Io. LXXXII.  
PERFECIT AN. cIo. Io. III.*

Vetus autem inscriptio, quæ simili picturæ addita erat, atq; incendium Palatii Ducalis evasit, sic habet:

*Anno Dominicæ Incarnationis  
MCCXXVIII. Jacobo Theupolo ducante ceptum  
fuit historiam  
Alexandri terzi hac in nostra aula ære  
publico depingi.*

Ad pag. 599.

(aa) *Ex inscriptione*) Quæ ita habet:

*Anno reparatæ salutis CCCLIX.  
Libero Pontif. Max. Constantio Imp.  
Cum hereticorum fraudibus ingemiscens orbis  
terrarum  
Se Arrianum esse miratus est  
Ex quadringentis Episcopis ad Synodum Ariminensem  
convocatis  
Perpauci Orthodoxi in hunc locum ven-  
titantes  
Ut seorsim ab Arrianis sacra facerent  
Et catholica communione Catholicos im-  
pertirent*

*Occasio.*



Occasionem præbuerunt ut vicus ipse Catholica  
nuncuparetur

Cujus nominis rationem ac totius rei gestæ  
memoriam

Cæsar Cardinalis Baronius Annalibus Ecclesiasticis  
inseruit

Bernardinus Cardinalis Spada

Ad peregrinantium pietatem erudiendam

Amoremque suum erga patriam Provinciam  
testandum

Hoc posito marmore indicavit.

Anno Domini M DC XXXVII.

Ad pag. 600.

(bb) *Humilis originis suæ*) Ita existimat Casalius de  
Veter. Sac. Christian. Ritib. pag. 321.

Ad pag. 601.

(cc) *Legio fulminatrix*) Iconem ejus qui cernere  
cupit, adeat vel Baronii Annales, vel Casal. de Urbis ac Rom.  
olim Imp. Splend. p. 48. Vide etiam Justin. Mart. sub  
fin. apol. II. Tertull. Apol. c. 5. Euseb. l. 5. H. E. c. 5. & Dion.  
Cass. in Excerpt. Xiphil.

Ad pag. 602.

(dd) *Sandoz Hieronymo*) Ita enim ipse scribit Com-  
ment. in Ezech. c. 40. *Dum essem Romæ puer, & liberali-  
bus studiis erudirer, solebam cum cæteris ejusdem ætatis &  
propositi, diebus Dominicis sepulcra Apostolorum & Marty-  
rum circuire, crebroq; cryptas ingredi, quæ in terrarum pro-  
funda defossæ, ex utraq; parte ingredientium, per parietes  
habent corpora sepulcorum, & ita obscura sunt omnia, ut pro-*

Oooo 2

pemo-



pemodum illud propheticum (Psal. LIV.) compleatur: Descendunt ad infernum viventes, & raro desuper lumen admis-  
sum, horrorem temperet tenebrarum: ut non tam fenestra,  
quam foramen dimissi luminis putes: rursusque pedetentim  
acceditur, & cæca nocte circumdatis, illud Virgilianum  
proponitur: Horror ubique animos, simul ipsa silentia,  
terrent.

(ee) In & extra urbem) In urbe sub basilica D. Petri,  
extra urbem, ad S. Agnetis, Priscillæ, S. Pancratii, & S.  
Sebastiani.

(ff) *Amphitheatrum illud celebre*) Notandæ in eo sunt  
duæ inscriptiones a Clemente factæ, quarum una picturæ  
Martyrum, cum ramis palmarum, inter leones & tigres  
genibus innixorum, subjecta hæc est:

*Amphitheatrum Flavium*  
*Non tam operis mole & artificio*  
*ac veterum spectaculorum*  
*memoria*  
*Quam sacro innumerabilium Martyrum*  
*Cruore illustre*  
*Venerabundus hospes ingredi*  
*Et in augusto magnitudinis Romanæ mo-*  
*numento*  
*Execrata Caesarum sævitia*  
*Heroes fortitudinis christianæ suscipe*  
*& excora*  
*Anno Jubilæi MDCLXXV.*  
*Altera diverso latere posita, ita habet:*  
*Amphitheatrum hoc vulgo Colossæum*

*Ob Ne-*



*Ob Neronis colossus illi appositum  
Verius ob innumerabilium SS. Martyrum in eo  
cruciatorum memoriam  
Crucis trophæum  
Anno Jubilæi MDCLXXV.*

(gg) *Tam candelabri aurei, quàm tabularum Moſis*  
Candelabrum habet VII. ramos, tres ab unaquaque parte, & scapū in medio; & rami omnes ornati sunt scyphis, globulis, & flosculis. Singuli rami habent tres scyphos, præter illum, qui est in media parte scapi, qui conjunctim efficiunt XXII. singuli suum globulum, præter illum, qui est in media scapi parte, & tres alios, ubi rami protenduntur, conjunctim XI. & singuli suum flosculum, qui una cum flore, qui in medio scapo, & altero, qui infra ad pedem candelabri est, IX. sunt. Cæterum in floribus ipsis lucernæ ardebant. Plane ut figuram ejus repræsentat Rob. Stephanus in Biblis Latinis ad Exodi caput XXV. p. 75. R. Jehuda Leo in Templo Hierosolymit. p. 168. & R. Moses, filius R. Gersom Chapetz, in libro Initiationis Templi, tab. VII. fig. 3. Tabulæ autem Legis, quadratæ sunt longitudinis.

(hb) *Apostolorum carcer*) Cujus portæ superinscriptum:

*Nell' Anno del Signore LXIX. del Pontificato di Pietro XXV. e dell' Imperio di Nerone XIII. Questa è la prigione tanto celebre dove i SS. Apostoli Pietro e Paolo furono tenuti IX. mesi fino al giorno del loro martirio.*

Hoc est:

*Anno Domini LXIX. Pontificatus Petri XXV. &  
Oo oo 3 Nero.*



*Imperii Neronis XIII. Hic est carcer ille adeo celebris, ubi SS. Apostoli Petrus & Paulus custoditi fuerunt IX. menses usque in diem ipsorum martyrii.*

*Et paullo superius literis majusculis hæc leguntur, verba:*

**C. Vibius C. F. Rufinus M. Coccejus**

**M. F. Nerva Cos. ex S. C.**

*Juvat huc etiam referre inscriptionem, quæ legitur in porticu templi S. Mariæ in via lata :*

*Alexandro VII. Pont. Max.*

*Locus antiqua veneratione sacer &  
nobilis*

*In quo S. Apostolum Paulum di moratum non semel  
una cum ipso Ecclesiæ capite*

*S. Petro*

*De rebus christianæ fidei deliberasse ubi S. Lucam Evan-  
gelistam & scripisse & Deiparæ virginis imagines depin-  
xisse jam inde a primis temporibus traditum  
congestu terræ olim depressus atque  
inaccessus*

*Facili scalarum descensu*

*Immissoque fenestris lumine*

*Pervius factus*

*Purgatus exornatusque*

*Pio fidelium cultui restitutus est*

*Anno Sal. MDCLXII.*

(ii) *Ad*



(ii) *In Janiculo, aut in eo Vaticani loco*) Consule de hoc *Paulum Aringum* in Roma Subterranean.

(kk) *Ad aquas Salvias*) Ai *Trè fonti*, ut hodie loquuntur, id est, Ad tres fontes : qui quidem, ut vulgo credunt, quum abscissum a cervice caput S. Apostoli ter humum gulfasset, simul erupere. Idque etiam titulus, frontispicio templi ibi conditi impositus, indicat : *S. Pauli Apostoli martyrii locus ubi tres fontes mirabiliter eruperunt. Petrus Diac. Card. Aldobrandinus S. R. E. Camerarius A. D. MDIC.* Baronius in Annal. Eccl. ad A. C. 69. n. 13. hæc annotat : *Primus eorum dulcior, lactis saporem aliqua ex parte reddit ; cæteri quamvis haut longe a primo distent, paullo diversum gustui saporem afferunt. Cujus rei ea ratio solet afferri, quod ipso primo fluxu lac venæ dederunt, ac deinde sanguinem.* Judicium autem hujus rei esto penes gustantem. In eod. fano extat etiam columna marmorea, cui feriendum caput D. Apostolus imposuisse narratur. Et hæc in ea legitur epigraphe :

*Columna  
Supra quam decapitatus  
S. Paulus Apostolus.*

(ll) *Petræ Cajetanæ*) Ex urbe Cajeta in arcem ascendentibus, & inde ulterius progressis, occurrit primo templum S. Trinitatis, mox capella aliqua, cujus paries spectatoribus, antequam ad petram admittat, hanc dat parænesin :

*Rumpe cor, o mortalis homo, velut ardua rupes :  
In ara crucis compatiare Deo.*

*O hominum durum genus ! ardua saxa debiscunt :  
Saxea corda hominum flant, moriente Deo.*

*Vna*



*Vna fuit quondam hæc rupes, nunc diffida; montes  
Exitium Domini cum gemuere sui.*

*Durior es saxis, ferior feritate ferarum,  
Sin lacrymis cernas hoc pietatis opus.*

Ex capella ista egressos excipit maximæ altitudinis, sed disrupta, atque adeo horrida & formidabilis aspectu petra, perque fauces ejus in scala lapidea nigra descenditur in alteram capellam, immani saxo illi impositam, quod revulsum a summo fastigio quum rueret præceps, impactum hiantibus rupibus, ac retentum inter inæquabiliter eminentes scopulos fuit; ubi etiam hodie suspensum hæret, minaturque identidem ruinam, nec ruit. Atque ut loco major religio concilietur, vestigium manus in petra illa monstratur, incredulitatis signum: Ajunt enim, non fuisse neminem, qui adduci non potuerit, ut crederet, petram Christo patiente dissiluisse, quin manu admota atque infixæ dixisse: *Tam hoc verum est, quam, figuram manus meæ in caute remansuram.* At dictum, factum: nam lapidem durissimum, instar ceræ colliquescentem, vestigium manus impressæ ita, ut hodie conspicitur, retinuisse. Quare & distichon hoc ei adscribere haut sunt veriti:

*Improba mens verum renuit, quod fama fatetur,  
Credere: at hoc digitis saxa liquata probant.*

Ad pag. 603.

(mm) *Baccho*) Hodie templum hoc S. Constantiæ, quæ sub altari majore sepulta, consecratum est. Habet formam rotundam, æque ut Pantheon, 24. columnas, quæ horas diei, 12. fornices, qui menses, & 4. portas, quæ anni partes denotabant. Lacunar musivo opere vindemiam veterum, quasi in tabula, exhibet. Extant ibi etiam duo candelabra marmorea levis sculpturæ, & virum altitudine



dine æquantia, idololatriæ paganæ haud contemnenda,  
monumenta. Et extra templum rudera Theatri Bacchi,  
in quo Bacchanalia celebrata.

(nn) *Panttheon*) Quid de eo notandum sit, duæ illæ  
inscriptiones docent, quæ in vestibulo templi hodie  
leguntur:

*Urbanus VIII. Pont. Max.*

*Vetustas ahenei lacunaris*

*Reliquias*

*In Vaticanas columnas &*

*Bellica tormenta conflavit*

*Vt decora inutilia*

*Et ipsi prope famæ ignota*

*Fierent*

*In Vaticano templo*

*Apostolici sepulchri ornamenta*

*In Hadriana arce*

*Instrumenta publicæ securitatis.*

*Anno Domini MDCXXXII.*

At vero tantum abfuit, ut hoc factum omnes approbâ-  
rint, ut potius Pasquinus Urbanum, nescio an satis ur-  
bane, correxerit, & sale isto, jam omnibus notissimo,  
perfricuerit:

*Quod Barbari non fecerunt,*

*Fecerunt Barberini.*

Altera inscriptio ita habet:

*Panttheon*

*Pp pp*

*Ædi-*



*Edificium toto terrarum orbe  
Celeberrimum*

*Ab Agrippa Augusti genero  
Impie Iovi ceterisque mendacibus Diis  
A Bonifacio III. Pontifice  
Deipara & SS. Christi Martyribus pie  
dicatum.*

*Urbanus VIII. Pont. Max.  
Binis ad campani aeris usum  
Turribus exornavit*

*Et nova contignatione munivit.  
Anno Domini MDCXXXII. Pontif. IX.*

(oo) *Rubiconem*) Duplex ibi inscriptio, vetus & nova.  
Vetus his concepta est verbis:

*Iussu mandatuve P. R. Cos. Imp. Trib. Mil. Tiron. Commiliton,  
Armatae quisquis es manipulariave Centurio Turmeve  
Legionariae hic sistito vexillum finito arma deponito  
Nec citra hunc amnem Rubiconem signa ductum  
Exercitum commeatumve traducito. Si quis ergo hujusce  
Iussionis adversus praecepta ierit feceritve adjudicatus  
Esto hostis P. R. ac si contra patriam arma tulerit  
Penatesque e sacris penetralibus asportaverit. S. P. Q. R.  
Sanctio plebisciti S. Ve C. Ultra hos fines arma ac  
Signa proferre liceat nemini.*

Nova hæc est:

*Rubiconem ponti subiectum transis Viator  
Romano interdicto Caesaris ausu*

*Et ada.*



*Et adagio Jactæ alæ celebratum  
 Flumini huic stabilem imponere trajectum  
 Ethnica diu vetuit pavida superstitio  
 Catholica nunc suasit secunda Religio  
 Innocent. X. Summo Pont.  
 Card. Donghio Legato  
 Anno MDCLIV.*

(pp) *Lapis*) In cujus antica parte scriptum exstat:

*Cæsar  
 Dict.  
 Rubicone  
 Superato  
 Civili bello  
 Commilit.  
 Suos hic  
 In foro Ar.  
 Adlocut.*

In postica:

*Suggestum  
 Hunc  
 Vetustate  
 Collapsum  
 Coss. Ariminens.  
 Novemb.  
 Et Decemb.  
 cIo Io IV.  
 Restit.*

(qq) *Subscriptus titulus*) Italicis quidem verbis:

*Pp pp 2*

*Questo*



Questo è il Talento, che Cesare Imperadore diede à Pisa, col quale si misurava lo censo, cho à lui era dato. Quæ Latine versa ita sonant: Hoc est Talentum, quod Cesar Imperator dedit Pisis, quo mensurabatur census, qui ei erat datus.

(rr) *Patavinum prætorium*) Quo nullum in orbe dicitur esse pulchrius, plumbo tectum, nullis columnis tignisve suffultum, latum pedes LXXXVI. longum CCLVI.

(ss) *Cineres Livii*) Loculus parieti, qui occidentem spectat, inclusus, marmorea Historici imagine, & his verbis conspicuus est:

Ve  
T. Livius  
Livie T. F.  
Quarta El  
Halys  
Concordialis  
Patavi  
Sibi & suis  
Omnibus.

Sed hanc inscriptionem non concernere celebrem illum inter Latinos historicum, ostendit Sertor. Vrsatus in Marmor. erudit. p. 142. Conf. Acta Erudit. A. 1684. p. 574. Qua de re etiam aliquando ad me scripsit eruditissimus Magliabechius.

(tt) *Lapidem cessionis bonorum*) Habet ille formam in-  
eudis, & hanc pariter inscriptionem:

*Lapis vituperii & cess. bonorum.*

(uu) *Rostro*) Ne meo iudicio id unicum, quod hodie  
repe-



reperiatur, dixisse videar, haud gravabor epigraphen hic apponere, qua id decoratur:

*Vetustioris hoc ævi Romani rostrum  
in expurgando portu Anno 1597.*

*Erutum*

*Vnicum buc usque visum  
Eximie in re nautica gloriæ  
Dicavere Conciues.*

Ad pag. 604.

(xx) *Vulgo ajunt*) Hanc famam secutus etiam P. Bembus, Cardinalis, & Patricius Venetus, Musarumque ocellus, l. VII. Histor. Ven. p. 155. edit. Paris. quæ prodiit Anno 1551. sic scribit: *Etiam Norimbergenses, ampla & florens atque inprimis libera sui que juris in Germania civitas, misis ad urbem Legatis, exemplum Venetarum legum à Patribus petierunt: velleg, sese eis uti legibus ostenderunt. Quod quidem illis Senatus frequens concessit.* Et in eundem lapidem, quamvis errorem de universarum petitione legum, evitaret, impegit Scipio Gentilis, in laudatione funebri Hier. Paumgartneri p. 13. *Quid Senatus Norimbergensis? Eadem mente ipse quoque per Legatos publice missos, Legum descriptionem, ante complures annos, a magno illo & sapientissimo Senatu Veneto petiivit, atque in suam Remp. recepit, tametsi non omnes Leges, ut infinite P. Bembus scribit, non sine laudibus hujus civitatis, sed eas fere, quæ ad tutelas pertinent, ut ego accepi, descripserunt, iisque semper deinceps usi fuerunt, Tutelari etiam electo constitutoque Collegio. Epistolam, qua petiit Senatus Noribergensis a Veneto Leges tutelares, concepit doctissimus Wilib. Pirckheimerus A. 1506. mense Majo, ejusdemque anni mense Novembri pro iisdem impetratis, itidem per literas, gratiæ fuerunt actæ.*

Pp pp 3

At



At unde hoc, quod interim vulgo perhibetur, Conradum Imhofium leges petendi causa missum fuisse? Non aliunde, ut videtur, quam quod is illo tempore princeps & caput esset Magistratus Tutelaris. Responsum vero Serenissimi Venetorum Ducis, cujus ἀποκρίσις, una cum ipsis Legibus tutelaribus, uno volumine compactum, Noribergæ in exedra tutelari asservatur, primus in publicum produxit eruditorum Patriciorum Noribergensium decus eximium, Hieron. Guil. Ebnerus ab Eschenbach, in Thefib. Miscellan. sub Wagenseilio ventilatis A. 1694. unde id mutuo sumimus: *Leonardus Lauredanus DEI gratia, Dux Venetiarum & cæt. Magnificis & Spectabilibus viris, Magistratui Senatuque Civitatis Norimbergensis, Amicis carissimis, salutem & sinceræ dilectionis affectum. Superioribus diebus accepimus litteras vestras, quibus pro jure veteris amicitiae nostræ requiritis habere Leges Statutaque nostra in causis tam Pupillorum, quam Tutorum, ut Civibus ac subditis vestris consulatis. Fuimus equidem omni tempore studiosi M.<sup>ris</sup> vestris gratificari, & hujusmet animi ac dispositionis sumus in præsentia. Sed in hac petitione vestra eo promptiores, quo eam de statu nostro opinionem in Vobis esse conspiciamus, ut & de Nobis sentiatis honorifice, & in administratione Reipublicæ vestræ, Legibus & Ordinibus nostris conformari cupiatis. Itaque libentissime M.<sup>ris</sup> vestris morem gerere volentes, jussimus Decreta nostra super ejusmodi materia, in unum redigi, quo fieri potuit compendiosius & lucidius. Itaque mittimus M.<sup>ris</sup> vestris, quæ animum non minus nostrum, quam munus metiantur. Verum hoc Vobis dixerimus, non posse regulis generalibus cuncta complecti. Sunt enim plures casus, quam Leges, estq; justior Judex, quam justa Lex. Necesse igitur est, ut juxta novorum Casuum indies emergentium qualitates, malitiis hominum occurratur, & novis remediis prospiciatur pauperum ac pupillorum indemnitati;*  
quod



quod facile nimirum est factu, si, in contentis Legibus, imprimis præ oculis habuerimus Optimum Deum nostrum, & illius infallibilis omnium Judicis timorem & justitiam omnibus affectibus nostris preposuerimus. Quod autem reliquum est, si quid a Nobis fieri potest *M.<sup>ris</sup>* vestris aut Concivibus commodum aut gratum, non patiemur in aliquo officium nostrum desiderari. Data in Nostro Ducali Palatio die VIII. Novembris, Inditione decima, Anno millesimo quingentesimo sexto.

Caspar à Vidua  
Secretarius.

(yy) Qui de publicis Venetorum picturis) Est is *Marcus Boschinus*, qui libro suo hunc fecit titulum: *Le Ricche Minere della Pittura Veneziana*. Agens ille nel Sestier di S. Marco, id est, in regione S. Marci, de picturis Palatii Ducalis, & pag. quidem IX. de picturis aulae quatuor portarum, sic scribit: Continuamo à godere delle pitture di questa maestosa sala, e passiamo le finestre, che guardano sopra il cortile, che troueremo il Serenissimo nel Collegio, che dà l'audienza ad alcuni Ambasciatori dello Stato: & è rappresentato da Carletto Calliari, figlio del gran Paolo Veronese. i. e. Fruamur ulterius picturis regiae hujus aulae, & transeamus fenestras, quæ prospiciunt in atrium. ibi reperiemus Serenissimum (Ducem) in Collegio, audientiam facientem nonnullis Legatis Status: idque pictum est à Carletto Calliari, filio magni illius Pauli Veronensis.

Ad pag. 605.

(zz) Nisi ipse autores) Qui sunt *Zeillerus* in Itinerario, *Pflaumern* in Mercurio Italico, & inprimis *Ferr. Lofredus* in libello Italico Neapoli excuso, cui titulus: *Le Antichità di Pozzuolo e luoghi con vicini*. Subjunctus autem



tem ille est *Sebastiani Bartoli* tractatui itidem Italico, qui agit de Thermis Puteolanis, atque hunc habet titulum: *Breve Ragguaglio de' Bagni di Pozzuolo dispersi.*

Ad pag. 607.

(1) *Lapis fugere nos jubet*) Hanc enim præ se fert inscriptionem :

*Posterī posterī*  
*Vestra res agitur*  
*Dies facem præfert diei nudius perendino*  
*Advortite*  
*Vicies ab statu solis nū fabulatur historia*  
*arsit Vesævus*  
*Immani semper clade hæsitantium*  
*Ne posthac incertos occupet moneo*  
*Vterum gerit mons hic*  
*Bitumine alumine ferro sulphure auro argento*  
*Nitro aquarum fontibus gravem*  
*Serius ocyus ignescet pelagoque influente pariet*  
*Sed ante parturit*  
*Concutitur concutitque solum*  
*Fumigat coruscat flammigerat*  
*Quatit aerem*  
*Horrendum immugit boat tonat arcet finibus accolæ*  
*Emicat dum licet*  
*Jam jam enititur erumpit mixtum igne lacum evomit*  
*Præcipiti ruit ille lapsu seramque fugam prævertit*  
*Si corripit actum est periisti.*  
*Anno Sal. 1631. 16. Cal. Jan.*

*Philippo*



Philippo IV. Rege

Emanuele Fonseca &amp; Zunica Comite Montis Regii

Prorege

Repetita superiorum temporum calamitate subsidisque calamitatis

Humanius quo munificentius

Formidatus servavit, spretus oppresit incautos &amp; avidos

Quibus Lar &amp; supellex vita potior

Tum tu si sapias audi clamantem lapidem

Sperne Larem sperne sarcinulas mora nulla fuge

Antonio Suares Mess. Marchione Vicepraefecto viarum.

(2) *Thermae Bajenses*) Eas a barbaris vastatas restituit (ut refert Ferr. Loffredus, auctor delle Antichità di Pozzuolo p. 37. & 38.) Henricus VI. Imperator Roman. & Rex Neapolitanus, circa annum Christi 1194. & ne unquam memoria earum deleteretur, autor fuit celeberrimum Poëtae Siculo, *Alcadino*, ut cujusque nomen, & etymologiam atque efficaciam sive virtutem versu complecteretur. Quod ille etiam laudabiliter praestitit; sicut libellus ipse testatur, cujus initium hoc est:

Inter opes operum, DEVS est laudandus in illis,

In quibus humanae deficit artis opus.

Res satis est dictu mirabilis, horrida visu:

A Phlegetonteo provenit amne salus.

Nam quae defunctos aqua fervens urit in imis,

Haec eadem nobis missa ministrat opem.

Caetera cum fictis curentur regna syrupis,

Balnea, quae curent, Terra Laboris habet.

Qq qq

Vos



*Vos igitur, quibus est nullius gutta metalli,  
Quærite, quæ gratis auxiliæntur, aquæ.  
Quarum virtutes, & nomina, maxime Cæsar,  
Præsens pro mira laude libellus habet.*

Notandum vero, quod Jul. Cæs. Capacius verum horum & reliquorum, quibus Thermarum Bajensium virtus celebratur, non Alcadinum, sed scriptorem Ebolitanum, viventem tempore Frideric. Imp. (primine, an secundi, non liquet) auctorem esse profiteatur p. 327. della Vera Antichità di Pozzuolo, i. e. de Vera Antiquit. Puteolorum. Cæterum de Balneis Puteolanis legi meretur Joh. Franciscus Lombardus p. 790. Italia Illustrata.

Ad pag. 608.

(3) *Inscriptiones*) Forte illæ non aliæ fuerunt, quam versus sive Alcadini, sive Poëtæ Ebolitani; nullum enim est dubium, Bajanæ thermas initio non tam fuisse destinatas bono publico, quam delicias præbuisse Principibus, Nobilibusque Romanis. Nec ullum proferri potest documentum a temporibus monarchiæ Romanæ usque ad Henricum VI. thermas illas inscriptionibus fuisse ornatas. Certe invidia Medicos Salernitanos non prius occupaverit, quam Poëta ipsarum virtutes decantasset & propalasset.

(4) *Tres*) Nomina eorum sunt hæc: *Antonius Sulimela, Philippus Capogrossus, & Hector de Prochyta.*

(5) *Eosque vivos absorpsit*) Inter insulam Capreas & Promontorium Minervæ. Loffr. Antich. di Pozz. p. 39.

Ad pag. 610.

(6) *Adeo perfectis Oratoribus*) Nemo existimet, me in laudando modum excessisse: immo vero ingenue fateor, audisse me aliquot, quorum excellentiam admirari quidem possum, condigno autem encomio celebrare non possum.



possum. Neque ægre ferent, credo, concionatores illi inter Christianos eximii, si ipsis annumeremus aliquot etiam Judæos. Nam anno 1677. quum festum esset Tabernaculorum, Venetiis duo erant, qui magna cum admiratione auditorum, etiam Christum sequentium, nec ineloquentium, in Synagogis dixerunt, eoque majorem laudem sunt promeriti, quod non literis, sed mercaturæ operam dedissent. Ita ut nihil aliud desiderari possit in his eorumque similibus, quam ut dicendi præstantiam, qua pollent, ad meliorem conferrent atque adhiberent religionem.

(7) *Qui in concionibus suis a fabulis abstinēt*) Inter hos laudandi merito sunt *Arrogonius* Venerus, Sodalitii, nī fallor, Somascorum: *Pallavicinus*, Neapolitanus, Societatis Jesu: & *Fr. Angelus Vincentius Guinigi*, Lucensis, S. Dominici ordini adscriptus.

Ad pag. 612.

(8) *Bibliothecæ publicæ*) *Bibliotheca D. Marci* continet libros Petrarchæ & Bessarionis, magni merito æstimatedos. *Ambrosiana* cœpta a S. Carolo Borromæo, & continuata ab ipsius consanguineo, Cardinali Friderico, multa præclara cimelia custodit. *Laurentiana* initium suum habuit a Laurentio de Medicis, incrementum a Clemente VII. & perfectionem a Cosmo, Magno Hetruriæ Duce, ejusque serenissimis Successoribus. Abundat libris Græcis, Latinis, Hebraicis, Chaldaicis & Arabicis MSS.<sup>is</sup>; nec ipsa minus, quam *Medicea* (per quam illam intelligo, quæ est in Palatio Ser.<sup>mi</sup> MAGNI DUCIS) Bibliothecario gaudet Antonio Magliabechio, ipso ἐμφύχῳ καὶ περιπατήσῃ βιβλιοθήκῃ. *Vaticana* & proprio thesauro dives, & spoliis Palatinæ sive Heidelbergensis onusta est. Vide Crenii Animadvers. philol. Part. I. p. 110. qui & de anni jubilæi Conditoribus,

Qq qq 2

quorum



quorum p. 619. facta a nobis est mentio, elegantem p. 125. habet observationem. Ad spolia illa pertinet codex MS. hoc titulo: *Biblia Sacra Historica*. Cujus calci adjecti Germanica lingua rhythmī sequentes:

O GOTT durch deine Güte  
Beschehr uns Kugl und Hute  
Mantel und Röck  
Geiß und Böck /  
Schaaf und Rinder /  
Viel Frauen und wenig Rinder.  
Explice durch den Banck /  
Schmale Dienst machen einem das Jahr lang.

Qui quidem communiter Luthero tribuuntur; sed quo jure, quave injuria, non adeo difficile est judicatu: nam nec manus Lutheri est, nec ille unquam adeo peccavit contra leges Grammaticæ & orthographiæ, ut indoctus iste, quisquis fuerit, scriptor. Adde, quod ipse Subbibliothecarius mihi fassus sit, de MSS. Lutheri non nisi unicum in, rota Vaticana extare, idque exiguum, in forma quarta. Illud autem, in quo rhythmī prædicti leguntur, integri folii habet altitudinem. Sacra arcana illarum bibliothecarum, Ambrosiana excepta, retexit Spizelius libro singulari.

Ad pag. 616.

(9) *Pater meus hoc in loco Collegas*) Qui sunt *Mauritius Hoffmannus*, Medicinæ, *Johan. Paulus Felwinger*, Logic. & Politices, & *Georg. Matthias König*, Græcæ Linguae, & Poëseos Professor.

(10) *Vnum*



(10) *Vnum ex illis tribus*) *Felwingerum*, Academiae, quum hæc scriberentur, Seniore. Antequam vero manum de tabula tollamus, observare lubet, P. Bertium in orat. de Vita & obitu Jac. Arminii, Italicum iter dissuadere studiosæ juventuti, sed ficulneo argumento. Cautè tamen Italiam peragrandam esse, Melch. Adamus monet in Vitæ Philosoph. p. 218. Sic autem judicat judiciosissimus Melanchthon T. 5. Epist. p. 37. *Vt Pericles apud Thucydidem Athenas nominat ἡς ἐκείνης παιδείων* Græciæ institutionem; ita multo verius Italia sola multis seculis unicum domicilium est omnium doctrinarum, & omnium gentium in universa Europa magistra. Quare maxime probo honestissimam cupiditatem adolescentum nostrorum, qui doctissimos homines apud vos audire, & in patriam ex vestris fontibus, quasi rivulos aliquos eruditionis, deducere cupiunt. Quibus verbis hanc de Itineris Italiæ utilitate commentatiunculam obfigno.





ORATIO II.  
QVVM TERTIVM MAGI-  
STRATVM ACADE-  
MICVM

deponeret,

&

Vniversitati valediceret Altorfinæ.

*A. 1697. prid. Kal. Julii.*

**I**N sanctum templi hujus theatrum produco, vobisque, generosi nobilissimique Cives studiosi, sisto novum, communibusque Patrum conscriptorum suffragiis electum Academiae Rectorem, virum nobilissimum & excellentissimum, D. *Felicem Spizium*, Antecessorem primarium, atque illustris Magistratus Norimbergensis Consiliarium, deque studio Juris, & re literaria meritissimum.

Vestrum itaque jam erit, o optimi, tam insignis viri regimini lubentes vos submittere, nec pia tantum, pro felicitate



citae ejus, vota concipere, sed & debitam reverentiam, honorem, cultum & obedientiam ei præstare, atque adeo diligenter facere, quod DEVS O. M. quod sana ratio, quod conscientia vestra, quodque leges a vobis requirunt & postulant. Ita vicissim experiemini ejusdem amorem, benevolentiam, humanitatem, protectionem, & quicquid gratorum, vobisq; utilium officiorum ab ipso proficisci potest: natura enim, ut nôtis, & assuefactione humanus est, mitis, placidus, affabilis, mansuetus, & benignus, nec alius & diversus esse potest ab eo, qui fuit hætenus. Patere autem, magnifice Rector, ut me porro expediam, & sicut, quæ penes me sunt, bona tibi traditurus sum fide, ita jam, pro more in literaria Rep. laudabiliter observato, magistratus tui insignia & ornamenta in publico hoc loco promam offeramque, & iis, ut cum Scriptura sacra loquar, manus tuas impleam.

Accipe ergo bina hæc *sceptra*, ceu fasces imperii tui academici, ut eorum altero terrorem improbis incutias, altero probis & afflictis solatium præbeas atque perfugium. Accipe *legum codicem*, ad quarum custodiam solenni sacramento, antequam sacrario exiremus, temet obstrinxisti. Accipe *sigilla*, quorum altero edicta, diplomata, & testimonia, altero autem alia scripta, publico Academiæ nomine obsignabis & confirmabis. Accipe cistulæ nostræ carcerumque *claves*, & utere illis ad claudendum & recludendum, quando & ubi prudentiæ atque integritati tuæ opus esse videbitur. Accipe etiam, quæ calidissimo ex pectore promanat, & si humanis conspici posset oculis, ingens omnino & ingenua appareret, benedictionem meam. Felicitet te DOMINVS ac DEVS noster; felicitet consilia, proposita, studia & actiones tuas; felicitet navem, quam regis, academicam, atque inhibeat fluctus, ne prævaleant contra eam, & detrimentum aliquod afferre queant;



queant; felicitet domum & charitates tuas, faxitque, ut  
semper & ubique sis tui vir nominis, h.e. felix maritus, fe-  
lix pater, felix socer, felix Antecessor, felix Consiliarius, &  
nunc etiam Athenæi hujus felix Rector.

Ita jam rite solenniterque abdicato magistratu, lu-  
bens lætusque hinc abeo, & patrium relinquo solum, post-  
quam divinæ providentiæ, & juxta hanc Seren.<sup>mis</sup> poten-  
tissimisque Brunsvicensium ac Lunæburgensium DVCI-  
BVS, Dominis meis clementissimis, placuit, tenuitatem  
meam, in locum *Pauli Heigeli*, S. Theol. D. ejusque in  
Academia Julia, quæ Helmeſtadii est, Professoris ordina-  
rii, *ῥη μακαρίης*, consentientibus votis eligere, electumque  
per solennes literas benignissime vocare. Ad hanc igitur  
novam spartam, impetrata ab incluto MAGISTRATV  
Norimbergensi honesta dimissione, suscipiendam & geren-  
dam, abitum me parare oportet, valeque dicere fautori-  
bus & amicis. Quorum hoc quidem non prolixis, at ex  
intimo tamen cordis recessu depromptis verbis & ingenue  
faciam, dummodo prius debitæ erga DEVM, ejusque in  
his terris Vicarios, pietatis officio defunctus fuero. Agno-  
ſco humillime, o summe DEVS, ac totius universi Crea-  
tor & Moderator optime, infinitis me a te beneficiis, in-  
de ab infantia, immo a formatione mea in hunc usque  
diem, maſtatum esse: Nam quod in Ecclesia, ubi pura ſo-  
nat verbi prædicatio, & sacramenta secundum CHRISTI,  
Domini nostri, institutionem dispensantur, e piis honestisque  
Parentibus, atque in ea familia, quæ Norimbergensi Ec-  
clesiæ, jam ultra sesquiseculum, continua serie Theolo-  
gos dedit honoratioribus præfectos officiis, natus, atque  
in disciplina & admonitione Domini ab illis educatus sum;  
quod in scholis, dehinc autem in illustri Julia, & postea  
in hac alma Academia, præceptores nactus sum bonos &  
fideles, hoc est, magnum thesaurum; quod varia itinera  
felici



felici fidere auspicari & conficere licuit, iisque finitis uni & item alteri honorifico muneri admotus sum; quod ex me non plane nullum in auditores & discipulos emolumentum derivatum; quod professionis spartam, quam nunc depono, integros XX. annos, decanatum septies, & regimen academicum ter gerere, publicæque functioni quatuor & sexaginta scholas privatas adjungere potui, satis bona in infirmo corpore fruens valetudine; quod Collegæ mei favore & benevolentia sua me non indignum judicârunt, nec Studiosi, qui nominis hujus mensuram implent, male mihi voluerunt; quod sub ultimo decanatu & regimine meo tam propitia nobis fuit fortuna, ut Academia hæc variis modis ditesceret atque ornaretur, dum duo exteri cum præsentē aliquo, M. florenos ad pias causas destinârunt, Joh. Leonh. *Stöberlinus*, beatæ memoriæ, libros suos medicos & philosophicos legavit, & illustris SENATVS Norimbergensis privilegium creandi Doctores Ordini theologico procuravit; quodque aureæ & tam diu desideratæ pacis negotium susceptum, & Athenæum hoc in flore conservatum suo, id omne, & millena alia, dona, tuæ tribuenda sunt gratiæ, tuæ bonitati, tuæ misericordiæ. Pro his igitur omnibus ac singulis maximas & immortales habeo, (ad agendum enim unde verba suppetant?) ac habiturus per omnem vitam sum gratias. Benedictus sit DOMINVS, qui tanta nobis præstitit, & benedictum sit nomen ejus! Atque hujusdem ineffabili benignitati quam devotissime commendo splendidissimum SENATVM celebratissimæ Reip. Norimbergensis, & in specie maxime generosos Vniversitatis hujus CVRATO-RES, in tantum a literatis laudandos, ac æstimandos, in quantum summi & illustres Viri iis favent; favent autem impensissime; nec non *Patres Academicos*, viros in omni scientiarum genere excellentes, & *Juvenes* virtutis

Rr rr

ac do-



ac doctrinæ studiosos, illis pro constanti favore ac patrocinio, variisque beneficiis, istis pro collegiali affectu & fide, hisce pro multis haut infucati amoris documentis gratias agens debitas, & ad quævis officia, quæ a fideli cive & sincero amico proficisci possunt, me offerens atque exponens: præsens enim absensque idem ero, nec animo, sed corpore duntaxat hinc divellor. Valeat igitur & floreat, *Vrbs Norimbergensis*, quæ ad amplissimum fastigium ascendit, quamque ideo (1) Laonicus Chalcocondylas πόλιν ευδαίμονα, civitatem beatam, (2) Metrophanes Critopulus λαμπρὰν καὶ περίφημον, splendidam ac celebrem, (3) Petrus Bembus, illustrissimus Cardinalis, amplam & florentem, (4) Helius Eobanus, Hefus,

*Vrbem, Teutonici qua non est altera regni  
Nobilis aut opulenta magis, vel fortior armis,  
Legibus aut sanctis instructior, inclita cujus  
Res ita civili florescit publica cultu,  
Ut non ulla magis concordia debeat ulli  
Nixa bonis populo radicibus. Illa bonorum  
Auda Magistratū meritis, virtute, fideq;  
Tantum alias inter clarum caput extulit urbes,  
Quantum fidereos vaga Cynthia deprimit ignes,  
Quantum alias inter volucres Jovis eminet ales,*

(5) Hugo Favolius felicem ante alias urbes, & (6) Phil. Cluverius magnificam, splendidam, potentem, ac totius Germaniæ superbissimam, non adulatorie, sed ex vero nuncupavit. Valeat & floreat illustris & ex optimatibus lectus SENATVS, qui amplissimas pietatis, justitiæ, integritatis, continentiae, magnanimitatis, constantiae, magnificentiae & aliarum magnarum virtutum laudes, quas Majores ex merito consecuti sunt, non modo tuetur egregie, sed etiam superat. Itaque hæc omnia perpendens, non possum non (7) cum Hefso, digno Apollinea lauru Poëta, exclamare:

*Vester*



*Vester honos, o Noricidæ deleat SENATVS  
 Urbis, & inclita fama, & gloria vera manebit,  
 Dum trahet instabiles vester Pegnesius arenas.*

Valeat & floreat (8) *Oppidum Altorfinum*, quod a S. Imperii Prætoribus Noribergensibus ad Comites Nassovicos, inde ad Burggrafios Noribergenses, ab his ad Duces Pomeraniæ, porro ad Duces Baviariæ, & tandem ad Remp. Noribergensem pervenit, sub eaque nobilitatum Gymnasio primum, deinde Academia, cum utroque ut magis magisque inclaruit, ita &, post duriora superiorum temporum fata, diuturna hæcenus quiete ac felicitate, per DEI gratiam, læte fruitur. Valeat & floreat alma, quæ in eo domicilium habet, *Academia*, & porro etiam (ut verbis utar elegantissimi Octavii Ferrarii) sit *instruētissimum armentarium*, ex quo omne telorum genus debellandis ignorantie monstris, ac producendo bonarum artium pomærio depromatur; religiosissimum delubrum, ad quod Doctores æternitatis monumenta appendant; scientiarum emporium, in quo ultro citroque commeantes cives & advenæ, studiis ac laboribus immortalitatem negotientur; nobilis palæstra, ex cujus umbratili exercitatione in cælum ac solem quotidie clarissima ingenia producantur; ærarium Musarum, unde immensas ingenii opes, qui illud intrant, feliciter reportent; fatalis equus, fortibus viris semper foetus, non excidio Trojæ, sed mortaliū salutis, divina Palladis arte edificatus; famæ theatrum, in quo spectator orbis universus, vario dramate, omnibus scientiarum actoribus multiplici scena applaudit; sapientiæ museum, quo bonæ literæ convolare pergant; Apollinis oraculum, unde responsa ac sortes Senatus populusque literatorum petat; Minervæ sacrarium, in quo literarii regni fatale Palladium, avita religione conservetur; denique pietatis templum, in quo sine hypocrisis Numen Divinum colatur, honeste vivatur, nemo hominum lædatur, atque assiduum

Rr rr 2

omnium



omnium virtutum exercitium alacriter instituatur & propagetur feliciter. Valeant & floreat *Consanguinei, fautores & amici nostri*, sibi quæ, quum altera sint nostri portio, certo persuadeant, nos ipsorum memoriam non abieciuros, dum nostri erimus memores, dum spiritus hos reget artus. Valeat & floreat suavissima hæc *patria nostra*, in qua primum lucem adspeximus. Benedicti sint, qui ei benedicunt; prospere agant, qui ejus prosperitatem, quærunt & promovent; & beatitudine fruuntur, qui beato ejus statu delectantur, atque ad decus & augmentum ejus, ingenium, vires & facultates suas adhibent. Valeant denique ac floreat, quotquot in ea pietati, sanctitati, candori, integritati, fidei, humanitati, paci, concordia, & cuiunque alii virtuti sunt dediti,

*Dum memet natale solum dulcedine semper  
Attrahet, immemorem nec finet esse sui.*

DIXI.

## ANNOTATIONES

in præcedentem Orationem.

Ad pag. 682.

(1) *Laonicus Chalcocondylas*) Lib. II. Hist. Turc. Hoc autem si scripsit Laonicus Seculo XV. quid nunc dicturus esset, postquam urbs longe majorem elegantiam & nitorem nacta est?

(2) *Metrophanes Critopulus*) In præfat. Orationis panegyricæ & dogmaticæ in Nativitatem Domini Dei & Servatoris nostri Jesu Christi secundum carnem, habitæ in inclyta Noricorum Academia Altorfina sub finem anni 1625.

(3) *Petrus*



(3) *Petrus Bembus*) In lib. VII. Histor. Venet. p. 155.

(4) *Helius Eobanus Hessus*) In præfat. *Urbis Norimberg. illustratæ*, hoc est, elegantis carminis, quo laudes præstantissimæ illius urbis A. 1532. decantavit.

(5) *Hugo Favolius*) Middelburgensis, in carmine, quod *Wagenfeilius*, magnum nomen, suæ de Civitate Norimbergenfi Commentationi præmisit.

(6) *Phil. Cluverius*) In Introduct. Geograph. lib. III. cap. XI.

(7) *Cum Hesso*) Cujus verba exstant l. c. sub finem capituli XXX.

Ad pag. 683.

(8) *Oppidum Altorfinum*) Eorum, qui Altorfio bene volunt ejusq; historia delectantur, gratiam sine dubio merebor, si, quod in MS.<sup>to</sup> insignis cujusdam viri consignatum reperi, jam communicavero. Id autem ita se habet: Die *Hofmarck Altdorff* hat vor alters als ein Amt zu der *Nürnberg. Reichsvogtey* gehört/ deren sie mit Gült und Zinsen/ vermög der Reichsvogtey *Saalbüchleins*/ gewertig gewest/ noch bey Zeiten Kaiser *Friederichs des andern*. Ist hernach an die *Grafen zu Nassau* kommen/ wie dann *Irenicus* lib. 2. von *Graf Adolf von Nassau*/ der hernach *Röm. König* worden/ Meldung thut/ daß er den *Flecken Altdorf* mit einer ziemlichen *Mauern* umgeben haben soll. Die *Grafen von Nassau* aber haben solchen A. 1361. dem *Burkgrafen* verkauft. A. 1390. hat *Burkgraf Friederich*/ *Burkgraf Hansen* Sohn/ *Altdorf* und andere mehr Güter *Herzog Schwantiber aus Pommern*/ als seinem *Tochtermann*/ zum *Heirat-Gut* mitgeben/ welcher es bald hernach/ nemlich 1393. *Pfalzgraf Rupprechten* dem jüngern/ *Herzog in Bayern*/ um und für 12000. fl. verkauft hat. Bey dessen *Nachkommen* es ferner geblieben/ biß im *Bayrischen Krieg* A. 1504. an die *Stadt Nürnberg* kommen.

Krrr 3

Dann



Dann als A. 1503. nach Absterben Herzog Georg in Unter-Bayern/sein Tochtermann Pfalzgraf Ruprecht/Pfalzgraf Philippen Churfürsten Sohn/ mit Herzog Albrecht und Herzog Wolffgang in Bayern/ als nächsten Agnaten vorgedachten Herzogs Georg/über dieses hinterlassene Land und Leut in Irung gerahten / welche endlich/ unangesehen Königs Maximiliani und des damaligen Schwäbischen Bundes interposition, und sorgfältiger Bemühung/ die Sach gütlich beyzulegen/ und alle Krieger-Gefahr und die Weitläufftigkeit zuverhüten/ in einen würclichen Krieg ausgebrochen/ und aber bey Herzog Ruprecht und seinem Vater Herzog Philippen/ Churfürsten/ kein gütlicher Ausspruch oder rechtliche Erkänntniß nicht verfangen wollen/ als ist von den Bund-Ständen zu Augspurg/ unter denen die Stadt Nürnberg bereit begriffen war/ Herzog Albrecht und Herzog Wolffgang in Bayern eine ansehnliche Volck-Hülff versprochen worden. Nichts destoweniger hat sich Herzog Albrecht mit dem Rath zu Nürnberg in ein absonderliches Bündniß auff viel Jahr eingelassen / in welchem unter andern dem Rath versprochen worden/ daß demselben alle Ort/ so man von des Pfalzgrafen Philippen Stadt und Flecken in der Obern Pfalz um Nürnberg gelegen/ abgewinnen würde/ die solten zu ewigen Zeiten bey der Stadt Nürnberg verbleiben. So ist auch dem Rath selbst vom König Maximiliano ein Mandat zukommen/ darinnen ihme gebotten worden/ Pfalzgraf Philippen Land und Leut anzugreifen / und gegen ihn / als Nechtern/ zu handelen.

Hierauff hat sich der Rath mit vielem Krieger-Volck gestärcket/ und dem Pfalzgrafen Philippen in einem Brief abgesagt/ auch bald in vierthalbtausend starck zu Rosß und Fuß ausgezogen/ und ohne sonderbahre Gegenwehr/ und in weniger Zeit die Sädtlein Lauff / Hersbrut/ das Schloß



Schloß Reichenel/ und andere Derter eingenommen/ und der Stadt Nürnberg huldigen lassen. Man ist auch hernachmals mit allem Volck/ so viel die Stadt Nürnberg ohngefährlich in Besoldung gehabt/ unter Endres Zucher und Sebald Schürstab/ als Hauptleuten des ganzen Volcks/ und mit vielen grossen Geschützen für Altdorf gezogen/ und hat das Städtlein auffgefordert/ auch sturmmäßig beschossen/ und nach 4. Tagen einkommen. Darauff der Rath zu Nürnberg/ durch Antoni Tzelin und Hansen Harsdörffer/ von der Bürgerschaft die Huldigung angenommen/ die Stadt mit 200. Fußknechten besetzt/ und Georg Köhel/ als einen Pflugsverweser dahin verordnet/ der die schadhafte Thor/ Thurn und Mauren wiederum bessern lassen. Weiln aber der Rath zu Nürnberg der eingenommenen Pfälz. und Bayer. Flecken halber sorgfältig gewest/ daß sie deswegen allerley Anfechtung und Forderung zugewarten haben möchten; als ist für gut und rathsam befunden worden/ von der Kaiserl. Majestät ein Übergab derselben in Form eines Contracts zuerlangen/ wie auch erfolgt/ in dem König Maximilianus zu Augspurg den 17ten Julii 1504. in einem Brief urkundet/ daß/ nachdem der Rath zu Nürnberg/ auf sein ernstlich Gebot/ gegen obgedachten Pfalzgrafen/ als Nechtern/ mit der That gehandelt/ und desselben etliche Stadt/ Schloß/ Märck/ Dörfer überzogen/ und in ihre Hand und Gewalt gebracht/ als übergeber alle diese Stadt und Flecken dem Rath zu Nürnberg Contracts. und Vertragsweiss/ weiln sie durch diese Kriegeübung in merckliche Kosten und Schulden kommen/ mit allen ihren Regalien/ Obrigkeiten/ hohen und niedern Gerichten/ Rechten und Gerechtigkeiten/ Zinsen/ Renthen/ Gülden/ Dienstbarkeiten/ Zu- und Eingehörungen/ dergestalt/ daß er sich auch mit gedachtem Pfalzgrafen nicht vertragen lassen wolle/ Er habe sich denn dieser Stadt und Flecken gnugsam verzie-



verziehen / gegen denen von Nürnberg keine Anforderung in oder ausserhalb Rechts deswegen fürzunehmen / darwieder wolle er keine Befehl lassen ausgehen / und ob auch aus Vergessenheit oder ungestümmen Anhalten etwas geschehe / solle es nichtig und unkräftig seyn.

Diese Uebergebung der eingenommenen Stadt und Flecken ist hernach A. 1505. am St. Georgen Tag von Herzog Albrecht und Wolfgang ratificirt, und von König Maximiliano gegen vielfältige Anforderungen so wol der Pfalzgrafen / als anderer / so einigen Zuspruch zu solchen zu haben vermeint / statlich maintenirt und geschützt worden.

Nachdem nun unter andern Städtlein und Flecken auch das Städtlein Altdorf in des Raths zu Nürnberg Gewalt geblieben / hat es nach der Zeit grossen Schaden unterschiedlich malen erlitten / und zwar A. 1544. wegen einer grossen **Feuers Brunst** / und A. 1552. als es von dem Markgrafen eingenommen / um 12000. fl. gebrandschätzt / und die Thurn und Pfleghaus geplündert worden. Item A. 1553. hat der Markgraf diß Städtlein zum andernmal eingenommen / und mit Brandschätzen / Rauben und Plündern / endlich auch mit Brennen grausame Tyrannen geübet / daß er das Landvolck / so viel er zusammen treiben mögen / samt ihrem Vieh in die Stadt Altdorf versperret / und die Thor verschliessen und vermachen / und darauff die Stadt an vielen Orten / sonderlich zu nechst bey den Thoren und Ausgängen / den Ausfall dadurch zu verhindern / anzünden und verbrennen lassen / des Vorhabens / jung und alt / Weib und Mann mit dem Feuer umzubringen / wie dann viel Menschen durchs Feuer jämmerlich verdorben und umkommen. In der Stadt sind 306. Zimmer abgebronnen / ohne daß das Rathhaus / Kirche / Thor und Thurn / und nur 15. Häuser an der



an der Mauren und 6. Stättel stehen blieben/also daß auch Sleidanus dieser Grausamkeit gedencet p. 801. ingleichen Melch. Feudius, Med. D. & Prof. in programm. publice affixo d. XII. und in einem andern d. XVI. Julii A. 1553. Tom. II. Scriptor. Witteberg. lit. D.

A. 1575. hat der Rath zu Nürnberg/die Schul/ so vor vielen Jahren mit Rast Philippi Melanchthonis in der Stadt Nürnberg angefangen/gen Altdorf transferiret/ und ein herrliches Collegium alsda auffgebauet. Nach der Zeit ist solches *Gymnasium* von Kaiser Rudolf A. 1578. zu einer *Academie*, und ferner A. 1622. von Kaiser Ferdinando II. zu einer *Universität* gemacht/und mit Privilegiis creandi Doctores Juris & Medicinæ ac Poëtas Laureatos, auch leßlich von Leopoldo Magno mit gnädigster extensione privilegiorum, so daß nun auch Licentiaten und Doctores Theologiæ gemacht werden können/ A. 1696. begabet worden.

In unserm seculo hat Altdorf A. 1631. wie auch 1632. grosse Noth und Gefahr erlitten. Den 20ten Nov. 1631. kam vor solches der Tyllische Obriste/ Holck genannt/ forderte es zum drittenmal auff/ legte hernach dar ein 30. Pferde/ unter commando eines Wachtmeisters/ und begehrte von der Bürgerschaft 3000. Rthl. ranzion, die endlich auf 500. Rthl. moderirt worden. Nach dieses Wachtmeisters Abzug kam/durch practiquen/ein Marodischer Wachtmeister hinein/der die Bürgerschaft um 200. Rthl. geschätzt/ und eine lebendige salva guardia eines Leutenants mit 5. Pferden in das Städtlein gelegt. Herr Graff von Solz/ ein Obrister/ kam auch in diesem Jahr mit seinen Leuten vor Altdorf/ begehrte 400. Rthl. von der Bürgerschaft/ mit dem man biß auff 200. abkommen. A. 1632. als Graf Tylli mit 20000. Mann und 22. Stücken Geschütz/ sich um Neumarkt gestellt/ ist er gegen Nürnberg fortgezogen/ und hat das Städtlein Altdorf den 23. Febr. frühe um

Ss ss

7. Uhr



7. Uhr durch einen Trompeter 3. mal anblasen/und Quartier begehren lassen. Der damalige Pfleger hat zwar um dilation gebeten/aber nicht erhalten. Nachdem nun das Städtlein eröffnet worden/ ist Graff Tylli persönlich in Altdorff eingeritten/ und hat so wol in dem Schloß/ als anderer Orten/ Quartier gemacht. Ingleichen hat der Rector Academiæ um Verschonung der Universität und dero Angehörigen gebeten: deme Anfangs Graff Tylli scharff und hefftig geantwortet/ hernach aber hat doch Gott sein Gemüht so wunderbarlich geändert/ daß er so wol der Universität, als auch der Bürgerschaft salva guardia ertheilt/ und keine Plünderung oder andere Feindseligkeit gegen die Einwohner vornehmen lassen.

De Altorfio agentes, non incommode mentionem facere possumus *Alberti a Waldstein*, (vulgo *Wallenstein* dicti) Liberi Baronis Bohemici, qui ob militarem prudentiam ac fortitudinem, a CÆSARE in fastigium Ducis Megapolis & Fridlandiæ evectus, utriusque fortunæ ostentum fuit & prodigium. Illustris Baro ille, anno superioris seculi ultimo, studiorum gratia Altorfium missus, habitavit ibi illis in ædibus, quæ Ludwellianæ aliquando, post restorationem Fabricianæ, nunc autem Hoffmannianæ dicuntur: neq; in carcerem inferiorem, qui antrum canum, Germanice das Hunds-Loch vocatur, condemnatus est unquam, ut recte ostendit Wagenseil. in Exercit. sua V.<sup>ta</sup> p. 207. Interim, quod variis actionibus implicitus, ipsi etiam homicidio, a Joh. Hartmut de Steinau, in Wolfgango Fuchsis, civis Altorfini filio, commisso, adfuisse, quod tamen modis omnibus debuisset impedire, & aggressorem a facinore isto dehortari, jussu illustris SENATVS Norimbergensis, arresto constrictus fuit, & consilium accepit, abeundi. Verba ipsa magnifici SENATVS ad Nicol. Taurellum, Acad. Rectorem, & Georg. Roggenbachium, Oppidi



Oppidi Præfectum, scripta A. 1600. d. XII. Jan. hæc erant:  
 — Durch welches alles er dann wol ein ansehnliche Straff  
 verdient hätte: So wollen wir doch hierin seinen ehrlichen  
 Stand und Herkommen respectirt, und Euch hiemit be-  
 fohlen haben / Ihme Freyherrn von Walstein / obangezoge-  
 ner Ursachen halben / auf seine habitation oder Wohnstü-  
 ben (darauf Er sich auch speisen lassen / und davon nicht  
 kommen soll) so lange zuverstricken / biß er seine zu Altdorff  
 gemachte Schulden abgericht und bezahlt haben wird / und  
 wenn dasselbige geschehen / Ihme alsdenn zusagen / und auf-  
 zulegen / sich von Altdorff hinweg zu thun / und seine Gele-  
 genheit anderer Orten zu suchen. Et quamvis mox arre-  
 ctum aliquatenus relaxaretur, sententia tamen de abitu sua-  
 dendo non mutata, sed potius confirmata fuit. Sic enim  
 laudatus MAGISTRATVS d. 18. Jan. ad eosdem rescri-  
 psit: Und nachdem uns auch von wegen des auf seiner  
 Stuben verstrickten Freyherrn / Albrecht von Walstein / für-  
 gebracht / was massen derselbe / durch zween hieher geschickte  
 Studiosos, um Erlassung solcher Verstrickung ansuchen und  
 bitten lassen / so wollen wir demselben diese Lüftung gethan /  
 und so viel bewilliget haben / daß er bey seinem gewöhnli-  
 chen Kostherrn zu Tisch / und / da er will / in die Predigten  
 und Lectiones gehen mög / sich aber sonst des Ausgehens  
 und Umschweiffens in der Stadt / oder vor die Thore / ent-  
 halten soll. In dem übrigen aber lassen wirs  
 Seiner halben bey vorigem Befehl  
 bewenden.





ORATIO III.  
 Qua  
 in illustri  
**ACADEMIA JULIA**  
*A. 1697. d. 20. Julii*  
 munus professionis theologicæ  
 auspicatus est.

**S**Alve, iterumque salve, o alma JULIA, eaq;  
 prima & dulcissima studiorum meorum aca-  
 demicorum nutricula. Non quidem putâ-  
 ram, postquam duobus & triginta abhinc  
 annis tibi valedixi, fore unquam, te ut revi-  
 serem; neque hactenus vel per somnium mihi persuasi,  
 me in nobilissimum Professorum tuorum cœtum coopta-  
 tum iri. Sed quam mutata te conspicio! Ubi enim sunt,  
 qui viva doctrina tum temporis te ornabant, tuque illos?  
 Vbi religiosissimus *Cellarius*? ubi moderatissimus *Titius*?  
 ubi πολυμαθὴς *Conringius*? ubi κεινὸς *Voglerus*? ubi  
 facundissimi oris *Schraderus*? ubi acutissimus *Rachelius*?  
 ubi



ubi strenuus peripateticæ philosophiæ assertor *Frölingius*?  
 ubi literatissimus *Saubertus*? a quorum ore pependi, &  
 per fidelissimam ipsorum informationem, Deo adspirante,  
 profeci. Abierunt ad plures, & mortalitatem cum felici  
 ac beata commutârunt vita, fruituri eadem, post ultimum  
 judicium, ad plenum & in æternum. Nec tamen abie-  
 runt, nisi secundum id, quod mortale in ipsis erat: me-  
 moria autem & scripta eorum supersunt, & supererunt,  
 quamdiu honos erit literis, earumque sinceris cultoribus.  
 At bonum factum, quod saltem duo ex meis doctoribus  
 se mihi vivos sistunt, videlicet venerabilis Abbas *Calixtus*,  
 quem beati atque apud eruditos ac sapientes celeberrimi  
 parentis Epitomen Theologiæ prælegentem, magno cum  
 fructu & oblectamento audiui; nec non elegantissimus,  
 & in omni scientiarum genere excellens *Meibomius*, cujus  
 primæ anatome cum multis aliis Studiosis interfui, nec  
 minorem ex ore docentis, manuque demonstrantis, volu-  
 ptatem hausi, quam fœtorem ex humano corpore, quippe  
 quod mense exponebatur Junio, quo (ut Plauti verbo utar)  
 calebatur maxime. Quomodo ergo nunc fit, ut citra om-  
 nem opinionem huc venerim? Nimirum placuit DEO  
 opt. max. &, qui in Brunsvico · Lunæburgicis Ducatibus,  
 h. e. in amplissimis, & per totum orbem decantatissimis  
 terræ partibus, ejus vices gerunt, benignissimis JULIÆ  
 NVTRITORIBVS, ut in locum beati meritissimique D.  
 Pauli *Heigeli*, civis mei, rite ac legitime vocatus succe-  
 derem. Quamvis igitur rationes habuerim non conte-  
 mnendas, ut in statione Altorfina, quam viginti annos ges-  
 seram, permanerem, flecti tamen animum meum passus  
 sum tandem, relictisque patriis oris, in quibus familia  
 mea jam ultra sesquiseculum continuo & absque interrup-  
 tione Theologos dedit potioribus præfectos officiis, in



hasce me recepi, & in tuum quidem sinum, inclyta & piissima JVLIA.

Et ne ingratae mentis notam subeam, ante omnia tibi, o sapientissime rerum humanarum ARBITER & DIRECTOR, pro admirabili tua providentia, quam vel centum hac in re iudiciis mihi significasti, nec non pro infinitis aliis inde usque a teneris unguiculis immerenti mihi praestitis beneficiis; tum & vobis, Serenissimi potentissimiq[ue] DVCES *Brunsvicensium ac Lunaburgensium*, Domini mei clementissimi, pro summa gratia & benignitate, qua tenuitati meae spartam theologicam injungere, iterq[ue] & accessum meum principali magnificentia vestra promovere voluistis, immortales & humillimas ago habeoq[ue] gratias. Servet vos ad annos Nestoreos, omnique benedictionis genere cumulet, consiliisque & regimini vestro felicitatem, celsissimis Domibus aeternitatem, fortissimis exercitibus victorias & laurus, beatissimisq[ue] regionibus olivam, & cornu copiae, h. e. auream pacem, eamq[ue] perpetuam, & cum affluentia omnium bonorum conjunctam, largiatur is, qui haec praestare potest omnia, & a quo omne bonum, omnisq[ue] felicitas promanat. Assiste, (ut in coepto precum sacrificio pergam, idq[ue] totum rite perficiam) assiste etiam mihi, quaeso, divinae pariter ac humanae sapientiae AVCTOR, sanctissimo Spiritu tuo, & omne meum propositum, omnesq[ue] curas, cogitationes & operas meas, in gloriae tuae incrementum, rei q[ue] theologiae commodum atque ornamentum, dirige, & qui mihi voluntatem dedisti, da etiam, amabo, vires, celeberrimis hujus Academiae Patribus, florentissimaeq[ue] juventuti studiosae, fidem, cultum, amorem, benevolentiam, studia ac officia, & quaecunq[ue] ipsis grata sunt, atque a me proficisci possunt ac debent, suo loco & tempore praestandi. Neque vero majorem firmioremve pollicitationem a me  
exspe-



exspectate, venerandi Collegæ, nobilissimique Musarum Amasii: nam quid majus polliceri queam iis, quæ dixi? ecquod vinculum arctius me constringat ad servandum, promissa, quam religio, & sancta divini nominis invocatio? In re seria, qualis hæc nostra est, qua tesseram fidei & amoris vobis porrigo, non opus est verborum, sed affectus abundantia.

Quum itaque jam pietatis debitiq̃ue mei officio defunctus sic esse mihi videar, nihil amplius reliquum est, quam ut de materia orationis, qua prælectionibus publicis, aliisque muneris mei partibus more consueto præludam, sollicitus sim. Spero autem, vobis, Auditores honoratissimi dilectissimique, non ingratum fore, si materiam orationis meæ inauguralis apud Altorfinos habitæ reassumam, & sicuti tunc *de utilitate, quam S. Theologiæ Studiosus ex itinere capere potest Italico*, dixi, quantum potui; ita nunc *de utilitate itineris Germanici, Belgici & Gallici, quæ in Studiosum Theologiæ itidem redundare potest*, meo quoque experimento edoctus, verba faciam, atque ita Mercurii sacri schema rursus induam. Quodsi orationi elegantia deest, (ut certe deest) rerum tamen varietas, nō totus fallor, vos oblectabit. Vel ob hanc igitur, si placet, dicenti auscultate, & linguis animisq̃ favete.

Quemadmodum per *Germaniam, Belgium & Galliam*, non integras hasce provincias, & quicquid in iis continetur, sed illas tantum ipsarum partes, urbesq̃ue, quas mihi olim in itinere meo adire ac videre licuit; ita per *Studiosum Theologiæ* non promiscue quemvis intelligo, qui sic nominatur, etiamsi sacra studia vix primis labris degustaverit, neque vel vitam sanctitati illorum convenientem gesserit, vel etiam nervo rerum gerendarum instructus sit, sed eum, qui sumtus ad iter faciendum necessarios habens, sufficientem & accuratiorem rerum theologicarum notitiam



notitiam sibi comparavit, & pietatem aliasque virtutes sectatur sedulo, ita ut a periculo seductionis longe remotus sit, aptus autem ad gerendum officium, quod reverso a Superioribus imponatur. Talem ex itinere, per Germaniam, Belgium & Galliam instituendo, multum fructus & emolumenti capere posse, (a) apud me quidem extra omnem dubitationis aleam est positum. Eximium eruditæ in Italia Nobilitatis decus & ornamentum, *Guido Bentivolus*, qui in Rom. Pontificis, Domini sui, legationibus, in Flandriam aliquando ivit, ac deinde etiam in Galliam, atque præclarissima ob merita, eminentissimorum ordini Cardinalium insertus tandem fuit, *Vlysses Italicus* non immerito dicendus, in parte I. elegantissimarum Epistolarum suarum, homini politico peregre abeunti, non quidvis promiscue, sed certa rerum capita observanda, atque in succum quasi & sanguinem suum convertenda proponit, inquiens: *Pelegrinare in paesi esterni, per non imparar vi altro, che à saper riferire, tornando à casa, le riviere, le campagne, le selve, i monti, le piazze delle città, il numero & il vestito degli abitanti, ciò non è altro, che un pigliar cognitione di cose mute & innaminate, e che pascon più gli occhi, che l'animo. Chi v'è fuori del suo paese à veder il mondo, voglio che offervi principalmente i costumi delle nationi forastiere, le nature de' Rè, le qualità de' loro consigli, le forze loro, le leggi de' regni, lo stato della religione, come sia mista l'autorità del comandare con la forma dell'ubbidire, come si sia coi vicini, qual sia l'humor peccante in ciascun governo, qual sarebbe il rimedio, se vi potesse hauer luogo la medicina. Tali e sì fatte cose, concernenti il governo, vorrei, che m'offerassero, e mi possedessero ben le persone, che girano il mondo. Id est: Peragrarè terras peregrinas non alium in finem, quam ut domum reversus, scias aliquid*



quid dicere de fluviiis, campis, sylvis, montibus, foris urbium, & numero ac vestitu civium, hoc vero nihil aliud est, quam rerum mutarum atque inanimatarum, quæque oculos magis, quam animum pascunt, notitiam sibi comparare. Qui iter aggredditur, ut terras alio sub sole calentes visitet, is velim præcipue notet mores gentium exterarum, naturas & inclinationes Regum, qualitatem consiliorum, robur & potentiam eorum, leges regnorum, statum religionis, imperantium ac parentium harmoniam, quomodo ipsis conveniat cum vicinis, quis sit humor peccans in quovis regimine, & qualenam remedium, si medicam admitteret manum, oporteret adhiberi. Hæc & talia, quæ ad regimen spectant, vellem mihi observarent ac probe tenerent ii, qui iter faciunt, & orbem terrarum circumeunt. Ad eundem modum egomet quoque (b) certas rerum classes, quæ in nobilissima prædictarum regionum triga, observandæ & utiles esse possunt, peregrinatori meo ostendam nunc, & commendabo. Non quidem eum arceo a spectandis urbibus, foris, palatiis, & ædificiis cum publicis, tum privatis, sed nolim tamen iis, ut medullæ ipsum inhærere; nam cogitandum, hæc & similia alia esse duntaxat *παύσητα*, ἔργον autem suum in hoc consistere, ut majorem eruditionis, prudentiæ ac pietatis copiam sibi acquirat, eaque patriam aut aliam terram, quo fata eum duxerint, aliquando reddat beatiorum. Ad hæc igitur animum, oculos & aures suas dirigat, mihiq; observet *Historiam & antiquitates, Naturæ memorabilia, Artificialia, Inscriptiones, Bibliothecas, Ritualia & ad religionem facientia, Conciones atque Exercitationes academicas & scholasticas, & Colloquia cum eruditis.*

Atque ut ab Historiis & Antiquitatibus ordiar, Ratisbonæ in templo S. Emmerammi sive Haimerani monstratur Ludovici IV. & patris Arnulphi, Rom. Imperatorum, item XVIII. Episcoporum, nec non Dionysii Areopagitæ (cujus

*Iter nostrum utile, ad observandum*

Tt tt



1. *Histori-* (cujus ossa e fano S. Dionysii Gallico Arnulphum huc  
*as & an-* transtulisse ajunt, & credunt) porro etiam M.C. *Sanctorum*,  
*tiquita-* & S. *Wolfgangi* sepulcra, ad quorum ultimum HENRI-  
 CVS II. Romanorum Imperator, cognomine Claudus &  
 Sanctus, dicitur preces fudisse, somnoque oppressus vidisse  
 manum in pariete scribentem, POST SEX, neque hac  
 scriptura, ut ipse quidem putabat, finem vitæ, sed imperi-  
 um Romano-Germanicum post sexennium ipsi oblatum,  
 prædictum & indicatum fuisse; præterea augustissimi il-  
 lius ARNVLPHI *altare portatile* aureum, quo is in cam-  
 pis usus; Dionysii (ut credunt) *Areopagitæ* & S. *Wol-*  
*gangi effigies*, hujusq; *infula*, *patina*, & *baculus pastoralis*;  
 nec non (c) IV. *evangeliorum codex*, quadratis, iisque aureis  
 literis elegantissime scriptus, & picturis exornatus nitidis-  
 simis; in coemeterio interiore (d) *Aventini sepulcrum*;  
 in cœnobio Augustinianorum, *Alberti M. cathedra & au-*  
*ditorium*. Quibus addenda est (e) historia de *Dollingero*,  
 depicta in ædibus ex adverso Curiaë sitis, quomodo vide-  
 licet is, tempore Henrici I. Imp. cognomento Aucupis,  
 prælongum quendam Saracenum seu Hunnum (nam X.  
 pedes altus erat) strenue devicerit in ludo equestri, atq; in  
 terram, capite lancea perfoſſo, prostraverit: In antiquario  
 Ingolſtadienſi (f) *idolum*, e quo diabolus olim responsa-  
 dedit: Monachii in augusto ditissimoque palatii Electo-  
 ralis sacello, inter multas alias reliquias, *manus S. Dionysii*  
*Arcopagitæ*, (cujus totum corpus, medio duntaxat dextræ  
 digito excepto, se possidere gloriantur Eñerammenses in  
 celebri urbe Ratisbona;) in antiquario bene multæ Impe-  
 ratorum veterum Rom. *imagines*, formatae ex marmore,  
 & tria Gentilium *oracula*, atq; *agricola Bavaricus*, ex ære,  
 & sub figura in genua procumbentis, affabre factus, & spe-  
 ctantis sententiam de pondere suo, quasi illud tantillum sit,  
 egregie



egregie fallens atque eludens : (g) Augustæ Vindelico-  
rum multa *monumenta*, (h) speciatim vero *pinæ* illa *nux*,  
quæ Augustanorum insignium speciem refert, & (i) locus  
ille, *in quo confessio Protestantium*, coram Cæsare, Rege  
Romanorum, Statibusque Imperii, lecta fuit, atque ab urbe  
dicitur *Augustana*, & (k) *liberalitatis Fuggerianæ* memora-  
bile exemplum : In templo D. Petri Erfurtenfis (l) *monu-  
mentum Ludovici, Comitis Gleichenfis*, qui duas simul habuit  
uxores : In porticu cœnobii Castellensis, quod est in Pala-  
tinatu superiore, & nunc tenetur a Jesuitis, (m) *epitaphi-  
um Schweppermanni*; & (n) aliud *Philippinæ*, Francisci Wel-  
feri, L. B. a Zinnenberg, filix, quod formosissimæ desidera-  
tissimæq; conjugi suæ, Ponte Oeni in æde S. Crucis, poni  
curavit FERDINANDVS, Archidux Austriæ. Prope  
Aventicum *campus victoriæ*, quam Helvetii reportârunt,  
confligentes cum Carolo Burgundiæ Duce, unde & ad vi-  
am regiam ædificium quoddam erectum, in quo ossa occi-  
sorum asservantur : In fastigio scalarum ecclesiæ cathedra-  
lis Solodurensis, *columnæ Martis & Mercurii*, olim sub  
gentilismo positæ in vicino colle Hermetis : Argentor-  
ati in coemeterio S. Petri junioris (qui ad differentiam  
senioris, quem & ibidem habent, sic dicitur) duæ parvæ, sed  
crassiores *columnæ lapideæ*, ad quas Tezelius indulgentias  
vendidit papales; ad dextram chori cathedralis templi  
*suggestus*, in quo concionatus Calvinus : Heidelbergæ in  
collegio Alumnorum Electoralium, (nam & ea tam heic,  
quam in sequentibus, recensere liceat, quæ, quamvis in  
nupero bello deleta sint, olim extabant & spectaban-  
tur) *conclavæ, quo divertit Lutherus* (o) Wormatiam pro-  
fecturus, nomenque ibi suum parieti inscripsit : In Curia  
Wormatiensi *hypocaustum Cæsaris*, in quo idem ille coram  
augusto Procerum S. Imperii confessu causam doctrinæ  
suæ egit : In Francofurtensi, Constitutio Carolina perga-



menæ inscripta, & (p) *aurea bulla* (unde jam nomen trahit) confirmata: In Rheno fluvio prope Pinguam, quæ vulgo Bingium audit, *turris murium*, in qua Hatto, Moguntinus Episcopus, (si verum est, quod vulgo dicitur: (q) Serrarius enim in Rebus Mogunt. turrim illam ait fuisse duntaxat speculam, contra incursiones hostium ædificatam, atque nunc eo, quod deserta & neglecta est, muribusque hospitium præbet, Murium turrim non inepte vocari posse) a muribus arrosus & comesus esse perhibetur; & in eodem flumine *saxum Bacchiara*, ad urbem cognominem, quod non nisi sicca tempestate cernitur, & in quo veteres Baccho litârunt: In Belgio Fœderato, & quidem ea in urbe, quæ ἱστὶς κατὰ τὴν ἑσπέρην Traiectus ad Rhenum, vulgo autem Traiectum aut Ultrajectum dicitur, ejusque bibliotheca Mariana, *Jovis & Mercurii*, olim ab Ethnicis cultorum, imagines metallicæ, & *tuba* ex ebore confecta, qua olim ante, quam innotuissent campanæ, ad convocandam plebem usi fuerunt; Dordraci (r) *domus Synodi* illius celebris, anno hujus sæculi XVIII. coactæ: Rotterodami ad pontem in foro præcipuo, (s) Desid. Erasmi, *ἡ ἑσπέρη, imago* ænea, totum virum cum libro, cui legendum intentus est, repræsentans: In Cœnobio Lausdunensi, quod uno ab Haga Comitum lapide distat, (t) *Comitissæ Hollandiæ*, quæ 364 liberos, masculos partim, partim fœmellas, uno partu enixa dicitur, *sepulcrum*: Harlemi in templo majore exemplum illius *navis bellicæ*, quæ portus Pelusiaci ingentem catenam cursu & impulsu suo disrumpere conata est, ac disrupit felicissime. In regno Galliæ, ejusque urbe, quæ inter IV. singularia illius regni memoratur, (nôstis autem, me loqui de Lugduno) (u) duplex *ædes* S. Irenæi, rudera *palatii & prætorii* (x) Augusti Cæsaris, nec non (y) *amphitheatri, Academiæque*, Minervæ consecratæ; in maxima autem, ac, prope dixerim, orbis miraculo,



culo, *castellum majus*, a Juliano exstructum, in angulo templi archiepiscopalis *statua* lapidea, quæ Æsculapii esse creditur; (z) ædes S. *Genovevæ*, & *Templum*, quod ethnicae idololatriæ inservit, *ac denig*, *palatium Abbatis S. Germani*, olim Isidis fanum: in Campania *campi Catalaunici*, ubi Attila unico in prælio, militum suorum amisit centum & octoginta millia: & Nemausi in Gallia Narbonensi, in marmoribus Romanorum antiquis, *symbolum obscœnum*, i. e. duo membra virilia decussata, quo denotatur, fortalium expugnatum difficillimum esse.

Inter Naturæ memorabilia notari merentur (1) *saxum* 2. natura memorabilia. *quoddam angulare* in templo Lichtenfelsensi, fulmine tactum & loco suo motum atque excussum, ita tamen, ut illæsum permanferit, atque in extremitate sociorum suorum, superioris videlicet & inferioris, quibus rite insertum & infixum erat, adhuc dum hæreat, & nunquam cadens, casum omni momento minitetur; nec non *Charybdis* & *Scylla* (*der Strudel und der Wirbel*) in Danubio, infra Lentium, quarum illa naufragium minitatur, hæc totalem & navigii & hominum, quæque alia in eo sunt, interitum; quicquid enim in fauces ejus incidit, id, quasi lupo famelicus, tenet firmiter, totumque, in gyrum aliquoties actum, & sic quasi masticatum, avidissime devorat. Adeo etiam hujus facilis descensus Averni est, sed revocare gradum, superasque evadere ad auras, hoc opus, hic labor, imò vero impossibile est. In antiquario Ingolstadiensis duo *basilisci*: Monachii dexterrima *agilitas* & herculeum *robur* CHRISTOPHORI, Ducis Baviaræ, qui ingentis ponderis saxum, prout id hodiernum visitur in Electoralis sedis vestibulo, unica manu facillime sustulit, sublatumque satis longe jactavit, atque ad XII. pedes in altum subfilire potuit: *nucæ* optimæ, atque ipsis Principum cupediis accensendæ,

Tt tt 3

quæ



quæ Cellis nascuntur ad Mœnum, haud longe ab Herbi-  
 poli: (2) *Strumarum* tanta copia in Stiria & Carinthia, ut  
 e plebe vix quisquam ab elegante hoc (ceu ipsi inter-  
 pretantur, sibi que eo nomine aliquid esse videntur) natu-  
 ruræ dono sit immunis; immo peregrinanti occurrunt in-  
 tegræ eorum catervæ, qui præter figuram humanam,  
 (quæ tamen & ipsa valde deformis est) nil habent humani,  
 nec magis loqui possunt, quam bos boans, asinus rudens,  
 & sus grunniens: *Danubius*, fluviorum Germaniæ pater,  
 Tagi æmulus, auro que fœcundus; nam arena ejus, infra  
 Polonium, bene lota & purgata, granulis auri investigantes  
 donat, quæ illi summo studio collecta in urbem deferunt,  
 aurique fabris vendunt. Ex adverso S. Goari ad Rhe-  
 num, in famoso illo ac perforato præcipitio, quod Lorle-  
 jum dicitur, mire resonabilis atque incomparabilis (3) *echo*:  
 in bibliotheca Trajectina duo *unicornua*, quorum singula  
 VII. spithamas longa sunt, tertium autem, duobus illis ali-  
 quanto majus, ante complures annos REGI Galliarum, qui  
 & ipse naturæ curiosus delectatur, transmissum fuit: Prope  
 Dordracum immensus ille (4) *aquarum gurgēs*, quem  
 Biesbos appellant: In Comitatu Blanckenburgico (5)  
*Cataracta* Bodæ, *murus* diaboli, *filices* ad speciem & magni-  
 tudinem saxorum quadratorum formati, *specus* Bauman-  
 ni, de qua vere dici potest: Ludit in humanis divina po-  
 tentia rebus; duo *scopuli* habitu Monachorum, & *lapidi-  
 cina* mirabilis, in qua natura format patinas, unam juxta  
 alteram. Adde his ingentem terribilemque *aquarum de-  
 lapsus* non ita procul a Nantua, in via Lugdunum inter  
 & Genevam; similiter *thermas* in Helvetia & inferiore  
 Austria *Badenses*, ac denique celerem *Rhodanum* sub Cre-  
 tone monte, ad instar Anatis Hispanici, sese abdentem,  
 ac deinde rursus erumpentem, mortaliumque oculos de  
 novo subeuntem.

Sed,



Sed, age, mi viator, a naturalibus vertamus nos ad <sup>3. artifi.</sup> Artificialia. Vbi quidem Ratisbonæ se nobis sistunt (6) <sup>cialia &</sup> *pontis lapidei* super Danubium expansi, & *dominicæ* (cujus <sup>mecha-</sup> *architectus*, si vulgari sermoni credendum, postquam vi- <sup>nica.</sup> *nicæ* *derat*, pontem citius confectum esse, quam templum suum, sese ex hoc præcipitem dedit, vitæque suæ filum temere abscidit) eximia atque admiranda opera: Salisburgi & Augustæ Vindelicorum (quæ, Cardinalis Bentivoli judicio, omnino habet aliquid augusti) (7) *aquæductus*, & *fontes* gratissimi, & in eadem urbe templum sanctitatis, amplitudinis, mentis, consilii publici, caput urbis, ara sociorum, portusque afflictorum, id est, (8) *Curia*, eaque splendidissima, ornatissima, & (9) *artificiosa porta*, qua noctu, absque ullo civitatis periculo, & publicæ quietis perturbatione, intromitti possunt hominesque & equi; item tres *turres* picturis refertæ non contemnendis, videlicet de (10) ATTILA & (11) OTTONE M. de (12) CONRADO III. & (13) FRIDERICO, Sueviæ Duce, deq; (14) Matthæo Lango: Oeniponti in Franciscanorum æde, MAXIMILIANI I. Imp. *monumentum sepulcræ* ex alabaastro, in quo egregia ejus facta tam artificiosè formata, ut Romanus quidam summam in admirationem raptus, de (15) artifice sic pronuntiârit: Aut diabolus, aut angelus fecit: in Bavaria infra Monachium insignis *aquæductus*, quo aqua, rotæ beneficio, ex Isara in cacumen montis jaculatur, atque inde aliorsum deducitur: (16) *organum Vlmense* in æde amplissima, quod magnitudine & præstantia inter omnia alia caput effert, quantum lenta solent inter viburna cупressi: Argentorati (17) *turris* templi cathedralis & altissima & bellissima, atque ibidem *horologium* incomparabile: Heidelbergæ in arce Electorali, quæ antiquitate, structura, & amœnitate loci cum omnibus aliis totius Germaniæ certabat, crassa & ampla, solique Bituricensi cedens *turris*, & alte-



& altera extra mœnia, quam sapientissimus Elector CAROLVS LVDOVICVS (18) abrogato pristino, quod ipsi jure meritoque odiosum videbatur, nomine, a figura stellæ, ad quam formata est, *stellatam* nuncupavit; omniumq; maximum *dolium*, continens quippe tantum vini, quantum 133. carpentis imponi potest; (19) *urbs & arx Manheimensis*, in tantum præ aliis laudanda, in quantum omnes alias & symmetria, & pulchritudine anteibat; ubi & *pons volans* erat adeo amplius, ut aliquot currus cum equis & multis hominibus caperet, eosque unici hominis opera, brevisimo temporis spatio, super Rhenum transportare valeret: Wormatiæ in Curia, *scriptura digitis pedum facta* a Mart. Dornbergero, Misnico, manibus brachiisque carente: Moguntia, ut & in Hollandia, atq; etiam Hamburgi, *lusus campanularum* in ædificiis publicis: Angriæ ad Rhenum, quæ Germanis Engers appellatur, infra Confluentes, *turris rotunda*, quatuor illas superbas, quæ (20) Noribergæ sunt, æmulans: e regione Andernaci, domus ad formam Italicam hodiernam erudite ædificari cœpta, sed non finita, atque hinc per jocum dicta *Nimmerfertig*/ id est, *Nunquam finita*: suavissimi in horto Bonnenfi *fontes*: (21) Colonia *ædes primaria*, S. dicata Petro, quæ magnitudine & structuræ excellentia cum aliis, sive sint in Teutonia, sive in aliis regnis, certaret, dummodo ad perfectionem deducta esset, & colophonem experta: apud Orsoium *navis vetus & inversa*, (liceat enim, & hujus meminisse, ceu Pontius Pilatus memoratur in symbolo fidei) sub qua hospitium, sed miserum profecto, advenis datur: Trajecti *columna* templi Mariani, quæ pro fundamento habet (22) cutes taurinas: (23) *monumenta* Cortenarii & Wittii in basilica Roterodamensis urbis, PRINCIPVM Arausionensium & (24) Trompii in templis Delphicis, (25) REGVMq; Gallicorum & (26)



& (26) HENRICI, Vicecomitis Turenæ, Ducum hujus seculi maximi ac celeberrimi, in eo, quod dictum est S. Dionysio: (27) *Curia Amstelodamensis*, in qua ars certat cum immensis stupendi operis sumtibus; ibidemque apud artificem quendam *mensa* ex lapide Lydio, cum inspersis floribus adeo scite effigiatis, ut vivos esse jurares, æstimata 11000. florenis: (28) *Cornu Oldenburgicum*, si non argenteum, & inauratum, rari tamen ac pretiosi metalli, eleganterque cælatum, quod Comiti Ottoni, qui vixit Seculo X. & venatione delassatus, ad sitim restinguendam potum anhelabat, e monte prodiens & spectatæ formæ juvencula obtulit: *via publica* a Palatinoburgo in Alsatia Nansium usque dilatata, ut peregrinantes a latronum insidiis & insultibus possint esse tutiores, Item (29) *via strata* ab Haga Comitum Schevelingam usque: *fortificatio* Argentoratensis & Nansiensis: (30) *Dominicum* Tullense: Lutetiæ Parisiorum *equus æneus*, e Lotharingiæ metropoli inter alia spolia allatus; vægrandis & cathedralis (31) *ædes D. Mariæ*, cum nova sua & prorsus ingente (32) *campana*, & (33) *piduris* inusitatæ magnitudinis multique artificii, & omnium fanorum elegantissimum illud (34) *ad Vallem gratiæ*; *portæ* S. Martini & S. Dionysii, sculpturis optimis decoratæ, (35) *facies Curia*; (36) *Palatium*, ubi causæ aguntur, amplissimusque cogitur Senatus, quem Parlamentum vocant; statua (37) HENRICI IV. in ponte novo, (38) LVDOVICI XIII. in area regia, ac (39) LVDOVICI XIV. in area victoriarum, cum magnificis & superbis inscriptionibus, & (40) futuri *arcus triumphalis* exemplum extra suburbium S. Antonii, repræsentans Regem equitantem, & Belgicas provincias, tanquam dulces cupedias, spectantem, sed quod tempestates sensim sine sensu detriverunt, & tandem, si fama vera fuit, præterito anno fulmen percussit comminuitque; nobili-

Uu uu

ora



ora ad Gobelinos *artificia*, quibus picturæ, aulæa, vasaria & similia alia regiis expensis, regiumque in modum, incredibili pulchritudine conficiuntur; (41) *Observatorium*, ubi stellæ observari possunt tam in conclavibus, quam in tecto plano, immo & interdiu in cella seu loco subterraneo; (42) *Domus*, aut potius palatium *invalidorum*, ubi aluntur, qui in militia læsi vulneratique, non amplius idonei sunt ad tractandum arma; (43) *Bastilla*, sive arx antiquissima, in qua nobiliores custodiuntur captivi, & basilica illa sumtuosissima, quæ in Europa non habet sui parem, Galliceque (44) *Louvre*, Latine autem Lupera dicitur, horto instructa suavissimo. Ecquid dicam de *regiis domibus* aut secessibus, qui sunt Marliæ, (45) in nemore Vicenarum, (46) ad Fontem Bellaqueum, (47) ad fanum S. Germani, & cujus magnificentia tam illos, quam omnes alios superat longissime, ac merito pro octavo mundi miraculo habetur, (48) Versaliæ?

4. *Inscriptiones.*

Inscriptiones commemorandi nec locus jam est, nec tempus; neutiquam tamen illæ prætereundæ, aut negligendæ. Et tales reperiuntur passim in *palatiis*, (49) in *curiis*, (50) in *foris*, (51) in *turribus*, (52) in *portis*, (53) in *arcibus* & *castellis*, in *nosocomiis*, (54) *gerontodochiis*, *ptochotrophiis*, *orphonatrophiis*, (55) *ergastulis*, (56) in *hortis* & (57) *villis* ac *statuis*, in *templis* & *altaribus*, in *monasteriis*, (58) *collegiis*, (59) *academiis* & *scholis*, (60) in *bibliothecis*, *cœmeteriis* & (61) *sepulcris*, (62) in *viis publicis*, ac *privatis* in *locis*.

5. *Bibliothecas.*

Properandum autem nobis est ad Bibliothecas. Inter quas præcellunt (63) *Hamburgensis*, (64) *Lipsiensis*, (65) *Jenensis*, (66) *Augustana*, Jesuitarum (67) *Monacensis* & *Coloniensis*, (68) *Argentinenfis*, (69) *Tigurinarum* par nobile, (70) *Sangallensis*, (71) *Genevensis*, (72) *Leidensis*, & imprimis (73) *Augusta*, ac (74) *Vindobonensis*.  
Quibus



Quibus adjungi possunt & Gallicæ, earumque præcipuæ in maxima regni urbe, (75) *Jesuitica* videlicet, (76) *Lamoniana*, (77) *Vindorina*, (78) *Germaniana*, (79) *Sorbonica*, (80) *Colbertina*, & (81) *Regia*. Neque tamen credendum; in sola Gallia, immo in Parisina urbe sola, plus bibliothecarum privatarum esse, quam in Germania aliisque regnis: (82) hoc enim qui dicere auit, vel scribere, eum profecto nimis sibi confidere, necesse est. Huc etiam referendæ sunt *officinæ librariæ*, unde exquisitissimos libros comparare potest viator noster, qui argento non est destitutus, certe eos, in defectu hujus, notare debet. Ac laudem sane merentur, quæ sunt Hamburgi, Lipsiæ, Francofurti, Viennæ, Argentorati, Coloniae, Trajecti, Rotterdam, Leidæ, Amstelodami, Tiguri, Genevæ, Lugduni & Lutetiæ, in via præcipue Jacobea; ut illas, quæ in aliis Lyceorum Germanicorum urbibus reperiuntur, sicco jam pede præteream.

Præterea velim, ut Ritus & ceremonias, quæque alia ad religionem spectant, cum in nostris, tum in dissentientium Ecclesiis, vel etiam extra illas fiunt, solcite observet viator meus, utque inquirat etiam in finem & scopum eorum, ut sciat, ad quid instituti sint, memineritque pariter, rituum discrepantiam fidei unitatem non protinus tollere. Atque sic observabis (83) diversos ritus *orantium* & *salutantium* in templis, *confessionis*, *baptismi* & *S. cœnæ*, *ordinationis* & *copulationis*, *collectionis* *elemosynæ*, *benedictionis* *fructuum*, *vespertini officii*, & peculiarem *habitus* *Stipendiariorum*.

Sed face & viatico mihi opus foret, si alia etiam, quæ huc spectant, & notari possunt, recensere vellem. Modus in hisce recitandis est adhibendus, & cogitandum, orationem heic institui, non autem volumen scribi. Con- ciones vero & Academica, cave, negligas, qui itineri te,

Uu uu 2

dedisti

6. Ritua-  
lia & ad  
religio-  
nem faci-  
entia.7. Conci-  
ones &  
exercita-  
tiones A-  
cademi-  
cas.



dedisti theologico, nec perfunctorie illud facere decrevisti. Excellentissimos reperies Concionatores non tantum inter *Nostrates*, sed etiam apud *Reformatos & Remonstrantes* ac *Romano Catholicos*. Ego certe non sine ingenti delectatione memini me audisse Heidelbergæ *Salmuthum*, *Ohmium*, & qui adversam postea expertus est fortunam, *Langbansum*; Leidæ *Heidanum*; Carentoni *Claudium*, *Gilbertum*, *Allixium*, & qui jam præfectus est Regis Britanniarum, *facello*, *Menardum*; Amstelodami apud Remonstrantes *Pontanum*; Monachii eximium quendam *Jesuitam*, & in *Gallia* complures, qui vel cum disertissimis certarent oratoribus: inter quos inprimis nominandi sunt *Burdalovius*, & *Flechierus* Abbas, qui episcopali dignitate ex merito jam fruitur apud Nemausenses. Hi alique iis similes, nōrant res abstrusas & difficillimas plane ac perspicue populariterque explicare, morata oratione convenienter uti, similia & exempla adhibere aptissima, iisque, ut & huic vel isti dicto Scripturæ, si opus videbatur, maximo cum artificio, & audientium oblectamento, immorari, vocem & gestus pro diversitate rerum decore variare, affectus excitare potenter, cordaque auditorum lucrari, & victoriam ab iis, vellent, nollent, gloriose reportare. Sunt, qui in *Ecclesia* frequenter dicunt, & Stentorea voce ad ravim usque declamant, sed jejune tamen, frigide, atque utinam non interdum pueriliter, affectate, imprudenter, inepte, & ridicule. At enim vero apud hosce nihil jejuni, nihil frigidi, nihil puerilis, nihil affectati, nihil imprudentis, nihil inepti, nihil ridiculi. Carperet in iis aliquid Momus, sed quod stultus ipse non caperet, aut præstare sustineret. Atque ut ad Academica progrediar, in prælectionibus etiam eorum, qui a nobis *dis διὰ πᾶσιν* dissentire dicuntur, (84) meliorem sæpe ac saniozem, quam credideris, *doctri-*  
nam



nam percipies. Heic etiam mihi observa (85) *modum proponendi*, quo Magistri utuntur, & quomodo erga illos se gerant *auditores*, & *rationem disputandi*, ac *promovendi*: nam & hæc nōsse juvat.

Supereſt, ut de Salutationibus & Colloquiis virorum doctorum aliquid memoremus: eruditionem enim ac prudentiam ampliorem qui ſibi vult comparare, iſ eam cum aliunde, tum maxime ex colloquiis & converſatione cum viris eruditis petere poteſt ac haurire. Lepidum eſt illud, quod narratur de celeberrimo *Glareano*. Nimirum aliquando Nobiles quidam ex elegantiffima mundi parte profeſti ſunt Friburgum, virum illum inter doctos inſignem ut viderent. Quo cognito, juffit ille eos poſtero redire die, negotiorum, quibus jam impediretur, multitudinem prærendens. Altero itaq; die cum reverſi eſſent, eximius vir laurea cinctus, aureaque ornatus torque, conceſſit in conclave quoddam elegans & amplum, ubi ſe in hemicyclum recipiens, juffit eos ingredi, qui viſum advenérant. Advenis igitur ingreſſis, eumque, ſicuti moris eſt, ſalutantibus, ſedebat ille immotus, perinde quaſi eos nec videret, nec audiret, atque ita etiam eoſdem abire patiebatur. Hoc Italici mirum cum videretur, tantamque inhumanitatem & ſuperbiam per amicum quendam rigido homini exprobrarent, reſpondit ille: Cur ego iſtis inhumanus videar, qui tantum videndi me cauſa acceſſerunt? At poſtea invitatus ab iſdem exteris, longe aliter ſe geſſit, totuſque dies jucundiſſimis colloquiis conſumtus fuit, ita ut illi prudentiam, humanitatem, eruditionem, & temperatas gravitate facetias præſtantiffimi viri non ſolum admirarentur, verum etiam ſummis laudibus eveherent, omnibuſque modis prædicarent. Abſit ergo, ut credamus, ſatis eſſe, ſi videris tantum viros eruditione claros, iſſque

8. Collo-  
quia cum  
eruditis.

Uu uu 3

album



album fautorum & amicorum obtuleris tuum, sed requiritur, ut eorum colloquiis & informatione gaudere tibi contingat. Ad hanc autem beatitatis partem neutiquam pervenies, si, tanquam Icarus, præpropere in viam te des, & antequam alis instructus sis, volare præsumas. Eruditus sit, oportet, qui cum doctis versari velit & confabulari, atque ad illum inde multiplex demum redundabit commodum. Quod quidem (86) *exemplis* comprobare possem, si per temporis angustiam liceret.

Vt adeo jam appareat, verum esse, quod initio dixi, videlicet Studioso theologiæ iter per Germaniam, Belgium & Galliam, multifariam afferre utilitatem posse. Non autem recensui omnia, quæ in tali itinere observari possunt, sed quædam duntaxat, eos imitatus, qui vastum terrarum orbem in exigua mappa repræsentant, & summam rerum indicant. Juventis digitoque monstratis, facile est, plura addere. Nec ægre teram, si quis plura & rectiora suo tempore indicaverit. Quicumque autem hoc nostro Catone hætenus contentus esse vis, nostrumque sequi Mercurium, non nobis, sed Deo age gratias, qui nos duxit & reduxit feliciter, nosque idoneos reddidit, ut, quæ & nobis & aliis conducibilia & salutaria esse possunt, oculis auribusque perciperemus, percepta literis mandaremus, literis mandata in ordinem quendam redigeremus, & in ordinem redacta, in loco tam celebri, atque in consessu doctissimorum virorum, & coram studiosa juventute, quæ florentissimarum provinciarum urbiumque est quasi flos delibatus, recenseremus, & si quando domum ad Penates reversus fueris, observata non ad ostentationem, jactantiam, fastum, aliorumque contemptum transfer, sed ad DEI gloriam, Ecclesiæ & Scholarum commodum, studii



studii theologici incrementum, patriæ, aut illius terræ, quæ tibi altera debet esse patria, decus & ornamentum, ac proximi, tuamque ipsius ædificationem.

DIXI.

## ANNOTATIONES

Ad pag. 696.

(a) *Apud me quidem*) Immo etiam apud prudentiores, quorum consiliis, ut oraculis, aures animosque applicant Principes maximi. Hinc cum olim, in florente quadam provincia, Studiosi theologiæ, natali glebæ quasi affigerentur, & in patria, aut omnium proxima Academia, ut aviculæ cavea, includerentur, jam, prudentiorum consilio, Imperantis auspiciis sumptibusque, liberiori aëri exponuntur, atque ad externos etiam dimittuntur visendos, ut non modo plurium doctorum & clarorum virorum, notitiam sibi comparent, & ex eorum colloquiis doctiores evadant, sed & moderatiores reddantur ac circumspectiores, neque adeo vel Ecclesiis aliquando graves sint, vel Regimini politico. Per experientiam enim didicerunt viri sapientes, eos potissimum, qui aliorum nec urbes viderunt, nec mores & doctrinam accuratius cognoverunt, præposterò sæpe zelo agitari, & vel turbas excitare, vel alias multum negotii Superioribus suis temere faceßere, ac ferme intractabiles esse.

Ad pag. 697.

(b) *Certas rerum classes*) Quales etiam præscribit & commendat Gisb. Voetius in Biblioth. Stud. Theol. l. i. c. 18. Et hæc quidem ejus sunt verba: *Peregrinatio, si quidem a Studio theologiæ suscipatur, aliter longe instituenda,*



enda, ac vulgare peregrinantium. Sunt enim peregrinationes politicorum, militum, mercatorum, studiosorum; sunt & hominum otiosorum ac curiosorum, vere otiosæ diuagationes. Theologus peregrinatur, ut ampliorem solidæ eruditionis ac pietatis thesaurum sibi comparet. Hoc ἔργον ejus; reliqua omnia παρρησια, ideo tamen non plane negligenda. In scholas ergo & ecclesias, earumq; statum ac regimen accurate inquireat; viros doctos & pietate præstantes non tantum publice docentes audiat, sed & penitus per privatas collationes cognoscat; bibliopolia, & publicas privatasq; bibliothecas, nec non antiquitatis ecclesiasticæ monumenta perlustret; in academicis & ecclesiasticis exercitiis (quantum quidem ratio temporis & consuetudo loci peregrinanti promiserit) strenue se exerceat, imprimis etiam in exercitiis pietatis, si quæ ibi publice privatimq; vigent. — His probe dum defungitur, observet interea ὡς ἐν παρρησια, quæ topographiam, historiam & antiquitates, politiam denique concernunt. Ad illam refer 1. Nomina regionum, urbium, vicorum, arcium antiqua, recentia. 2. Situs eorum, limites, quantitatem. 3. Contenta, aut vicina, aut attingentia maria, flumina, æstuaria, paludes, lacus, fontes, sylvas, desertæ, montes, specus, rupes, promontoria, portus. 4. Soli, cœliq; qualitates; imprimis fertilitatem, fructus terræ, arbores, animalia terrestria, reptilia, insecta, aves, pisces &c. Ad istam refer 1. conditores & instauratores urbium, 2. earumq; ut & regionum dominos atq; incolæ antiquos; series Regum, Principum, Episcoporum, Doctorum &c. migrationes eorum ac mutationes, ut & legum, regiminis, religionis; quæ & quo casu acciderint, quæ bella idcirco gesta &c. Ad hanc refer 1. urbium muros, munitiones, ædificia publica: ut templa, monasteria, sepulcra, curias, nosocomia, xenodochia, ptochodochia, palatia, arces, armamentaria, amphitheatra, obeliscos, columnas, lapides, inscriptiones antiquas, nummos, utensilia,



utensilia, reliquias, & similia sive antiquitatum, sive superstitionum monumenta. 2. ædificia privata, cum suis hortis, picturis, fontibus, statuis, aliisque raris & admirandis. 3. formam regiminis politici, Principes, Senatum, Officiarios, leges, privilegia. 4. scholas earumque regimen, & leges, docentium & discipulorum studia, cum viris doctis, bibliothecis, theatris anatomicis, ἀρχαιοτάτοις &c. 5. artes, artifices celebriores, eorumque opera. 6. milites, militiam, castrametationem, eorumque rationem, leges &c. 7. incolarum & civium frequentiam, animi corporisque vigorem, mores, studia, labores, opificia, aliosque acquirendi modos: eorundem rationem & ritum in victu, vestitu, funeribus, nuptiis, ludis, in sacris antiquis & hodiernis; si quidem superstitiones aliquæ publice privatimve istuc obtineant. Omnibus autem illis tum ἔργοις, tum πράξεσιν rite expediendis duo adminicula generatim inseruiunt, cognitio, immo & præcognitio aliqua linguae, ut & rerum ipsarum.

Ad pag. 698.

(c) *IV. Evangeliorum codex*) Descriptus a duobus Sacerdotibus, Beringero & Leitharto, qui fratres erant germani. Dextra hujus libri facies auro solido constat, & smaragdis ac sapphiris stupendi pretii permixta est. Sub finem autem leguntur sequentes versiculi:

*Bis quadringenti volitant & septuaginta  
Anni, quo Deus est virgine natus homo:  
Ter denis annis Carolus regnabat & uno,  
Cum factus codex illius imperio.  
Hactenus undosum calamo descripsimus æquor,  
Littoris ad finem nostra carina manet.  
Sanguine nos uno patris matrisque creati,  
Atque Sacerdotis servat uterque gradum.*

*Xx xx*

*En Berin-*



*En Beringarius, Lyethardus nomine dicti:  
 Quis fuerat sudor difficilisq; nimis.  
 Hic tibi met, lector, succedant verba precantis,  
 Ut dicas: Capiant regna beata Dei.*

(d) *Aventini sepulcrum*) Cujus lapidi viri effigies incisa, apposita hac inscriptione: D. O. M. *Joh. Aventinus, vir singulari eruditione, fide ac pietate præditus, patriæ suæ ornamento, exteris admirationi fuit, Bojorum & Germaniæ studiosissimus, rerum antiquarum indagator sagacissimus, veræ religionis omnisq; honesti amator. Cui hoc monumentum ad posteritatis memoriam positum est. 8 V. Idus Jan. 1534.*

(e) *Historia de Dollingero*) Cum hac epigraphe:  
*Barbarus hic solidis certant Germanus & armis:  
 Germanus vicit, Barbarus occubuit.*

Supra januam conclavis hujus cernitur HENRICVS, avem manu gestans, eique superscriptum:

*Fertur equo celeri hic Henricus in ordine primus,  
 Aucupio celeber, nec minus imperio.*

(f) *Idolum*) Est ex lapide nigro, ad imaginem homunculi austeri & torvi, qui habet os magnum & diductum, cum albo tegmine seu peplo super capite. Cæterum Ingolstadii in conclavi Senatus Academici est mensa, cui in alta columna superimpositum idolum aliquod nigrum, subtus autem conspicitur Lutherus cum caterva sequacium suorum, ab altero latere Papa Rom. cum suis ipsius affectis. Superius hæc legitur epigraphe:

*Judæi auratum vitulum coluere: Lutheri*

*Monstrum at vitulum cæca caterva colit.*

Ad idolum: *Monstrum Lutheri tempore natum. Ad Lutheri & Lutheranorum latus: Luther & Lutherani heretici. Ad Papæ & Papistarum: S. Trinitas, unus Deus, miserere nobis. Omnes Sancti deplorate pro nobis. Quod Profes-*



Professores Theologiæ attinet, eorum nomina cum encomio notata sunt in pariete auditorii theologici, hoc ordine: Joh. de Adorff, obiit anno 1505. Georg. Singel 1508. æt. 80. Balth. Fannemannus. Joh. Eckius 1543. Joh. Schröttinger 1536. Leonh. Marstallerus, Norimbergensis, 1547. Claudius Jajus 1552. Nicol. Gaudanus 1560. Nicol. Apelles. Mich. Wagnerus 1565. Oswald. Arnspergius 1568. Theod. Peltanus 1584. Georg. Theander 1570. Alphon- sus Salmeron 1585. Rudolph. Clenckius. Alphonfus Pi- fanus 1607. Mart. Eifengreinius 1575. Petrus Canisius 1597. æt. 77. Joh. Cwillonius 1581. Alb. Hungerus 1604. æt. 54. Casp. Francus 1584. Gregor. de Valentia 1603. æt. 54. Hier. Tarrensis 1611. æt. 80. Adam Tannerus 1632. æt. 61. Mich. Eifelin 1613. æt. 55. Leo Menzelius 1633. Petrus Ste- vartius 1624. Casp. Lechner 1634. Jac. Gretser 1625. Of- wald. Coscanus 1637. Jacob. Keller. 1631. Matthias Mayrho- fer 1641. æt. 93. Adam Gerick 1632. Joh. Mocquetius 1642. æt. 68. Wolfg. Gravenegg 1650. Georg. Stengelius 1651. æt. 67. Georg. Liprandus 1665. æt. 77. Joh. Oswaldus 1680. æt. 74. Beatus Amrhym 1673. in itinere Chinam suscepto. Jo. Evangelista Thanner 1680. æt. 61. Petrus Brajerus 1682. æt. 79. Christoph. Haunoldus 1689. æt. 79. Et horum ultimorum inde usque a Liprando nomina, admodum reverendi Rheindellii, Decani Neagorensis, hu- manitas mihi communicavit.

Et fortassis non ingratum erit lectori, si Eckii & Gretseri, celebrium imprimis Doctorum, memoriam ex in- scriptionibus hoc loco repetamus. Sic autem illæ habent:

## JOHANNES ECKIUS

*S. Theol. Doctor, Academiae Ingolstadt. Procancellarius, Professor, Protonotarius Apostolicus, & Canonicus Eichste- tensis, Theologorum suo tempore pœnix, pluribus editis ope- ribus celeberrimus, & qui adversus sectarios sub capitis quoque*

*XX XX 2*

*periculo*



periculo depugnare, ipsoq; cum Lutbero congregari non veritus fuit, tantus a vitæ fidei defensor, ut sæpe in Imperii Comitibus & Academiis, & Colloquiis, quantus hæreticorum malleus esset, testatum fecerit, ubi adversariorum etiam confessione divi sui ingenii eximiam laudem ab incomparabili præsertim memoriæ dono hac in vita disputandi vi reportavit. Obiit A. C. 1543. IV. Id. Febr. æt. 56. postquam annos 31. sacra professus fuisset.

## JACOBVS GRETSERVS,

S. J. Marcdorfensis Acronianus, ævi sui scriptor celeberrimus, annos XXVI. in alma Universitate docendo confecit. Nihil hujus ingenio clarius, memoria fidelius, judicio gravius, labore constantius, lucubrationibus eruditius & facundius. Sesquicentum fere libris editis Academiam ornavit, bibliothecas auxit, Ecclesiam propugnavit, concionibus interea & prælectionibus privatis, excursionibus, confessionibus audiendis, consiliis dandis assidue occupatus. Amârunt eum maximi Principes, docti ex omnibus provinciis eum coluerunt, vehementer extimuerunt hæretici, quos mira felicitate ac facilitate pressit. Obiit Ingolstadii virtutum meritis plenus 29. Jan. in Jubileo 1625.

Ad pag. 699.

(g) *Augustæ Vindelicorum multa monumenta*) Collecta & exhibita in Operibus Marci Velseri p. 361.

(h) *Pinea nux*) Est saxum altitudine quinquepedali circiter, quod A. C. 1610. terra effossum, ad D. Vdalrici nunc spectatur, cum epigraphe: *Anno p. Chr. n. 1610.* & in altera parte: *Dirigam eum, ut abietem virentem.* De quo omnino legendus Velserus p. 245.

(i) *Locus ille, in quo Confessio Protestantium*) Est atrium palatii Episcopalis, prope Dominicum, seu D. Mariæ ecclesiam cathedralem.

(k) *Liber*



(k) *Liberalitatis Fuggerianæ*) Qua Fuggeri fratres CVI. domus in suburbio S. Jacobi municipibus suis frugi, sed cum pauperie conflictantibus, fruendas concesserunt. Sic enim loquitur publica inscriptio: MD XIX. *Vdalricus, Georg. Jac. Fuggeri August. germ. fratres, qua bono Reip. se natos, qua fortunam maximarum opum DEO O. M. acceptam inprimis referendam rati, ob pietatem & eximiam in exemplum largitatem, aedes CVI. cum opere & cultu municipibus suis frugi, sed pauperie laborantibus D. D. D.*

(l) Monumentum Ludovici, Comitæ Gleichensis, qui duas simul habuit uxores.) De quo Dilherr. in *Ehre der Ehe/* seu Honore Conjugii p. 349.

(m) *Epitaphium Schweppermanni*) Noribergensis, demortui anno 1337. quod ita habet:

Sie liegt begraben Herr Seyfried Schweppermann/  
Alles thuns und wandels an:  
Ein Ritter keck und vest/  
Der zu Sündersdorff im Streit thät das best.  
Er ist nun todt/  
Dem Gott genad.  
Jedem ein En/  
Dem frommen Schweppermann zwen.

Confecto enim Ludovicum IV. inter & Fridericum III. prælio, cumque præter ova comæatus deficeret, Ludovicus, cujus exercitum optime duxerat rexeratque fortissimus Schweppermannus, singulis militibus unum, huic autem bina dari iussit. Quod Cæsarei honoris & favoris argumentum, pii veteres in tumulto extare voluerunt.

(n) *Aliud Philippinæ*) His quidem verbis: *Ferdinandus D. G. Archidux Austria, Dux Burgundiæ, Comes Tyrol.*

Xxxx 3



Tyrol. Philippinæ conjugii charissimæ fieri curavit. Obiit 24. M. April. Anno salutis 1580.

(o) *Wormatiam*) Quæ jam Friderici I. ætate tam erat celebris & conspicua, ut eam præ aliis S. Imperii urbibus, ad celebrandum ibi natalem suum, eligeret. Unde Guntherus canit lib. 5. Ligur.

*Hunc celebrare diem digno meditatus honore  
Cæsar, ubi illustrem legeret sibi curia sedem,  
Quæ posset pleno tot millia pascere cornu,  
Wormatiam petiit, medio quæ gurgite Rheni  
Gallica Germanis opponit rura colonis.  
Utræq; frugiferis tellus uberrima campis,  
Utræq; vinetis exuberat, utraq; pomis,  
Piscibus, atq; feris, & cunctis rebus edendis.*

Ad pag. 700.

(p) *Aurea bulla*) Cujus altera facies exhibet effigiem Caroli IV. Imp. cum circumscripto ejusdem titulo, altera Romam auream. Novam, eamque ex archetypo fideliter expressam Aureæ Bullæ editionem, orbis literatus laudabili Thulemarii diligentia fert acceptam.

(q) *Serrarius*) De Reb. Maguntiacis fol. 692. Confer Topograph. Archiepisc. Mogunt. publicatam a Meriano, p. 12.

(r) *Domus Synodi*) Quæ hodie tabernæ diversoriæ usum præbet. In ejus suprema parte est mensa rotunda, cum similibus scamnis, quibus circumrotatis insidentes, totam urbem possunt circumspicere.

(s) *Erasmi imago*) In cujus basi hæc leguntur verba: *Erasmus natus Rotterdami Octob. xxviii. An. mccccxlxvii. obiit Basileæ xii. Julii An. mdxxxvi.* Domus autem, in qua



qua ille natus, est in platea prope templum S. Laurentii,  
& hancce gerit inscriptionem:

*Ædibus his natus, mundum decoravit Erasmus;*

*Artibus ingenuis, religione, fide.*

(t) *Comitissæ Hollandiæ*) De qua ajunt, impossibile ipsi visum, ut mulier ex uno viro gemellos conciperet, adeoque cum scæminæ gemellos suos in dorso gestanti, stipemque ab ipsa petenti, dixisset, necesse esse, ut legitimo non contenta marito, etiam cum alio consuevisset, hanc bile percitam, tot ei liberos, quot unus annus dies continet, imprecatam esse. Et hinc factum, ut 364. (vel, ut alii volunt, 365.) liberos, ad magnitudinem pullorum gallinæ, uno enixa sit partu, quorum dimidia pars masculi fuerint, dimidia puellæ. Ita rem hanc narrat Lud. Guicciardinus in Hist. Belg. p. 222. allato simul hoc epitaphio: *Illustris Domini Florentii, Comitis Hollandiæ, filia, cujus mater fuit Matbildis, filia Henrici, Ducis Brabantia, fratrem quoque habuit Gulielmum, Alamanniæ Regem. Hæc præfata Domina Margareta, anno salutis millesimo ducentesimo septuagesimo sexto, ætatis suæ anno quadragesimo secundo, ipso die, parasceves, hora una ante meridiem, peperit infantes vivos promiscui sexus, numero trecentos sexaginta quatuor. Qui postquam per venerabilem Episcopum Dominum Guidonem suffraganeum, præsentibus nonnullis Proceribus & Magnatibus, in pelvi quadam baptismi sacramentum percepissent, & masculis Johannes, scæmellis vero nomen Elisabeth impositum fuisset, ipsorum omnium, simul cum matris, animæ ad DEVM, æternaliter victuræ, redierunt, corpora autem sub hoc saxo requiescunt. Adde Topograph. Germ. Inferior. p. 145. & Benthem. Holl. Kirch- und Schulen-Staat. p. 118.*

(u) *Duplex ædes S. Irenæi*) Secundi Lugdunensis Ecclesiæ Episcopi; primus enim fuit Photinus. Alterius pavementum constat opere musivo, & truncatis rhythmis, qui in pariete integri sic leguntur:

*Ingre-*



*Ingrediens loca tam sacra, iam rea pectora tunde,  
 Posce gemens veniam, lacrymas hic cum prece funde.  
 Præsulis hic Irenæi turma jacet sociorum,  
 Quos per martyrium perduxit ad alta polorum.  
 Ipsorum numerum si scire cupis, tibi pando:  
 Millia dena novemq; fuerunt sub duce tanto.  
 Hinc mulieres & pueri simul excipiuntur,  
 Quos tulit atra manus. Nunc Christi luce fruuntur.*

Quiescunt autem hi martyres in specu subterranea prædictæ ædis.

(x) *Augusti Cæsaris.*) Qui anno imperii sui vicesimo optimo sedem huc suam transtulit, tenuitque fere per triennium.

(y) *Amphitheatri, Academiæq; Minervæ consecratæ.*) Amphitheatri rudera sunt in horto cœnobii Franciscanorum Minorum, qui Lutetiæ dicuntur *les bons hommes*, quoniam primus eorum Prior adeo charus fuit Regi LUDOVICO XII. ut eum *le bon homme*, i. e. bonum virum appellaret. Academia autem Minervæ consecrata erat, quod ibi dicendi studium inprimis exerceretur. Et quoniam declamationibus illis viri graves doctique, tanquam censores, aderant, victique in arena oratoria, sive lingua, sive spongia id, quod in tabulis conceperant, nî præcipientes vel lent agi in flumen proximum, delere tenebantur, hinc facile fiebat, ut dicentes, pœnamque tam ignominiosam, metuentes, expavescerent & pallecerent. Atque hoc sibi vult Juvenalis, canens:

*Pallent, ut nudis pressit qui calcibus anguem,  
 Aut Lugdunensem Rhetor dicturus ad aram.*

Ad pag. 701.

(z) *Ædes S. Genovevæ*) Extructa A. C. 1130, eo in loco, ubi piissima virgo, nata Nanterre circa A. 422. in  
 pago



pago quodam prope oppidum S. Germani, orarium suum habuerat. *Ædificârunt autem hoc templum, in honorem ejus, & gratitudinis testandæ ergo, eo quod illa, ut ferunt, intercessione sua apud DEVM, quam pariter afflicti ac alii eidem periculo expositi devote petierunt, morbo epidemico, qui vocatur ignis sacer, & magnam hominum stragem fecerat, remedium & finem attulerit.*

(1) *Saxum quoddam angulare in templo Lichtenfelsensi*  
Contigit hæc res Anno 1552. & inferius sic scriptum:

O Mensch sieh hierbey/  
Wie grausam der Zorn Gottes sey/  
Zu fürchten von jedermann/  
Denn sehet was sein Gewalt hat gethan/  
1552. durch ein grausam Donnerschlag/  
Am Dienstag nach der Heil. 3. König Tag/  
Im 52.sten Jahr / wie ich euch warhafftig sag.  
Fast uns das ein Warnung seyn/  
Zu hüten von Sünden und Höllen-Wein.

Ad dextram alia est inscriptio, qua memoratur, Ferdinandum I. Imperatorem anno 1562. 14. Octobr. heic fuisse, saxumque illud summo cum stupore spectasse.

Ad pag. 702.

(2) *Strumarum*) Quas alii aquæ aut aëri istarum regionum, alii nimio butyri usui adscribunt: nisi enim innatet butyrum eduliis, eaque tegat prorsus, haut illa solent esse ad palatum incolarum. Fit autem ex nimio isto strumarum tumore, ut hominum alii muti reddantur, alii quasi muti & *μογλάλοι*, difficillimamque & auribus ingratissimam habeant respirationem.

(3) *Echo*) De qua Freher. part.2. Orig. c. 18. f. 89.

(4) *Aquarum gurgēs*.) Ortus ex inundatione, quæ contigit A. 1511. dum Vahalis & Mosa, ex æstuante in eos Oceano, ripas suas egressæ, 72. pagos absorpserunt.

Ty 77

(5) *Cata.*



(5) *Cataracta Bodæ &c.*) Consule de his, si lubet, Meriani Topograph. Ducat. Brunsvic. & Lunæb. p. 31.

Ad pag. 703.

(6) *Pontis lapidei*) Firmitate & robore præstantis, atque anno 1146. consummati. Positus in eo cernitur architectus, caput oculosque attollens ad Dominicum, certaminis, quod ei erat cum hujus structore, indicandi causa.

(7) *Aqueductus, & fontes.*) Per ductum istum aqua ex turri, in qua illa salit ad 250. pedes, in fontes, cum publicos, tum privatos deducitur. Pro hoc aquæ beneficio, quicumque civium eo fruitur, (fruitur autem, singulis horis, duabus amphoris, quas Hymer appellant) Magistratui quotannis solvit XIII. florenos, & XVIII. crucigeros. Fontium duo sunt, alter Augusti Imp. alter Herculis Charitumque, ille ante Curiam, hic in foro vinario. Ille tres habet inscriptiones. Prima est: *Imp. Cæs. Divi F. Augusto Parenti Colonia Augusta Vindel.* Secunda: *Posita anno a Chr. nato M D XCIII. Imp. Cæs. Rudolpho P. F. Aug.* Tertia: *Anno a col. ded. M D CV. Joan. Velserus II. vir probavit.* Hic duas; quarum altera sic habet: *Joannes Velserus Octavian. Sec. Fuggerus II. viri locaverunt an. p. Chr. n. M D XCVI.* altera: *Quirinus Reblingerus, Marcus Velserus II. viri probaverunt An. p. Chr. n. M DCII.*

(8) *Curia*) Cujus notabilia in peculiari libello, qui A. 1669. prodiit Augustæ apud Christoph. Schmidium, describuntur.

(9) *Artificiosa porta*) Quam Germanice den Einlaß vocant. Similem fieri curavit Senatus Norimbergensis ad portulam Hallerorum, atque in ejus memoriam cusus est medallio, in cujus adversa parte novum hoc opus cernitur.



nitur, in averſa autem inſignia Septemvirorum, ſub quorum regimine illud confectum eſt.

(10) *De Attila*) Cum hac inſcriptione : *Attilam A. 454. fanatica mulier in Lyci tranſitu conſternat, ter horrendum inclamans* : Retro Attila.

(11) *Othone M.*) In cujus laudem ſequens extat monumentum : *Othoni M. Caſari Berengarius pater & Adelbertus fil. Italiae Reges, Auguſtæ ſe dedunt, A. 952.*

(12) *Conrado III.*) Vbi ſcriptum : *Cunrado III. Caſari Auguſtani militem & pecuniam decernunt, eumque in Syriam profiſcentem & Damascum obſidentem juvant A. 1147. & 1148.*

(13) *Friderico, Sueviæ Duce*) Quod ita proponitur : *Fridericus, Sueviæ Dux, voluntariis Auguſtanorum copiis ſubnixus, patris Abenobarbi Imp. auſpiciis in Aſiam proſectus Iconium vi capit Anno 1189.*

(14) *Matthæo Lango*) Quem duplici nomine laudat epigraphe. Primo quidem : *Matthæus Langus, Patricius Auguſtanus, Cardinalis & Archiepiſcopus, legationis princeps, Romanum Imperium ab Electoribus, nomine Caroli Auſtrii, petit & impetrat Anno 1519. Deinde : Matthæus Langus Anno 1523. Salisburgenſes ſupplices in fidem recipit.*

(15) *De artifice.*) Eſt autem is Caſparus Collinus, Mechlinienſis, qui opus fecit A. 1566.

(16) *Organum Vlmenſe.*) Quod ultra 3000. fiſtulas habere dicitur.

(17) *Turris.*) Quæ eſt una inter tres præcipuas Germaniæ, immo, ſi altitudinem & artificium ſpectes, prima. Secundum autem locum occupat Vienneniſis, tertium, Landſhutana. Quibus S. Andreæ turris in urbe Brunsviceniſi proxime acceſſit.

Yyyy 2

Ad



Ad pag. 704.

(18) *Abrogato pristino nomine*) Quod erat *Truß* *Ranfer*.

(19) *Arx Manbemensis*) Fridericiburgum appellata. In templo civitatis, cui nomen Concordiæ, tribus religionibus, quæ in Imperio Romano-Germanico receptæ sunt, liberum dabatur exercitium.

(20) *Noribergæ*) Cujus notabilia recensere superse-  
deo, non modo quia inde, tanquam patrio nido, in exte-  
ras profectus sum regiones, sed etiam quod illo labore  
defunctus est in novissimo, quod edidit, scripto, magnam  
nominis celebritatem consecutus Wagenseilius.

(21) *Coloniæ ædes primaria*) In qua quot baculos in-  
auratos vides suspensos, totidem annos Archiepiscopum,  
qui in vivis est, sua in sede exegisse, colligere licet: quan-  
doquidem finito primo regiminis anno unus talium bacu-  
lorum suspenditur, secundo alter, & sic deinceps. Et hoc  
docet adscriptum distichon:

*Quot pendere vides baculos, tot Episcopus annos*  
*Huic Agrippinæ præfuit Ecclesiæ.*

Ibidem ajunt recondita esse corpora SS. trium Regum seu  
Magorum, quæ Archiepiscopus Reinholdus a Dassel, ex-  
pugnato a Friderico I. Mediolano, precibus suis a Cæsare  
impetraverit, & impetrata huc transtulerit: nec non vir-  
ginum Britannicarum, quarum princeps fuit Ursula; quæ  
tamen non ab Attila, sed a piratis, nec Coloniæ, sed  
in mari, & cum regionem Armoricorum cogitarent,  
cæsæ fuerunt ac trucidatæ. Videantur Velseri Opera,  
p. 733.

(22) *Cutes taurinas*) Nam fere in medio loci, ubi Ec-  
clesia erat ædificanda, spelunca se prodidit, non alia re sati-  
anda & explenda, quam istiusmodi cutibus. Hinc in co-  
lumna,



lumna, fundamento illi superimposita, bos cernitur pi-  
 etus, cum epigraphe:

*Accipe, posteritas, quod per tua secula narres:  
 Taurinis cutibus fundo solidata columna est.*

(23) *Monumenta Cortenarii & Wittii*) In quorum  
 illo sequentia leguntur: *Heroi incomparabili Egberto Bar-  
 tholomæi a CORTENAER, archithalaffo, hoc virtutis & glo-  
 riosæ mortis monumentū posuere Nob.<sup>mi</sup> Dnn. Præfeti rei ma-  
 ritimæ ad Mosam. Obiit d. 13. Junii 1665. In hoc: Wittenius  
 Cornelius de WITH, Eques, A. 1658. in freto maris Baltici  
 occubuit. Reliqua descripsit, & descripta communicavit  
 Benthem. P. 2. Hoss. R. und S. S. p. 633.*

(24) *Trompii*) *Accipe & hoc, si lubet: Æternæ me-  
 moriæ. Qui Batavos, qui virtutem ac verum laborem a-  
 mas, Lege ac luge. Batavæ gentis decus, virtutis bellicæ  
 fulmen Heic jacet, qui vivus nunquam jacuit, & Impera-  
 torem stantem mori debere exemplo suo docuit, Amor civium,  
 hostium terror, oceani stupor, MARTINVS HERPERTI  
 TROMPIVS, Quo nomine plures continentur laudes, quam  
 Lapis hic capit sane angustior, & cui schola Oriens & Occi-  
 dens, mare materia triumphorum, uivversus orbis theatrum  
 gloriæ fuit, Prædonum certa perniciēs, commercii felix asser-  
 tor, familiaritate utilis non vilis, postquam nautas & milites  
 durum genus paterno & cum efficacia benigno rexit imperio,  
 Post L. prælia, quorum dux fuit aut pars magna, post insignes  
 supra fidem victorias, post summos infra meritum honores,  
 tandem bello Anglico tantum non victor, certe invidus, X.  
 Aug. an. æræ christianæ MDCLIII. æt. LVI. vivere ac  
 vincere desit. Fœderati Belgii Patres Heroi optime,  
 merito M. P.*

*Urbs Phœbi cineres jactat, sed currus honores,  
 Ingreditur quoties, egrediturq; mari.*

Ty 77 3

(25) Re-



(25) *REGVM Gallicorum*) Videatur Inventarium seu recensio tam corporum sanctorum, & sepulcrorum regiorum, quam aliarum, præter thesaurum, raritatum, quæ in eodem fano asservantur, libellus Gallice scriptus, & Lutetiæ Parisiorum editus A. 1681. Nec fallitur Golnizius, in Vlyffe Belgico-Gallico p. 201. scribens: *Non existimo, ullibi terrarum, in uno sacello, tantam vim rarissimarum & stupendorum operum contineri.*

Ad pag. 705.

(26) *HENRICI, Vicecomitis Turenæ*) De cujus vita & obitu legi possunt Genealogiæ Gallicæ J. W. Imhofii, qui præclaris studiis, virtutibus ac meritis, magni Parentis, & simul patricii sanguinis gloriam tuetur, p. 103. De Turenii autem epitaphio particulam hanc accipe, a politissimo, atque elegantioribus ingeniis gratissimo Joh. Jac. Löffelholz a Colberg, itidem Patricio Noribergensi, mihi communicatam: *Abi viator, & post impensas Turenii triumphalibus Manibus lacrymas, LVDOVICI Magni munificentiam demirare, qui in hoc sacro regni sui Capitolio parentat Duci optimo, inter hostium manubias, ubi victori trophæum statuere maluisset. Augusto Principi vitam impende, quisquis gloriam amas, qui vivos donis auget regis, sic mortuos luget.*

(27) *Curia Amstelodamensis*) De qua satius est, tacere, quam pauca dicere. Loquantur autem pro me Cæsius in Descriptione urbis Amstelodamensis, Hodegeta Belgii p. 219. & Benthem. Hoss. R. und S. S. Part. I. c. 3.

(28) *Cornu Oldenburgicum*) Cujus figuram exhibet Hamelmannus in Chron. Oldenburg. p. 20. & sic de eo ibidem scribit: *Bey Graff Ottens (des Ersten) Zeiten/ (vixit autem hic seculo X.) hat sich eine wunderliche Geschichte oder Handel zugetragen. Denn weil er als ein guter*



guter Jäger/ der grosse Lust zu der Jagt gehabt/ sich auf eine Zeit in die Jagt mit seinen Edelleuten und Dienern begeben/ und am Berneseursholze gejaget/ er der Graff selbst auch ein Rehe gehehet/ und demselbigen von Berneseursholze/ biß an den Osenberg/ alleine nachgerant/ und mit einem weissen Pferd mitten auff dem Berg gehalten/ und sich nach seinen Winden umgesehen/ spricht er bey ihm selber/ dann es eine grosse Hitze war: Ach Gott/ der nun einen kühlen Trunck hette! So bald als der Graff das Wort gesprochen/ thut sich der Osenberg auf/ und kompt aus der Kluft eine schöne Jungfraue/ wol gezieret/ mit schönen Kleidern angethan/ auch schönen über die Achsel getheilten Haaren/ und einem Kränklein darauf/ und hatte ein köstlich silbern Geschirr/ so verguldet war/ in gestalt eines Jägerhorns/ wol und gar künstlich gemacht/ geamulirt/ und schön zugerichtet/ daß auch mit mancherley Waffen/ derer jetzt wenig bekand seind/ und mit seltsamen unbekandten Schrifften und Kunstreichen Bildern/ auff und nach Art der alten antiquitäten zusammen gesoldert/ und ausgepuzet/ und gar schön und künstlich gearbeitet/ in der Hand gehabt/ das dann gefüllet war/ und solches dem Grafen in die Hand gegeben/ und gebeten/ daß der Graff daraus trincken wolte/ sich damit zu erquicken. Als nun solches verguldetes silbern Horn der Graff von der Jungfrauen auff und angenommen/ das auffgethan und hinein gesehen/ da hat ihm der Trunck/ oder was darinnen gewesen/ welches er geschüttelt/ nicht gefallen/ und verhalben solch Trincken der Jungfrauen geweigert. Worauff aber die Jungfer gesprochen: Mein lieber Herr/ trincket nur auff meinen Glauben/ denn es wird euch keinen Schaden geben/ besondern zum besten gereichen: Mit ferner Anzeig/ wo er der Graff daraus trincken wolte/ solts ihm/ Graff Otten/ und den seinen/ auch folgendes dem ganzen Hauß Oldenburg wolgehen/ und



und die ganze Landschaft zunehmen / und ein Bedenken haben : da aber der Graff ihr keinen Glauben zustellen / noch daraus trincken wolte / so solte künfftig in nachfolgenden Gräfflichen Oldenburgischen Geschlechte / keine Einigkeit bleiben. Als aber der Graff auff solche Rede keine acht gegeben / sondern bey ihm selber / wie nicht unbillig / ein groß Bedencken gemacht daraus zu trincken / hat er das silbern verguldete Horn in der Hand behalten und hinter sich geschwenget und ausgegossen / davon etwas auff das weisse Pferd gesprützet / und da es begossen und naß worden / sind ihm die Haar abgangen. Da nu die Jungfrau solches gesehen / hat sie ihr Horn wieder begehrt / aber der Graff hat mit dem Horn / so er in der Hand hatte / vom Berg abgeeylet / und als er wieder umgesehen / vermercket / daß die Jungfrau wieder in den Berg gangen / und weil darüber den Graffen ein Schrecken ankommen / hat er sein Pferd zwischen die Sporen genommen / und im schnellen Lauff nach seinen Dienern geeilet / und denselbigen / was sich zugetragen / vermeldet / und das silbern verguldete Horn gezeigt / und also mit nach Oldenburg genommen. Und ist dasselbige / weilsn ers so wunderbarlich bekommen / vor ein köstlich Kleinod von ihm und allen folgenden regierenden Herrn des Hauses Oldenburg gehalten worden / wird auch noch heutiges Tages zu Oldenburg verwahret / wie ichs dann selbst oft gesehen / ist auch von vielen der Kunst und antiquität halber gelobet worden. Huic addatur Winckelmannus, qui in Chron. Oldenburg. c. 3. ait, materiam sive metallum, e quo cornu illud constat, ignotum esse.

(29) *Via strata*) Cui arcus, triumphali similis, cum elegante epigraphe Hugonii equitis, decus conciliat. Nec pigrabor, eam heic repetere : *Via Per colles in vios Et immane fabuletum Magno Procerum animo impensa nobili Et industria*



*industria vere Batava Depressæ, complanatæ, munitæ, Arborum pulchra serie septo aggeribusque perpetuis Ornata, marginatæ, vallatæ, Operis augusti Se autore pridem agitati, adumbrati & promoti Constantinus Hugenus Equ. Initia, progressum, finem fructumq.* Et in his æternum patriæ decus posteritati Hoc qualicunque mon. transmissum ac testatum voluit. Vide Koeren - Blomen Nederlandsche Gedichten van Constantin Huygens Ridder, p 393.

(30) *Dominicum Tullense*) E vivo exstructum lapide, & forinsecus multis statuis lapideis ornatum, intus autem recondens ossa S. Bernhardi.

(31) *Ædes D. Mariæ*) Cujus navis longa 112. chorus 72. pedes.

(32) *Campana*) Cujus pondus ascendit ad 310. centenarios, sicut Erfurtenfis ad 275.

(33) *Picturis inusitata magnitudinis*) Quarum una singulis annis, ipsis Kalendis Maji, donatur ab aurifabris & argentariis, in compensationem ferruminatorum, quæ ipsis vendere licet una cum auro & argento. Oblata talis pictura, extra templum ponitur in conspectu omnium, qui prætereunt, deinde intra illud ante facellum Matris Domini, & postea in loco ædis, qui videtur commodissimus, affigitur.

(34) *Ad Vallem gratiæ*) Fanum hoc altari superbit, fulgidissimo, idque sex columnis distinctum est, & corona tectum aurea.

(35) *Facies Curie*) Quæ ob figuram FRANCISCI II. Regis, portæ superimpositam, redditur insignior.

(36) *Palatium*) In eo olim agebant Reges, estque ob magnam aulam, (*la grande Sale*) quæ ratione longitudinis & largitatis non facile habet parem, inprimis celebre.

Zz zz

(37) Sta-



(37) *Statua HENRICI IV.*) Eaꝗ ænea & equestris. In anteriore stylobatæ parte legitur: *ERRICO IV. Galliar. Imperat. Navar. Reg. CLODOVÆVS XIII. filius opus incho. & intermissum pro dignitate pietatis & imperii plenius & amplius absolvit. Emin. C. D. Richeleius commune votum populi promovit. Superillustr. viri de Bullion, Boutblier. P. ærarii F. faciundum curaverunt. M. VI. XXXV. Et inferius: Quisquis hæc leges, ita legito, uti optimo Regi precaberis exercitum fortem, populum fidelem, imperium securum, & annos de nostris. B. B. F. Reliquas inscriptiones, quæ itidem ad hanc statuam leguntur, studio omittimus.*

(38) *LUDOVICI XIII.*) Hæc vero est marmorea. Et in primo latere scriptum habet:

*Pour la glorieuse & immortelle memoire  
Du  
Très-grand & tres invincible Loüis le Juste  
XIII. du nom Roy de France  
& de Navarre  
Armand Cardinal Duc de Richelieu  
Son principal ministre dans tous les illustres  
& heureux desseins  
Comblé d'honneurs & de bienfaits  
Par un si bon Maître & un si genereux Monarque  
Luy a fait elever cette statüe  
Pour une marque eternelle de son zele  
De sa fidelité & de sa reconnoissance.  
1639.*

In secundo latere:

*Quod bellator hyæros pacem spirare rebelles,  
Deplumes trepidare aquilas, mitescere pardos,  
Et depressa jugo submittere colla leones,  
Despectat Ludovicus equo sublimis abeno,*

*Non*



Non digiti, non artifices fecere camini,  
 Sed virtus & plena Deo fortuna peregit.  
 Armandus vindex fidei, pacisq; sequester,  
 Augustum curavit opus, populisq; verendam  
 Regali voluit statuam consurgere circo,  
 Vt post civilis depulsa pericula belli  
 Et circum domitos armis civilibus hostes,  
 Aeternum domina Ludovicus in urbe triumphet.

In tertio:

Ludovico XIII. Christianissimo Galliae & Navarra Regi  
 Iusto Pio Fælici Victori Triumphatori  
 Semper Augusto  
 Armandus Cardinalis Dux Richelius  
 præcipuorum regni operum adjutor  
 & administer  
 Domino optime merito, Principiq;  
 munificentissimo  
 Fidei suæ devotionis  
 Et ob innumera beneficia immensosque  
 honores sibi collatos  
 Perenne grati animi monumentum  
 banc statuam equestrem ponendam  
 curavit Anno Dom. 1639.

In quarto:

Pour LOVIS le Juste  
 Sonnet.

Que ne peut la vertu, que ne peut le courage?  
 J'ay domté pour jamais l'heresie en son fort,  
 Du Tage impérieux j'ay fait trembler le bord,  
 Et du Rhin jusq'v' à l'Elbe accru mon beritage,  
 J'ay sauvé par mon bras l'Europe de l'esclavage:  
 Zz zz 2 Et si



Et si tant de travaux n'eussent bâti mon sort,  
 J'eusse attaqué l'Asie, & d'un pieux effort,  
 J'eusse du saint tombeau vengé le long servage.  
 Armand, le grand Armand, ame de mes exploits,  
 Porta de toutes parts mes armes & mes loix,  
 Et donna tout l'éclat aux rayons de ma gloire.  
 En fin il m'éleva ce pompeux monument,  
 Ou, pour rendre à son nom mémoire, pour mémoire,  
 Je veux, qu'avec le mien, il vive incessamment.

(39) *LVDOVICI XIV.*) Statuam hanc in honorem Regis A. 1688. suis sumtibus erexit Dux Feüilladus, editaque est ejus descriptio sub hoc titulo: *Description du Monument erigé à la gloire du Roy par Mons. le Marechal Duc de la Feüillade, avec les Inscriptions de l'ouvrage. A Paris, par Sebastien Mabre - Cramoisy 1686.* Vnde nos quædam excerpemus. Nimirum statua hæc Regis est ænea, ac XIII. pedum, eumque refert stantem, & regio indutum habitu, ac pedibus calcantem Cerberum, quem triplex ajunt denotare fœdus, quod Rex gloriose destruxerit. Pone ipsum est Victoria, lauream imponens capiti regio, & sinistra palmas porrigens. Stylobates est ex candido marmore, altus 22. pedes, & ad quatuor angulos habens captivos, catenis onustos; quorum primus refert senem, in aliqua corporis parte tectum pallio Rom. secundus juvenem, lumina sua attollentem versus statuam Regis, hujusque quasi implorantem clementiam; tertius hominem præter propter 50. annorum, Dacico more vestitum, qui videtur deplorare suum infortunium; quartus in flore quidem ætatis constitutus, sed fere nudus, qui in altum respicit vultu indignabundo, & quasi murmurans adversus cælum & fortunam. Quid autem hisce sibi velit inventor, quamvis ex appositis signis & symbolis satis superque constare possit, suo loco relinquimus, origi nostro



nostro manum imponimus. Cæterum in stylobate sunt etiam prostylæ seu imagines media parte eminentes, quarum una repræsentat abolitionem duellorum, altera destructionem hæresium, tertia jus potiori loco sedendi, quod Hispania Galliæ cesserit A. 1662. quarta celebrem Rheni transitum, quinta ultimam Burgundiæ acquisitionem, sexta pacem Neomagiensem. Ad introitum aræ, in quatuor extremis, æquali a statua distantia, sunt triagæ columnarum, in quibus laternæ æneæ inauratæ, eæque XII. lucernis, quæ nocturno tempore aream illuminant, instructæ, & prominentia leonum ora tenent 24. clypeolos, in quibus insigniora, ut dicitur, Regis facta expressa, noctuque diuque militum custodia heic posita, ne quis injuriam aut vim inferat monumento, & statua cancellis inclusa ac circumcincta est. Inscriptiones autem appositæ, auctorem habent Regnierum, Abbatem. Sub pedibus Regis scriptum: VIRO IMMORTALI. Deinde sequitur: *LVDOVICO Magno Patri exercituum & Duxori semper felici Domitis hostibus protectis sociis adjectis imperio fortissimis populis Extructis ad tutelam finium firmis arcibus, Oceano & Mediterraneo inter se junctis prædari vetitis toto mari piratis emendatis legibus deleta Calviniana impietate compulsis ad reverentiam nominis gentibus remotissimis cunctisque summa providentia & virtute domi forisq; compositis*

*Franciscus Vicecomes D' Aubusson Dux de la Feüillade ex Franciæ Paribus, & Tribunus Equitum unus, in Allobrogibus Prorex, & prætorianorum peditum Præfectus, ad memoriam posteritatis sempiternam P. D. G.*

Inscriptio pro statua Regis:

*Tali se ore ferens, orbi & sibi, jura modumq;  
Dat Lodoix; famamque affeclat vincere factis.*

ZZ ZZ 3

Ad Jus



Ad jus potiori loco sedendi, agnitum & concessum Galliæ  
ab Hispania A. 1662.

*Indocilis quondam potiori cedere Gallo,  
Ponit Iber tumidos fastus, & cedere discit.*

Ad transitum Rheni A. 1672.

*Granicum Macedo, Rhenum secat agmine Gallus.  
Quisquis facta voles conferre, & flumina confer.*

Ad ultimam acquisitionem Burgundiæ A. 1674.

*Sequanicam Cæsar gemino vix vincere gentem  
Mense valet: Lodoix ter quinta luce subegit.*

Ad pacem Noviomagensis A. 1678.

*Augustus, toto jam nullis hostibus orbe,  
Pacem agit: armato Lodoix pacem imperat orbi.*

Ad abolita duella:

*Impia, quæ licuit Regum componere nulli,  
Prælia, voce tua, Lodoix, composita quiescunt.*

Ad hæresin destructam A. 1685.

*Hic landum cumulus, Lodoico vindice vidrix  
Religio, & pulsus male partis sedibus error.*

Inscriptiones pro prostypis  
in columnis.

Pugna Rocrensis A. 1643.

*Spes datus in quantas, cui regni, æviq, sub ipso  
Limine, læta quatit celeres Victoria pennas.*

Disciplina militaris restituta.

*Deviatas refer huc, felix o Gallia, gentes,  
Militiam tolerare sub hoc assueta Magistro.*

Servari armis Batavi. 1664.

*Rex Batavos armis servat; sed clade monendi  
Quanta olim, meriti exciderit si gratia tanti!*

Pugna



Pugna ad Arrabonem in Pannonia. A. 1665.

*Et Thraces sensere, queat quid Gallica virtus:  
Arrabo cæde tumens, & servata Austria testis.*

Expediit prima Belgica. 1667.

*Dotales Lodoix urbes, reddig, negatas,  
Marte palam, & iustis ultor sibi vindicat armis.*

Jura emendata. 1667.

*Legibus, hunc unum decuit, normamq, modumq,  
Ponere, qui leges supra, se lege coërcet.*

Iussa erigi & concessa tolli vindex læsi Legati moles  
1664. 1668.

*Rex memorem infandi casus dat tollere molem:  
Roma, fovere pium, læsumq, timere memento.*

Trajectum ad Mosam captum. 1673.

*Fulminat ad Mosam Lodoix; & milite frustra  
Defensas denso Trajecti dejicit arces.*

Pugna Senefensis. 1674.

*In Gallum juncta arma movent, Germanus, Iberq,  
Et Batavus: cedit forti victoria Gallo.*

Fusi tribus præliis Germani: Sinsheimii 1674. Ensheimii  
1674. Altenheimii 1675.

*Ter Gallo adversis ausus concurrere signis,  
Ter victus, patria jacuit Germanus arena.*

Pugna navalis ad Augustam Siciliae 1676.

*Hispanæ & Batavæ concurrunt Gallica clasfis;  
Duxq, cadit, fractis in quo spes hostibus una.*

Pugna navalis in Panormi portu. 1676.

*Ponto iterum Gallus tonat, urget, Iberaq, in ignes  
Clasfis abit, simul arma, viros, simul omnia volvens.*

Valentianæ vi captae & illæsa. 1677.

*Te Duce, te Domino, Lodoix; prona omnia Gallo,  
Urbes vi capere, & docili quoq, parcere captis.*

Pugna



Pugna Cassellensis. 1677.

*Per medias Batavorum acies, fraterna Philippus  
Arma gerens animosq;, ruit Fratre auspice victor.*

Cameracum captum. 1677.

*Nulla unquam propius, nec majus ab arce periculum:  
Victus Iber, victrix domitam vix Gallia credit.*

Incensa in America Batavorum clasfis. 1676.

*Orbe alio victor, per aperta pericula mille  
Infert Gallus ovans inimicis navibus ignes.*

Captum in studium pacis Gandavum. 1678.

*Hiberno Lodoix, quam reddere destinat, urbem  
Marte rapit. Tanta est condenda gloria pacis!*

Restitutus in agros Germanicos Suecus. 1679.

*Reddere Germanos Lodoix regnata Sueco  
Arva jubet, Danosq;. Jader stupet, & stupet Albis.*

Argentoratum & Casale, una eademq; die parta. 1681.

*Eridani & Rheni geminam arcem, sanguine nullo,  
Una eademq; dies, Ludovici adjudicat armis.*

Lucenburgum captum. 1684.

*Viribus baud ullis quondam expugnabile saxum,  
Nunc domitum, Gallos, qua terruit, arce tuetur.*

Juncta Maria.

*Misceri tentata prius, semperq; negata  
Æquora, perpetuo Lodoix dat fœdere jungi.*

Dux Genuæ cum Senatu supplex. 1685.

*Vane Ligur, frustra, animis elate superbis,  
Justitiam monitus disce, & non temnere Divos.*

Pacata Maria. 1685.

*Mille rates Pompejus agens freta libera præstat:  
Stans celso in folio Lodoix maria omnia pandit.*

Ex Scythia, Libya, & extrema India Legati, nempe ex Moscovia A. 1668. 1681. 1685. ex Guinea A. 1670. ex Marocco & Fez A. 1682. ex Siam A. 1684. ex Algeria A. 1685.

*Ingentem*



*Ingentem Lodoicum armis famamq; fidemq;  
Egressum, Scythia & Libye venerantur & Indi.*

Atque ita se habent inscriptiones illæ, quas produxisse, lectori haut ingratum erit. Oppositæ autem iis sunt aliæ in scripto quodam Germanico, quod anno 1693. prodit, sub titulo *Novissimæ Relationis de curiosioribus negotiis status hujus temporis.*

(40) *Exemplum arcus triumphalis*) Excogitatum fuit, ut in memoriam pacis Noviomagensis, ei que hæc debebat accedere inscriptio:

*LVDOVICVS Magnus,*

*Cui simul omnia, quæ vix uni singula, contingere, Ortus prope divinus, Coarva Regno victoria, Populi devotissimi, Ministri fideles, Fiscus integer, Bella justa, Fortuna constans, fractis una Batavis, perdomitis Hispanis, debellatis Germanis, represfis Anglis, bello toti Europæ vel illato vel ostentato, Pace tandem, qua voluit lege, sancita, Arcum Triumphalem erexit.*

Anno Salutis Mundi 1679.

Ad pag. 706.

(41) *Observatorium*) Egregium certe & magnificum ædificium: cujus tectum planum longitudine 57. latitudine 33. pedes complectitur. Ad dextram ejus datur locus aliquantulum eminentior, cujus longitudo se porrigit ad 16. pedes. In cellam per 171. gradus descenditur. Maximus tuborum optidorum, qui heic dantur, 67. si non 77. pedes æquare fertur. In tam nobili domo habitabat nobilissimus Cassinus,

Aaa aa

Domus



(42) *Domus, aut potius palatium invalidorum*) *L' hostel des invalides*. Quo nihil splendidius, nihilque ordinatius. Extrinsecus reperies spatiosam aream, & aulam grandem, quatuor cinctam minoribus. Ad hanc aulam IV. sunt refectoria, eaque longissima, & excellentissimis eorum locorum, quæ Rex in utroque Belgio armis suis expugnavit, picturis exornata, ut adeo comedentes incolæ, non tantum corporis vires reficere, sed & oculos atque animi factorum memoria pariter queant pascere. Ad portam primi introitus, nec non ipsius palatii, ubi ejus Præfectus sedet, ædisque sacræ, & alibi etiam, ubi opus esse videtur, excubiæ sunt positæ ex ipsis invalidis, qui & quotidie, quasi in campo Martio, exercentur. Neque fossa deest & murus, quæ undique cingunt tam præclarum Prytaneum. Quod usque adeo placuit Legato Maroccensi, Hadgi Mehemed Tummin, (ad cujus colloquium, quum is domum reversurus, Lugdunum tenderet, comitum itineris mei suavissimus, Remondius, nobilis Gallus, & Major navium bellicarum, qui illi a Rege datus erat interpres, vir tam eruditus, quam fortis & strenuus, me deduxit) ut nihil sibi eo elegantius in urbe visum esse assereret. Denique notandum, quod eorum, qui in illud recipiuntur, facultates, post ipsorum obitum, eidem cedant atque assignentur: neque enim alio modo tanti beneficii possunt fieri participes.

(43) *Bastilla*.) *La Bastille*. Extructa ab Hugone Ambrieto, Præfecto urbis, in propugnaculum contra Britannos. Gramondus l. 2. Hist. Gall. *Bastilla*, ait, *infestus pestilentia locus, murisque præaltis, cælum opacum: unde, per malignitatem aëris, morbi ex improviso, & funera*.

(44) *Louvre*.) Stupendum hoc & incomparabile opus nondum plane est perfectum, sed amplius dilatabitur suo tempore, quandoquidem, ut ajunt, pertinget usque ad pla-



ad plateam S. Honorati, & ædes S. Germani Antiffiodorensis, eo, quod impedimento est, destruetur. Prout nunc se habet, longitudo ejus continet 250. & ambulacrum, quo Palatio laterariæ (*au Palais des Tuileries*) jungitur, 680. pedes. In vetere ædificio, Regis & Reginae conclavia multo rutilant auro, sed quæ in novo majoris sunt elegantia, ibiq; conspiciuntur tabulæ pictæ, quæ nihil artificiosius: præcipue in aula Legatorum, ubi illi ad audientiam Regis admittuntur. In eapse aula nunc quidem complura dantur armaria pretiosissima, quæ spectantes in admirationem, immo in stuporem rapiunt.

(45) *In nemore Vicenarum*) *Au bois de Vincennes*. Cujus castellum ædificare cœpit PHILIPPVS Valesius, perfecit CAROLVS V. Novum ædificium curæ Mazarini Cardinalis debetur. Vivarium ibi bellissimum est, amplissimumque.

(46) *Ad Fontem Bellaqueum*.) *A Fontainebleau*. Qui natales suos debet FRANCISCO I. ornamentum vero, cum primis quod canalem illum attinet, quem Najades in domicilium sibi ipsæmet elegisse videntur, LVDOVICO XIV. Quam suaves sint horti Regis, Reginae, fontis, pineti, & stagnorum, quam gratum aviarium, & cervorum ambulacrum, eorundemque nemus, quam augusta ædificia Regem & Aulicos excipientia, quam bellæ & amplæ aulæ illæ quatuor, quæ a militibus prætorianis, convivii, choreis, & ludis scenicis (*la sale des gardes, la sale des festins, la sale des bals, & la sale de la comedie*) denominantur, concipi magis, quam verbis exprimi potest, & laudari.

(47) *Ad fanum S. Germani*) *A S. Germain en Laye*. Hæc sedes constat Castello vetere & novo, quorum illud CAROLVS V. fundavit, hoc HENRICVS IV. In illo, quod conclavia habet 63. splendide instructa, Rex hodiernus hybernare solet, in hoc frater ejus degit. Ex hoc

Aaa aa 2

novo



novo per duplices scalas lapideas descenditur in cryptas substructas, quarum una sicca est, reliquæ autem quatuor artificio aquarum certare possunt cum perfectissimis Italiæ, suavisimumque contra solis ardorem receptaculum & oblectamentum præbent. Testem appello omni fide majorem, Bentivolum Card. qui amœnitates hujus loci celebrat in parte I. Epistolarum. Vbi etiam rationem audientiarum sui temporis describit, quæ ab hodiernis ne hilum quidem discrepant. Adeo non imminuta est populi, qui se ingerit, copia, nec ibi majus hodie, quam tunc, Regem inter & Oratorem loquentem, spatium licet reperire.

(48) *Versalia*) *A Versailles*. Nomen hoc habet a pago, qui ibi fuit. Quod quamvis Rex vellet mutatum in aliud, videlicet in *Ville neuve S. Louis*, id est, *Novam civitatem S. Ludovici*, obtinere tamen id non potuit, quantacunque polleat potentia ac potestate; siquidem consuetudinis, qua homines locum veteri nomine salutabant, tanta vis erat, ut frangi aut superari nullo posset modo. Vetus ædificium a LVDOVICO XIII. erectum, Rex, qua est erga Parentis opera pietate, non destruxit, sed auxit novis suis, iisque superbis & augustis. Idem etiam suo ære sibi comparavit omnes veteris pagi domos casasque, & hisce dirutis, fundum Aulicis obtulit, ut in eo suis sumtibus ædificarent, sed ad eum modum, qui ipsis delinearetur. Illi igitur Domino suo obedientiam præstantes, paucis annis adeo eleganter & symmetrice domos confecerunt, ut non sine summa voluptate contemplari queas. Sed quid dicam de pompa regiae sedis, & reliquorum ædificiorum, de nitore sacelli, de stabulis, hortis, ambulacris, spelunca, statuis, & aquæ tam ductibus, quam lapsibus lusibusque, in specie de arcu triumphali, (qui est ipsius inventum Regis) de IV. anni temporibus, de Neptuno, de insula, de alveo,



alveo, in quo navibus & triremibus devehi potes, de theatro, labyrintho & globo terræ, ex lapidum particulis scitissime fabrefacto? Nimirum

*Omnia si luftræ alienæ climata terræ,  
Non est in toto pulchrior orbe locus.*

Descriptio ejus cum iconibus Gallice prodiit Lutetiæ Parisiorum A. 1694. sub hoc titulo: *La Description du chateau de Versailles*. Neque tanto Regi tantas opes, tantasque delicias invidemus; sed quod Versalia Palatina, id est, urbs & arx Manhemienfis in Palatinatu ad Rhenum, quæ non quidem immensis sumtibus, symmetria tamen & elegantia ædificiorum cum Versalia Galliæ certavit, adeo crudeles manus Manesque ab irato Marte passa sit, hoc vero est, quod dolemus acerbissime, & omnes Germani antiqua virtute & fide nobiscum dolebunt.

(49) *In curiis.*) Vt in Ratisbonensi:

Ein jeder Raths-Herr / der da geht  
Von seines Amtsweegn in den Rath/  
Soll seyn ohn alle böse Affect/  
Dadurch sein Hertz nicht werd bewegt/  
Als / Freundschaft / Zorn / und Heuchelen/  
Neid / Gunst / Gewalt / und Tyranney/  
Und seyn durchaus ein gleich Person/  
Dem armen als dem reichen Mann/  
Durch Sorgen für die ganz Gemein/  
Derselben Nutz betrachten rein/  
Denn / wie er ri      wird auf Erden/  
So wird in amaktt auch richten werden/  
Am jüngsten Tag / nach seinem Rath/  
Den er ewig beschlossen hat.

In Augustana: *Publico consilio, Publicæ saluti, A. MDCXX.*  
In Wormatiensi extabat: *Audiatur & altera pars.* Et in  
Heidelbergensi: *Qui consilium dat, præstare fidem, non.*

Aaa aa 3

even-



*eventum debet.* In Francofurtensi legitur: *Eines Manß Rede/ halbe Rede/ Man soll sie billig hören beede.* In Coloniensi, (nec non Bremensi) & quidem in janua Concilii, ad introitum:

*Ingressu affectus omnes ante ostia lingue,  
Et dic iudicii libera vota tui.*

Ad exitum:

*Egressu expeditas studio commissa fideli,  
Et quæcunque palam sunt nocitura, tace.*

Forinsecus in frontispicio: *M. Vipsanio L. F. Agrippæ,* qui Octavii Imp. Aug. gener, ejus in Pontif. ac trib. pot. imperioque collega factus, & successor ab eo delectus, Senatum Populumq; Vbiorum trans fl. Rhenum in hanc citeriorem ripam traduxit, urbemq; hanc auspiciato opportunissimog; a primis fundamentis loco condidit, mœnibusq; firmissimis cinxit, atque variis publicis operibus & illustribus monumentis ornavit, Cos. S. P. Q. Agrippinensis post tot secula fundatori suo grati. Item: Fl. Val. Constantino Max. Aug. P. F. Constantii F. Imp. in viâto, quod ad immortalem Imperii R. gloriam, ac limitis summam utilitatem & ornatum, factu difficilem lapideum pontem exercitui, cum liberet, adversus Francos, ne in Galliam transfirent, traducendo, ipse heic utramque Rheni ripam, Agrippinensem quippe Francicamque, conjungendo muniens, imposito quasi flumini in hosteis jugo, construxerit, S. P. Q. Agripp. Ad dextram: *C. Jul. Cæs.* Quod Vbiorum Principes, Senatum Civitatemq; eorum trans-Rhenanam amplam atque flor. domo, a finitima Suevorum gente longe maxima, Germaniplarij omnium bellicosissima, injuriis, bellis & obsidione pressam, in amicitiam fidemq; S. P. Q. R. recepit, & exercitu Rom. per geminatos pontes sublicos a se perquam celeriter confectos ex Treviris trans Rhenum in Vbios C. Pompejo & M. Crasso Cos. traducto liberârit, Senatus Populusq; Vbiorum. Et: *C. Octavi Cæs. Imp.*



Imp. P. P. Augusti æternæ memoriæ, ob Principes, Senatum Populumq; Vbiorum, ejus auspiciis ex vetere trans-Rhenana sede in hanc citeriorem Rheni ripam per M. Agrippam generum, orbe terra mariq; pacato, feliciter traductos, Senatus Populusq; Vbiorum. Ad sinistram: Imp. Cæs. F. L. JUSTINIANO P. F. Aug. gratiæ testandæ, quod fœderatos Quiritibus Agrippinenses præclaris olim juris Italici, propter perpetuam in Rom. Imperium fidem, beneficiis donatos, id eis fortissimus religiosissimusq; Imp. universo etiam legum corpore, ad amplio rem justitiæ rei q; publicæ totius orbis reformandæ cultum a se renovato consignarunt S. P. Q. Agripp. Et: Imp. Cæs. MAXIMILIANO Austriaco Ferd. F. Philippi N. Maximiliani Pronep. Friderici abnep. Augusto, Caroli V. Imp. genero, cum OTHO I. cognomento Magnus Imp. Germaniæ insigniores civitates, ac Coloniensem inprimis, liberâs fecisset, & qui eum secuti sunt antiquis conservandis, novis insuper privilegiis eam ornârint auxerintve: tu vero, potentissime Imp. omnium anteriorum Cæsarea autoritate plenissime ea confirmaveris, pacem publicamq; quietem patriæ Pater difficillimo rerum statu paraveris, ea propter gratæ mentis instinctu, numini majestatiq; tuæ, cujus stirps longa antiquaq; Imp. serie consurgit, & invicta virtus sola pietate superata est, S. P. Q. Agripp. hanc tabulam ære publico devotus collocari jussit. MDLXXII. In Harlemensi: S. P. Q. H. Hanc sacram Themidos domum, Senatus sedem, ne temerato civis unquam. Anno MDCXXX. In Delpheni:

Hæc domus odit, amat, punit, consecrat, honorat,  
Nequitiam, pacem, crimina, jura, probos.

In Amstelodamensi: Discite justitiam moniti, & non temere Divos. Item: IV. Cal. Nov. MDCXLVIII. quo compositum est bellum, quod fœderati Inf. Germ. populi cum tribus PHILIPPIS, potentissimis Hispaniarum Regibus, terra  
mariq;



marig, per omnes fere orbis oras, ultra octoginta annos fortiter gesserunt, asserta patriæ libertate & religione, auspiciis Coss. Pacificatorum optimorum Gerb. Pancras, Jac. de Graaf, Sib. Valckenier, Pet. Schaap, Consulum filii & Agnati, jacto primi fundamenti lapide, hanc curiam fundarunt. Et in Lubecensi: *Discite justitiam moniti, & non temnere, Jhovam.* Ac rursus: *Tuæ existimationis, legum, & ante omnia Dei memor esto.*

(50) *In foris.*) Vt in Bremensi, in scuto Imperatorio, quæ supra statuam CAROLI M. conspicitur:

Bryheitt/ do icf nu openbahr/  
De Carl und mannig Forst vorwahr/  
Deeser Stadtt gegeben hatt.  
Deß danckett Gode/ is mein Rath.

(51) *In turribus*) Vt in Anissenfi, quæ in medio fori erecta est:

*Aspicias exiguum, nec magni nominis urbem,  
Quam tamen æternus curat amatq; Deus.  
Hæc de Laureaco reliqua est: his Marcus in oris,  
Cum Luca, Christi dogma professus erat.*

(52) *In portis*) Vt in Bremensi versus Oldenburgum: *Conser-va, Domine, hospitium Ecclesiæ tuæ.* In Gorichemienfi: *Civitas, in qua maxime cives legibus parent, & in pace beata, & in bello invicta est. Anno 1642.* Nec non in Hamburgensi versus Altenaviam: *Tutissimum civitatis monimentum concordia.* Et in altera facie: *Da pacem, Domine, in diebus nostris. 1663.*

(53) *In arcibus & castellis.*) Ante, quam secundo Rheno Bonnam adeas, conspicias Rudolphi secessum, seu castellum, Germanice dictum Rodolffs-Eck/ quod ille, ut amatam suam, quæ in vicino latitabat monasterio, quotidie spectare posset, extrui curavit. Vnde lapidi hæc impressa inscriptio:

War



War Rodolff nicht ein Beck?

Dat he um eine Nonn ließ buen Rodolffs- Eck?

Et in arce Leidenſi legitur: *Arcem hanc cum fundo vetuſtiſſimam illuſtriſſimæ gentis Waſſenariæ hæredium, cum Burggravii titulo, omniq; jure ei annexo, a Principe Lignæo, Waſſenariæ Domino, XV. Kalend. Maji anni MDCLI. in juſſu S. P. Q. Leidenſis, ære civitatis publico tranſlatam, hac inſcriptione Urbis Coſſ. Guil. Paedts, Paul. Swanenburch, Jac. van den Berch, Corn. Bruyteveſt, publice teſtatum voluerunt, Anno Domini 1653.*

(54) *In Gerontodochiis*) In Amſtelodamenſi quidem ſequentes rhythmi:

Dees onſe Lotery, Met hulp der Burgery,

Vord hondert dertich Gryſen,

Indit huys nieu gebout, Daent ander twentich oudt,

En vier maer plach te ſpyſen.

(55) *In ergaſtulis.*) Amſtelodamenſe ſupra portam ſuam exhibet figuram hominis, qui curru, ferris, limis, aliisq; id genus instrumentis onuſto, vehitur, & indomitas feras curru junctas ſcutica percutit, atque ita ad obedientiam cogit, lemmate hoc adſcripto: *Virtutis eſt domare, quæ cuncti parvent.*

(56) *In hortis.*) Vt in eo, qui eſt Lugduni in Gallia apud Franciſcanos: *Noli concupiſcere, credere, dicere, facere omnia, quæ viſes, audis, ſcis, potes.* Et in alio, e regione monumenti Amantium:

*Tecum habita, ut vivas, alibi quicunque moratur,*

*Non vivit. Viva eſt vivere vita ſibi.*

Item: *Subire in cælum ex angulo licet. Exurge modo, & finge te quoque dignum Deo.*

(57) *In villis*) Ea, quæ in amœno colle prope Lugdunum Gallorum ſita eſt, & vernaculo idiomate *la Duchere* appellatur, ſequentes continet ſententias: *Rure tibi vivas,*

Bbb bb

aliis



aliis dum vixeris urbi. Nec, vidisse semel, satis est. Pulchra, nisi abundum esset. Intra vi, ut exirem.

In templis) Vt in Bremenſi ad D. Mariæ: *Audito multa, loquere pauca.* 1589. Et in Mennoniſtarum Amſtelodamenſi: *Perfer & obdura.*

(58) In Collegiis) Vt in Caſimiriano Heidelbergæ ex-  
tabat: *Ingenuo labori & ſolertiæ D. D. Collegium hocce Caſimirianum, religionis orthodoxæ, doctrinæ exquisitæ, ſacundia ſingularis, artiumq; liberalium fontem & ſeminarium, poſteris Principibus æmulationis exemplum, ſuiq; ſtudii in Academicos, munificentia in ſtudioſos, auſtarl conlati in egenos teſtimonium, ad æternitatem Palatini nominis, a fundamento exſtrui fecit abſolvitq; Princeps providentiſſimus, eruditorumq; amantiſſimus JOH. CASIMIRVS, Palatinus ad Rhenum Comes, Dux Bojorum, Friderici IV. Tutor ac Reip. Adminiſtrator, Anno Chriſti MDXCI. Et in Sapientia: D. O. M. A. Sereniſſimi Electoris CAROLI LV. DOVICI, Collegii Sapientiæ Reſtauratoriſ glorioſe clementiæ, Illuſtrium Rerumpublicarum, Tigurinæ, Bernenſis, Schapbuſianæ pietati munificæ, nobilis Ludovici Geerii liberalitati eximie, Danielis Toſſani ſollicito proviſui Sacrum, Redore Univerſitatis Job. Henr. Hottingero Tigur. SS. Theol. D. & Prof. collegii Ephoro P. F. Anno ſalutis reparatæ MDCLVI. Et in introitu Auditorii Theologici:*

*Hanß von Laudebach iſt mein Nahm/*

*Die erſten Bücher druckt ich zu Römi/  
Bitt vor mein Seel/ Gott gibt dir Lohn.*

*Starb 1514. auf Sanct Steffan.*

In Auguſtano, quod appellant Candidatorum Academia, hodiernum legitur: *Deo uni eſſentia, trino perſonis, maximo, optimo, ſanctiſſimo, Eccleſia Chriſti, Confeſſionem Auguſtanam proſitens, pio voto hanc domum conſecravit, A. R. O. 1581. In Anatomico Leidenſi:*

*Vidu-*



*Viduos agimus semper, nec vivimus unquam.*

*Vivere da recte, da bene, Christe, mori.*

(59) *In Academiis & Scholis.*) In Academia Gronin-  
genfi: *Φεροντήριον pietatis, virtutis, bonarum literarum stu-*  
*diis dicatum.* In Schola Lipfienfi S. Nicolai:

*Auspiciis, bone Christe, tuis schola surgit amœna.*

*Fac, sonet ut laudes tempus in omne tuas.*

In Bremensi: *Illustris Schola Bremensis. 1615. Lux*  
*& Integritas. Venite, filii, auscultate mihi, timorem Domini*  
*docebo vos. Mens, lingua, manus curanda.* Et in Ham-  
burgensi: *Recta orbis educatio, fundamentum Reip. A. 1669.*

(60) *In Bibliothecis*) In Hamburgensi: *Pietas & li-*  
*tera, fulcra Reip.* In Augusta:

*Suntu me multo Dominus studioq; perornat,*

*Vt sim culta bonis Bibliotheca libris.*

*Speſtatum admiſſus, probitatis munda ſervet,*

*Ne quid deformet, ſurripiatvè mihi.*

*Ordine quæq; videt, quo nunc digeſta, reponat,*

*Ne ſint diſverſis poſt repetenda locis.*

*Vrgenti Dominus ſi quidquam commodet, illud*

*Integrum ut accipiat, non monitus referat.*

*Si quædam inveniet non prorsus grata palato,*

*Judicioq; nimis forte probanda ſuo,*

*Seſe contineat placide, tacitus meditetur:*

*Infunt & ſcriptis turpia menda meis.*

*Hanc quiſquis legem contemnes, Bibliotheca*

*Abſtine ab alterius: volve, revolve tuam.*

Et in Mariana Ultrajecti:

*Pro Chriſti laude, libros lege, poſtea claude.*

(61) *In ſepulcris.*) Juvat heic commemorare quatuor  
inſigniores, videlicet Obdami in vetere templo Hagen-  
ſium, JOH. CASIMIRI, Regis Poloniae, in Abbatia S. Germa-  
ni, Cartesii in æde Genevievenſi, & Gaſſendi ad D. Ni-



colai Campestris, Lutetiæ Parisiorum. Prima sic habet:  
*Honori & gloriæ herois illustrissimi, & ex vetustissima nobilitatis Batavice stirpe per continuam & legitimam successionem prognati, Dn. JACOBI, Dynastæ de Wassenæ, Domini in Obdam, Fœderati Belgii Archithalassi, rebus præclare terra mariq; gestis non tantum in Atblantico oceano, unde sparsa fugataq; Lusitanorum classe, magnaq; onustus præda domum rediit, sed & in freto Baltico, ubi pulsus adversariis & insigni parta victoria, laboranti Daniæ succurrit, & simul majestatem Reip. asseruit & stabilivit, ac tandem contra universam Regiam Anglorum classem cum paucis fortissime dimicans, & undiq; cinctus, ne sic quidem cessit hostibus, sed magna prius edita strage, incensaq; demum prætoria navi, berculeo exemplo flammis viam sibi ad Superos paratam invenit, anno ætatis LV. Illustrissimi & Potentissimi Fœderati Belgii Proceres viro fortissimo optimeq; de Rep. merito monumentum hoc posuere, anno reparatæ salutis MDCLXVII. Secunda:*

*Æternæ memoriæ Regis Orthodoxi.  
 Heic post emensos virtutis ac gloriæ gradus omnes  
 quiescit nobili sui parte*

**JOHANNES CASIMIRVS**

*Poloniæ & Sveciæ Rex,*

*Alto e Sagellonidum sanguine Familia  
 Vasalensi*

*Postremus, quia summus literis, armis,  
 pietate.*

*Multarum gentium linguas addidit,  
 Quo illas propensius sibi devinciret,  
 Septendecim præliis collatis cum hofte  
 signis,*

*Totidem uno minus vicit, semper invictus.*

*Mosco-*



*Moscoritas, Svecos, Brandenburgenses,*  
*Tartaros, Germanos armis,*  
*Cosacos aliosq; rebelles gratia ac beneficiis expugnavit,*  
*Victoria Regem eis se præbuit, clementia Patrem.*  
*Deniq; totis viginti imperii annis fortunam virtute vincens*  
*Aulam habuit in castris, palatia*  
*In tentoriis, spectacula in triumphis.*  
*Liberos ex legitimo matrimonio suscepit,*  
*Queis postea orbatuſ est,*  
*Ne, si se majorem reliquisset, non esset*  
*ipse maximus,*  
*Sin minorem, stirps degeneraret.*  
*Par ei religio ad fortitudinem fuit, nec segnius*  
*cælo militavit, quam solo.*  
*Hinc extructa monasteria, & nosocomia Varſavia, Calvinia-*  
*norum fana in Lithuania exciſa,*  
*Sociniani regno pulſi, ne Caſimirum*  
*Haberent Regem, qui Chriſtum Deum non haberent.*  
*Senatus a variis ſectis ad Catholicæ fidei communionem adductus,*  
*ut Eccleſiæ legibus continerentur,*  
*qui jura populis dicerent,*  
*Vnde illi præclarum Orthodoxi nomen*  
*ab Alexandro VII. inditum.*  
*Humanæ deniq; gloriæ faſtigium prætergreſſus,*  
*cum nihil præclariuſ agere poſſet,*  
*Imperium ſponte abdicavit Ao. 1688.*  
*Tum porro lacrymæ, quas nulli regnans excuſſerat, omnium*  
*oculis manârunt,*  
*Qui abeuntem Regem non ſecus, atq;*  
*obeuntem Patrem, luxêre.*  
*Vitæ reliquum in pietatiſ officiis cum exegisset,*  
*Tandem audita Cameneciæ expugnatione,*  
*ne tantæ cladi ſupereſſet,*  
*Bbb bb 3*

Cari-



*Caritate patriæ vulneratus  
Occubuit XVII. Cal. Jan. M DCLXXII.  
Regium Cor Monachis hujus cœnobii, cui Abbas  
præfuerat, amoris pignus  
reliquit,*

*Quod illi isthoc tumulo mœrentes condiderunt.  
Tertia :*

*RENATUS DESCARTES,  
Vir supra titulos omnium retro Philosophorum,  
Nobilis genere, Armoricus gente, Turonicus origine,  
In Gallia Flexiæ studuit,  
In Pannonia miles meruit,  
In Batavia Philosophus delituit,  
In Svecia vocatus occubuit.*

*Tanti Viri pretiosas reliquias  
Galliarum percelebris tunc Legatus Petrus Chanus  
Christinæ sapientissimæ Reginæ, sapientum amatrici,  
invidere non potuit, nec vendicare patriæ;*

*Sed quibus licuit cumulas honoribus  
peregrinæ terræ mandavit invitæ,  
An. Domini MDCL. mens. Febr. æt. 54.*

*Tandem post decem & septem annos,  
In gratiam Christianissimi Regis  
Ludovici XIV.*

*Virorum insignium Cultoris & Remuneratoris,  
Procurante Petro Dalibert,  
Sepulchri pio & amico violatore,  
Patriæ redditæ sunt,*

*Et in isto urbis & artium culmine posita  
Ut, qui vivus apud externos otium & famam quæsierat,  
Mortuus apud suos cum laude quiesceret,  
Suis & exteris in exemplum & documentum futurus.  
I nunc Viator,*

*Et di-*



*Et divinitatis immortalitatisq; animæ*

*Maximum & clarum assertorem*

*Aut jam crede felicem, aut precibus redde.*

Quarta: *Petrus GASSENDVS, Diniensis civis, ejusdem Ecclesiæ Præpositus, S. Theol. Doctor, in Academia Parisiensi Reginus Mathematicus Professor, heic requiescit in pace, qui natus est A. C. 1592. die Januarii 22. obiit A. 1655. die 23. Octobris, depositus est die 25. Henricus Ludovicus Hubertus de Montmor, libellorum supplicum Magister, viro pio, sapienti, docto, amico suo & hospiti posuit.*

(62) *In viis publicis.) Vt ad D. Mariæ fonticulum, (zu unser L. Frauen-Brünnlein) Steinam inter & Cremesiam, quas Danubius alluit, in via est crux, cum istis rhythmis:*

*Die Bildnuß ist Gott selber nit/*

*Er wird allein bedeut damit:*

*Diß Bild sieh' an / und richt dein Sinn*

*An den / so bedeut wird darinn.*

Anno 1610.

*Et in via Oenipontana propè Griessam, cum CAROLI V. Imp. & FERDINANDI, se invicem salutantium, imaginibus: Imp. Cæs. Carolo V. P. F. Aug. ex Hispaniis Italiæq; susceptis Imperialibus coronis, advenienti, & Ferdinando, Hungariæ Bohemiæq; Regi, e Pannoniis occurrenti, optimis Principibus, ad perpetuam publicæ lætitiæ memoriam, quod fratres ante ann. VIII. digressi, summis inter mortales honoribus, regnis triumphis aucti, hoc in loco salvi sospitesq; convenerunt, Anno salutis MDXXX.*

*Frid. Franzius a Monte Niveo*

*Stenaci præfæ. mandato Regio*

*F. C.*

(63) *Bibliotheca Hamburgensis.) Philologicis præcipue scriptis, & Lucaë Holstenii libris instructa. In eadem monstra-*



monstratur flos ferri, & cochlea marina, quam natura formavit, ut pateram; & manubrio ejus, serpens infidet.

(64) *Lipſienſis.*) Multa continens MSS.<sup>ta</sup> quorum Catalogum edidit ſingulari & pietate & eruditione inclutus Fellerus. Habet etiam volumen Epistolarum, propriis præſtantiffimorum hujus & ſuperioris ſeculi viro- rum, ut Scaligeri, Hug. Grotii, Meurſii, Scip. Gentilis, C. Rittershuſii, Piccarti, Voſſii, aliorumque manibus ſcri- ptarum, nec non exemplum idoli Thuringici, cujus *ἀετὶ- νου* æneum Sondershuſii ajunt aſſervari. Huc etiam translati ſunt libri *Hülſemanniani*, in quibus ea, quæ adſcri- pſit B. Vir, ut in Annot. H. Grotii in libb. Evang. G. Ca- lixti Refut. Weller. & aliis, notari merentur.

(65) *Jeneniſis.*) In qua *Alcoranus*, in membrana ſcri- ptus: *volumen precum*, quod Turcæ capſulæ incluſum in via ſecum portare ſolent: *Lutheri N. T.* quo uſus in ſuggeſtu, ad textus prælectionem: Ejusdem *verſio Bibli- orum*, cum propriæ emendatione manus: Duo libri *Miſſa- les*, FRIDERICO Electori Saxoniae a Papa Rom. donati, in quorum altero carpentum cum quadriga equorum pi- ctum adeo ſubtiliter, ut ne exig næ quidem muſcæ menſu- ram excedat: duo *Bibliorum volumina*, membranæ im- preſſa, & a Luca Kranachio illuminata, quibus glorioſæ memoriæ Fridericus in captivitate ſua uſus eſt: & *Biblia Vandalica*. Magnum quoque naſta eſt incrementum per libros *Bofii* & *Sagittarii*, nec minus ornamentum per numi- ſmata Boſii, quæ ad Sagittarium, & inde in laudatam per- venerunt Bibliothecam.

(66) *Auguſtana.*) Multis ditata MSS.<sup>tis</sup>, quæ Spi- zelius recenset in Sacr. Biblioth. illuſtr. Arcan. reſect.

(67) *Monaceniſis.*) Cujus non minima pars ſunt libri politici Comitſ *Kurzii*. Oculis ſpectantium etiam exhi- betur



betur *Evangelii S. Johannis initium*, MAXIMILIANI Electoris manu scriptum dicam? an pictum: nihil enim hac scriptura facile datur elegantius: item Theoph. Raynaudi Opera Theologica, de quo notabile erat Patris Jesuitæ judicium: *autorem illum ejusmodi uti stylo seu calamo scriptorio, ut eum in igne videatur intinxisse.* Confer. Morhofii Polyhist. c. 16. p. 179.

(68) *Argentinenfis.*) Inter cujus MSS.<sup>ta</sup> comparet, *Theophylactus* in Prophetas minores, *Florus* historicus, cui tamen initium deest, duo volumina *scriptorum & epistolarum* Argentinensium Theologorum ad alios, & horum vicissim ad illos, *Biblia Hebraica* cum notis Masoreticis, animalium figura ex parte effigiatis, *Virgilius* cum notis veterum, in margine appositis, atque *Ovidii* epistolæ. Quos duos ultimos codices deperiit, & pro numerata pecunia, sed frustra, expetiit doctissima Suecorum Regina, atq; heroina incomparabilis, CHRISTINA.

(69) *Tigurinarum par nobile.*) Carolina videlicet, & Publica. Illa nomen fert a CAROLO M. & possidet MSS.<sup>ta</sup> *Pellicani & Bibliandri, Augustini* Commentarios in librum Psalmorum, nitidissime scriptos in membrana, atque in simili *Biblia Latina*, quæ CAROLUS M. Canonicis donavit; nec non *Lactantium*, Romæ editum A. 1470. hoc est, librum inter primos, qui Romæ excusi sunt, numerandum. Ostenduntur quoque *Beitavii* Comment. in Alcoranum, elegantissime pictus, *Hohlbeinii mensa*, Moriam Erasmi repræsentans, & *mappa topographica* ditionis Tigurinæ adeo exacta & accurata, ut ne ipsæ quidem moletrinae & agrorum termini sint præteriti & omissi.

(70) *Sangallensis.*) In qua MSS.<sup>ta</sup> fere omnes Patres Latini, multi S. Scripturæ commentatores, nec non rituales, & auctores profani non pauci; speciatim *Servius* in Virgilium: item *Salomonis*, Abbatis quondam Sangallensis,

Ccc cc

Voca-



Vocabularium, *Glossarium* Psalmorum, *Rabanus Maurus* de Computatione Ecclesiastica, Psalterium a *Folchardo* monacho nitidissime scriptum, & quoad literas initiales pictum diligentissime, ac Flores *Flori*, presbyteri, ex Augustino super epist. Pauli ad Romanos, qui liber in Bibliotheca Patrum non exstat. Ibidem complures delitescunt *Sanctorum vitæ*, hætenus ineditæ; nec *terrestris globus*, in quo & cœlestis, concinnatus a Luca Stöcklino, pharmacopola Constantiensi, sua laude privandus est.

(71) *Genevensis.*) Vbi videbis *versionem S. Codicis Gallicam*, ante quatuor & amplius secula factam; *Calvini* ad Lutherum epistolam sub dato 12. Calend. Febr. anni 1545. & aliam *Cyrilli*, Patriarchæ Constantinopolitani, scriptam A. 1636. ad Senatum, Professores & Ecclesiæ Ministros Genevenses, transmissamque per Ant. Legerum, tunc Ministrum Legationis Batavicæ ad Portam Ottomanicam, deinceps autem Professore Theol. in hac celebri Allobrogum Academia. Atque in ea illos, ad quos scribit, *fratres* vocat, deque Calvino sic loquitur: (*L' Antichristo*) *sa paura alli simplici con il nome di Calvino, dottore santissimo e sapientissimo, che al cielo gode e partecipa con i Santi, che carissimi al loro Redentore.* id est: (*Antichristus*) *terret simplices nomine Calvini, Doctoris sanctissimi & sapientissimi, qui in cœlo beatitudine fruitur cum Sanctis, qui charissimi sunt ipsorum Redemptori.* In eadem epistola narrat, fuisse quendam, qui religionem simulans Græcam, sedem patriarchalem obtinuerit, atque aliquandiu possederit, tandem autem, detectis fraudibus, impostorem depulsum, eamque sibi restitutam fuisse. Nec deest ejusdem Patriarchæ MS.<sup>um</sup> *de Fide & Confessione Græcorum*, quod postea impressum fuit, atque in lucem datum publicam.

(72) *Leidenfis.*) De qua videndus liber peculiaris, qui prodiit sub titulo *Academiae Leidenfis*, & Benthem. *Holl.*



Holl. R. und S. Staat Part. I. p. 82. qui & notabilia *Theatri Anatomici*, ex Jacobo Voomio in seqq. foliis recenset.

(73) *Augusta*.) Quæ Guelfebyti asservatur, & augmentum hoc nomen habet a fundatore suo, gloriosæ memoriæ Principe, *AUGUSTO*, qui, ex vero Morhofii in Polyhist. c. 3. judicio, vere bibliotheca mortuæ suæ ἐμψυχος erat, immo ipsa ejus anima, verusque, quod in magna laude ponendum est, Bibliothecarius. Insignis illa est VII. Admirandis, quæ Conringius recenset in epist. de Biblioth. Augusta, ad illustrem Boineburgium scripta. Ibi etiam videre licet *librum Medicum Sinensem*, cujus charta ex serico confecta; *Biblia vulgata*, A. 1117. scripta, betulæque cortice vestita; *Pbil. Melanchthonis* Annot. in epist. Pauli ad Corinth. propria ipsius manu exaratas; *Biblia*, quibus prædictus Sereniss. fundator olim usus, ejusdemque *effigiem*, non lineis, sed subtilissimis literarum ductibus ex dictis S. Scripturæ factam; ac repræsentationem *signorum Zodiaci* per corpus humanum, ita, ut caput sit arietinum, brachia constituent gemelli, dextram pectoris cancer, sinistram leo, umbilicum virgo libram tenens, & inguen scorpium occupet, sagittæ autem in femore, capri capita in genibus, & aquæ guttulæ, amphoram designantes, in cruribus conspiciantur, totumque isthoc corpus binis piscibus, qui globo terraquo decussatim impositi sunt, insistat: &, quod maxime omnium mirandum, IV. vastos Bibliothecæ hujusdem *Catalogos*, quos propria Sereniss. Conditoris manus confecit. Nunc autem novus & accuratissimus totius Bibliothecæ index, excellentissimi viri consilio, studiose conficitur.

(74) *Vindobonensis*.) Cæsarea nempe, eaque instructissima. Cui accessit magna pars incomparabilis bibliothecæ *MATTHIÆ HUNNIADIS*, & paucis ab hinc annis bibliothecæ *Budensis* MSS.<sup>ta</sup>, quæ felici urbis expu-

Ccc cc 2

gnatio-



gnatione, barbarorum unguibus sunt erepta. Vid. Lambecius in Comment.

Ad pag. 707.

(75) *Jesuitica.*) Cujus Systema edidit Joh. Garnerius A. 1678. Et universa quidem in IV. partes distributa est, quarum prima est Theologia, secunda Philosophia, tertia Historia, quarta Juris doctrina. *Theologia* exhibet varias sacrorum Bibliorum editiones ac versiones, eorumque explanatores, bibliothecas Patrum, scripta Scholasticorum, & libros polemicos, morales, mysticos, atque homileticos. *Philosophia* libros philosophicos proprie dictos, item mathematicos, medicos, grammaticos, oratorios, poeticos, & philologicos. *Historia* geographicos, chronologicos, libros historiæ universalis, historiæ ecclesiasticam V. & N. T. cum totius, tum particularium Ecclesiarum, nec non historiæ peregrinæ, gentilitiæ, iconologicæ, naturalis, artificialis seu philologicæ, & fabulosæ scriptores. *Doctrina Juris* libros ad Jus tam civile, quam ecclesiasticum pertinentes, quorum illi ad Jus referuntur vel antiquum, vel Romanum, vel Gallicum, vel exterum, vel Gentium; hi autem complectuntur Concilia, Decreta summorum Pontificum, & Commentarios ac tractatus de humanis ac divinis officiis.

(76) *Lamoniana.*) Præstantissimus ejus bibliothecarius, Bailletus, & *Indicem Bibliothecæ*, & *Epistolam* de eo, quæ Judiciis ipsius de Autoribus subjuncta est, publicavit, atque in ea ordinis sui rationem luculente exposuit. Et hinc debitis laudibus effertur a Morhofio Polyhist. l. 1. c. 5.

(77) *Victorina.*) *A S. Victor.* Quæ inter celebratissimas numeranda, five raritatem, five multitudinem respicias, præcipue MSS.<sup>torum</sup>.

(78) *Germaniana.*) *A S. Germain*, seu in Abbatia S. Germa-



Germani, quæ est in suburbio. Reperies heic libros antiquissimos, & MSS.<sup>ta</sup>, quæ, ut perhibent, paris cum Apostolis sunt ætatis.

(79) *Sorbonica.*) Sic dicta a fundatore domus, qui erat Robertus *Sorbonus*, cubicularius Ludovici Sancti. Quem admodum autem Collegium hoc a Cardinali Duce *RICHELIO* decus & augmentum, ita ab eodem bibliotheca libros accepit suos. Summi hujus viri corpus sub majore repositum altari, epitaphium præ se fert, in quo inter alia hæc leguntur verba: *Jacet intra Sorbonam, qui jacentem Sorbonam evexerat. Reparavit antiquam, addidit novam, & bis autor Sorbonæ est. Vivit intra Sorbonam Richelius, quia intra Sorbonam nihil moritur.*

(80) *Colbertina*) Quatuor & viginti mille libris referta, pluribusque, ut eruditissimus mihi narrabat *Baluzius*, MSS.<sup>tis</sup> instructa, quam omnes reliquæ in urbe bibliothecæ.

(81) *Regia.*) Quæ in XIII. conclavibus asservatur, & ex relatione nobilissimi *Carcavii*, librorum L. millibus constat, inter quos 14000. MSS.<sup>ti</sup> In eodem hoc sacrario thesaurus numismatum custoditur, qui continet IV. Otto- nes ex ære.

(82) *Hoc enim qui dicere aufit vel scribere.*) Vt Ludov. Jacobus, de quo Morhof. Polyhist. l. i. c. 3.

(83) *Diversos ritus orantium & salutantium in templis.*) Sic in Dominica Palmarum rustici Sangallenses, Pontificiæ addicti religioni, in longis perticis frondes, poma, & ficcata pira in Ecclesiam deferunt, ut benedicantur; & fœminæ inter eos devotiores, nec minus Sacerdotes, expansis orant brachiis. Argentorati fœminæ, nobilibus exceptis, in Dei domum venientes, vicinis manus porrigunt, atque ita salutationis ritu defunguntur; precantes faciem suam obvertunt altari, seu mensæ, quam altaris loco habent,



habent, atque ad alterum ejus cornu viris & masculis, ad alterum fœminis *S. Eucharistia*, generali publicaꝗue, non autem speciali privataꝗue *peccatorum confessione* prævia, dispensatur. *Baptismus* ibidem sic peragunt: Pastor ecclesiæ (nam Diaconis non amplius licet baptizare) infantem linteis involutum in manum sumit, ejusꝗue pedes suo apponit pectori, & aqua non affusa, sed ter hausta, frontem illius caputꝗue tribus adspersit vicibus, ita ut aqua pone caput defluat. Et *Stipendiarii* hujus Academiae, quos Wilhelmitas vocant, nec non Tubingenses, ad differentiam aliorum Studiosorum, altis pileis utuntur. Heidelbergæ in Ecclesia aulica statim post præloquium, recitabat Concionator pias *preces* pro necessaria ad cultum divinum jam peragendum devotione. Lipsiæ laudabilis est mos in faciendis *nuptiis*, ut nimis sumtibus eatur obviâ. Sponsus & sponsa tenuioris sortis, ille quidem binis viris, hæc totidem mulieribus cincta, pedibus eunt in ecclesiam; qui autem splendidioris conditionis sunt, curru devehuntur, & finita concione ritu consueto copulantur, ac postea, pro ratione facultatum suarum, convivium vel convivium instituunt. Ibidem infantes *baptizant* amictos togula, dum caput eorum aqua perfundunt. *Ordinationem* sic celebrant: Ordinandus coram Superintendente genibus incumbens, atque ab eo interrogatus, an credat in Deum Patrem, Jesum Christum, & Spiritum Sanctum, an renunciet omnibus veteribus & recentibus hæresibus erroribusꝗue, an pie velit vivere, & cœtum suum fideliter docere ac pascere, ad singula respondet affirmando. Tum prælegitur, quomodo se gerere debeat. Pastor in officio suo, eiꝗue datur potestas docendi, utendi duplici clave, & Sacramenta juxta Christi institutionem dispensandi. Hoc factò Antistes Candidato manum imponit, ac benedictionem impertit, sed absque voce sensibili,



bili, idem mox facientibus reliquis e Clero, qui assistunt. Deinde sumit Ordinatus sacra symbola, & panem quidem benedictum ad dextram, vinum autem consecratum ad sinistram altaris, ac reversus ad locum pristinum, iterumque in genua prolapsus, solenni benedictione perfruitur, dum interea quatuor Scholastici albis induti, flexo poplite in ultimo altaris gradu se demittunt, & toto corpore adorant, quoties DOMINI, Benedicti illius, fit mentio. Dusseldorpii, & in Belgio, *tabula nigra* cum Insignibus familiæ depictis, muro domus supra fores affixa, indicium est, quendam in illa supremum diem obiisse. Sicut in Galliæ Ecclesiis paganis, si Patroni eorum ex hac vita discesserint, *ligamen nigrum* appingitur muris extrinsecus, angulis autem insignia, quibus ipsorum familia est decorata. Ultrajecti fit *baptismus* a Ministro Ecclesiæ, dum alius in suggestu, ubi concionem habuerat, permanens, preces sacro isti actui destinatas prælegit, qui & matrimonium inituros ex eodem *copulat*. Neque heic pompa videtur, καὶ ποδὴν φαντασία, sed sponsus dilectam suam manu ducit in Ecclesiam, & ante umbonem inter alios confidens, concioni audiendæ & piis vacat precibus, usque dum benedictionem impetrat sacerdotalem, & hac impetrata eodem modo suavissimam Cajam suam domum reducit, atque cum aliquot necessariis moderatum & innoxium capit prandium. Amstelodami autem illorum, qui non sunt, membra Ecclesiæ Reformatæ, *conjugium in Curia confirmatur* a Secretario Reipublicæ: hic enim, præsentem aliquo Scabino, interrogat matrimonium inituros, an conjungi velint, & si affirmaverint, eosdem jubet manus mutuo dare, & benedictione data dimittit: ubi tamen iis postea integrum est, consecrationem nuptialem a suæ Ecclesiæ Pastore petere, petitamque accipere. Dordraci Prædicantes non habent Ecclesias proprias, quibus unice addicti & alligati



alligati sint, sed modo heic, modo alibi *concionantur*. Men-  
 nonistæ in genua procumbentes, inclinatoque capite,  
 multa suspiria ducentes, *orare* solent. S. Cœnam ad hunc  
 fere modum administrant: Mensæ linteo stratae superim-  
 ponuntur corbes albæ panibus azymis repletæ, poculisq;  
 argenteis circumseptæ. Ante illam duo stant Pastores,  
 non peculiari aliquo & sacro, ut vocatur, sed vulgari ha-  
 bitu induti, quorum unus oratiunculam habet de S. Cœna,  
 & mox cum Collega circumiens per totum sanum, pa-  
 nemque e corbe, a famulo deportata, acceptum fractumq;  
 singulis distribuit. Facta distributione ad S. mensam re-  
 vertitur, atque Christum ait instituisse, ut acceptus panis  
 ederetur. Hinc omnes, qui acceperunt, demissis capitibus,  
 factoque alto silentio, manducant. Postea de vino ali-  
 quid præfatur, idque in pocula infundit, infusum pro-  
 pinat vicino suo, atque hic alteri, autem tertio, &  
 sic deinceps, eodemque modo a Collega adjuva-  
 tur. Quod *Quackeros* attinet seu Tremuantes, eo-  
 rum sacra hanc præ se ferebant faciem: Ingredi-  
 entes in locum conventus, qui erat suprema ædium,  
 contignatio, tecto capite, nulloque præsentium salu-  
 tato, sedem capiebant. Vbi dimidia fere hora effluxerat,  
 juvenis quidam surrexit, natione Anglus, & defixis ali-  
 quandiu in terram oculis, cœpit fari Anglice, quæ inter-  
 pres ei vicinus, de phrasi ad phrasin Belgice reddebat.  
 Erat autem sermo ille parænesis ad pietatem, cæterum,  
 si connexionem spectes, nihil aliud, quam scopæ dissolutæ.  
 Producto in sesquihoram sermone illo, idem juvenis in  
 genua decidens, lamentabili voce precatiunculam recita-  
 bat, auditoribus partim geniculantibus, partim ora ad pa-  
 rietes vertentibus, & quasi extra se raptis. In Gallia, ac  
 præcipue Lutetiæ Parisiorum, formosiores ac lautiori fru-  
 entes



entes conditione, in festis majoribus *eleemosynam colligunt* pro pauperibus, atque eum in finem patinam argenteam in ecclesia circumgestant, vestibus amictæ optimis pretiosissimisque, ut forma & nitore suo expugnent corda dantium, ad largam erga pauperes beneficentiam. *Vespertinum officium* vigiliæ festi Circumcisionis Christi celebratur ab Archiepiscopo in choro ecclesiæ cathedralis, quæ sanctissimæ Mariæ, matri Domini, dicata est. Chorum ingrediens Præsul ille, benedictionem impertit, dum omnis populus in genua procumbit, & vel a satellitibus etiam procumbere jubetur, alta voce clamantibus, *a genoux!* id est, Demittite vos in genua. Præfertur ei crux & pedum pastorale, quorum illa ad dextram, hoc ad sinistram sedis elevatæ, atque holoserico violaceo exornatæ, quam occupat, rite collocatur. Dumque officium peragitur, duo Canonici, veste sacra amicti, in choro deambulare solent. Huc etiam pertinet, (quod ad devotionem alendam & conservandam apprime facit) *Ecclesiam Freudenstadianam* (appellata autem hæc urbs, antea a conditore suo nuncupata Fridericopolis, Freudenstadium sive urbs lætitiæ, ab exulibus, qui a Duce benignissimo heic recepti, & ob quietas sedes gaudio & lætitia perfusi fuerunt) in Ducatu Würtenbergenfi, ad formam anguli, atque ita ædificatam esse, ut suggestus in medio, seu in extremo anguli constitutus sit, masculi autem & fœminæ intergerino pariete a se invicem divisi, nihilominus omnes concionatorem intueri possint. Et similem in modum facta est structura conclavis in *Xenodochio Amstelodamensi* illius, in quo mares & fœminæ conveniunt ad cultum Dei peragendum. Pie profecto ac prudenter. Atque utinam plura hujusmodi acroateria darentur, maxime iis in locis, ubi juvenus vivit licentiosius!

Ddd dd

Ad



Ad pag. 708.

(84) *Meliorē saepe ac saniorē doctrinam.*) Asserti hujus fidem salvare licet exemplo *Carræi*, Professoris quondam Logices in Academia Heidelbergensi, quippe qui vulgatum canonem: *Qui vult finem, vult etiam media, quæ ad illum requiruntur*, hunc in modum illustravit: Deus vult salutem, utpote finem hominum: ergo vult, ut homines etiam habeant fidem, per charitatem efficacem, fidem operantem, utpote quæ est medium perveniendi ad salutem; nam profani illi sunt homines, qui dicunt, Deum prædestinasse quosdam ad salutem, sive credant, sive non credant, & benene, an male operentur.

Ad pag. 709.

(85) *Modum proponendi. &c.*) In Sorbona si Magister non satis distincte *dicit*, auditores licentiam sibi sumunt eum redarguendi, aut strepitum excitandi vel pulsu pedum, vel complosione manuum. Eodem in loco quando *disputant*, toties repetunt argumentum, donec bene sit comprehensum. Et finiunt disputationes absque gratiarum actione. Neque etiam præfationes præmittunt Opponentes argumentis suis, sed statim & *ἀνευ προοιμίου* illa proponunt; isque, qui pensum absolvit, & certamen certavit suum, exeundi habet caputque libertatem. Si quis est, qui *Baccalaurei dignitatem* prensat, eum oportet aliquot defendere theses, seu propositiones. Tunc plures ei obijciunt Baccalaurei, & unus post alterum, finito suo conflictu, ad dextram cathedræ se confert, ut in capsula appensa deponat schedulam suam, quam, si improbet Candidatum, nudam & simplicem relinquit, si vero probaverit, unicum ei inscribit verbum *SUFFICIT*. Hæc capsula aliquo post tempore refferatur, ut appareat, an Candidatus istis honorum primitiis dignus, nec ne, fuerit judicatus.

Qui



Qui autem supremos in hoc illustrissimo Collegio honores ambit, ab eo requiritur, ut tres annos impendat studio theologico, quo obtineat Baacalaureatum, porro biennium, ad Licentiati gradum conscendendum, & rursus triennium, ad reportandam lauream Doctoralem. Adeo parci sunt in dispensandis honoribus ac privilegiis, tantumque studii & temporis præmittendum est, ut illa obtineantur. Neque etiam hoc est silentio prætereundum. *Rektor Universitatis Parisiensis* quovis trimestri ex Philosophis a Procuratoribus IV. Nationum (Francicæ nimirum, Picardicæ, Normannicæ, & Germanicæ, sub qua ultima etiam comprehenduntur Angli, Scoti, Hiberni, Dani, & Sueci) eligitur. Tres reliquæ Facultates suos habent Decanos, qui Rectoris gubernationi & ipsi subsunt. *Antecessores* non aliud, quam Canonicum profitentur jus, Civilis doctrina Aureliam relegata. In promotionibus publicis *Rector antecedit* non modo Pares Franciæ, aliosque Proceres & Legatos, sed Cardinales etiam, ipsumque Nuncium Apostolicum. Urbem ingredienti Reges idem *excipit* primus, & in funere illorum cum Archiepiscopo *procedit* Parisiensi. Tanta heic *Studiosorum copia*, ut eorum numerus nonnunquam ascenderit ad X. vel XX. immo etiam XXX. millia.

Ad pag. 710.

(86) *Exemplis comprobare possem.*) Novi ego aliquem, quem non pœnitet, nec pœnitebit unquam, salutasse & compellasse viros in Germania, Belgio, & Gallia celebriores, (ne quid de vivis dicam) partim etiam generis prosapia, munerumque & meritorum amplitudine illustres, *Ottonem ab Es in Mauderoda, Wagnerum, Boeclerum, Schallerum, Seb. Schmidium, Gerlachium, J. Lud. Fabricium, Boineburgium, Petrum de Walenburch, Mauricium, Henr. Müllerum, Varenium, Sam. Vossium, Gronovium, Hornium,*

Ddd dd 2

Heida-



*Heidanum, Mareſum, Altingium, Zwickerum, Felbingerum, Wisſowatium, Galenum Abrahamum, Sandium, Baluzium, Carcaſium, Menagium, Adr. Valeſium, Maimburgium, Turretinum*, quippe ex quibus audire licuit, quis primus fuerit, qui Seren.<sup>mæ</sup> Reginae Suecorum CHRISTINÆ, Conringium, atque inprimis editam ab eo Politicam Ariſtotelis, tanquam divinum ſcriptum, (quo tum nomine, ille a Cancellario Regio reprehendus) commendaverit, ſeque credere, Belgas doctiſſimos, qui hoc florent ſeculo, ſcientiam artesque optimas, quamvis id diſſimulent, ex Germanorum ſcriptis hauſſiſſe. Certæ Academiae Theologos laudem modetiæ mereri, at dolendum interim, quod inter diſputantes a rebus ventum ſit ad perſonalia, cum tamen res cum re, argumentum cum argumento debeat conferri. Patinum, Medicum Gallum, ob vulgaram de Regis amoribus hiftoriam e patria ejeſtum; diſputationis Schragmüllerianæ non filium, ſed parentem, qui tamen invita ſtylum Minerva tractet, auctorem; cum civitate Noribergenſi, quoad præſtantiam & numerum artificum, nullam aliam in Imperio comparandam; & Carolum Sigonium de Senatu Romano ſcribentem, latere ſub nomine Joh. Zamofcii. Vitum Dietericum, Linckium, Schopperum, Schröderum, Saubertum, tanquam patriarchas noſtros, in magno habendos pretio, & Bacmeiſterum, qui profeſſioni admotus fuit Roſtochienſi, optimum & piſſimum fuiſſe Meclenburgienſium; nec Titii, Doctoris Academiae Juliæ, lenitatem ſanis ingeniis unquam improbari. H. Grotium Scriptura eſſe, uſum, non Scripturam Grotio, qui alioquin habeat in ſuis de J. B. & P. libris res non aſpernandas, eas præſertim, quæ ex profanis deſumſerit autoribus; & Wagenſeiliū a Bœclero olim rogatum atque excitatum fuiſſe ad notas quasdam in loca Rabbinica a  
Grotio



Grotio citata conscribendas. Magnam in eum derivatam invidiam, qui anno 1664. a Seren.<sup>mo</sup> Electore Palatino missus Francofurtum ad Legatos utriusque religionis, Lutheranae videlicet & Reformatae, ut cum iis de dissidiis componendis ageret, sapientissimumque Electorem dixisse, animadvertere se, omnes in Anglia turbas dissidio Clericorum imputandas, seque vi voti, quod fecerit ante redditum Electoratum, obstringi omnibus modis, ad impendendum studium operamque, ut partes dissidentes concilientur: hinc etiam nolle, ut sententiae privatorum Doctorum, Calvini, Bezae, Zanchii, & similium, in suggestu proponantur, sed unicam normam agnoscendam & sequendam esse Scripturam sacram. Placuum de divinitate Christi omnium optime scripsisse contra Socinianos, eique addi posse Coccejum, Cloppenburgium, Heidanum; Marefium autem, Comenium, Arnoldum aliosque, in hoc argumento tanti non esse aestimandos; Hackspanii Distinctiones theologico-philosophicas ante, quam oculos subirent suos, majoris pretii sibi visas esse; existimasse, enim se, doceri in illo libro, quomodo distinctiones philosophicae ad Scripturam intelligendam adhibendae sint: qui demum labor utilis esset futurus, si quis eo defungi vellet; denique Socinianos, satisfactionem Christi, quem pro nudo homine habeant, negantes, haud meliores esse Platonis aliisque doctis Ethnicis, qui ipsi possint talem historiam de homine quodam consignare & credere, qualem Sociniani tradant de Christo crucifixo & mortuo. In iisdem styli elegantiam, & philosophiae rerumque sacrarum notitiam non esse spernendam, sed ipsos interim nimis audaces, quod primitivae Ecclesiae testimonia rejicere non vereantur; egregie contra illos scripsisse Petavium in loco de Incarnatione, nec non Hoornbeckium, ac Patrum nostrorum aetate Joh. Junium; nec inter Luthera-

Ddd dd 3

nos



nos facile reperiri, qui felicius cum adversariis istis decer-  
tare possit, quam Joh. Musæum; Spanhemium, Heidelber-  
gæ docentem, esse Genevensem h. e. aliquanto rigidio-  
rem, moderatiorem autem & solidioris judicii, Fabrici-  
um, eumque videri parum recedere a partibus Remon-  
strantium atque Independentium, & diligenter legere,  
Molinæum; Sylviumque, Pastorem Clevensem, satis acute  
scripsisse contra Walenburchios. Ex sententia Irenæi,  
Cypriani & Augustini, nullam justam causam esse schisma-  
tis: Lutherum ergo male fecisse, nec SS. Patrum effatum  
observare eos, qui illum sequantur, hodieque schisma fo-  
veant; neminem nisi solum Lutherum fuisse excommuni-  
catum, sed reliquos omnes, cum primis Principes, ab Imp.  
CAROLO V. monitos, ut in Ecclesia catholica manerent,  
vel ad eam redirent; Lutheranos in sua justificatione non  
habere spiritum Christi, quandoquidem negent justificari  
hominem charitate, quæ *spiritus Christi* appellerur;  
non se negare justitiam imputatam, sed hoc duntaxat,  
quod per eam primario justificemur, quandoquidem ratio  
denominationis vera & præcipua non extrinseca, sed in-  
trinseca sit afferenda. Rationem tollendi Nostratum  
discordias videri hanc optimam, si non colloquio, sed scri-  
ptis rem agerent in uno aliquo loco, ubi disceptantes con-  
venissent; & Menzeri consilium, quo is aiebat, insisten-  
dum esse verbis Scripturæ, & repudiandos terminos scho-  
lasticos, omne ferre punctum, hanc enim rectam esse  
viam perveniendi ad concordiam; fugiendas esse tricas  
Philosophiæ, in primis Aristotelicæ, & Theologiæ ancillari  
debere linguas, Hebræam præcipue & Græcam. Eum, qui  
aliquid præclari aliquando præstare velit in studio homi-  
letico, non tam libris libellisve artem concionandi vendi-  
tantibus, quam Sripturæ sacre meliorumque ejus inter-  
pretum, & Ecclesiæ Patrum, qui in illo excelluerunt, le-  
ctioni



ctioni debere incumbere; optimosq; sacrarum literarum  
 interpretes esse illos, qui tractationi sanæ Philosophiæ adjun-  
 xerint accuratam notitiam illarum linguarum, quibus ver-  
 bum divinum primitus perscriptum fuit. Arndii, Ger-  
 hardi, Lütkemanni & aliorum cum ipsis facientium scri-  
 pta, ad pietatis exercitium esse oppido utilia, nec satis  
 prædicari posse pietatem, prudentiam atque magnani-  
 mitatem ERNESTI, Seren.<sup>mi</sup> Saxoniae Ducis. Georgii  
 Richteri, Procancellarii Academiae Altorfinæ, singularem  
 eruditionem, incredibilem erga externos humanitatem atq;  
 beneficentiam summis in cælum laudibus extollendam, fa-  
 cundissimosque in Ecclesia Noribergensi Tractatores suo  
 tempore fuisse Saubertum & Cornelium Marci; nec con-  
 sultum, ut quis in regionem aliquam secedat, cujus ver-  
 nacula ipsi sit ignota, neque credendum, auxilio communis  
 Mercurii, h. e. Latinæ linguæ, defectum illum pensari  
 posse; fuisse namque, qui in insula ab orbe divisa, Præfe-  
 cto illustri Collegii fere ad horam Latine locutus sit, va-  
 ria narrans & sciscitans, sed hunc pisce magis mutum, ne  
 verbulum quidem respondisse. Notas in Sulpitium Seve-  
 rum, nec non Historiam Ecclesiasticam, inter Horniana,  
 scripta, pro melioribus agnoscenda esse. Pacem colen-  
 dam cum iis, qui nolint; tolerantiam vigere inter nos  
 debere, donec Deus revelet, quæ nunc non possimus ca-  
 pere; placere sibi conjungere, etiam quoad effigies, Era-  
 smum, Lutherum & Calvinum, qui alias male disjungan-  
 tur, nam Erasmus glaciem fregisse, Lutherum ausum,  
 esse, Calvinum expoliivisse. Mauricium, Kiloniensis Athe-  
 næi professorem, esse virum doctissimum; improbandam-  
 que tantam Academiæ copiam, præsertim in Germa-  
 nia; voculam *καὶ* in N. T. bis poni pro Hebraico *וְ*  
*quamvis*, ut Joh. IV, 44. & ad Rom. V, 7. multos quoque  
 in eodem esse Hellenismos, ut Joh. VII, 44. *ἐν παρρησίᾳ*  
*in pu-*



*in publico*, hoc est, publice; nullos fere bonos dari Grammaticos inter Judæos æque, ac Christianos, atque hinc fieri, ut sæpe non recte interpretentur Scripturam Vet. Testamenti; audivisse se, quod quidam Lipsiæ editurus sit, Apologiam fabularum Judaicarum, nec enim credendum, Judæos tam fuisse stupidos, ut in fabulis suis nihil aliud intenderint, quam quod earum litera præ se fert, sed potius eos fecisse more Orientalium, res suas obscuris & involutis dictis occultantium; nec recte a Christianis exhibitari Judæos, dicentes, Evam concubuisse cum Sammaële, atq; ex eo suscepisse Cainum, cum & idem illud dicat Scriptura Matth. III, 7. XXIII, 33. 1. Joh. III, 12. quæ loca, commode exponi nequeant, nisi hæc Judæorum sententia præsupponatur. Nicolai Hunnii Consultationem optimum esse librum; neque ob persecutionis, & turbarum fructu carentium metum, confessionem veritatis intermittendam, hanc enim nunquam sine fructu fuisse, etiam si confessores in exilium ejecti fuerint, aut etiam neci traditi. In Rep. libera licitum debere esse, libere sentire; neque se cum Socino, cui alioquin adstipuletur, facere, posse in doctrina de satisfactione Christi. Non recte fieri, quod Theologia tam prolixè & intricate proponatur, sed meliorem esse hanc methodum, si credere jubeantur homines, esse Deum, eundemque esse justum, fidelem in servandis promissis & exequendis comminationibus, omnipotentem, omniscium &c. & JESVM esse Christum: quibus si addatur Symbolum Apostolicum, jam omnia, haberi credenda; Ethnicos cognitionem illam de Deo habuisse ex traditione, nam constare ex historia, quod Græci a Pythagora, Pythagoras ab Ægyptiis, Ægyptii ab Israëlitis multa acceperint; nullam inter dissentientes Christianorum partes posse stabiliri concordiam, nisi

Confes-



Confessiones particulares exterminentur aut seponantur; nec quidquam pro articulo fidei obtrudendum, nisi quod aperte in Scriptura S. expressum; neque etiam dissentientes, e societate civili aut ecclesiastica protinus ejiciendos, sed Deum potius orandum, ut omnibus veritatem patefaciat; & ex cap. XI. epistolæ ad Rom. universalem Judæorum conversionem expectandam esse, ac futuram aliam Ecclesiæ faciem, quam quæ sit hodie, vitiis hominum tantopere deformata. Omnes animas ab initio simul fuisse creatas, quarum singulæ a Deo in corpus, tanquam in carcerem, immittantur; Adami animam & omnes reliquas ante peccasse, quam cum corporibus unirentur, eo nimirum tempore, quo peccârunt Spiritus quidam cœlestes, & propter id non tantum Adami animam, sed & reliquas omnes in pœnam incarnari, hominisque hanc esse definitionem, *Homo est Spiritus rationalis incarnatus*, nam corpus non esse partem substantialem hominis, sed accedens & instrumentum animæ, neq; habituros fuisse homines corpora, nisi peccassent animæ, nec redunitum iri aliquando corpora animabus humanis. Mezeræum omnium, qui historiam scripserunt Gallicam, esse quidem optimum, sed tamen multa in eo jure meritoque desiderari; neque nimium tribuendum illis scriptoribus, qui *les Galanteries*, h. e. venustates, & dulce præ utili sectantur, jucunditateq; magis, quam rerum pondere placere student, atque adeo peccare Germanos, qui magni tales æstiment, & inde, quasi ex quantivis pretii thesauro, mutuo quædam sumant. Medicum Anglum, Talbotium, a febrifugo remedio, non Lutetiæ tantum, sed passim in Gallia aliisque orbis partibus clarissimum, illud acceptum debere ferre Sydenhamo, qui duas scripserit epistolas, alteram de Morbis Epidemicis, de Lue venerea alteram, & in prio-

Eee ee

re



re contineri illud ipsum remedium, quod tantam celebratam nomini Talbotiano conciliârit. Non esse consultum, ut vocabula Gallica ad eum plane modum, quo pronunciari solent, etiam scribantur, sic enim fore, ut omnia deinceps pereant vestigia derivationis ex lingua Latina. Joh. Launoium, Theologum Parisiensem, cum suis scriptis majorem habere, quam mereri famam, illa quippe maximam partem constare excerptis; basilicæ nomen Gallicum, *le Louvre*, videri originem habere a fundamento, quod sic fuerit dictum; sicut contiguus hortus, a tegularum officinis, *les Tuileries* nuncupetur. Papam Rom. offensum Lutheranismò Maimburgii, eo fortean, quod Cæsari potestatem temporalem, juxta illud Evangelii, *Date Cæsari, quæ sunt Cæsaris*, tribuerit, jussisse auctorem discedere e conventu Jesuitarum, sed ipsum jam melius vivere, lauteque tractari a Rege munificentissimo, nec meliorem eruendæ, ac propalandæ veritati conditionem vel votis desiderare potuisse. Denique non de nihilo esse, quæ de Græcorum cum Reformatis consensu dicuntur, quandoquidem famæ hujus fidem salvare possint monumenta in Bibliothecæ Genevensis scriptorio solite asservata. Atque hæc ex eruditione & doctrina clarorum hominum discursibus privatis (quo etiam merito referuntur *les Conférences*, seu conventus & collationes eruditorum, quales in domo sua, singulis hebdomadibus, præter alios instituebat Menagius, Apollini Musisquæ charissimum pectus) recitare volui, non quod existimem omnia illa probanda esse, (nam sunt bona mixta malis, suæque auro adhærent scorix) sed ut ostenderem, peregrinanti meo Studio eruditionem singularem, ad impetranda virorum doctorum colloquia, nec exiguum judicium, ad discretionem boni & mali, necessari-



cessariam, omnia vero audita, sive ut retineantur, sive ut ad veritatis regulam examinentur, in codicillos & chartam referenda esse.

*Si quis plura & rectiora.)* Talem, quod ad memorabilia Hollandica attinet, omnino esse video, gaudeoque, & eidem hoc nomine gratulor, Henr. Ludolff. *Bentheimium*, piæ laudandæque curiositatis virum, qui in eximio & peregrinantibus utilissimo libro de *Hollandicarum Ecclesiarum & Scholarum Statu*, ea abunde supplet, quæ apud nos, pro instituti nostri ratione, non reperiuntur. Utinam idem, eive similis alius, nobis etiam daret Ecclesiarum & Scholarum Germanicarum Gallicarumque

Statum, pari studio conscriptum & concinnatum!





ORATIO IV.  
DE  
PIETATE ET PRVDENTIA  
DIVI IVLII

in condendis Statutis Theologicis  
Academiae Suae.

Recitata in panegyri academica  
A. 1698. IIX. Decemb.

Magnifice Dn. ProRector,  
Professores omnium ordinum celeberrimi, Vene-  
randi & suavissimi Hospites,  
Lectissimaq; cum natalium splendore, tum virtutis &  
eruditionis cultu ornatisimorum Studiosorum  
Concio & corona.



Uamvis non ita frequentes, in Ordine  
theologico inclytæ hujus universitatis JV-  
LIAE, fuerint promotiones, ut alibi, non ta-  
men nullæ fuerunt; & tales quidem, qualium  
nos



nos neutiquam pudere oportet. Non enim indignis, & indoctis, sed virtute ac eruditione conspicuis, & in ecclesiastico vel academico munere optime jam versatis viris, adeoque ex merito, collati fuerunt honores. Et verbis hisce facile assensum præbebitis, Auditores optimi, si nomina eorum, qui studiorum suorum præmia apud nos obtinuerunt, percipere haud gravati fueritis. Sunt autem (a) Dan. Hofmannus; Joh. Olearius; Basilius Satler; Henricus Boëthius, Laurentius Scheurelius, Henricus Papebergius, Joh. Pandochaüs, Casparus Pfafadius, Gotfridus Schluterus; Henr. Julius Strubius, Joh. a Fuchte, Theodor. Berckelmannus, Georg. Calixtus; Petrus Tuckermannus, Michaël Waltherus; Conr. Hornejus, Paulus Müllerus, Justus Gesenius, Brandanus Detrius; Balthasar Cellarius, Erasmus Hannemannus, Henricus Martinus Eccardus, Gerhardus Titius; Albertus Elers, Achatius Mylius, Fridericus Vlricus Calixtus; Joachimus Hildebrandus; Autor Stein, Henricus Müller; Gebhardus Theodorus Meyer; Joh. Hilpertus; Joh. Saubertus, Henricus Rixnerus; Andr. Frölingius; Henricus Vffelmannus; Paulus Heigelius, Justus Cellarius, Joh. Eberhardus Busmannus, Joh. Conr. Schneiderus; Henricus Wideburgius, Joh. Riemerus, Joh. Bartholdus Niemeierus, Christianus Ludovicus Ermischius; Christoph. Tobias Wideburgius, & Fridericus Weisus. Nonne hæc nomina celebria sunt in orbe erudito? nonne gratuletur sibi Facultas Theologica, tanquam pia mater, de inclytis hisce filiis, quos viginti partibus enixa est feliciter? nonne, gratias agamus Domino DEO nostro, Patri luminum & fonti omnis sapientiæ inexhausto, quod tam egregios Doctores & Pastores dare voluerit christianis Academiis & Ecclesiis suis, perque nos eorum tempora laurea doctorali cingere & condecorare? Benedictus sit Dominus, qui tam favens fuit Academiae Juliae, ejusque Collegio Theologico,

Eee ee 3

&amp; bene.



& benedictum sit nomen ejus in perpetuum. Benedictus sit Dominus, qui hanc etiam diem nobis reddit lætam & frugiferam, qua præclarissimo & fere in culmine dignitatis ecclesiasticæ posito viro, studiorum & laborum fulgidissimum brabeum, ipsis etiam Musis adplaudentibus, nec nisi invidis ringentibus, tribuetur. Ante autem, quam hoc fiat, orationesimplici & plana (quis enim cultam & ornatam in ea temporis brevitæ, quæ mihi ad illam conscribendam in tanta negotiorum multitudine & varietate concedebatur, a me requirat vel expectet?) ostendam vobis, quam pius, sapiens, Juliæque suæ, inprimis autem Theologici in ea Ordinis amans fuerit Seren.<sup>mus</sup> hujus Academiae fundator, JVLIVS. Dux Brunsvicensium & Lunæburgensium, gloriosissimæ memoriæ, in præscribendis Collegio nostro Statutis & legibus. Cumque hæc commemoratio tam docentes, quam discentes, officii sui commonefaciat, nobisque & auditoribus nostris scitu necessaria, reliquis vero auditu non injucunda, omnibus certe ad edenda devotissima, erga pientissimum Principem & strenuissimum literatorum Heroem, gratitudinis documenta, incitamento sit futura, plane spero atque confido, vos vel non rogatos dicenti auscultaturos esse, linguisque animisque fautores.

De Colle-  
gio theolo-  
gico.

*Prima & summa, in constitutione Academiae Juliæ, cura & sollicitudo Seren.<sup>mi</sup> Fundatoris fuit, ut doctrina de Filio Dei Servatore nostro, Jesu Christo, & æterna salute nostra, in Ecclesiis & Scholis, ex fontibus verbi divini limpidis & sinceris, pura & illibata teneris discentium animis instilletur, & cum lectione fontium seu textus Bibliorum assidua, universæ etiam doctrinæ christianæ summa in locos seu articulos certos, erudita methodo distributa, & in unum velut corpus redacta, καὶ συμπαρατίθησθαι, ut Græci loquuntur, ex illustribus verbi divini testimoniis extructa & confirmata, additis in quolibet*



quolibet articulo antithesibus, seu errorum rejectione diserta, fideliter & fundamentaliter auditoribus tradatur. Cum autem non quivis ad hoc faciendum sit idoneus, (b) requisita Theologorum, per quos id proponi debeat, graviter exprimit, dum eos pietate, doctrina, prudentia, modestia, & docendi dexteritate vult praeditos esse, qui & intelligant ipsi, & monstrare aliis dextre veram & salutarem studii theologici recte instituendi rationem possint, & quae forma ac ratio docendi utilisima in tradenda universae doctrinae summa, quae in enarrandis Prophetarum & Apostolorum libris in schola, quae in templo seu concione populari, quae in examinibus ratio, quae in disputationibus servanda sit. Et ne quis linguas & amoenitates philologicas, atque scientias philosophicas ex foro theologico proscriptas esse putet, a Theologis etiam ostendi jubet, quomodo Graeca & Hebraea lingua, historia, dialectica, ethice, physica, & ceterae artes philosophicae ad illustrationem, propagationem & conservationem caelestis doctrinae & religionis verae, recte & utiliter accommodandae sint & usurpandae. Cur vero hoc? Quia ad tuendam & propugnandam caelestis doctrinae puritatem, & Ecclesiae Christi gubernationem, non tantum initiis classicorum studiorum & catechesios lectione assidua opus est; sed pro adultioribus postea libros Prophetarum & Apostolorum, qui fontes & fundamenta verae religionis continent, fideliter & accurate explicari, & omnium aetatum controversias, & judicia inquiri necesse est, & considerari, quomodo in omnibus nostrorum temporum de doctrina certaminibus nos instruere & munire debeamus, ut unam, veram & incorruptam de Deo doctrinam, in verbo Dei patefactam, & quae catholicae Ecclesiae Christi consensus est, Deo juvante retineamus, & puram ac illibatam ad posteros transmittamus. Quod sine multiplici doctrina, & sine magna exercitationum literarum, omniumque optimarum artium varietate praestari ne-



ne quiat. Porro Theologos suos jubet veram de Deo & Iesu Christo doctrinam, in verbo Dei patefactam, fideliter tueri ac docere, & fontes seu libros canonicos V. & N. T. ti assidue in Schola prælegere, & simpliciter ac perspicue interpretari & explicare, in ea sententia, quæ cum Symbolis probatis, & communi Ecclesiarum nostrarum Augustana Confessione, Apologia, Smalcaldicis articulis, Catechismo, ac uberioribus Lutheri scriptis, & cum Libro continente doctrinam & ritus harum Ecclesiarum congruit. Præterea, quoniam doctrina absque usu & applicatione inanis & inutilis est, eos usum doctrinæ in quotidianis pœnitentiæ atque invocationis exercitiis, in gubernatione vitæ, in doloribus & consolatione nostris & aliorum, in concionibus ad populum recte & utiliter instituendis, in dijudicandis dogmatum controversiis, & refellendis falsis sententiis, perspicue ostendere præcipit. Postremo, ne, quod una manu ædificatur, destruat altera, exemplis (c) veræ pietatis & omnium virtutum theologicarum, auditoribus præluce mandatur, & typum esse fidelium in doctrina. morum integritate, dilectione, spiritu, fide, & castitate. Est enim Theologia, ut celsissimus Princeps, tanquam ex tripode, pronunciat, non θεωρητική, sed πρακτική, ars veræ pietatis & fidei & obœdientiæ erga Deum. & benignitatis erga proximum, pie vivendo & benefaciendo potius, quam argute disputando exercenda. Quod practicum religionis studium eo ardentioribus animis suscipiendum & urgendum est, quo propius, omne studium veræ pietatis ruere, & Theologiam rursus in Sophisticam curiosarum disputationum & cavillationum inanium degenerare, videmus.

De studio  
Theologia  
recte in-  
choando  
& institu.

Cum vero, ut gravissime D. Irenæus dixit, DEVM recte discere nemo possit, nisi Deo ipso docente, & tria præcipue sint instrumenta, per quæ Spiritus S. nos ad veram & salutarem doctrinæ christianæ cognitionem ducit, & nos vere Theolo-



Theologos, i. e. recte de Deo sentientes, & recte Deum colendo, ac  
 tes siue pie viventes, efficit. Precatio, Verbi divini lectio <sup>ratione</sup>  
 ac meditatio, & Experientia seu praxis; severe præcipit, <sup>docendi</sup>  
 Germanicus Josias noster, 1. ut omnibus studiorum labori <sup>Theolo-</sup>  
 bus precatio ardens & assidua præluceat, singulaque lectio- <sup>giam.</sup>  
 nes theologicæ, non secus ac conciones sacræ, precatione in-  
 choentur & concludantur. 2. ut prima docentium & discen-  
 tium Theologiam cura sit, quo textus Scripturæ sacræ, & con-  
 ciones ac testimonia de articulis fidei universis, ac historiæ  
 Bibliorum omnes familiarissime ipsis notæ sint, & verbum  
 Christi opulente cum omni sapientia in eis habitet. Qua de  
 causa a pueris susceptam consuetudinem quotidie a lectione,  
 unius aut plurium capitum biblicorum, labores studiorum ex-  
 ordiendi retineri, ac ut rerum & verborum phrasiumque  
 obscuritas omnis in lectione verbi divini, quantum in hac  
 infirmitate fieri potest, tollatur, Grammaticam inpretatio-  
 nem Bibliorum textus, velut præcipuam & summam in hoc  
 Collegio lectionem, faciendam, eamq; assidue institui & pertexi  
 imperat. Cæterum in tradendis Locis communibus, eam <sup>Ratio do-</sup>  
 vult observari rationem, ut sub finem cujusque loci monstre- <sup>cendi Lo-</sup>  
 tur ejus usus, juxta regulas docendi & discendi a S. Paulo <sup>cos com-</sup>  
 præscriptas Rom. XV, 4. 1. ad Tim. I, 4. Immo, ex Seren. <sup>mi</sup>  
 nostri Legumlatoris sententia, (d) non tantum in locis com-  
 munibus, verum etiam in catecheseos & textuum biblicorum  
 enarratione adjungendæ sunt singulis partibus commonefactio-  
 nes de usu & praxi doctrinæ, non ad inanes speculationes &  
 curiosarum disputationum cavillationes, quæ in veræ pietatis  
 & pœnitentiæ exercitiis usum nullum habent, & in Acade-  
 micam & Epicuream profanitatem mentes tandem dedu-  
 cunt, sed ad veram pietatem in mentibus accendendam trans-  
 ferenda est, in quotidiana invocatione, pœnitentia, timore  
 Dei, fide acquiescente in benevolentia Dei propter Filium,  
 promissa, in veris doloribus & consolationibus. Quas qui

Fff ff

non



De Con-  
cionibus  
forman-  
dis.

De Tex-  
tus Bibli-  
orum le-  
ctione.

non sunt experti, nihilo magis doctrinam de timore DEI, poenitentia, fide, consolationibus intelligere possunt, quam de coloribus & picturae elegantia judicare coeci. Neque hoc sufficit; sed & aliud subjungit monitum, ad omnes perti- nens Christianos, inquiens: *Atque haec applicatio doctrinae, & pietatis verae exercitia, non Theologiae solum Profes- soribus & Studiosis, sed omnibus, qui Christiani esse & per- hiberi volunt, communia & familiariter nota esse debent.* In concionibus formandis sic docendam esse studiosam ju- ventutem praecipit, ut explicationem catechetica, omnibus subtilitatibus & terminis artium scholasticis omis- sis, quanta possunt perspicuitate, & ad popularem captum, instituant; in enarrationibus autem Evangeliorum & Epistolarum indicent populo, ad quam partem Catechismi singulae lectiones pertine- ant, & totam doctrinam ad hos fines dirigant, ut auditores ad veram poenitentiam, fidem, invocationem, dilectionem Dei & proximi, & alia bona opera exhortentur, & in cruce, ac doloribus, promissione gratiae, auxilii & liberationis divi- nae, in Evangelio patefacta, consolentur. Praecipuam autem lectionem tribuit expositioni textus sacri, ut videlicet ad fon- tes Theologiae limpidos, perennes & sinceros, ex quibus solis doctrinam de vera sui agnitione & invocatione atque eter- na salute nostra hauriri vult Deus, Candidati Theologiae de- ducantur. Ita tamen praelegendus est textus Scripturae, ut Professor, omis- sis commentariis prolixioribus, in quae omnium Locorum communium diffusas explicationes, dissimilesq; Inter- pretum sententias & disputationes infarcire quidam solent, in singulis libris & capitibus 1. argumentum & dispositiones indicet. 2. locos communes articulorum fidei, & virtu- tum ac vitiorum, de quibus testimonia, vel exempla in eo ca- pite illustrata extant, excerpant, & breviter ex catechesi, re- petita cujusq; definitione &c. & usu in quotidiana in voca- tione, poenitentia, fide, & vitae gubernatione monstrato, con- signet.



signet. 3. nativam sermonis sententiam, vocabulorum insignium significationes & emphases, phrasas Scripturae proprias, & figuras ex fontibus linguarum & praeceptis artium dicendi, & dextra collatione aliorum Scripturae testimoniorum eruat & illustret. Et in historiarum lectione, chronologiam seu temporum seriem diligenter notet. & loca, in quibus res gestae esse scribuntur, & regionum, urbium ac fluminum nomina & situs in tabulis geographicis demonstret; in dictis vero insignioribus, ut promissionibus de Christo Gen. III. XII. & XLIX. & de iustitia fidei Gen. III. & IV. & similibus, post evolutas diligenter & expensas singulorum vocabulorum emphases, indicet etiam & rejiciat corruptelas. Etsi autem omnes S. Scripturae partes Dei oracula, & singula inexhaustam Dei sapientiam continent; tamen ut in caelo stellae aliae aliis splendidiores, & inter agros alii aliis fertiliores sunt; ita pius & sagax interpret facile animadvertere creditur, ne dicam jubetur, ubi aliquantum commorari, (ut in IV. primis Geneseos capitibus, quae totius sacrae Scripturae fontes & summam continent) & ubi una hora integrum caput, ut Gen. 42. 43. 44. 45. & 50. atq; Exodi 2. 3. 10. & II. percurri & absolvi debeat. Denique disputationibus, praecipue inauguralibus, saluberrimum hunc modum praescribit, non rixandum esse, vel acutis sophismatum praestigiis, aut maledictis & pugnis, ac venenatis contumeliarum aculeis, adversario deformato & victo, sibi palmam ingenii & doctrinae arrogandam; sed candide, benigne, & tranquillis animis, placidoq; & amico, velut familiari colloquio, de Deo & aliis rebus bonis & vitae salutaribus sententias & argumenta conferenda, & veritatem inquirendam ac illustrandam; & postquam eruta vel illustrata est veritas, libenter cedendum, & Deo propter ostensam veritatem gratias agendas: hoc enim esse, quod SS. Evangelistae nominant *ὁμιλεῖν* & *συνζητεῖν*.

De Modo  
disputan-  
di.



Hæc profecto ita se habent, ut eum talpa cæciorum esse necesse sit, qui Serenissimi Fundatoris sinceram pietatem, summam prudentiam, singularem erga sacra, studia, eorumque incrementa affectum, & igneum procurandæ multorum hominum salutis zelum inde non videat emicare, immo tam clare splendere, quam sol splendet ipso in meridie. Sicut igitur omnes illustris hujus Juliæ Ordines, ita inprimis Theologicus, pro tam bonis & salutaribus legibus & statutis, gratias debet humillimas, atque illa religiosissime observare, & omnes officii sui partes peragere studebit, ut qui maxime.

Nunc autem ad illud negotium accedendum nobis est, cujus gratia hæc panegyris est instituta.

Atque ut illud rite fiat, ea qua par est observantia saluto Magnificum Procancellarium, Dn. Fridericum Ulricum CALIXTVM, S. Theol. D. & Prof. primarium, Academia Seniore, Abbatem Regio-Lutterensem, & Consiliarium ecclesiasticum Guelphicum, Collegam & fauorem meum honoratissimum; cumque Serenissimi & potentissimi Principes ac Domini,

**DN. RVDOLPHVS AVGVSTVS,**

&

**DN. ANTONIVS VLRICVS,**

Duces Brunsvicensium & Lunæburgensium, & Academiae suæ Juliæ hoc tempore Directores & Cancellarii magnificentissimi, Domini nostri clementissimi, tibi, Vir magnifice & maxime venerabilis, partes suas, quod attinet promotionem hanc doctorem, clementissime demandârint, enixe Magnificentiam tuam rogo, ut pro ea, qua pollet in præsentia autoritate, potestatem mihi faciat, dignissimum



num Candidatum nostrum, virum plur. reverendum, & non tantum in Germania nostra, verum etiam in litterato Belgio & Anglia celebratissimum.

**Joh. Theodorum Heinson,**

Ecclesiarum Principatus Frisiae Orientalis Superintendentem generalem, Consiliarium consistorialem, & Concionatorem aulicum, (e) creandi & renunciandi S. Theologiae Doctorem, cum collatione omnium, quibus alii Doctores Theologi fruuntur, privilegiorum. Faciet hoc ipso Magnificentia tua rem amplissimo suo muneri convenientem, almae huic Juliae, atque in ea Collegio Theologico honorificam, Ecclesiae & sacris studiis, uti speramus & vovemus, salutarem, & illustri huic Spectatorum consessui cœtuique gratissimam, atque a me & præclarissimo Candidato meo, omni studiorum & officiorum genere, gratitudinis testandae causa, lætissime compensandam.

★ ★ ★

Quod itaque DEVS O. M. almae huic Juliae felix faustumque, Ordini nostro theologico lætum & honorificum, atque Ecclesiae christianae salutare & plausibile esse jubeat, ego JOH. FABRICIVS, S. Theol. D. & Prof. ordinarius, hodieque Decanus & promotor legitimus, te,

**Joh. Theodore Heinson,**

S. Theol. Doctorem creo, renuncio & proclamo, in nomine P. F. & Sp. S. unius veri & æterni Dei, cui sit laus, honor & gloria in æternum.

Creato, renunciato & proclamato tibi *Doctori facultatem* tribuo, *utendi omnibus & singulis privilegiis, prærogativis & exemptionibus, libertatibus, consuetudinibus, honoribus, præeminentiis, favoribus ac indultis, quibus ceteri*

*Fff ff 3*

*Doctores*



Doctores in Bononiensi, Senensi, Patavino, Papiensi, Perusino, Parisiensi & Lipsiensi, ac aliis Studiis privilegiatis, promoti & insigniti gaudent & utuntur, de consuetudine vel de jure: quæ ipsissima verba sunt diplomatis, ab augustissimo Romanorum IMPERATORE huic Vniuersitati clementissime concessi.

Sed & ritus nonnulli, qui in oculos Spectatorum incurrunt, & de gravissimis nos rebus commonefaciunt, renunciationi Doctoris, laudabili piæ Antiquitatis exemplo, jungendi & associandi sunt.

Et primum quidem voco te in superiorem hanc *cathedram*, plurimum reverende & clarissime D. Heinsoni. Ingressus in hunc locum, indicio tibi est, collatum jam tibi esse jus, e cathedra superiore docendi, declamandi, disputandi, aliosque etiam, si vocatio accedit, actus doctorales exercendi. *Lateri* autem te meo jungo, ut communicatis consiliis & junctis viribus cuncta rectius, quam seorsum & privato arbitrio geri memineris.

Porro *codicem Scripturæ Canonicae* tibi trado, eumque *apertum*: ex eo enim docere debes imperitos ac dubios, ex eo hortari in studio virtutum sive cunctantes, sive currentes, ex eo corripere peccantes, ex eo solari afflictos, ex eo denique convincere contradicentes. Eundem vero etiam *claudio*, quia non satis est, ex libris sapere, sed sæpe absque omni librorum apparatu promendum est consilium, & præstandum officium; præcipue autem ea, quæ in sacris paginis continentur, Doctorum memoriæ probe credita & infixæ esse debent.

Jam capiti tuo, o charum Caput, *pileum* impono, eumque rubeum, in signum dignitatis & eminentiæ, immo etiam libertatis. Tu enim præ multis aliis nunc emines, sicut ab ignorantia & affectuum servitute in libertatem, vindicati, præcellere atque eminere solent.

Post



Post hæc, agetum, porrige mihi pollicem dextræ tuæ, ut eum cingam atque exornem *annulo*. Annulus, ex mente veterum, dignitatis & nobilitatis signum est. Sicut vero aurum, unde ille conflatus est, omnium metallorum est purissimum, ita illud te jubet retinere fidem orthodoxam, & bonam conscientiam. Sed & memineris, aurum, quo sæpius igne coquitur, eo nitidius & defæcatius reddi. Ita etiam tibi, o optime, (f) non deerit ignis adversitatum, afflictionum, & persecutionum, si Deo ejusque Ecclesiæ, ceu nulli dubitamus, fideliter vis servire. Sed animum propterea non abjicias; quin potius accede propius ad hunc ignem, & Deo age gratias, quod constantiam & fidem tuam sic experiri, teque puriorem, & aliis Martyribus præclarisque Servis suis, immo & Filio suo quasi conformem reddere velit. Tria sunt Theologi munia, Oratio, Meditatio & Tentatio. Ab hac igitur, qui verus es Theologus, immunis esse, nec si posses, voles, nec, si velles, poteris.

Denique addo, non oscula, (nam hæc tibi relinquam & (g) generosæ Sponsæ tuæ, de qua tibi, in publico & sacro hoc loco, prolixiore affectu, quam verborum copia gratulor) sed amicum *amplexum*, ut te admoneam sinceræ dilectionis erga alios exercendæ. *Ex hoc enim, ait Servator noster, cognoscent omnes, vos esse meos discipulos, si charitatem habueritis alii in alios.* Et Paulus scribit: *Si fieri potest, quantum in vobis est, cum omnibus hominibus in pace vivite.* Rogabis etiam Dominum ac Deum nostrum, qui est Deus pacis, & pro virili ipsemet operam dabis, ut perniciofa Ecclesiæ diffidia vel tollantur vel minuantur, atque ut omnes, qui verum Deum, & quem misit Jesum Christum agnoscimus, *incedamus eadem regula, & idem sapiamus, idem loquamur omnes, ita ut omnium sit cor unum, & anima una.*

Finitis



Finitis sic ritibus consvetis, nihil aliud mihi superest, quam ut tibi, plurimum reverende & nobilissime Doctor, primus gratuler de novis honoribus. Gratulor autem ex toto corde, Deum ter O. M. venerans, ut eos tibi faustos fortunatosq; & Ecclesiæ suæ proficuos, nec non conjugium tuum mox inchoandum, felix, sæcundum & pacatum esse jubeat, quo iis non tu duntaxat, sed & nobilissima Caja tua tecum gaudere fruique possit quam diutissime. Sed nec hoc prætereundum, ex veteri, eoque laudabili more, jam tibi incumbere, ut *questionem*, quam optimæ spei adolescens, quemque vestigia meritissimi Parentis lecturum Deus felicitet, Joh. Bernhard. Wideburgius propositurus est, evolvas, atque erudita, ut soles, responsione illustres, ei que decentem gratiarum actionem, ad instar sacrificii eucharistici, subjungas. Quo facto toti huic actui colophon imponetur, dicique læta voce poterit:

*Claudite jam rivus, pueri; sat prata biberunt.*

## ANNOTATIONES.

Ad pag. 773.

(a) Dan. *Hofmannus* &c.) Accipe, quo anno, sub, & a quibus promoti fuerint. Nempe Dan. *Hofmannus*, Halensis, Logices & Ethices Professor, A. 1578. d. 13. Maji, præsentē & Cancellariatum ipsomet obeunte Rev.<sup>mo</sup> & Celsiss. Principe HENRICO JULIO, postulato Episcopo Halberstadiensi, Duce Brunsvicensium & Lunæburgensium, Prorectore Joh. Bökelio, D. & Prof. Medico; promotore Timoth. Kirchnero.

Joh. *Olearius*, Hebrææ linguæ Professor, A. 1579. 12. Oct. Vicerelectore & Procancellario D. Dan. Hofmanno, Logices adhuc & Eth. professore; promotore Tilem. Heslufio.  
Basilus



Basilus *Satler*, Württembergicus, Ecclesiastes aulicus Wolfenbutelenfis, A. 1586. 11. Aprilis, sub Seren.<sup>mo</sup> JVLIO, Acad. Fundatore, Prorectore Joh. Bökelio, Procancellario Tilen, Heshusio, Promotore Dan. Hofmanno.

Henricus *Boëthius*, Theol. Professor, Laurentius *Scheurl*, Theol. Prof. & Pastor Helmstädiensis, ac vicinarum Eccles. Superint. generalis, Henr. *Papebergius*, Superint. Wunstorpiensis, Joh. *Pandochæus*, Pastor Northufanus, Casp. *Pfafradius*, Prof. Theol. extraordinarius, Gotfridus *Schluterius*, Pastor Gottingensis, A. 1598. d. 30 Maii, Prorectore Joh. Sigfrido, Med. D. & Prof. Procancellario Joh. Hederico, Theol. D. & Prof. Promotore Dan. Hofmanno.

Henric. Jul. *Strubius*, P. L. Eccles. Helmstad. Pastor, & vicinarum Superint. generalis, Joh. a *Fuchte*, Theodor. *Berckelmann*, Georg. *Calixtus*, omnes hac in Academia Professores Theologiæ publici & ordinarii, A. 1616. 2. Maji, Prorectore pariter & Procancellario Casp. Pfafradio, Promotore Henr. Boëthio.

Petrus *Tuckermannus*, Seren.<sup>mo</sup> Brunsvic. & Lunæb. Duci a concionibus & consiliis sacris, & Mich. *Walther*, Noribergensis, Theol. Prof. & Ecclesiastes aulicus Schöningensis A. 1623. 17. Junii, Prorectore Henr. Andr. Cranio, J. V. D. & Prof. Procancellario G. Calixto, Promotore Henr. Julio Strubio.

Conr. *Hornejus*, Theol. Licentiatuſ ac Professor, & Paulus *Müller*, hætenus hic S. Theol. Prof. & Superint. generalis, nunc autem designatus Aulæ Calenbergicæ Protecclastes, & Ecclesiarum illius ditionis Superintendens generalissimus, A. 1636. 27. April. Directore Seren.<sup>mo</sup> WILHELMO, D. B. & L. Promotore & Prorectore G. Calixto, Procancellario Joh. Stuckio, J. V. D. & Prof. modo autem designato Serenissimi Ducis GEORGII Consiliario & Vicecancellario.

Gggg

Justus



Justus *Gesenius*, Aulæ Brunsvico Calenbergicæ Ecclesiastes primarius, ejusque ditionis Superint. generalissimus, & Brandan. *Detrius*, aulicus ibidem Ecclesiastes & Consistorii Assessor, A. 1643. Eid. Mart. Directore Ser. FRIDERICO D. B. & L. Postulato Coadjutore Raceburgensi & electo Præposito Bremensi; Prorectore. Andr. Kinderlingo, Log. Professore, Procancellario Conr. Hornejo, Promotore G. Calixto.

Balthas. *Cellarius*, Theol. Prof. Ecclesiæ Helmstad. Pastor, & vicinarum Superint. generalis: Erasmus *Hannemannius*, Consistorii ecclesiastici Wolfenbütelani Assessor, & ibidem Pastor ac Superint. generalis: Henr. Mart. *Eccardus*, Theol. in Academia Rintheliana Professor: Gerh. *Titius*, Theol. in hoc Athenæo Professor, A. 1650. 10. Dec. præsentē, Serenissimique Parentis AVGVSTI vicem sustinente, & promovendi facultatem concedente Celsissimo Principe ac Domino, DN. ANTONIO VLRICO, Duce Brunsvicensium & Luneburgensium; Prorectore, Herm. Conringio, Promotore G. Calixto.

Albertus *Elers*, in Ostfrisia Ecclesiastes aulicus & Superintendens: Achatius *Mylius*, Ecclesiæ Catholicorum Augustanæ Confessioni in diocesi provinciaque Hildesheimensi addictorum primarius Superintendens, Consistorii Assessor, & Pastor Alfeldensis: Frid. Vlr. *Calixtus*, Georgii filius, Theol. in hac Univerfit. Professor, A. 1652. 27. Julii, Directore Ser. GEORGIO WILHELMO, D. B. & L. Prorectore Jacobo Tappio, Med. D. & Prof. Procancellario Balthas. Cellario, & Promotore G. Calixto.

Joach. *Hildebrandus*, Theol. Prof. A. 1653. 21. Junii, Directore Ser. AVGVSTO, D. B. & L. Prorectore Christoph. Schradero, Eloq. Prof. & Cœnobii Mariæmontani Præposito, Procancellario G. Calixto, Promotore Balth. Cellario.

Autor



Autor *Stein*, Consistorii Electoralis Halberstadiensis Consiliarius, & Ecclesiae cathedralis ibidem Pastor primarius, & Henr. *Müller*, in Acad. Rostoch. Prof. Theol. ædisque D. Mariæ Archidiaconus, A. 1660. 10. Dec. Directore Ser. CHRISTIANO LVDOVICO, D. B. & L. Prorectore Valentino Henr. Voglero, Med. D. & Prof. Procancellario Balth. Cellario, Promotore Frid. Vlr. Calixto.

Gebhard. Theodor. *Meyer*, Theol. Prof. extraordinarius, A. 1661. 25. Junii, Directore Ser. GEORGIO WILHELMO, D. B. & L. Prorectore Andr. Kinderlingo, Procancellario Gerh. Titio, Promotore Joach. Hildebrando.

Joh. *Hilpertus*, Hildesiae ad D. Andreae Pastor, & Ministerii ibidem Superint. nec non Consistorii Assessor, atque Scholarum Inspector, A. 1666. 15. Maii, Directore Ser.<sup>mo</sup> GEORGIO WILHELMO, D. B. & L. Prorectore & Promotore F. V. Calixto, Procancellario Joh. Sauberto, Theol. & orientalium Linguarum Professore.

Joh. *Saubertus*, Norimbergensis, designatus Professor Theol. primarius in Academia Aldorfina, & Ecclesiae ibidem Antistes, & Henr. *Rixnerus*, Helmstädiensis, Phys. & Metaphys. Professor ordinarius in Academia patria, Theol. autem extraordinarius, A. 1673. 14. Januarii, Directore Ser. JOHANNE FRIDERICO, D. B. & L. Prorectore Val. Henr. Voglero, Procancellario F. V. Calixto, Promotore Gerh. Titio.

Andr. *Frölingius*, S. Theol. Prof. & Pastor Helmstad. ac vicinarum Ecclesiarum Superint. generalis, & Henr. *Vffelmannus*, Moraliū Prof. ordinarius, A. 1676. posteridie Jubilæi Academici, d. 16. Octobr. Directore Ser. JOH. FRIDERICO, D. B. & L. Prorectore G. Engelbrecht, J. V. D. & Prof. Procancellario Gebh. Theodoro Meyero. Promotore Henr. Rixnero.

Ggg gg 2

Pau-



Paulus *Heigelius*, Norimbergensis, Theol. & Mathem. Super. Prof. Cœnobii Mariæ Bergensis Præpositus, & per Ducatum Brunsvic. Guelph. Scholarum Inspector generalis: Justus *Cellarius*, Theol. Prof. Pastor & Superint. generalis Helmstadiensis: Joh. Eberh. *Busmannus*, Theol. & Linguarum oriental. Prof. & Joh. Conradus *Schneider*, Ecclesiæ cathedralis apud Halberstadienses Pastor, A. 1684. 2. Octobr. Directore Ser. GEORGIO WILHELMO, D. B. & L. Prorectore Joh. Henr. Botichero, J. V. D. & Prof. Dicafteriiq̃ue Guelphici Assessor, Procancellario F. V. Calixto, Promotore Gebh. Theod. Meiero.

Henr. *Wideburgius*, Theol. Prof. Joh. *Riemer*, Ecclesiarum utriusque civitatis Hildesienfium Superint. Joh. Barthold. *Niemeier*, Primæ Philof. & Logices Prof. Christianus Ludov. *Ermisch*, Ecclesiæ & Scholarum Brunsvicensium Superintendens, A. 1693. 18. Maji, Directore Ser. GEORGIO WILHELMO, D. B. & L. Prorectore Henr. Meibomio, Med. D. ejusq̃ue & Historiar. Professore, & Archiatro Guelphico, Procancellario F. V. Calixto, Promotore Gebh. Theodoro Meiero.

Christoph. Tob. *Wideburgius*, Theol. & Mathemat. Prof. & Frider. *Weisius*, designatus Theol. Prof. & Pastor Helmstadiensis, ac vicinarum Superint. generalis, 1697. 15. Junii, Directore Ser. ERNESTO AVGVSTO, D. B. & L. S. Rom. Imp. Electore, & Episcopo Osnabrugensi, Prorectore Henr. Meibomio, Procancellario Joh. Andr. Schmidt, Theol. D. & Prof. Promotore F. V. Calixto.

---

Licentiati autem promoti fuerunt

1. Henr. *Boëthius* A. 1586. 11. Aprilis.
2. Conradus *Hornejus* A. 1622. 30. Dec. Prorectore, Henr. Jul. Strubio, Procancellario Theodoro Berckelmanno, Promotore



Promotore G. Calixto. Atque hæc erat sexta promotio.

3. Ernestus *Stiffertus*, Hebr. linguæ Professor, & Ecclesiarum Collegiatarum Magdeburgensium S. Nicolai & S. Gangolfi Canonicus, A. 1636. 27. April.

Ad pag. 775.

(b) *Requisita Theologorum*) Huc referri potest, quod Collegium Theologicum Academiae Juliae, IV. Professoribus, iisque Doctorum gradu ornatis, (quorum tamen nunc, singulari Ser.<sup>morum</sup> NUTRITORVM munificentia, sunt VI.) constare; unus ex Senioribus, & ἱσοκατωτέροις Theologiæ Lectoribus, vel *Chronicon Carionis Philipeum*, cui rerum ecclesiasticarum series breviter intexta est, tractare, vel ipse *chronologiam* Ecclesiæ, quæ formam & statum Ecclesiæ singulis temporibus, & Doctorum celebrium nomina, scripta utilia, & nævos, & certamina de doctrina ac iudicia amplectatur, dictare; ac nemo ex privatis aliquid theologici, siue domi suæ, siue publice, absque consensu & permisso Decani, proponere debeat. Sic enim sonant leges A. 1597. in Visitatione Academica traditæ.

I.

*Nemo in Theologia, sine consensu Decani Facultatis Theologicæ, aut legat privatim, aut disputet.*

II.

*Decanus consultationi adhibeat eum Professore, cujus lectionem alter privatim proponere constituerit: uti sic decernat, ne publicæ professioni privata officiat.*

III.

*Nemini collegium privatum aperire concedat Decanus, qui non prius & eruditionem & sinceritatem suam, Professoribus Theologis probaverit.*

IV.

*Singulis jus Collegii petentibus proponatur liber aliquis ex Corpore Doctrinæ Julio, continens controversiarum declarationem.*

Ggg gg 3



clarationem, de quibus lectis & mature consideratis, Decano, in præsentia cujusdam Collegarum, quærenti respondeat.

V.

Publicis statutis de lectionum fine & ordine, etiam privati se accommodare jubeantur, neque liceat ipsis in publicos Professores, aut eorum labores, quicquam calumniose aut contumeliose dicere, vel scribere.

VI.

Nullas theses, nisi a Facultate Theologica approbatas & subsignatas, prelo subjiciant privati.

VII.

Disputatores, siue publice siue privatim, intra cancellos Corporis Doctrinæ se contineant.

Ad pag. 776.

(c) Exemplis veræ pietatis) Scilicet, ut bene scribit V. CL. Joh. Christian. Schulenburgius, Athenæi CAROLINI, & Scholæ cathedralis Regiæ Bremensis Rector, in programme ad orationem de Laudibus Pietatis invitatorio,

## *Pietas ad omnia utilis.*

*Reliqua omnia sunt somnia.*

*Omnis scientia sine hac est inutilis.*

*Sapite ergo, sapite, quod Pietas suadet, quotquot scire ac sapere cupitis.*

*Si hoc verbum capitis, nullum sentietis capitis periculum:*

*In hoc enim capite situm est veræ scientiæ caput.*

*Sapientia sine pietate est sterilis, quæ cum charitate est fertilis.*

*Scientia sine amore erga Deum & proximum, inflat, intumescit, superbit.*

*Follis vento distentus, non est mollis, sed duri instar muri turget & urget.*

Arcus



*Arcus nimium tensus, rumpitur.*

*Bulla, in qua aer ebullit, tandem fit nulla:*

*Tangitur, angitur, frangitur, exit, abit, perit, ac evanescit.*

*Sic comparata est sapientia, quæ mundum sapit,*

*Et Christum nescit.*

*Si Christum bene scis, nihil est, si cætera nescis.*

*Si Christum nescis, nihil est, si cætera discis.*

Ad pag. 777.

(d) *Non tantum in Locis communibus, verum etiam in catecheseos, Et textuum biblicorum enarratione.)* Huc referri potest sapientissima lex de Examinibus, quæ sic proponitur in Statutis nostris: Semper in Ecclesia usitata fuerunt Catecheses seu examina, in quibus auditores, qui instituebantur, seu catechumini, capita doctrinæ ipsis traditæ, vicissim Catechetis sciscitantibus recitare Et exponere cogebantur, ut intelligi posset, an recte dictata percepissent, Et doctrinæ summam intelligerent, ac tenerent. Et feliciter in studio pietatis veræ proficerent: præterquam enim quod diligentiam Et curam recte Et integre discendi ea, quæ proponuntur, examina augent Et acuunt, Et cursum studiorum, ne aberret, aut neglectis utilibus Et necessariis temere vagetur, intra certas metas cohibent, Et iudicium de doctrina, memoriam Et facultatem eloquendi alunt Et confirmant, Et vocem ac gestus pronunciantis informant. Ad fidelitatem etiam, quam Paulus in Ministro Et Doctore Ecclesiæ requirit, pertinet, ut docentes in templis Et scholis, quæ pars sunt Ecclesiæ, studia Et profectus auditorum subinde explorent, ut sciant, quid intelligant discentes, Et quantum profecerint. Statuimus igitur Et Professoribus Theologiæ nostris, ac imprimis Catecheseos Doctores, mandamus, ut, quod nomine ipso proficitur, vere Catechetam agat, Et in lectionibus auditores suos non tantum viva voce doceat, verum etiam examinet. Et tradita



tradita in priori lectione, repeti, & definitiones præcipue singulorum doctrinæ christianæ locorum, accurate ab eis edisci & recitari jubeat, ac reliquas etiam methodicæ explicationis partes subinde ab eis reposcat. Adjungit etiam aliquid D. JVLIVS de examine Ordinandorum, sic pergens: Examen etiam Ordinandorum ad ministeria ecclesiastica, deinde in Academia nostra Julia retineri, & a generalissimo Superintendente & Collegio nostro Theologico administrari, de singulorum vocatione, doctrina & vita diligenter inquiri volumus, eo ordine & modo, qui in libro Ecclesiarum nostrarum prolixè descriptus est. Quæ constitutio postea confirmata fuit cum in Recessu Conventus provincialis Gandersheimii, d. X. Octobr. A. 1601. tum in Visitatione Academica A. 1624. d. XV. Junii. Quod attinet examina, quæ promotiones seu graduum collationes antecedunt, ea gloriosissimus Princeps diligenter & graviter institui, & de præcipuis doctrinæ christianæ articulis, & horum temporum controversiis confessionem singulorum disertam & ingenuam, & facultatem explicandi veras sententias, & argumenta seu sophismata, quæ obijciuntur, dissolvendi, & de cæteris etiam artibus ac linguis Doctori Theologiæ necessariis, & historia veterum certaminum & judiciorum Ecclesiæ, Candidatorum eruditionem explorari, & in ea doctrinæ inquisitione conscientias Examinatorum, juxta privilegii Cæsarei tenorem, onerari vult. Idem etiam Studiosos illos, qui Principali munificentia sua in hoc Athenæo aluntur, hac conditione, ut aliquando literis & doctrina instructi & excultri, suæ ditionis Ecclesiis, Scholis, & Rebusp. vicissim serviant, præcipue Decano Ordinis theologici commendat, eique studia illorum curæ esse vult, ita ut, adjunctis mandato Prorektoris aliquot Collegis & Artium Professoribus, bis quotannis studia eorum exploret, & non solum in Grammatica & Artibus philosophicis, sed præcipue in Catechesi, seu doctrina Ecclesiæ eos examinet;



minet, ac, si quorum industriam & profectum probabit, eosq;  
docendæ Ecclesiæ aut Scholæ utiliter præfici posse judicabit,  
nomina eorum annotet, ut, cum Ecclesiæ aut Scholæ Seren.<sup>mi</sup>  
Fundatoris ministros flagitabunt, idoneos indicare possit.

Ad pag. 78r.

(e) Creandi & renunciandi S. Theologiæ Doctorem)  
Sapienti enim, ut in Statutis nostris *L. de Gradibus* dicitur,  
& gravi consilio instituti sunt & retinentur in Academiis  
gradus seu testimonia doctrinæ publicæ, non, ut inepti existi-  
mant, honoris tantum & dignitatis causa, sed ut præmium  
diligentiæ & virtuti debitum tribuatur. — Cum enim Eccle-  
siæ plurimum interfit, scire, quales doctores habeat, an puram  
& incorruptam evangelii doctrinam, & a quibus acceptam  
profiteantur, gravissima causa est, cur gradus velut publicum  
& fide dignum testimonium probati Collegii eis tribuatur, quod  
ostendat, eos universam doctrinam Ecclesiæ recte tenere, & ad  
eam recte docendam & propugnandam idoneos, & moribus ho-  
nestis & doctrinam ornantibus præditos esse. Deinde & di-  
scientium studia ac profectus sæpe per examina explorari, &  
velut per gradus ab inferioribus & cognatis studiis ad supe-  
riora, quæ Ecclesiam & Remp. gubernant, ordine traduci, plu-  
rimum ad veram & solidam eruditionem, gravitatem judicii,  
firmitatem & promptitudinem memoriæ, exsuscitandam inten-  
tionem animi & curam, tollendam superbiam & inanem per-  
suasione sapientiæ (qua nulla veræ & solidæ doctrinæ pestis  
capitalior est: multi enim ad veram sapientiam pervenire pos-  
sent, nisi se jam pervenisse putarent) utilitatis & adjumenti  
adfert. His & aliis de causis, non duntaxat veterem ordi-  
nem graduum in hac sua Julia retineri & usurpari, sed nec  
quenquam proponere aliquid in Theologia, vel Ecclesiarum  
Hbb bb suarum



suarum Superintendentem generalem aut specialem deinceps  
 aliquem constitui vult laudatissimus Lycurgus noster, nisi  
 gradu aliquo theologico ornatum, vel ea instructum erudi-  
 tione, ut dignus eo gradu censeatur. Requisita vero Candi-  
 datorum hæc exprimit: Qui gradum & insignia Doctoris  
 Theologiæ petet, is & mores inculpatos ac castos, & si aliunde  
 adveniat, testimonium Ecclesiæ, a qua vocatus est, vel cui an-  
 tea præfuit, honestum habeat, & toto quinquennio doctrinam  
 de Deo in aliqua Academia, consensum doctrinæ, quæ in no-  
 stris sonat Ecclesiis, amplectente, assidue audierit, & recte di-  
 dicerit, & in publica disputatione ac privato examine speci-  
 men doctrinæ laudabile præbuerit, & de omnibus fidei articulis  
 pie sentire, & Corpus doctrinæ Ecclesiarum nostrarum se vero  
 corde amplecti ostenderit. Neque prætereundum, quod ad-  
 dit: Gravi etiam de causa neminem ornari gradu Doctoris  
 aut Licentiatum in Theologia volumus, qui vocationem & fun-  
 ctionem docendi in Ecclesia vel Academia certam nondum  
 habuit. Et sumtus promotionum ita moderari jubet, ne ma-  
 gnitudine illorum, tenuiores a gradibus petendis arceantur, vel  
 alii etiam locupletiores absterri possint. Denique, testifi-  
 canda suæ erga Ministerium evangelii & studia doctrinæ Ec-  
 clesiæ, totamque Academiam benevolentia, & Candidatorum  
 honoris causa, ad singula Doctorum vel Licentiatorum  
 convivium, quæ usitato Academicarum, & vetustissi-  
 mo etiam Ecclesiæ sacrificiorum more, post ceremonias sa-  
 cras pie peractas celebrantur, cervum vel aprum & cadum  
 vini Rhenensis, clementissime se donaturum pollicetur. Quam  
 munificentiam Seren.<sup>mi</sup> Successores non tantum ipsi secu-  
 ti sunt, sed & pro summo in dilectissimam Juliam suam  
 affectu, subinde auxerunt & amplificârunt. Quod ad æ-  
 ternam ipsorum gloriam, & devotissimæ gratitudinis no-  
 stræ testandæ causa, jure meritoque a nobis hîc celebratur.  
 Ad



Ad pag. 783.

(f) Non deerit ignis adversitatum) *Scimus enim, ait sapientissimus Solon noster, gradum Theologiæ Doctorum, non ad voluptates, gloriam & opes, sed ad miserrimas curas, labores, certamina, & pericula omnis generis, aditum patefacere, & mercedem fidelibus Doctoribus præcipuam non in his terris, sed in cælo copiosam promitti.*

(g) *Generosæ Sponsæ tuæ*) Mariæ Elisabethæ, Generosissimi Dn. Joh. Diderici a Münnich, S. Regiæ Danicæ Majestatis in Comitatu Oldenburgensi Assessoris Provincialis, filiæ.

## RHYTHMI

### Situm astrorum coelestium

scite describentes,

AVTORE

ANDR. INGOLSTÆTTERO.

Quorum mentio facta est in Dedicatione.

I.

**A**Uf! träger Sinn / sey munter /  
 Besing die schöne Wunder /  
 Die goldbestammte Lichter /  
 Des Himmels Angesichter.

Hhh hh 2

II. Schau



## II.

Schau / wie die beyde Wächter /  
Mit blinckendem Gelächter /  
Um kleinen Beeren-Wagen /  
Sich um den (1) Pol-Stern tragen.

(1) Vrla Minor, dessen eusserster Schwanzstern /  
Stella polaris genandt wird / ist an 2. hellen Sternen in  
seinem quadrat, die man Vigiles heisset / erkenntlich.

## III.

Schau den gekrümmten (2) Drachen /  
Den Pol vom Thier-Kreis machen.  
Schau auch den (3) Cepheus stehen /  
Nächst bey (4) Cassiopeen.

(2) Draco, dessen Schwanz ziehet sich über den qua-  
drat des grossen Beeren / und unter den Vigilibus hin / und  
machet unter dem Stella polari eine grosse Krümme.

(3) Cepheus nächst dem Stella polari, gefolget von (4)  
der Cassiopea, welche gleichsam ein geschobenes 3 formiret.

## IV.

(5) Andromeden von Ketten  
Kommt (6) Perseus zu erretten.  
(7) Medusens Ungeheuer /  
Das macht ihn desto freyer.

(5) Andromeda nechst der Cassiopea. Ihr Kopff  
ist einer vom grossen quadrat mit Pegaso. Wolte man die-  
sen den grössern Wagen heissen / so wäre Andromeda die  
Deichsel davon.

(6) Perseus, nach der Andromeda, formirt gleichsam  
einen halben Cirkel-Bogen / woran (7) Caput Medusæ  
fast das centrum ist.

V. Dar-



V.  
Drauf zeigt des (8) Dreilings Spitze

(9) Des Widders (10) Wallfisch-Sitze/

Und unter dessen Flossen/

Kommt (11) Eridan geschossen.

(8) Triangulum  $\Delta$  zeigt mit seiner Spitze auf die nahe darunter liegende Cornua Arietis, an welchen der Aries zu erkennen ist. (9) Dieser sitzt auf dem Kopfe des Wallfisches/ (10) in dessen Rücken ein heller Stern. Sein Leib aber windet sich unter den Piscibus und Pegasus fast bis an den Aquarium hin. Unter dem Ceto ist (11) Eridanus.

VI.  
(13) Der Fuß vom (12) Ziegen-Träger/

Entdeckt des (14) Stieres Läger.

(15) Orion kommt zur Seiten/

Ihm mühtig zu bestreiten.

(12) Auriga, an der Capella, einem Stern primæ magnitudinis, bey welchem 2. kleine Sterne/Hoedi genannt/ die er auf den Rücken trägt/ erkenntlich. (13) Sein Fuß gibt einen von den Cornubus Tauri. (14) Am Tauro sind die Plejades auf dem Rücken/ und die Hyades vor seinem Oculo, so auch ein Stern primæ magnitudinis ist.

(15) Orion ein lichter kenntliches sidus. Durch dessen Cingulum gehet der Equator. Er wendet gegen dem Tauro einen Sternen-Bogen.

VII.

Doch unter seinen Knien/

Sieht man (16) den Hasen fliehen;

Damit (17) der grosse Hunde/

Ihm nicht den Balg verwunde.

Hhh hh 3

(16) Le-



(16) Lepus ist unter dem Orione. Er wird vom  
(17) Cane Majore verfolgt. An dessen Kopff ist der schöne  
helle Stern. Er stehet auffgerichtet / gleichsam mit den  
Pforten nach dem Hasen langend.

## VIII.

So unter (18) beyden Brüdern /  
Will sich (19) das Hündlein niedern /  
(20) Dem Krebse sich entziehend /  
(21) Die Wasserschlange flehend.

(18) Die Gemini sind an 2. hellen Sternen / welches  
ihre Capita sind / erkenntlich. Unter ihnen ist (19) Canis  
Minor, welcher mit Cane Majore, und einem in humero  
Orionis den größten Triangel am Himmel machet.

(20) Der Krebs ist obscurum sidus, an einer nube-  
cula erkenntlich / und folgt dem Cani Minori. Unter des Krep-  
ses linken Scheer ist (21) Caput Hydræ, deren Leib und  
Schwanz sich unter dem Leone und Virgine herziehet.

## IX.

Die (22) Beeren-Trapp hat Scheue /  
Zu treten auf (23) den Leue;  
Da jener (24) Beerenhüter  
Tritt auf der (25) Jungfer Glieder.

(22) Ursa Major ist ein bekanntes sidus, und nimt einen  
grossen Platz am Himmel ein. (23) Unter seinen Pforten  
ist Leo, der in Corde und Cauda, 2. Sterne primæ magnitu-  
dinis hat. (24) Bootes weist mit seiner Hand auf Cau-  
dam Ursæ Majoris. *Sua sidera monstrat*, sagt der Poët Pa-  
lingenius. An ihm ist der schöne Arcturus in fimbria vestium,  
und



und seine Füße stehen (25) über der Jungfrauen / derer  
Spica ist unterhalb der Ecliptica. Sie nimmet einen gro-  
ßen Raum am Himmel ein.

## X.

Der (26) Berenice Treue  
Hat über ihr die Reihe.  
Sie führt besagten Hüter /  
Und gehet vor ihm nieder.

(26) Coma Berenices ist über der Virgine vor dem  
Boote. Davon Catullus: *Vetor in occasum, tardum dux ante*  
*Boatem.* Stehet unter der Cauda Ursæ Majoris.

## XI.

Nach (27) ihr / sieht man (28) den Raben /  
Sich bey dem Becher laben /  
Und unter ihm / (29) Centauren,  
Auf (30) Jasons Schiffarth lauren.

(27) Der Virgine. (28) Unter der Virgine stehen  
Crater & Coryus auf dem Leib der Hydra. (29) Cen-  
taurus streichet über unsern Horizont, und (30) Argo navis  
wird auch nicht viel gesehen.

## XII.

Was wieget uns (31) die Wage?  
Begleichte Nacht und Tage:  
Doch ist / bey ihrer Zungen /  
(32) Die Schlang zur (33) Kron gedrungen.

(31) Die Wage ist ein dunkel Gestirn. Über ihr steigt  
(32) Serpens Ophiuchi hinauf zur (33) Kron / welche zwi-  
schen dem Bootes und Hercules stehet.

## XIII. Ari-



## XIII.

Arions (34) Leyer-Lieder/  
 Werffn (35) Herculem darnieder:  
 Doch sieht man von (36) Delphinen,  
 Den lieben (37) Schwan bedienen.

(34) Lyra hat einen schönen hellen Stern. Nächst ihr ist (37) Cygnus, unter welchen Ovidius den Arion versteht/ der von den Schiffleuten ins Meer geworffen/ und von dem (36) Delphin, welcher unter dem Cygno, vor dem Capite Pegasi und Equulei zu sehen/ salvirt worden ist. (35) Hercules sitzt auf einem Knie.

## XIV.

Hingegen / wie ich glaube /  
 Ist auch am Himmel Raube:  
 (38) Antinous muß trauen  
 Des (39) Adlers (40) Pfeil und Klauen.

(39) Aquila, in dessen obern Flügel (40) Sagitta stecket/ gehet vor dem Equuleo, und unter ihm ist (38) Antinous: unter diesem aber die Capita Sagittarii und Capricorni.

## XV.

Laß / (41) Scorpion / dein Dräuen:  
 Du selber hast zu scheuen  
 Des (42) Schlangen-Mannes Füße/  
 Des (43) Wolfes böse Bisse.

(41) Scorpius hat einen hellen Stern/so CorScropii heisset. Auf ihn tritt (42) Ophiuchus, der die Schlange hält/ von welcher oben num. 32. geredet worden. Ist ein grosses Gestirn/und erstreckt sich hinauff biß an den Herculem, mit  
 wel:



welchem er wie num. 35. gesagt ist / gleichsam stützet. (43) Fera ist unter dem Scorpion, und nur halb über unsern Horizont.

## XVI.

Der (44) Schütz wird auch nicht scherzen:  
Er zieht dir nach dem Herzen.  
Nur sagt er / daß der (45) Bocke  
Ihm gar zu nahe hocke.

(44) Sagittarius zielt nach dem Corde Scorpii. Seine Füße bleiben unter unserm Horizont. (45) Capricornus stößet mit seinen Hörnern gleichsam auf den Rücken des Sagittarii.

## XVII.

Bleib / (46) Pegasus, im Fluge/  
Sonst bricht (47) der Wasser = Krüge.  
Wird dieser nicht befeuchten /  
Kan (48) Fomahand nicht leuchten.

(46) Pegasus, (vor welchem auch Equuleus ist / ein obscurum sidus, dessen ich nicht gedencken wollen) ist zu suchen vor der Andromeda, derer oben num. 5. gedacht / auch theils nach den grossen quadrat daselbst beschrieben worden. Unter dessen Capite ist Vrna Aquarii, auf welche Pegasus gleichsam mit dem Kopff herab zu fallen scheint. (47) Aquarius giesset sein Wasser aus besagter Urna herab auf den Piscem Austrinum. In dessen rictu ist der helle Stern (48) Fomahand.

## XIIIX.

Halt einen von den (49) Fischen:  
Sonst wird er auch entwischen.

Iii ii

Andro.



Andromedens verlangen  
Hat einen schon gefangen.

(49) Einer von den Piscibus liegt unter dem Flügel  
des vorbesagten Pegasi: der ander aber unter den Armen  
Andromedæ, derer sidus oben num. 5. beschrieben ist.

## XIX.

Die sich (50) dem Süd-Pol nähern/  
Die niemahl ich gesehen/  
Die kan ich auch nicht lieben/  
Und laß sie unbeschrieben.

(50) Sidera versus Polum Antarcticum nobis incon-  
spicua.



I. IN-





I.  
INDEX  
AVCTORVM,  
Qui vel citantur, vel no-  
tantur.

A.  
Abbo.  
Acta Eruditorum.  
Ælianus.  
Alcadinus.  
Allatius.  
Alteserra.  
Ambrifettus.  
Ambrosius.  
Andreas *Jacobus*.  
Anshelmus.  
Apologia pro doctrina  
Arndii.  
Apulejus.  
Athanasius.  
Augustinus.

B.  
Bajer *Job. Guilielmus*.  
Balduinus.  
Banckius.  
Barlaam.  
Baronius.  
Bartoli *Sebastianus*.  
Basilus.  
Bebelius.  
Becmannus.  
Bechmannus.  
Beda.  
Bellarminus.  
Bellonius.  
Bembus *Petrus*.  
Benjamin *Tudelenfis*.



# I. INDEX

Benthem.  
 Bentivoglio.  
 Bergius *Conradus. Johannes.*  
 Bernhardus.  
 Berterius.  
 Bertoldus *Constantiensis.*  
 Bertramus.  
 Beza.  
 Biblia Anglicana. Belgica.  
     Latina vulgata.  
 Bignonius.  
 Billius.  
 Binius.  
 Blossius.  
 Blount.  
 Bochartus.  
 Boecler.  
 Böckelmannus.  
 Boëthius.  
 Boschius.  
 Breithaupt.  
 Brentius.  
 Brerewood.  
 Brochmandus.  
 Bromptonius.  
 Broughtonius.  
 Budæus.  
 Bugenhagius.  
 Bulengerus.  
 Buxtorfius *pater & filius.*  
     C.  
 Calenberg.  
 Calertus.  
 Calixtus *Georgius. Frid. VI-*  
 Calovius. *(ricus.*  
 Calvinus *Theologus. Jctus.*  
 Camerarius *Joachimus. Phi-*  
     *lippus.*  
 Capacius.  
 Cappellus *Ludovicus.*  
 Carpzovius *Joh. Benedictus,*  
     *pater & filius.*  
 Casalius.  
 Casaubonus.  
 Cassander.  
 Castalio.  
 Cave.  
 Caussin. *Caussin.*  
 Cedrenus.  
 Cellarius *Balthasar.*  
 Centuriæ *Magdeburg.*  
 Chamier.  
 Chemnitius *Martinus. Chri-*  
 Cherubinus. *(stianus.*  
 Chrysostomus.  
 Chytræus.  
 Cicero.  
 Clarius.  
 Clericus.  
 Cluverius.  
 Collerus.  
 Concordiæ *liber.*  
 Confessio *Augustana, ejusq;*  
     *Apologia.*  
 Cohen de Lara.  
 Conring.

Corpus



AVCTORVM.

Corpus Doctrinæ Julium.  
Cowell.  
Crenius.  
Creygthon.  
Cromerus.  
Curcellæus.  
Cyprianus.  
Cyrillus *Alexandrinus*.

D.

Dallæus.  
Dannhauer.  
Dedekennus.  
De Dieu.  
Defensio Admonitionis Neustadianæ.  
Despaigne.  
Didymus.  
Dietericus *Conradus*.  
Dilherrus *Job. Mich.*  
Diallactici de Eucharistia, auctor.  
De Dominis.  
Dodsworth.  
Dorscheus.  
Dreier.  
Drusius.  
Dürrius *Job. Conradus*.

E.

Ebnerus *Hieron. Guil.*  
Ebolitanus *Poëta*.  
Eckhardus.

Eduardi, Regis Britann. Formula Confessionis in regno Angliæ faciendæ.

Eginartus.  
Elias Levita.  
Eobanus.  
Epiphanius.  
Episcopus.  
Erasmus.  
Estius.  
Ethelwerdus.  
Evagrius.  
Eusebius *Pamphili*.  
Euthymius.

F.

Fabricius *Jobannes, pater meus*.  
*Job. Ludovicus. Jacobus*.  
Facundus.  
Fagius.  
Favolius.  
Fendius.  
Ferrarius *Osavius*.  
Ferus.  
Feurborn.  
Le Féure.  
Finck.  
Flacius.  
Florens.  
Forbesius *Guilielmus. Johannes*.  
Forsterus.  
Franck *Christophorus*.



# I. INDEX

- |                                   |                                 |
|-----------------------------------|---------------------------------|
| Freher <i>Marquardus.</i>         | Grotius.                        |
| Fulgentius, <i>G.</i>             | Guicciardinus <i>Ludovicus.</i> |
| Geier.                            | Guntherus.                      |
| Gelafius.                         | H.                              |
| Gentilis <i>Scipio.</i>           | Hachenberg.                     |
| Gerardus, <i>Abbas Luccensis.</i> | Hackspan.                       |
| Gerhardus <i>Johannes. Job.</i>   | Hall <i>Josephus.</i>           |
| Ernestus.                         | Haugwitz.                       |
| Gesselius.                        | Haymo.                          |
| Gildas.                           | Hecht.                          |
| Glanvillus.                       | Hedenus.                        |
| Glassius.                         | Heidegger.                      |
| Gleichius.                        | Heinsius.                       |
| Glossa ordinaria.                 | Herberstein.                    |
| Glossarium.                       | Herbrandus.                     |
| Goar.                             | Hessus, al. <i>Eobanus.</i>     |
| Godavius.                         | Hesychius.                      |
| Godwinus.                         | Hieronymus.                     |
| Goebelius.                        | Hilarius <i>Pictaviensis.</i>   |
| Gomarus.                          | Hilde.                          |
| Grabe.                            | Hildebrandus.                   |
| Gramondus.                        | Hincmarus.                      |
| Granatensis <i>Ludovicus.</i>     | Historia Aug. Conf. contra      |
| La Grandeur de l' Eglise Ro-      | Wolffium.                       |
| maine.                            | Historia Archiepiscoporum       |
| Grauer.                           | Eboracensium.                   |
| Gravius.                          | Historia Ecclesiastica, quæ di- |
| Grellotus.                        | citur <i>Gotbana.</i>           |
| Gregorius <i>Magnus. VII. Na-</i> | Hochmann.                       |
| <i>zianzenus. Nyssenus.</i>       | Hoornbeeck.                     |
| Gronevius <i>Job. Fridericus.</i> | Hottinger.                      |
| Grosius.                          | Houedenus.                      |
|                                   | Huberus <i>Samuel.</i>          |
|                                   | Huetius                         |



AVCTORVM.

Huetius.

Hugenius.

Hülsemannus.

Hunnius *Ægidius. Nicolays.*

Hutterus.

I.

Janfenius.

R. Jehuda Levi.

A. Jesu.

Ignatius.

Johannes, *Episcopus Quin-*  
*quecclesiensis. Pannonius.*

*Sarisberiensis.*

R. Jona.

Joodsche Oudheden.

Josephus *Flavius.*

Irenæus.

Isidorus *Pelusiota.*

Junius.

Jus Canonicum.

Justellus.

Justinus *Philosophus pariter &*  
*Martyr.*

Juvenalis.

K.

Kempis.

Kittelmann.

Klotz.

Knygthon.

König *Job. Fridericus. Geor-*  
*gins. Georg. Matthias.*

Kortholt.

Kromayer.

L.

Labbeus.

Laëtantius.

De Læet.

Lampridius.

Lancelotus.

Lang *Job. Michaël.*

Laonicus *Chalcocondylas.*

A Lapide.

Launoius.

Leo M.

Lightfoot.

Limator.

Linck *Henricus.*

Lindenbrogius.

Livius.

Loffedi.

Lombardus.

Lucianus.

Luitprandus.

Lutherus.

Luydus.

Lyserus *Polycarpus.*

M.

Maimonides. *Magliabechius. 662.*

Maldonatus.

De Marca.

Maria.

Mariana.

Martini *Jacobus.*

Marullus.

Mafius.

Van Mastricht.

Matthæus



# 1. INDEX

Matthæus <i>Westmonasteriensis.</i>	O.
Matthiæ <i>Christianus. Johannes.</i>	Odo Cluniacensis.
Meisner <i>Balthasar. Johannes.</i>	Olearius <i>Johannes. Joh. Gott-</i>
Melanchthon.	<i>frid.</i>
Menius.	Onkelos.
Menzer.	Opus novum Qq. pract.theol.
Merian.	five Casuum consc.
Metrophanes <i>Critopulus.</i>	Origenes.
Meursius.	Osiander <i>Andreas. Lucas.</i>
Ministerium <i>Lubecense, Ham-</i>	<i>Joh. Adam.</i>
<i>burgense &amp; Lunaburgense.</i>	Osullivan.
<i>Magdeburgense. Noriber-</i>	Otto <i>Frisingensis. Johannes</i>
<i>gense.</i>	<i>Henricus.</i>
Molanus. vide, <i>Gerardus.</i>	P.
Molinæus.	Pagitt.
Monasticum Anglicanum.	Pamelius.
Montacutius.	Panvinus.
R. Moses, filius R. Gersom	Parcker.
Chapotz.	Pareus.
Moses Gerundensis.	Paulinus.
Müller <i>Henricus. Johannes.</i>	Pearsonius.
Münsterus.	Perecius.
Museus <i>Johannes. Petrus.</i>	Perkinsius.
Musculus <i>Andreas. Wolf-</i>	Petrus Martyr.
<i>gangus.</i>	Pfeiffer <i>Augustus.</i>
N.	Pflaumern.
Neuberger.	Pin.
Nicephorus <i>Callisti.</i>	Piscator.
Nicolai <i>Henricus.</i>	Pithœus.
Niemann.	Plato <i>Hiëronymus.</i>
Noribergensium libri Nor-	Plinius <i>historicus.</i>
males,	Plutarchus.

Poach



AVCTORVM.

Poach.	S.
Pocockius.	Salianus.
Pöelenburg.	Salmasius.
Pomarius <i>Samuel.</i>	Salvianus.
Pinetus.	Sarpus.
Prætorius <i>Abdias.</i>	A Sartiano.
Propertius.	Saubertus <i>Johannes, pater &amp;</i>
Ptolomæus <i>Claudius.</i>	<i>filius.</i>
Q.	Savilius.
Quenstedius.	Scharfius.
R.	Scheibler.
Radulphus <i>Niger. Petrus.</i>	Schelwig.
Ramirez.	Scherzer.
Ranulphus Cestrensis.	Slcheupnerus.
Raphelengius.	Schlüsselburg.
Rauppius.	Schmid <i>Erasmus, Sebastianus.</i>
Rebhan.	Schnepfius.
Rechenberg.	Schröder <i>Joh.</i>
Regius <i>Carolus. Vincentius.</i>	Scoglius.
<i>Urbanus.</i>	Scriverius.
Reinhartus <i>Luc. Frid.</i>	Scultetus.
Religion anciently profes-	Sedulius.
sed by the Irish and Brit-	Seldenus.
tish.	Seneca.
Ribera.	Serrarius.
Ritter.	Simeon <i>Metaphrastes.</i>
Rivetius.	Simon <i>Richardus.</i>
Rixner.	Sirmondus.
Rohrius.	Sixtus <i>Senensis.</i>
Rudburnus.	Sleidanus.
Rudinger.	Slüterus.
Ruffinus.	Smith <i>Thomas.</i>
Rupertus.	Snellius <i>Wilebrodus.</i>

Kkk kk

Sohnius.



# I. INDEX

Sohnius.	enses. Marpurgenses. Sa-
Socrates.	xonici.
Sommerus.	Theophanes.
Sozomenus.	Theophylactus.
Spangenberg.	Thuanus.
Spanhemius filius.	Thulemar.
Spelmannus Henricus.	Thummus.
Spener.	Titius Gerhardus.
Spizelius.	Tolosanus.
Spondanus.	Tremellius.
Sprenger.	Tribbechovius.
Stella.	Trithemius.
Stephanus Henricus. Jere-	Tröster.
mias. Robertus.	Twisden.
Steuchus.	V.
Strabo.	Valerius Augustinus.
Strauch Ægidius.	Valesius Adrianus. Henricus.
Strigelius.	A Valle.
Stuckius.	Varro.
Sturmius Job. Christophorus.	Vatablus.
Suetonius.	Vazquez.
Suidas.	Vedelius Nicolaus.
Sulpicius Severus.	Veiel.
T.	Vergilius Polydorus.
Tacitus.	Vermilius.
Tarnovius.	Vigilius.
Taylor Jeremias.	Vitæ Offæ autor.
Tertullianus.	Voet Gisbertus. Paulus.
Textor.	Vorstius Conradus. Johannes.
Theodoretus.	Vossius Gerb. Johannes.
Theologi Brandenburgici.	Vrsatus.
Jenenses. Gissenses. Haf-	Vrsinus Job. Henricus.
siaci. Lambethani. Lipsi.	Vsserius.

Vzin.



# AUCTORVM.

Vzinger.	W.	Wigandus.
Wagenfeil.		Wollebius.
Waldschmid.		Wülfer <i>Johannes.</i>
Walther <i>Michaël.</i>		X.
Walton.		Xauier <i>Hieronymus.</i>
Waræus.		Xiphilinus.
Watfius.		Z.
Weller <i>Hieronymus.</i>		Zanchius.
Whear.		Zegerus.
Whelocus.		Zeidler.
Whitaker.		Zepper <i>Philippus. Wilhelmus.</i>
		Zimmermann.

## II.

## INDEX

# DICTIONVM SCRIPTVRÆ S.

Caput.	versus.	pagina.	Caput.	versus.	pagina.
	GENES.				
I	26. 28.	417. 418.	21	14	92
2	24	586	28	20. 24.	174
3	7	91		EXOD.	
II	7	420	20	1	420
16	13	420		3	171
17	7	533	32	15	94
	10	525		LEVIT.	
18	1	420	7	7	198
			18	18	588
		Kkk kk 2			NVMER



## II. INDEX

Caput.	versus.	pagina.	Caput.	versus.	pagina.
	NVMER.				
13	14	96	11	7.8.9	583
21	6	95	38	5	428
	DEVTERONOM.		54	13	524
4	15	417	59	4.5	192
	18	402	65	25	583
5	4	402		JEREM.	
	JOSVÆ.		9	23	192
24	15	179	31	18	485 524.
	JUDICVM.			EZECH.	
16	19	97	18	26	553
	I. SAMVEL.			DANIEL.	
2	3	404	13	5	98
16	15	406		JOEL.	
	II. REGVM.		2	28.29.	338
5	18.19	182		JONAS.	
	PSALMI.		4	6	225
31	7	190		ZACHAR.	
40	9	465	9	10	583
84	8	346		SIRACIDES.	
131	1	191	3	21.22.	192
139	6	191	17	3.5.	418
145	18	406		MATTHÆVS.	
	ECCLESIASTES.		3	6	101
7	16	191		7	768
	21	509	4	1	102
	CANTICVM CANTIC.		5	1-II	502
2	15	191		21.22.28.	451
	JESAIAS.			25.26.	81
1	22	192	9	16	115
2	4	583	10	16	193



# DICTIONARIUM SCRIPTURÆ S.

Caput. versus. Pagina. | Caput. versus. pagina.

12	31 32.	453
14	11	104
16	18	63
	19	70
17	19	226
	27	77
18	19.20	58.337
19	6	586
20	2.13.	80
	22	511
22	13	441
	19	79
	30	435
	39	517
23	33	768
26	20	105
	23	105
27	5	106
28	16	227

## MARCVS.

1	4	521
6	28	104
8	35 38	172
9	2	226
	43	440
10	15	532
14	15	227.342
15	25	227
	40	107

## LVCAS.

1	34	579
2	7	97
	26	225
	46	97
7	37	226
12	58.59.	81
13	4	226
8	13	553

## JOHANNES.

1	29	469
2	6	103
3	16	470
	17	434
4	44	767
6	44	525
7	44	767
8	15	434
9	22	565
	34	565
	44	66
10	18	465
13	5	226
	25.26.	106
14	1	471
	2.3	405.438
	15	406
	16	412
17	4.5.	472
19	14	227
	25	107

Kkk kk 3

19 29



## II. INDEX

Caput.	versus.	pagina.	Caput.	versus.	pagina.
19	29	227	7	10	447
	34	227		14	509
21	15.16.17.	72		19.20	448
	18	108		22	504
ACTA APOST.			8	13	508
1	6.7.	193		24	502
	13	340.342	9	11	545
	18	106	11	22.24	451
2	1	342		25	228.769
	6.7.		12	3	193
	12.44	342	13	1	572
	8	227	15	14	338
4	23.31.42	343	16	5	339
8	20	51	I. AD CORINTH.		
12	12	343	1	10	565
	17	50	2	6	510
14	11	228		14	376
18	26	343	3	12	193
20	17.28	580	5		484
	20	343	6	9.10	172
	21	521		13	433
24	14	499	7	2.9.	586
26	28	228		14	533
AD ROMANOS.			11	10	228
1	5	496	13	2	496
2	15	505		9	195
3	3	579		12	436
	28	495			432.433
	31	520	15	3	470
5	7	767		32	227
6	12	449			



# DICTIONARIUM SCRIPTURÆ S.

Caput.	versus.	pagina.	Caput.	versus.	pagina.
15	41	437	3	5	448
	44	435		16	338
16	19	339	4	15	339
II. AD CORINTH.			I. AD THESSALON.		
5	10	506	4	18	338
7	10	486	5	14	338
11	24	228		19. 20	312
13	5	503		21	312. 381
AD GALATAS.			I. AD TIMOTHEVM.		
2	6. 9.	58	I	4	195
	7	50. 59.		7	199
AD EPHESIOS.				9	522
I	4. 5	545		17	401
2	1. 5	449		19	479
	8. 9.	495		20	172
	20	567	2	4	556
3	10	494		14	425
4	5	534		15	158
5	14	338	4	7	195
AD PHILIPPENSES.				14	580
2	9	472	5	4	402
	12	503		21	552
3	12	510	6	4	195
	15	314		9. 10	171
	19	172		16	405. 422
4	22	228	II. AD TIMOTH.		
6	16	382	I	18	430
AD COLOSSENSES.			2	16	195
I	15	454		19	552
2	11	480			

AD TI.



## II. INDEX DICTORVM SCRIPT. S.

Caput.	versus.	pagina.	Caput.	versus.	pagina.
AD TITVM.			2	13	568
1	5. 7.	580	5	3	142
	10. 13. 14.	195		13	51
2	11	502	II. PETRI.		
3	5	502	1	10	555
	9	195	3	5	498
AD PHILEMONEM.				15	59
	2	339		16	381
AD HEBRÆOS.			I. JOHANNIS.		
1	6	468	1	9	443
7	22	524	3	2	436
	26	469		12	768
9	15	468	4	1	311. 331
JACOBI.			APOCALYPSIS.		
1	5. 6	116	3	7	71
2	14. 17	496	22	19	554
I. PETRI.					
2	5. 8	581			

## III.

# INDEX R E R V M.

A.		Academia Ciceronis. 605.	Acade-
A	Bbatia S. Germani. 747	miarum nimia copia in Germa-	
	Ablatio rei aliena non omnis est	nia. 767	
	furtum. 517	Acheron. 606	
	Galenus Abrahamus. 764	Acontius. 320	
	Abrahamel. 319	Adam & Eva comedentes de fructu	
	In absolutione Sacerdotes sunt in	verito. 91. 112	
	dices. 487		
			Egyptis



### III. INDEX RERVM.

<i>Ægyptii quare abominati sint conui-</i>		<i>Anni M. quibus ligabitur satanas,</i>	
<i>ctum Hebræorum.</i>	223	<i>quando incipiant 228. annus jubi-</i>	
<i>Ægyptia non est notio Dei patris.</i>	406	<i>leus apud Romanos. 595. anni Ar-</i>	
<i>Agnanus lacus.</i>	605	<i>chiepiscoporum Colonienſium, bacu-</i>	
<i>Agnorum Dei consecratio.</i>	595	<i>lis notantur.</i>	724
<i>Agricola Bavaricus in antiquario</i>		<i>Antonius Vtricus, D.B. &amp; L. 780.786</i>	
<i>Monacenſi.</i>	698	<i>Apoſtolorum (Petri &amp; Pauli) carcer</i>	
<i>Agrippæ Regis complacentia.</i>	228.	<i>Roma. 602. Eorundem locus ſup-</i>	
<i>Alberti M. cathedra &amp; audito-</i>		<i>plicii. ib. locus, ubi S. Paulus com-</i>	
<i>rium.</i>	698	<i>moratus, &amp; cum S. Petro de rebus</i>	
<i>Alexander III. P. R. dicitur cal-</i>		<i>chriſtiana fidei deliberavit.</i>	662
<i>câſſeFridericum I. Barbaroſſam.</i>	598.	<i>Aqua ſupracæleſtes dantur.</i>	416.
<i>Ejus monumentum. ib.</i>		<i>Aqueductus Auguſtani, &amp; Ba-</i>	
<i>Allix.</i>	708	<i>varicus.</i>	703
<i>Alloſois in primo genere communi-</i>		<i>Arauſionenſium Principum monu-</i>	
<i>cationis idiomatum.</i>	461	<i>menta.</i>	704
<i>Alpes.</i>	606	<i>Arca Noæ.</i>	222
<i>Altingius.</i>	764	<i>Arcus triumphalis Ludovici XIV.</i>	
<i>Altorfium. 683. Academia Altor-</i>		<i>R. Gall.</i>	705
<i>ſine benefactores.</i>	759	<i>Argentoratum.</i>	699.753.757
<i>Amphitheatrum Romanum.</i>	603.	<i>Ariminum. 599. Synodus in quo loco</i>	
<i>Lugdunenſe.</i>	720	<i>urbis habita. ib.</i>	
<i>Amsdorſius in Scyllam contrarii er-</i>		<i>Arius in Scyllam erroris incidit.</i>	251
<i>roris incidit.</i>	282	<i>Armeni an unionem fecerint cum</i>	
<i>Amſtelodamum. 705.743.745.759.761.</i>		<i>Latinis. 85. errorem de una Chri-</i>	
<i>Ana quid in deſerto repererit.</i>	222	<i>ſti natura miſſam faciunt. ib.</i>	
<i>Andernacum.</i>	704	<i>Arminius.</i>	320
<i>De Angelis Qq. otioſæ. 209. Sunt</i>		<i>Joh. Arndius.</i>	319.767
<i>in loco. 418. conditi ad imagi-</i>		<i>Nic. Arnoldus.</i>	765
<i>nem Dei. 419. confirmati, non</i>		<i>Arnulphi Imp. altare portatile.</i>	698
<i>deſinunt eſſe liberi. ib. nonnullis in</i>		<i>Aſſenſus notitia fidei prior.</i>	498
<i>Scriptura tribuitur nomen מן</i>		<i>Aſtrorum cæleſtium ſitus.</i>	795
<i>420. fuerunt fide præditi.</i>	421	<i>Athanaſianum Symbolum non eſt A-</i>	
<i>Angria.</i>	704	<i>thanaſii.</i>	393
<i>Anima ſeparata ſciunt res hujus</i>		<i>Attila.</i>	703
<i>mundi. 431. fruuntur beatitudine</i>		<i>Auditores Doctores Eccleſiæ poſſunt</i>	
<i>completa.</i>	431	<i>opponere.</i>	579

LII

Aven.



### III. INDEX

<i>Aventicum</i>	699	<i>Basilisci.</i>	701
<i>Aventini epitaphium.</i>	698	<i>Bastille.</i>	706
<i>Augusta Vindelicorum.</i> 699. 703. 752.		<i>Baumannii specus.</i>	702
<i>Augustana Confessionis exemplar</i>		<i>De Beatitudine æterna Qq. otiosa.</i> 211	
<i>de A. 1531. non est purum.</i>	396	<i>non consistet in una Dei clara vi-</i>	
<i>Augustinus in Scyllam erroris inci-</i>		<i>sione. 436. non habebit gradus di-</i>	
<i>dit.</i>	265	<i>versos. 437. beatorum corpora non</i>	
<i>Augustus, D. Br. &amp; Lun.</i>	755	<i>erunt spiritualia. 435. erunt invi-</i>	
<i>Auròdeos an dici possit Filius &amp; Spi-</i>		<i>sibilia. 438. In beatis non erit</i>	
<i>ritus S.</i>	207	<i>major aut minor cognitionis per-</i>	
		<i>fectio. 436. cognoscent libera DEL</i>	
<i>B.</i>		<i>decreta. ib. erunt in loco. 437.</i>	
<i>Baccalaureatus Candidatorum offi-</i>		<i>Beatorum in Rom. Ecclesia crea-</i>	
<i>cium in Sorbona.</i>	762	<i>tio.</i>	595
<i>Bacheracum.</i>	700	<i>Mart. Beer.</i>	319
<i>Bacchiara saxum. ib.</i>		<i>Belgarum eruditio derivata a Ger-</i>	
<i>Bacmeister.</i>	764	<i>manis.</i>	764
<i>Baja.</i>	607	<i>Beneficarii sunt examinandi.</i>	792
<i>Bailletus.</i>	756	<i>Bentham.</i>	771
<i>Balduinus Fridericus. 319. Fran-</i>		<i>Berckelmannus.</i>	773
<i>ciscus.</i>	320	<i>Berengarius in Scyllam erroris inci-</i>	
<i>Balazius.</i>	757. 764	<i>dit.</i>	278
<i>Bambergæ.</i>	332	<i>Bethesda virtus.</i>	225
<i>De Baptismo Qq. otiosa. 219. In</i>		<i>Bibliotheca Italica. 612. Germanica.</i>	
<i>baptismo tollitur fomale peccati</i>		<i>Belgica, &amp; Gallica.</i>	706
<i>originalis. 448. baptismi efficacia</i>		<i>Biesbos.</i>	702
<i>extendit se in futurum. 530. ab</i>		<i>Bingium.</i>	700
<i>hæretico collatus, verus. ib. exor-</i>		<i>Blanckenburgicus Comitatus.</i>	702
<i>cismus in baptismo potest retineri.</i>		<i>Bochartus.</i>	320
<i>ib. infantes baptizati credunt. 531.</i>		<i>Boda cataraeta.</i>	702
<i>infantes Christianorum ante ba-</i>		<i>Bœclerus.</i>	763
<i>pismum sancti. 532. baptismus</i>		<i>Henr. Boëthius.</i>	773. 788
<i>duplex. 533. potest administrari</i>		<i>Boineburgius.</i>	763
<i>per privatum. 534. baptismi ritus</i>		<i>Bonna.</i>	704. 744
<i>in Hollandia.</i>	759	<i>Bononia.</i>	599
<i>Barbarismi in Græco codice N. T.</i>	387	<i>Bosiana Bibliotheca.</i>	752
<i>Casp. Barlaam.</i>	320	<i>Brema.</i>	742. 744
<i>Baronius.</i>	320	<i>Bren.</i>	



# RERUM.

Brentius.	319	Carionis Chronicon Philippeum, in	
Brunsviga.	723	Acad. Julia praelegendum com-	
Bucerus.	320	mendatur.	789
Bulla S. Cæne. 621. Latina.	622.	Carnales in statu renovationis.	514
Italica. 639. Aurea Bulla.	700	Caroli Ludovici, El. Palat. studium	
Bullinger.	320	tollendi dissidia religionis.	765
Burdalovius.	708	Cartesii monumentum.	750
Busmannus.	773	Castellum in Palatinatu superiore.	699
		Catalla.	11
		In Catecheseos enarratione ostenden-	
		du est usus & praxis ejus.	777
Cajeta. 602. petra Cajetana. ib.		Catholica pagus.	599
Cajetanus.	320	Causa matrimoniales non pertinent	
Cain quo tempore natus: quibus ar-		ad iudicium ecclesiasticum.	582
mis Abelem interfecerit: quodnam		Cellarius Balthasar. 773. Justus. ib.	
signum a Deo acceperit. 221. Cur		C. Cella. 605. Cella Franconica.	700
non capitaliter fuerit punitus pro		Ceremonia ecclesiastica, necessaria.	578
pter homicidium. ib. quo sine adi-		varia in nostris & aliis Ecclesiis.	707
ficârit urbem. ib. quo mortis ge-			
neris absumptus. 722. ex concubitu			
Eve cum Sammaële natus a non-		Mart. Chemnitius.	319
nullis creditur.	768	Christiani sunt athei. 371. clerici. 508.	
Caiphas male pingitur sine barba.	111.	& sacerdotes. 581. eorum habita-	
stando dirupit vestimentum.	112	cula subterranea.	602
Calixtus, pater & filius.	319. 773	Christophori, Ducis Bavaria, robur.	701
Calvinus in Scyllam erroris incidit.		Christus infans, a Magis non cultus	
301. expoliuit. 767. ejus ad Luthe-		in stabulo. 99. puer XII. annorum	
rum epistola.	754	non sedit in loco Doctoris, nec do-	
Campania Italia. 607. Gallia.	701	cuit. 100. baptizatus per mersio-	
Campanularum Insus.	704	nem. ib. cœnam paschalem sele-	
Campi Elysi. 605. Catalaunici.	701	bravit non sedendo, sed accum-	
Candelabri aurei figura.	602	bendo. 104. proditorem Judam	
Candidatorum Theologia in Acad.		Johanni secreto percontanti, se-	
Julia, requisita.	794	creto monstravit. 106. cruci affi-	
Canonicorum collegia.	347	xus, non habebat manus in su-	
Carcavins.	764	blime elatas. 112. de Christo Qq.	
Carinthia.	702	otiosa. 216. in quo monte fueris	
		Lll 2	trans.



### III. INDEX

- transfiguratus. 226. a quo discipulo fecerit lotionis initium. ib. an in flagellatione certum plagarum numerum acceperit. ib. an latus ejus lancea vulneratum. 227. qua hora resurrexerit. ib. Nullius hominis est iudex. 434. est primogenitus creaturarum. 454. Humana Christi natura habet suam subsistentiam. 455. Ei communita sunt omnia, quadam, & nulla idiomatica divina. 456. est omniprensens. 457. omnipotens, omniscia, vivifica. 463. facta interna Trinitati. ib. Unio 2. naturarum in Christo naturalis. 458. Unus Christus duae naturae, & duae naturae unus Christus. 459. Christi persona ordinata. ib. Christus quoad humanitatem est Filius DEI naturalis. 464. a morte abhorrens, vult id, quod vult Deus. 465. passio Christi ad evangelium pertinet. 466. Humana Christi natura sola passa est. 467. Christus est passus & mortuus quiescente Verbo. ib. sensit dolores infernales. ib. Caro Christi est adorabilis. 468. Unica gutta sanguinis Christi fuit sufficiens, ad nostri cum Deo reconciliationem. ib. Christus fuit obnoxius infirmitatibus humane naturae. ib. non fuit absque peccato. 469. natura Christi humana, in triduo mortis mansit integra. ib. Meritum Christi universale. 470. Christus potest dici Legislator. 471. est liber vitae. 551. sibi ipse aliquid meruit. ib. Christi ascensio hyperphysica. 473. Chrysostomus in Scyllam erroris incidit. 301. 302. Ciborum delectum habere, non est nefas. 514. Circumcisio fuit foedus Dei cum Abrahamo initum. 525. Claudius. 708. Cloppenburgius. 765. Coccejus. 765. De Coena Domini Qq. otiosa. 220. In S. Coena fractio panis necessaria. 335. panis consecratus, ante sumtionem est sacramentum. 541. hostia consecrata possunt assevari. ib. Remissio peccatorum per sacramentum S. Coenae donatur. ib. Coexistentia in S. Coena datur. 542. pransum aut cenatum ad S. Coenam accedere, non est piaculum. ib. Communicatio sub una a Majoribus nostris prohibita. ib. Collegium philadelphicum. 348. Colloquia cum eruditis. 709. Colonia Agrippina. 704. 742. Comitissa Hollandia. 364. liberos pariens. 700. Communicationis idiomatum tria genera 466. In primo genere datur adulatione. 461. Communicatio idiomatum est verbalis. ib. Conciones formandi & habendi praecpta 135. 766. apud quos auctores reperiri possint. 141. Concio-

natores



# RERVM.

natores praestantes in Italia. 609	Constantinus M. Ecclesiam domesti-
in Germania, Belgio & Gallia. 707	cam tenuit. 330. Ejus ades sub
Concilia œcumenica nulla fuerunt. 563	templo D. Petri Roma. 599. bapti-
Concupiscentia non pertinet ad pec-	sterium. 600
catum originale. 447. prohibetur	Consuetudo contra canones valet. 395
in praecepto IX. & X. 519	De Consummatione seculi Qq. otiosa. 215
Les Conferences. 770	Contritio est necessaria. 482. datur
Confessio peccatorum auricularis non	contritio evangelica. 482. est co-
retinetur in Ecclesiis nostris. 490.	ta interna pœnitentia. 486. est
In confessione audienda Sacerdo-	salutaris ib.
tes sunt iudices. 487	De Conversione Qq. otiosa. 218. Con-
Confessio veritatis. 768. Confessiones	versio est renovatio. 477. tres
particulares. 769	conversionis causa. ib. in conver-
De Conjugio Qq. otiosa 221. habet	sione homo se habet mere passive.
vim praecepti. 585. non est indisso-	482. voluntas hominis habet vires
lubile. 596. in gradu primo linea	eliciendi actum efficacem circa bo-
collateralis aequalis, non est pro-	na spiritualia. 489
hibitum de jure naturali. 587.	Cornu Oldenburgicum. 705
cum defunctæ uxoris sorore, lici-	Corona spinea Christo imposita, e qua
tum. 588. causa matrimoniales	rubi specie fuerit. 227
non pertinent ad iudicium eccle-	Corpora beatorum resurgentia, non
siasticum. ib. Martinus V. Papa	erunt spiritualia. 435. Corpus ho-
Rom. non dispensavit in conjugio	minis non resurget. 433
cum sorore germana. 589. Conju-	Cortinari monumentum. 704
giacorum, qui non sunt Reformati,	De Creatione Qq. otiosa. 207. facta
Amstelodami confirmantur & be-	est in tempore, ex nihilo. 413. fuit
nedicuntur in Curia. 759	actio successiva. 414. ex natura
Conradus III. Imp. 703	lumine cognosci potest. ib. Cælum
Conscientia ad solum Dei forum per-	& terra non fuere producta die
tinet. 516	primo. 416. non omnia propter
Consensus non facit nuptias. 587	hominem facta. 418
Consilia evangelica faciunt ad perfe-	Credenda, secundum nonneminis
ctionem. 512	opinionem. 768
Consistoria non sunt humana ordi-	Cremesia. 751
natio. 567	Crucifixio Christi, qua hora contige-
	rit. 227



### III. INDEX

- Crux perducit ad pœnitentiam* 490  
*Crypta Neapolitana.* 604. *Sibylla.* 605  
*Curcellanus.* 320  
*Curiostitas illaudabilis.* 190. 369. *seſe*  
*etiam prodiſt in ratione nominum*  
*propriorum ſolicite inquirenda.* 224  
*S. Cyprianus non fuit magus.* 183  
*Cyrylli Patriarchæ CP.tani ad Gene-*  
*venſes epiſtola.* 754  
*D.*  
*Daci intra defunctorum ſuorum*  
*dentes nummum recondunt, S.*  
*Petro ſolvendum.* 39  
*Damones neceſſario male agunt.* 421.  
*poſſunt facere miracula.* 422  
*Brand. Detrius.* 773  
*De Damnatione aterna Qq. otioſa.* 212.  
*N. malum opus damnat.* 439. *De-*  
*us eſt cauſa damnationis.* 440  
*Danubius.* 701. *auro ſæcundus.* 702  
*Decreta quomodo Deo inſint.* 207.  
*datur abſolutum Dei decretum.* 544  
*Delphi.* 704. 743.  
*Denarii varii. 2. Denarius S. Petri*  
*in Anglia. 4. differt a denario*  
*Eccleſiæ. 14. diverſa Regna &*  
*Principatus denarium Petri pen-*  
*debant. 25. propter quas cauſas.*  
*41. an & Suecia, ac Dania?* 37.  
*denarii N. T. 77. denariales ho-*  
*mines.* 23.  
*Deus abſconditum.* 202. *Qq. otioſa de*  
*Deo. 206. Dei notiſſima inſita, eaq;*  
*habituſalis. 397. Deum eſſe, eſt ar-*  
*ticulus fidei. 398. eſſentia divina*  
*eſt individua. ib. Deus poteſt*  
*definiri. 399. lege aliqua tenetur.*  
*400. eſt corporeus. ib. videri po-*  
*teſt in hac vita. 401. & depingi.*  
*402. non ſolus eſt bonus. ib. nu-*  
*quam eſt. 403. agit liberrime. ib.*  
*novit ſucceſſiva non ſucceſſive.*  
*404. providet circa mala culpa.*  
*426. eſt cauſa damnationis. 440.*  
*cauſa per accidens peccati. 441.*  
*eſt paſſus. 466. trahit volentes.*  
*479. non præcipit impoſſibilia. 512.*  
*poteſt diſpenſare in lege morali. 518.*  
*non vult omnium hominum ſalu-*  
*tem. 556. Dei cœlum non eſt idem*  
*cum cœlo beatorum. 404. Cœlo*  
*Dei etiam diaboli continentur. 405.*  
*Eſſentia divina generat. ib. præſen-*  
*tia Dei recipit gradus. 406. Es-*  
*ſentia divina eſt bonitas & juſtitia*  
*Dei. 407. aternitas Dei coeſiſtit*  
*omnibus temporis differentiis. 407.*  
*Attributa Dei differunt ab ejus*  
*eſſentia. ib. Eſſentia divina eſt*  
*uniſverſale. 408. Deus Pater co-*  
*gitando genuit Filium. 410. No-*  
*tiones perſonales ſunt tantum dua.*  
*411*  
*Diabolus tentator non ſub dira, ſed*  
*humana forma apparuit Chriſto.*  
*102. Vide, Dæmones.*  
*Didimus, i. e. Melanchthon.* 187  
*Die Cœna Domini, qui ritus ſunt*  
*Rome uſitati.* 595  
*Vit. Dietericus.* 764

J. Mich.



# RERV M.

<i>J. Mich. Dilberus.</i>	319	<i>sicentia in promotionibus Docto-</i>	
<i>Dionysius, Episcopus Alexandrinus, in</i>		<i>rum vel Licentiatorum.</i>	794
<i>Scyllam erroris incidit. 248. Arc-</i>		<i>Dudaim quid fuerint.</i>	223
<i>opagita ossa &amp; effigies. 698. ejus-</i>		<i>E.</i>	
<i>dem manus. ib.</i>		<i>Eccardus.</i>	773
<i>Disciplina ecclesiastica fieri debet cum</i>		<i>Ecclesie domestica. 325. Ecclesia</i>	
<i>vi quadam.</i>	567	<i>Christi potest errare. 560. Impura</i>	
<i>Discipuli a Christo missi in vicum, qui-</i>		<i>Ecclesia est vera. 561. datur ec-</i>	
<i>nam fuerint.</i>	226	<i>clesia invisibilis. 561. una eadem-</i>	
<i>Discretionis causa est in homine. 475</i>		<i>que Ecclesia, Christi sponsa &amp; sa-</i>	
<i>Dispensatio in lege morali fieri potest</i>		<i>tana scortum. 562. vera Eccle-</i>	
<i>a Deo.</i>	518	<i>sia ante Lutheri reformationem.</i>	
<i>Dispositiones ad justificationem requi-</i>		<i>ib. Protestantes non secesserunt</i>	
<i>runtur.</i>	500	<i>ab Ecclesia Romana. 563. Corpo-</i>	
<i>Disputationes Sorbonica. 762. Mo-</i>		<i>ra civium Ecclesie, non veniunt</i>	
<i>dus disputationibus theol. prescri-</i>		<i>sub potestatem ecclesiasticam. 564.</i>	
<i>ptus.</i>	779	<i>Catechumini sunt de Ecclesia. ib.</i>	
<i>Dissentientium doctrina saepe melior</i>		<i>item Schismatici. ib. &amp; excom-</i>	
<i>ac sanior, quam credas. 762</i>		<i>municati. 565. ac Angeli. ib. Ex-</i>	
<i>Ritus in creatione Doctoris Theolo-</i>		<i>tra Ecclesiam est salus. 566. Pe-</i>	
<i>gia.</i>	782	<i>trus est fundamentum Ecclesie.</i>	
<i>Docti sunt a Deo omnes in N.T. 524</i>		<i>ib. Ecclesia Rom. ritus varii. 595</i>	
<i>Doctrina absque usu &amp; applicatione</i>		<i>Echo.</i>	702
<i>inanis.</i>	776	<i>Eckius in Scyllam erroris incidit. 302</i>	
<i>Dolendum de singulis peccatis, non</i>		<i>Eclectica theologia.</i>	305
<i>sigillatim.</i>	487	<i>Electio &amp; Prædestinatio sunt synonyma.</i>	
<i>Dolium maximum.</i>	704	<i>544. non electi sumus propter fi-</i>	
<i>Dollingerus.</i>	698	<i>dem. 547. fides est fructus ele-</i>	
<i>Dominium in bruta non fuit pars i-</i>		<i>ctionis. 550. eadem est propria ele-</i>	
<i>maginis divina.</i>	424	<i>ctorum. 551. Angeli a Deo sunt</i>	
<i>Domus nunquam finita.</i>	704	<i>electi. ib. numerus electorum</i>	
<i>Donatio Constantini M.</i>	28	<i>hominum est certus. 552. electi</i>	
<i>Dona aterna etiam in hac vita offe-</i>		<i>fidem &amp; Spiritum S. non possunt a-</i>	
<i>runtur hominibus.</i>	438	<i>mittere. 553. necessario salvantur.</i>	
<i>Dordracum.</i>	700. 702. 759	<i>ib. possunt fieri reprobi. 554. Cer-</i>	
<i>Dornberger pedibus scribens.</i>	704	<i>titudo electionis datur.</i>	555
<i>Ducum Brunsvic, &amp; Lunab. muni-</i>			

Eleemo-



### III. INDEX

<i>Eleemosyna collectio per formosas fo-</i>	<i>Eustathiani.</i>	351
<i>minas. 761. pro pauperibus Chri-</i>	<i>Eutyches in Scyllam contrarii erroris</i>	
<i>stianis in Turcia.</i>	<i>incidit.</i>	275
<i>Elers.</i>	<i>Examinum utilitas. 791. 792. exa-</i>	
<i>S. Emmerammi templum Ratis-</i>	<i>men Ordinandorum. 792. Candi-</i>	
<i>bona.</i>	<i>datorum Theologia. ib. beneficia-</i>	
<i>Engers.</i>	<i>riorum. ib.</i>	
<i>Enfi.</i>	<i>F.</i>	
<i>Episcopus.</i>	<i>Fabricius, autoris pater. 319. autoris</i>	
<i>Epistola ad Ebraeos autor quis. 228.</i>	<i>Majores, vita &amp; studia. 357. 680.</i>	
<i>Hac, &amp; Jacobi, Juda, posterior Pe-</i>	<i>Joh. Ludovicus, Theologus Palati-</i>	
<i>tri, secunda &amp; tertia Johannis, &amp;</i>	<i>nus. 763. 766</i>	
<i>Apocalypseos liber, sunt scripta ca-</i>	<i>Facienti, quod in se est, Deus non</i>	
<i>nonica.</i>	<i>denegat suam gratiam. 474</i>	
<i>Desid. Erasmi imago. 700. Is glaci</i>	<i>Faustus, Regiensis Episcopus, in Scyllam</i>	
<i>em fregit. 767. eclecticus.</i>	<i>contrarii erroris incidit.</i>	273
<i>Erfurtum.</i>	<i>Felbinger.</i>	764
<i>Ermisch.</i>	<i>Octav. Ferrarius.</i>	560. 612
<i>Ernestus, Sax. Dux.</i>	<i>Fenilladus Dux.</i>	732
<i>In errorem contrarium incidentes.</i>	<i>Fides est pars pœnitentia. 488. oppo-</i>	
<i>Esseni quando originem habuerint.</i>	<i>nitur pœnitentia. ib. est prior ju-</i>	
<i>Essentia divina quid.</i>	<i>stificatione. ib. est causa impulsiva</i>	
<i>Ethnicorum de Deo cognitio ex tra-</i>	<i>justificationis. 495. potest esse sine o-</i>	
<i>ditione.</i>	<i>peribus. 496. est obedientia. ib. con-</i>	
<i>Eva in statu innocentia, non fuit a-</i>	<i>servatur per sanctimonie studium.</i>	
<i>qualis Adamo.</i>	<i>497. implicita. 499. specialis. 501.</i>	
<i>Evangelii Matthæi versio Græca est</i>	<i>charitate formatur. ib. est pars</i>	
<i>authentica. 377. Evangelium est</i>	<i>sanctitatis. 500. est forma bonorum</i>	
<i>conciō pœnitentia. 521. evangelica</i>	<i>operum. 513. major charitate. 514.</i>	
<i>promissiones sunt conditionate. ib.</i>	<i>fides &amp; incredulitas possunt simul</i>	
<i>Evangelium &amp; Lex debent distin-</i>	<i>consistere. 497. Assensus notitia fi-</i>	
<i>gui &amp; conjungi. 522. non toti</i>	<i>dei prior est. 498. Objeetum fidei</i>	
<i>mundo est annunciatum. 537. IV.</i>	<i>est gratia Dei, in Christo nobis ex-</i>	
<i>Evangeliorum codex.</i>	<i>hibita. 499. fidei gradus. 501</i>	
<i>Eucharistia. Vide, S. Cœna.</i>	<i>Flacius in Scyllam contrarii erroris</i>	
	<i>incidit.</i>	285
	<i>Fleebier.</i>	708
	<i>In</i>	



# RERVM.

In flagellatione an Christus certum	Gesenius.	773
plagarum numerum acceperit. 226.	Gilbertus.	708
Columna, ad quam flagellabatur,	Gladii benedictio.	595
an marmorea fuerit. ib.	Glareanus.	709
Fontainebleau.	Glasius.	319
Fortuna appellatione possunt uti Chri-	Gorichemium.	744
stiani.	Gradus academici cur retineantur.	
Forum Vulcani.		793
Fractio panis in S. cœna necessaria.	Graci an unionem fecerint cum La-	
	tinis. 84. Græcorum ritus sacri.	
Francofurtum ad Moenum. 699. 742		592
Franzius.	Grammatici Hebrae lingua boni,	
Frendenstadium.	rari.	768
Fridericus, Suevia Dux.	Gratia Dei irresistibilis.	555
Frolingius.	Gregorius Thaumaturgus in Scyllam	
A Fuchte.	erroris incidit.	246
Fuggerorum Comitum liberalitas. 699	Griessa.	751
Furtum est ablatio rei aliena, sed non	Gronovius.	763
vice versa.	H. Grotius.	319. 764
	Guelphebytum.	753
G.	H.	
Gallia Regum sepulcra. 704. Gallica	Hackspanius.	319. 765
voces non scribende, ut pronunci-	Heretici a Magistratu Polit. non	
antur.	possunt occidi.	583
Fanum S. Galli.	Haga.	705
Tap. pro 12.	Joh. Hall.	320
Garnerius.	Hamburgum.	704. 744. 751
Gassendi monumentum.	Harlemum.	700. 743
Generationis divina modus ineffabi-	Hatro, Moguntinus Episcopus.	700
lis. 206. discrimen inter generatio-	Heidanus.	708. 764. 765
nem divinam & processionem. ib.	Heidelberg.	699. 703. 741. 758
Geneve.	Heinson.	781
S. Genoveva.	Helvetia.	702
Genua.	Henoch quo translatus sit. 222. &	
J. Gerhardus.	quomodo. ib.	
Gerlachius.	Herodes quot infantes occiderit. 225.	
S. Germain en Laye.		

Mmm mm

Herodis



### III. INDEX

<i>Herodis filia eo tempore, quo saltavit, non erat virago, nec ipsa attulit caput S. Johannis.</i>	104	<i>imagine, naturalia hominis manserunt integra &amp; pura. 424. Imaginum significatio.</i>	752
<i>Heshusius.</i>	319	<i>Imperatorum veterum Rom. imagines in antiquario Monacensi.</i>	698
<i>Hibernia an subfuerit Romanis.</i>	27	<i>Imprudencia ecclesiastica damna.</i>	118
<i>Hieronymus in Scyllam erroris incidit.</i>	262	<i>Incarната est tota natura divina.</i>	454
<i>Joach. Hilbdebrandus.</i>	773	<i>Infantes baptizati credunt. 531. ante baptismum sancti.</i>	532
<i>Hilpertus.</i>	773	<i>Ingolstadium.</i>	698. 701
<i>Hirmannus vel Hiremannus.</i>	15	<i>Andr. Ingolstätter.</i>	795
<i>Hoë.</i>	319	<i>Inspiratio divina est forma Scripturae sacra.</i>	376
<i>Dan. Hofmannus.</i>	773	<i>Instrumenta musica in V. T. qualia fuerint.</i>	224
<i>Joh. Frid. Hoffmannus Ecclesiam domesticam tenuit.</i>	330	<i>Interpretes Scripturae quinam optimi.</i>	767
<i>Hominis definitio.</i>	769	<i>De Invocatione Qq. otiosa, 219. Sancti possunt invocari.</i>	429
<i>Conr. Hornejus.</i>	773. 788	<i>Inscriptiones Italicae. 657. &amp; seqq. in Germania, Belgio, &amp; Gallia.</i>	706
<i>G. Hornius. 763. ejus scripta meliora.</i>	767	<i>Intentio Ministri, sacramentum conficientis.</i>	529
<i>Hoornbeeck.</i>	765	<i>Johus. 224. qua sit ratio nominum propriorum filiarum ipsius. ib. quis autor libri Jobi. ib.</i>	
<i>Huberus in Scyllam contrarii erroris incidit.</i>	290	<i>Johannes Evangelista &amp; Mater Domini non stabant proxime ad crucem. 108. Baptista fuit, &amp; non fuit Propheta, item major quam Propheta. 394. Johannis Casimiri, Regis Poloniae, monumentum.</i>	748
<i>Hülsemannus. 319. ejus bibliotheca.</i>	752	<i>Jovinianus in Scyllam erroris incidit.</i>	258
<i>Nic. Hunnius.</i>	768	<i>Libri Josue autor.</i>	183
<i>Hydria in Cana Galilae non fuerunt ureci portatiles.</i>	103. 599		
<i>I.</i>			
<i>Idolum in antiquario Ingolstadiensi. 698. alia in antiquario Monacensi. ib.</i>			
<i>Jejunio Deus delectatur.</i>	514		
<i>Jena.</i>	752		
<i>Jeremia stylo tribui potest aliqua rusticitas.</i>	395		
<i>Ignis inferni proprie dictus.</i>	440		
<i>Imago Dei fuit donum naturale. 423.</i>			
<i>De ea Qq. otiosa, 211. Amissa DEI</i>			

S. Irenaeus



# RERUM.

<i>S. Irenaei duplex ades.</i>	700	495. <i>Ad justificationem dispositiones requiruntur.</i>	500. <i>Obj. Pontificiorum contra nostram de justificatione doctrinam.</i>	766. <i>Qq. otiose de justificatione.</i>	219
<i>Isaac immolandus, altari impositus fuit.</i>	112				
<i>Ismaël expulsus cum matre, non erat infans, aut puerulus, qui nec dum valeret ambulare.</i>	92	<i>Juvenis sindone reclusus, &amp; Christum captum secutus, quis fuerit.</i>	227		
<i>Itineris Italici utilitas.</i>	590. 677. <i>caute tamen illud faciendum.</i>	K.			
<i>Itineris Germanici, Belgici &amp; Gallici utilitas.</i>	695. <i>In itinere quid Politico observandum.</i>	696	<i>Kikajon Fona quid fuerit.</i>	225	
<i>Jude Iscariote mors.</i>	106. <i>Cur a Christo admissus ad S. cenam.</i>	226	<i>Georg. König.</i>	319	
<i>Judaorum conversionis futura modus.</i>	228. <i>Non sunt idololatrae.</i>	372. <i>traditione magis, quam Scriptura sunt usi.</i>	L.		
<i>Judaica fabula non secundum literam sunt intelligenda.</i>	768	<i>Langhans.</i>	708		
<i>De Judicio extremo Qq. otiosa.</i>	214	<i>Matth. Langus.</i>	703		
<i>Julius Caesar milites allocutus in foro Ariminensi.</i>	667	<i>Lapidationis modus apud Ebraeos.</i>	109		
<i>Julii, D. Br. &amp; Lun. pietas &amp; prudentia in condendis statutis theol. Ordinis suae Academia.</i>	772	<i>Lapidicina mirabilis.</i>	702		
<i>Julia academia.</i>	692. <i>Collegii in ea theologici Statuta.</i>	774	<i>Lapis cessionis bonorum.</i>	603	
<i>Joh. Junius.</i>	765. <i>Franciscus.</i>	320	<i>Lapsi Deo committendi.</i>	484	
<i>Justificationis formale est remissio peccatorum.</i>	492. <i>Deus justificat impium.</i>	493. <i>Homo justificatur opere bono.</i>	<i>Joh. Laudenbach.</i>	746	
<i>Justitia Christi in justificatione est aliena.</i>	ib. <i>In justificatione homo fit justus.</i>	ib. <i>Fides justificat.</i>	<i>Launoium.</i>	320	
<i>Est prior justificatione.</i>	ib. <i>Est causa justificationis impulsiva.</i>		<i>Lauretanium templum, ejusque divitiae.</i>	596	
			<i>Lausdunense coenobium.</i>	700	
			<i>Legati Wurtembergici male pronunciantes.</i>	610	
			<i>Legio fulminatrix.</i>	601	
			<i>Lex moralis quando abrogata.</i>	519.	
			<i>Deus in ea potest dispensare.</i>	518.	
			<i>Leges forenses pertinent etiam ad Christianos.</i>	520. <i>Lex &amp; Evangelium debent distingui, &amp; conjungi.</i>	522.
			<i>Non nisi tutelares petiit Senatus Noribergensis a Veneto.</i>	669	
			<i>Libellatici.</i>	173	
			<i>Liber Judith, Sapientiae, Tobiae, Siracidae, Baruci, &amp; 2. Maccab. sunt canonici.</i>	377. <i>Libri symbolice Ecclesiarum Lutheranar, habet</i>	

Ammm mm 2

rationem



### III. INDEX

rationem norma. 391. Christus est	Lutetia Parisiorum. 700. 705. 760
liber vita. 551. Duplex inscriptio	Lutherus in Scyllam erroris incidit.
in libro vita. 553. Inscripti in libro	301. non est autor rhythmorum
vita, inde possunt deleri. 554	Teutonicorum, qui leguntur in vo-
Liberati sumus a lege morali. 576.	lumine quodam bibliotheca Vati-
a ceremonialibus & forensibus. ib.	cana. 676. ausus est. 767. eccl-
a traditionibus humanis. 577. a	eticus. 319
dominio peccati. 578	Lutherani quidam in Scyllam erroris
Libertas sentiendi. 768	inciderunt. 302. 303. Lutherianorum
Librium arbitrium per lapsum amis-	nomen non retinendum. 570
sum. 473	Lückemannus. 767
Licentiarum Theologia in Acad. Julia	Lycæonica lingua. 228
promoti. 788	Polyc. Lyserus. 319
Lichtenfelsa. 701	M.
Lighthfoot. 320	Magistratus politicus potest hereticos
Wencesl. Linckius. 764	occidere. 583. Quod ei placet,
Linguarum studium etiam in Italia	legis vim habet. ib. est legibus
haberi potest. 611	solutus. 584
Lipsia. 752. 758	Ant. Magliabechius. 560. 612. 668.
Livii monumentum in pratorio Pata-	Magorum ad Christum natum veni-
vino non est historici. 603. 668	entium nomina, dignitas, nume-
Locus, in quo Spiritus S. effusus est	rus, patria, locus sepultura. 225
super Apostolos, fuit domus aliqua	Maimburgius. 764. 770
privata. 112. Locos communes do-	Mancussa. 9
cendi ratio. 777	Manhemium. 704
Lombardia. 607	Marcellus in Scyllam erroris incidit.
Lombardus. 319	255
Lorlejum. 702	Corn. Marci. 767
Louvre. 706. 770	Maresius. 764. 765
Lubeca. 744	Maria, mater Domini, non stabat
Lucius, Rex Britannia, sola fidei fa-	proxime ad crucem, vel sub cruce,
ma permotus fuit ad religionem	nec deliquio cadebat. 108. nec e-
christianam. 49	rat in conclavi cum sue. 112. quo
Luctus signa in Belgio & Gallia. 759	anno & die nata? 225
Ludovicus XIII. Rex Gall. 730. XIV. 732	Marroccensis Legatus. 738
Lugdunum Gallia. 700. 702. Bata-	Maronitarum ritus in dominica Pal-
vorum. 745. 754	marum. 595
	Corn.



# RERVM.

<i>Corn. &amp; Jac. Martini.</i>	319	<i>Mons, in quem abire iussit Christus di-</i>	
<i>Martyrium est baptismus.</i>	707	<i>scipulos suos post resurrectionem su-</i>	
<i>Mauderoda.</i>	763	<i>am, quis fuerit. 227. Mons novus.</i>	605
<i>Maximiliani I. Imp. sepulcrum.</i>	703		
<i>Medus.</i>	320	<i>Montanus in Scyllam erroris incidit.</i>	302
<i>Melanchthon in Scyllam erroris incidit.</i>			
<i>301. eclecticus.</i>	319	<i>Mortis temporalis causa physica. 429.</i>	
<i>Melchisedek Abrahamo proferens pa-</i>		<i>De ea Qq. otiosa.</i>	213
<i>nem &amp; vinum, quis fuerit.</i>	223	<i>Librorum Moſis additamenta, post ejus</i>	
<i>Menagius.</i>	764. 770	<i>mortem, quis fecerit. 223. Corpus</i>	
<i>Menardus.</i>	708	<i>Moſis ubi sepulium. 224. Moſis &amp;</i>	
<i>Menonista.</i>	760	<i>Elia apparitio, cum Christus transfi-</i>	
<i>Mensa pretiosa.</i>	705	<i>guraretur, qualis fuerit. 226. Mo-</i>	
<i>Balth. Menzer.</i>	766	<i>ses fuit magnus.</i>	395
<i>Mercatus Sabbathi.</i>	606	<i>Muhammedani non sunt idololatra.</i>	372
<i>Meritum Christi universale.</i>	470		
<i>Meyer.</i>	773	<i>Mulieris potestas in capite propter An-</i>	
<i>Mezerius.</i>	769	<i>gelos.</i>	228
<i>Miles, lancea Christi latus aperiens,</i>		<i>Henr. Müller. 763. 773. Paulus.</i>	773
<i>fuit pedes.</i>	112	<i>Mundus factus in tempore. 412. ex ni-</i>	
<i>Minervæ Academia.</i>	700	<i>hilo 413. potuit a Deo melior fieri.</i>	415
<i>Minister Ecclesiæ non tantum orthodo-</i>			
<i>xus esse debet, sed &amp; sanctus 133. Mi-</i>		<i>Joh. Dideric. a Münnich.</i>	795
<i>nisterium ecclesiasticum Politico su-</i>		<i>Murium turris.</i>	700
<i>perius. 578. Ad ministerium ec-</i>		<i>Murus diaboli.</i>	702
<i>clesiasticum vocatio non necessaria.</i>		<i>Joh. Musaus. 319. 766. Petrus</i>	319
	580	<i>Wolfg. Musculus.</i>	320
<i>Missa a Protestantibus non abolita.</i>		<i>Achar. Mylius.</i>	773
<i>535. est sacrificium.</i>	536	<i>Mysteria a nobis sciuntur.</i>	379
<i>Moguntia.</i>	700. 704.		
<i>Moderatio theologica, seu abſtinentia</i>			
<i>a questionibus non necessariis. 185.</i>			
<i>187. Remedia ad eam recuperan-</i>			
<i>dam conservandamve.</i>	230.		
<i>Monachium.</i>	698. 701. 703. 752.		
<i>Monasteria quid fuerint.</i>	347		

## N.

<i>Naaman non fuit simulator,</i>	182
<i>Nansum.</i>	705
<i>Naturarum in Christo πειραξις.</i>	
<i>462. tota natura divina est in</i>	
<i>humana. ib.</i>	

Mmm mm 3

Navis



### III. INDEX

<i>Navis inversa pro domicilio.</i>	704	<i>Joh. Olearius.</i>	773
<i>Neapolis.</i>	604	<i>Oldenburgum.</i>	705
<i>Nechitab, quale fuerit. instrumen-</i>		<i>Omnipotentes in divinis tres.</i>	408
<i>tum.</i>	224	<i>Bona Opera sunt necessaria. 504. ad</i>	
<i>Neginab.</i>	224	<i>salutem. 515. meritoria. 506. eo-</i>	
<i>Nemausus.</i>	701	<i>rum causa formalis, evrovia. 505.</i>	
<i>Neronis aulicus an Seneca fuerit.</i>	228	<i>opera non-renatorum, quæ ad præ-</i>	
<i>Niemeier.</i>	773	<i>scriptum legis moralis sunt, possunt</i>	
<i>Nimmerfertig.</i>	704	<i>appellari peccata. 504. quadam ho-</i>	
<i>Noë filii, Sem, Cham, Japhet, an hoc</i>		<i>rum sunt bona secundum substan-</i>	
<i>ordine sint nati.</i>	222	<i>tiam actus. 511. forma bonorum</i>	
<i>Noëius in Scyllam erroris incidit.</i>	302	<i>operum, fides.</i>	513
<i>Noriberga. 332. 687. 724. 764. Nori-</i>		<i>Oratio pro mortuis. 430. pro impiis.</i>	
<i>bergenfis Senatus a Veneto non ali-</i>			511
<i>as, quam tutelares leges petiit &amp;</i>		<i>Ordinatio Ministrorum Ecclesie ad</i>	
<i>impetravit, nec per Legatos, sed</i>		<i>solos pertinet Episcopos. 580. ejus</i>	
<i>litteris.</i>	669	<i>ritus in Saxonia.</i>	758
<i>Nostratum disidia quomodo tollen-</i>		<i>Origenes an salvatus sit. 228. ejus</i>	
<i>da.</i>	766	<i>Hexaplorum editio fuit pura. 396</i>	
<i>Notiones personales sunt tantum dua.</i>		<i>Orscium.</i>	704
	411	<i>Otto M.</i>	703.
<i>Novandi studium est noxium. 129.</i>			P.
<i>novitas dogmatum quomodo decli-</i>		<i>Pacis studium inter Protestantes. 767</i>	
<i>nanda. 131. novator sibi servet su-</i>		<i>Le Palais.</i>	729
<i>am sententiam.</i>	129	<i>Palatinoburgum.</i>	705
<i>Novissima sunt IK.</i>	429	<i>Pandochaus.</i>	773
<i>Nuces Cellenses.</i>	701	<i>Pantheon.</i>	603
<i>Nummus concordie Eugenii IV. Papa</i>		<i>Henr. Papebergius.</i>	773
<i>Rom. 83. lotionis pedum, a Papa</i>		<i>Paradisus an etiam nunc supersit. 221</i>	
<i>facta.</i>	596	<i>Paradoxa quid.</i>	365
	O.	<i>Pascha erat sacrificium.</i>	526
<i>Obdanti monumentum.</i>	748	<i>Pastores, quomodo locum, ubi Christus</i>	
<i>Observatorium Parisiense.</i>	706	<i>natus, potuerint dignoscere. 225</i>	
<i>Oenipontum.</i>	699. 703. 751	<i>Patavium. 603. Patavinum pratori-</i>	
<i>Officium vespertinum festi circumci-</i>		<i>um. ib.</i>	
<i>sionis Christi in ecclesia cathedrali</i>		<i>Car. Patinus.</i>	764
<i>Parisiensi.</i>	761	<i>Patrimonia Apostolorum.</i>	42
		<i>Paulus</i>	



# RERUM.

Paulus Petro aequatur. 59. a dextris ejus collocatur. 62. an proprie pu- gnarit Ephesi cum bestiis. 227. ubi et quando acceperit plagas, virgis- que casus fuerit. 228. de lege ho- norifice loquitur. 518	Pelagius in Scyllam erroris incidit. 268
Hieron. Paumgartnerus ecclesiam domesticam tenuit. 331. amicus Melanchthonis. 332	Pellices inter et uxores quodnam dis- crimen. 223
Peccata citra Dei intentionem non fiunt. 426. peccati per accidens causa potest dici Deus. 441. Ho- mo per peccatum originale determi- natus est ad peccati actus. 442. peccatum est nihil. 443. ejus for- male est reatus culpa et poena. 444. peccato orig. Protoplasti fuerunt subjecti. ib. P. O. est tantum pri- vativum. 445. est et poena et pec- catum. 446. est naturale. ib. et alienum. ib. est actuale. 447. est accidens separabile. 447. ad illud non pertinet concupiscentia. ib. for- male peccati orig. tollitur in bap- tismo. 448. P. O. solum regnat. 449. reddit hominem mortuo similem. ib. actuale est voluntarium. 450. Non omne peccatum est mortale. ib. peccata inter se sunt paria. 451. peccatum cordis gravius est pecca- to oris et operis. ib. omnia pecca- ta in Deum committuntur. 452. peccatum in Spiritum S. est remis- sibile. ib. De peccato Qq. otiose. 215.	Peregrinantium requisita. 613. 767 Peregrinationes ad sepulcra Sancto- rum possunt suscipi. 431 Perfectio christiana datur. 509 Pericoparum evangelicarum et epi- stolicarum quis autor. 228 Persona et proprietas in divinis an unum. 206. quomodo differant per- sona divina. 207 Petavius. 765 Petrobrusiani in Scyllam erroris inci- derunt. 302 Petrus Apostolus an docuerit in Bri- tannia. 45. an Roma. 49. habuit prerogativas, et tamen ei aequatur Paulus. 54. qualis ejus primatus. 58. 63. non erat jam senex tempore resurrectionis Christi, nec clavus fuit cruci affixus. 108. an singulari Dei impulsu se precipitavit in ma- re. 226. est fundamentum Ecclesie. 566. ejus cathedra. 596 Pfafradius. 773 Pictores saepe errant contra historiam sacram. 90 Pictura praestantia. 89 Pietatis studium necessarium. 776 Pile lateritiae prope Buteolos. 605 Pilatus non recte pingitur barbatus. iii. ejus uxor quid passa sit in so- mnio. 226 Pisae. 603
Peccatrix Luc. VII. quam fuerit. 226	Piscina

Piscina



### III. INDEX

- Piscina mirabilis.* 605. *piscina Bethesda virtus.* 225
- Joh. Placens.* 765
- Plage quanam fuerint Pharaonis, ob raptam Abrahami uxorem.* 223
- Pœna temporaria luenda, remissa culpa.* 491
- Pœnitentia est secunda post naufragium tabula.* 479. *consistit in mortificatione carnis & vivificatione spiritus.* 480. *partes eius duæ.* 481. *olim una erat pœnitentia.* 483. *est actus virtutis.* 485. *habet partes essentielles. ib. & integrantes. ib. dolendum de singulis peccatis, non sigillatim.* 487. *pœnitentia stantium.* 490. *Crux perducit ad pœnitentiam. ib. competit etiam infantibus.* 491
- Politica Aristotelis Conringiana quò nomine commendata fuerit Christina Augusta.* 764
- Matth. Polus.* 320
- Polygamia Patriarcharum V. T. an fuerit peccatum.* 221. *non est damnanda.* 586
- Pons Milvius.* 599
- Pontanus.* 708
- Pontifex Rom. habet primatum ordinis.* 76. 571. *est Dominus.* 572. *Viccedeus.* 571. *præses conciliorum.* 574. *non est antichristus. ib.*
- Pontificii in Scyllam erroris inciderunt.* 301. 303
- Porta sancta Roma.* 596
- Præcepta graviora Christianis, quam Judæis, sunt imposita.* 512. *Deus non præcipit impossibilia. ib. præceptum secundum est simile primo.* 517
- Præceas in Scyllam erroris incidit.* 302
- Prædestinatio & Electio sunt synonyma.* 544. *ejus certitudo.* 555. *non ducit ad securitatem.* 558. *de ea Qq. otiosa.* 220
- Prædestinatiani in Scyllam erroris inciderunt.* 302
- Prædicantes Dordraceni.* 759
- Præscientia divina modus.* 206
- Princeps. vid. Magistratus politicus.*
- Principium probandorum dogmatum duplex.* 390
- Privatorum Doctorum sententia discernenda a publicis confessionibus.* 765. *privatis non licet aliquid theologicum proponere in Acad. Julia, sine consensu Decani.* 789
- Processionis Spiritus S. modus.* 207. *processiones, quæ fiunt Roma in hebdomada sancta.* 596
- Promissiones evangelicæ sunt conditionatæ.* 521
- Promotionum theol. sumtus moderandi.* 794
- Pronunciatio melior apud Italos.* 610
- Propositiones personales possunt dici accidentales.* 457. *propositiones, in quibus de concreto persona enunciatum concretum alterius, aut utriusque natura, sunt personales.* 459
- Protestantes non secesserunt ab Ecclesia Romana.* 563. 766

Proto-



# RERUM.

<i>Protoplasti erant immortales.</i>	422	<i>Reconciliatio totius generis humani</i>	
<i>Providentia Dei specialissima datur.</i>		<i>per Christum facta.</i>	470
425. <i>Dens providet circa mala</i>		<i>Rectoris Universitatis Paris. digni-</i>	
<i>culpa.</i>	426	<i>tas.</i>	763
<i>Prudentia ecclesiastica. 114. unde</i>		<i>Reformati ajunt, Gracos in doctrina</i>	
<i>petenda. 116. ejus fructus. 120. est</i>		<i>de S. cœna sibi consentire.</i>	770
<i>necessaria doctoribus ecclesie. 125.</i>		<i>Regeneratio fit in instanti. 475. De</i>	
<i>&amp; candidatis ministerii. 126. in</i>		<i>ea Qq. otiosa.</i>	218
<i>quonam consistat. 127. quomodo</i>		<i>Reges IV. Abramobellum facientes. 222</i>	
<i>a zelo distinguatur. 127. adhi-</i>		<i>Regio suburbicaria.</i>	73
<i>benda in Ecclesia regimine. 142. &amp;</i>		<i>Vrb. Regius.</i>	319
<i>domi. 149. speciatim in celebra-</i>		<i>L. Frid. Reinhardtus.</i>	319
<i>tione baptismi. ib. &amp; S. cœna. 153.</i>		<i>Religio heterodoxa, commodi tempo-</i>	
<i>in audiendis confessionibus. 152. in</i>		<i>ralis causa, non est amplectenda.</i>	
<i>castigatione ecclesiastica. 145. in</i>		<i>169. religionis alicujus veritas non</i>	
<i>copulationibus. 155. in consolatio-</i>		<i>astimanda ex opinione eam sectan-</i>	
<i>nibus. 156. apud pusillanimes &amp;</i>		<i>Etium. 184. religio civilis societa-</i>	
<i>tentatos. 157. gravidas &amp; partu-</i>		<i>tis vinculum.</i>	370
<i>rientes. 158. agrotos &amp; moribun-</i>		<i>Remondius.</i>	738
<i>dos. ib. &amp; facinorosos captivos.</i>		<i>Resignatio regiminis academici. 679</i>	
<i>159. in examinibus candidatorum</i>		<i>Resurrectio mortuorum dependet a</i>	
<i>ministerii. 161. in conversatione</i>		<i>merito Christi. 432. jam facta est.</i>	
<i>cum adversariis. 162. &amp; audito-</i>		<i>433. potest probari ex natura. ib.</i>	
<i>ribus.</i>	165	<i>De ea Qq. otiosa.</i>	213
<i>Puncta textui Hebraeo coava.</i>	385	<i>Rheindelius.</i>	715
<i>Puteoli.</i>	604. 605	<i>Rhenus.</i>	760. 702
		<i>Rhodanus.</i>	702
		<i>Richelius.</i>	731
<i>Quackeri.</i>	760	<i>Georg. Richter.</i>	767
<i>Quadrans.</i>	81	<i>Rituum ecclesiasticorum diversitas.</i>	757
<i>Quæstiones otiosæ &amp; inutiles. 188. cur</i>			
<i>omittenda. 190. recensentur juxta</i>		<i>Rixner.</i>	773
<i>seriem Locorum theologicorum.</i>		<i>Rodolffs &amp; Eccl.</i>	744
<i>206. item ex V. &amp; N. T. to.</i>	221	<i>Regius ecclesiam domesticam tenuit.</i>	331
		<i>Roma. 595. subterranea. 602. amphi-</i>	
		<i>theatrum Romanum.</i>	602
		<i>Rosa</i>	

Nnn nn



### III. INDEX

<i>Rosa benedictio.</i>	137	<i>Scala sancta.</i>	596
<i>Rostrum.</i>	603	<i>Schaller.</i>	763
<i>Roterodamum.</i>	700. 704	<i>Schevelinga.</i>	705
<i>Rubico.</i>	613	<i>Laur. Schenckelius.</i>	773
<i>Rudolphus Augustus, D. B. &amp; L.</i>	780	<i>Inter Schir &amp; Mismor, item inter</i>	
<i>Russi mortuos suos instruunt ad S.</i>		<i>Schir Mismor &amp; Mismor Schir.</i>	
<i>Petrus.</i>	40	<i>differentia.</i>	
<i>S.</i>		<i>Schluterus.</i>	224
<i>Sabellius in Scyllam erroris incidit.</i>	302	<i>Seb. Schmidius.</i>	319. 763
<i>Sacramenta sunt signa. 525. in-</i>		<i>Conr. Schneider.</i>	773
<i>tentio ministri ad sacramentum</i>		<i>Scholastici questionibus non necessariis</i>	
<i>necessaria. 529. De sacramentis</i>		<i>dediti. 187. nec tamen omni lau-</i>	
<i>Qq. otiosa. 219. Sacramenta V. T.</i>		<i>de carent.</i>	189
<i>fuere ceremonia. 526. sacra-</i>		<i>Jac. Schopper.</i>	764
<i>menta N. T. valent ex opere ope-</i>		<i>Schragmüller.</i>	764
<i>rato. 527. sunt ad salutem neces-</i>		<i>Joh. Schröder.</i>	764
<i>saria.</i>	526	<i>F. C. Schulenburg.</i>	799
<i>Sacrificati.</i>	173	<i>Scheveppermanni epitaphium.</i>	699
<i>Casp. Sagittarii bibliotheca.</i>	752	<i>Scientie Dei qualis ratio.</i>	206
<i>Salmuthus.</i>	708	<i>Scopuli Monachorum.</i>	702
<i>Salutis participes jam in hac vita</i>		<i>Scriptura S. quomodo interpretanda.</i>	
<i>redduntur Christiani. 502. Fideles</i>		<i>778. non est perfecta. 379. nec ju-</i>	
<i>de salute sua possunt esse certi. ib.</i>		<i>dex controversiarum. 380. nec clara.</i>	
<i>Sanctis templa &amp; altaria licet eri-</i>		<i>381. 386. nec data, ut sit canon no-</i>	
<i>gere. 568. Sanctorum creatio, Ro-</i>		<i>ster. 382. nec Dei mandato literis</i>	
<i>ma usitata.</i>	595	<i>tradita. 383. est corrupta. 382.</i>	
<i>Sandius.</i>	764	<i>eius auctoritas dependet ab Eccle-</i>	
<i>Sapientia inanis persuasio, pestis soli-</i>		<i>sia. 384. unius dicti non unicus</i>	
<i>de doctrina.</i>	793	<i>sensus. 386. ejus interpretationi</i>	
<i>Basil. Satler.</i>	773	<i>usus subjungendus. 777. 778. lectio</i>	
<i>Sara quomodo castigavit Hagarem.</i>	223	<i>eius assidua commendatur. 777</i>	
<i>Joh. Saubertus. 319. 764. 767. Adol-</i>		<i>Scriptura digitis pedum facta. 704</i>	
<i>fus. 319. Johannes, Theol. D. 319.</i>		<i>Scylla theologica aliquot exempla. 232.</i>	
<i>773</i>		<i>301. remedia eam evitandi. 293</i>	
<i>Saxum Lichtenfelsense.</i>	701	<i>Selle stercoraria. 600. probatica. 601</i>	
		<i>Semo Sanctus.</i>	51

Seneca



# RERVM.

Seneca an inter anticos Neronis fuerit.	228	Studiosus theologia, ad iter qualis a-	
Sententia privatorum Doctorum a		ptus. 591. 613. 695. Sorbonicorum li-	762
suggestu proscribuntur.	765	centia.	
Serpentes igniti.	95	Steina.	751
Shiram.	10	Stiria.	702
Car. Sigonius.	764	Ern. Stiffer.	789
Silices grandes, & quadrati.	702	Strumosi in Stiria & Carinthia.	702
Simeon quando & quomodo respon-		Susanna amasii non erant senes de-	
sum Spiritus S. acceperit.	225	crepiti.	98
Simson detonsus a viro quodam.	97	Sydenhamus.	769
Sociniani in Scyllam erroris incide-		Sylvius, Pastor Clevenfis.	766
runt.	302. 765	Symbolum Apostolicum non est Apo-	
Solæismi in Græco codice N. T.	387	stolorum. 392. nec Athanasianum,	
Solodurum.	699	Athanasii. 393. Symbolici li-	
Sorbona.	707. 757	bri Eccles. Lutheran. habent ra-	
Spanhemius, pater. 320. filius. 320.		tionem normæ. 391. symbolum ob-	
	766	scænum.	701
Specus Baumannii.	702	Synodi Nicena I. canon VI. 72.	
Spongia aceto plena, quomodo byssopo		CP. tane III. & Chalcedonensis	
circumposita fuerit.	227	XXIIX. ib.	
Sponsalia omnia sunt de presenti.	584		
Stancarus in Scyllam erroris incidit.	287	T.	
Statua Henrici IV. Ludovici XIII.		Tabula Moïsis ex utraque parte scri-	
& XIV.	705	pta. 94. quomodo Deus illis lite-	
Ant. Stein.	773	ras inscripserit. 223. earum figura.	602
Stella Magis prælucens, an fuerit			
vera.	225	Talbotius.	769
Stephanus protomartyr, quomodo la-		Talmud Christo antiquius. 395. non	
pidatus 109. unde licentia, ei faci-		continet fabulas.	396
endi funus. 227. Stephanus I		Talem Ethnicorum, an plane respon-	
Pont. Rom. in Scyllam erroris in-		derit holocausto Judæorum. 225	
cidit.	243	Templa & altaria Sanctis erigere	
Stöberlinus.	681	licet. 568. templi Lateranensis re-	
Henr. Jul. Strubius.	773	liquia. 600. templum Bacchi Ro-	
		ma. 603. templa VII. visitanda	
		Roma. 596. templi Freudensta-	

Nnn nn 2

diani



### III. INDEX

diani structura pro discriminan-	Tigurum.	706
dis masculis & foeminis.	761 Gerh Titius.	319. 764. 773
Terminus vite humana absolute a	Torcella.	603
Deo praedefinitus.	427 Traditores.	173
Tertullianus in Scyllam erroris inci-	Tremellius.	320
dit.	233 Tridentum. 598. Concilii ibi habite	
Testamentum V. & N. differunt sub-	pictura. ib.	
stantia. 523. tempore N. Titi o-	Trinitarii.	621
mnes sunt a Deo docti.	524 Trinitatis doctrina non sufficienter in	
Textus Biblicus quomodo praelegendus	SS. literis revelata. 409. potest	
& tractandus.	778 ex natura lumine probari. 410. in	
Thanus.	15 Trinitate est alius & alius. 412.	
Theodosius junior Ecclesiam domesti-	De Trinitate Qq. otiose.	206
cam tenuit.	330 Trompii monumentum.	704
Theologia est habitus diabolos. 373. est	Tubinga.	758
scientia, & exvros. 374. ejus ge-	Tuckermannus.	773
nus, habitus intellectualis. ib. ha-	Les Tuileries.	739. 770
bitus ejus perit. 375. non debet	Tullum.	705
prolixè & intricate tradi. 768. nec	Turenii sepulcrum.	705
excludit studia philologica & phi-	Turretinus.	764
losophica. 775. est practica. 776.	Turris in Siloam quando corruerit.	
quomodo studium theol. recte in-	226. Argentoratensis. 703. Hei-	
stituendum sit. 776. Theologia	delbergenses. 703. rotunda crassa.	
Dd. non sunt sine tentationibus &	704. altissima in Germania. 723	
adversitatibus.	795. Typographus primus Roma.	746
Vere Theologi. 776. Theologi 3. munia.		
776. 783. Theologi in Acad. Julia		
creati Doctores. 773. Theologorum		
in eadem Academia docentium		
requisita.		
775		
Oictrusia est forma Scriptura sacra.		
376		
Therma Bajenses. 607. Badenses.		
702		
Thomas cur dicatur geminus.		
227.		
Thomas Aquinas.		
319		
Thurificati.		
173		

### V.

Adr. Valesius.	764
Valvelapidea.	603
Aug. Varenus.	763
Venetia. 603. pictura in aula palatii,	
qua dicitur IV. portarum, non a-	
git de legatione Noribergensi. ib.	
Veneti Magistratus ad Noriber-	
genssem epistola de communicatio-	
ne legum suarum tutelarum. 670	

Venu-



# RERVM.

<i>Venustatum Scriptores.</i>	769	<i>Vrim &amp; Thummim quid fuerint,</i>	223
<i>Versailles.</i>	706	<i>Vnus doctrina subiungendus.</i>	776. 777.
<i>Versiones Bibliorum quadam authen-</i>	377. 378	<i>Vua magna Cananaa.</i>	96
<i>tica.</i>		<i>W.</i>	
<i>Vesuvius.</i>	607	<i>Wagenfeilius.</i>	763
<i>Vffelmannus.</i>	773	<i>Tob. Wagner.</i>	763
<i>Via Lotharingica. 705. Schevelingica.</i>		<i>L. B. a Waldstein, civis Academiae</i>	
<i>ib.</i>		<i>Altorfina. 690. non subiit carcerem</i>	
<i>Vicus, in quem a Christo missi 2. di-</i>	226	<i>inferiorem. ib. qua causa eius dis-</i>	
<i>scipuli, quis fuerit.</i>		<i>cessus.</i>	ib.
<i>Vienna Austria.</i>	755	<i>Pet. de Walenburgh.</i>	763
<i>Villa Pompeji, Marii, J. Casaris, G.</i>		<i>Mich. Walther.</i>	773
<i>Calpurnii Pisonis, Hortensii, &amp; Va-</i>	606	<i>Wasmuth.</i>	319
<i>tia.</i>		<i>Frid. Weisius.</i>	773
<i>Vincennes.</i>	379	<i>Philippina Welsera, Archi-Ducis</i>	
<i>Vita aeterna forma nobis in hac vita</i>	439	<i>Austria conjugis, epitaphium. 699</i>	
<i>comprehensibilis.</i>		<i>Henr. Wideburg. 773. Christoph. To-</i>	
<i>Ulma.</i>	703	<i>bias.</i>	ib.
<i>Utrajectum.</i>	700. 702. 704	<i>Wissouvatius.</i>	764
<i>Unicornua.</i>	702	<i>Wolffenbüttelum. Vide, Guelpheby-</i>	
<i>Unio personalis est facta ad constitu-</i>		<i>tum.</i>	
<i>endum unum i quisque. 461. non</i>	458	<i>S. Wolfgangi sepulcrum &amp; effigies. 698</i>	
<i>est naturalis.</i>		<i>Wormatia.</i>	699. 704. 741
<i>Vocales Hebraeae an statim initio fue-</i>	224	<i>Wuttii monumentum.</i>	704
<i>rint adscriptae literis.</i>			
<i>Vocatio ad ministerium ecclesiasticum</i>	580		
<i>non necessaria.</i>		<i>Z.</i>	
<i>Conr. Vorstius.</i>	320.	<i>Zamoscius.</i>	764
<i>Gerh. Joh. Vosius. 320. Isaacus in Scyl-</i>		<i>Zanchius.</i>	320
<i>lam erroris incidit. 301. Samuel.</i>	763	<i>Zelus veritatis divina.</i>	128
<i>Urbes prima an nostris fuerint similes</i>		<i>Zodiaci signorum representatio.</i>	755
	222	<i>Zuvickerus.</i>	764.

86 (O) 86

Nnn nn 3

ERRA-



# ERRATA ET ADDENDA.

Pag.	lin.		Pag.	lin.	
6.	15.	tribuitur. Dreier. in Controv. cum Pontificiis. p. 145.			Gottl. Möller in Observat. philol. septenar. p. 48. Post 676. pone, ad numeros paginarū designandum, 677. 678. 679. 680.
7.	14.	Gen. l. 16.	680.	10.	ejusque
20.	30.	ma deleatur.	701.	31.	exsilire
22.	23.	decedit	706.	11.	Lupara.
24.	15.	ex deleatur		23.	orphanatrophiiis
29.	2.	Brompton	708.	7.	Carentone
47.	ult.	Lucius	710.	16.	Inventis
95.	12.	Despagne	720.	12.	septimo
112.	21.		757.	18.	asservatur
168.	12.	quodam	760.	18.	tremulos
392.	20.	Parckerus	765.	25.	qui & ipsi
	21.	Pithœus	777.	2.	efficit,
487.	10.	jiciamus	784.	23.	Pro-Cancellariatū
554.	15.	Bajer in Comp. 976	790.	2.	respondeant
588.	19.	violandas	796.		DE SITV
601.	14.	sufficiat	797.		ASTRORVM COE-
604.	26.	Parthenope			LESTIVM.
612.	13.	in quibus		20.	cornibus
632.	8.	quarumcunque			DE SITV ASTROR.
659.	21.	adde: sed aliis ful- minatrix videtur dicta fuisse ob ve- locitatem & ardo rē pugnandi. Joh.	800.		COELESTIV M.

## Pro Bibliopecto.

Icones IIX. duobus quaternionis foliis impressi, præfigendi sunt paginae 617.

Für den Buchbinder.

Die unterschiedliche Kupferstücke/ von I. bis IIX. auf einen halben Bogen gedruckt/ gehören vor das 617. Blatt.

46 (0) 20



in  
ilol.  
8.  
ne, ad  
inarū  
677.

hiis

lariatū

COE.


STRIG

M.

PRE.

Salv







205647-117